


ମହତ୍ତ୍ୱ

(ଅଧ୍ୟାୟ ସଂକଳନ)



ବିଶ୍ୱାସୀ ଶ୍ରୀକାନ୍ତୀ ॥ ବଳକାତା-୨

প্রকাশক :
ভারতী দত্ত
বিশ্ববাণী প্রকাশনী
৭৯/১ বি, মহাত্মা গান্ধী রোড
কলিকাতা-৯

প্রথম মুদ্রণ : জ্যৈষ্ঠ, ১৩৬০

মুদ্রাকর :
সুকুমার দে
বাসন্তী প্রেস
১৯এ, ঘোষ লেন
কলিকাতা-৬

উৎসর্গ
শ্রীযুক্ত সন্ন্যাসীবালা সন্ন্যাসী
মহাশয়ান্ন করকমলে—

প্রথম পর্বের সূচীপত্র

বই কেনা	১
কাইরো	৭
পুলিনবিহারী	১১
আহারাদি	১৪
নেতাজী	১৭
রোগক্ষয়-শিকাগাভ	২
ইন্ডিয়াস-শেলি-স্পিটলার	২৭
মোপাসি-চেখফ্-রবীন্দ্রনাথ	৩১
অনুবাদ সাহিত্য	৩৪
‘কলচর’	৩৭
বর্ষা	৪০
প্যারিস	৪৩
আজব শহর কলকোতা	৪৫
কিসের সন্ধানে ?	৪৭
ভক্তি	৫৫
‘আমার ভাগুর আছে তরে’	৫৯
মার্জারনিধন কাব্য	৬৫
বেদে	৭০
ভাষাতত্ত্ব	৭৩
সিনিয়র এপ্রেন্টিস্	৭৬
দাম্পত্য জীবন	৭৯
পঁচিশে বৈশাখ	৮২
তোতা-কাহিনী	৮৫
আছি বিশ্বকর্মা	৮৮
রেফুক্‌সিয়ো আভ্, আবহুডুঁম ।	৯১
উলোরোপে শ্রাবণীয়া দাম্পত্য	৯৫

চরিত্র পরিচয়	১৭
আজা	১০০
ধূপ-ছায়া	১০১
যেশেদিনী	১১৪
কোন্-ভিনারের মা	১১৯
কোদণ্ড মুখহানা	১২৭
মাদ্রাজ উপকণ্ঠের বেলাভূমি	১৫৫
আনিকি পাসিকিভি	১৫৭
বিদেশে	১৬০

দ্বিতীয় পর্বের সূচীপত্র

ঐতিহাসিক উপন্যাস	১
কচ্ছের রাণ	৫
দর্শনাতীত	১০
মা-মেরীর রিন্টওয়াচ	১৪
অনুবাদ সাহিত্য	১৮
বাবুর শাহ্	২২
কেডিনাণ্ট্ জাওয়ারক্রথ	২৫
হিডজিতাই পি মরিস্	৩০
‘আধুনিক’ কবিতা	৩৬
মুখের উপাসনা অনেকা পণ্ডিতের নিদ্রা শ্রেয়ঃ	৪১
আলবেট খোয়াইৎসার	৪৯
মরহুম ওস্তাদ কৈয়াজ খান	৫২
‘পঞ্চাশ বছর ধরে—’	৫৬
ইন্টারভু	৬০
অর্থঃ অর্থঃ	৬৬
‘অস্তাগিও সেই খেলা—’	৭০

সাধিকা	৭৬
আধুনিক	৮০
করাইজ্	৮৩
চোখের জলের লেখক	৮৭
ছাত্র বনাম পুলিশ	৯১
রাসপুতিন	১১০
বিষ্ণুশর্মা	১২৮
বার্লাম ও রোসাকট্	১৩২
রবি-মোহন-এনড্রুজ্	১৩৬
‘ইজরায়েল বিশ্বের প্রবাদ-সত্য রূপে গণ্য হবে’	১৪২
এমেচার ভার্সস স্পেশালিস্ট	১৪৯
মিজোর হেপাজতী	১৫৪
গাডোলশ্চ গাডোল	১৬১
ভাষা	১৬৬
কবিগুরু ও নন্দলাল	১৬৯
খেলেন নই রমাকান্ত	১৭২

বই কেনা

মাছি-মায়া-কেনারী নিয়ে যত ঠাট্টা-রসিকতাই করি না কেন, মাছি ধরা যে কত শক্ত সে কথা পর্যবেক্ষণশীল ব্যক্তিমাত্রই স্বীকার করে নিয়েছেন। মাছিকে যে-দিক দিই ধরতে যান না কেন, সে ঠিক সময় উড়ে যাবেই। কারণ অহুসত্বান করে দেখা গিয়েছে, ছ'টো চোখ নিয়েই মাছির কারবার নয়, তার সমস্ত মাথা জুড়ে নাকি গাঢ়া গাঢ়া চোখ বসানো আছে। আমরা দেখতে পাই শুধু সামনের দিক, কিন্তু মাছির মাথার চতুর্দিকে চক্রাকারে চোখ বসানো আছে বলে সে একই সময়ে সমস্ত পৃথিবীটা দেখতে পায়।

তাই নিয়ে শুশী ও জানী আনাতোল ফ্রাঁস হুঃখ করে বলেছেন, 'হায় আমার মাথার চতুর্দিকে যদি চোখ বসানো থাকতো, তাহলে আচক্রবালবিত্ত এই সুন্দরী ধরণীর সম্পূর্ণ সৌন্দর্য এক সঙ্গেই দেখতে পেতুম।'

কথাটা যে খাঁটি, সে কথা চোখ বন্ধ করে একটুখানি ভেবে নিলেই বোঝা যায়। এবং বুঝে নিয়ে তখন এক আপসোস ছাড়া অন্য কিছু করার থাকে না। কিন্তু এইখানেই ফ্রাঁসের সঙ্গে সাধারণ লোকের তফাৎ। ফ্রাঁস সাহসনা দিয়ে বলেছেন, 'কিন্তু আমার মনের চোখ তো মাত্র একটি কিংবা দুটি নয়। মনের চোখ বাড়ানো-কমানো তো সম্পূর্ণ আমার হাতে। নানা জ্ঞানবিজ্ঞান যতই আমি আয়ত্ত করতে থাকি, ততই এক একটা করে আমার মনের চোখ ফুটে থাকে।'

পৃথিবীর আর সব সত্য জাত যতই চোখের সংখ্যা বাড়াতে ব্যস্ত, আমরা ততই আরব্য-উপজ্ঞাসের এক-চোখা দৈত্যের মত ঘোঁৎ ঘোঁৎ করি আর চোখ বাড়াবার কথা ভুললেই চোখ রাঙাই।

চোখ বাড়াবার পছাটা কি? প্রথমত—বই পড়া, এবং তার অন্ত দরকার বই কেনার প্রযুক্তি।

মনের চোখ কোটানোর আরো একটা প্রয়োজন আছে। বারফ্রীও হালেল

বলেছেন, 'সংসারে জালা-যজ্ঞা এড়াবার প্রধান উপায় হচ্ছে, মনের তিতর আপন ভুবন সৃষ্টি করে নেওয়া এবং বিপদকালে তার তিতর ডুব দেওয়া। যে যত বেশি ভুবন সৃষ্টি করতে পারে, ততযজ্ঞা এড়াবার কমতা তার ততই বেশি হয়।'

অর্থাৎ সাহিত্যে সাধুনা না পেলে দর্শন, দর্শন কুগিরে উঠতে না পারলে ইতিহাস, ইতিহাস হার মানলে ভূগোল—আরো কত কি।

কিন্তু প্রশ্ন, এই অসংখ্য ভুবন সৃষ্টি করি কি প্রকারে ?

বই পড়ে। দেশ ভ্রমণ করে। কিন্তু দেশ ভ্রমণ করার মত সামর্থ্য এবং স্বাস্থ্য সকলের থাকে না, কাজেই শেষ পর্যন্ত বাকি থাকে বই। তাই ভেবেই হয়ত ওমর খৈয়াম বলেছিলেন,—

Here with a loaf of bread
beneath the bough,
A flask of wine, a book of
verse and thou,
Beside me singing in the wilderness
And wilderness is paradise enow.

কিছু মদ কুরিয়ে যাবে, প্রিয়ার কালো চোখ ঘোলাটে হয়ে আসবে, কিন্তু বইখানা অনন্ত-যৌবনা—যদি তেমন বই হয়। তাই বোধ করি খৈয়াম তাঁর বেহেশতের সরঞ্জামের ফিরিস্তি বানাতে গিয়ে কেতাবের কথা ভোলেন নি।

আর খৈয়াম তো ছিলেন মুসলমান। মুসলমানদের পয়লা কেতাব কোরানের সর্বপ্রথম যে বাণী মুহম্মদ সাহেব সুনতে পেয়েছিলেন তাতে আছে 'অল্লামা বিল কলামি' অর্থাৎ আল্লা মাহুধকে জ্ঞান দান করেছেন 'কলামের মাধ্যমে'। আর কলামের আশ্রয় তো পুস্তকে।

বাইবেল শব্দের অর্থ বই—বই par excellence, সর্বশ্রেষ্ঠ পুস্তক—*The Book*.

যে-দেবকে সর্ব মঙ্গলকর্মের প্রারম্ভে বিদ্রহস্তাক্রমে স্মরণ করতে হয়, তিনিই তো আমাদের বিরাটতম গ্রন্থ স্বহস্তে লেখার গুরুভার আপন হৃদয়ে তুলে নিয়েছিলেন। গণপতি 'গণ' অর্থাৎ জনসাধারণের দেবতা। জনগণ যদি পুস্তকের সম্মান করতে না শেখে, তবে তারা দেবদ্রষ্ট হবে।

কিন্তু বাঙালী নাগর ধর্মের কাহিনী শোনে না। তার মুখে ঐ এক কথা 'অত কাঁচা পয়হা কোথায়, বাওরা, যে বই কিনব ?'

কথাটার মধ্যে একটুখানি সত্য—কনিষ্ঠাপরিমাণ—সুকনো রয়েছে। সেইটুকু এই যে, বই কিনতে পয়সা লাগে—বাস্। এর বেশি আর কিছু নয়।

বইয়ের দাম যদি আরো কমানো যায়, তবে আরো অনেক বেশি বই বিক্রি হবে সে বিষয়ে সন্দেহ নেই। তাই যদি প্রকাশককে বলা হয়, 'বইয়ের দাম কমাও', তবে সে বলে 'বই যথেষ্ট পরিমাণে বিক্রি না হলে বইয়ের দাম কমাবো কি করে?'

'কেন মশাই, সংখ্যার দিক দিয়ে দেখতে গেলে বাঙলা পৃথিবীর ছয় অথবা সাত নব্বয়ের ভাষা। এই ধরন ফরাসী ভাষা। এ-ভাষায় বাঙলার তুলনায় ঢের কম লোক কথা কয়। অথচ যুদ্ধের পূর্বে বারো আনা, চৌদ্দ আনা, জোয় পাঁচ দিকে দিয়ে যে-কোন ভাল বই কেনা যেত। আপনারা পারেন না কেন?'

'আজ্ঞে, ফরাসী প্রকাশক নির্ভয়ে যে-কোন ভালো বই এক ঝটকায় বিশ হাজার ছাপাতে পারে। আমাদের নাভিখাস ওঠে দু'হাজার ছাপাতে গেলেই বেশি ছাপিয়ে দেউলে হব নাকি?'

তাই এই অচ্ছেদ্য চক্র। বই সস্তা নয় বলে লোকে বই কেনে না, আর লোকে বই কেনে না বলে বই সস্তা করা যায় না।

এ চক্র ছিন্ন তো করতেই হবে। করবে কে? প্রকাশক না ক্রেতা? প্রকাশকের পক্ষে করা কঠিন, কারণ, ঐ দিয়ে সে পেটের ভাত যোগাড় করে। সে ঝুঁকিটা নিতে নারাজ। এক্সপেরিমেন্ট করতে নারাজ—দেউলে হওয়ার ভয়ে।

কিন্তু বই কিনে কেউ তো কখনো দেউলে হয়নি। বই কেনার বাজেট যদি আপনি তিনগুণও বাড়িয়ে দেন, তবু তো আপনার দেউলে হবার সম্ভাবনা নেই। মাঝখান থেকে আপনি ফ্রান্সের মাছির মত অনেকগুলো চোখ পেয়ে যাবেন, যাদের মত এক গাদা নতুন ভুবন সৃষ্টি করে ফেলবেন।

ভেবে-চিন্তে অগ্র-পশ্চাৎ বিবেচনা করে বই কেনে সংসারী লোক। পাড় পাঠক বই কেনে প্রথমটায় দাঁতমুখ খিচিয়ে, তারপর চেখে চেখে স্থখ করে করে, এবং সর্বশেষ সে কেনে ক্ষ্যাপার মত, এবং চুর হয়ে থাকে তার মধ্যখানে। এই একমাত্র ব্যসন, একমাত্র নেশা যার দরুন সকালবেলা চোখের সামনে সারের সার গোলাপী হাতী দেখতে হয় না, সিতার পচে পটল তুলতে হয় না।

আমি নিজে কি করি? আমি একাধারে producer এবং consumer—তামাকের মিকচার দিয়ে আমি নিজেই সিগারেট বানিয়ে producer এবং সেইটে খেয়ে নিজেই consumer: আরও বুঝিয়ে বলতে হবে? আমি

একখানা বই produce করেছি—কেউ কেনে না বলে আমি consumer.
অর্থাৎ নিজেই মাঝে মাঝে কিনি।

• • •

মার্ক টুয়েনের লাইব্রেরিখানা নাকি দেখবার মত ছিল। যেকো থেকে ছাত্ত
পৰ্বন্ত বই, বই, শুধু বই। এমন কি কার্পেটের উপরও গাঢ়া গাঢ়া বই তুপীকৃত
হয়ে পড়ে থাকত—পা ফেলা ভার। এক বন্ধু তাই মার্ক টুয়েনকে বললেন,
'বইগুলো নষ্ট হচ্ছে ; গোটাকয়েক শেলফ যোগাড় করছ না কেন ?'

মার্ক টুয়েন খানিকক্ষণ মাথা নিচু ক'রে ঘাড় চুলকে বললেন, 'ভাই, বলছো
ঠিকই—কিন্তু লাইব্রেরিটা যে কারদায় গড়ে তুলেছি, শেলফ তো আর সে
কারদায় যোগাড় করতে পারিনি। শেলফ তো আর বন্ধুবান্ধবের কাছ থেকে
ধার চাওয়া যায় না।'

শুধু মার্ক টুয়েনই না, ছুনিয়ার অধিকাংশ লোকই লাইব্রেরি গড়ে তোলে
কিছু বই কিনে ; আর কিছু বই বন্ধুবান্ধবের কাছ থেকে ধার করে ফেরৎ না
দিয়ে। যে-মাত্ত্ব পয়ের জিনিস গলা কেটে ফেললেও ছোবে না সেই লোকই
দেখা যায় বইয়ের বেলা সৰ্বপ্রকার বিবেক-বিবজ্জিত। তার কারণটা কি ?

এক আরব পণ্ডিতের লেখাতে সমস্তটার সমাধান পেলুম।

পণ্ডিত লিখেছেন, 'ধনীরা বলে, পরমা কামানো ছুনিয়াতে সবচেয়ে কঠিন
কর্ম। কিন্তু জানীরা বলেন, না, জানার্জন সবচেয়ে শক্ত কাজ। এখন প্রায়,
কার দাবিটা ঠিক, ধনীরা না জানীর। আমি নিজে জানের সন্ধানে ফিরি,
কাজেই আমার পক্ষে নিরপেক্ষ হওয়া কঠিন। তবে একটা জিনিস আমি লক্ষ্য
করেছি, সেইটে আমি বিচক্ষণ জনের চক্ষুগোচর করতে চাই। ধনীর মেহমতের
ফল হ'ল টাকা। সে ফল যদি কেউ জানীর হাতে তুলে দেয়, তবে তিনি
সেটা পরমানন্দে কাজে লাগান, এবং শুধু তাই নয়, অধিকাংশ সময়েই দেখা
যায়, জানীরা পরমা পেলে খরচ করতে পারেন ধনীদের চেয়ে অনেক ভালো
পথে, তের উত্তম পদ্ধতিতে। পক্ষান্তরে জানচটার ফল সঞ্চিত থাকে পুস্তকরাজিতে
এবং সে ফল ধনীদের হাতে গায়ে পড়ে তুলে ধরলেও তারা তার ব্যবহার করতে
জানেন না—বই পড়তে পারে না।'

আরব পণ্ডিত তাই বক্তব্য শেষ করেছেন কিউ, ই, ডি দিয়ে 'অন্তএব সপ্রমাণ
হল জানার্জন ধনার্জনের চেয়ে মহত্তম।'

তাই প্রকৃত মানুষ জ্ঞানের বাহন পুস্তক যোগাড় করার জন্য অকাতরে অর্থ ব্যয় করে। একমাত্র বাংলা দেশ ছাড়া।

সেদিন তাই নিয়ে শোকপ্রকাশ করাতে আমার জনৈক বন্ধু একটি গল্প বললেন। এক ডুইংকম-বিহারিণী গিয়েছেন বাজারে স্বামীর জন্মদিনের জন্য সপ্তগাত কিনতে। দোকানদার এটা দেখায়, সেটা শোকার, এটা নাড়ে, সেটা কাড়ে, কিন্তু গরবিনী ধনী (উত্তরার্ধে) কিছুই তার মনঃপূত হয় না। সব কিছুই তাঁর স্বামীর ভাণ্ডারে রয়েছে। শেষটার দোকানদার নিরাশ হয়ে বললে, 'তবে একখানা ভাল বই দিলে হয় না?' গরবিনী নাগিকা কুঞ্চিত করে বললেন, 'সেও তো তাঁর একখানা রয়েছে।'

যেমন স্ত্রী তেমনি স্বামী। একখানা বই-ই তাদের পক্ষে যথেষ্ট।

অথচ এই বই জিনিষটার প্রকৃত সম্মান করতে জানে কাল। কাউকে মোক্ষম মারাত্মক অপমান করতে হলেও তারা ঐ জিনিষ দিয়েই করে। মনে করুন আপনার সবচেয়ে ভক্তি-ভালবাসা কেবল কল। তাই যদি কেউ আপনাকে ডাहा বেইজ্জৎ করতে চায়, তবে সে অপমান করবে আপনার দেশকে। নিজের অপমান আপনি হয়ত মনে মনে পকাশ গুণে নিয়ে সরে যাবেন, কিন্তু দেশের অপমান আপনাকে দংশন করবে বহুদিন ধরে।

আম্বে জিদের মেলা বন্ধুবান্ধব ছিলেন—অধিকাংশই নাথকরা লেখক। জিদ রুশিয়া থেকে ফিরে এসে সোভিয়েট রাজ্যের বিরুদ্ধে একখানা প্রাণঘাতী কেতাব ছাড়েন। প্যারিসের স্তালিনীয়ারা তখন লাগল জিদের পিছনে—গালিগালাজ কটুকাটব্য করে জিদের প্রাণ অভিত্ত করে তুললো। কিন্তু আশ্চর্য, জিদের লেখক বন্ধুদের অধিকাংশই চুপ করে সব কিছু শুনে গেলেন, জিদের হয়ে লড়লেন না। জিদের জিগরে জোর চোট লাগল—তিনি স্থির করলেন, এদের একটা শিক্ষা দিতে হবে।

কাগজে বিজ্ঞাপন বেরল। জিদ তাঁর লাইব্রেরিখানা নিলামে বেচে দেবেন বলে মনস্থির করেছেন। প্যারিস খবর শুনে প্রথমটার মুহূর্তে ১০:৭, কিন্তু সন্ধ্যাবেলা মাত্রই মুক্তকণ্ঠ হয়ে ছুটলো নিলাম-খানার দিকে।

সেখানে গিয়ে অবস্থা দেখে সকলেরই চক্ৰস্থির।

যে-সব লেখক জিদের হয়ে লড়েননি, তাঁদের যে-সব বই তাঁরা জিদকে স্বাক্ষর সহ উপহার দিয়েছিলেন, জিদ মাত্র সেগুলোই নিলামে চড়িয়েছেন। জিদ শুধু জগালই বেচে ফেলছেন।

প্যারিসের লোক তখন যে অট্টহাস্ত ছেড়েছিল, সেটা আমি ভূমধ্যসাগরের মধ্যখানে জাহাজে বসে শুনতে পেয়েছিলুম—কারণ খবরটার গুরুত্ব বিবেচনা করে খবরটার সেটা বেতাবে ছড়িয়েছিলেন—জাহাজের টাইপ-করা একশো লাইনি দৈনিক কাগজ নেটা সাড়ম্বরে প্রকাশ করেছিল।

অপমানিত লেখকরা ডবল তিন ডবল দামে আপন আপন বই লোক পাঠিয়ে তড়িঘড়ি কিনিয়ে নিয়েছিলেন—যত কম লোকে কেনা-কাটার খবরটা জানতে পারে ততই মঙ্গল। (বাঙলা দেশে নাকি একবার এরকম টিকি বিক্রি হয়েছিল !)

শুনতে পাই, এঁরা নাকি জিদকে কখনো ক্ষমা করেন নি।

* * *

আর কত বলবো ? বাঙালীর কি চেতনা হবে ?

তাও বুঝতুম, যদি বাঙালীর জ্ঞানভূষণ না থাকতো। আমার বেদনাটা সেইখানে ! বাঙালী যদি হটেনটট হত, তবে কোন দুঃখ ছিল না। এরকম অদ্ভুত সংমিশ্রণ আমি ভূ-ভারতের কোথাও দেখিনি। জ্ঞানভূষণ তার প্রবল, কিন্তু বই কেনার বেলা সে অবলা। আবার কোনো কোনো বেশরম বলে, ‘বাঙালীর পয়সার অভাব।’ বটে ? কোথায় দাঁড়িয়ে বলছে লোকটা এ-কথা ? ফুটবল মাঠের সামনে দাঁড়িয়ে, না সিনেমার টিকিট কাটার ‘কিউ’ থেকে ?

ধাক্ ধাক্। আমাকে খামাখা চটাবেন না। বৃষ্টির দিন। খুশ গল্প লিখব বলে কলম ধরেছিলুম। তাই দ্বিগুণে লেখাটা শেষ করি। গল্পটা সকলেই জানেন, কিন্তু তার গূঢ়ার্থ মাত্র কাল বুঝতে পেরেছি। আরব্যোপন্যাসের গল্প।

এক রাজা তাঁর হেঁকিমের একখানা বই কিছুতেই বাগাতে না পেয়ে তাঁকে খুন করেন। বই হস্তগত হল। রাজা বাহুজ্ঞান হারিয়ে বইখানা পড়ছেন। কিন্তু পাতায় পাতায় এমনি জুড়ে গিয়েছে যে, রাজা বার বার আঙুল দিয়ে মুখ থেকে থুথু নিয়ে জোড়া ছাড়িয়ে পাতা উন্টোচ্ছেন। এদিকে হেঁকিম আপন মৃত্যুর জন্ত তৈরি ছিলেন বলে প্রতিশোধের ব্যবস্থাও করে গিয়েছিলেন। তিনি পাতায় পাতায় কোণের দিকে মাথিয়ে রেখেছিলেন মারাত্মক বিষ। রাজার আঙুল সেই বিষ মেখে নিয়ে যাচ্ছে মুখে।

রাজাকে এই প্রতিহিংসার খবরটিও হেঁকিম রেখে গিয়েছিলেন কেতাবের শেষ পাতায়। সেইটে পড়ার সঙ্গে সঙ্গে রাজা বিষবাণের ঘারে চলে পড়লেন।

বাঙালীর বই কেনার প্রতি বৈরাগ্য দেখে মনে হয়, সে যেন গল্পটা জানে, আর মরার ভয়ে বই কেনা, বই পড়া ছেড়ে দিয়েছে।

কাইরো

কাইরো যাওয়ার জন্য আলাদা করে কাঠখড় পোড়াবার প্রয়োজন হয় না। ইরোরোপ যাবার সময় জাহাজ স্থরেক বন্দরে থামে। সেখানে নেবে সোজা কাইরো চলে যাবেন। এদিকে আপনার জাহাজ অতি ধীরে মন্বরে স্থরেক খালের ভিতর দিয়ে পোর্ট সহদের দিকে রওয়ানা হবে। খালের দুদিকে বালুর পাড় যাতে ভেঙে গিয়ে খালটাকে বন্ধ না করে দেয়, তার জন্য কড়া আইন, জাহাজ যেন গরুর গাড়ির গতিতে এগোয়। কাজেই জাহাজ সহদ বন্দর পৌছতে না পৌছতে আপনি কাইরোতে চুঁ মেয়ে ট্রেনে করে, সেই সহদ বন্দরেই পৌছে যাবেন। সেই জাহাজেই চেপে, সেই কেবিনেই শুয়ে ইরোরোপ চলে যাবেন—ফালতো কোনো খরচা লাগবে না।

অবশ্য তাতে করে কাইরোর মত শহরের কিছুই দেখা হয় না...আর কাইরোতে দেখবার মত জিনিস আছে বিস্তর। পিরামিড দেখা হয়ে যাবে নিশ্চয়ই, এইটুকু যা মাখনা। জাহাজের অনেকেই আপনাকে বলবেন, ফটো দশেকের জন্য কাইরোতে গুরুমথারা চুঁ মেয়ে বিশেষ কোন মত্যা নেই। আমারও সেই মত ; কিন্তু তবু যে যেতে বলছি তার কারণ যদি আপনার পছন্দ হয়ে যায়, তবে হয়ত বিলেত থেকে কেয়ার মুখে ফের কাইরোতে নেবে চুঁচার মণ্ডাহ কাটিয়ে আসতে পারেন। ইরোরোপে তো দেখবেন কুলে এক ইরোরোপীর মত্যাতা (ফরাসী, জর্মন, ইংরেজ যত তফাৎই থাক না কেন, তবু তো তারা আপোলে একটা মত্যাতাই গড়ে তুলছে), আর দেখছেন ভারতীয় মত্যাতা—তার উপর যদি আরেক ুতীয় মত্যাতার সঙ্গে মোকাবেলা হয়ে যায়, তবে তাতে নিশ্চয়ই বিস্তর মত্যা।

আমার লেগেছিল কাইরো দেখতে পাকা একটি বছর। অতদিন আপনি থাকবেন না সে আমি জানি। আপনার অতটা সময় লাগবে না—সে কথাও জানি। কারণ আমি কাটিয়েছিলুম প্রথম ছ'টি মাস শুধু আড্ডা মেয়ে মেয়ে—

বাড়ির ছাতের উপর থেকে পিরামিড স্পষ্ট দেখা যায়, ট্রানে করে হাশ করে সেখানে যেতে কোনোই বাধা নেই, পূর্ণিমার আবার ইম্পিশনল সার্ভিস, তৎসঙ্গেও ছ'টি মাস কেটে গেল এ-কাফে ও-কাফে করে করে, পিরামিড দেখার ফুরসৎ আর হয়ে ওঠে না। বছুরা কেউ সিজেন করলে দীর্ঘনিশ্বাস ফেলে বলতুম, 'সবই লগাটক লিখন। কলকাতায় দশ বছর কাটিলে 'গঙ্গাস্তান' যখন হয়ে ওঠেনি, তখন বাবা-পিরামিড দর্শন কি আমার কপালে আছে?' (আসল কারণটা চুপে চুপে বলি; —এক গাঙ্গা পাথর দেখায় যে কি তত্ত্ব তা আমি পিরামিড দেখার আগে এক পরে কোনো অবস্থাতেই ঠিক ঠাহর করে উঠতে পারিনি)।

সে কথা থাক; সত্যতা, পিরামিড এ-সব জিনিস নিয়ে অল্প জায়গায় পাণ্ডিত্য ফলাব। 'বহুমতী'র পাঠকরা এতদিনে আমাকে বিলক্ষণ চিনে গিয়েছেন, আমার মুখে পাণ্ডিত্যের কথা শুনে ঠা ঠা করে হেসে উঠবেন। তাই সেই আড্ডাতেই ফিরে যাই।

আমি ভালোবাসি হেদো, হাতীবাগান, শ্রামবাজার। ও-সব জায়গায় তাজমহল নেই, পিরামিড নেই। তাতে আমার বিন্দুমাত্র খেদও নেই। আমি ভালোবাসি আমার পাড়ার চারের দোকানটি। সেখানে সকাল-সন্ধ্যা হাজিরা দিই, পাড়ার পটলা, হাবুল আসে, সবাই মিলে বিড়ি ফুঁকে গুটিস্থ অল্পভব করি আর উজির-নাজির মারি। আমার যা কিছু জ্ঞান-গম্বি তা ঐ আড্ডারই বাড়তি-পড়তি মাল কুড়িয়ে নিয়ে।

তাই যখন কপালের গর্দিশে কাইরোতে বাসা বাঁধতে হল, তখন আড্ডা-ভাবে তিনদিনেই আমার নাশিখাস উপস্থিত হল। ছরের মত শহরময় ঘুরে বেড়াই আর পটলা-হাবুল-বসন্ত-বেস্টুরেন্টের জন্য সাহায্যের উষ্ণ নিশ্বাসের সঙ্গে আপন দীর্ঘ নিশ্বাস মেসাই। এমন সময় সঙ্গুর কুপায় একটা জিনিস লক্ষ্য করলুম—পাড়ার কফিখানাতে রোজই দেখতে পাই গোটা পাঁচেক লোক বসন্ত-বেস্টুরেন্টেরই মত চেঁচামেচি কাজিরা-বগড়া করে আর এস্তার কফি খায়, বিস্তর সিগারেট পোড়ায়।

দিন তিনেক জিনিসটা লক্ষ্য করলুম, কখনো কফিখানায় বসে, কখনো ফুটপাথে দাঁড়িয়ে। নূতন শহরের সব কিছুই গোড়ার দিকে স্বয়-রিয়াগিস্টিক ছবির মতো এলোপাতাড়ি ধরনের মনে হয়। অর্থ খাড়া হতে হতে কয়েকদিন কেটে যায়। যখন ব্যাপারটা বুঝতে পারলুম তখন আয়েজ করলুম, আমাদের বসন্ত-বেস্টুরেন্টের

।।।। যখন গুরুচণ্ডাল সকলের জন্যই অবান্তরিত্যায়, তখন এরাই বা আমাকে

ব্রাত্য করে রাখবে কেন ? হিন্দু করে তাদের চেবিলের পাশে গিয়ে বললুম আর করণ নয়নে তাদের দিকে মাঝে মাঝে তাকালুম। শকুন্তলার হরিণও বুকি গুরুমথারা তাকাতে পারত না।

হাওয়াই ধরলো। এক ছোকরা এসে অভিশয় বিনয়ের সঙ্গে আমার পরিচয় নিল এক জানালো তাদের আড়ায় বিস্তর সীট ভেকেন্ট, আমি যদি ইত্যাছি। আমাকে তখন আর পার কে ? ভাঙা ফরাগী, টুটাফুটা আরবী, শিঙ্গিন্ ইংরিঙ্গী সব জড়িয়েমড়িয়ে ছুমিনিটের ভিতরেই তাঁদের সবাইকে বসন্ত-বেস্টুয়েণ্টে নেমন্তন্ন করলুম, পটলা-হাবলুর ঠিকানা দিলুম, বসন্ত যে ভেজাল তেল আর পচা হাঁসের ডিম দিয়ে খাসা মামলেট বানায় তার বর্ণনা দিতেও ভুললুম না।

কিন্তু কোথায় লাগে আমাদের আড্ডা কাইরোর আড্ডার কাছে ? বাঙালী-আড্ডার সব কটা স্থখ কাইরোর আড্ডাতে তো আছেই ; তার উপর আরেকটা মস্ত স্থবিধার কথা এই বেলা বলি, যার জন্ত এতক্ষণ ধরে ভূমিকা দিলুম।

ছুনিয়ার যত ফেরিওলা কাইরোর কাফেতে চকর মেয়ে যায়। টুখব্রাশ, সাবান, মোজা, আরশি, চিরুনি, নোটবুক, পেন্সিল, তালচাচি, ফাউণ্টেন পেন, ঘড়ি—হেন বস্ত নেই যা ফেরিওলা নিয়ে আসে না। আমি জানি, আপনি সহজে বিশ্বাস করবেন না, কিন্তু ধর্মসাক্ষী, দর্জি পর্যন্ত বস্তা বস্তা কাপড় মুটের ঘাড়ে চাপিয়ে কাফের ভিতর চকর মেয়ে যায়। কাইরোর লোক দোকানে যেতে ভালোবাসে না। তাতে নাকি সময় নষ্ট হয়, আর দোকানী একা পেয়ে আপনাকে ঠকাবেও নিশ্চয়। আড্ডাতে বন্ধু-বান্ধব রয়েছেন। পাঁচজনে মিলে বরফ ফেরিওয়ালাকে ঘায়েল করার সম্ভাবনা অনেক বেশি।

একপ্রস্থ স্ট বানাবার বাসনা ছিল। আড্ডাতে সেটা সবিনয় নিবেদন করলুম। পাশ দিয়ে দর্জি যাচ্ছিল—ডাক দিতে সবাই 'হাঁ হাঁ, করো কি করো কি !' বলে বাধা দিলেন। 'ও ব্যাটা স্ট বানাবার কি জানে ? প্রান্তিরাস আস্থক। গ্রীক বটে, ঠকাবার চেষ্টা করবে, কিন্তু আমরাও তো পাঁচজন আছি। ও কাপড় আনে ঠকিয়ে, কাষ্টম না দিয়ে। আমরা ওকে ঠকাতে পারলে টাকার আট আনা লাভ। ঠকলে দু'আনা লাভ, অথবা কুইট্‌স্।' তারপর আড্ডা আমার বুকিয়ে বলল, যে স্ট বানাতে চায় সে যেন বর। তার কথা কওয়া ভালো দেখায় না। সে কনেপকের প্যাচে পড়ে বানচাল হয়ে যাবে, গয়নাগুলো যাচাই না করে নিয়ে ফেলে আথেরে পস্তাবে।

প্রান্তিরাস এস। তারপর বাপরে বাপ ! সে কী অসম্ভব দরদস্তর, রকাবকি,

—শেষটার হাতাহাতির উপক্রম। আড্ডা বলে, ‘ব্যাটা তুমি ছুনিরা ঠকিয়ে খাও, তোমাকে পুলিশে দেব।’ প্রান্তিরাস বলে, ‘ও দামে স্ট বানায়ে আমাকে আপন পাতসুন বন্ধক দিয়ে কাচ্চা-বাচ্চাৰ জন্ত আণ্ডাকটি কিনতে হবে।’

পাকা তিনঘণ্টা লড়াই চলেছিল। এর ভিতর প্রান্তিরাস তিনবার রাগ করে কাপড়ের বস্তা নিয়ে চলে গেল, তিনবার ফিরে এল। আড্ডাও দল বাড়াবার জন্ত কাফের ছোকরাকে পাঠিয়ে আমাদের গ্রীক সভ্য পাউলুসকে ডেকে আনিয়েছে। তখন লাগল গ্রীকে গ্রীকে লড়াই। স্ট-এটেন্ নিয়ে হিটলার চেয়ারলেনে এর চেয়ে বেশি দর-কষাকষি নিশ্চয়ই হয়নি। যখন যকারফি হল তখন রাত এগারোটা। আমি বাড়ি ফিরে শুয়ে পড়েছিলুম— আড্ডা তাতে আপত্তি জানায়নি, বরের উপস্থিতি অপরিহার্য নয়। কাফের ছোকরা আমাকে বিছানা থেকে টেনে নিয়ে গেল। মাপ দেওয়া হল। তিন দিন বাদে পয়লা ট্রায়েল—অবশ্য কাফেতেই।

তিন দিন বাদে আড্ডা ফুল স্ট্রেন্থে হাজির। আমি কাফের পিছনের কামরার গিরে নতুন স্ট পরে বেরিয়ে এলুম। সর্বত্র চকের দাগ আর তাঁতী-বাড়ির মত আমার সর্বাঙ্গ থেকে স্মৃতি ঝুলছে। স্টের চেহারা দেখে সবাই টেঁচিয়ে উঠলেন, ‘মার লাগাও ব্যাটা প্রান্তিরাসকে ; এ কি স্ট বানিয়েছে না মৌলবী সাহেবের জোকা কেটেছে ? ও কি পাতসুন না চিমনির চোড়া ? প্রান্তিরাস দর্জি না হাজাম ?’ ইত্যাদি সর্বপ্রকারের কটুকাটব্য। প্রান্তিরাসও হেঁকে বলল, সে স্বয়ং বাদশার স্ট বানায়। সবাই বললে, ‘কোন্ বাদশা ? সাহায্য ?’

তারপর এ বলে আস্তিন কাটো, ও বলে কলার ছাঁটো। কেউ বলে পাতসুন নাখাও, কেউ বলে কোট তোলা। প্রান্তিরাসও পয়লা নখরের ঘড়ি—সকলের কথায় কান দেয় আবার কারো কথায় কান দেয়ও না, অর্থাৎ যা ভালো বোঝে তাই করে।

এই করে করে কাফেতে আড্ডা জমানোর সঙ্গে সঙ্গে তিনটে ট্রায়েল পেরলুম। স্ট তৈরি হল। আমি সেইটে পরে বরের মত লাজুক হাসি হেলে সবাইকে সেলাম করলুম। স্ট দীর্ঘজীবী হোক বলে সবাই আশীর্বাদ করলেন। কাফের মালিক পর্বস্ত আমাদের পরবে শামিল হল। আমি সবাইকে একপ্রহ কফি খাওয়ালুম। সে-স্ট পরে আজও যখন কার্পোতে যাই গুলীয়া তারিফ করেন।

দিনবিহারা

ছেলেবেলায় যে-রকম গলাজল ঠেলে ঠেলে খাল পেরতুম, ঠিক সেই রকম পূবের হাওয়া ঠেলে ঠেলে সমুদ্রপারে পৌঁছতে হল।

অন্য দিন সমুদ্র থেকে থেকে এক একখানা করে চেউ পাঠায়। সে অনেক দূর থেকে পায়তারা কবে কবে দড়ি পাকিয়ে পাকিয়ে কোমর বেঁধে শেবটার পাড়ে এসে আছাড় খায়। আজ বিশাল আয়োজন। এক সঙ্গে অনেকগুলো পালোয়ান, একজনের পিছনে আরেকজন পায়তারা কবে কবে আসছে। তারপর পাড়ে এসে ছটোপুটি—দোক্ত-হুশমনের সনাক্ত হওয়ার গোলমালে আপোলে হানাহানি। শেবটার কোলাকুলিতে মিলে গিয়ে ছোট ছোট দ'রে মনে যাওয়া।

সমস্ত আকাশ জুড়ে হেঁড়া হেঁড়া রঙিন মেঘ—এলোমেলো যেন আর্টিস্টের পেলেটে, এলোপাতাড়ি হেথা হোথার এষড়ো-খেবড়ো রঙ। কিন্তু তবু সবসুদ্ধ মিলে গিয়ে যেন কেমন একটা নামকরণ করেছে—মনে হয় না, অঙ্গলবঙ্গ করলে কিছু ফেরফার হবে।

বসেছিলুম জলের আর জেলেশাড়ার মাঝখানে। পিছনে নারকেল বন—তাতে আঙুন লাগিয়ে নৃষ প্রচণ্ড মহিমার অন্ত গেলেন—গরবিনীর সতীদাহ। সমুদ্রের গর্জন আর চেউরে ভেসে আসা পোনা মাছ, লুহ কাকের কর্কশ চিংকার, নারকেল গাছের উকোখুকো মাথার অবিখ্যাত আছাড় খাওয়া—অশান্তির চরম আয়োজন।

তাই বোধ করি একটি জেলে-ভিড়িও জলে নামেনি। লম্বা সারি বেঁধে কাৎ হয়ে পড়ে আছে ডাকার, যেন ভিসেকশান টেবিলে সারি সারি মড়া। সমস্ত তীরে মাত্র দু'টি জেলে নৃতো কলে গভীর বৈর্বে মাছ ধরার চেঁচাতে আছে। জোয়ারের জোর চৌপ ধুরে নিয়ে যার কপে কপে, নূজন চৌপ লাজতে হয়—তবু তাদের বৈর্বে অসীম। বাহুবাকি ছেলেবুড়ো বালুপাড়ে বসে আছে—এত মেহন্নত করে লাভ নগণ্য।

অন্ধকার নামল অতি ধীরে ধীরে। পাটয়ানী তো চিত্তের উঠলেন লাল টক টক হয়ে! আকাশ সিঁহুর মুহলেন অতি অনিচ্চার—এ-মেঘে ও-মেঘে হাত বুনিয়ে

বুলিয়ে। সকলের শেষ পাশা জল লাল-নীলে বেশা বেগুনি ঝিলিকটুকু মুছে ফেলে আস্তে আস্তে খাওয়া সবুজ হলেন।

কোনদিন আবার রঙের রাজা মাজ তিনটি রঙ নিয়ে খেলার বলেন। সমুদ্র আর পূর্বের আকাশকে দেন কালো নীল, পশ্চিম আকাশকে একটুখানি গোলাপী আর মাঝার উপর বাকি সমস্ত আকাশ পার ফিকে ফিরোজা। যতক্ষণ না কালো পয়কার সব কিছু ঢাকা পড়ে যায়, ততক্ষণ শুধু এই তিন রঙের ফিকে ঘন'র খেলা। তাতে কতই না কারচুপি। এদিকে কালো-নীল যত ঘনিরে ঘনিরে নীলের বেশ কমাতে লাগল, ওদিকে তেমনি গোলাপী ফিকে হতে হতে শিরিষ রঙের আমেজ নিতে আরম্ভ করল। মাঝখানের আকাশ ফিরোজাতে খেত-চন্দনের প্রলেপ লাগিয়েই যাচ্ছে। এ যেন তিন স্বর নিয়ে খেলা। আর তবলাও ঠিক বাঁধা। পশ্চিমের আকাশ যদি দ্রুত লয়ে রঙ বদলান তবে পূর্বও সঙ্গে সঙ্গে পাশা দিয়ে ভাল রাখেন। আর সমুদ্রের গর্জনে যেন তানপুরার আমেজ।

সময়ে এসে যখন পূর্ব-পশ্চিম মিলে গেল অন্ধকারে, তখন তানপুরার বেশটুকুমাত্র রইল সাগরপারে। মশালটি এসে আসমানের ফরাশে এখানে-ওখানে তারার মোমবাতি জ্বালিয়ে রেখে গেল। এবার রাত্রির মূশায়েরা (কবি সঙ্গম) বসবে। নারকেল মাথা দোলাবে, ঝিঁঝি নূপুর বাজিয়ে নাচবে, পূর্বের বাতাস সস্তার সর্বাঙ্গে গোলাপজল ছিটিয়ে ঠাণ্ডা করে যাবে। তারপর দূর সাগরের ওপারে লাল মদের ভাঁড় থেকে মাতাল চাঁদ উঠবেন ধীরে ধীরে গা চেনে চেনে, একটুখানি কাৎ হয়ে। মে'সাহেবদের মুখে হাসি ফুটবে—অন্ধকারে যারা গা-ঢাকা দিয়ে বসেছিল, তাদের সবাইকে তখন চেনা যাবে।

* * *

সমুদ্রপারে, নীল গম্বুজের তলে, বিশ্বসংসারের ঠিক মাঝখানে যখন বসি তখন মনে হয়, যেন সার্কাসের গোল তাঁবুর মাঝখানে আমাকে কে যেন বসিয়ে দিয়েছে আর চতুর্দিকে গাঙ্গারিতে লাল হলদে সোনালি মেঘের পাল অপেক্ষা করছে আমি কখন বীহর-নাচ আরম্ভ করব।

ভারি অস্থিতি বোধ হয়।

এই সব রঙচঙা মেঘের দস অত্যন্ত অস্তর চার-আনী দর্শক।

হঠাৎ একজন যেন হেসে হেসে লাল হয়ে কেটে পড়ার যোগাড় করে পাশের আরেক চার-আনীকে কি বলে। সেও তখন লাল হয়ে উঠে তার পাশের জনকে সে কথা বলে—দেখতে দেখতে দেখতে সমস্ত তাঁবুর সবাই লাল হয়ে ওঠে। ঘেদিকে তাকাই মেদিকেই হাসির লুটোপুটি।

লুকোবার আয়গা নেই ।

বাড়ির দিকে রওয়ানা দিলুম বিরক্ত হয়ে ।

কিন্তু তবু সেই মাঝখানেই । তবু যেন তার চার-আনীর দৃশ্যকে সঙ্গে নিয়ে আমারই চতুর্দিকে ঠিক তেমনি ঘিরে দাঁড়াতে চায় ।

বিশ্বসংসার আমাকে বাঁধন-নাচ না নাচিয়ে ছাড়বে না !

* * *

ছ'জোড়া কপোত-কপোতী নিত্যা নিত্যা দেখতে পাই । একে অন্যকে পেয়েই তারা খুশি । সে খুশি তাদের বসাতে, চলাতে, তাদের হাত-পা নাড়া-চাড়াতে যেন উপছে পড়ে । এক জোড়া সমুদ্রের পারে পারে পা-চারী করে—ছেলেটা যেমন ছ'ফুট ঢ্যাঙা, মেয়েটিও তেমনি পাঁচ ফুটের কমতি । ছেলেটার কর্ম, মেয়েটার ছুই জুতো এক ক্ষিতেতে বেঁধে কড়ে আঙ্গুলে ঝুলিয়ে দোলাতে দোলাতে লম্বা লম্বা পা ফেলে এগিয়ে চলা ; মেয়েটা শুধু-পায়ের ভিজে বাগির উপর দিয়ে চড়ুই পাখির মত লাফ দিয়ে দিয়ে নেচে যায়—টেউ তাড়া করে এলে লাফ দিয়ে এক পাশে সরে যায়, চলে গেলে বেঁকে গিয়ে জলের দিকে এগোয় । খাটো করে পরা ফ্রক, পা ছ'টি স্বভোল ঘন শ্রামবর্ণ । কথাবার্তা কখনো কইতে শুনিনি—একে অন্যের দিকে তাকায় পর্যন্ত না । এগুতে এগুতে তারা আভাষার পর্যন্ত চলে যায়, তবু দূর থেকেও তাদের চেনা যায়—ঢ্যাঙা আর বেঁটে । ঢ্যাঙা না ফ-বরাবর সোজা চলেছে, মেয়েটি একে বেঁকে ।

আরেক জোড়া সমস্তক্ষণ বসে থাকে ভাঙায়-তোলা একটা নৌকোর আড়ালে কুণ্ডলী-পাকানো জালের বস্তায় হেলান দিয়ে । সমুদ্রের দিকে তাকায় না, পিছনের সূর্যাস্তও আগের বস্তায় ঢাকা পড়ে । সমস্তক্ষণ গুজুর গুজুর । কখনো খুব পাশাপাশি ঘেসে বসে, ছেলেটা মেয়েটির কোলে হাত রেখে, কখনো দেখি মেয়েটির হাত ছেলেটির কোমর জড়িয়ে । বেড়ায় না, ভাইনে-বায়ে তাকায় না । রাত ঘনিয়ে এলে একই সাইকেল চড়ে উত্তর দিকে চলে যায় ।

* * *

দূর থেকে রোষে-ক্রোধে তর্জন-গর্জনে আকাশ-বাতাস প্রকম্পিত করে সিঁদুপারে লুটিয়ে পড়ে অবশেষে এ কী বিগলিত আত্মনিবেদন !

তাণ্ডবের ডমক-বাঁজিয়ে, ছিন্নমস্তার আত্মঘাতে নিজেকে বারে বারে বিখণ্ডিত করে, পাড়ে এসে অবশেষে লক্ষ্য কিঙ্কিণীর এ কী বৃহ শান্ত নৃপুত্র-ওজয়ন !

সূর্যোদয়ের লোহিতোজ্বল বস্ত-টিপ, ষিপ্রহরের অতি ঘন নীলাধরি, সিঁদুপারে বৃহপদসংকারণ !!

আর আপনার বন্ধু যদি ন'সিকে গুলী মনে এবং সেই গুলানের সঙ্গে খেতে ফেন 'ইতালিয়ান রিসোস্তো', তাহলে আপনাকে হাতি দিয়ে বেঁধেও সেই রেস্টোরান্ট থেকে বের করা যাবে না। ইংল্যান্ডের বাকী ক'টা দিন আপনি সেই রেস্টোরান্টের টেবিল বেড়ালছানার মত আকড়ে ধরে পড়ে থাকতে চাইবেন। কারণ বহুকাল যাবনিক আহারাদির পর মাংসের ঝোল আর কুটি মুখরোচক বটে, কিন্তু তার সঙ্গে কি পোলাও আর মাংসের ঝোলের তুলনা হয়? ঘড়েল পাঠক নিশ্চয়ই এতক্ষণে ধরে ফেলেছেন যে, 'ইতালিয়ান রিসোস্তো' মানে পোলাও, তবে ঠিক, ভারতীয় পোলাও নয়। কোণ্ডা-পোলাওয়ের কোণ্ডাগুলোকে যদি ছোট ছোট টুকরো করে পোলাওয়ে মিশিয়ে দেওয়া হয়, তবে তাই হবে রিসোস্তো।

অথবা মনে করুন, দেশে ফেরার সময় আপনি একদিনের ভরে কাইরোতে ছুঁ মেয়ে এলেন। কিছু কঠিন কর্ম নয়। পোর্ট সহজে জাহাজ থেকে নেমে ফ্রেনে কাইরো, সেখানে ঘণ্টা বারো কাটিয়ে মোটরে করে সুয়েজ বন্দরে পৌঁছে ফের সেই জাহাজই ধরা যায়—কারণ জাহাজ সুয়েজ খাল পেরোয় অতি ধীরে ধীরে।

কাইরোতে খেলেন মিশরী রান্না! চাক্তি চাক্তি মাংস খেতে দিল, মধ্যখানে ছাঁদা। দাঁতের তলায় ক্যাচ ক্যাচ করে বটে, কিন্তু সোওয়ারদ খাসা। খাচ্ছেন আর ভাবছেন বস্তুটা কি, কিন্তু কোন হৃদিস পাচ্ছেন না। হঠাৎ মনে পড়ে যাবে, খেয়েছি বটে আমজাদিয়ায় এইরকম ধারা জিনিস—শিককাবাব তার নাম! তবে মসলা দেবার বেলা কঞ্জুসী করেছে বলে ঠিক শিককাবাবের সুখটা পেলেন না।

এতক্ষণে আপনার শাস্ত্রাধিকার হল। এই যে মসলার তত্ত্বটা আবিষ্কার করতে পেরেছেন, এরই খেই ধরে আপনি রান্নার শ্রেণী বিভাগ নিজেই করে ফেলতে পারবেন।

পৃথিবীতে কুলে দুই রকমে রান্না হয়। মসলাযুক্ত এবং মসলাবর্জিত। মসলা জন্মে প্রধানত ভারতবর্ষে, জাভায়, মালয়ে। ইয়োরোপে মসলা হয় না। তাই ইয়োরোপীয় রান্না সাধারণত মসলাবর্জিত।

এবার ঈষৎ ইতিহাসের প্রয়োজন। তুর্ক পাঠানরা যখন এদেশে আসে তখন পশ্চিম এবং উত্তর ভারত নিরামিষ খেত। তুর্ক পাঠানরা মাংস খেত বটে, কিন্তু সে রান্নায় মসলা থাকত না। তুর্ক-পাঠান-মোগলরা যে রকম ভারতবর্ষের অলঙ্কার কারুকার্যের সঙ্গে তুর্কিস্থানী ইরানী স্থাপত্য মিলিয়ে তাজমহল

আহারাদি

যে লোক উদ্ভিদতত্ত্ব জানে না, সে দেশী-বিদেশী যে কোন গাছ দেখলেই মনে করে, এও বুঝি এক সম্পূর্ণ নতুন গাছ। তখন নতুন গাছের সঙ্গে তার চেনা কোনো গাছের কিছুটা মিল সে যদি দেখতে পায় তবে অবাক হয়ে ভাবে, এই চেনা-অচেনায় মেশানো গাছের কি অস্ত নেই। কিন্তু শুনেছি, উদ্ভিদবিজ্ঞা নাকি পৃথিবীর বেবাক গাছকে এমন কতকগুলো শ্রেণীতে ভাগ করে ফেলেছে যে, নতুন কোনো গাছ দেখলে তাকে নাকি কোনো একটা শ্রেণীতে ফেলে নামকরণ পর্যন্ত করা যায়। আশ্চর্য নয়, কারণ ধ্বনির বেলা তো তাই দেখতে পাচ্ছি। ইংরিজী শুনে মনে হয় যে, এই বিকট ভাষা স্বরব্যঞ্জন বুঝি অস্ত নেই। কিন্তু ডেনিয়েল জোনস্‌ এক পূর্বাচার্যগণ এমনি উত্তম শ্রেণীবিভাগ করে ফেলেছেন যে, আজ আমরা বাপঠাকুরদার চেয়ে বহু কম মেহম্মতে ইংরিজী উচ্চারণ শিখতে পারি।

আহারাদির বেলাও তাই। আপনার হয়ত কোনো কাবুলীওয়ালার সঙ্গে মিতালি হল। সে আপনাকে দাওয়াতে করে খাওয়াল। প্রথমটায় আপনি হয়ত ভেবেছিলেন যে, হাতুড়ি বাটালি সঙ্গে নিয়ে যেতে হবে। গিয়ে দেখেন, খেতে দিল তোফা পোলাও আর খাসা মুর্গীর ঝোল। তবে ঠিক জাকারিয়া স্ট্রীটের মত রান্না নয়, কলকাতাবাসী পশ্চিমা মুসল। যে রকম রান্না করে ঠিক সে-রকম নয়। কেমন যেন একটুখানি আলাদা, কিন্তু খেতে উম্মদ।

অথবা মনে করুন আপনাকে প্যারিসের কোনো রেস্টোরাঁয় আপনার ভারতীয় বন্ধু 'হাঙ্গেরিয়ান গুলাশ' খেতে দিলেন। হয়ত আপনি ইয়োরোপে এসেছেন মাত্র কয়েকমাস হল—নানা প্রকার যাবনিক খাদ্য খেয়ে খেয়ে আপনার পিষ্টি (উভয়ার্থে) চটে আছে। তখন সেই 'গুলাশ' দেখে আপনি উদ্বাহ হয়ে নৃত্য করবেন। সেই রাতেই আপনি গিন্নীকে চিঠি লিখলেন, 'বহুকাল পরে মাংসের ঝোল খেয়ে বিমলানন্দ উপভোগ করলুম।' কারণ 'হাঙ্গেরিয়ান গুলাশ' আর সাদা-মাটা মাংসের ঝোলে কোনো তফাৎ নেই।

বানালো, ঠিক সেইরকম ভারতীয় মসলার সঙ্গে তাদের মাংস রান্নার কায়দা মিলিয়ে এক অপূর্ব রান্নার সৃষ্টি করল। আপনারা তাজমহল দেখে ‘আহা আহা’ করেন, আমি করি না। কারণ তাজমহল চিবিয়ে খাওয়া যায় না আর খাস মোগলাই রান্না পেলেই আমি খাই এবং খেয়ে ‘জিন্দাবাদ বাবুর-আকবর’ বলি—যদিও তাঁরা বহুকাল হল এ জিন্দেগীর খাওয়াদাওয়া শেষ করে চলে গিয়েছেন।

এই ‘মোগলাই’ রান্না ক্রমে ক্রমে ভারতবর্ষের তাবৎ মাংস-খেকোদের ভিতর ছড়িয়ে পড়ে। (বাঙালী আর দ্রাবিড়ের কথা আলাদা; এরা মাংস খায় কম, আর খাস মোগল-পাঠানের সংস্পর্শে এসেছে তারও কম। পিয়ালী ঠাকুরবাড়ি ব্যত্যয়, তাঁরা মোগলের সঙ্গে খানিকটা মিশেছিলেন বলে তাঁদের রান্নায় বেশ মোগলাই খুশবাই পাওয়া যায়।) এমন কি মোগলের দুশমন রাজপুত মারাঠারা পর্যন্ত মোগলাই খেতে আরম্ভ করল। এখনো রাজপুতানা, বরোদা, কোল্‌হাপুর রাজ্যের সরকারী অতিথিশালায় উঠলে বাবুঁচি প্রথম দিনই শুধায় ‘মোগলাই’ না নিরামিষ থাকেন। আমার উপদেশ—মোগলাইটাই থাকেন—তাতে করে পরজন্মে অজ্ঞ শিশু হয়ে জন্মালেও আপত্তি নেই।

মোগল-পাঠানরা এই রান্না আফগানিস্থান-তুর্কীস্থানে প্রচলিত করল। আন্তে আন্তে সেই রান্নাই তাবৎ মধ্য-প্রাচ্য ছেয়ে ফেলল! তবে যত পশ্চিম পানে যাবেন, ততই মসলার মেকদার কমে আসবে। অর্থনীতিতে নিশ্চয়ই পড়েছেন, উৎপত্তিস্থল থেকে কোন বস্তু যত দূরে যাবে ততই তার দাম বেড়ে যায়। আফগানিস্থানের রান্নায় যে হলুদ (কাবুলীরা বলে ‘জব্দ-চোপ’ অর্থাৎ হলদে কাঠ) পাবেন, ইস্তাম্বুল পর্যন্ত সে হলুদ পৌঁছয়নি।

তুর্করা বন্ধার জয় করে, হাঙ্গেরি পেরিয়ে ভিয়েনার দরজায় হানা দেন। হাঙ্গেরিতে মোগলাই মাংসের ঝোল ‘হাঙ্গেরিয়ান গুলাশে’ পরিবর্তিত হল এবং মিশরী এবং তুর্কদের সঙ্গে যোগাযোগের ফলে ভেনিসের কারবারীরা ‘মিন্স্ট-মীটের’ পোলাও বা রিমোন্ডো বানাতে শিখল। গ্রীস সেদিন পর্যন্ত তুর্কীর তাঁবেতে ছিল, তাই গ্রীসের পোশাকী রান্না আজও চোগা-চাপকান পরে থাকে।

পৃথিবীতে দ্বিতীয় উচ্চাঙ্গের রান্না হয় প্যারিসে কিন্তু মসলা অতি কম, যদিও ইংরিজী রান্নায় চেয়ে চেয়ে বেশি। এককালে তামাম ইয়োরোপ ফ্রান্সের নকল করত, তাই বন্ধান গ্রীসেও প্যারিসী রান্না পাবেন। গ্রীস উত্তর রান্নার সঙ্গমস্থল। বাকি জীবনটা যদি উত্তম আহাৰাদি করে কাটাতে চান, তবে আস্তানা গাড়ুন গ্রীসে (দেশটাও বেজায় মস্ত)। লঞ্চ, ডিনার, স্নাপাঞ্চ

খাবেন ফরাসী, মোগলাই এবং ঘরোয়া গ্রীক কারদায়। ভুঁড়ি কমানার কোমরবন্দ সঙ্গে নিয়ে যাবেন—গ্রীসে এ জিনিসের বড্ড বেশি চাহিদা বলে বস্তা বেজায় আক্রা।

সুশীল পাঠক, স্পষ্ট বুঝতে পারছি, আপনি অতিষ্ঠ হয়ে উঠছেন। আপনার মনে আকুর্ষ্য প্রশ্ন, রান্না জগতে বাঙালীর অবদান কি ?

আছে, আছে। মাছ, ছানা এবং বাঙালী বিধবার নিরামিষ রান্না।

কিন্তু তার আগে তো চীনা রান্নার ব্যান দিতে হয়। মোগলাই, ফরাসী এবং চীনা এই ত্রিমূর্তির বর্ণনা না করে আমি 'প্রাদেশিক সঙ্কীর্ণতা'র প্রশ্রয় দিতে চাইনে।

আরেকদিন হবে। বৈষ্ণব রাজ বলেছেন, দীর্ঘজীবী হয়ে যদি বহুকাল ধরে উদরমার্গের সাধনা করতে চাও, তবে বীজমন্ত্র হচ্ছে 'জীর্নে ভোজ'। অর্থাৎ হজম না করা পৰ্বস্ত পুনরায় আহারে বসবে না। তাও যদি না মানেন, তবে চটে গিয়ে স্কুমার রায়ের ভাষায় বলব (দোষটা তাঁর, কটুবাক্যটা তিনিই করেছেন)—

এত খেয়ে তবু যদি নাহি ওঠে মনটা

থাও তবে কচু পোড়া, থাও তবে ঘণ্টা ॥

নেতাজী

আমাদের মত সাধারণ লোকের পক্ষে স্মৃতিচক্রের মত মহাপুরুষের জীবনী আলোচনা করা অঙ্কের হস্তী-দর্শনের মত। তৎসঙ্গেও যে আমরা স্মৃতিচক্রের জীবনী দর্শনে প্রবৃত্ত হয়েছি তার প্রধান কারণ, আমাদের মত অর্বাচীন লেখকেরা যখন মহাপুরুষকে শ্রদ্ধাঞ্জলি দেবার জন্য ঐ একমাত্র পন্থাই খোলা পায়, তখন তার শ্রদ্ধাবেগ তাকে অঙ্কের চরমে পৌঁছিয়ে দেয়—শ্রদ্ধা ও ভক্তির আতিশয্য তখন আমাদের চেয়ে সহস্রগুণে উত্তম লেখককেও বাচাল করে তোলে।

দ্বিতীয় কারণ, এক চীনা গুণী জনৈক ইংরেজকে ভাড়া ভাড়া ইংরিজীতে বুকিয়ে বলেছিলেন, 'সরোবরে জল বিস্তর কিন্তু আমার পাত্র ক্ষুদ্র। জল তাতে

ওঠে অতি সামান্য। কিন্তু আমার শোক নেই—মাই কাপ্ ইজ্ স্মল—সং
আই ড্রিক্ অফতেনার (My cup is small but I drink oftener)।’

আমাদের পাত্র ছোট, কিন্তু যদি সুভাষ-সরোবর থেকে আমরা সে পাত্র ঘন
ঘন ভরে নিই তাহলে শেষ পর্যন্ত সরোবর নিঃশেষ হোক আর নাই হোক,
আমাদের তৃষ্ণা নিবৃত্তি নিশ্চয়ই হবে। আমার পাত্রে উঠেছে দুই গণ্ডুস জল,
অথবা বলব, আমি অঙ্ক, হাত দিয়ে ফেলেছি সৌভাগ্যক্রমে দুটি দাঁতেরই উপর।
অবশ্য সব অঙ্কই ভাবে, সেই সবচেয়ে মহামূল্যবান স্থলে হাত দিয়ে ফেলেছে,
কাজেই এ-অঙ্কের অভিমত আত্মস্বরিতাপ্রসূতও হতে পারে।

প্রথম, বর্মায় সুভাষচন্দ্র কি কৌশলে হিন্দু-মুসলমান-শিখকে এক করতে
পেরেছিলেন? এবং শুধু তাই নয়, ভারতবর্ষে ফেরার পরও এঁদের অধিকাংশ
অখণ্ডবাহিনীরূপে আত্মপরিচয় দিতে চেয়েছিলেন। আমরা জানি, সুভাষচন্দ্রের
সাইগণ আসার বহুপূর্বে রাসবিহারী বসু অনেক চেষ্টা করেও কোনো আজাদ
হিন্দ ফোর্স গড়ে তুলতে পারেন নি। অথচ রাসবিহারী বসু সুভাষচন্দ্রের
তুলনায় জাপানীদের কাছে অনেক বেশি পরিচিত ছিলেন—জাপানফের্তা ভারতীয়-
দের মুখে শুনেছি রাসবিহারী বসুকে জিজ্ঞাসা না করে জাপান সরকার কখনো
কোনো ভারতীয়কে জাপানে থাকবার ছাড়পত্র মঞ্জুর করত না।

একদিকে যেমন দেখতে পাই, সুভাষচন্দ্র ‘আজাদ হিন্দ’ নামটি অনায়াসে
সর্বজনপ্রিয় করে তুললেন, অন্যদিকে দেখি, কৃতজ্ঞ মুসলমানেরা তাঁকে ‘নেতাজী’
নাম দিয়ে হৃদয়ে তুলে নিয়েছে—‘কাইদ-ই-আকবর’ বা ঐ জাতীয় খেপনো ছুঙ্ক
আরবী খেতাব তাঁকে দেবার প্রয়োজন তারা বোধ করেনি। পাঠকের স্বরণ
থাকতে পারে, তখন এ-দেশে হিন্দু-উর্ সমস্যা কংগ্রেসকে প্রায়ই বিচলিত করত,
অথচ দেখি সুভাষচন্দ্রকে এ সমস্যা একবারের তরেও কাতর করতে পারেনি।
বেতारे আমি সুভাষচন্দ্রের প্রায় সব বক্তৃতাই শুনেছি এবং প্রতিবারই বিশ্বয়
মেনেছি হিন্দী-উর্ র অতীত এ ভাষা নেতাজী শিখলেন কি করে?—নেতাজী
তো শব্দতাত্ত্বিক ছিলেন না, ভাষার কলাকৌশল আয়ত্ত করবার মত অজস্র
সময়ও তো তাঁর ছিল না। এ-রহস্যের একমাত্র সমাধান এই যে, রাজনৈতিক
অন্তর্দৃষ্টি যে মহাত্মার থাকে, দেশকে সত্যই যিনি প্রাণ মন সর্বচেষ্টায় সর্বাঙ্গুভূতি
দিয়ে ভালবাসেন, সাম্প্রদায়িক কলহের বহু উর্ধ্বে নির্দম্ব পুণ্যলোকে যিনি
অহরহ বিরাজ করেন, যে মহাপুরুষ দেশের অখণ্ড সত্যরূপ স্ববির মত দর্শন
করেছেন, বাক্যব্রহ্ম তাঁর গুণাগুণে বিরাজ করেন। তিনি যে ভাষা ব্যবহার করেন,

সে-ভাষা মতের ভাষা, স্নায়ের ভাষা, প্রেমের ভাষা। সে-ভাষা শুধু হিন্দী অপেক্ষাও বিস্তৃত হিন্দী, শুধু উর্দু অপেক্ষাও বিস্তৃত উর্দু। সে-ভাষা তাঁর নিজস্ব ভাষা। এই ভাষাই মহাত্মাজীর আদর্শ ভাষা ছিল।

নিজের মনকে বহুবার প্রশ্ন জিজ্ঞাসা করেছি, স্বভাষচন্দ্র না হয় সর্বদলের উর্ধ্ব উড্ডীয়মান ছিলেন, কিন্তু সাধারণ সৈন্যকে তিনি কি করে সাম্প্রদায়িকতা থেকে মুক্ত করলেন? যে উত্তর শেষ পর্যন্ত গ্রহণ করেছি, সেটা ঠিক কিনা জানি না; আমার মনে হয়, স্বভাষচন্দ্র শুধু মাত্র সাম্প্রদায়িকতা দূর করার জন্য কখনো কোমর বেঁধে আসরে নামেননি। আমার মনে হয়, স্বভাষচন্দ্র এমন এক বৃহত্তর জাজ্জল্যমান আদর্শ জনগণের সম্মুখে উপস্থিত করতে পেরেছিলেন, এবং তার চেয়েও বড় কথা, এমন এক সর্বজনগ্রহণীয় বীরজনকাম্য পন্থা দেখাতে পেরেছিলেন যে, কি হিন্দু, মুসলমান, কি শিখ সকলেই সাম্প্রদায়িক স্বার্থের কথা সম্পূর্ণ ভুলে গিয়ে দেশের স্বাধীনতা-সংগ্রামে যোগদান করেছিলেন। আমি যেন চোখের সামনে দেখতে পাই, স্বভাষচন্দ্র বলছেন, 'আগুন লেগেছে, চল আগুন নেভাই, এই আমার হাতে জল। তোমরাও জল নিয়ে এসো।' স্বভাষচন্দ্র কিন্তু এ কথা বলছেন না, 'আগুন নেভাতে হলে হিন্দু-মুসলমানকে প্রথম এক হতে হবে, তারপর নেভানো হবে। এস প্রথমে মিটিং করি, প্যাঁক্ট বানাই, শিলমোহর লাগাই, তারপর স্বরাজ।'

বৃহত্তর আদর্শের সামনে দাঁড়িয়ে মানুষ ক্ষুদ্র স্বার্থ ত্যাগ করেছে,—তা সে ব্যক্তিগত স্বার্থই হোক আর সাম্প্রদায়িক স্বার্থই হোক—এ তো কিছু অভূতপূর্ব জিনিস নয়। স্বীকার করি এ জিনিস বিরল—তাই এ রকম আদর্শ দেদীপ্যমান করতে পারেন অতি অল্প লোকই, তাই স্বভাষচন্দ্রের মত নেতাজী বিরল।

দ্বিতীয় যে গল্পদস্ত আমি অনুভব করতে পেরেছি, সেটি এই :—

দ্বিতীয় মহাযুদ্ধের মাঝামাঝি তিনজন নেতা স্বেচ্ছায় নির্বাসন বরণ করে দেশোদ্ধারের জন্য মার্কিন-ইংরেজের শত্রুপক্ষকে সাহায্য করতে প্রস্তুত ছিলেন। এঁদের মধ্যে প্রথম জেরুজালেমের গ্র্যাণ্ডমুফতী এবং দ্বিতীয় ইরাকের আবদুর রশীদ। এঁদের দুজনই আপন আপন দেশের একচ্ছত্র নেতা ছিলেন। তৃতীয় ব্যক্তি আমাদের নেতাজী। তিনি ভারতবর্ষের সর্বপ্রধান নেতা ছিলেন না!

তিনজনই কপর্দকহীন, তিনজনই সঙ্গে নিয়ে গিয়েছিলেন আপন আপন যশ এবং চরিত্রবল। প্রথম দুজনের স্বজাতি ছিল উত্তর আফ্রিকার, অথচ শেষ পর্যন্ত দেখা গেল এঁদের কেউই কোনো সৈন্যবাহিনী গঠন করে তুনিসিয়া

আলজেরিয়ায় ইংরেজের সঙ্গে লড়াইতে পারলেন না ; শুধু তাই নয়, জার্মান রয়েল যখন উত্তর আফ্রিকায় বিজয় অভিযানে বেরলেন, তখন এঁদের কাউকে সঙ্গে নিয়ে যাবারও প্রয়োজন তিনি অনুভব করলেন না। এঁদের কেউই জার্মান সরকারকে আপন ব্যক্তিত্ব দিয়ে অভিভূত করতে পারলেন না। শেষ পর্যন্ত তাঁদের গতি হল আর পাঁচজনের মত ইতালি থেকে বেতারযোগে আরবীতে বক্তৃতা দিয়ে 'প্রোপাগান্ডা' করার !

অথচ, পশু, পশু সূভাষচন্দ্র কি অলৌকিক কর্ম সমাধান করলেন ! স্বাধীন রাষ্ট্র নির্মাণ করে, ইংরেজের 'গর্ব ভারতীয় সৈন্যদের' এক করে, আজাদ হিন্দ ফৌজ গঠন করে তিনি ভারতবর্ষ আক্রমণ করলেন। বর্মা-মালয়ের হাজার হাজার ভারতবাসী সর্বস্ব তাঁর হাতে তুলে দিল, স্বাধীনতা-সংগ্রামে প্রাণ দেবার জগ্নু কাড়াকাড়ি পড়ে গেল।

আমরা জানি, জাপান চেয়েছিল সূভাষচন্দ্র ও তাঁর সৈন্যগণ যেন জাপানী ঝাণ্ডার নীচে দাঁড়িয়ে লড়েন (মুক্তী এবং আবদুর রশীদ জার্মানীকে সে সুযোগ দিতেও বাধ্য করতে পারেন নি)। সূভাষচন্দ্র কবুল জবাব দিয়ে বলেছিলেন 'আমি আজাদ হিন্দ ও তার ফৌজের নেতা। আমার রাষ্ট্র নির্বাসনে বসে, কিন্তু সে-রাষ্ট্র স্বাধীন এবং সার্বভৌম। যদি চাও, তবে সে-রাষ্ট্রকে স্বীকার করার গৌরব তোমরা অর্জন করতে পারো। যদি ইচ্ছা হয়, তবে অস্ত্রশস্ত্র এবং অর্থ দিতে পারো—এক স্বাধীন রাষ্ট্র যে বকম অন্য স্বাধীন রাষ্ট্রকে মিত্রভাবে ধার দেয়, কিন্তু আমি কোনো ভিক্ষা চাই না এবং আমার সৈন্যগণ 'আজাদ হিন্দ' ভিন্ন অন্য কোনো রাষ্ট্রের বশুতা স্বীকার করে যুদ্ধ করবে না।'

এ ইন্দ্রজাল কি করে সম্ভব হল ? সূভাষচন্দ্রের আত্মাভিমান যেমন তাঁকে বাচিয়েছিল জাপানের বশুতা না করা থেকে, তেমনি তাঁর গভীর অন্তর্দৃষ্টি দিয়ে তিনি দেখতে পেয়েছিলেন যে, জাপান তাঁর কথামত চলতে বাধ্য হবে। তার সঙ্গে সঙ্গে আরো কত গুণ, কত কূটবুদ্ধি, কত দুঃসাহস কত নির্বিকার ধৈর্য কত চরিত্রবলের প্রয়োজন হয়েছিল, আমাদের মত সাধারণ লোক কি তার কল্পনাও করতে পারে ?

কপর্দকহীন, সামর্থ্যমণ্ডলহীন সূভাষচন্দ্র টোকিয়োতে একা দাঁড়িয়ে—প্রথম দেখি এই ছবি। তারপর দেখি সেই সূভাষচন্দ্র নেতাজীরূপে স্বাধীন রাষ্ট্রের স্বাধীন সৈন্যবাহিনীর পুরোভাগে দাঁড়িয়ে ভারতেরই এক কোণে।

যতই বিশ্লেষণ করি না কেন, এই দুই ছবির মাঝখানের পর্যায়গুলো ইন্দ্রজাল

--ভানুমতীই থেকে যায় । এ যুগে না জন্মে এ কাহিনী ইতিহাসে পড়লে কখনই বিশ্বাস করতুম না ।

“জিন্দাবাদ নেতাজী ।” ॥

রোগক্ষয়—শিক্ষালাভ

মানুষ যেমন বিশ্বের ধুঁয়ো এটম বম বানিয়ে তার আপন ভাইকে অসহ্য যন্ত্রণা দিয়ে মারতে শিখেছে—ঠিক তেমনি এমন মানুষেরও অভাব নেই যারা মানুষের দুঃখ-কষ্ট লাঘব করার জন্য সমস্ত ঋণনাশক্তি, সর্বশেষ রক্তবিন্দু ক্ষয় করতে প্রস্তুত আছেন । কেন জানিনে, আজ হঠাৎ, এঁদেরই একজনের কথা মনে পড়লো । এই প্রাতঃস্মরণীয় পুরুষের নাম মসিয়ো লুই ভোতিয়ে ।

আমি তখন জিনীভায় : এই অচেনা ভক্তলোক এসে আমার সঙ্গে দেখা করে অনুরোধ করলেন, লেজাঁর তার যক্ষ্মারোগীর সানাটরিয়ামটি আমি যদি দেখতে যাই তবে তিনি অত্যন্ত খুশী হবেন । ফ্রান্স, জার্মনি, সুইটজারল্যাণ্ডে বিস্তার সানাটরিয়া দেখেছি, সর্বত্রই সব গুণীর মুখে একই কথা, ‘যক্ষ্মার বিশেষ কোনো চিকিৎসা নেই, তবে রোগী যদি মনস্থির করে ফেলে যে, যমকে চোখের জলে নাকের জলে না করা পর্যন্ত সে মরবে না, অর্থাৎ বিছানায় শুয়ে শুয়েই যে হিম্মৎ নামক অস্ত্রখানি দিয়ে তার সঙ্গে লড়াই দেবেই দেবে, তবে হয়ত, হয়ত কেন, নিশ্চয়ই সে বীরকে বাঁচাবার একটা চেষ্টা করাতে কিছুমাত্র আপত্তি নেই ।

আমি ডক্টর ভোতিয়েকে একথাটি স্বরণ করিয়ে দিতে তিনি ভারী খুশি হলেন । বললেন, ‘আপনি যখন এ তত্ত্বটা জানেন তখন আপনারই বিশেষ করে লেজাঁতে আসা উচিত ।’ তবু আমার যেতে ইচ্ছা করছিল না ; কারণ যক্ষ্মার হাসপাতাল দেখা কিছুমাত্র আনন্দদায়ক অভিজ্ঞতা নয় । কিন্তু ভোতিয়ে সেই শ্রেণীর লোক যারা খানিকটে হেসে, খানিকটে যুক্তিতর্ক দিয়ে, খানিকটে অন্তনয়-বিনয় করে গররাজি নিমরাজি লোককে নিজের পথে পটিয়ে টেনে নিয়ে যেতে পারেন । আমি খানিকটে ধস্তাধস্তি করেছিলুম, কিন্তু তখন যদি জানতুম যে ভোতিয়ে মুস্‌সোল্লানি এবং লয়েড জর্জের কাছ থেকে আপন হাসপাতালের

জন্ম টাকা বাগাতে সমর্থ হয়েছেন, তাহলে নিশ্চয়ই আপত্তি না করে সুবে.খ
ছেলেটির মত স্ৰুস্ৰু করে লেজা চলে যেতুম।

লেজা যেতে হয় চেন-রেলওয়ে ধরে। এমনই ভয়ঙ্কর খাড়া পাহাড়ের উপর
যন্ত্রা সানারিয়ারামগুলো বানানো হয়েছে যে সাধারণ ট্রেন, এমনকি মোটরও
সেখানে পৌঁছতে পারে না।

হোটেল আছে ; কিন্তু যখন নিতান্ত এসেই গিয়েছি তখন সানারিয়ারামের
ভিতর থাকলেই তো দেখতে পাবো বেশি।

মসিয়ো ভোতিয়ে, মাদাম, এমনকি বাচ্চা দুটো পর্যন্ত আমাকে দিল-খোলা
অভ্যর্থনা জানালেন। বাচ্চা দুটোর বয়স ছয় আর আট। এদের জন্ম হয়েছে
এই সানারিয়ারামেই। তারা সুস্থ। শ'খানেক যন্ত্রারোগীর সঙ্গে তারা খায়-দায়
খেলাধুলা গল্পগুজব করে—বাপ-মা'র তাতে কোনো ভয় নেই। আমিই তাহলে
ভয়ব কেন ?

মসিয়ো ভোতিয়ে বললেন, 'আপনি নিশ্চয়ই লক্ষ্য করেছেন, যন্ত্রা রোগটা
ছেলেছোকরাদেরই হয় বেশি। এবং এ রোগটার সবচেয়ে বড় ভেরা খাটানে
রয়েছে কুলেজে কুলেজে। কুলেজের ছোকরা এ রোগে মরেও সবচেয়ে বেশি ;
অপেক্ষাকৃত বয়স্ক রোগী কিংবা নিতান্ত বাচ্চাকে বাঁচানো অনেক সহজ।

'তার প্রধান,—প্রধান কেন, একমাত্র কারণ, যন্ত্রা হলেই তাদের পড়াশোনা
ছেড়ে দিতে হয়। তারা তখন ভবিষ্যৎ অন্ধকার দেখে। ভাবে, পড়াশোনা যদি
নাই করতে পারলুম তবে ছ'পাঁচ বৎসর পরে সেরে গিয়েই বা করব কি ? খাবো
কি ? সংসারই বা পাতবো কি দিয়ে ?'

'তাই তারা রোগের সঙ্গে লড়াইর আর কোনো প্রয়োজন দেখতে পায় না,
সব হিম্মৎ হারিয়ে ফেলে, এগিয়ে মৃত্যুর হাতে আপন জানটি ভেট দেয়।'

মসিয়ো ভোতিয়ে বললেন, 'যবে থেকে আমি যন্ত্রা রোগ নিয়ে কাজ আরম্ভ
করেছি তখন থেকেই আমি কাজে, কাজের ফাঁকে ফাঁকে, অবসর সময়ে
অহরহ ভেবেছি এর কোনো প্রতিকার করা যায় কিনা ? শেষ পর্যন্ত আমি যে
প্রতিকার আবিষ্কার করতে সক্ষম হয়েছি তারই ভিতরে আজ আপনি আমি
বলে কথা বলছি—তার নাম 'সানারিয়ারাম ইউনিভার্সিটির', অর্থাৎ 'বিশ্ববিদ্যালয়-
আরোগ্যায়তন'।

'এখানে শুধুমাত্র কুলেজের ছেলেমেয়েদের নেওয়া হয়। এবং জিনীভা
বিশ্ববিদ্যালয়ের সঙ্গে আমাদের বন্দোবস্ত যেন আমাদের রোগীদের টার্ম হিসেবে

নেওয়া হয়—অর্থাৎ এরা জিনীভায় ক্লাস না করে ক্লাস করছে এই সিনাটা। এরা এখানেই পড়াশোনা করে, হুইটজারল্যাণ্ডের সব বিশ্ববিদ্যালয় থেকে অধ্যাপকরা এখানে এসে মাঝে মাঝে লেকচার দিয়ে যান, তাছাড়া যন্ত্রাবৈরী বহু নিমন্ত্রিত ববাহুত গুণী এখানে এসে দু'দশ দিন থেকে ছেলেমেয়েদের লেখাপড়ায় নানাপ্রকারে সাহায্য করে যান।

‘বুঝতেই পারছেন, যে-সব বিষয় নিলে ভয়ঙ্কর বেশি খাটতে হয়, সেগুলোর ব্যবস্থা এখানে নেই। তাই নিয়ে ছেলেমেয়েরাও বেশি কান্নাকাটি করে না, তারা জানে, সে ধরনের পড়াশোনা করলে তাদের শরীর কখনো মারবে না। তারা খুশি, কোনো কিছু একটা নিয়ে পাস দিতে পারলেই; কাজেই বিজ্ঞানের ছেলে দর্শন নিতে আপত্তি করে না, ইঞ্জিনিয়ারিংয়ের ছেলে ইতিহাস উৎসাহের সঙ্গেই পড়ে।

‘অবশ্য স্বাস্থ্যের অবস্থার উপর পড়াশোনার মেকদার নির্ভর করে। আমাদের সব সময় কড়া নজর, কেউ যেন বড্ড বেশি না খাটে। কিছুদিন থাকার পর রোগীরা ও তত্বটা বুঝে ফেলে, আর নতুন রোগীদের ধমক দিয়ে ব্যাপারটা তাদের কাছে জলের মত তরল করে দেয়। আমাকে তো আজকাল এ-নিয়ে বিলকুল মাথা ঘামাতে হয় না। ওদের চিকিৎসার দিকে এখন আমি আরো বেশি সময় দিতে পারি।’

একটুখানি চোখ টিপে, মুচকি হেসে বললেন, ‘পড়াশোনা বিশেষ হয় না, সে তো বুঝতেই পারছেন। তা নাই বা হল। ছেলেমেয়েরা সাহস তো পায় বেঁচে থাকবার, সেইটেই হল আসল কথা। জিনীভা বিশ্ববিদ্যালয়ও আমার কলটা বেশ বুঝতে পেরেছেন,—আমিই তাদের খোলাখুলি বলে রেখেছি, এখানে মধ্যযামিনীর তৈল কয় নিষিদ্ধ, বেশি পড়াশোনা এখানে হতেই পারে না। বিশ্ববিদ্যালয়ের কতৃপক্ষেরা তো হৃদয়হীন পাষণ্ড নন; এখানে থেকে যারা পরীক্ষা দেয়, তাদের প্রতি তাঁরা সদয়, আর যারা সেয়ে উঠে বাকী টার্মগুলো জিনীভায় কাটায় তাদের প্রতিও মোলায়েম ব্যবহার করেন।’

দীর্ঘনিশ্বাস কেলে বললেন, ‘কিন্তু টাকা পাই কোথায়? অঢেল টাকার দরকার। আমি পনেরো বছর ধরে তামাম ইয়োরোপ চষে বেড়াচ্ছি টাকার জন্য। মুসোলীনি, লয়েড জর্জ থেকে আরম্ভ করে যেখানে যে আমাকে সামান্ততম সাহায্য করতে পারে তারই দরজায় ছোট পেতে ভিক্ষা মেগেছি।

‘এখন আমার ইচ্ছা এ-প্রতিষ্ঠানটিকে ইন্টারনেশনাল—সর্বজনীন সার্বভৌমিক

করার। ভারতবর্ষ থেকে যদি রোগী ছাত্র আসে তবে তার জন্যও যেন এখানে ব্যবস্থা করতে পারি, সেও যেন নিরাময় হয়, সঙ্গে সঙ্গে জিনীভা বিশ্ববিদ্যালয়ের উপাধি নিয়ে দেশে ফিরতে পারে। আপনাদের দেশে তো আজ মহারাজাদের অনেক টাকা—দানখয়রাতও তাঁরা করেন শুনেছি।

আমি মনে মনে দীর্ঘনিশ্বাস ফেলে বললুম, ‘এককালে রাজ-রাজড়ারা বিশ্বর দান-ধ্যান করতেন এ-কথা সত্যি, আজকালও যে একেবারে নেই সে-কথা আমি বলব না। আপনি যদি স্বয়ং ভারতবর্ষে আসেন তবে একটা চেষ্টা দিয়ে দেখতে পারি। আমার দ্বারা যোগসূত্র স্থাপনের যেটুকু সামান্য সাহায্য সম্ভবপর—’

ডক্টর ভোতিয়ে আমার হুঁখানা হাত চেপে ধরে নীরবে আমার চোখের দিকে সক্রতজ্ঞ নয়নে তাকিয়ে রইলেন।

আমি দেশে ফিরে এলুম। তারপর লেগে গেল ১৯৩২-এর লড়াই। সুইটজারল্যান্ড ছোট দেশ। সীমান্ত রক্ষার জন্য ভোতিয়ের মত ডাক্তারকে উর্দি পরে ব্যারাকে ঢুকতে হল—অবশ্য ডাক্তারের উর্দি। কিন্তু তাঁর এ-দেশে আসাটা আর হয়ে উঠল না।

* * *

মসিয়ো লুই ভোতিয়ে সুইটজারল্যান্ডের লেন্স নামক স্থানে যে ‘আরোগ্যায়তন বিশ্ববিদ্যালয়’ প্রতিষ্ঠিত করেছেন, সেখানে যক্ষ্মা সারানোর সঙ্গে সঙ্গে লেখাপড়া শেখানোর অভিনব সমন্বয় বহু সুইটজারল্যান্ডবাসীর হৃদয়মন আকৃষ্ট করেছে। তাঁরা অক্লপণ হস্তে এ প্রতিষ্ঠানে অর্থদান করেছেন এবং তাঁদেরও ইচ্ছা এ-প্রতিষ্ঠানটি ক্রমে ক্রমে বিশ্বজনের সম্পদ হয়ে উঠুক কিন্তু উপস্থিত জাতীয়তাবাদ নামে যে বর্বরতা পৃথিবীকে শতধা বিভক্ত করে দিচ্ছে, তার সামনে মসিয়ো ভোতিয়ে নিরুপায়। তাই আমার বিশ্বাস যতদিন সুইটজারল্যান্ডে বিশ্বকল্যাণের জন্য সর্বাসুন্দর ব্যবস্থা না হয়, ততদিন এ-দেশে আমাদেরও চূপ করে বসে থাকা অমুচিত হবে। নেজাঁতে যে প্রতিষ্ঠান সম্ভবপর হয়েছে, এদেশের বা তা হবে না কেন? বরঞ্চ এদেশে তার প্রয়োজন অনেক বেশি; কারণ এদেশের ছাত্র-সমাজে যক্ষ্মারোগের যে প্রসার তার সঙ্গে অন্য কোনো দেশের তুলনা হয় না। অস্বদেশীয় যক্ষ্মাবৈরী সজ্জন সম্প্রদায় আশা করি কথাটা ভেবে দেখবেন।

কিন্তু এ-হেন গুরুতর বিষয় নিয়ে সাদৃশ্য অর্বাচীন জনের অত্যধিক বাগাড়ম্বর অশোভনীয়। আমার উচিত যোগাযোগের ফলে আমার যে ব্যক্তিগত অভিজ্ঞতা

হয়েছে সেইটে পাঁচ জনকে শুনিয়ে দেওয়া। তারপর কে কি করল না করল তা
নির আমার মাথা ঘামাবার প্রয়োজন নেই।

লেজাঁর যক্ষ্মারোগের জন্য কি চিকিৎসা করা হয়, সে সম্বন্ধে সালঙ্কার বিবৃতি
দেবার প্রয়োজন নেই। দক্ষিণ ভারতের মদনপল্লীর ‘আরোগ্য বরমে’ যে-সব
ব্যবস্থা আছে, সেগুলো ত আছেই তার উপর লেজাঁ এবং ডাভোসের অস্বাস্থ্য
সামুলি সানাটরিয়াতে যক্ষ্মারোগ বাবদে যে-সব গবেষণা অষ্টপ্রহর করা হচ্ছে, তার
ফলও মসিয়ো ভোতিয়ে অহরহ পাচ্ছেন।

সঙ্গে সঙ্গে শিক্ষাদান। এবং তার এক প্রধান অঙ্ক নানাদেশের নানা গুণীকে
লেজাঁতে নিমন্ত্রণ করে তাঁদের কাছ থেকে জ্ঞান আহরণ করা। তার জন্য
ভোতিয়ের প্রতিষ্ঠানে একটি চমৎকার লেকচার থিয়েটার আছে। অস্বাস্থ্য
সানাটরিয়াতে এ রকম হলের প্রয়োজন হয় না।

আমার দৃঢ় বিশ্বাস, আমি লেজাঁ পৌঁছবার ঠিক কয়েকদিন আগে দু-তিনজন
বড় বড় পণ্ডিতের গুরু গুরু ভাষণের গুরুভোজনের ফলে ছেলেমেয়েরা ঈষৎ কাতর
হয়ে পড়েছিল। তাই বোধকরি, মসিয়ো ভোতিয়ে একটা জব্বর রকমের
জ্বালাপের ব্যবস্থা করছিলেন।

মসিয়ো ভোতিয়ে আমাকে সোজাসুজি বললেন, ‘আপনি একটা লেকচার দিন।
জার্মান কিংবা ফ্রেন্স, যে-কোনো ভাষায়।’

আমি বললুম, ‘আপনি যদিও জাতে সুইস, আপনার মাতৃভাষা ফরাসী
এক। আপনি ফরাসী ঐতিহ্যে গড়ে-ওঠা বিদ্বানজন। কাজেই আপনিও
নেপোলিয়নের মত ‘অসম্ভব’ কথাটায় বিশ্বাস করেন না এবং তাই আপনার পক্ষে
এ অনুরোধ করাটা ‘অসম্ভব’ নয়; আমি কিন্তু ফরাসী নই, আমি ‘অসম্ভব’ কথাটা
জানি এবং মানি। আমার পক্ষে বক্তৃতা দেওয়া অসম্ভব।’

এগারো বৎসর হয়ে গিয়েছে, সম্পূর্ণ কথোপকথনটা আমার আজ আর মনে
নেই। তবে চোখ বন্ধ করলে যে ছবিটি এখনো মনের ভিতর দেখতে পাই, তাতে
আছে—এক বিরাট ফ্রাঙ্কেনস্টাইন যেন আমার দিকে দু’বাহু বাড়িয়ে এগিয়ে
আসছে আর আমি ক্রমেই পিছু হটে শেষটায় দেয়ালের সঙ্গে মিশে গিয়ে দাঁড়িয়ে
পড়েছি। আর পিছু হটবার জায়গা নেই। ফ্রাঙ্কেনস্টাইনের দু’হাত আমার
গলা টিপে ধরেছে। হাত দুখানি বলছে, এতগুলো রোগীকে আপনি নিরাশ
করবেন ?’

আমি অক্ষুট কণ্ঠে বলেছিলুম,

‘পড়েছি যবনের হাতে
খানা খেতে হবে সাথে।’

* * *

ঝটপট ইশ্-তিহার বেরিয়ে গেল ‘জ্বরতীয় অমুক কাল সন্ধ্যায় লেজাঁর ‘সানাতরিয়ঁ’
ইউনিভেসিতির স্‌ইসে’ একখানা ভাষণ দেবেন। বিষয়.....। লেজাঁর তাৎ
সানাতরিয়ঁর অধিবাসীবৃন্দকে সাদর নিমন্ত্রণ করা হচ্ছে। অর্থাৎ ভোতিয়ে সায়েবের
প্রতিষ্ঠানের পাঁচজন তো আসবেই, অগ্গা সানাতরিয়ঁর আরো বহু দুশ্‌মনকে
ডাকা হয়েছে আমার মুখোশ খসাবার জন্ম—কিন্তু ধর্ম সাক্ষী, আমি অনেক মুখোশ
পরেছি বটে, পাণ্ডিত্যের মুখোশ কখনো পরিনি।

ভোতিয়ে বললেন, ‘চলুন, হলটার ব্যবস্থা কি রকম হল দেখবেন।’

লোকটা নিশ্চয়ই স্‌আডিস্ট। এই যে সামনে পূজো আসছে, আমরা তো
কখনো বলির মোষটাকে হাড়িকাঠ দেখিয়ে চ্যাটাস্ চ্যাটাস্ করে ঠোট চাটিনে।

গিয়ে দেখি মধ্যখানে বেশ খানিকটে জায়গা ফাঁকা রেখে চতুর্দিকে
চেয়ার বেঞ্চি পাতা হয়েছে। তবে কি আমাকে ওখানে ফেলে জবাই করা হবে
—আমার ছটফটানির জন্ম ব্যাপক ব্যবস্থা করা হয়েছে? কি হবে বৃথা প্রশ্ন
জিজ্ঞেস করে? গর্দিশ, গর্দিশ, সবই কপালের গর্দিশ।

ভোতিয়ে ব্যবস্থাটা দেখে চ্যাটাস্ চ্যাটাস্ করলেন, অদৃশ্য সাবানে হাত দুটে
কচলালেন। বুঝলুম, আমার অনুমান ভুল নয়। জবাইটা জব্বর ধরনেরই হবে।

ক্রম ধর্ম টু ধর্ম অর্থাৎ কাঁটায় কাঁটায় নাটটায় ভোতিয়ে আমাকে সেই হলে
নিয়ে ঢোকালেন।

দেখি ফাঁকা জায়গাটা ভরে গিয়েছে বিস্তর ছইল চেয়ারে। যে-সব রোগীর
পায়ের হাডে যন্ত্রা অথবা যাদের নড়াচড়া করা বারণ, তাদের আনা হয়েছে ছইল
চেয়ারে করে। জন দুই শুয়ে আছে লম্বা লম্বা কোঁচ সোফায়। পরে জানলুম,
যারা নিতাস্তই খাট ছাড়তে পারে না তাদের জন্ম ঘরে ঘরে ‘ইয়ার ফোনের’
ব্যবস্থা করা হয়েছে।

একজন দেখি ছইল চেয়ারে বসে পাইপ টানছে। তখন আমার গর্দানে ঘি
মালিস করা হচ্ছে—অর্থাৎ কে যেন যা-তা আবোল-তাবোল বকে আমার পরিচয়
দিচ্ছে। ভোতিয়ে আমার পাশে বসে—পাছে আমি শেষ মুহূর্তে পালাবার চেষ্টা
করি। কানে কানে জিজ্ঞেস করলুম ‘পাইপ-সিগারেট খাওয়া যন্ত্রারোগীদের বারণ
নয়?’ ভোতিয়ে বললেন, ‘ভিতরে তামাক না থাকলে নিশ্চয়ই বারণ নয়। আমি

করলুম, অর্থাৎ ?' 'অর্থাৎ বেচারীর যক্ষ্মা হওয়ার পূর্বে সে দিনরাত পাইপ টানত। অভ্যাসটা সম্পূর্ণ ছাড়তে পারেনি বলে এখন খালি-পাইপ কামড়ায়। ধূঁয়ো বেরুচ্ছে না বলে দাঁত কিড়িমিড়ি খায়, আর হরে হরে প্রতি মাসে গোটা মাতেক ভাঙে। কিন্তু ছেলেটা পাইপ বাবদে জুড়ি। 'ব্রায়ার' ছাড়া অন্য কোনো পাইপ চিবোতে রাজী হয় না।'

আপনি ভাবছেন, শ্রোতার যক্ষ্মারোগী, তাই তাদের বিবর্ণ বিশীর্ণ মুখ-চোখ। আদর্শেই না। আপেলের মত লাল গাল প্রায় সবায়ের, চোখে মুখে উৎসাহ আর উত্তেজনা। যার দিকে তাকাই সেই যেন আমায় হাসিমুখে অভ্যর্থনা করে নিচ্ছে, সবাই যেন বলছে, 'কি ভয় তোমার ? এত দূর দেশ থেকে এসেছো, যা-ই বলো না কেন আমরা কান পেতে শুনবো।'

তবু আমি মনে মনে গুরুদেবকে স্মরণ করলুম আমাকে ত্রাণ করার জন্য।

তারপর কি হল ?

তারপর কি হল ? ভয়ে আমার হাত পা পেটের ভিতরে সঁধিয়ে গিয়েছে ; আর আজ যদি আপনাদের কাছে স্বীকারও করি যে তারা বহুত্যা শেষে আমার দিকে পচা ডিম আর পচা টমাটো ছুঁড়েছিল, তাহলেও আপনাদের চারখানা হাত গজাবে না !

আমি কি বলেছিলুম ?

সে বকবকানি আপনারা তো প্রতি হস্তায় শোনেন। নূতন করে বলে আর লাভ কি ?

ইস্কিলাস--সেলি—স্পিটলার

বিদ্রোহী মানুষকে সমাজের কড়া বাধন মেনে নেবার জন্য গ্রীক নাট্যকার ইস্কিলাস যে নাটকখানি লেখেন তার নাম প্রমিথিয়ুস বাউণ্ড—শৃঙ্খলবদ্ধ প্রমিথিয়ুস। ইস্কিলাস ইচ্ছে করেই নাটকের পাত্র-পাত্রী দেবসমাজ থেকে বেছে নিয়েছিলেন। ভাবখানা অনেকটা এই ;—খুদ দেবতারা যখন নিয়ম-কানুন না মেনে চলতে পারেন না তখন তুমি আমি কোন্ হার। নাটকের

মূল গল্প হচ্ছে ; প্রমিথিয়ুস দেবতাদের পরম যত্নে লুকিয়ে-রাখা-সাত-রাজার-ধন-মাণিক অগ্নি জ্বিনিসটি চুরি করে যাক্ষুষের হাতে তুলে ধরেন, তাই দিয়ে মানব-মত্যতা গড়ে ওঠে। দেবরাজ জুপিটার ভয়ঙ্কর চটে গিয়ে প্রমিথিয়ুসকে পাহাড়ের গায়ে পেরেকে পুঁতে বেঁধে রাখলেন, শকুনি দিয়ে বৃকের কলিজা, চোখের পাতা খাওয়ালেন, যাতে করে প্রমিথিয়ুস আপন পাপ স্বীকার করে সোজা রাস্তায় চলেন। প্রমিথিয়ুস সে নিপীড়ন সহ্য না করতে পেরে শেষটায় হার মানলেন। জুপিটার খুশি, ইন্কিলাস আরো বেশি খুশি—স্বর্গরাজ্য ধর্মরাজ্যে পরিণত হল।

আমাদের কবিগুরু রামায়ণে এরকম কোনো ধর্মনীতি প্রচার করতে চেয়েছিলেন কিনা জানি না কিন্তু সেখানেও রাবণকে শেষ পর্যন্ত হার মানতে হয়েছিল।

তারপর প্রায় দু'হাজার বছর কেটে গেল। দেবতাদের ভয়ঙ্কর ভয়ে কি গ্রীস, কি ভারতবর্ষ কেউই প্রমিথিয়ুসের মত তাঁদের সামনে মাথা খাড়া করে দাঁড়াতে সাহস পেল না। কিন্তু তবু প্রশ্ন জিজ্ঞেস করতে ইচ্ছে করে, এই দু'হাজার বৎসর ধরে যাদের বৃকের কলিজা, চোখের পাতা খাওয়ান হল ; তারা কি সব সময়ই ভিতরে বাইরে দু'দিকেই আপন 'পাপ' স্বীকার করে নিয়েছিল ? তাদের ভিতর কি এমন কেউ ছিল না যে বাইরে ক্ষমা চেয়েছে হয়ত, কিন্তু ভিতরে ভিতরে দৃঢ় ওপ্রত্যয় নিয়ে মরেছে যে দেবতার অহুশাসনই চিরন্তন ধর্ম নয় ; যেখানে নিপীড়ন দিয়ে ক্ষমা-ভিক্ষা বের করতে হয় সেখানে নিশ্চয়ই কোনো দুর্বলতা, কোন ক্রটি লুকনো রয়েছে।

এই কথাটি জোর গলায় বলবার মত সাহস প্রথম দেখালেন ইংরেজ কবি শেলি। তখনকার দিনে রুঢ়ার্থে ভগবান বলতে যা বোঝাত শেলি সে পুরুষকে অস্বীকার করলেন, তার সেই ভগবানের নামে গড়া তখনকার দিনের সমাজের আইন-কানুন ভাঙতে কসুর করলেন না। ভগবানের পুলিশমেন, অর্থাৎ পাদ্রী পুরুত্বও তখন শেলির পিছনে জুপিটারের মতনই শকুনি লাগিয়ে দিলে, শেলির অনেকখানি কলিজা খাওয়ান হল, শেলি অসহ্য যন্ত্রণায় বহু বিনিদ্র রজনী যাপন করলেন, শেলিরও চোখের পাতার অনেকখানি শকুনির পেটে গিয়েছিল। কিন্তু তবু শেলি হার মানেন নি।

এবং সেই না-মানা অজরামর রূপ নিয়ে বেরল তাঁর নাট্যকাব্য 'প্রমিথিয়ুস আনব্যাউণ্ড'—মুক্ত প্রমিথিয়ুস। শুনেছি, এক জাপানী চিত্রকর নারী

তার বৃকের জখমের রক্ত দিয়ে তুলি ভিজিয়ে ভিজিয়ে ছবি আঁকতেন বলে তাঁর ছবি সমস্ত জাপানের চিত্র জয় করতে সমর্থ হয়েছিল। হয়ত রূপক, হয়ত সত্য; কিন্তু এ বিষয়ে কোনো সন্দেহ নেই, শেলির প্রিমিথিয়ুস নাট্য বৃকের রক্ত দিয়ে আঁকা। অত্যাচার জর্জরিত মানবাত্মার ক্রীকতম চিৎকার, ধর্মপ্রতিষ্ঠান সমাজবিধির বিরুদ্ধে মানবের গম্ভীরতম হুকার এ কাব্যে যে রূপ, যে রস পেয়েছে তার সঙ্গে তুলনা দেবার মত দ্বিতীয় বাক্য তো সহজে খুঁজে পাইনে।

(আর পাঁচজন হয়ত স্বীকার করবেন না, কিন্তু আমার মনে হয় মধুসূদনের রাবণ চরিত্রে যেন আমি খানিকটা সেই স্বর শুনতে পাই। কিন্তু হিন্দু সমাজ তো মধুসূদনের উপর কোনো অত্যাচার করেননি—তাঁর তুলনার হিন্দু ঈশ্বরচন্দ্রকে তো অনেক বেশি কটুবাক্য শুনতে হয়েছে—তখনকার দিনের কলকাতার বিদগ্ধ ইতর কোনো সমাজই তো মধুসূদনের পিছনে শকুনির পাল চালিয়ে দেননি। তবু হয়তো জগতের অভাব দেখতে পেয়েছিলেন এবং হয়তো মনে মনে আপন সত্য ধর্মবর্জন সম্বন্ধে ঈর্ষা বিবেকদর্শনে কাতর হয়েছিলেন। তাই বোধহয় তিনি অশ্রু চরিত্র না দিয়ে রাবণকে বেছে নিয়েছিলেন, অর্থাৎ রাবণের যে গোড়ার দিকে খানিকটা দোষ আছে এ কথা স্বীকার করে নিয়েছিলেন। তাই হয়ত প্রিমিথিয়ুস ও রাবণ এক পাত্র নয়। শেলির প্রিমিথিয়ুস বলে, আমি কোনো দোষ করিনি। মধুসূদনের রাবণ বলে, 'একবার দোষ করেছিলুম বলেই কি আমাকে বিনষ্ট করার জগত দেব-নর-বানর সবাই একজোট হয়ে সর্ব ধর্ম সব ক্ষাত্রনীতি বিসর্জন দেবে?')

তারপর ঊনবিংশ শতাব্দীর শেষের দিকে ধর্মের বাঁধন টিলে হয়ে গেল, এমন কি বড় বড় শহরে সমাজের তিরস্কারও গাড়িঘোড়ার শব্দের নীচে চাপা পড়ে গেল। প্যারিস তো এমন জায়গায় গিয়ে পৌঁছল যে, সেখানে যে শুধু সমস্ত পৃথিবীর মুক্তিকামী নর-নারী সম্মিলিত হল তাই নয়, আধা-পাগল বন্ধপাগল এমন সব চিত্রকর কলাবৎকে প্যারিস সয়ে নিল খারা আপন দেশে থাকলে আর কিছু না হোক অন্ততঃ পাগলা গারদের ভিতরে জীবনের বেশির ভাগ কাটাতেন।

কিন্তু এসব মুক্তির বদলে মানুষ তখন আরেক দেবতার বশতা স্বীকার করে নিয়েছে। অর্থের এবং সজ্জের অত্যাচার।

না খেয়ে মানুষ যে পূর্বে কখনো মরেনি একথা বলা আমার উদ্দেশ্য নয়, কিন্তু এবারে কলকারখানার জোরে, মানুষের পয়সা কামাবার হাতিয়ার কেড়ে

নিয়ে যে প্রতিষ্ঠান যে সজ্জ গড়ে উঠল তার অত্যাচার দেশ-বিদেশে সর্বত্র ছড়িয়ে পড়তে লাগল। লুণ্ঠন যে আগে ছিল না তা নয়, কিন্তু এখন সাম্রাজ্য-বাদের নামে যে শোষণ আরম্ভ হল তার আর শেষ নেই। চেঙ্গিস নাদির আটলি আসত দু'দিনের তরে ; কিন্তু এখন যে পাদ্রী কামান রাজপুরুষ বণিক পুলিশ আসতে লাগল তার আর অন্ত নেই। তাদের শোষণ দিনযামিনী, মাংস প্রোতঃ, শিশির বসন্ত, যুগ যুগ ধরে। জমিদার ব্যারণ যে সুন্দরী ধরে নিয়ে যেত সে তো অজানা নয়। কিন্তু এখন বড় বড় দোকানের চাকরিতে তরুণীদের আর নিস্তার নেই। বড় মায়েবদের বিলাস লালসায় যে রানীমেধ যজ্ঞ জলে তার ইন্ধন অষ্টপ্রহর দেদীপ্যমান রাখবার জন্ত আর কোনো তরুণীর বসনভূষণ ঝাচিয়ে রাখবার উপায় নেই।

এই অত্যাচারের বিরুদ্ধে মহাকাব্য রচনা করলেন সুইটজারল্যান্ডের মহাপুরুষ কার্ল স্পিটলার। সে কাব্যের নাম প্রমেটেয়েস উন্ট এপিমেটেয়েস (Prometheus and Epimetheus)। এ কাব্যের সঙ্গে তুলনা দিতে পারি এমন আর কোনো কাব্য আমার জানা নেই। গুরুগম্ভীর গদ্যছন্দে লেখা সে কাব্য, পণ্ডের সর্বোচ্চ শিখরে জ্যোতিষ্মান ভাস্করের ত্রায় সে গদ্য। এ গদ্য ছন্দ পাই উপনিষদ, বাইবেল এবং কুরানে। এবং উপনিষদ, বাইবেল, কুরানের অনুবাদ যে-রকম অসম্ভব, এ কাব্যের অনুবাদও মানুষের সাধ্যের বাইরে। এ কাব্য রচনা করে স্পিটলার নোবেল প্রাইজ পান, তৎসঙ্গেও এখন পর্যন্ত এ-কাব্যের অনুবাদ হয়নি।

স্পিটলার যে অত্যাচার অবিচার নিপীড়নের বিরুদ্ধে প্রমিথিয়ুসের কণ্ঠে বিদ্রোহ ঘোষণা করেছেন, সে অত্যাচার ইতিমধ্যে আরও রুদ্ররূপ ধারণ করেছে। কলকাতার বৃকের উপরই তার নব নব তাণ্ডব আমরা দেখতে পাচ্ছি! মানুষের গড়া দুর্ভিক্ষ, দৈনন্দিন অনশন, অশিক্ষা-কুশিক্ষা, 'দৈন্তের দায়ে দেহ বিক্রয়, নিরপরাধের উপর গুলিবর্ষণ, সাম্প্রদায়িক বর্বরতা, মানুষের প্রাণ নিয়ে বিবেকহীন রাজনীতিকদের ছিনিমিনি খেলা, অরক্ষণীয় অঙ্ককার ভবিষ্ণু, অর্থের জোরে সমাজের বৃকের উপরে বসে অন্নভাবে মৃত্যুভয়ে কাতর পিতামাতার সম্মুখে তাদের কুলকামিনীর সর্বনাশ, ভ্রূণহত্যা—সবই তো চোখের সামনে দেখতে পাচ্ছি।

কিন্তু কই সে বাঙালী স্পিটলার ?

মোপাসাঁ—চেখফ্—রবীন্দ্রনাথ

বিজ্ঞানের ক্ষেত্রে অদ্ভুত যোগাযোগের ফলে অনেক তথ্য ও অনেক প্রয়োজনীয় যন্ত্রপাতি আবিষ্কৃত হয়েছে। শুনেছি রোনট্‌গেনের রঞ্জনরশ্মি আবিষ্কার, ফ্যারাডের বৈদ্যুতিক শক্তির আবিষ্কার এ রকম যোগাযোগের ফল। সাহিত্যে এ রকম ধারা বড় একটা হয় না। শুধু ছোট গল্পের বেলা তাই হয়েছে। কিন্তু একথাও স্মরণ রাখা উচিত যে, রোনট্‌গেন ও ফ্যারাডে যদি বহু বৎসর ধরে আপন আপন জ্ঞানচর্চায় নিবিষ্ট না থাকতেন, তাহলে যে-সব যোগাযোগের ফলে রঞ্জনরশ্মি ও বৈদ্যুতিক শক্তি আবিষ্কার হল সে সব যোগাযোগ বহুখাই থেকে যেত। ছোট গল্পের বেলাও তাই—মোপাসাঁ যদি সাহিত্য সাধনায় পূর্বের থেকেই নিষ্কৃত না থাকতেন, তবে ফ্রবেরের সঙ্গে তাঁর যোগাযোগ সম্পূর্ণ নিষ্ফল হত।

ফ্রবের যে কি অদ্ভুত সুন্দর ফরাসী লিখে গিয়েছেন, তার বর্ণনা দিতে পারেন শুধু ফ্রবেরই! ভুলভেদের পরেই ফ্রবেরের নাম করতে হয় এবং এঁদের মাঝখানের যে-কোনো দ্বিতীয় শ্রেণীর লেখক পেলেও বাঙলা ভাষা বর্তে যাবে। আর ফ্রবেরের আশা শিকের তুলে রাখাই ভালো, তাঁর মত লেখক জন্মাবার পূর্বে এদেশের গঙ্গার বিস্তার চড়া পড়ে যাবে। তার কারণ এ নয় যে আমাদের দেশে শক্তিমান লেখকের অভাব, বেদনাটা সেখানে নয়, আসল বেদনা হচ্ছে আমাদের লেখকেরা খাটতে রাজী নন। ফ্রবেরের লেখা পড়ার সময় বোঝাই যায় না তার পিছনে কি অসম্ভব পরিশ্রম রয়েছে, কারণ সে পরিশ্রমের উপরে ফ্রবেরকে আরো পরিশ্রম করতে হয়েছে গোড়ার পরিশ্রমটা ঢাকবার জন্য। ভুলভেদের সরল স্বচ্ছ শৈলীর প্রশংসা করলে তিনি নাকি করুণ হাসি হেসে বলতেন, ফরাসী জাতটা কি আর জানে তাদের কষ্ট বাঁচাবার জন্য আমি নিজে কতটা কষ্ট স্বীকার করি ?' ফ্রবের এ-কথাটা বললে যানাতো আরো বেশি—তিনি তো শেষটার সে পরিশ্রম সহিতে না পেয়ে লেখাই ছেড়ে দিলেন।

ধুয়ে মুছে কেচে ইঞ্জি পাট না করা পৰ্বস্তু ফ্ৰবের ভাষাকে রেহাই দিতেন না। তাই যখন শাগরেদ মোপাসাঁর ভিতর ফ্ৰবের গুণের সন্ধান পেলেন তখন তিনি মোপাসাঁর লেখার উপর নির্মম বঁাদা চালাতে আরম্ভ করলেন। আর কী সব অদ্ভুত ফরমায়েশ—দশ লাইনে করুণ বর্ণনা লেখো, পনেরো লাইনে বীররস বাংলাও, এটা ছিঁড়ে ফেলে দাও, ওটা ছাপিয়ে না—অর্থাৎ ফ্ৰবের শাগরেদ মোপাসাঁকে ধুয়ে মুছে কেচে তৈরি করে প্রায় পকেটস্থ করে ফেলেছেন, এমন সময় তাঁর ডাক পড়লো সেই লোক থেকে যেখানে রসসৃষ্টি করা যায় বিনা পরিশ্রমে—স্বর্গলোকে পরিশ্রম নেই বলেই মর্তলোকের সৃষ্টি হয়েছিল এ-কথা বাইবেলে লেখা আছে।

এই তালিমের ফলেই ছোট গল্পের সৃষ্টি। মোপাসাঁর পূর্বের লেখকেরা কি বর্ণনা, কি চরিত্রে বিশ্লেষণ, কি ঘটনার ঘাত-প্রতিঘাত সবকিছুই লিখতেন ছড়িয়ে-ছিটিয়ে। ছোট গল্প লিখতে হলে যে বাকসংঘম দরকার, বিস্তর কথা অল্প কথায় প্রকাশ করবার যে কেরামতি প্রয়োজন, প্রকাণ্ড আলোটার চতুর্দিক কালো কাপড়ে ঢেকে তার সামনের দিকে পুরু কাঁচ লাগালে যে রশ্মির তীব্রতা বাড়ে সেই জ্ঞান মোপাসাঁর পূর্বে কারো ছিল না, অথবা তাই নিয়ে মাথা ঘামাবার প্রয়োজন কেউ অনুভব করেন নি। সর্বাঙ্গ বেনারসীতে ঢেকে মুখ থেকে শুধু ঘোমটা সরিয়ে ফিক করে এক ঝলক হেসে সুন্দরী চলে গেল—মোপাসাঁর পূর্বে ফরাসীরা যেন এ-অভিজ্ঞতার কল্পনাই করতে পারেন নি। তাঁদের কায়দাটা কি ছিল সে কথা ফেনিয়ে বলার সাহস আমার নেই—কলিকাতা এ সব বাবদে প্যারিসের মত 'উদার' নয়!

এ সব নিছক যোগাযোগের কথা। মোপাসাঁর আপন কৃতিত্ব তবে কোন্‌খানে? গল্পটাকে বিশেষ এক জায়গায় এনে অকস্মাৎ ছেড়ে দেওয়া, এবং সেই অকস্মাৎ ছেড়ে দেওয়াটাই গল্পের সম্পূর্ণতাকে প্রকাশ করল—ইংরিজীতে যাকে বলে 'ক্লাইমেক্স'—এইখানেই মোপাসাঁর বিশেষত্ব। মোপাসাঁর পূর্বের উপন্যাসিকেরা তাবৎ নায়ক-নায়িকাদের জন্ত একটা পাকাপাকি বন্দোবস্ত না করে উপন্যাস বন্ধ করতেন না। নটে গাছটি তাঁরা এমনি কায়দায় মুড়তেন যে, পাঠকের মনে আর কোনো সন্দেহ থাকত না যে এদের জীবনে আর কিছু ঘটতে পারে না, এরা এখন থেকে 'পুত্র কন্যা লাভ করতঃ পরমানন্দে জীবন যাপন করিল' অথবা 'অমৃত্যুপের তুষানলে তিলে তিলে দন্ধ হইতে লাগিল।'

ক্লাইমেক্স আবিষ্কার মোপাসাঁর একান্ত নিজস্ব।

মোপাসাঁর পর বিস্তর লেখক এস্তার ছোট গল্প লিখেছেন, কেউ কেউ মোপাসাঁর চেয়ে ভালো লিখেছেন ; কিন্তু অস্বীকার করবার উপায় নেই যে সব গল্পই মোপাসাঁর ছাঁচে ঢেলে গড়া। মোপাসাঁ যে কাঠামোটি গড়ে দিয়ে গিয়েছিলেন, সেই কাঠামোটিতে কোন ফেরফার করার সাহস কারোয়ই হল না।

চেখফ্‌ই (Chekhov, Tschehoff ইত্যাদি নানা বানানে নামটি লেখা হয়, কিন্তু উচ্চারণ 'চেখফ') প্রথম এই কাঠামোতে হাত দিয়ে দেখিয়ে দিলেন যে ক্লাইমেক্স বাদ দিয়েও সবসে ছোট গল্প লেখা যায়। শুধু তাই নয়, মানুষের দৈনন্দিন জীবনে খুব কম ঘটনাই এ রকম ধারা 'বুম্-প্যাঙ' করে মশক্কে ক্লাইমেক্সে এসে অরকেস্ট্রা শেষ করে। চেখফের অনেক গল্প ক্লাইমেক্সে শেষ হয় সত্য ; কিন্তু সেটা গল্পের নিজস্ব প্রকৃতির উপর নির্ভর করে। সব গল্পই যদি পাঠক ক্লাইমেক্সের প্রত্যাশা করে করে পড়ে, তবে সেগুলো একঘেয়ে হয়ে যেতে বাধ্য—সব কবিতাই তো আর মনেট নয় যে শেষের দুই ছন্দে কবিতার সারাংশ জোর গলায় বলে দেওয়া হবে। তাই চেখফের বহু ক্লাইমেক্স-বর্জিত গল্পের ভারকেন্দ্র এমন এমন ভাবে সমস্ত গল্পে ভাগ করে দেওয়া হয়েছে যে, পাঠক বসিয়ে বসিয়ে নিশ্চিন্ত মনে গল্পগুলো পড়তে পারে—ক্লাইমেক্সের আচমকা ইলেকট্রিক শকের অগ্নি নাক কান খাড়া করে থাকতে হয় না।

আর ভাষার দিক দিয়ে চেখফ্‌ মোপাসাঁকেও ছাড়িয়ে যান। টলস্টয়ের ক্রবের চেয়ে অনেক বড় স্রষ্টা এবং চেখফ্‌ যদিও টলস্টয়ের শিষ্য নন তবু তিনি বহু বৎসর ধরে টলস্টয়ের সাহচর্য ও উপদেশ পেয়েছিলেন। টলস্টয় স্বয়ং গর্কির চেয়ে চেখফ্‌কে পছন্দ করতেন বেশি—তিনি নাকি একবার গর্কিকে বলেছিলেন, চেখফ্‌ মেয়ে হলে তিনি তাঁর কাছে নিশ্চয়ই বিয়ের প্রস্তাব পাড়তেন।

রবীন্দ্রনাথের গোড়ার দিকের গল্পগুলি বড় ঢিলে। প্রমাণ করা কঠিন কিন্তু আমার মনে হয়, এই ঢিলে ভাব তাঁর প্রথম কাটল মোপাসাঁর গল্পের সঙ্গে পরিচিত হওয়ার পর। তখন থেকে রবীন্দ্রনাথের গল্পে মোপাসাঁরই মত ঠাস বহুনি দেখতে পাওয়া যায়, আর কাঠামোটাও হরেরে মোপাসাঁর। কিন্তু রবীন্দ্রনাথের মত লেখক আপন বৈশিষ্ট্য বর্জন করে লিখবেন—তা সে কাঁচা লেখাই হোক আর পাকা লেখাই হোক—সে কথা অনারালে অস্বীকার করা যায়।

রবীন্দ্রনাথের গল্প মোপাসাঁ চেখফ্‌ দুজনের গল্পকেই হার মানায় তার গীতিরস দিয়ে । রবীন্দ্রনাথের সমস্ত গল্পটি কেমন যেন সঙ্গীতের কোনো এক রাগে বাধা । এখানে সংস্কৃত নাটকের সঙ্গে রবীন্দ্রনাথের মিল রয়েছে । ষ্ঠশকটিকা শকুন্তলা, রত্নাবলী নাটক গ্রীক কাঠামোতে ফেলা যায় সত্য ; কিন্তু এগুলিতে যে গীতিরস রয়েছে, গ্রীক নাটকে তা নেই—তাই আমরা সংস্কৃত নাটকে যে আনন্দ পাই, গ্রীক নাটকে সেটি পাইনে ।

রবীন্দ্রনাথ বিশেষ বয়সে শেলি, কীটসের প্রভাবে পড়েছিলেন সত্য, কিন্তু তার চেয়েও বড় সত্য, রবীন্দ্রনাথ সে প্রভাব একদিন সম্পূর্ণ কাটিয়ে উঠতে সক্ষম হয়েছিলেন । গল্পের বেলাতেও রবীন্দ্রনাথ একদিন মোপাসাঁর প্রভাব ঝেড়ে ফেলে দিতে সমর্থ হয়েছিলেন । রবীন্দ্রনাথ শেষের দিকের গল্পগুলিতে কি যেন এক অনির্বচনীয়ের প্রকাশ করতে চেয়েছিলেন । ‘মিস্টিক’ কথাটাতে সব কিছুই ঢাকা পড়ে যায় বলে শব্দটা ব্যবহার করতে বাধা বাধা ঠেকে ; কিন্তু মানব-চরিত্রের আলো-অন্ধকারের আবছায়া আকুর্বাঁকু, মানব-চরিত্রের যে দিক দৈনন্দিন জীবন আমাদের চোখে পড়ে না, মানুষকে যে সবসময় তার বাক্য আর আচরণ দিয়েই চেনা যায় না, মানুষের সেই দুজ্জের অস্তঃকল রবীন্দ্রনাথ চেষ্টা করেছিলেন আধা-আলোরই ভাষা এবং ভঙ্গি দিয়ে প্রকাশ করতে । সেখানে রবীন্দ্রনাথ একা, মোপাসাঁ চেখফের সঙ্গে তাঁর যোগসূত্র সেখানে সম্পূর্ণ ছিন্ন হয়ে গিয়েছে ।

অনুবাদ সাহিত্য

বাঙলা সাহিত্যের মত অদ্ভুত এবং বেতাল সাহিত্য পৃথিবীতে কমই আছে । রবীন্দ্রনাথ গান আর কবিতা দিয়ে যে বাঙলা গীতিসাহিত্য রচনা করেছিলেন তার কাছে এসে দাঁড়াতে পারে, এমন গীতিসাহিত্য পৃথিবীতে আর নেই বললেও চলে । মেঘদূতের মত গীতিকাব্য পৃথিবীতে নেই—রবীন্দ্রনাথের বর্ষার গান অনেক স্থলে কালিদাসের মেঘদূতকেও ছাড়িয়ে গিয়েছে ! রবীন্দ্রনাথ তাঁর গীতিকাব্য দিয়ে বাঙলা সাহিত্যকে যেন একসঙ্গে তেইশটা ভবল প্রমোশন পাইয়ে দিয়েছেন ।

রবীন্দ্রনাথের ছোট গল্পও বিশ্বসাহিত্যের যে-কোনো কবাসাহিত্যের সঙ্গে

ধাধ মিলিয়ে চলতে পারে। আরে। বিস্তর অতুলনীয় সৃষ্টি রবীন্দ্রনাথের কলম দিয়ে বেরিয়েছে, তার উল্লেখ এখানে অবাস্তব।

কিন্তু রবীন্দ্রনাথ ছিলেন সৃষ্টিকার। তার পক্ষে অন্য লেখকের রচনা অনুবাদ করবার কোনো প্রয়োজন ছিল না। এমনকি এ-কথা বললে ভুল লাগবে না, যেটুকু অনুবাদ তিনি করেছেন তাতে সময় নষ্ট হয়েছে মাত্র। কদমফুলের কেশর ছাড়িয়ে লাটু বানিয়ে ছেলেরা জিনিসটাকে কাজে লাগায় বটে, সবু নিকরমা কদমফুলেরই দাম বেশি।

অনুবাদ-চর্চা দিয়ে রবীন্দ্রনাথ বেশি সময় নষ্ট করেননি বলেই বোধ করি বাংলা সাহিত্য অনুবাদের দিক দিয়ে এত হীন। তাই বলছিলুম, বাংলা সাহিত্য বেতলা সাহিত্য; গীতিকাব্যে যেন সে পক্ষীরাজের পিঠে চড়ে বিশ্ব-স্রোতের উড়ে বেড়ায় আর অনুবাদ সাহিত্যের বেলা সে যেন এদোঁ কুয়োয় ভতরে খাবি খায়।

অথচ ঊনবিংশ শতকের শেষের দিকে বাংলা ভাষায় যে অনুবাদসাহিত্যের চন্দনাদানা বাঁধতে আরম্ভ করে, তার তুলনায় আজকের দিনে তাকিয়ে দেখি নদানা দিয়ে মিঠাই মণ্ডা তো হ'লই না, তলানির চিনিটুকু দিয়ে আজ যেন সাহিত্য-সভায় পানসে শরবৎ বিলানো হচ্ছে। গীতিকাব্যে যে সাহিত্য তেইশটে বল প্রমোশন পেয়েছিল, অনুবাদে সেই সাহিত্যকেই বাহারটা ডিগ্রেডেশন হয়ে দেওয়া হয়েছে।

অনুবাদ করতে হলে বিদেশী ভাষা জানার প্রয়োজন। আজকের দিনে ককাতা শহরে শুধু ফরাসী বই বিক্রয়ের জন্য দোকান—সস্তর বৎসর আগে ছিল না—তবু আমাদের অনুবাদ-সাহিত্যে যেটুকু শরবৎ আজ বিলানো হচ্ছে তার আগাগোড়া ইংরিজী থেকে।

অথচ ঊনবিংশ শতকের শেষের দিকেই জ্যোতিরিন্দ্রনাথ ঠাকুর ফরাসী সাহিত্যের উত্তম উত্তম রস-সৃষ্টি বাংলায় অনুবাদ করতে আরম্ভ করেন। বিংশ শতকেও তিনি এই কর্মে লিপ্ত এবং মৃত্যুর কিছুদিন পূর্ব পর্যন্ত তিনি একান্ত মস্তি দেননি। ঠিক স্মরণ নেই, তবে খুব সম্ভব লোকমান্য বালগদ্বাধর টিলকের ষাট মারাঠী গীতার অনুবাদই তাঁর শেষ দান।

আশ্চর্য বোধ হয় যে, বাঙালী জ্যোতিরিন্দ্রনাথ ঠাকুরকে ভুলে গিয়েছে। সংস্কৃত থেকে তিনি যে সব নাটক অনুবাদ করেছিলেন সেগুলোর কথা আজ থাক! শঙ্কিত পিয়ের লোতির একখানা বইয়ের কথা স্মরণ করছি।

পিয়ের লোতির মত লেখক পৃথিবীতে কমই জন্মেছেন। হৃদয়মাত্র শব্দে
 জোরে, সম্পূর্ণ অজানা, অদেখা প্রাকৃতিক সৌন্দর্যের বর্ণনা গড়ে তোলা যে .কে
 কঠিন কর্ম, তা শুধু তাঁরাই বুঝতে পারবেন, ধারা কখনো এ-চেষ্টার দৃশ্যমাত্র
 কালক্ষেপ করেছেন। রবীন্দ্রনাথের প্রতি অশ্রদ্ধা প্রকাশ করার মত চূর্মতি
 কোনো বাঙালীর হওয়ার কথা নয়, তাই বলতে আপত্তি নেই যে স্বয়ং
 রবীন্দ্রনাথ বাঙালীর অদেখা বা অল্পদেখা জিনিস নিয়ে কাব্য সৃষ্টি করাটা
 পছন্দ করতেন না। সাধারণ বাঙালীর সঙ্গে পাহাড় এবং সমুদ্রের পরিচয়
 অতি কম—তাই বোধ করি রবীন্দ্রনাথ এ ছ'টো জিনিস নিয়ে নাড়াচাড়া
 করেছেন যতদূর সম্ভব কম। শীতপ্রধান দেশের পাতা-ঝরা হেমন্ত ঋতু, ওত্র
 মল্লিকা বর্ষণের মত বরফপাত যে কি দর্শনীয় বস্তু, সিনেমা থেকেও তার
 খানিকটে আন্দাজ করা যায়,—রবীন্দ্রনাথ এসব দেখেছেন, উপভোগ করেছেন
 বহুবার ; কিন্তু কোথাও তার বর্ণনা করেছেন বলে তো মনে পড়ে না।

পিয়ের লোতির বৈশিষ্ট্য এইখানেই। তিনি জাপান, তুর্কী, আইসল্যান্ড
 এবং আরও নানাদেশের যে সব ছবি ফরাসী ভাষায় এঁকে দিয়ে গিয়েছেন,
 সে-সব পড়ে মনে হয় ভাবার ভিতরে সঙ্গীত, বর্ণ, গন্ধ একসঙ্গে মিলে গিয়ে কি
 করে এইরূপ রসবস্তু নির্মাণ হতে পারে। মনে হয়, একসঙ্গে যেন পঞ্চেন্দ্রিয়
 রস গ্রহণ করছে, মনে হয় কারো কলম যদি নিত্যন্ত অরসিক জনকে দেশ-কাল-
 পাত্র ভোলাতে সক্ষম হয়, তবে সে কলম পিয়ের লোতির।

ভারতবর্ষ সম্বন্ধে লোতি যে বইখানা লিখেছেন তার নাম 'ল্যাংদ, ম্যাংগলে'।
 অর্থাৎ 'ভারতবর্ষ, কিন্তু ইংরেজকে বাদ দিয়ে'। অর্থাৎ তিনি ভারতবর্ষের সবি
 আকর্ষণে বসেছেন কিন্তু মনস্থির করে ফেলেছেন যে, এ-দেশের ইংরেজদের
 সম্বন্ধে তিনি কিছু বলবেন না।

স্বীকার করি, 'ইংরেজ-বর্জিত-ভারত' ('বহুমতী' কতৃক প্রকাশিত
 জ্যোতিরিন্দ্র গ্রন্থাবলী জুড়িয়া) 'ল্যাংদ, ম্যাংগলে'র ঠিক অমুবাদ নয়,
 কিন্তু জ্যোতিরিন্দ্রনাথের অমুবাদশব্দে ঐ একটি মাত্র কলঙ্ক। বাদবাকী
 পুস্তকখানা অমুবাদ-সাহিত্যে যে কি আশ্চর্য কুতূব-মিনার, তার বর্ণনা দিতে
 হলে লোতির কলমের প্রয়োজন।

ত্রিবাঙ্করে লোতি ভারতীয় সঙ্গীত শুনে বিশ্বয়ের উচ্ছ্বাসে সে-সঙ্গীতের
 বর্ণনাতে কত না স্বর কত না ধ্বনি মিশিয়ে দিয়েছেন ; জ্যোতিরিন্দ্রনাথের
 বাংলা সে স্বর সে-ধ্বনি অবিকল বাজিয়ে চলেছে। মাত্রাঙ্গ লোতি ভারতনাট্যের

দেখে ভাবাবেগে অভিভূত হয়ে মানবহৃদয়ের যত প্রকারের আশা-নৈরাশি, যুগা-ক্রোধ, আকুলি-বিকুলি সম্ভব হতে পারে, সব কটি প্রকাশ করেছেন কখনো গম্ভীর মেঘমল্ল, কখনো মধুর বীণাঝঙ্কারে, কখনো শব্দ সমন্বয়ের চটুল নৃত্যে—জ্যোতিরিন্দ্রনাথের বাংলা-বীণা যেন প্রতি মন্ত্র, প্রতি ঝঙ্কার, প্রতি বাজনা ঠিক সেই স্বরে রসসৃষ্টি করেছে। ইলোরার স্থাপত্য-ভাস্কর্য লোতিকে বিহ্বল ভয়াতুর করে ফেলেছে, অনির্বচনীয় চিরস্তর সস্তার রসস্বরূপে স্বপ্রকাশ দেখিয়ে—জ্যোতিরিন্দ্রনাথের লেখনী লোতির বিহ্বল ভয়াত হৃদয়ের প্রতি কম্পন প্রতি স্পন্দন ধরে নিয়ে যেন বীণাযন্ত্রের চিকণ কাজের সঙ্গে মৃদঙ্গের নিপুণ বোল মিশিয়ে দিয়েছে।

এরূপ অভূত সঙ্গত দিয়ে বাঙলা সাহিত্যের মজলিসে যে অনুবাদ-সাহিত্য আরম্ভ করেছিল, আজ তার সমাপ্তি দেখতে পাচ্ছি সস্তা, রগরগে ইংরিজী উপন্যাসের অনুবাদে। খেমটা আর 'ফিল্মি গানের' সঙ্গে তার মিতালি।

‘কলচর’

‘পরশুরামের’ কেদার চাটুজ্যেকে বাধা তাড়া করেছে, ভূত ভয় দেখিয়েছে, হুম্মান দাঁত খিচিয়েছে, পুলিশ কোর্টের উকীল জেরা করেছে, তবু তিনি ভয় পাননি, কিন্তু শেষটার এক আমেরিকান মেমসায়েরের পাল্লায় পড়ে হিমসিম খেয়ে যান। কেদার চাটুজ্যের প্রতি আমার অগাধ ভক্তি কিন্তু তৎসঙ্গেও আমাকে সবিনয় বসতে হবে তাঁর তুলনায় আমি দেশভ্রমণ করেছি অনেক বেশি, কাজেই আমাকে ভয় দেখিয়েছে আরো অনেক বেশি ভূত, অভূত, নাৎসী, কম্যুনিষ্ট, মিশনারী, কলাবৎ, সম্পাদক, দারোয়ান ইত্যাদি, কিন্তু তবু যদি তামা-তুলসী-গঙ্গাজল নিয়ে শপথ কাটতে হয়, তবে বলব আমি সবচেয়ে বেশি ভয় পেয়েছি ‘কলচরের’ সামনে।

বাঙলা দেশে ‘কলচর’ আছে কিনা জানিনে, যদি বা থাকে তবে আমি নিজে বাঙালী বলে সে জিনিস এড়িয়ে যাবার অঙ্কিসঙ্কি জান। কিন্তু বিদেশ-বিভূঁইয়ে হঠাৎ বেমকা এ জিনিসের মুখোমুখি হয়ে পড়লে যে কি দারুণ নাভিস্বাস ওঠে তার বর্ণনা দেবার মত ভাষা এবং শৈলী আমার পেটে নেই।

পশ্চিম ভারতে একবার এই 'কলচর' অথবা 'কলচরড্' সমাজের পার, পড়েছিলুম। তার মর্মস্বাদ কাহিনী নিবেদন করছি।

এক যুবতীর সঙ্গে কোনো এক চায়ের মজলিসে আলাপ হল। তিনি আমাকে তাঁর বাড়িতে যাবার নিমন্ত্রণ করলেন। সুন্দরী রমণী। প্রত্যাখ্যান করি কি প্রকারে? তখন যদি জানতুম তিনি আমাকে বাঙালী অতএব 'কলচরড্' ঠাউরে নিমন্ত্রণ করেছেন তাহলে ধর্ম সাক্ষী আমি কেটে পড়তুম। কারণ, আমি 'কলচরড্' নই এবং পূর্বেই বলেছি ও-জিনিসটাকে আমি বড্ড ডরাই।

সুন্দরী মোটর পাঠিয়ে দিয়েছিলেন। কাজেই বাড়ি খুঁজে বের করার মেহনত থেকে রেহাই পেলুম। গাড়ি এসে এক বিপুলায়তন বাড়ির সামনে দাঁড়াল। বাড়ি বলা হয়ত ভুল হল। সংস্কৃতে খুব সম্ভব এই বস্তুকেই 'প্রাসাদ' বলে।

কিন্তু সে কী অদ্ভুত বিভীষিকা। সাঁচীর স্তূপ, অজস্র প্রবেশদ্বার, অশোকের স্তম্ভ, মাদুরার মণ্ডপ, তাজের জার্নির কাজ, জামি মসজিদের আরাবেস্ক ভারতবর্ষের তাবৎ সৌন্দর্য নিদর্শন সেখানে যেন এক বিরাট তাণ্ডব নৃত্য লাগিয়েছে। যে ফিরিস্তিট দিলুম সেটা পূর্ণাবয়ব কি না জানিনে এবং এসব স্থাপত্যকলার মর্ম এ অধম জানে না সেটাও সে সবিনয় স্বীকার করে নিচ্ছে। আমি সাহিত্য নিয়ে ঈষৎ নাডাচাড়া করি, কারণ ঐ একমাত্র জিনিসই মাস্টার অধ্যাপকেরা আমাকে স্কুল-কলেজে ঠেঙ্গিয়ে ঠেঙ্গিয়ে কিছুটা শিখিয়েছেন। সাহিত্যের দৃষ্টিবিন্দু দিয়ে তাই যদি সে-প্রাসাদের বর্ণনা দিই তবে বলতে হবে, আমি যেন এক কবিতার সামনে দাঁড়ালুম যার প্রথম লাইন 'যাপদী', দ্বিতীয় লাইন 'চণ্ডীদাসী', তৃতীয় লাইন 'মাইকেল', চতুর্থ লাইন 'রঙ্গলালী', পঞ্চম লাইন 'ঠাকুরী' এবং শেষ লাইন 'নঙ্গরুলী'। জানি, আজ যদি কেউ এই সব ক'জন মহাজনের শৈলী এবং ভাষা আয়ত্ত্ব ক'রে কাব্য সৃষ্টি করতে পারেন তবে তিনি কি কাগিদাস, কি সেক্সপীয়ার, কি গ্যোটে সর্বযুগের সব কবিরাজকে ছাড়িয়ে যেতে পারবেন। কিন্তু আমি যে বিভীষিকার সামনে দাঁড়ালুম সে তো তা নয় এ যেন কেউ কাঁচি দিয়ে নানান কবির লেখা নিয়ে হেথা থেকে দু'ছত্র হোথ থেকে তিন পংক্তি কেটে গদ দিয়ে জুড়ে দিয়ে নসছে, 'পশু, পশু, কী অপূর্ব কবিতা; এ-কবিতা মাইকেল, রবীন্দ্রনাথ যে-কোনো কবির লেখাকে হার মানায় কারণ এ-কবিতা তনিয়ার তাবৎ কবির ব্যায়ারী জাদা দিয়ে গড'। বাদর হানালেও এখন খুঁজে পাবে।

তখনও পালাবার পথ ছিল, কিন্তু হৃন্দরীর—যাক্গে। না পালাবার অন্য আরেকটা কারণও মজুদ ছিল। এ বিতৌষিকা দেখে গাজুলী মশাই অথবা ক্রামরিশ বীবী পালাবেন, কিন্তু আমি তো 'কলচরড্' নই, আমি পালাব কেন ?

ততক্ষণে এসে দাঁড়িয়েছি লিফ্টের সামনে। অপূর্ব সে খাঁচা। এতদিন বাদে আত্ম আর মনে নেই কোন্ কোন্ শৈলীর ঘুঘোঘুঘিতে (কোলাকুলিতে নয়) সে লিফ্টের চারখানা কাঠের পাট নির্মিত ছিল। প্রত্যেক পাটে অতি সূক্ষ্ম লাজুক, মোলায়েম দারুণিল্ল। জয়পুরের মিনা ঘেন সূক্ষ্মতায় তার কাছে হার মানে।

ভিতরে ঢুকলুম। তখন লক্ষ্য করলুম লিফ্টবয় দরজাখানা বন্ধ করল অতিশয় সস্তূর্ণনে—পাছে কাঠের চিকন কাজে কোনো জখম হয়। কিন্তু ফল হল এই যে লিফ্ট আর উড্ডীয়মান হতে চায় না। বয় ধীরে ধীরে চাপ বাড়ায় কিন্তু লিফ্ট নড়তে চায় না। তারপর হুস করে বলা নেই কওয়া নেই, লিফ্ট উপরের দিকে চলল, পক্ষীরাজের বাচ্চা ঘোড়ার পিঠে হঠাৎ জিন লাগানে যে-বকম ধারা আচমকা লক্ষ দিয়ে ওঠে।

তারপর দোতলায় নামবার কথা—লিফ্ট সেখানে থামে না। থামলে গিয়ে আচম্বিতে দোতলা আর তেতলার মধ্যখানে।

একে ত গাঁয়ের ছেলে, বয়স হওয়ার পর শহরে এসে প্রথম লিফ্ট দেখেছি এবং তখনকার দিনে ধৃতিকূর্তা পরা থাকলে লিফ্ট চড়তে দিত না বলে এ ফাঁড়া থেকে প্রাণ বাঁচাতে পেরেছি, তার উপর জানি দড়াম করে দরজা বন্ধ না করলে ভালো লিফ্টও নড়তে চায় না এবং তার উপর দেখি এই ছোকরা চাকরি যাবার ভয়ে দরজার উপর মোর লাগাতেও রাজী হয় না। এই 'কলচরড্' লিফ্টটাকে জখম চোটের হাত থেকে বাঁচাবার জন্য আমার প্রাণটা বলি দিতে হবে নাকি ?

আমি তখন হস্তে হয়ে উঠেছি। ধমক দিয়ে বললুম, 'দরজা জোরে বন্ধ করো।'

সে করে না। এই মাগ্গীর বাজারে প্রাণের চেয়ে চাকরি বড়। প্রাণ জিনিসটা জন্মে জন্মে বিনা খরচে, বিনা মেহরতে পাওয়া যায় ; কিন্তু চাকরির জন্য বিস্তর বেদরদ বেইজ্জতী সহিতে হয়।

আমি আর কি করি ? ধাক্কা দিয়ে ছোড়াটাকে পথ থেকে সরিয়ে দরজার দিলুম বিপুল এক ধাক্কা। হুস করে লিফ্ট উঠে গেল তেতলায়। আমি দরজা

খুলে নাবতে যাচ্ছি, বয় চেষ্টিয়ে বললো, 'আপনি যাবেন দোতলায়, তেতলায় নয়।' আমি বললুম, 'তুমি যাও চুলোয়।' ছোকরা বাঙলা বোঝে না।

তেতলা থেকে সিঁড়ি ভেঙে নামলুম দোতলায়।

ততক্ষণে লিফ্টে ধড়ধড় শব্দ শুনে সুন্দরীর ভাই-বেরাদর দু'একজন সিঁড়ির কাছে জমায়েত হয়ে গিয়েছেন। আমি ছোকরার চাকরি বাঁচাবার জন্য নিজের অপরাধ স্বীকার করলুম। ওরা যে-রকম ভাবে আমার দিকে তাকালেন তাতে মনে হল আমি যেন ভাঙ্গমহলের উপর এটম বম মেয়েছি অথবা ওস্তাদ ফৈয়াজ খানের গলা কেটে ফেলেছি।

'কলচর' নই, তাই বলতে পারবো না, 'কলচর' দেশ-কাল-পাত্র মেনে নিয়ে স্বতঃস্ফূর্ত হয় কি না। কিন্তু লিফ্টের ভিতরকার 'কলচর'কে সম্মান দেখাতে গিয়ে আমি প্রাণটা দিতে রাজী নই। তাই বলছিলুম, আমি 'কলচর' জিনিসটাকে ভরাই।

বর্ষা

কাইরোতে বছরে ক'ইকি বৃষ্টি পড়ে এতদিন বাদে সে কথা আমার আর স্মরণ নেই। আধা হতে পারে সিকিও হতে পারে। দিনের পর দিন, মাসের পর মাস মেঘমুক্ত নীল আকাশ দেখে দেখে আমার তো প্রথমটায় মনে হয়েছিল, এদেশে বৃষ্টি আদর্শেই বৃষ্টিপাত হয় না। আর গাছপালার কী ছরবছা, পাতাগুলোর কী অস্তুত চেহারা! সাহারার ধূলা উড়ে এসে চেপে বসেছে পাতাগুলোর গায়ে—সিন্দবাদের কাঁধে যে রকম পাগলা বুড়ো চেপে বসেছিল—সে ধূলা সরানো দু'দশটা হোঁজের কথ হয়। কাফেতে বসে বুলভারের গাছগুলোর দিকে তাকিয়ে তাকিয়ে প্রায়ই ভাবতুম, এদের কপালে কি কোনো প্রকারের মুক্তিমান নেই?

সুদানের একটি ছেলের সঙ্গে আলাপ হ'ল। সে বললে, তার দেশে নাকি ষাট বছরের পর একদিন হঠাৎ কয়েক ফোটা বৃষ্টি নেবেছিল। মেয়েরা, কাচাবাচ্চারা, এমনকি গোটা কয়েক জোয়ান মদরা পর্যন্ত হাউমাউ করে কান্নাকাটি জুড়েছিল, 'আকাশ টুকরো টুকরো হয়ে আমাদের ঘাড়ে ভেঙে

পড়লো গো। আমরা যাব কোথায়? কিয়ামতের (মহাপ্রলয়ের) দিন এসে গেছে। সব পাপের তওবা (ক্ষমা-ভিক্ষা) মাঙবার সময় পেলুম না, সবাইকে যেতে হবে নরকে।' গাঁও-বুড়োরা নাকি তখন মাশুনা দিয়ে বলেছিলেন, 'এতে ভয় পাবার কিছু নেই। আকাশ টুকরো টুকরো হয়ে ভেঙে পড়ছে না। এ যা নাবছে সে জ্বিনিস জল। এর নাম মংরু (অর্থাৎ বৃষ্টি)।' সুদানী ছেলেটি আমায় বুঝিয়ে বললে, 'আরবী ভাষায় মংরু (বৃষ্টি) শব্দ আছে; কারণ আরব দেশে মাঝে মাঝে বৃষ্টি হয়, কিন্তু সুদানে যে-আরবী ভাষা প্রচলিত সে-ভাষায় মংরু শব্দ কখনো ব্যবহৃত হয়নি বলে সে শব্দটি সুদানী মেয়েছেলেদের সম্পূর্ণ অজানা।'

সুদানে যাই হোক হোক। কিন্তু একদিন যখন হঠাৎ কাইরোতে বৃষ্টি নাবল আমি তখন আনন্দে আত্মহারা হয়ে কাফে ছেড়ে রাস্তায় বেরিয়ে পড়লুম। বিরহী যক্ষ যেরকম দুই বাছ প্রসারিত করে উত্তরের বাতাস আলিঙ্গন করেছিল, আমি ঠিক সেইরকম 'ঝড় নেমে আয় আয়' বেসুরা বেতলা করে গাইলুম আর আমার জোকা-জোকা যে ভিজে কাঁই হল, সে কথা বলাই বাহুল্য।

বৃষ্টি না থামার পূর্বেই ফিরে এলুম পাড়ার কাফেতে। সবাইকে বোঝাবো, বাঙলা দেশে কি রকম অদ্ভুত বর্ষা নামে, তার কি অপূর্ব জৌলুস। দেখি, আড্ডার মন্থগুরা কেউ আধভেজা, কেউ ছ' আনা, কেউ দু' আনা। আমাকে দেখা মাত্র সবাই তো মারমার করে তেড়ে এল। আরে, বুঝিয়েই বলো না, কি ব্যাপার, চটছে কেন?

সবাই এক সঙ্গে কথা কয়। কি মুশ্কিল! ভাবখানা অনেকটা;—এই জ্যাম সুইসেন্স বৃষ্টির প্রশংসা আমি রাস্কেল ইণ্ডিয়ান কেন এতদিন ধরে করে আসছি? আর গ্যাট পোয়েট টেগোর, যার নামে আমি অজ্ঞান, সেই বা এই বৃষ্টির নামে এত কবিতা লিখল কেন? স্ট বরবাদ হয়ে গিয়েছে, হিম লেগে কেউ হাঁচছে, কেউ কাঁপছে, কেউ বা পিছলে পড়ে হাত ভেঙে ফেলেছে। আর সবচেয়ে মারাত্মক খবর, পাউলুসের বান্ধবী বৃষ্টির জন্তু আসতে পারেনি বলে পাউলুস মর্মান্বিত হয়ে পটাসিয়াম সায়ানাইডের সন্ধানে বেরিয়ে গিয়েছে।

মহা মুশ্কিলে পড়লুম। জুঁসই কি উত্তর দিই! যুগশকটিকায় বসন্তসেনা বৃষ্টিতে ভিজে যখন চাকদন্তের সামনে উপস্থিত হয়েছিলেন তখন যে কাব্য সৃষ্টি হয়েছিল, তার বর্ণনা এদের সামনে এই বেমকায় পেশ করলে এরা আমাকে খুন করবে; মেঘদূতের বয়ান, জয়দেবের 'মেঘধর্মোদ্রুতরং' এদের সামনে গাইতে গেলে এরা আমাকে জ্বাল পুঁতে ফেলবে। তাই ভাবলুম, কার্ল মার্কসের স্বরণ নেওয়াই

প্রশস্ত। অর্থনৈতিক কারণ দেখালে এরা হয়ত মোলারেম হবে। বললুম, 'বৃষ্টি না হলে গাছপালা, গম-ধান গজাবে কি প্রকারে?'

সবাই আমার দিকে এমন ভাবে তাকালে যেন আমি বেহেড মাতাল অথবা বন্ধ উন্মাদ। মিশরে পাগলা উটের কামড় খেয়ে বহু লোক মস্তিষ্ক হরে যায় বলে এরা পাগলাকে কি ভাবে শাস্তা করতে হয় সে কথা বিলক্ষণ জানে। রমজান বললো, 'কাইরো শহরের ভিতর কি যব-গম ফলে যে এখানে বৃষ্টির প্রয়োজন? যব-গম ফলে গ্রামাঞ্চলে। সেখানে বৃষ্টি হোক না, কে বারণ করছে। কিন্তু শহরের ভিতরে কেন?'

শরিফ মুহম্মদ বললো, 'সেখানেই বা বৃষ্টি হবে কেন? আমাদের গম-ধান ফলে নাইলের জলে। এই যে বৃষ্টি কখন আসে কখন আসে না তার তো কিছু ঠিক-ঠিকানা নেই। এর উপর নির্ভর করলে মিশরীদের আর বাঁচতে হত না।' আমি কি উত্তর দেব ভাবছি, এমন সময় গ্রীক সদস্য পাউলুস ফিরে এসে ঝুপ করে একটা চেয়ারে বসে টেবিলে মাথা রেখে নিঃশব্দে চোখের জল ফেলতে আরম্ভ করল। আমার সঙ্গে তর্কাতর্কির কথা সবাই ভুলে গিয়ে পাউলুসের চতুর্দিকে ঘিরে দাঁড়ালো।

কি হয়েছে, কি ব্যাপার?'

অনেক ঝুলোঝুলির পর পাউলুস মাথা না তুলেই ফুঁপিয়ে ফুঁপিয়ে যা বললো তার অর্থ, মেঘ আর বৃষ্টিতে তার বাকবীর বিরহবেদনা তাকে কাবু করে ফেলেছে। এ যন্ত্রণা সে সহিতে পারবে না। পটাসিয়াম সায়ানাইড রেশন্ড্ হয়ে গিয়েছে। মৃত্যুর অন্ত কোনো প্রশস্ত পদ্ম আড্ডা যদি তাকে না বাংলায় তবে—ইত্যাদি।

আমাকে তখন আর পায় কে? হকার দিয়ে বললুম, 'ওরে মূর্খের দল, জীবনের সবচেয়ে বড় সত্য বিরহ। আর বিরহ করে কর, সে-কথা কি করে জানবি মেঘ না জমলে, বৃষ্টি না ঝরলে? আর শেষ তথ্যকথা কবিতা কি করে ওৎরাবে বিরহবেদনা যদি মানুষকে পাগল করে না তোলে?'

* * *

আজও ভাবি, আমাদের পদাবলী, জয়দেব, কালিদাস, শূদ্রক যে বিরহবর্ণনা রেখে গিয়েছেন তার সঙ্গে তো অন্য কোনো সাহিত্যের বিরহবর্ণনার তুলনা হয় না। তার একমাত্র কারণ আমাদের বর্ষা।

জিন্দাবাদ হিন্দুস্থানী বর্ষা !!

প্যারিস

জার্মান ভাষায় একটি গান আছে :

In Paris, in Paris, sind die
Maedels so suess
Wenn sie fluestern "Monsieur,
ich bin Dein,—"

অর্থাৎ :—

প্যারিসের মেয়েগুলো কি মিষ্টি !
যখন তারা কানের কাছে গুনগুনিয়ে বলে,
'মসিয়ো আমি তোমারি ।'
সবাই হেসে হেসে তাকায়, সবাই কথা বলবার
সময় 'তুমি' বলে ডাকে
আর কানে কানে বলে, 'তোমায় ছেড়ে
আর কারো কাছে যাব না ।'
কিন্তু হয়, শুধু তোমাকেই না, আরো
পাঁচজনকে তারা ঐ রকমধারাই বলে !

ইংরেজীতে বলে 'কেরীং কোল টু নিউ কাসল', হিন্দীতে বলে 'বেরেলীমে
বাস লে জানা' (বেরেলীতে নাকি প্রচুর বাস আছে), রাশানে বলে, 'তুলা শহরে
সামোভার নিয়ে যাওয়া' (সেখানে নাকি পৃথিবীর বেশির ভাগ সামোভার তৈরি
হয়), গুজরাতিতে বলে, 'ভয়া কলসী নিয়ে নদীতে যাওয়া !' এবং ফরাসীতে
বলে, 'প্যারিসে আপন স্ত্রী সঙ্গে নিয়ে যাওয়া !'

ফরাসী প্রবাদটিই মূখরোচক । কিন্তু প্রশ্ন, সত্যই কি প্যারিস-স্বন্দরীয়া বড়ই
দিলদরিয়া ? উপরের গানটাতে তো খানিকটে হৃদিস পাওয়া গেল । তবু কেন
তামাম ইয়োরোপবাসীর সুখস্বপ্ন অমৃত একবারের মত প্যারিসে যাওয়া ? এমনকি

যে জার্মান ফরাসী জাতটাকে ছ'চোথের ছগমন বলে জানে, সেও ফরাসীনার নাম শুনে বে-এক্কেয়ার হয়ে পড়ে। হিন্দুর কাশী দর্শনাভিলাষ, মুসলমানের মক্কা গমন তার কাছে নশ্চি।

এ অধ্যম ছেলেবেলায় এক ভাষাচাষি বামুনের খপ্পরে পড়েছিল। তিনি তার মাথায় তখনই গবেষণার পোকা ঢুকিয়ে দিয়েছিলেন। কাজেই প্যারিসে নেবেই ভাবলুম, 'সত্য কোন্ হিরণ্ময় পাত্রে লুক্কায়িত আছেন, তার গবেষণা করতে হবে' এবং তার নির্ধাস আজ আপনাদের কাছে নিবেদন করব। এ-নির্ধাস বানাতে আমাকে বিস্তর কাঠ-খড় পোড়াতে হয়েছে।

প্রথমত, প্যারিসের মেয়েরা সুন্দরী বটে। ইংরেজ মেয়ে বড্ড ব্যাটা মুখো, জার্মান মেয়েরা ভোঁতা, ইতালিয়ন মেয়েরা অনেকটা ভারতবাসীর মত (তাদের অন্ত ইয়োরোপে আসার কি প্রয়োজন?), আর বলকান মেয়েদের প্রেমিকরা হরবকতই মারমুখো হয়ে আছে (প্রাণটা তো বাঁচিয়ে চলতে হবে)। তার উপর আরো একটা কারণ রয়েছে—ফরাসী মেয়ে সত্যি জামা-কাপড় পরার কায়দা জানে—অল্প পয়সায়—অর্থাৎ তাদের রুচি উত্তম।

তা না হয় হল। কিন্তু সুন্দরীরাই যে সব সময় চিত্তাকর্ষণ করেন তা ভে নয়। যে-সব দেশে কোর্টশিপ করে বিয়ে হয়, সে-সব দেশে দেখেছি, মেলা সুন্দরীর বর জোটেনি আর এস্তার সাদামাটা মেয়ে খাপস্বরং বর নিয়ে শহরময় ছাবড়ে বেড়াচ্ছে।

তবে কি মানুষ প্রেমে পড়ার বেলা সুন্দরী খোজে, বিয়ে করার সময় অন্য বস্তু? তবে কি প্রেম আর বিয়ে ভিন্ন ভিন্ন শির:পীড়া? হবেও বা!

তবে একথা অস্বীকার করার জো নেই, ফরাসী মেয়েরা আর পাঁচটা দেশের মেয়েদের তুলনায় ঢের বেশি বিদগ্ধা। গান বোঝে, সাহিত্য নিয়ে নাড়াচাড়া করে, নাচতে জানে, ওয়াইনে বানচাল হয় না, অপ্রিয় সত্য এড়িয়ে চলে, পলিটিকস্ নিয়ে মাথা ঘামায় কম এবং জাত-ফাত, সাদা-কালো, দেশী-বিদেশী সম্বন্ধে সম্পূর্ণ সংস্কার বিবর্জিত। ভালো লেগেছে, তাই হামেশাই দেখতে পাবেন, দেবকন্টার মত সুন্দরী ফরাসীনী যমদূতের মত বিকট হাবশীর সঙ্গে সগর্বে সদৃশে যত্রতত্র ঘুরে বেড়াচ্ছে। ছেলেটার সঙ্গে আলাপ করে দেখবেন, নাচে খাসা, গান গায় তোফা, ছবি দেখলেই বলতে পারে কোন্ নম্বরী, আর ডাক্তারি পড়ে বলে এর ব্যাণ্ডেজ ওর ইন্জেকশন্ হামেশাই বিন্ফিতে করে দেয়।

জার্মান মেয়ে বিদেশীকে প্রচুর খাতির-যত্ন করে, প্রেমে পড়ে ফরাসী

চেয়েও বেশি, কিন্তু তৎসঙ্গেও আপনি চিরদিনই তার কাছে 'আউসল্যাণ্ড' (আউসল্যাণ্ড) বা 'বিদেশী'ই থেকে যাবেন—কিন্তু ফরাসীরা মনে অশ্রু ভাগাভাগি। তার কাছে পৃথিবীতে দুই রকম লোক আছে—কলচরড্, আর অনকলচরড্। ফরাসী, বিদেশী এই দুই স্পৃশ্য অস্পৃশ্য বাদ-বিচার তার মনে কখনো ঢোকে না।

আপনি দিব্য ফরাসী বলছেন, ফ্রাঁস আপনি পড়েন, রোদাঁকে ভক্তি করেন, শোপার রস চাখতে জানেন, বর্দো বর্গেত্তি সঙ্কে ওকীবহাল, ব্যস, তবেই হল। কোনো ইংরেজ বন্ধুকে যদি আপনি ফরাসীরা মঙ্গে আলাপ করিয়ে দেবার সময় সমস্রমে ভারতীয় কাগদায় বলেন, 'ইনি অক্সফোর্ডের গ্র্যাজুয়েট', তবে ফরাসীরা অত্যন্ত গম্ভীর মুখে শুধাবে, 'কোন্ সব্জেক্টে মহাশয়? টেনিস না ক্রিকেট?' ফরাসীরা বিশ্বাস, অক্সফোর্ডে মাত্র ঐ দুই কর্মই হয়। ভাগ্যিস প্যাডিসীনী জানে না, ভারতবর্ষে কিছুই হয় না—কাজেই আপনাকে এ রকম ধারা প্রশ্ন কেউ জিজ্ঞেস করবে না।

কিন্তু ফরাসীরা সবচেয়ে বড় গুণ—সে ভগ্নামি করতে জানে না। আর সব শহরে যা হয়, প্যারিসেও তাই হয়, কিন্তু ফ্রান্সের লোক ঢেকে চেপে রাখবার চেষ্টা করে না। যদি কোনো জিনিস চেপে যায়, তবে সেটা দৃষ্টি-কট, কচিবিক্কে বলে—নিজকে ধর্মপ্রাণ, নীতিবাগীশ বলে প্রচার করার অশ্রু নয়।

অর্থাৎ ফরাসীরা কাছে টেস্ট বা রসবোধ মরাল বা নীতিবোধের চেয়ে বহু বেশি বরণীয়।

আজব শহর কলকেতা

আজব শহর কলকেতা ছেলেবেলা থেকে শুনে আসছি। বুড়ো হতে চল্লুয় তবু তার প্রমাণ পেলুম কমই। তাই নিয়ে একখানা প্রামাণিক প্রবন্ধ লিখব তাবছি এমন সময় নামল জোর বৃষ্টি। সমীরণে পথ হারানোর বেদনা বেজে উঠল কারণ যদিও পথ হারাইনি তবু সমস্রাটা একই। ছাতা নেই, বর্ষাতি নেই, ট্রামে চড়বার মত তাগদও আর নেই—বাস মাথায় ধারুক,—ট্যান্ডি চড়তে বুক কচ কচ করে; কাজেই বাড়ি ফেরার চিন্তার বেদনাটা 'পথহারানোর' মতই হল। এমন সময় মঙ্গ্রমাণ হয়ে গেল 'কলকেতা আজব শহর'—সাগনে দেখি বড় বড় ছয়কে লেখা 'ফ্লেক বুক শপ!'

খেয়েছে ! নিশ্চয়ই কোনো ফরাসী পথ হারিয়ে কলকাতায় এসে পড়েছে আর যে ছুটি পয়সা ট্যাঁকে আছে তাই খোয়াবার জন্য ফরাসী বইয়ের দোকান খুলেছে ! বাঙালী প্রকাশকরা বলেন, 'শুধু ভালো বই ছাপিয়ে পয়সা কামানো যায় না, যদি উপন্যাসও গাদা গাদা ছাড়তে হয়।' কথাটা যদি সত্যি হয় তবে শুধু ফরাসী বই বেচে এ দোকান মুনাফা করবে কি প্রকারে ? তাই আন্দাজ করলুম, এই 'ফ্রেন্স বুক শপ' বোধ হয় হাতীর দাঁতের মত—শুধু দেখবার জন্য, চিবোবার জন্য অন্য দাঁত রয়েছে লুকোনো অর্থাৎ দোকানের নাম বাইরে যদিও 'ফ্রেন্স বুক শপ', ভিতরে গিয়ে পাবো অল্প মাল,—'খুশবাই', 'সাঁঝের পার', 'লোক-বেগু', 'ওষ্ঠ-রাগ' ।

সেই ভরসার ঢুকলুম । বৃষ্টিটাও জোরে নেমেছে ! নাঃ । আজব শহর কলকাতাই বটে । শুধু ফরাসী বই বেচেই লোকটা পয়সা কামাতে চায় । গাদা গাদা হলদে আর সাদা মলাটওয়া এস্তার ফরাসী বই, কিছু সাভানো-গোছানো, কিন্তু যত্নতর ছড়ানো । ফরাসী দোকানদার কলকাতায় এসে বাঙালী হয়ে গিয়েছে । বাঙালী দোকানদারেরই মত বইগুলো সাজিয়েছে ।

আপনাদের আশীর্বাদে আর শ্রীগুরুর কৃপায় তখন ব্যাকরণকে গঙ্গাযাত্রায় বসিয়ে, উচ্চারণের মাথায় ষোল চেলে চালালুম আমার ধেনো মার্কা ফরাসী স্লাম্পেন । মেমনাহেব খুশ । আনন্দো তর ।

অতি সযত্নে তিনি আমার বইয়ের ফর্দ টুকে নিলেন, বই আসা মাত্র আমার খবর দেবেন সে ভরসাও দিলেন ; সঙ্গে সঙ্গে সাত সমুদ্র তেরো নদীর এপারে বিদেশীর সঙ্গে মাতৃভাষার কথা কহিতে পাওয়ার আনন্দে হুথ-ছুঃখের ছ'চারটা কথাও বলে ফেললেন । মাত্র তিন মাস হল এদেশে এসেছেন, তাই ইংরিজী যথেষ্ট জানেন না, তবে কাজ চালিয়ে নিতে পারেন, বইয়ের দোকান তাঁর নয়, এক বাহুবীর, তার অল্পপস্থিতিতে স্কন্ধমাত্র ফরাসী ভাষা ও সাহিত্যের প্রচার কামনায় দোকানে বসেছেন ।

তুলসীদাস বলেছেন—'পৃথিবীর কি অদ্ভুত রীতি । শুঁড়ি দোকানে হেঁকে বসে থাকে আর ছনিয়ার লোক তার দোকানে গিয়ে মদ কেনে । ওদিকে দেখ, দুধওয়ালাকে ঘরে ঘরে ধরা দিয়ে দুধ বেচতে হয় ।'

বুকলুম কথা সত্যি । এতদিন পৃথিবীর লোক প্যারিসে জড়ো হত ফরাসী বেচবার জন্য ।

সে কথা থাক । ইতিমধ্যে একটি বাঙ্গাল ছোকরা দোকানে ঢুকে দিক্কেস

করলো, 'কমার্শিয়াল আর্ট সম্বন্ধে কোন বই আছে কিনা?' আমার মনে বড় আনন্দ হল। বাঙালী ভাষ্যে বেশ খানিকটা এগিয়ে গিয়েছে। ফরাসী ভাষায় কমার্শিয়াল আর্টের বই খুঁজছে।

ততক্ষণে আমি একটা খাসা বই পেয়ে গিয়েছি। হ্যারনবর্গের মোকদ্দমায় যেসব দলিল-দস্তাবেজ পাওয়া গিয়েছিল, তাই দিয়ে গড়া হিটলার চরিত্রবর্ণন। হিটলার সম্বন্ধে তাঁর দুশমন ফরাসীরা কি ভাবে তারও পরিচয় বইখানাতে আছে। এ বইখানার পরিচয় আপনাদের দেব বলে লেখাটা শুরু করেছিলাম, কিন্তু গৌরচন্দ্রিকা শেষ হতে না হতেই ভোয়ের কাক কা-কা করে আমার স্বরণ করিয়ে দিলে, 'কলম ফুরিয়ে গিয়েছে'। আরেক দিন হবে।

কিসের সন্ধানে ?

হটেনটটদের কথা আলাদা। শিক্ষালাভের জন্য তারা যেখানে খুশি যেতে পারে। একথা তাদের ভাবতে হয় না, যে-শিক্ষা লাভ করতে যাচ্ছি সেটা টাইপ রাইটারের হরফ সাজানোর মত করে। অর্থাৎ সিঁজিলটা যার জানা আছে সে চোখ বন্ধ করেই ইচ্ছামত বই বেঁধে নিতে পারবে, যে জানে না তার কোমর ভেঙে তিন টুকরো হয়ে যাবে।

ফুটফুটে এক মেমসাহেব এসে ইতিমধ্যে ফরাসী হাসি হেসে দাঁড়িয়েছেন। পরশুরামের কেদার চাটুজ্যেকে আমি মুকুন্দ মানি। তাঁরই ভাষায় বললুম, 'সেলাম মেমসাহেব।' মেমসাহেব ফরাসীতে বললেন, 'আপনার আনন্দ কিসে?'—অর্থাৎ 'কি জাই?' মেরেছে। ফরাসী ভাষা কবে সেই প্রথম যৌবনে বলেছি সে কথাই স্বরণ নেই—গোটা ভাষাটার কথা বাদ দিন।

জার্মান ভাষায় একটি প্রেমের গান আছে Dein Mund sagt "Nein" Aber Deine Augen sagen "Ja" অর্থাৎ, তোমার মুখ বলেছে 'না, না', কিন্তু তোমার চোখ ছ'টি বলেছে 'হ্যাঁ, হ্যাঁ'।

কিন্তু ফরাসী জার্মানির দুশমন। জার্মান যা করে ফরাসী তার ঠিক উল্টো করাটাই জাত্যভিমানের কৈবল্যানন্দ বলে ধরে নিয়েছে। তাই মেমসাহেব যতই মুখে 'ইয়েস ইয়েস' বলেন ততই দেখি তাঁর চোখে স্পষ্ট লেখা রয়েছে 'নো', 'নো'—অর্থাৎ মেমসাহেব আমার ইংরিজী বুঝতে পারছেন না। মহা মুশকিল।

হঠাৎ কখন ফরাসী রাজদূত মসিয়ো ফ্রাসোয়া পসে'র নাম উচ্চারণ করতে গিয়ে বোধহয় কিছুটা ফরাসী উচ্চারণ বেরিয়ে পড়েছিল, আর যাবে কোথা, মেমসাহেব আদেশ দিলেন, 'মসিয়ো, ফরাসীতে কথা বললেই পারেন।'

বাজলীর জাত্যভিमानে বড্ডই আঘাত লাগলো স্বীকার করতে যে যদিও ফরাসী ভাষাটা কেঁদেকুকিয়ে পড়ে নিতে পারি, বলতে গেলে আমার অবস্থা উত্তমঃ হয়ে দাঁড়ায়। ভাবলুম, দুগ্গা বলে বুলে পড়ি। এ মেমসাহেব যদি কলকাতার বুকের উপর বসে বাঙলা (এমনকি ইংরিজীও) না বলতে পারে তবে আমি ফ্রান্স থেকে হাজারো মাইল দূরে দাঁড়িয়ে টুটিফুটি ফরাসী বললে এমন কোন্ বাইবেল অশুদ্ধ হয়ে যাবে ?

দশ বছরের পুরোনো মর্চে ধরা, জাম-পড়া, ছাতি-মাথা ফরাসী তানপুরোটোর তার বেঁধে বরজলালের মত ইমনকল্যাণ স্বর ধরলুম। এবং কী আনন্দ, কী আনন্দ, মেমসাহেবও বুড়ো রাজা প্রতাপ রায়ের মত। আমার ফরাসী শুনে কখনো 'আহা বাহা বাহা' বলেন, কখনো, 'গলা ছাড়িয়া গান গাহো' বলেন। এই হল ফরাসী জাতটার গুণ। হাজারো দোষের মধ্যে একটা কিছু ভালো দেখতে পেলেই প্রশংসায় পঞ্চনুখ হয়ে ওঠে।

আমাকে আর পায় কে ?

আমার দেশের ঐতিহ্যের সঙ্গে খাপ খাবে তো ?' কারণ কোনো প্রকারের ঐতিহ্যের কণামাত্র বলাই তাদের নেই।

ইংরেজ শাসনের ফলে আমরা প্রায় হটেনটটের পর্যায়ভুক্ত হয়ে পড়েছিলুম। আর করেকটি বৎসর মাত্র ইংরেজ এদেশে থাকলে আমরা একে অন্তর্কে কাঁচা খেয়ে ফেলতে আরম্ভ করতুম।

ইংরেজ গিয়েছে। তাই এখন প্রায় উঠেছে আমরা বিদ্যা লাভ করতে যাব কোন্ দেশে ? এতদিন এ প্রায় কেউ শুধাতো না। টাকা থাকলেই ছোকরারা ছুটতো হয় অক্সফোর্ডের দিকে নয় কেমব্রিজের পানে। সেখানে সীট না পেলে লণ্ডন কিংবা এডিনবরা।

কিম্বাচর্যমতঃপরম্। এই ভারতবর্ষে একদিন বিদ্যাশিক্ষার এমনি উৎকৃষ্ট ব্যবস্থা ছিল যে, গান্ধার, কছোড়, বলহীক, তীকত, শাম, চীন থেকে বিদ্যার্থী শ্রমণ এদেশে আসত সত্যজ্ঞান লাভ করার জন্য। এবং বিংশ শতকে দেখলুম, এই ভারতবর্ষের লোকেই ধরে চলেছে ইংলণ্ডের দিকে 'বিদ্যালান্তের' জন্য। ভারতীয় ঐতিহ্য তখন তার দুর্বন্থার চরমে পৌঁছেছে।

রাধার ছুবস্থা যখন চরমে পৌঁছেছিল, তখন যমুনার জল উজান বয়েছিল, একথা তাহলে মিথ্যা নয়।

কিন্তু আমাদের ছেলেরা যে ইংলেণ্ডের পানে উজান স্রোতের মতো বয়ে চলেছিল, সেটা তো আর রাতারাতি বন্ধ করে দেওয়া যায় না—পর্যায়ক্রমিকতার গলা কাটা যাওয়ার পরও সে খানিকদূর পর্যন্ত ছুটে যায় তারপর ধপ করে মাটিতে পড়ে। তাই এই বেলা জমাখরচ নিয়ে নেওয়া ভালো, ভারতীয় ছেলে ইয়োরোপে পেত কি, যেত কিসের আশায়?

রবীন্দ্রনাথ বিশ্বভারতী প্রতিষ্ঠা করার সময় বলেছিলেন, ইয়োরোপকে আমরা চিনলুম ইংলেণ্ডের ভিতর দিয়ে—তাই আমাদের প্রায় সকলেরই বিশ্বাস ইংলেণ্ড আর ইয়োরোপ একই জিনিস। ইংলেণ্ডের অনেক গুণ আছে সে কথা কেউ অস্বীকার করবে না, কিন্তু ইয়োরোপীয় বৈদ্যভাণ্ডারে যে ইংলেণ্ড তেমন কিছু হীরে-মানিক জমা দিতে পারেনি, সে কথাও সত্য। ইয়োরোপীয় বৈজ্ঞানিকের অপ্রতিদ্বন্দ্বী কুতুবমিনার বলতে যাদের নাম মনে আসে—মাইকেল এঞ্জেলো, রদা, রাফায়েল, সেজান, বেটোফেন, ভাগনার, গ্যায়ট, টলস্টয়, দেকার্ত, কাণ্ট, পাস্তোর, আইনস্টাইন ইংলেণ্ডে জন্মায়নি। তাই রবীন্দ্রনাথ চেয়েছিলেন বিশ্বভারতীতে যেন ফ্রান্স, জার্মানি, ইটালি, রুশ থেকে গুণীজননী এসে এদেশে ছেলমেয়েদের সামনে ইয়োরোপীয় সংস্কৃতির পূর্ণাঙ্গ চিত্র তুলে ধরেন।

রবীন্দ্রনাথ যতদিন বেঁচেছিলেন ততদিন বহু গুণী শান্তিনিকেতনে এসেছেন, বহু ছাত্র তাঁদের কাছ থেকে নানা প্রকারের বিজ্ঞা আহরণ করেছে, কিন্তু আজ শান্তিনিকেতনে সে-মেলা আর বসে না! তবু আমার বিশ্বাস, বাঙালী যদি আত্মবিশ্বাস না হারায় তবে এই শান্তিনিকেতনেই—দিল্লী, এলাহাবাদ, আহমদাবাদে নয়—এই শান্তিনিকেতনের পঞ্চবটীর তলায়ই একদিন পঞ্চমহাদেশ সন্নিপিত হবে! আমাদের দেখতে হবে, এই পঞ্চবটী যেন ততদিন শুকিয়ে না যায়।

ভারতীয় ছেলে যে ইংলেণ্ডে পড়াশোনা করতে যেত তার কারণ এই নয় যে, তাদের সবাই ধরে নিয়েছিল ইংলেণ্ডই ইয়োরোপের প্রতীক—তারা ধরে নেয়নি যে, ইয়োরোপ থেকে যা কিছু শেখবার মত আছে তার তাবৎ সম্পদ অক্সফোর্ড কেমব্রিজের পাওয়া যায়। এদের ভিতর অনেক ছেলেই জানতো, শিল্পকলায় জন্ম ফ্রান্স, এবং বিজ্ঞানদর্শনের জন্ম জার্মানিতেই গঙ্গোদক পাওয়া যায়—অভাববশতঃ তারা যে তখন কুপোদকের সন্ধানে যেত তাও নয়

তার একমাত্র কারণ চাকরি দেবার বেলা ইংরেজ এ জলেরই কদর দেখাতো বেশি। (এতে আশ্চর্য হবার মত কিছু নেই; আয়ানও চাইতেন না যে রাধা যমুনার জল আনতে যান, পাছে কুঞ্চের সঙ্গে সেখানে তাঁর দেখা হয়ে যায়— ইংরেজও চাইত না যে, ফ্রান্স জার্মানি গিয়ে আমরা সভ্য ইয়োরোপকে চিনে ফেলি! আয়ান ইংরেজ দুজনেই তাই কুপোদক-সম্প্রদায়ের মুখপাত্র)।

আনি, আমার পাঠকমাত্রই টিপ্পনি কাটবেন আমি বড় বেশি প্রাদেশিক কিন্তু তাই বলে তো আর ডাहा মিথ্যা কথা বলতে পারিনে। নিবেদন করতে বাধ্য হচ্ছি যে, ইংলেও র্জন করে তবু যে কয়টি ছেলে প্যারিস, বার্লিন, ম্যুনিক, ভিয়েনায় জ্ঞানের সন্ধানে যেত তাদের অধিকাংশই বাঙালী।

আশা করি একথা কেউ বলবেন না যে বাঙালীর ট্যাঁকে এত বেশি কড়ি জমে গিয়েছিল যে, সেগুলো ওড়াবার তালে সে প্যারিস যেত, জার্মানি ঘুরত। বরঞ্চ বাঙালীর বদনাম সে চাকরির সন্ধানে প্রাণ পর্যন্ত বিসর্জন দিতে পারে। এক অখ্যাতনামা বাঙালী কবি চাকরির বাঁচানো সম্পর্কে আপিস খাবমান বাঙালী কেরানীর মুখ দিয়ে বলিয়েছেন—

ভরা পেটে ছুটতে ছুটতে মানা? চিবিয়ে খাওয়া

স্বাস্থ্যকর?

চাকরি আগে বাঁচাই দাদা, প্রাণ বাঁচানো

সে তারপর।

যে অল্পের অল্প বাঙালী কেরানীগিরি করে সেই অল্প পর্যন্ত বাঙালী কেরানী ধীরেস্থে খেয়ে আপিস যেতে পারে না। এত বড় প্যারাদক্স, এত বড় বা স্যাগ বাঙ্গালা দেশের বাইরে আপনি পাবেন না।

আমি বলি—আর আপনার কথায় কান দেব না—বাঙালীরই ঈশৎ রসবোধ ছিল, তাই সে প্যারিস যেত।

প্যারিসে একপ্রকারের হতভাগা চিত্রকরের দল আছে—এদের নাম পেঙ্কমেন্ট আর্টিস্ট। এরা আবার দুই সম্প্রদায়ে বিভক্ত। এদের ভিতর যারা কিঞ্চিৎ খানদানি তারা আপন ছবি ফুটপাথের রেলিঙের উপর ঝুলিয়ে রেখে একপাশে চুপ করে দাঁড়িয়ে থাকে। আপনি যদি কোনো ছবি সম্বন্ধে কিছু জানতে চান তবে সে পরর উৎসাহে আপনাকে বাৎলে দেবে ছবিটার তাৎপর্য কি! আপনি যদি সঙ্গে সঙ্গে উৎসাহ দেখান তবে সে তার তাৎপর্য ছবির ঠিকুজি-কুলজি, নাড়ী-নকত্র সব কিছু গড় াড় করে বলে যাবে, আর যদি অকস্মাৎ আপনি

একথানা ছবি কিনে ফেলেন—এ জাতীয় অলৌকিক ঘটনা অতিশয় রাজা শুক্লবাব ছাড়া কখনো দৃষ্টিগোচর হয় না—তবে সে আপনাকে ‘ও রিতোয়া’ জানাবার সময় কানে কানে বলে দেবে, ‘এ ছবি কিনে আপনি ভুল করেন নি, মনিয়ো—এ ছবি দেখবার জন্য তামাম পৃথিবী একদিন আপনার দোরের গোড়ায় ধরা দেবে।’

অবশ্য ততদিন সে উপোস করে। শেষটার সে-দিন না দেখেই সে মরে—শীতে এবং ক্ষুধায়।

এদের চেয়েও হতভাগা চিত্রকর আছে। তাদের রঙ আর ক্যানভাস কেনবার পরমা পর্যন্ত নেই। তাই তারা রঙিন খড়ি দিয়ে ফুটপাথের একপাশে ছবি এঁকে রাখে। প্যারিসের ফুটপাথে বারোমাস পুজোর ভিড়—তাই এদের ছবি আঁকতে হয় অপেক্ষাকৃত নির্জন ফুটপাথে। সেখানে পরমা পাবার আশাও তাই কম।

এসব ছবি তো আর কেউ বাড়ি নিয়ে যেতে পারে না, তাই ছবি দেখে খুশী হয়ে কেউ যদি চিত্রকরের হাটের ভিতর—বলতে ভুলে গিয়েছিলুম হাটটা ছবির একপাশে চিং করে পাতা থাকে—দু’টি পরমা ফেলে দেয় তবে সেটা ভিক্ষে দেওয়ার মতই হ’ল। এ শ্রেণীর চিত্রকররা অবিশ্বি বলে, ‘পরমাটা ভিক্ষে নয়, পিকচার গ্যালারির দর্শনী। দর্শনী দিয়েছ বলে কি তোমাকে গ্যালারির ছবি বাড়ি নিয়ে যেতে দেয়?’ হক্ কথা।

এদের যদি বেশী পরমা দিয়ে বলেন, ‘ঐ ছবিটা তুমি আমাকে ক্যানভাস আর রঙ কিনে ভালো করে এঁকে দাও’, তবে সে পরমাটা সীনের জলে ফেলারই সমান। এ শ্রেণীর চিত্রকরের সঙ্গে বোতলবাসিনীর বড় বেশী দহরম-মহরম।

আকাশ মেঘাচ্ছন্ন ছিল বলে মন উদ্বাস হয়ে গিয়েছিল। তাই বেড়াতে বেরিয়েছি আর দেশের কথা ভাবছি, এমন সময় হঠাৎ দেখি ফুটপাথের উপর অলৌকিক দৃশ্য। পদ্মানদীর গোটা ছয়েক ছবি রঙিন খড়ি দিয়ে আঁকা। ছবিগুলো ভালো না মন্দ সেকথা আমি এক লহমার তরেও ভাবলুম না। বিদেশ-বিভূইয়ে দেশের লোক পেলে সে পকেটমার না শকরাচার্য, সেকথা কেউ শুধায় না।

বৃষ্টি নামলেই ছবিগুলো ধুয়ে-মুছে যাবে। আর্টিস্টের দিকে তাকালুম। শতচ্ছিন্ন কোট পাতলুন। হাতে বেয়লা। বাঙালী।

আমাকে দেখে তার মুখের ভাব কণামাত্র বদলালো না। বেরালাখানা কানের কাছে তুলে ধরে তাটিরানি বাজাতে আরম্ভ করল।

হাড়িমার মুখ, ঠোঁট দুটো অনবরত কাঁপছে, চোখ দুটিতে কোনো প্রকারের জ্যোতির বিন্দুমাত্র আভাস নেই, একসাথা উন্মোহিতা চুল, কিন্তু সব ছাড়িয়ে চোখে পড়ে তার কপালখানা। এবং সে কপাল দেখে কতই মনে প্রশ্ন আসে, এরকম 'কপালী' মানুষ বিদেশ বিদূর্ভেই তাকে মাগছে কেন ?

তাকে পাশের কাফেতে টেনে নিয়ে যাবার জন্য আমাকে বিস্তর বেগ পেতে হয়েছিল। আমার কোনো কথা উত্তর দেয় না, আমার চেয়ে দেড় মাথা উঁচু বলে তার দৃষ্টি আমার মাথার উপর দিয়ে কোথায় কোন্ দূরান্তে গিয়ে ঠেকেছে তার সন্ধান নেই। একবার হাত ধরে বললুম, 'চলুন, এক কাপ কফি খাবেন'; ঝটকা মেরে হাত সরিয়ে ফেলল।

আমি নিরাশ হয়ে চলে যাচ্ছি দেখে হঠাৎ ছাটটা তুলে নিয়ে আমার গল্লে সঙ্গে চলল। পাশের কাফেতে বসে আমি শুধালুম, 'কফি? চা?' মাথা নেড়ে অসম্মতি জানালো। আমি মনে মনে বুঝতে পেরেছিলুম সে কি চায়; কিন্তু সে সম্বন্ধে সম্পূর্ণ নিঃসন্দেহ হবার জন্যই চা কফির প্রস্তাব পেড়েছিলুম। শেষটার শুধালুম, 'তবে কি খাবেন?'

একটি কথা বললো, 'আবসাঁৎ।'

হুনিয়ার সবচেয়ে মারাত্মক মাদক দ্রব্য! শতকরা আশীভাগ তাতে এলকহল। এ মদ মানুষ তির চার বৎসরের বেশী খেতে পারে না। তারই ভিতরে হয় আত্মহত্যা করে, নয় পাগল হয়ে যায়, না হয় এককালিক বিভীষকা দেখে দেখে এক মারাত্মক রোগে চৌৎকার করে করে শেষটার জীবন গিয়ে মারা যায়। ইচ্ছুরছানার নাকের ডগা এ মদে একবার চুবিয়ে নিয়ে ছেড়ে দিলে সে মিনিট তিনেকের ভিতর ছুঁকট করে মারা যায়।

কী বিকৃত মুখ করে যে আর্টিস্ট আবসাঁৎটা খেল, তাঁর বর্ণনা দেওয়া অসম্ভব। মনে হল, পানীয় বেন আগুন হয়ে পেটে ঢুকতে চার বলে নাড়ী-ভুঁড়ি উন্টে গিয়ে বমি হয়ে বেরতে চায়, আর সমস্ত মুখে তখন ফুটে ওঠে অমল্ল যন্ত্রণার বিকৃতভঙ্গ বিভীষিকা। চোখ দুটো ফুলে উঠে যেন বাইরের দিকে ছিটকে পড়ে যেতে চায়, আর দরদর করে দু'চোখ দিয়ে জল নেমে আসে।

আমি মাত্র একটা আবসাঁতের অর্ডার দিয়েছিলুম। সেটা শেষ হতেই আমার দিকে না তাকিয়ে নিজেই গোটা তিনেক অর্ডার দিয়ে ঝাপাঝপ গিললো।

আমি চূপ করে আপন ককি খেয়ে যাচ্ছিলুম।

গোটা চারেক আবসাঁৎ সে ততক্ষণে গিলেছে। তখন দেখি সে আমার দিকে তার দৃষ্টিতে তাকিয়ে আছে। এ অব্যাহতাবিক ঔজ্জ্বলা এর চোখে এল কোথেকে ?

হঠাৎ বললো, 'আর কেন ছোকরা, এইবার কেটে পড়ো, বীট্ বীট্. গে ভেক্, ভিৎ ভিৎ !' ক'টা ভাবায় যে সে আমার পালাতে বললো তার হিসেবই আমি রাখতে পারলুম না।

আমি চূপ করে বসে রইলুম—নড়ন-চড়ন নট-কিচ্ছু।

একগাল হেসে বলল, 'দেখলি ? আমি ভিথিরি নই। এই ভাষা ক'টি ভাবিয়েই আমি তোমার চেয়ে দামী স্কট পরতে পারবো, বুঝলি ? আবসাঁৎ দিয়ে প্যারিস শহর ভাসিয়ে দিতে পারবো, বুঝলি, কমপ্রো, ফেরশট্-হেস্ট ডু, পলিময়েশ ?' আবার চলল ভাবায় ভুবড়ি।

তারপর আমার দিকে তাকিয়ে মিটমিটিয়ে খানিকক্ষণ হাসলো। শুধালো, 'ছবি আঁকতে এসেছিস এ দেশে ?—না হলে আর্টিস্টের উপর এ দরদ কেন, বাপু ? তা তোমার অঙ্কটার কি হল ? না বাগ-গুহা ? কিংবা মোগল ? অথবা রাজপুত ?'

তারপর হঠাৎ হো হো করে হেসে কুটি কুটি। 'অবনবাবু ? নন্দলাল ? যামিনী সায় ? এনরা সব আর্টিস্ট : কচু !'

আমি ভুবূ চূপ।

বললে, 'অ-অ-অ। সেজান্, রেনোয়া, গোগা, আঁরি-মাতিস ? বল না রে ছোকরা।'

আমি পূর্ববৎ।

'তবে শোন্ ছোকরা। এদের কাছ থেকে কিচ্ছুটি শেখবার নেই, তোকে সাক্ষরকা বলে দিচ্ছি। আমার কথা শোন্। আর্ট জিনিসটা কি ? আর্ট হচ্ছে—'

হলে সে আমার প্রথম আর্ট সংগ্রহে একখানা লেবচর শোনালে। সেই গ্রীকদের আমল থেকে নন্দনশাস্ত্রের ইতিহাস শুরু করে হঠাৎ চলে গেল ভারত বণ্ডিন যমট স্ত্রে। সেখান থেকে গোস্তা গেয়ে নাবলো টলস্টয়ে—মধ্যখানে স্যোটেকে খুব একহাত নিল। তারপর বদলের, মালার্মে। শেষ করল জেমস অক্সকে দিবে।

যারো নিম্নর কাব্য, নাট্য, চিত্রের সে উল্লেখ করে গেল, যার নাম আমি আপের জয়ে স্তম্বিনি।

তারপর ঝপ ক'রে আরেকটা আবসাঁৎ গিলে বললো,

'উহঁ ! তোর চোখ থেকে বুঝতে পারছি ছবির তুই বুঝিস. কচুপোড়া । একবার একটা সাড়া পর্ষন্ত দিলিনে । তবে কি তোর শখ মূর্তি গড়াতে ? অশোকস্তুতের সিংগি, গান্ধারের বুদ্ধ, মথুরার অমিতাভ, এলেক্টোর ত্রিমূর্তি, মাইকেল এঞ্জেলার মোজেস, নটরাজ ? বল না ?'

তারপর ঝাড়লে আরেকখানা লেকচর । ছুনিয়ার কোন্ যাহুঘরের কোন্ কোণে কোন মূর্তি লুকনো আছে, সব খবর নখাগ্র-দর্পণে ।

এই রকম ক'রে লোকটা আর্টের যত শাখা-প্রশাখা আছে তার সম্বন্ধে আপন মনে কখনো মাথা নেড়ে নেড়ে, কখনো শব্দ ওজন ক'রে ক'রে, কখনো গড়গড়িয়ে মেল গাড়ির তেজে, কখনো বক্রোক্তি ক'রে, সন্দেহের দোতুল-দোলায় ছলে ব্যাখ্যান দিল । -এদেশ ওদেশ সেদেশ সব দেশ-মহাদেশের সর্বপ্রকারের আর্ট বস্তুর পাঁচমেশালি বানিয়ে ।

এরকম পণ্ডিত আমি জীবনে আর কখনো দেখিনি ।

কিন্তু শেষ পর্ষন্ত আমাকে সে চুপ করে আর থাকতে দিল না ।

বোধহয় নেশা একটু কমে গিয়েছিল ; তাই চাপ দিয়ে শুখালো, 'বল, তুই এদেশে এসেছিস কি করতে ?'

আমি না পেরে ক্ষীণ কণ্ঠে বললুম, 'লেখাপড়া শিখতে ।'

খুব লম্বা একখানা 'অ-অ-অ' টেনে বললো ।

'তা তো শিখবি । কিন্তু সঙ্গে সঙ্গে ওয়াইন, শ্যাম্পেন, আবসাঁৎ ? তার কি হবে ? নানা প্রকারের ব্যামো ? তার কি হবে ? অদ্ভুত অদ্ভুত নরা নরা ইনকিলাবী মতবাদ ? তার কি হবে ?'

ই হল মুশকিল । আবসাঁৎ ব্যামোর চেয়েও ভয়ঙ্কর অর্ধসিদ্ধ অর্ধপক মতবাদ । শুধু ইনকিলাবী নয়, অগ্নি পাঁচরকমেরও ।

আজ পর্ষন্ত যেটুকু এদেশে এসেছে তাকেই আমরা সামলে উঠতে পারছিনে । আমাদের ঐতিহ্য, আমাদের শিক্ষার সঙ্গে তাকে কি করে মিল খাওয়ানো, বুঝে উঠতে পারিনে । অথচ পশ্চিমের সঙ্গে লেন-দেনও তো বন্ধ ক'রে দেওয়া যায় না । উপায় কি ?

ভক্তি

ভক্তি ও ভালোবাসার ভিতর দিয়ে অনির্বচনীয় সত্যকে পাবার চেষ্টা মানুষ ব যুগে আর সব দেশেই করেছে। এ-প্রচেষ্টার তুলনামূলক ইতিহাস আজও লেখা হয়নি। কারণ শেষ পর্যন্ত এ-ইতিহাস লেখা হবে সর্বধর্মের উৎপত্তিস্থল খাচোই এবং খাচী এখনো আপন স্বত-লবণ-তৈল-তণুল-বস্ত্র-ইকন নিয়ে এতই উন্মত্ত যে তিন দেশের শাস্ত্রগ্রন্থ একত্র করে সেদিকে আপন শক্তি নিয়োজিত করবার অবসর পাচ্ছে না।

ভক্তিমার্গের প্রসার ও বিস্তার হয় প্রধানত: হিন্দু, মুসলিম এবং খৃষ্টান ধর্মে। হিন্দু ধর্মের শাস্ত্ররাশি এতই বিশাল এবং বিক্ষিপ্ত, তার ভিতর দিয়ে ভক্তির অভ্যুদয় পদে পদে অনুসরণ করা সহজ কর্ম নয়। তার তুলনার খৃষ্টধর্মে ভক্তির অনুসন্ধান অনেক সহজ। একমাত্র বাইবেলখানা মন দিয়ে পড়লেই ভক্তির সূত্রপাত ও ক্রমবিকাশ বুঝতে বিশেষ অসুবিধা হয় না।

বাইবেলের প্রথম খণ্ডে (অর্থাৎ ওল্ড টেস্টামেন্ট) ঈশ্বরের যে রূপ পাওয়া যায়, সেটি প্রধানত: একচ্ছত্রাধিপতি দুর্ধ্ব, অকরণ এমনকি বদরাগী এবং খামখেয়ালী রাজার রূপ। তাঁর সামনে পশুপক্ষী দাহ না করলে তিনি ক্ষুণ্ণ হন না, তাঁর পদপ্রান্তে কুমারী কন্যাকে বিসর্জন না দিলে তিনি বস্ত্রা, দুর্ভিক্ষ ও মহামারী দিয়ে দেশ লণ্ডভণ্ড করে দেন। তাই ওল্ড টেস্টামেন্টের দেবতাকে পূজার্থী আপন অর্ঘ্য দিচ্ছে অতি ভয়ে, সশঙ্ক চিত্তে।

খৃষ্ট এসে এই ভাবধারা সম্পূর্ণ বদলে দিলেন। তিনি বললেন, সৃষ্টিকর্তা রাজাধিরাজ, তাঁর ঈশ্বরের সীমা নেই, কিন্তু তার চেয়েও বড় কথা, তিনি আমাদের পিতা। ‘আওয়ার ফাদার উইচ আর্ট ইন হেভন্;’ এইখানেই ভক্তির সূত্রপাত। ভগবানকে ভয় করার কোনো প্রয়োজন নেই। তাঁর ক্রুণা, তাঁর গ্ৰেহ পেতে হলে তাঁকে ভালবাসতে হবে পিতার মত।

কিন্তু মানুষ একবার ভালবাসার মন্ত্র পেলে সে আর মাটির মানুষ হয়ে থাকতে চায় না। নূরুপক্ষ বিস্তার করে সে আকাশের সর্বোচ্চ স্তরে উদ্দেশ্যমান হতে চায়: পিতার প্রতি ভালবাসা মঙ্গলময় দিনিস কোনো

সন্দেহ নেই ; কিন্তু তার চেয়ে অনেক মধুর, বহু নিবিড়, মাতার প্রতি পুত্রের ভালবাসা, পুত্রের প্রতি মাতার মমতা। তাই ক্যাথলিক জগৎ গেয়ে উঠল, “ধন্য হে জননী মেরি, মা করুণাময়ী।”

ক্যাথলিক জগতে তাই ভগবানের পূজা প্রধানতঃ মা-মেরিরূপে। এ পূজা ‘আভেমারিয়া’ মন্ত্র দিয়ে সমাধান হয় এবং সে মন্ত্র যে কত সঙ্গীত-স্রষ্টাকে অনুপ্রাণিত করেছে তার ইয়ত্তা নেই। খৃষ্টবৈরী ইহুদি সম্প্রদায়ের প্রধান সঙ্গীতকার মেণ্ডেসজোন এই আভেমারিয়া মন্ত্রে সুর দিয়ে লক্ষ লক্ষ ক্যাথলিক নরনারীর ধর্মপিপাসা সঙ্গীতসুধা দিয়ে তৃপ্ত করেছেন—সঙ্গীতজগতে আপন অক্ষয় আসন রেখে গিয়েছেন।

উর্ধ্বদিকে উচ্ছ্বসিত উদ্বেলিত এই আভেমারিয়া সঙ্গীতের প্রতীক উর্ধ্বশির ক্যাথলিক গির্জা। আতুর মানুষের যে প্রার্থনা, যে বন্দনা অহরহ মা-মেরির স্তম্ভ কোলের সঙ্কানে উর্ধ্বপানে ধায় তারই প্রতীক হয়ে গির্জাঘর তার মাথা তুলেছে উর্ধ্বদিকে। লক্ষ লক্ষ গির্জার লক্ষ লক্ষ শিখর মা-মেরির দিগ্গম সিংহাসনের পার্শ্বব স্তম্ভ।’

কিন্তু মানুষ এখানে এসেও থামল না। সত্য হোক, মিথ্যা হোক, মানুষের বিশ্বাস মাতার প্রেম, পুত্রের ভালবাসার চেয়েও শক্তিশালী যুবক-যুবতী, তরুণ-তরুণীর মধ্যে যে প্রেম উদ্ভাসিত হয়। বাইবেলে যখন বলা হয়েছে, “For love is stronger than death” তখন মহাপুরুষ এই প্রেমের কথা ভেবেছিলেন। তাই মানুষ বিচার করল, ‘ভগবানকে যদি ভালবাসা দিয়েই পেতে হয়, তবে সে ভালবাসা তার নিবিড়তম রূপ নেবে না কেন? ভগবানকে তবে পিতা অথবা মাতারূপে কল্পনা না করে তাঁকে হৃদয়ে বসাব বল্লভরূপে, প্রেমিকরূপে!’

সমস্ত বৈষ্ণব রসসাধনা এই তত্ত্বের উপর সুপ্রতিষ্ঠিত—সে কথা পরে হবে। কিন্তু ক্যাথলিক রহস্যবাদী ভক্তেরা (Mystic saints) ও যে এ-রকম রসস্বরূপে আরাধনা করছেন তার সঙ্কান আমরা কমই রাখি,- কারণ আমাদের পরিচয় প্রধানতঃ প্রটেষ্ট্যান্ট ধর্মের সঙ্গে। ঈশ্বর দাঁড় হলেও নিচের কবিতাটি উদ্ধৃত করবার লোভ মন্বরণ করতে পারলুম না :—

O Night, that didst lead us thus.

O Night, more lovely than dawn

O Night,

O Night, that broughtest us

Lover to lover's sight

Lover with loved in marriage
of delight !

Upon my flowery breast,
Wholly for him, and save himself
for none,

There did I give sweet rest
To my beloved one ;
The fanning of the cedars
breathed thereon.

When the first morning air
Blew from the bower, and waived
his locks aside.

His hand with gentle care,
Did wound me in the side,
And in my body all my senses
died.

All things I then forgot,
My cheek on him who for my
coming came ;

All ceased and I was not,
Leaving my cares and shame
Among the lilies and forgetting
them.

ক্যাথলিক জগতের বিখ্যাত সাধু সান জোয়ান্দে লা ক্রুসের (San Juan de la Cruz) কবিতা পড়ে কে বলবে—এ কবিতা আধ্যাত্ম জগতের ধর্মরস সৃষ্টি করবার জন্য রচিত হয়েছিল ? এ কবিতা তো বৈষ্ণব পদাবলীর সুরে বাঁধা ।

কিন্তু ভগবানকে রসস্বরূপে আরাধনা করার প্রচেষ্টাতে ক্যাথলিক জগতের এই চূড়ান্ত ।

বৈষ্ণব ভক্ত সেই চূড়ান্ত ভাগ করে তারপর আকাশে উড্ডীয়মান হন । বৈষ্ণব প্রেমিক বলেন,—‘বৈধ প্রণয়ের নিবিড়তা বার বার হার মেনেছে অবৈধ প্রেমের সম্মুখে । আত্মী স্বজন, প্রচলিত ধর্মরীতি যেখানে এসে প্রেমের পথে অন্তরায় হয়ে দাঁড়ায়, তখনই প্রেম এসে সব কিছু ভাসিয়ে নিয়ে যায় সেইখানেই । তাই আমাদের কদম্বনবিহারিণী বিরহিণী ব্রজসুন্দরী শ্রীরাধা যে প্রেম পাগালিনী, সে প্রেমের সঙ্গে অন্য কোন প্রেমের তুলনা হয় না । বাঙালীর রাধা বিবাহিতা,

—সম্রাজ তাঁর প্রেমের পথে অলভ্য প্রাচীর গড়ে তুলেছে। শান্তী-নন্দী
শব্দ-কথাভের মত তাঁকে আসতে যেতে যেন খণ্ড খণ্ড করে কেটে ফেলাছেন।

বহু যুগ পূর্বে উচ্চারিত মন্ত্র তাই তার সম্পূর্ণ অর্থ পেল কৃষ্ণাধার মিলনে—

যদেতৎ হৃদয়ং মম তদন্তু হৃদয়ং তব ।

যদেতৎ হৃদয়ং তব তদন্তু হৃদয়ং মম ॥

ভারতের বাইরে একমাত্র ইরানে মাঝে মাঝে এই সর্বোচ্চ রসসাধনার সন্ধান
মেলে। কারণ ভারত ও ইরানের আধ্যাত্মিক যোগাযোগ বহু শত শতাব্দীর।
তাই ইরানী কবি সুর মিলিয়ে গেয়েছেন :—

‘মন্ তু শুদম্ তু মন্ শুদী, মন্ তন্ শুদম্

তু শুী শুদী

তা কসীন গোয়েদ্ বাদ্ আজ্জ্ মন্ দিগরম্

তু দিগরী ।’

আমি তুমি হনু, তুমি আমি হলে, আমি দেহ

তুমি প্রাণ,

এর পরে যেন কেহ নাহি বলে তুমি আন

আমি আন ।

* * *

এই বিশাল রসধারার কত স্রোত, কত-শত শাখা-প্রশাখা। কত ধ্বনি, কত
সঙ্গীতে উচ্ছ্বসিত হয়ে উঠেছে মান খোয়ান, শীরাধা, ক্রমীর বিরহকাতর বক্ষ
থেকে। কিন্তু হায়, এ শতাব্দীর যান্ত্রিক সভ্যতার উন্নতি মানুষকে কাছে
এনেও কাছে আনতে পারল না। অর্থের সন্ধানে—স্বার্থের অন্বেষণে আজ
পৃথিবীর এক কোণের মানুষ মপর কোণে গিয়ে মাথা কোটে, কিন্তু এ সব
সাধক প্রেমিকদের বাণী এক করে দেখবার চেষ্টা কেউ যে করে না !!

‘আমার ভাণ্ডার আছে ভরে’

শব্দপ্রাচুর্যের উপর ভাষার শক্তি নির্ভর করে। ইংরেজী এবং বাঙলা এই উভয় ভাষা নিয়ে যাঁদের একটুখানি ঘাঁটাঘাঁটি করতে হয়, তাঁরাই জানেন বাঙলার শব্দ-সম্পদ কত মীমাবদ্ধ। ডাক্তারী কিংবা ইঞ্জিনীয়ারিং টেকনিকেল শব্দের কথা তুলছিনে—সে সব শব্দ তৈরী হতে চের দেয়া—উপস্থিত সে শব্দের কপাই তুলছি যে-গুলো সাহিত্যক্ষেত্রে সর্বদা দরকার হয়।

ইংরেজির উদাহরণই নিন। ইংরেজি যে নানা দিক দিয়ে ইম্মোয়োপীয় সর্ব-ভাষার অগ্রগণ্য তার অন্ততম প্রধান কারণ ইংরেজির শব্দ-সম্পদ। এবং ইংরেজি সে সম্পদ আহরণ করেছে অত্যন্ত ‘নির্লজ্জের’ মত পূর্ব-পশ্চিম সর্ব দেশ-মহাদেশ থেকে। গ্রীক, লাতিনের মত দুটো জোরালো ভাষা থেকে তার শব্দ নেবার হক তো সে উত্তরাধিকার সূত্রে পেয়েইছে, তার উপর ফরাসীর উপায়ও ওয়ারিশান বলে তার ঘোলআনা অধিকার। তৎসত্ত্বেও—সুকুমার রায়ের ভাষায় বলি

এতো খেয়ে তবু যদি নাহি ওঠে মনটা

খাও তবে কচু-পোড়া খাও তবে ঘণ্টা !!

ইংরেজ উত্তরে বেশরমের মত বলে, “ঠিক বলেছ আমার মন ওঠেনি, আমি কচু-পড়া এবং ঘণ্টা খেতেও রাজী আছি!”

তাই দেখুন ইংরেজ, আরবী, ফার্সী, তামিল, হিন্দী, মালয়—কত বলবো?—ছনিয়ার তাবৎ ভাষা থেকে কচু-পোড়া ঘণ্টা সব কিছু নিয়েছে, খেয়েছে, এবং হজমও করে ফেলেছে। ‘এডমিরাল’ নিয়েছে আরবী ‘আমীর-উস্-বহর’ থেকে, ‘চেক’ (কিন্তিমাতের) নিয়েছে ফার্সী ‘শাহ’ থেকে, ‘চুকট’ নিয়েছে তামিল ‘কুকটু’ থেকে, ‘চৌকি’ নিয়েছে হিন্দী থেকে, ‘এমাক’ নিয়েছে মালয় থেকে।

(কিন্তু আশ্চর্য, ইংরেজের এই বিদঘুটে গরুড়ের ক্ষুধা শুধু শব্দ বাবদেই; আহাৰাদির ব্যাপারে ইংরেজ নকিঞ্জি কুলীনের মত উন্নাসিক, কটুর স্বপাঁকে খায়, এ-দেশে এত কাল কাটানোর পরও ইংরেজ মাস্টার্ড (অর্থাৎ সর্ষেবাটা বা কাসুন্দি) এবং মাছে মিলিয়ে খেতে শেখেনি, অথচ কে না জানে সর্ষেবাটায়

ইংলিশ মাছ খাওয়া-জগতে অন্ততম কুতূব-মিনার ? ইংরেজ এখনো বিশ্বাস ক্রাইও ফিশ খায়, মাছ ভাজতে শিখলো না ; আমরা তাকে খুশী করার জন্য পাঙ্কায়দ নাম দিলুম লেডিকিনি (লেডি ক্যানিং) তবু সে তাকে জাতে ভুললো না, ছানার কদর বুঝলো না । তাই ইংরেজের দ্বারা এতই রসকষ-বঞ্জিত, বিশ্বাস এবং একধেয়ে যে তারই ভয়ে কন্টিনেন্টাল মাত্রই বিলেত যাবার নামে ঝাংকে ওঠে— যদি নিতাস্তই লগুন যায় তবে খুঁজে খুঁজে সোহো মহলায় গিয়ে করাসী রেস্টেরায় চুকে আপন প্রাণ বাঁচায় । আমার কথা বাদ দিন, আমার পেটে এটম বোমা মারলেও আমি ইংরিজি খানা দিয়ে আমার পেট ভরতে রাজী হবো না !)

শব্দের জন্য ইংরেজ ছানিয়ার সর্বত্র ছোক ছোক করে বেড়ায় সে না হয় বুঝলুম ; কিন্তু ইংরেজের মত দস্তা জাত যে দুশমনের কাছ থেকেও শব্দ ধার নেয় সেইটেই বড় তাজ্জব কী বাৎ । এই লড়াইয়ের ডামাঠোলে সবাই যখন আপন আপন প্রাণ বাঁচাতে ব্যস্ত তখনো ইংরেজ গোটা কয়েক শব্দ দুশমনের কাছ থেকে ধার নিয়ে দাঁত দেখিয়ে হেসেছে । লুফ্ট-ভাফ্ফের মার খেয়ে খেয়ে ইংরেজ যখন মর-মর তখনো সে মনে মনে জপছে, লুফ্ট-ভাফ্ফে, লুফ্ট ভাফ্ফে, শব্দটা ভুললে চলবে না, 'ব্লিংস্ক্রৌগের ঠেলায় ইংরেজ যখন ডানকার্কে ডুবু-ডুবু তখনো ইষ্টনাম না জপে সে জপেছে, 'ব্লিংস-ক্রৌগ, ব্লিংস-ক্রৌগ ।'

আর বেতামিজীটা দেখুন । গালাগাল দেবার বেলা যখন আপন শব্দে কুলোয় না—মা লক্ষী জানেন সে ভাগ্যেও ইংরেজের ছয়লাব—তখনো সে চক্ষুসঙ্কার ধার ধারে না । এই তো সেদিন গুনলুম কাকে যেন “স্বাধিকার-প্রমত্ত” বলতে গিয়ে কোনো এক ইংরেজ বড় কর্তা শক্রপক্ষকে শাসিয়েছেন, “আমাদের উপর ফ্যারার ফপরদালালি করো না ।”

পাছে এত সব শব্দের গন্ধমাদন ইংরেজকে জগন্নাথের জগদল পাথরে চেপে মারে তাই তার ব্যবস্থাও সে করে রেখেছে । ‘জগন্নাথ’ কথাটা ব্যবহার করেই সে বলেছে, “ভেবে চিন্তে শব্দভাণ্ডার ব্যবহার করবে -পাগলের মত খুঁ। ইরোরসেলভস্ আণ্ডার দি হুইল অব Juggernaut (জগন্নাথ) ।”

ব্যাটারা আমাদের জগন্নাথকে পর্যন্ত সমুদ্রযাত্রা করিয়ে দেশে দেশে ছেড়েছে । পারলে তাজমহল আর হিমালয়ও আগেভাগেই নিয়ে বসে থাকত --কেন পারেনি তার কারণ বুঝতে বেগ পেতে হয় না ।

করাসী জাতটা ঠিক তার উল্টো । শব্দ গ্রহণ বাবদে সে যে কত মারাত্মক চুঁৎবাইগ্রস্ত তা বোঝা যায় তার অভিধান থেকে । পাতার পর পাতা পড়ে

যান, বিদেশী শব্দের সন্ধান পাবেন না। মনে পড়ছে, আশ্রম তরুণ বয়সে শান্তিনিকেতনের ফরাসী অধ্যাপক বেনগুয়া সায়েবের সঙ্গে যোগাযোগ হয়। রোমা রুলার পঞ্চাশ না ষাট বছর পূর্ণ হওয়াতে পৃথিবীর বড় বড় রুল-ভাস্কর্য তখন তাঁকে একথানা রুল-প্রশস্তি উপহার দেন। এ-দেশ থেকে গাধী, অগদীশ বসু এঁরা সব লিখেছিলেন—রবীন্দ্রনাথ লিখেছিলেন কি না ঠিক মনে পড়ছে না। বেনগুয়া সায়েবও সে-কভাবে একথানা প্রবন্ধ লিখেছিলেন—বিষয়বস্তু ‘শান্তিনিকেতনের আশ্রম।’ ‘আশ্রম’ শব্দে এসে বেনগুয়া সায়েবের ফরাসী নৌকা বানচাল হয়ে গেল। ‘আশ্রম’ শব্দটা ফরাসীতে লিখবেন কি প্রকারে, অথচ ফরাসী ভাষায় ‘আশ্রম’ জাতীয় কোনো শব্দ নেই। আমি বললুম, ‘প্যারিস শহর আর ব্রহ্মচর্যাশ্রম যে বিশ্বব্রহ্মাণ্ডের দুই প্রান্তে অবস্থিত—অন্ততঃ ভাবলোকে—সে কথা সবাই জানে, তবু—ইত্যাদি।’ বেনগুয়া সায়েব ফরাসী কায়দায় শোলডার শ্রাগ করে বললেন, ‘উহু’, বদহজম হবে।’ সায়েব শেষটায় কি করে জাত-রক্ষা আর পেট ভরানোর দ্বন্দ্ব সমাধান করেছিলেন, সে-কথাটা এতদিন বাদে আজ আমার আর মনে নেই।

অর্থাভাবশতঃ একদা আমাকে কিছুদিনের জন্য এক ইংরেজ ব্যবসায়ীর ক্রমাগত ফরাসী চিঠি-পত্রের অনুবাদ করে দিতে হয়েছিল। মনে পড়ছে, কারবারে ফরাসী পক্ষ হামেশাই ইংরেজ পক্ষকে দোষারোপ করত যে ইংরেজ অনেক সময় আপন অভিসন্ধি সাক্ষ্য সাক্ষ্য বলে না। ইংরেজি ভাষায় শব্দসম্পদ প্রচুর বলে ইচ্ছে করলেই আপন বক্তব্য ঘোলাটে, আব্ছা-আব্ছা করে লেখা যায়। ফরাসীতে সেটি হবার জো নেই। যা বলার সেটা পরিষ্কার হয়ে বেরবেই বেরবে (লক্ষ্য করে থাকবেন কাচ্চা-বাচ্চার শব্দ-সম্পদ সামান্য বলে তাদের কথায় সব জিনিসই হয় কালো নয় ধলা, সব কিছুই পরিষ্কার, কোনো প্রকারের হাফটোন নেই)। তাই ফরাসী এই চিঠিপত্র লেনদেনের ব্যাপারে পড়লো বিপদে।

কিন্তু ফরাসীরাও গম মর দিয়ে লেখাপড়া শেখে না। তাই শেষটার ফরাসী কারবারি হুমকি দিল, সে ইংরেজ রেখে চিঠি-পত্র ইংরাজীতে লেখাবে। ইংরেজ হস্তদস্ত হয়ে চিঠি লিখল, ‘সে কি কথা, আপনাদের বহু তকলিফ হবে, বড় বেসী বাজে খর্চা হবে, এমন কন্ম করতে নেই।’

তখন একটা সমঝাওতা হল।

Gepaeckaufbewahrungstelle !

প্রথমবার বার্লিন যাচ্ছি, জার্মান ভাষার জানি শুধু ব্যাকরণ, আর কণ্ঠস্থ আছে হাইনরিশ হাইনের গুটিকয়েক মোলায়েম প্রেমের কবিতা। সে-রেষ্ট দিয়ে তো বার্লিন শহরে বেসামতি করা যায় না। তাই একজন ফরাসী সহযাত্রীকে ফ্রেন বার্লিন পৌঁছবার কিছু আগে জিজ্ঞেস করলুম, 'ক্লোক-রুম' বা 'লেফট-লাগেজ-অফিসের' জার্মান প্রতিশব্দ কি ? বললেন—

Gepaeckaufbewahrungstelle !

প্রথম ধাক্কাই এই-রকম আড়াইগজ্জী শব্দ মুখস্থ করতে পারবো, সে ছুরাশা আমি করিনি। মঁসিয়োও আঁচতে পারলেন বেদনাটা—একখানা কাগজে টুকে দিলেন শব্দটা। তাই দেখালুম বার্লিন স্টেশনের এক পোর্টারকে। মাল সেখানে রেখে একটা হোটেল খুঁজে নিলুম। ভাগ্যিস 'হোটেল' কথাটা আন্তর্জাতিক—না হলে ক্লোক-রুমের তুলনায় হোটেলের সাইজ যখন পঞ্চাশগুণ বড় তখন শব্দটা পঞ্চাশগুণ লম্বা হত বই কি।

জার্মান ভাষার এই হল বৈশিষ্ট্য। জার্মান ইংরিজীর মত দিল-দরিয়া হয়ে যত্রতত্র শব্দ কুড়োতে পারে না, আবার ফরাসীর মত শব্দতাত্ত্বিক শাস্ত-ব্যাযোঙ তার এমন ভয়ঙ্কর মারাত্মক নয় যে উবু হয়ে দু'একটা নিত্যপ্রয়োজনীয় শব্দ কুড়োতে না পারে। শব্দ সঞ্চয় বাবদে জার্মান ইংরিজী ও ফরাসীর মাঝখানে। তার সম্প্রসারণক্ষমতা বেশ খানিকটা আছে; কিন্তু ইংরিজী রাবারের মত তাকে যত খুশী টেনে লম্বা করা যায় না।

জার্মান ভাষার আসল জোর তার সমাস বানাবার কৌশলে আর সেখানে জার্মানের মত উদার ভাষা উপস্থিত পৃথিবীতে কমই আছে।

এই যে উপরের শব্দটা শুনে বিদগ্ধ পাঠক পর্যন্ত কাতর হয়ে পড়েছিলেন সেইটেই নিন। Gepaeck অর্থ যা প্যাক করা যায়, অর্থাৎ লাগেজ, aufbewahrung অর্থ তদারকি করা (ইংরিজী beware কথা থেকে bewahrung); আর stelle কথার অর্থ জায়গা। একুনে হল 'লাগেজ তদারকির জায়গা।' জার্মান সবকটা শব্দকে আলাদা আলাদা রূপে বিলক্ষণ চেনে বলেই সমাসটার দৈঘ্য তাকে কিঞ্চিন্মাত্র বিচলিত করে না।

তুলনা দিয়ে বস্তুটা খোলসা করি।

“কিংকর্তব্যবিমূঢ়” কথাটার সামনে আমরা মোটেই কিংকর্তব্যবিমূঢ় ছইনে। তার কাণ, কর্তব্য আর বিমূঢ় আমরাই হামেশাই ব্যবহার করি আর কিং

কথাটির সঙ্গেও আমাদের জীবৎ মুখচেনাচিনি আছে। কাজেই সমাসটা ব্যবহার করার জন্য আমাদের বড় বেশী 'প্রত্যুৎপন্নবস্তুস্বে' প্রয়োজন হয় না। যারা সাহসাত্মক বাঙলা জানে না তাদের কথা হচ্ছে না; তারা 'নিত্যসা কতে না দিয়ামা' করে এবং যুত-তৈল-লবণ-তণুল-বস্ত্র-ইক্ষনের সামনে ঘরপোড়া গোকর মত সিঁদুরে মেঘ দেখে ডরায়।

বড় বেশী লম্বা সমাস অবিশি কাজের সুবিধে করে দেয় না। তাই যারা সমাস বানাবার জগুই সমাস বানায় তাদের কচকচানি নিয়ে আমরা ঠাট্টামগ্নরা করি। জর্মনরাও করে। রাজনৈতিক বিসমার্ক পর্যন্ত সমাস বানাবার বাই নিয়ে ঠাট্টা করতে কসুর করেননি। 'ডুগিস্ট' শব্দটা জর্মনে চলে, কিন্তু তার একটা উৎকট জর্মন সমাস স্বয়ং বিসমার্ক বানিয়ে দিয়ে গিয়েছেন।

Gesundheitswiederherstellungsmittelzusammenmischung-verhaeltnisskundiger.

টুকরো টুকরো করলে অর্থ হয়; 'স্বাস্থ্য', 'পুনরায় দান', 'সর্বভৈষজ', 'একসঙ্গে মেশানোর তত্ত্বজ্ঞান'। একুনে হবে 'স্বাস্থ্যপুনরদাসর্বভৈষজসংমিশ্রণ শাস্ত্রজ্ঞ'।

(সমাসটায় কোনো ভুল গেলে বিদগ্ধ পাঠক বিরক্ত হবেন না—আমার সংস্কৃতজ্ঞান 'নিত্যসা কতেনা' জাতীয়।)

সংস্কৃত ভাষা সমাস বানানোতে সুপটু, সে-কথা আমরা সবাই জানি এক প্রয়োজনমত আমরা সংস্কৃত থেকে সমাস নিই, কিন্তু নূতন সমাস যদি বা আমরা বানাই, তবু কেমন যেন আধুনিক বাংলায় চালু হতে চায় না। 'আলোকচিত্র', 'ঘাড়ঘর', 'হাওয়া গাড়ি', কিছুতেই চললো না—ইংরিজী কথাগুলোই শেষ পর্যন্ত ঠেলা ধাক্কা দিয়ে ঘরে ঢুকে আসন জাঁকিয়ে বসলো। দ্বিজেন্দ্রনাথ নির্মিত automobile কথার 'স্বতচলশকট' সমাসটা চালানোর ভরসা আমরা অবশ্য কোনো কালেই করিনি।

বিশেষ করে এই দিকে দৃষ্টি আকর্ষণ করার জগুই এ-প্রস্তাবটি আমি উত্থাপন করেছি—এবং এওক্ষণ ধরে তারই পটভূমিকা নির্মাণ করলুম।

ভাষাকে জোরালো করার জন্য যে অকাতরে বিদেশী শব্দ গ্রহণ করতে হয়, সে-কথা অনেকেই মেনে নেন, কিন্তু আপন ভাষারই দুটো কিংবা তারও বেশী শব্দ একসঙ্গে জুড়ে দিয়ে যে তৃতীয় শব্দ নির্মাণ করে ভাষায় শব্দভাণ্ডার বাড়ানো যায়, সে দিকে সচরাচর কারো খেয়াল যায় না।

এই সমাস 'বানানোর প্রবৃত্তি এবং ক্ষমতা কোনো কোনো ভাষায় নেই।

ইংরিজী ফরাসী কেঁদে কুকিয়ে দৈবাৎ দু'একটা সমাস বানাতে পারে—যথা 'হাই-ব্রাও', 'রাঁদেভু'। এ প্রবৃত্তি যে ভাষার নেট, তার ঘাঁড়ে এটা জোর করে চাপানো যায় না।

বাঙ্গলার আছে, কিন্তু মরমর। এখানে শুদ্ধ সংস্কৃত সমাসের কথা হচ্ছে না—সে তো আমরা নিইই—আমি খাঁটি বাঙ্গলা সমাসের কথা ভাবছি। ছতোমের আমলেও অশিক্ষিত বাঙালী খাঁটি বাঙ্গলা শব্দ দিয়ে খাসা সমাস বানাতে। মেছুনি ভাকছে, “ও ‘গামছা-কাঁধে,’ দাঁড়া, ঐ হোথায় ‘খ্যাংরা-গৌপো’ তোর সঙ্গে কথা কইতে যায়।”

একেই বলে সমাস! চট করে ছবিটা চোখের সামনে ভেসে ওঠে।

কিন্তু আজকালকার লেখকেরা এরকম সমাসের দিকে নজর দেন না নতুন সমাস গড়বার তকলিফ বরদাস্ত করতে তো তাঁরা বিলকুল নারাজ বটেনই। সমাস বানাবার প্রবৃত্তিটা অনাদরে ক্রমেই লোপ পেয়ে যাচ্ছে, কারণ লক্ষপ্রতিষ্ঠ লেখকেরা যদি দিল্লী সমাসকে আপন লেখনে স্থান না দেন, তবে ক্রমে ক্রমে গোটা প্রবৃত্তিটা বেমালুম লোপ পায়—যে-রকম বাউল-ভাটিয়ালী সাহিত্যিকদের কাছে সম্মান পাচ্ছে না বলেই ক্রমে উপে যাচ্ছে—পরে যখন ছঁশ হয় ততদিনে ভাষার লড়াইয়ের একখানা উম্দা-সে উম্দা ঠাতিয়ার অবহেলায় মর্চে ধরে শেষ হয়ে গেছে। তখন শুধু মাথা-চাপডানো আর কান্নাকাটি।

রবীন্দ্রনাথ এ তত্ত্বটা শেষ বয়সে বিলক্ষণ বুঝতে পেরেছিলেন এবং সেই শেষ রাতেই ওস্তাদের মার দোঁদয়ে গিয়েছেন :—

‘ভাকছে থাকি থাকি

ঘুমহারা কোন্ ‘নাম-না-জানা’ পাখী’

‘দক্ষিণের ‘দোলা-লাগা,’ ‘পাখী-জাগা’

বসন্ত প্রভাতে’

তাই বলি বাঙ্গলা ভাষা ‘লক্ষীছাড়া’ ‘হতভাগা’ নয়। শুধু হাতীর মত আমরা নিজেদের তাগদ জানিনে।

মার্জারনিধন কাব্য

বা

গুরবে কুশ্‌তন শব-ই-আওওয়ল

কোন্ দেবে পূজা করি কোন শীলী ধরি ?
গণপতি, মোলা-আলী, ধূর্জটি, শ্রীহরি ?
মুশকিল আসান্ আর মুর্শীদ মস্তান্
কোম্পানি কি মহারানী, ইংরেজ, শয়তান ?
হিন্দুস্থান, পাকিস্তান, যেবা আছ যথা
ইম্পাহানী, ডালমিঞা—কলির দেবতা ।
সবারে স্মরণ করি সিতুমিঞা ভণে
বেদরদ বেধড়ক ভয় নাহি মনে ॥

ইরান দেশের কেছা শোনো সাধুজন
বেহদ্ রঙীন কেছা, বহুৎ বরণ ।
এস্তার তালিম পাবে করিলে খেয়াল
রোশনী আসিবে দিলে ভাঙিয়া দেয়াল ।
পুরানা যদিও কেছা তবু হর্বকৎ
সমঝাইয়া দিবে নয়্য হাল হকীকৎ ॥

ইরান দেশেতে ছিল যমজ তরুণী
ইয়া রঙ, ইয়া ঢঙ, নানা গুণে গুণী ।
কোথায় লায়লী লাগে কোথায় শিরীন
চোখেতে বিজলী খেলে ঠোটে বাজে বীণ :
ওড়না ছুলায়ে যবে ছই বোন যায়
কলিজা আছাড় খায় জোড়া রাঙা পায় ।
এ্যাসা পীরিত্তি তোলে ফকিরেরও জানে
বেহঁশ হইয়া লোক তারীফ বাখানে ।

দৌলতও আছিল বটে বিস্তরে বিস্তর
 বাপ দাদা রাখি গেলা চাকর-নফর ।
 ধন জন ঘর বাড়ী তালাব খামার
 টাকা কড়ি জগুয়াহর এস্তারে এস্তার ।
 তার দুই নারী চায় থাকিতে আজাদ
 কলকের ভয়ে শুধু বিয়ে হৈল সাধ ।
 তখন করিল শর্ত সে বড় অদ্ভুত
 সে শর্ত শুনিলে ডর পায় যমদুত ।
 বলে কিনা প্রতি ভোরে মিঞার গর্দনে
 পঞ্চাশ পয়জার মারি রাখিবে শামনে !
 এ বড় তাঙ্কর বাৎ বেতলা বদখদ্
 এ শর্ত মানিবে কেবা হয় যদি মদ্ ?
 দুলহা বরেতে ছিল পাড়া ছয়লাপ
 শর্ত শুনে পত্রপাঠ হয়ে গেল সাফ ।
 সিতু মিঞা বলে সাধু এ বড় কোতুক ।
 মন দিয়া কেছা শোনো পাবে দিলে হুথ ॥

শীত গেল বর্ষা গেল আসিল বাহার
 ফুলে গুলে ইস্ফাহান হৈল গুলজার ।
 শীরাজ তব্রীজ আর আজরবৈজান
 খুশীতে ভরপুর ভেল জমিন আসমান ।
 শুধু দুই ভাই নাম ফিরোজ মতীন
 পেটের খান্দায় মরে দুঃখে কাটে দিন ।
 অবশেষে ছোট ভাই বলে ফিরোজেরে
 “কি করে বাঁচিবে বলো, কি হবে আখেরে
 তার চেয়ে জুতা ভালো চলো দুই জনে
 শাদী কাঁচি পেট ভাঁক দু মেয়ের সনে ।
 দুআতুল্লা ফিরোজের মন মাঝে হয়
 শাদীতে আশে বটে জুতারও তো ভয় ।

হায়রে বিধির লেখা, হায়রে কিস্মৎ.
অহর হইয়া গেল যা ছিল শৰ্বৎ ।
ভার না হইতে বীবি লয়ে পরজার
শিঞ্জার বুকেতে চড়ি কানে ধরি ভার ।
মোদম মারে জুতা দাড়ি ছিঁড়ে কয়
“তবিস্যৎ তোমার বুঝা, বরদাস্ত না হয় ?
মেজাজ চড়েছে তব হয়েছ বজ্জাৎ ?
শাব্দ করিব তোমা শুনে লও বাৎ ।
আজ হৈতে বেড়ে গেল রেশন তোমার
পঞ্চাশ হৈতে হৈল একশ’ পরজার ।”
এত বলি মারে কিল মারে কানে চান
ইয়ান্না ফুকারে মিতু.ভাগ্যে পুণ্যবান
কোথায় পাগড়ী গেল কোথায় পাজামা
হোঁচট খাইয়া পড়ে কভু দেয় হামা ।
খুন করে সৰ্ব অঙ্গে ছিঁড়ে গেছে দাড়ি
ফিরোজ পৌঁছিল শেষে মতীনের বাড়ি ।
কাদিয়া কহিল “ভাইয়া কি দিলি দাওয়াই
নাগাইনু কামে এবে জান যায় তাই ।”
বর্ণিল ভাৎ বাৎ, মতীন শুনিল
আদর করিয়া ভায়ে কোলে তুলি নিল ।
বুলাইয়া হাত মাথে বুলাইয়া দেহ
“বিড়াল মেরেছ” কয়, “নাই তো সন্দেহ ।
ব্যাকরণে তবু, দাদা, কৈলা ভুল খাঁটি ।
বিলকুল বরবাদ সব গুড় হৈল মাটি ।
আসল এলেমে তুমি করোনি খেয়াল
শাদীর পরলা রাতে বধিবে বিড়াল ।”
বাণীয়ে বন্দিয়া বন্দিয়া বান্ধিলো বয়ান
কীন মিতু শিঞ্জা ভণে শুনে পুণ্যবান ।

স্বরাজ লাভের সাথে কালোবাজারীয়ে
 মল্লিনাথস্ব { মারনি এখন তাই হানো শিরে ।
 শাহীর পয়লা রাতে মারিবে বিড়াল
 না হলে বর্বাদ সব, তাবৎ পয়মাল । *

বেদে

ঝাড়া বিয়াল্লিশ বছর মিশরে চাকরি করার পর ইংরেজ রাসুল পাশা (পাশা খেতাবটি তিনি মিশরীয় সরকারের কাছ থেকে পান) এখানি প্রামাণিক গ্রন্থ লিখেছেন । সাঁদ জগলুল পাশা থেকে আরম্ভ করে বহু বাঘ বহু চিড়িরার সঙ্গে তাঁর বিস্তর যোগাযোগের ফলে এই কেতাবখানি লেখা হয়েছে ।

এমনকি বেদেরাও এ বইয়ে বাদ পড়েনি ! রাসুল পাশার মতে মিশরের বেদেরা আসলে ভারতীয় । শুধু তাই নয়, রাসুল পাশা পৃথিবীর আর সব পণ্ডিতদের সঙ্গে একমত হয়ে বলেছেন পৃথিবীর সব বেদেরই ভাষা নাকি আসলে ভারতীয়—তা সে ইয়োরোপীয় বেদেরই হোক আর চীনে বেদেরই হোক ।

পণ্ডিত নই, তাই চট করে বিশ্বাস করতে প্রবৃত্তি হয় না । ইয়োরোপীয় বেদেরা ফরাসি প্রায় ইংরেজের শামিল, সিংহলের বেদে ঘনশ্রাম । আচার-ব্যবহারেও বিস্তর পার্থক্য, বহু ফারাক । আরবিস্থানের বেদেরা কথায় কথায় ছোরা বের করে, জর্মনীর বেদেরা ঘুষি ওঁচায় বটে, কিন্তু শেষটার বখেড়ার কৈসলা হয় বিয়াদের বোতল টেনে । চীন দেশের বেদেরা নাকি রূপালি ঝরণাতলার সোনালি টাদের দিকে তাকিয়ে তাকিয়ে চুবুস চুকুস করে সবুজ চা চাখে ।

তবু আজ স্বীকার করি গুণীরাই হক কথা বলেছেন ।

* * *

আমার বয়স তখন পঁচিশ-ছাব্বিশ । আজ যেখানে জর্মনীর রাজধানী, সেই সাদা-মাটা বন্ (Bonn) শহরে আমি তখন কলেজ যাই । এগারোটার ঘোঁকে কলেজের পাশের কাফেতে বসে এক পাত্ত কফি খাই । ও সময়টার

* ইরানে এ কাহিনী সবিস্তর বলা হয় না । শুধু বলা হয়, 'গুরবে কুশতন, শব ই-আঃ-য়ল' অর্থাৎ গুরবে = বিড়াল, কুশতনু = মারা, শব = রাত্রি, অপঃয়ল = প্রথম । সোজা বাংলায়, 'পয়লা রাতেই মারবে বেয়াল ।'

বনের মত আধা-ঘুমন্ত পুরীর কাফেতে খদ্দেরের কামেলা লাগে না। খদ্দের বলতে নিতান্ত আমারই মত দু'একটি কফি-কাতর প্রাণী।

সেদিনও তাই আমি এক কোণে কফি সাক্ষ করে উঠি-উঠি করছি, এমন সময় অল্প কোণের কাউন্টারে, আমার দিকে পিছন ফিরে দাঁড়াল এসে এক বেদেনী। গোলাপী স্কার্ট, বেগুনী ব্লাউজ, লাল-নীলে ডোরা-কাটা স্কার্ফ, মিশ-কালো খোঁপা-বাঁধা চুল। কেক আর কফির গুঁড়ো কিনতে এসেছে।

সন্ধ্যা শেষ হয়ে গেলে পর যখন সে ঘুরে দাঁড়াল তখন হঠাৎ তার চোখ পড়ল আমার উপর। প্রথমটায় থ হয়ে তাকিয়ে রইল প্যাট প্যাট করে। তারপর কি এক বিজ্ঞাতীয় ভাষায় চীৎকার করে সোল্লাসে এগিয়ে এল আমার দিকে। টেবিলের সামনে দাঁড়িয়ে উদ্বেজনা সর্বমুখ টমাটোর মত লাল করে অনর্গল বকে যেতে লাগল সেই 'যাবনিক' ভাষায়। সে ভাষা আমার চেনা-অচেনা কোনো ভাষারই চৌহদ্দি মাড়ায় না, কিন্তু শোনালো—তারই মুখের মত—মিষ্টি।

'আমি জর্মনে বললুম, 'আমি তো আপনার ভাষা বুঝতে পারছিনে।'

মেয়েটি মুখ করল আরও লাল। বুঝলুম, চটেছে। ফের চলল সেই তুবড়ী-বাজী—সেই বিজ্ঞাতীয় বুলিতে। কিছুতেই জর্মন বলতে রাজী হয় না।

আমি কাতর হয়ে কাফের মালিককে বললুম, 'একে বুঝিয়ে বলুন না, আমি ভারতীয়। এর ভাষা বুঝতে পারছিনে।'

আমার সক্রমণ নিবেদনটা শেষ হওয়ার পূর্বেই মেয়েটা ছকার দিয়ে কাফেওয়ালাকে পরিষ্কার জর্মনে বলল, 'সেই কথাই তো হচ্ছে। আমরা বেদে, ভারতবর্ষ আমাদের আদিম ভূমি। এও ভারতীয়। আমার জাত-ভাই। ভ্রমলোক সেজেছে, তাই আমার সঙ্গে কথা কইতে চায় না।'

আমি আর কি বলব? পণ্ডিতেরাও তো এই মতই পোষণ করে। তবু বললুম, 'কিন্তু সত্যি বলছি, আমি আপনার ভাষা বুঝতে পারছিনে।'

চোখে মুখে—এমনকি আমার মনে চল চলে পর্বস্ত—ঘেমা মেখে মেয়েটা গটগট করে কাফে থেকে বেরিয়ে গেল। আমি মোকামান তাকিয়ে রইলুম।

কয়েক মিনিট পরে আমলার দিকে ফিরে গেল। সেই মেয়েটি আমাকে হাতছানি দিয়ে ডাকছে। কফির দোকান পূর্বেই চুকিয়ে দিয়েছিলুম—চূপ করে সেরিয়ে পড়ে 'তার বৃগোমুখ' হল।

ধবধবে দাঁড় হামি: কিলিক নাগরে অসময়ে গভীরনে করে নিজে বললো

—হস্তোর ছাই আবার সেই বিজাতীয় ভাষায়—কি বললো, খোদার মালুম । গড়গড় করে চোখে-মুখে হাসি মেখে, স্বর্ভৌল ছ'খানি বাহু ছলিয়ে, সর্বাক্ষে সৌন্দর্যে ঢেউ তুলে ।

আমি আবার জর্মনে বললুম, 'সত্যি ক্রলাইন (কুমারী), আমি তোমার ভাষা বুঝতে পারছিনে ।'

কেউটে সাপের মতো ফণা তুলে যেন আমাকে ছোবল মারতে এল । আমি তড়াক করে তিন কদম পিছিয়ে গেলুম ।

হঠাৎ মেয়েটা কি যেন ভেবে নিয়ে আবার হাসিমুখে বলল,—যাক ঝাচাল, এবার জর্মনে—'সব মানুষেরই কিছু না-কিছু পাগলামি থাকে, তোমার বুঝি মাতৃভাষায় কথা না বলার ? তা আমি সেটা মনে নিলুম । কিন্তু কেন এ প্ৰকারি, আপন ভাষাকে অবহেলা, কাকের লোকের সামনে আপন জনকে অস্বীকার করা ? তাই তোমাকে বাইরে ডেকে আনলুম ।'

আমি বললুম, 'তোমার আপন জন হতে আমার কোনো আপত্তি নেই, কিন্তু আমি তো তা নই ।'

ফের ফণা তুলতে গিয়ে নিজেকে চেপে নিয়ে বলল, 'তোমার আপন জন নই আমি ? দেখো দিকিনি তোমায় রঙ আর আমার রঙ মিলিয়ে—একই বাদামী না ? হাঁ, আমার একটু সোনালী বটে—তা সে আমি রোদবুষ্টিতে ঘোরাঘুরি করি বলে । দেখো দিকিনি চুলের রঙ—মিশকালো, চেউখেলানো । নিজের চোখ দেখনি কখনো আয়না দিয়ে ?—আমার চোখের রঙ তোমারই মত কালো । আর সব জর্মনদের দিকে তাকিয়ে দেখো, হাবা-গবার দল, শ্বেত কুঠের মত সাদা, মাগো !'

আমি চুপ ।

বলল, 'বুঝতে পেরেছি, বাপু, বুঝতে পেরেছি ; বাপ তোমার ছ'পরমা রেখে গিয়েছে—হঠাৎ নবাব হয়েছে । এখন আর বেদে বলে পরিচয় দিতে চাও না । হাতে আবার খাতাপত্র—কলেজ যাও বুঝি ? ভদ্রলোকের সাজার শখ চেপেছে, না ?'

আমি বললুম, 'ক্রলাইন, তুমি ভুল বুঝেছ । আমার সাতপুরুষ লেখাপড়া করেছে, আমিও তাই করছি । ভদ্রলোক সাজা না-সাজার কোনো কথাই উঠছে না ।'

মেয়েটি এমনভাবে তাকালো যার সাজা অর্ধ 'গাঁজা গুল ।' ভিজেস করল, 'তুমি ভারতীয় নও ?'

আমি বললুম, 'আলবৎ !'

আনন্দের হাসি হেসে বলল, 'ভারতীয়েরা সব বেদে ।'

আমি বললুম, 'সুন্দরী, তোমরা ভারতবর্ষ ছেড়েছ হাজার, দু'হাজার বছর কিংবা তারও পূর্বে । বাদবাকী ভারতীয়রা এখনো গেরস্থালী করে ।'

কিছুতেই বিশ্বাস করে না । বলল, 'তোমার সঙ্গে আর কাঁহাতক খামকা তর্ক করি । তার চেয়ে চলো আমার সঙ্গে । আমাদের সার্কাসের গাড়ি শহরের বাইরে রেখে এসেছি । বাবা, মা সেখানে তোমাকে পেলে ভারি খুশী হবেন । তাঁদের সঙ্গে তর্ক করো । তখন বুঝবে ঠ্যালা কারে কর । বাবা সব জানে । কাচের গোলার দিকে তাকিয়ে তোমাকে সব বাৎলে দেবে ।'

অনেকক্ষণ ধরে এ রকম ধারা কথা হয়েছিল । আমি কিছুতেই বোঝাতে পারলুম না, আমি বেদে নই, স্নব নই, সাদা-মাটা ভারতীয় ।

* * *

এ-কথাটা কিন্তু সেদিন সার্ব বৃষ্ণে গেলুম, দু'হাজার কিংবা তার বেশি বছর ধরে যাদের সঙ্গে ছাড়াছাড়ি তারা যদি বিদেশ-বিভূঁইয়ে দেখামাত্র আমাকে ডাক দিয়ে বলে, 'তুমি আমাদের আপন জন, তখন কি করে বুক ঠুঁকে বলি—যদিও জানি, আজ আমাদের ভাষা আলাদা, আচার ব্যবহার আলাদা—যে ওরা ভারতীয় নয় ?

ভাষাতত্ত্ব

প্যারিসে রেস্টুরায় বসে আছি । নিতান্ত একা ; যাদের আসবার কথা ছিল তাঁরা আসেননি । এমন সময় একটি অতি সুপুরুষ এসে আমারই টেবিলের একথানা শূন্য চেয়ারে আসন গ্রহণ করলেন—অবশ্য প্রথমে 'ফরাসী কায়দায় বাও করে, আমার অনুমতি নিয়ে ।

নিতান্ত মুখোমুখি তদুপরি কান্তিকের মত চেহারাখানা—বার বার আমার মুখ চোখ তাঁর চেহারার দিকে ধাওয়া করছিল । তিনিও নিশ্চয়ই এ রকম পরিস্থিতিতে জীবনে আরো বহুবার পড়েছেন ; কি করতে হয় সেটা তাঁর রপ্ত আছে ।

সিগারেট বাড়িয়ে দিয়ে বলছেন, 'ইচ্ছে করুন ।'

আমি ধন্যবাদ জানালুম।

জিজ্ঞেস করলেন, 'ফরাসীটা বলতে পারেন তো? আমি তো আর কোনও ভাষা জানিনে।'

আমি বললুম, 'ফরাসী ভাষাটা সব সময় ঠিক বুঝতে পারি কি না বলা একটু কঠিন। এই মনে করুন, কোনো সুন্দরী যখন প্রেমের আভাস দিয়ে কিছু বলেন, তখন ঠিক বুঝতে পারি আবার যখন ল্যাঙলেডি ভাড়ার অগ্নে "তাগাদা দেন তখন হঠাৎ আমার তাবৎ ফরাসী ভাষাজ্ঞান বিলকুল লোপ পায়।'

উচ্চাঙ্গের রসবিকাশ হল না সে কথা আমার স্মৃতিক পাঠকেরা বুঝতে পেরে নিশ্চয়ই একটুখানি স্মিতহাস্ত করবেন। আমিও এ-কথা জানি, কিন্তু বিদেশে যখন মানুষ নিতান্ত একা পড়ে এবং রাম, শ্যাম, যে-কোনো কারোর সঙ্গে বন্ধুত্ব জমাতে চায় তখন ঐ হল একমাত্র পন্থা, অর্থাৎ তখন কাঁচা, পাকা যে-কোনো প্রকারের রসিকতা করে বোঝাতে হয় যে, আমি তখন সঙ্গ-সুখলিপ্সু।

ফরাসী ভদ্রলোক হেসে বললেন, 'দেশভ্রমণ বড় ভালো জিনিস। বিদেশে ভাষা নিয়ে এ ভানটা অনায়াসে করা যায়। আমি করি কি প্রকারে? আমি যে ফরাসী সে তো আর বেশীকণ লুকিয়ে রাখতে পারিনে।'

দীর্ঘনিশ্বাস ফেলে বললেন, 'সে না হয় হল। কিন্তু বলুন তো, শব্দার্থ আপনি ঠিক ঠিক বুঝতে শিখেছেন? এই যদি আমি বলি যে, আমি 'জার্নালিস্ট' তাহলে তার মানে কি হল?'

এক গাল হেসে বললুম, 'তা আর জানিনে? তার মানে হল আপনি খবরের কাগজে লেখেন।'

'উহু, হল না। ঠিক তার উল্টো; আমি লিখিনে। সে কথা যাক। আরেকটি উদাহরণ দি। আমি যদি বলি 'আচ্ছা তা হলে আরেকদিন দেখা হবে, তবে তার মানে কি?'

আমি এবারে আরেক গাল আর হাসলুম না; বললুম, 'তার মানে আরেক-দিন দেখা হবে,' এতে আর অস্পষ্টতাটা কোথায়?'

বললেন, 'ফেলু! তার মানে হল, 'আপনি এবারে দয়া করে গাত্রোংপাটন করুন।'

আমি খুশী হয়ে বললুম, 'হ্যাঁ, হ্যাঁ আমরাও যখন বাঙলায় বলি, 'এবার তুমি এসো' তখন তার অর্থ 'তুমি এবারে কেটে পড়ো।'

‘ঠিক ধরেছেন। তাই বলছিলুম, আমি জার্নালিস্ট ; কিন্তু এনা-লেখার জন্য লোকে পরাম দেয়। খুলে কই।

‘এই ধরন করে কয়েক মাস আগে খবর পেলুম, আমাদের ডাকসাঁইটে রাজনৈতিক মসিয়ো অমুখার একটি রমণীর সঙ্গে টলাটলি করছেন। শুদিকে বাজারে তাঁর সুনাম আর খ্যাতি অতিশয় ধর্মভীরুরূপে—কোথায় জানিনে গির্জে মেরামত করে দিয়েছেন, কোন্ সেন্টের জন্মদিনে জাক্বাজোকা পরে পরবে পরমা নম্বরী বনেছিলেন এই রকম ধারা কত কি ? আমি খবরটা শুনে বললুম, ‘বটেবে স্কাডাং, দাঁড়াও তোমাকে দেখাচ্ছি’।

‘করলুম কি, লাগলুম তব্ব-তাবাশে। ডাক্তারেরা নাকি এক্স-রে দিয়ে পেটের মধ্যস্থানের ছবি তোলেন ? শ্রেফ গাঁজা ; তার চেয়ে ঢের বেশী নাড়ীভূঁড়ির খবর মেলে কয়েক আউন্স রূপো ঢেলে, সোনা ঢাললে তার চেয়েও ভালো।

‘সেই নর্তকীর নামধাম সাকিনঠিকানা হাড়হুদের তাবৎ খবর পেয়ে গেলুম এক হপ্তার ভিতর।’

সিগারেট ধরাবার জন্তু কথা বন্ধ করে একটুখানি ভেবে নিয়ে বললেন, ‘কিন্তু এ কর্মে একটুখানি খাবস্বরং হতে হয়। আমি—’ বলে থামলেন।

আমি বললুম, ‘আপনার চেহারা সম্বন্ধে কি আর বলব—’

বাধা দিয়ে বললেন, ‘খ্যাক ইউ।’

‘তারপর করলুম কি জানেন, একপ্রস্ত উত্তম্ব সুট পরে, গৌফে আতর মেখে লেগে গেলুম নর্তকীর পিছনে। প্রেমের কবিতাগুলো ঝালিয়ে নিলুম আচ্ছা করে, টাঙ্গো ওয়াল্টস্ নাচের নবীনতম ‘অবদানগুলো’ রপ্ত করে নিয়ে দিলুম হানা। জানতুম, রাজনৈতিক মসিয়ো অমুখারের টাকার জোয়ারের উপর আমি খাডেডা কেলাস খোলামকুচি, কোথায় ভেসে যাব কেউ পাত্তাটি পাবে না, কিন্তু খোলামকুচি না হয়ে যদি পদ্মকুল হই চেহারাটা বিবেচনা করুন— তা হলে নর্তকী কি একটুখানি মোলায়েম হবেন না ?

‘আমি অবশ্তি নর্তকীকে প্রিয়াক্রূপে চিরকালের জন্তু জিতে নিতে চাইনি ; মসিয়ো অমুখার তাকে নিয়ে প্রেমসে প্রেমের টলাটলি করুন আমার তাতে নশ্তি। আমি শুধু চাই একটুখানি খবর।

‘কিছুটা ভাবসাব হয়ে যাওয়ার পর আমি আভাসে ইন্ধিতে বুকিয়ে দিলুম যে, তিনি যদি অম্ব স্ত্র থেকে অর্থাৎ অমুখারের কাছ থেকে টাকা মারেন

তাতে আমার কোনো আপত্তি নেই। তিনি দু'ঘোড়া না চড়ে আড়াই শ'টা চড়ুন, আমি আপনাদের দেশের ফকিরের মত নির্বিকার। আমি একটুখানি প্রেমেই খুশী।

'কাজেই আস্তে আস্তে প্রেমের নেশায় বানচাল হয়ে নর্তকী খবর দিয়ে ফেললেন, কোন্ হোটেলে কবে তাঁরা গোপনে স্বামী-স্ত্রী রূপে বাস করেছেন, কোন্ ইয়টে কবে ক'দিন ক'রাত্রির কাটিয়েছেন। সেই খেই ধরে তাবৎ গোপনীয় খবর যোগাড় করে গেলুম অনুস্বারের কাছে। তাঁকে বললুম, 'নিছক' সাহিত্যের খাতিরে আমি তাঁর জীবনী লিখতে চাই। তাতে অবশ্য নর্তকী সম্পর্কীয় কিঞ্চিৎ প্রামাণিক সংবাদও থাকবে। তবে কিনা, কিছু অর্থ পেলে আমি এসব ছাপবো না'।

'অনুস্বার জুড়ি এবং ঘডেল লোক। যেসব হোটেলে জাল সহ করেছেন তার ফোটোগ্রাফ দেখে বুঝবেন আমিও কাঁচা নই।'

তারপর বললেন, 'লিখিনি বনেই তো টাকা পেলুম, হাজার দশেক। যাক্গে, এখন আমি চললুম।'

ব্যাপারটা বুঝতে আমার মিনিটখানেক লাগল। তখন ছুটে গিয়ে তাঁকে বললুম, 'এটা কি তবে ব্ল্যাক-মেলিং হল না?'

হেসে বললেন, 'অর্থাৎ 'না-লিখিয়ে জার্নালিস্ট'। তাই তো বলছিলুম, ভাষা জিনিসটে অদ্ভুত।'

আমি স্বয়ং জার্নালিস্ট—আংকে উঠলুম!!

সিনিয়র এপ্রেন্টিস্

কোনো কোনো ধর্মগ্রন্থ যত পুরনো হয় তাদের কদর ততই বেড়ে যায়। নূতন যুগের লোক সে সব গ্রন্থ থেকে নূতন সমস্য়ার অতি প্রাচীন এবং চিরন্তন সমাধান পায় বলে তারা সব কেতাবকে অনায়াসে হার মানায়! শুধু ধর্মগ্রন্থ নয়, কোনো কোনো গল্পও অজরামর হয়ে থাকে ঐ একই কারণে। তারই একটা অতি মর্মান্তিকভাবে কাল মনে পড়ে গেল—কুড়িটি টাকা জেবে নিয়ে বাজার ঘুরে এলুম, ধুতি পেলুম না। গল্পটি হয়ত অনেকেই জানেন— তাঁরা অপরাধ নেবেন না।

গণেশ বেচারী এপ্রেন্টিস, মাইনে পায় না। কাজ শিখছে, এর খাঁতানি ওর খাঁতানি চাঁদপানা মুখ করে নয়। আশা, একদিন পাকাপাকি চাকরি, মাইনে সব কিছুই পাবে। চাকরি খালি পড়লও, কিন্তু বড়বাবু সেটা দিয়ে দিলেন তাঁর শালীর ছেলেকে—সে কখনো এপ্রেন্টিসি করেনি। বড়বাবু গণেশকে ডেকে বললেন, ‘বাবা গণেশ, কিছু মনে করো না। এ চাকরিটা নিতান্তই অন্য একজনকে দিতে হল। আসছেটা তোমাকে দেব নিশ্চয়ই।’

কাকশু পরিবেদনা, আবার চাকরি খালি পড়ল, বড়বাবু ফের ফক্কিকারি মারলেন, গণেশকে ডেকে আবার মিষ্টি কথায় চিঁড়ে ভেজালেন। এমনি করে দেদার চাকরি গণেশের সামনে দিয়ে ভেসে গেল, তার এপ্রেন্টিসির আকশি দিয়ে একটাকেও ধরতে পারল না। শেষের দিকে বড়বাবু আর গণেশকে ডেকে বাপুর্নে, বাছায়ে বলে সাত্বনা মালিশ করার প্রয়োজনও বোধ করেন না।

গণেশের চোখ বসে গেছে, গাল ভেঙে গেছে, রগের চুলের ছ’এক গাছায় পাব ধরলো। পরনের ধুতি ছিঁড়ে গিয়েছে, জামাটা কোন গতিকে গায়ে ঝুলে আছে। গণেশ এ-টুলে ও-টুলে, এর কাজ, ওর ফাইফরমাশ করে দেয়—আর করে করে অফিসের বেবাক কাজ তার শেখা হয়ে গেল। চাকরি কিন্তু হল না।

এমন সময় বড়মাহেব একদিন বড়বাবুকে দোতলায় ডেকে বললেন, ‘আমায় একটা জরুরী রিপোর্ট লিখে আজকের মেল ধরতে হবে। কেউ যেন ডিস্টার্ব না করে। দরজার গোড়ায় একজন পাকা লোক বসিয়ে দাও, কাউকে যেন ঢুকতে না দেয়।’

দারোয়ানরা সেদিন করেছিল ধর্মঘট। বড়বাবু গণেশকে দিলেন দোতলার সামনে বসিয়ে। বললেন, ‘কিছু মনে করো না বাবা গণেশ, হেঁ হেঁ হেঁ হেঁ’, ইত্যাদি। গণেশ টুলে বসে ছেঁড়া ধুতিতে গিঁট দিতে লাগল।

এমন সময় নিচের রাস্তায় হেঁ হেঁ রৈ রৈ। এক বন্ধ পাগল রাস্তা দিয়ে ছুটে যাচ্ছে, পরনে কপ্লিনটুকু পর্যন্ত নেই—ইংরেজিতে যাকে বলে ‘বার্থ-ডে-সুট’—আর পিছনে রাস্তার ছোঁড়ারা তাকে লেলিয়ে লেলিয়ে খেদিয়ে নিয়ে যাচ্ছে।

হবি তো হ, পাগলা করল গণেশের আপিসের দিকেই ধাওয়া। সিঁড়ি ভেঙে উপরের তলায় উঠে ঢুকতে গেল বড় মাহেবের ঘরে। গণেশ টুল ছেড়ে ঠাঁড়াল কিন্তু পাগলাকে বাধা দিল না।

রুমার কাটকাট কাণ্ড। পাগলের পিছনে পিছনে ছোঁড়াগুলোও গিয়ে

ছুকেছে বড় সাহেবের ঘরে । চীৎকার চেঁচামেচি । পাগলা আবার সাহেব-
ধাক; মেয়ে সরিয়ে ফেলে রিভলভিং-টিল্টিঙ চেয়ারে বসতে চায় ।

তাই দেখে কেউ বড়ি ডাকে
কেউ বা ডাকে পুলিশ,
কেউ বা বলে কামড়ে দেবে
সাবধানেতে তুলিস !

শেষটায় পুরো লালবাজার এসে ঘর সাফ করল ।

সাহেব তো বেগে কাঁই । বড়বাবুকে ধরে তো এই-মার কি তেই-মার
লাগাল আর কি । বলেন, 'তুমি একটা ইন্ডিয়েট, আর দোরে বসিয়েছিলে
তোমার মত একটা ইম্বেসাইলকে । কোথায় সে, ডাকো তাকে ।' গণেশ এসে
সামনে দাঁড়াল ।

সাহেব মারমুখো হয়ে জিজ্ঞাসা করলেন, 'ইউ প্রাইজ-ইন্ডিয়েট, পাগলকে
তুমি ঠেকালে না কেন ?'

গণেশ বড় বিনয়ী ছেলে । বললে, 'আমি ভেবেছিলুম, উনি আমাদের
আপিসের সিনিয়র এপ্রেন্টিস্ । আমি তো জুনিয়র, ঠুকে ঠাকাবো কি করে ?'

সাহেব তো সাত হাত পানিয়ে । বললেন, 'হোয়াক্য মীন বাই ছাট ?'

গণেশ বললে, 'হুজুর, আমি তিন বৎসর ধরে এ আপিসে এপ্রেন্টিস্
করছি । খেতে পাইনে, পরতে পাইনে । এই দেখুন ধুতি । ছিঁড়ে ছিঁড়ে
পটি হয়ে গিয়েছে । লজ্জা ঢাকবার উপায় নেই । তাই যখন এঁকে দেখলুম,
আমাদের আপিসে ঢুকছেন, একদম অবাস্তব উলঙ্গ, তখন আন্দাজ করলুম, ইনি
নিশ্চয়ই এ আপিসের সিনিয়র এপ্রেন্টিস্ । তা না হলে তাঁর এ অবস্থা হবে
কেন ? এখানে এপ্রেন্টিস্ করে করে সম্পূর্ণ বিবস্ত্র হয়ে সিনিয়র এপ্রেন্টিস্
হয়েছেন ।'

* * *

১৯৪৭ সালে স্বরাজ লাভ হয় । আমাদের এপ্রেন্টিস্ তখন শুরু হয় । তখনো
পরনে ধুতি ছিল, গারে জামা ছিল । আর আমাদের সিনিয়র এপ্রেন্টিস্
হওয়ার বেশী বাকী নেই । সবই আন্নার কেরামতি ।

দাম্পত্য জীবন

বাঁদের ঝড়তি-পড়তি মাল কুড়িয়ে নিয়ে ভাঙিয়ে খাচ্ছি—অর্থাৎ ‘পকতর’ তৈরি করছি তাঁদের সঙ্গে ‘দেশের’ পাঠক-পাঠিকার যোগসূত্র স্থাপন করার বাসনা এ-অধমের প্রায়ই হয়! তাঁদেরই একজন আমার এক চীনা বন্ধু। সত্যকার জ্বরী লোক—লাগুনে, কন-ফুংসিয়ে টে-টম্বুর হয়ে আছেন। তদ্বালোচনা আরম্ভ হলেই শাস্ত্রবচন ওঠাঞ্চে। আমি যে পদে পদে হার মানি সে-কথা আর রঙ-ফলিয়ে, তুলি-বুলিয়ে বলতে হবে না।

ক্লাবের সুদূরতম প্রত্যন্ত প্রদেশে একটি নিমগাছের তলায় বসে তিনি আপিস ফাঁকি দিয়ে চা পান করেন। তাঁর কাছ থেকে আমি এস্তার এলেম হাঁসিল করেছি—তারই একটা আপিস ফাঁকি দেওয়া। কাছে পৌঁছতেই একগাল হেসে নিলেন—অর্থ সুম্পষ্ট—ছোকরা কাবেল হয়ে উঠছে। আর ক’দিন বাদেই আপিস-যাওয়া বিলকুল বন্ধ করে পুরো তনখা টানবে।

ইতিমধ্যে এক ইংরেজও এসে উপস্থিত।

রসলাপ আরম্ভ হল। কথায় কথায় বিবাহিত জীবন নিয়ে আলোচনা। শাহেব বললে, ‘লগুনে একবার স্বামীদের এক আড়াই মাইল লম্বা প্রেসেশন হয়েছিল, স্ত্রীদের অত্যাচারের বিরুদ্ধে প্রতিবাদ জানাবার জন্য। প্রেসেশনের মাধ্যম ছিল এক পাঁচ ফুট লম্বা টিঙটিঙে হাড়িড-মার ছোকরা। হঠাৎ বলা নেই, কণ্ডয়া নেই ছ’ফুট লম্বা ইয়া লাশ এক ঔরৎ ছুমছুম-করে তার দিকে এগিয়ে গিয়ে তার হাত ধরে এক হ্যাঁচকা টান দিয়ে বললে, ‘তুমি এখানে কেন, তুমি তো আমাকে ডরাও না। চলো বাড়ি।’ সুড়সুড় করে ছোকরা চলে গেল সেই খাণ্ডার বউয়ের পিছনে পিছনে।’

আমার চীনা বন্ধুটি আদর-মাফিক মিষ্টি মৌরী হাসি হাসলেন। সায়েব খুশি হয়ে চলে গেল।

গুটিকয়েক শুকনো নিমপাতা টেবিলের উপর করে পড়ল। বন্ধু তাই দিয়ে টেবিলরুখের উপর আন্ননা সাজাতে সাজাতে বললেন, ‘কী গল্প! তুনে হাসির চেয়ে কায়া পায় বেশি।’ তারপর চোখবন্ধ করে বললেন,

‘চীনা গুণী আচার্ষ নু তাঁর প্রামাণিক শাস্ত্রগ্রন্থে লিখেছেন, একদা চীন

দেশের পেপিং শহরে অত্যাচার জর্জরিত স্বামীরা এক মহতী সভার আহ্বান করেন। সভার উদ্দেশ্য, কি প্রকারে নিপীড়িত স্বামীকুলের তাঁদের খাণ্ডার গৃহিণীদের হাত থেকে উদ্ধার করা যায় ?

‘সভাপতির সম্মানিত আসনে বসানো হল সবচেয়ে জাঁদরেল দাড়িওয়া অধ্যাপক মাওলীকে। ঝাড়া ঘাটটি বছর তিনি তাঁর দজ্জাল গিন্নীর হাতে অশেষ অত্যাচার ভুগেছেন সেকথা সকলেরই জানা ছিল।

‘ওজস্বিনী ভাষায় গস্তীর কণ্ঠে বজ্রনির্ঘোষে বক্তার পর বক্তা ঘণ্টার পর ঘণ্টা আপন আপন অভিজ্ঞতা বলে যেতে লাগলেন। স্ত্রীলোকের অত্যাচারে দেশ গেল, ঐতিহ্য গেল, ধর্ম গেল, সব গেল, চীন দেশ হটেনটটের মুল্লুকে পরিণত হতে চলল, এর একটা প্রতিকার করতেই হবে। ধন-প্রাণ, সর্বস্ব নিয়ে এ অত্যাচার ঠেকাতে হবে। এস ভাই, এক জোট হুয়ে—

‘এমন সময় বাড়ির দারোয়ান হস্তদস্ত হয়ে ছুটে এসে বলল, ‘হুজুররা এবার আসুন। আপনাদের গিন্নীরা কি করে এ সভার খবর পেয়ে ঝাঁটা, ছেঁড়া জুতো, ভাঙা ছাতা ইত্যাদি যাবতীয় মারাত্মক অস্ত্রশস্ত্র নিয়ে এদিকে ধাওয়া করে আসছেন।’

‘যেই না শোনা, আর যাবে কোথায়? জানলা দিয়ে, পেছনের দরজা দিয়ে, এমনকি ছাত ফুটো করে, দেয়াল কাণা করে দে ছুট, দে ছুট! তিন সেকেণ্ডে মিটিঙ মাফ—বিলকুল ঠাণ্ডা!

কেবলমাত্র সভাপতি বসে আছেন সেই শান্ত গস্তীর মুখ নিয়ে—তিনি বিন্দুমাত্র বিচলিত হননি। দারোয়ান তাঁর কাছে ছুটে গিয়ে বারবার প্রণাম করে বলল, ‘হুজুর যে সাহস দেখাচ্ছেন তাঁর সামনে চেঙ্গিস খানও তমলীম রুকভেন, কিন্তু এ তো সাহস নয়, এ হচ্ছে আত্মহত্যার শামিল। গৃহিণীদের প্রসেশনের সকলের পয়লা রয়েছেন আপনারই স্ত্রী। এখনো সময় আছে। আমি আপনাকে নিরাপদ জায়গায় নিয়ে যাচ্ছি।’ সভাপতি তবু চুপ। তখন দারোয়ান তাঁকে তুলে ধরতে গিয়ে দেখে তাঁর সর্বাঙ্গ ঠাণ্ডা। হার্ট ফেল করে মারা গিয়েছেন।’

আচার্য উ থামলেন। আমি উচ্ছ্বসিত হয়ে ‘সাধু সাধু’, ‘শাবাস’, ‘শাবাস’ বললুম। করতালি দিতে দিতে নিবেদন করলুম, ‘এ একটা গল্পের মত গল্প বটে।’

আচার্য উ বললেন, ‘এ বিষয়ে ভা

বাক্য কি?’

চোখ বন্ধ করে আঙ্গা রত্নকে স্মরণ করলুম, পীর দরবেশ গুরু ধর্ম কেউই বাধ পড়লেন না। শেষটায় মৌলা আলীর দয়া হল।

হাত জোড় করে বরজঙ্গলের মত ক্ষীণ কণ্ঠে ইমন কল্যাণ ধরলুম।

শ্রীমন্নহারাজ রাজাধিরাজ দেবেন্দ্রবিজয় মুখ কালি করে একদিন বসে আছেন ঘরের অন্ধকার কোণে। খবর পেয়ে প্রধানমন্ত্রী এসে শুধালেন, ‘মহারাজের কুশল তো?’ মহারাজ রা কাড়েন না। মন্ত্রী বিস্তর পীড়পীড়ি করাতে হঠাৎ খ্যাক খ্যাক করে উঠলেন, ‘ঐ রাণীটা—ও: কি দজ্জাল, কি খাগার! বাপরে! বাপ! দেখলেই আমার বুকের রক্ত হিম হয়ে আসে।’

মন্ত্রীর যেন বুক থেকে হিমালয় নেমে গেল। বললেন, ‘ও:। আমি ভাবি আর কিছু। তাতে অতো বিচলিত হচ্ছেন কেন মহারাজ! বউকে তো সকাই ডরায়—আম্মো ডরাই। তাই বলে তো আর কেউ এ রকমধারা গুম হয়ে বসে থাকে না।’

রাজা বললেন, ‘ঐ তুমি ফের আরেকখানা গুল ছাড়লে।’ মন্ত্রী বললেন, ‘আমি প্রমাণ করতে পারি।’ রাজা বললেন, ‘ধরো বাজি।’ ‘কত মহারাজ?’ ‘দশ লাখ?’ ‘দশ লাখ।’

পরদিন সকাল থেকে সন্ধ্যা পর্যন্ত শহরে ঢোল পেটানোর সঙ্গে সঙ্গে ছকুম জারি হল—বিষুৎবার বেলা পাঁচটায় শহরের তাবৎ বিবাহিত পুরুষ যেন শহরের দেয়ালের বাইরে জমায়েৎ হয়; মহারাজ তাদের কাছ থেকে একটি বিষয় জানতে চান।

লোকে লোকারণ্য। মধ্যখানে মাচাঙ—তার উপরে মহারাজ আর মন্ত্রী। মন্ত্রী টেঁচিয়ে বললেন, ‘মহারাজ জানতে চান তোমরা তোমাদের বউকে ডরাও কি না। তাই তাঁর হয়ে আমি ছকুম দিচ্ছি যারা বউকে ডরাও তারা পাহাড়ের দিকে সরে যাও আর যারা ডরাও না তারা যাও নদীর দিকে।’

যেই না বলা অমনি ছড়মুড় করে, বাঘের সামনে পড়লে গোরুর পালের মত, কালবৈশাখীর সামনে শুকনো পলাশ পাতার মত সবাই ধাওয়া করলে পাহাড়ের দিকে, একে অণ্ডকে পিবে, দলে, খেঁৎলে—তিন সেকেণ্ডের ভিতর পাহাড়ের গা ভর্তি।

বউকে না-ডরানোর দিক বিস্কুল ফর্সা। না, ভুল বললুম। মাত্র একটি যোগা টিঙটিঙে লোক সেই বিরাট মাঠের মধ্যখানে লিক্লিক্ করছে।

রাজা তো অবাক। ব্যাপারটা যে এরকম দাঁড়াবে তিনি তার কল্পনাও

করতে পারেননি। মন্ত্রীকে বললেন, 'তুমিই বাজি জিতলে। এই নাও দশ লখা হার।' মন্ত্রী বললেন, 'দাঁড়ান, মহারাজ। ঐ যে একটা লোক রয়ে গেছে।' মন্ত্রী তাকে হাতছানি দিয়ে ডাকলেন। কাছে এসে বললেন, 'তুমি যে বড় ওদিকে দাঁড়িয়ে? বউকে ডরাও না বুঝি?'

স্নোকটা কাঁপতে কাঁপতে কাঁদো কাঁদো হয়ে বললে, 'অতশত বুঝিনে, হজুর। এখানে আসবার সময় বউ আমাকে ধমক দিয়ে বলেছিল, 'যেদিকে ভিড় সেখানে য়েয়ো না।' তাই আমি ওদিকে যাইনি।'

আচার্য উ আমাকে আশির্জন করে বললেন, 'ভারতবর্ষেরই জিৎ। তোমার গল্প যেন বাঘিনী-বউ। আমার গল্প ভয়ে পালালো।'

তবু আমার মনে সন্দেহ রয়ে গিয়েছে। রসিক পাঠক, তুমি বলতে পারো কোন্ গল্পটাকে শিরোপা দি?

পঁচিশে বৈশাখ

রবীন্দ্রনাথের সাহচর্য পেয়েছিলুম, তাই যদি তাঁকে ব্যক্তিগতভাবে দেখি তাহলে আশা করি, সুশীল পাঠক এবং সহৃদয় পাঠিকা অপরাধ নেবেন না।

রবীন্দ্রনাথ উত্তম উপন্যাস লিখেছেন, ছোট গল্পে তিনি মপার্সা, চেথফকে ছাড়িয়ে গিয়েছেন, নাট্যে তিনি যে-কোনো মিস্টিকের সঙ্গে প্রতিদ্বন্দ্বিতা করতে পারেন, কবিরূপে তিনি বিশ্বজনের প্রশংসা অর্জন করেছেন শব্দতত্ত্ব সম্বন্ধে তিনি যে গবেষণা করেছেন তার গভীরতা পণ্ডিতদের নির্বাক করে দিয়েছে, তাঁর রাজনৈতিক দৃষ্টি আরো কত বৎসর ভারতবাসীকে নব নব শিক্ষা দেবে তার ইয়ত্তা নেই, আর গুরুরূপে তিনি যে শান্তিনিকেতন নির্মাণ করে গিয়েছেন তার স্মৃতিছায়ায় বিশ্বজন একদিন সুখময় নীড় লাভ করবে সে বিষয়েও কোনো সন্দেহ নেই।

আমার কিন্তু ব্যক্তিগত বিশ্বাস, রবীন্দ্রনাথ এসব উত্তীর্ণ হয়ে অজরামর হয়ে রইবেন তাঁর গানের জগৎ।

স্বপ্নের দিক দিয়ে বিচার করব না। সহৃদ শান্তিদেব ঘোষ তাঁর 'রবীন্দ্র-সঙ্গীতে' এমন কোন জিনিস বাদ দেন নি যে সম্বন্ধে আপনি আমি আর পাঁচজনকে কিছু বলে পারি। আমি বিচার করছি, কিংবা বলুন, মুঠ হয়ে

ভাবি যে, কতকগুলো অপূর্ব গুণের সমন্বয় হলে পর এ রকম গান সৃষ্ট হতে পারে। সামান্য যে ছ'চারটে ভাষা জানি তার ভিতর আমি চিরজীবন যে যনের সন্ধান করেছি, সে হচ্ছে গীতিরস। শেলি কীটস, গোটে হাইনে, হাফিজ আন্তার, কালিদাস জয়দেব, গালীব জওক এঁদের গান বলুন কবিতা বলুন সবকিছুর রসাত্মক করে এ জীবন ধন্য মেনেছি কিন্তু সঙ্গে সঙ্গে বার বার বলেছি—

‘এমনটি আর পড়িস না চোখে,

আমার যেমন আছে!’

তার কারণ বিশ্লেষণ করতে গিয়ে বার বার হার মেনেছি। রবীন্দ্রনাথের গান এমনি এক অখণ্ড রূপ নিয়ে হৃদয় মন অভিভূত করে ফেলে যে, তখন সর্ব-প্রকারের বিশ্লেষণ ক্ষমতা সম্পূর্ণ লোপ পায়।

অর্থনরা যখন ‘লীডার’ কিংবা ইরানিরা যখন গজল গান একমাত্র তখনই আমি রবীন্দ্রসঙ্গীত জাতীয় কিঞ্চিৎ রস পেয়েছি। তাই একমাত্র সেগুলোর সঙ্গেই রবীন্দ্রনাথের গানের তুলনা করে ঈর্ষা বিশ্লেষণ করা যায়।

তখন ধরা পড়ে :

রবীন্দ্রনাথের গানের অখণ্ড, সম্পূর্ণ রূপ। বহু লীডার এবং গজল শুনে মনে হয়েছে এ গান অপূর্ব, এ গান যদি আরো অনেকক্ষণ ধরে চলত তবে আরো ভালো লাগত অর্থাৎ শুধু যে অভূপ্ত রেখে গিয়েছে তাই নয়, অসম্পূর্ণ বলেই মনে হয়েছে এ ‘লীডার’ বা ‘গজল’ আরো কিছুক্ষণ ধরে চলতে পারতো। রবীন্দ্রনাথের গান কখনই অসম্পূর্ণরূপে আমার সামনে দাঁড়ায়নি। তাঁর গান শুনে যদি কখনো মনে হয়ে থাকে এ গান আমাকে অভূপ্ত রেখে গেল তবে তার কারণ তার অসম্পূর্ণতা নয়, তার কারণ অতিশয় উচ্চাঙ্গের রসসৃষ্টি মাংসই ব্যঞ্জনা এবং ধ্বনিপ্রধান। তার ধর্ম সম্পূর্ণ অভূপ্ত করে ও ব্যঞ্জনার অভূপ্তি দিয়ে হৃদয়মন করে দেওয়া। তখন মনে হয়, এ গান আমার সামনে যে-ভুবন গড়ে দিয়ে গেল তার প্রথম পরিচয়ে তার সব কিছু আমার জানা হল না বটে, কিন্তু খেদ নেই, আবার শুনব তখন সে ভুবনের আরো অনেকখানি আমার কাছে উদ্ভাসিত হয়ে উঠবে আর এমনি করে করে একদিন সে ভুবন আমার নিত্য আপন হয়ে উঠবে। কোন সন্দেহ নেই এরকম ধারাই হয়ে থাকে কিন্তু আরেকটি কথা তার সেরেও সত্য : রবীন্দ্রনাথের কোন গানই কখনো নিছকে সম্পূর্ণ নিঃশেষ করে না।

শব্দের চয়ন, সে শব্দগুলো বিশেষ হলে সংস্থাপন এবং হৃদয়মনকে অভিভূত

কল্পনাভীত নৃতন শব্দের ভিতর দ্বিগে উন্মুখ বেধে বেধে ভাবে, অর্থে, মাধুর্যের পরিসমাপ্তিতে পৌঁছিয়ে দ্বিগে গান যখন সাজ হয় তখন প্রতিবারই হৃদয়কম্প করি, এ গান আর অন্য কোন রূপ নিতে পারতো না— নটরাজের মৃতি বেধে যেমন মনে হয়, নটরাজ অন্য কোন অঙ্গভঙ্গি দ্বিগে 'আমার চোখের সামনে নৃত্যকে রূপায়িত করতে পারতেন না। তাই বলি, নটরাজের প্রত্যেকটি অঙ্গভঙ্গির মত রবীন্দ্রনাথের গানের প্রত্যেকটি শব্দ।

লক্ষ্য করেছেন নিশ্চয়ই, চমৎকার স্বর তাল জ্ঞান, মধুরতম কণ্ঠ, তবু কোনো কোনো গায়কের গাওয়া রবীন্দ্রনাথের গান ফিকে, পানসে অর্থাৎ ফ্লাট বলে মনে হয়। কেন এরকম ধারা হয় তার কারণ অহুস্কান করলে অধিকাংশ স্থলেই দেখতে পাবেন, গায়কের যথেষ্ট শব্দ-সম্মান বোধ নেই বলে প্রতিটি শব্দ রসিয়ে রসিয়ে গাইছেন না আর তাই যেন নটরাজের প্রতিটি অঙ্গ আড়ষ্ট হয়ে গিয়ে গিয়ে তাঁর নৃত্য বন্ধ হয়ে গেল।

মৃত্তিকার বন্ধন থেকে রবীন্দ্রনাথ কত শতবার আমাদের নিয়ে গিয়েছেন 'নীলাশ্বরের মর্মমাঝে।' আবার যখন তিনি আমাদের পৃথিবীতে ফিরিয়ে নিয়ে আসেন তখন এই মৃত্তিকাই স্বর্গের চেয়ে অধিকতর 'মধুময় হয়ে ওঠে।'

‘তারায় তারায় দীপ্তিশিখার অগ্নি জলে
নিদ্রাবিহীন গগনতলে—’

ভনে কি কল্পনা করতে পারি যে

‘ঐ আলোক-মাতাল স্বর্গসভার মহাঙ্গন,
হোথায় ছিল কোন্ যুগে মোর নিমন্ত্রণ।’

তারপর যখন মনকে তৈরি করলুম সেই স্বর্গসভার নব নব নব অতিজ্ঞতার
অনু তখন আবার হঠাৎ আমি

‘কালের সাগর পাড়ি দ্বিগে এলেম চলে
নিদ্রাবিহীন গগনতলে।’

তারপর এ-ধারার কি অপরূপ বর্ণনা

‘হেথা মন্দমধুর কানাকানি জলে গুলে
শ্রামণ মাটির ধরাতলে।

হেথা ঘাসে ঘাসে বহুদিন ফুলের আলিঙ্গন

বনের পথে আধার-আলোর আলিঙ্গন।’

কখনো স্বর্গে কখনো মর্ত্যে, আপন অজানাতে এই যে মধুর আনাগোনা, মাহুৰকে দেবতা বানিয়ে, আবার তাকে দেবতার চেয়ে মহত্বের মাহুৰ করে তোলা —মাত্র কয়েকটি শব্দ আর একটুখানি স্বর দিয়ে —এ অলৌকিক কৰ্ম যিনি করতে পারেন তিনিই 'বিষ্ণুকৰ্মা মহাত্মা' ।

তোতা কাহিনী

পারস্য দেশের গুণী-জানীয়া বসেন, আত্মা যদি আয়বী ভাষায় কোরান্ প্রকাশ না করে ফার্সীতে করতেন, তবে মৌলানা জানালউদ্দীন রুমীর 'মমনবি' কেতাৰ-খানাকে কোরান নাম দিয়ে চালিয়ে দিতেন । এ ধরনের ভাবিক আর কোন দেশের নোক তাদের কবির জন্ত করেছে বলে তো আমার জানা নেই ।

মৌলানা রুমী ছিলেন ভক । তিনি ভগবানকে পেয়েছিলেন কদম্ববন-বিহারিণী শ্রীগাথা ঘেরকম করে গোপীজনবল্লভ শ্রীহরিকে পেয়েছিলেন, অর্থাৎ প্রেম দিয়ে । রুমী তাঁর আধ্যাত্মিক অভিজ্ঞতা মমনবিত্তে বর্ণনা করেছেন । বেশির ভাগ পল্লচ্ছন্দে, তারই একটি 'তোতা কাহিনী' ।

ইরান দেশের এক সদাগরের ছিল একটি ভারতীয় তোতা । সে তোতা জানে বৃহস্পতি, বসে কাসিদাস, মৌন্দর্যে রুতমক ভেসেটিনো, পাণ্ডিত্যে মাক্সমুগার । সদাগর তাই ফুরসৎ পেলেই সেই তোতার সঙ্গে হৃদয় বসলাপ, তথালোচনা করে নিতেন ।

হঠাৎ একদিন সদাগর খবর পেলেন ভারতবর্ষে কার্পেট বিক্রি হচ্ছে আক্রা হয়ে । তখনই মনস্থির করে ফেললেন ভারত যাবেন কার্পেট বেচতে । যোগাড়-যত্ন তদুণ্ডেই হয়ে গেল । সর্বশেষে গোপীকুটমকে মিজেস করলেন, কার অস্ত হিন্দুস্তান থেকে কি সওদা নিয়ে আদবেন । তোতাও বাদ পড়ল না—তাকেও শুধালেন সে কি সওগাত চায় । তোতা বললে, 'হুজুর, যদিও আপনার সঙ্গে আমার বেড়াধরি, ইয়ারগিরি বহু বৎসরের, তবু খাঁচা থেকে মুক্তি চায় না কোন্ চিড়িয়া ? হিন্দুস্তানে আমার জাতভাই কারোর সঙ্গে যদি দেখা হয়, তবে আমার এ অবস্থার বর্ণনা করে মুক্তির উপায়টা জেনে নেবেন কি ? আর তার প্রতিকূল ব্যবহাও যখন আপনি করতে পারবেন, তখন এ-সওগাতটা চাওয়া তো কিছু অসম্ভবও নয় ।'

সদাগর ভারতবর্ষে এসে মেলা পরসা কামালেন, সব সওগাতও কেনা হল, কিন্তু তোতার সওগাতের কথা গেলেন বেবাক ভুলে। মনে পড়ল হ ১৭ একদিন এক বনের ভিতর দিয়ে যাবার সময় একঝাঁক তোতা পাখি দেখে। তখখুনি তাদের দিকে তাকিয়ে চোঁচিয়ে বললেন, 'তোমাদের এক বেগাদর ইরান দেশের খাঁচায় বন্ধ হয়ে দিন কাটাচ্ছে। তার মুক্তির উপায় বলে দিতে পারো' ? কোনো পাখিই খেয়াল করল না সদাগরের কথার দিকে। শুধু ছুঃসংবাদটা একটা পাখির বুকে এমনি বাজ হানল যে, সে তৎক্ষণাৎ মরে গিয়ে মাটিতে পড়ে গেল। সদাগর বিস্তর আপসোস করলেন নিরৌহ একটি পাখিকে বেমকা বদ-খবর দিয়ে মেরে ফেলার জন্তে। স্থির করলেন, এ মুখামি ছু বার করবেন না। মনে মনে নিজের গালে ঠান-ঠান করে মারলেন গুণ্ডা দুই চড়।

বাড়ি ফিরে সদাগর সওগাত বিলোলেন দরাজ হাতে। সবাই খুশ, নিশ্চয়ই 'জয়হন্দ' বলেছিল ব্যাটা-বাচ্চা সবাই। শুধু তোতা গেল ফাঁকি—সদাগর আর ও-ঘরে যান না পাছে তোতা তাঁকে পাকড়ে ধরে সওগাতের জন্ত। উহ, সেটি হচ্ছে না ও-খবরটা যে করেই হোক চেপে যেতে হবে।

কিন্তু হলে কি হয়—গোঁপ কামানোর পরও হাত ওঠে অজ্ঞানতে চাড়া দেবার দস্ত, (পরশুরাম উবাচ) বে-খেয়ালে গিয়ে ঢুকে পড়েছেন হঠাৎ একদিন তোতার ঘরে। আর যাবে কোথায়—অস্-মালাম আলাই কুম, ও বহমৎ উল্লাহি, ও বরকত ওহ, আস্থন আস্থন, আসতে আজ্ঞে হোক। হজুরের আগমন শুভ হোক ইত্যাদি ইত্যাদি,' তোতা চোঁচাল।

সদাগর হেঁ হেঁ' করে গেলেন। মনে মনে বললেন, খেয়েছে।

তোতা আর ঘুঘু এক জিনিস নয় জানি, কিন্তু এ তোতা ঘুঘু। বললে, 'হজুর, সওগাত ?'

সদাগর ফাটা বাঁশের মধ্যখানে। বলতেও পারেন না, চাপতেও পারেন না। তোতা এমনভাবে সদাগরের দিকে তাকায় যেন তিনি বেইমানস্ত বেইমান। সওগাতের ওয়াদা দিয়ে গড়্‌ড্যাম ফক্কিয়ারি ! মাহুঘ জানোয়ারটা এই বকমই হয় বটে ! তওবা, তওবা !

কি আর করেন সদাগর। কথা রাখতেই হয়। ছুম করে বলে ফেললেন।

যেই না বলা তোতাটি ধপ করে পড়ে মরে গেল। তার একটা বেগাদর সেই দূর হিন্দুস্তানে তার ছুবছার খবর পেয়ে হার্টব্রেক করে মারা গেল, এরকম একটা প্রাণঘাতী ছুঃসংবাদ শুনলে কার না কলিজা ফেটে যায় ?

দিলের দোস্ত তোতাটি মারা যাওয়ার সদাগর তো হাউমাউ করে কেঁদে উঠলেন। ‘হায়, হায়, কী বেকুব, কী বে-আক্বেল আমি। একই ভুল, দু-বাব করলুম।’ পাগলের মত মাথা খাবড়ান সদাগর। কিন্তু তখন আর আপসোসে ফায়দা নেই—ঘোড়া চুরির পর আর আশ্চাবলে তাল মেরে কি লাভ! সদাগর চোখের জল মুছতে মুছতে খাঁচা খুলে তোতাকে বের করে আঙ্গিনায় ছুঁড়ে ফেললেন।

তখন কী আশ্চর্য, কী কেরামতি! ফুরুৎ করে তোতা উড়ে বসল গিয়ে বাড়ির ছাদে। সদাগর তাজ্জব—হাঁ করে তাকিয়ে রইলেন তোতার দিকে। অনেকক্ষণ পরে সম্বিতে ফিরে শুধালেন, ‘মানে?’

তোতা এবারে প্যাচার মত গম্ভীর কণ্ঠে বললো, ‘হিন্দুস্তানে যে তোতা আমার বদনসিবের খবর পেয়ে মারা যায়, সে কিন্তু আসলে মরে নি। মরার ভান করে আমাকে খবর পাঠালো, আমিও যদি মরার ভান করি, তবে খাঁচা থেকে মুক্তি পাবো।’

সদাগর মাথা নিচু করে বললেন, ‘বুঝেছি, কিন্তু বন্ধু, যাবার আগে আমাকে শেষ তত্ত্ব বলে যাও। আর তো তোমাকে পাব না।’

তোতা বললে, ‘মরার আগেই যদি মরতে পারো, তবেই মোক্ষ লাভ। মড়ার ক্ষুধা নেই তৃষ্ণা নেই, মান-অপমান বোধ নেই! সে তখন মুক্ত, সে নির্বাণ মোক্ষ সবই পেয়েছে। মরার আগে মরবার চেষ্টা করো।’

* * *

এই গল্প ভারতবর্ষে বহু পূর্বে এসেছিল। কবীর বলেছেন,

‘ত্যাগো অভিমানা শিখো জ্ঞানা
সতংকর সঙ্গত তরতা হৈ
কই কব’র কোই বিরল হংসা
জীবতহী জো মরতা হৈ ॥’

(অভিমান ত্যাগ করে জ্ঞান শেখো, সংগতির সঙ্গ নিলেই জ্ঞান। কবীর বলেন, ‘জীবনেই মৃত্যু লাভ করেছেন সেরকম হংসসাধক বিরল’।)

আর বাংলাদেশের লালন ফকিরও বলেছেন,

‘মরার আগে মলে শমন-জ্বালা ঘুচে যায়।
জানগে সে মরা কেমন, মূর্শীদ ধরে জানতে হয়।’ ॥

ত্রাহি বিশ্বকর্মা

দিল্লী শহরে হিন্দু বৌদ্ধ জৈন স্থাপত্যের নিদর্শন প্রচুর পরিমাণে পাওয়া যায় না। শুধু কুৎব্ মিনারের গায়ে লাগনো কুওংউল্‌ইসলাম মসজিদের কয়েকটি অংশ যে প্রাচীন হিন্দু মন্দির থেকে নেওয়া হয়েছে সে কথা মসজিদের দেয়ালে পাথরে খোদাই করা রয়েছে আর সেগুলোর দিকে তাকালে চোখ ফেরানো যায় না। কী স্থনিপুণ, সুদক্ষ দৃঢ় হস্তের কলানৃষ্টি! নৈসর্গিক সৌন্দর্য স্থপতি যে রকম খুঁটিয়ে খুঁটিয়ে দেখেছেন ঠিক তেমনি বিশ্বত্বনের সর্বসম্বল্লর অভেদ, সমাষ্টগত রূপও তিনি হৃদয়ঙ্গম করে উভয়ের অপূর্ব সংমিশ্রণ প্রস্তরগাত্রে প্রকাশ করেছেন কখনো অতি অল্প দু-একটি ইঙ্গিত দিয়ে, কখনো সূক্ষ্মতম অঙ্গ-প্রত্যঙ্গ-নিবিড়তম 'বর্ণনা' এবং বাঞ্ছনা দিয়ে।

এ তো হল কারুকার্যের কথা। কিন্তু যে স্তম্ভগুলোর উপর এসব কারুকার্য খোদাই করা হয়েছে তাদের আকারপ্রকার দেখলেও মনে কোনো সন্দেহ থাকে না যে এ স্তম্ভগুলো নিশ্চয়ই একদা কোনো মহৎ স্থাপত্যের অঙ্গরূপে নির্মিত হয়েছিল। মনে কণামাত্র দ্বিধার অবকাশ থাকে না যে সে যুগের স্থাপত্য গাষ্ঠীর্ষে এবং মধুরতায় অল্প যে-কোন দেশের স্থাপত্যের সম্মুখে মস্তকোস্তোলন করতে পারত।

তারপর আরম্ভ হল নব পর্যায়। কুৎব্ মিনার, ইলতুংমিশের কবর, আলাউদ্দীন খিলজীর মসজিদ, গিয়াম্ উদ্দীন তুগলুকের কবর, দিকন্দর লোদীর মসজিদ এবং গোর, ছায়ায়নের কবর, খানখানার কবর, জামি মসজিদ, লালকেল্লা, সফদর জঙ্গ আরো কত অজস্র কলা নিদর্শন! দেখতে দেখতে মাসের পর মাস কেটে যায়, দেশকালপাত্রজ্ঞান সম্পূর্ণ লোপ পায়—দিল্লী ত্যাগ না করা পর্যন্ত সে যসের সায়াহ্নে ডুবে মরা থেকে কেউ বাঁচাতে পারে না।

তারপর ইংরেজের বর্বরতা। সেক্রেটারিয়েট মেমোরিয়াল ও রাজা জর্জের প্রতিমূর্তি দেখলে বিস্ময়ে হতবাক হতে হয় যে হিন্দু-মুসলিম যুগের কলানৃষ্টি দেখার পরও ইংরেজ কী করে এ সব গর্তশ্রাব (স্থলীল পঠক! কমা ভিক্ষা করি, অনেক ভাবিয়াও কোনো ভঙ্গ শব্দ খুঁজিয়া পাইলাম না) যত্রতত্র নিক্ষেপ করে

গেল। যে ইংরেজ আপন দেশ চরিত্রবান সেই ইংরেজই বিদেশে সাম্রাজ্য-বাদের প্রতিভূ হলে অসাধু হয়ে যায়—যে ইংরেজ স্বদেশে স্ব-ঐতিহ্যে মধ্যম শ্রেণীর স্থাপত্য নির্মাণে সক্ষম সেই ইংরেজই বিদেশে সাম্রাজ্যবাদের দৃষ্টি মদোদ্বস্ত স্বাধিকারপ্রাপ্ত হয়ে সৃষ্টি করে—কি সৃষ্টি করে? অল্প কথার আর পুনরা-বৃত্তি করবো না।

করানী গুণী ক্রেমাসো দিল্লীর ইংরেজ স্থাপত্য দেখে বলেছিলেন, ‘বাই গদ, হোয়াং ওয়ান্দারফুল ক্রইনস্ দে উইল মেক্।’ এরপর এ-স্থাপত্য বাবদে এ অধম আর কি নিবেদন করবে?

কিন্তু এ সব-কিছু হার মানে এক নবীন পরিকল্পনার সম্মুখে। এক অতি আধুনিক শিল্পী মহাত্মাজীর স্মৃতিমৌধ নির্মাণের জন্য একটি ‘আজব’ প্রস্তাব উত্থাপন করেছেন। পদ্মাসনে আদীন মহাত্মাজীর একটি ১৭০ ফুট উঁচু মূর্তি নির্মাণ করা হবে এবং সেই মূর্তির ভিতরে চারতলা এয়ারং ভী থাকবে। যেহতুক মস্তিষ্ক চিন্তাধর তাই মূর্তির মস্তকে লাইব্রেরী থাকবে এবং সেই হিসেবে বন্ধ থাকবে অল্প কিছু, নাসিকা কর্ণেও তাই সেই রকম জুংসই কিছু একটা। সমস্ত পরি-কল্পনাটা আমার মনে নেই; তবু অনুমান করি উপরের হিসাব মাতিক পেটে ধা হবে হোটেল রেস্তোরাঁ!

শান্ত সমাহিত হয়ে ভাবুন দেখি আমরা কোথায় এসে পৌঁচেছি? সেই বিরাট মূর্তি প্যাটপ্যাট করে তাকিয়ে থাকবে তামাম দিল্লী শহরের দিকে অষ্টপ্রহর—হয়ত বা চোখে দুটি জোয়ালো সার্চ লাইট জুড় দেওয়া হবে। মূর্তিটি যদি কলাসৃষ্টি হিসেবেও অতি উচ্চ পর্যায়ের হয় তবু তার বিরাট আকার আর-সব সূক্ষ্মানুভূতিকে গলা টিপে মেরে ফেলে তাবৎ দিল্লীবাসীর মনে হরবকৎ জাগিয়ে রাখবে যে অসুভূতি মেটা হচ্ছে, ভয়-বিহ্বলতা।

অথচ ধর্ম সাক্ষী—মহাত্মাজীকে দেখে কেউ কখনো ভয়ে বিহ্বল হয় নি। অতি পাষাণ ইংরেজও তাঁর সামনে অস্বাভাব্য, সন্ত্রমে মাথা নত করেছে।

সে কথা থাক। আমার প্রশ্ন, এই যে ব্যাপারটি হতে চলল—সুনলুম শ্রীগাড্‌গিল মূর্তিটির মস্তক দেখে উৎসাহ হয়ে নৃত্য করেছেন এবং পরিকল্পনাটির মূর্তমান করার মঞ্জুরী না-মঞ্জুরী তাঁরই শ্রীহস্তে—সেটি কলাসৃষ্টির দৃষ্টিবিন্দু থেকে দেখতে গেলে তাকে কি বলা যাবে?

অবিমিশ্র ভাস্কর্য ? তা তো নয় । স্থাপত্য ? তাও তো নয় । কারণ ভাস্কর্যের ভিতর স্থাপত্য থানা গাড়েন না । তদুপরি সর্বকলাসৃষ্টির একটা বিশেষ পরিমাণ আছে—মহাভারত অষ্টাদশ পর্ব হতে পারেন কারণ তিনি এপিক, কিন্তু, মেঘদূত অষ্টাদশপর্ব হতে পারেন না, এবং মহাভারতও মেঘদূতের আকার ধরতে পারেন না । তজমহলকে আরও দশগুণ বড় করে বানালে তার মাধুর্য সম্পূর্ণ লোপ পাবে ; মার্বেলে তৈরী যে ক্ষুদ্রে ক্ষুদ্রে তাজ লোকে ডুইংক্রমে সাজিয়ে রাখে তার থেকে আসল তাজের কোনো রসই পাওয়া যায় না । একশ চল্লিশ ফুট উঁচু মূর্তি ভাস্কর্যের রস দিতে পারবে না—যদি কোন রস দেয় তবে সে বীভৎস সে কথা পূর্বই নিবেদন করেছি । হায় মহাত্মাজীকে দেখতে হবে বিরাট দানবের মূর্তিতে ?

আরেকটি কথা পেশ করতে আমার বড় বাধা বাধা ঠেকছে কিন্তু না করে উপায়ও নেই । সংক্ষেপে বলি । মূর্তির ভিতর যখন চারতলা বাড়ি থাকবে, লাইব্রেরী হাসপাতাল থাকবে তখন অনুমান করা অসম্ভব নয় যে স্নানাগার ও তৎসংলগ্নীয় যাবতীয় শৌচাগারও থাকবে । একদিকে গ্রামের মেয়েরা এসে সেই বিরাট মূর্তির সামনে সাষ্টাঙ্গ প্রণিপাত করবে এবং সঙ্কে সঙ্কে মূর্তির ভিতরে স্নানাগারে, শৌচালয়ে—থাক !

হিন্দু-মুসলমান তুর্ক-পাঠান অনেক কিছু রেখে গিয়েছে দিল্লী শহরে— তাই দেখবার জন্মে দুনিয়ার লোক হৃদয়হৃদ হয়ে জমায়েৎ হয় সেখানে । বিশ্বয়ে তারা নির্বাক হয়, বিস্ময় কলারসে তারা নিমজ্জিত হয়, আনন্দে আত্মহারা হয়ে তারা প্রশস্তিবাক্যে আমাদের প্রাণ অতিষ্ঠ করে তোলে, যেন গুগুলো নিতান্ত আপনার-আমার তৈরী, সাতদিন থাকবে বলে দিল্লীতে এসে থাকে সাতমাস, আর প্রাণভরে, প্রেমসে অভিনন্দন দেয় ইংরেজের বানানো নিউ দিল্লীকে ।

আমার মনে হয়, এ মূর্তি গড়া হলে ইংরেজ পর্যন্ত আমাদের অভিনন্দন না করে চইন্ধি স্পর্শ করবে না ।

কিংবা লগনে বসে মূর্তিটার ছবি দেখেই যে ঠাট্টা অট্টহাস্য ছাড়বে তার শব্দ আমরা ভারত পাকিস্তান সর্বত্র শুনতে পাবো ।

রেডুক্‌সিয়ে আড্‌ আবশুর্ডুম !

গিয়ে দেখলুম ক্লাবের প্রত্যন্ত প্রদেশে সেই নিমগাছের তলায় চীনা বন্ধু, গুণী অধ্যাপক উ রনে আছেন। নিমপাতা এখন বর্ষণ রমে টেটম্বর বলে টেবিলের উপর ঝরে পড়ে না। তাই উ বকুল ফুল দিয়ে আন্ননা আঁকছেন।

আমি চীনা কায়দায় ঝুঁকে ঝুঁকে ছলতে ছলতে বললুম 'জয় হিন্দ !'

অধ্যাপক মৃহ হান্ত করে মাথা নাড়িয়ে বললেন, 'আলাইকুম সালাম, আজ তোমাদের ইদের পরব না ?'

আমি বললুম, 'ছুটির বাজার, তাই আপনার কাছ থেকে তত্ত্বকথা শুনতে এলুম।'

'তৎপূর্বে বল, এ ফুলের নাম কি ?'

মূল বক্তব্যের সঙ্গে এ প্রশ্নোত্তরের কোনো যোগ নেই তবু বাঙালীর মনে বিমসানন্দের সৃষ্টি হবে বলে নিবেদন করছি।

বললুম, 'বাঙলা, মারাঠী, সংস্কৃতে 'বকুল', হেথাকার নেটিভ ভাষাতে 'মোলশী'।*

অনেকক্ষণ ধরে মাথা ছলিয়ে ছলিয়ে বললেন, 'বকুল, মোলশী — মোলশী বকুল। উহঁ, বকুলটিই মিষ্টি।' বাঙালীর ছাতি তিন বিষৎ ফুলে উঠল তো ?

আমি বললুম, 'মিষ্টি নামই যদি রাখবেন তবে 'প্রাণনাথ' বলে ডাকলেই পারেন।'

ভুরু কুঁচকে বললেন, 'সে আবার কি ?'

'প্রাণনাথ' মানে, মাই ডার্লিং'।

'আরো বুঝিয়ে বলো।'

আমি বললুম, 'আমি বাঙাল। আমারই দেশের এক 'চুকুমবুদাট' অর্থাৎ এদিকে মুখচোরা ও দিকে চটে যায় ক্ষণে ক্ষণে, এসেছে কলকাতায়। গেছে বেগুন কিনতে। দোকানিকে বললে, 'দাও তো হে, এক সের বাইগন'। দোকানি

বানানে ভুল থাকতে পারে, আমি যেরকম শুনেছি, সেই রকমই লিখলুম।

পশ্চিম বাঙলার লোক। 'বেগুনের' উচ্চারণ 'বাইগন' শুনে একটুখানি গর্বেয় ঈষৎ মৌরী-হাসি হেসে শুখালো, 'কি বললে হে জিনিসটার নাম ?' বাঙাল গেছে চটে. উচ্চারণ নিয়ে যত্নতত্র এরকম ঠাট্টা-মস্করা করার মানে ?—চতুর্দিকে আবার বিস্তর ঘটি' দাঁড়িয়ে। তেড়েমেড়ে বলল, 'বাইগন' কইছি তো বেশ কইছি. হইছে কি ?'

দোকানি আরেক দফা হান্ডাই আত্মস্তরিতার মূহ হাসি হেসে বললে, 'ছ্যাঃ, বাইগন বাইগন। দেখো দিকিনি আমাদের শব্দটা কি রকম মিষ্টি—বেগুন, বেগুন।'

বাঙাল বলল, 'মিষ্টি নামই যদি রাখবা, তবে 'প্রাণনাথ' ডাকলেই পারো। হাও. তবে এক সের প্রাণনাথ। প্রাণনাথের সের কত ? ছ' পয়সা না সাত পয়সা।'

উ প্রাণভবে হাসলেন উচ্চবরে। তারপর চোখ বন্ধ করে মিটমিটিয়ে। লর্বশেষে চেপায়ার বেরালের হানিটার মত 'আকাশে আকাশে রহিল ছড়ানো মে হাসির ভুলনা।'

স্বশীল পাঠক, তুমি রাগত হয়েছ, বিলক্ষণ বুঝতে পারছি। এ বাসি মাল আমি পরিবেশন করছি কেন ? এ গল্প জানে না কোন মর্কট ? পদ্মার এ-পারে কিংবা হে-পারে ?

তিষ্ঠ, তিষ্ঠ। এ গল্পের খেই ধরে চীনা-গুণী সেদিন তব্ব বিতরণ করেছিলেন বলেই এটাকে 'এনকোর' করতে হল।

হঠাৎ জিজ্ঞেস করলেন, 'এ গল্পে কি তত্ত্ব সুকায়িত আছে ?'

খাইছে। আমি করছোড়ে বললুম, 'আপনিই মেহেঃবানী করুন।'

বললেন, 'রেডুক্ংসিয়ো আড্ আবহুড্'ম' কাকে বলে জানো ?'

আমার পেটের এলেম আপনারা বিলক্ষণ জানেন। কাজেই বলতে লক্ষ্য নেই. অতিশয় মনোযোগের সহিত গ্রীবাকতুরনে নিযুক্ত হলুম।

বললেন, 'কেন ? জানো না, যখন কোনো বিষয় টানাটানি করলে অসম্ভব বলে প্রতীয়মান হয় তখনই তাকে বলে 'রেডুক্ংসিয়ো আড্ আবহুড্'ম'।

ততক্ষণ বুঝে গিয়েছি। সোৎসাছে বললুম, 'হ্যা হ্যা, 'রিভাকলিও এ্যাড্ এ্যাবসার্ভাম'। একটুখানি গর্বেয় হাসিও হেসে নিলুম।

বাক নয়নে তাকিয়ে বললেন, 'কথাটা যখন লাতিন তখন ইংরিজি উচ্চারণ
করছে। কেন ? ইংরেজের মুখ না হলে তোমরা কোনো কাল খেতে পারো না বুঝি ?
'সে কথা থাক । শোনো ।'

'আসল কথা হচ্ছে বাডাল দেখিয়ে দিল, মিষ্টি নামই যদি রাখবে তবে যাও
একটিমে । রাখো নাম 'প্রাণনাথ' । তৎক্ষণাৎ প্রমাণ হয়ে গেল, মিষ্টেজের দোহাই
কত অ্যাবসার্ড ।

'এই দেখো না মার্কিন জাতটা কি রকম অ্যাবসার্ড । শোনো কর্মে স্ননিপুণ
হতে পারাটা অতীব প্রসংসনীয় । এতে সন্দেহ করবে কে ? কিন্তু এরও তো একটা
সীমা থাকা দরকার । গল্প দিয়ে জিনিসটে বোঝাচ্ছি ।

'ক্রকলিন ব্রিজ যখন বানানো হয় তখন ছ'পাড় থেকে ছ'দল লোক পুন তৈরি
করে মাঝ গাঙ্গের দিকে রওয়ানা হল । এমনি চৌকশ তাদের হিসেব, এমনি
স্ন-নিপুণ তাদের কলকজা যে মধ্যখানে এসে যখন পুলের ছুদিকে জোড়া লাগল
তখন দেখা গেল এক ইকির আঠারো ভাগের উচু-নীচুর ফেরফার হয়েছে ।
তারিফ করবার মত কেবদানী, কোনো সন্দ নেই ।

'পক্ষাঘরে আমার স্বর্ণভূমি চীনদেশে কি হয় ? ছ'দল লোককে এক পাহাড়ের
ছু'দিকে দেওয়া হয়েছিল স্ফুড়ক বানাবার জন্ত । এদিক থেকে এনারা যাবেন, ওদিক
থেকে ওনারা আসবেন । মধ্যখানে মিলে গিয়ে খাসা টানেল ।

'কিন্তু কার্যত হল কি ? দেখা গেল, ডবল সময় চলে গেল তবু মধ্যখানে
ছু'দলের দেখা নেই । তারপর এক গুপ্রভাতে ছ'দল বেয়িয়ে এলেন ছু'দিকে ।
মধ্যখানে মেলামেলি, কোলাকুলি হয় নি ।'

আমি চোখ টিপে ইশারায় জানালুম, 'এ কি রকম বুঝতে পেরেছি ।'

তিনি বললেন, 'আদপেই না । মার্কিনরা স্ননিপুণ, সেই নৈপুণ্যের প্রসাদাৎ
তা'া পেল কুলে একখানা ব্রিজ । আর আমরা পেরে গেলুম, ছ'খানা টানেল ।
লাভ কার বেশি হ'ল বল তো ।

'তাই বলি অত্যধিক নৈপুণ্য ভালো নয় ।

'রেডুক্‌সিয়ো আড্‌ আবহু'র্ম !' ।

ইউরোপে ভারতীয় শাস্ত্র-চর্চা

সুইটজারল্যান্ডের মত দেশেও সোকে সংস্কৃত পড়ে, ভারতবর্ষ সম্বন্ধে সুইসদের কোঁতুহলও আছে—যদিও সে দেশে মাত্র একটি বিশ্ববিদ্যালয়ে সংস্কৃত পড়ানো হয় ও তাতে সংস্কৃতের অধ্যাপক কুলে একজনই। সেই অধ্যাপকটি এসেছেন এদেশে—সেদিন দেখা হল এখানে। অমায়িক লোক, চেহারাটি খাবস্বয়ং, ইংরেজি বলেন ভাঙা-ভাঙা, নিজের ভুলে নিজেই হেসে ওঠেন। ভারতবর্ষের নীল আকাশ, সোনালি রোদ আর সবুজ ঘাসের যা তারিফ করলেন তা শুনে আমি লাজুক হাসি হেসে 'হ্যাঁ', 'হ্যাঁ' করে গেলুম, এমনি কায়দায় যেন এগুলো নিতান্ত আমারই হাতে গড়া, এগজিবিগানে ছেড়েছি, ছুঁচার পয়সা পেলে বিক্রি করতেও রাজী আছি। সুইটজারল্যান্ডের পান্টা প্রশংসাও করলুম, 'অহো, কাঁচমংকার শাদা বরফ, নীল সরোবর আর চকচকে ঝকঝকে বাড়িঘর-দোর।' সায়েব হাসিমুখে অনেক ধন্তবাদ দিলেন।

জিজ্ঞেস করলুম, 'সায়েব, তোমার দেশে সংস্কৃত এগোচ্ছে কি রকম?'

সায়েব বললেন, 'মন্দ না, তবে কেতাবপত্রের বড় অভাব। আর সংস্কৃত ক'টা ছেলে পড়ে না-পড়ে সেইটেই তো আসল কথা নয়। আসল কথা হচ্ছে, ভারতবর্ষ সম্বন্ধে পাঁচজন সুইসের জ্ঞানগম্বী কতটুকু। সুইসরা ভাবে, ভারতবর্ষ দেশটা সাপে-বাঘে ভর্তি, মধ্যখানে হরেকরকমের সাধু-সন্ন্যাসী আর ফকির-বৈরাগী ঘুরে বেড়াচ্ছে—তাদের ঝোলা থেকে হরবকত হরেকরকমের সাপ লাফ দিয়ে দিয়ে বেরোচ্ছে। ভারতবর্ষ সম্বন্ধে সাধারণ জ্ঞান দেবার মত প্রামাণিক বই কেউ তো লেখে না যেহেতু সাধারণ সুইস পড়তে পারে। ইংরিজি জানে ক'টা সুইস?'

এই খেই ধবে ছুঁদও রসালাপ হ'ল।

*

*

*

গেল শতকের মাঝামাঝি এবং শেষের দিকে বিস্তর ভারতীয় কেতাবপত্রের ইংরিজী ফরাসী, জার্মান অনুবাদ হয়। ঠিক সেই সময়েই বিজ্ঞানের প্রসার হওয়ার সঙ্গে সঙ্গে ইউরোপের লোক ক্রমেই ঈশ্বর, ধর্ম এবং পরলোক সম্বন্ধে বিশ্বাস

হারাতে থাকে। অর্থাৎ গুণী-জ্ঞানীরা জানতেন যে, ঈশ্বর ধর্ম আত্মা এসব ব্যাপারে অনেকখানি কুসংস্কার মেশানো থাকলেও সব কিছু 'গাঁজাখুরী' বলে এক ঝটকায় ঝেড়ে ফেলে দেওয়া যায় না, দেওয়া উচিতও নয়। তাই তাঁরা এমন কিছুই সন্ধান করেছিলেন যাতে উনবিংশ শতকের 'মুক্ত' 'কুসংস্কারবর্জিত' 'বৈজ্ঞানিক' মনও চরম তত্ত্বের সন্ধান পায়।

তাই বৌদ্ধধর্ম তাদের মনকে বেশ একটা জোর নাড়া দেয়। কারণ, বৌদ্ধধর্মে ভগবানের বালাই নেই, আত্মটাকে পর্যন্ত কবুল জবাব দেওয়া যায়। ওদিকে ইরানি কবি ওমর খৈয়ামের 'কিন্মৎ' অর্থাৎ অদৃষ্টবাদ ইয়েরোপকে পাগল করে তুলেছে, তার সঙ্গে বুদ্ধদেবের 'ধর্মস্ক্রের' অসত্য্য নিয়মও বেশ খাপ খেয়ে গেল।

পল্লবগ্রাহীরা ওমরকে নিয়ে পড়ে বইল আর ধারা 'এই বাহু' জানতেন তাঁরা বৌদ্ধধর্মের খেই ধরে ভারতবর্ষের আর পাঁচটা তত্ত্বজ্ঞানের অনুসন্ধান করতে লাগলেন। উপনিষদ না জেনে বৌদ্ধধর্মের ঐতিহাসিক পটভূমির সঙ্গে পরিচয় হয় না। তাই বিশেষ করে উপনিষদের উত্তম উত্তম অনুবাদ ইংরিজী, ফরাসী, জার্মানে বেরলো। তারই দু'একখানা 'জ লুক্স' সংস্করণ এখনো আমার চোখের সামনে ভাসছে। আর গীতার তো কথাই নেই।

এবং সবচেয়ে বড় কথা হচ্ছে এই যে, এসব কেতাবপত্র যে পণ্ডিতেরাই পড়লেন তা নয়—সর্বসাধারণের মধ্যে এসব অনুবাদ এবং তাদের নিয়ে গড়ে তোলা মৌলিক বইও ছড়িয়ে পড়ল। জাতকের বিস্তার গল্প কাচ্চাচাচ্চাদের জন্তু অনুবাদ করা হল, মাসিকে ধারাবাহিক হয়ে বেরতে লাগল।

এমন সময় একটা ঘটনা ঘটলো, তার জন্তু কে দায়ী তা আমি জানিনে। ব্যাপারটা হচ্ছে এই যে, ইয়োরোপীয় পণ্ডিতেরা তখন ভাবখানা দেখাতে আরম্ভ করলেন যে, এসব তত্ত্বজ্ঞানের বস্তু সাধারণ লোকের বিদ্যেবুদ্ধির বাইরে। এসব জিনিসপত্র নিয়ে নাড়াচাড়া করবেন গুণী-জ্ঞানীরা, এসব কেতাবপত্রের টীকা-টিপ্পনী লিখবেন যাদের 'শাস্ত্রাধিকার' আছে তাঁরাই।

তখন ব্যাপারটা কিসে গিয়ে দাঁড়ালো আমি ঠিক বলতে পারব না, তবে কার্শ্বেত্রে দেখা গেল, যেসব অনুবাদ বেরোয় তাতে অনুবাদের চেয়ে টীকাটিপ্পনী বেশি, ফুটনোটে ফুটনোটে ছয়লাপ আর অনুবাদের ভাষাও দিনকে দিন এমনি টেকনিক্যাল এবং 'হিং টিং ছটে' ভতি হতে লাগল যে, সেগুলো সাধারণ পাঠক আর বুঝতে পারে না।

সর্বজনপাঠ্য যে-সব অনুবাদ আগে বেরোত সেগুলোতে ভুল থাকত বটে

এখানে ওখানে, কিন্তু সাধারণ মানুষ সেগুলো অস্তিত্ব পড়ত এবং পড়ে ভারতবর্ষ সংস্কৃতি অনেক কিছু জানতে পারত। শুধু তাই নয় এমন লোকও আমি চিনি, যিনি, বৌদ্ধ দর্শন ও নীতি অতি সামান্য মাত্রায় পড়ে নিয়েই আপন জীবন সেই অনুসারে চালাবার চেষ্টা করেছেন। ধর্মাচরণ তো অভ্রভেদী পাণ্ডিত্যের উপর নির্ভর করে না।

ক্রমে ক্রমে ভারতবর্ষ এবং ভারতীয় শাস্ত্রচর্চার জগৎ ইউরোপের বহু বিশ্ব-বিদ্যালয়ে ব্যাপক ব্যবস্থা করা হয়, সেগুলো থেকে প্রতি বৎসর প্রামাণিক অনুবাদ, মূল গ্রন্থ, এমনকি, মোটা মোটা তৈরমাসিকও বেরতে লাগল, ই রিজী, ফরাসী, জার্মান, ইতালীয়, রুশ ভাষায়, কিন্তু তার প্রায় সব কটাই এমনি পদ্ধতিতে লেখা এবং তার কাগজ-কেতা এমনি পাকা-পোকুর যে, তাতে কামড় দিতে হলে পাণ্ডিত্যের লৌহদস্তের প্রয়োজন, সাধারণ মানুষ কামড় দিতে গিয়ে দাঁত হারায়, হৃৎকম্পের তো কথাই ওঠে না। এবং সঙ্গে সঙ্গে সর্বজনবোধ্য অনুবাদের বই বেরতে লাগল কম—যা দু'একখানা বেরলো পল ব্রাউনের রগরগে বই কিংবা মিন মেয়োর মত প্রপাগাণ্ডা মেশানো।

ভারতীয় জ্ঞানবিজ্ঞান বিশ্ববিদ্যালয় আর ওরিয়েন্টালিস্টস্ কনফারেন্সের ভিতর হারেমবদ্ধ হলেন।

তারপর প্রথম বিশ্বযুদ্ধের পর রবীন্দ্রনাথ যখন ইয়োরোপে গেলেন তখন এল এক নতুন জোয়ার। বিশেষ করে, বর্তমানে রবীন্দ্রনাথের ভিতর দিয়ে প্রাচীন ভারতীয় সংস্কৃতি জানবার জগৎ বহু লোকের আগ্রহ দেখা গেল। ফ্রান্সে যেনে গ্রুপের মত লোক আবার চেষ্টা করলেন ভারতীয় সভ্যতা সংস্কৃতি সাধারণ পাঠকের সামনে তুলে ধরবার জগৎ। দু'চারজন পণ্ডিত ব্যক্তিও একত্রে যোগ দিলেন কিন্তু কেন জানিনে, এ আন্দোলন খুব বেশি লোকের ভিতর ছড়াতে পারলো না।

হয়ত ইয়োরোপে তখন, যে অশান্তি দেখা দিয়েছিল—কম্যুনিজম নাৎসিজম দুই-ই যে অশান্তির পিছনে ছিল—তার মাঝখানে সাধারণ মানুষ মনস্থির করে কোনো ভালো জিনিসই গ্রহণ করতে পারছিল না। প্রতিদিন নতুন সমস্যা, অস্তিত্বের নতুন নতুন অনটন, চতুর্দিকে পালোয়ানীর পায়তারা করার হকারধ্বনি, এর মাঝখানে মানুষ পড়বেই বা কি, ভাববার সময়ই বা তার কোথায় ?

শুধু ভারতীয় সংস্কৃতি নয়, চীনা, আরবী-ফারসী, প্রাচীন মিশর, বাবিলীয় সর্বপ্রকারের প্রাচ্যদেশীয় সভ্যতা সংস্কৃতির অনুসন্ধান তখনো একেবারে নির্মম-

ভাবে বিশ্ববিদ্যালয়গুলোর ভিতরেই নীমাবদ্ধ। বাইরের লোক তখন প্রাণপণে
দ্বিতীয় বিশ্বযুদ্ধ ঠেকাতে ব্যস্ত। অন্য জিনিসের জন্ত ফর্সং কই ?

দ্বিতীয় বিশ্বযুদ্ধের ধকল কাটতে না কাটতেই এটম বম্ব, চীন, কোরিয়া।
এদিকে ভারতবর্ষ স্বরাজ পেল। দেশ-বিদেশে আমাদের আপন রাজ-
দূতাবাস বসল। অনেকেই আশা করলেন এইবারে হয়ত একটা কিছু হবে—কিন্তু
সে কাহিনী আরেক দিনের জন্ত মূলতুবি রইল।



ইরোয়োপে উপস্থিত যে উত্তেজনা উন্মাদনা চলেছে তার মাঝখানে ইউরোপীয়
ছাত্র যখন প্রাতো-আরিস্ততল, কিকেরো-টাকিটুস পড়া ছেড়ে দিয়েছে—ক্লাসিক্স
যখন নিজ বাসভূমে' মরমর তখন ভারত-শব্দর পড়বে কে ?

তবু প্রশ্ন থেকে যায়, আমাদের কি নিতান্তই কোনো কিছুই করবার নেই ? ?

চরিত্র পরিচয়

গল্প শুনেছি, ইংরেজ, ফরাসী, জার্মান আর স্বচ এই চারজনে মিলে একট
চড়ুইভাতির ব্যবস্থা করল। বন্দোবস্ত হল সবাই কিছু সঙ্গে নিয়ে আসবেন।
ইংরেজ নিয়ে এল বেকন আর আণ্ডা, ফরাসী নিয়ে এল এক বোতল শ্যাম্পেন
জার্মান নিয়ে এল ভজনখানেক সসেজ, আর স্বচম্যান—? সে সঙ্গে নিয়ে এল তার
ভাইকে।

এ জাতীয় বিস্তার গল্প ইরোয়োপে আছে। স্বচদের সহজে গল্প আরম্ভ
হলেই মনে মনে প্রত্যাশা করতে পারবেন যে গল্পটার প্রতিশাস্ত বস্ত হবে, হয়
স্বচদের হাড়কিপ্‌টেমিগিরি নয় তাদের হইকির প্রতি অত্যধিক দুর্বলতা। ওটিকে
আবার বিশ্বসংসার জানে স্বচরা ভয়ঙ্কর গোঁড়া ক্রীশ্চান আর মারাত্মক বকমের
নীতিবাগীশ (বঙ্গজ হেরথ যৈত্র তলনীর)। তাই এই তিনগুণে মিলে গিয়ে গল্প
বেয়ল ;—

এক স্বচ পাত্রী এসেছেন লগুনে, দেখা করতে গেছেন তাঁর বন্ধুর সঙ্গে।
গিন্নি দেখেন হেঁহে রৈরৈ, ইলাহি ব্যাপার, পেলাই পার্টি, মেয়েমন্ডে গিসগিস
করছে। বন্ধুর স্ত্রী হস্তদস্ত হয়ে ছুটে এসে কাচুমাচু হয়ে পাত্রীকে অভ্যর্থনা

জানালেন। কারণ জানতেন স্বচ পাত্রীরা এরকম পাটি পরবের মাতামো
আদর্শেই পছন্দ করেন না। অথচ ভদ্রতাও রক্ষা করতে হয়, তাই ভয়ে ভয়ে
শুধালেন,

‘একটুখানি চা খাবেন?’

পাত্রী হঠাৎ দ্বিগুণে বললেন, ‘নো টা!’

আরো ভয়ে ভয়ে শুধালেন,

‘কফি?’

‘নো কফি!’

‘কোকো?’

‘নো কোকো!’

ভদ্রমহিলা তখন মরিয়া। যত্নস্বরে, কাতরকণ্ঠে শেষ প্রশ্ন শুধালেন, ‘হইন্ডি
সোডা?’

‘নো সোডা!’

অথচ কলকাতায় একবার অনুসন্ধান করে আমি খবর পাই, যে সব ব্রিটিশ
এদেশে দানখয়রাত করে গিয়েছেন তাঁদের বেশির ভাগই স্বচ—ইংরেজের দান
অতি নগণ্য। তারপর বিলেতে খবর নিয়ে জানলুম, স্বচরা হইন্ডি খায় কম, বেশির
ভাগ রপ্তানি করে দেয় আর নিজেরা খায় বিয়ার!

ঠিক সেই রকমই বিশ্বনিয়ার বিশ্বাস ফরাসী জাতটা বড়ই উচ্ছ্বল।
পঞ্চমকার নিয়ে অষ্টপ্রহর বেঞ্চেজার। তাই ইংরিজী ‘ক্যারিইউ কোল্ টু
নিউকাসলের’ ফরাসী রূপ নাকি ‘ক্যারিইউ এ ওয়াইফ টু প্যারিস।’

এ প্রবাদটি আমি ফরাসী ভাষায় শুনি নি; শুনেছি ইংরেজের মুখে ইংরেজি
ভাষাতে। তাই প্যারিস গিয়ে আমার জানবার বাসনা হল ফরাসীরা সত্যই
উপরের প্রবাদবাক্য মেনে চলে কিনা?

খানিকটা চলে, অস্বীকার করা যায় না। যৌন ব্যাপারে ফরাসীরা বেশ
উদার কিন্তু একটা ব্যাপারে দেখলুম তারা ভয়ঙ্কর নীতিবাগীশ। ফটিনটি তারা
অনেকখানি বরদাস্ত করে—অবশ্য নিয়ম, সেটা যেন বিয়ের পূর্বে না করে পরেই
করা হয়—কিন্তু সেই ফটিনটি যদি এমন চরমে পৌঁছয় যে স্ত্রী স্বামীকে কিংবা
স্বামী স্ত্রীকে তালাক দিতে চায় তবে ফরাসী মেরেমদ ছুঁইলেই চটে যায়।
‘পরিবার’ নামক প্রতিষ্ঠানটিকে ফরাসী জাত বড়ই সন্তানের সঙ্গে মেনে চলে।
তাই পরকীয়া প্রেম যতই গভীর হোক না কেন তারই ফলে যদি কোনো

পরিবার ভেঙে পড়ার উপক্রম করে তবে অধিকাংশ হলে দেখা যায়, নাগর-নাগরী একে অল্পকে ত্যাগ করেছেন।

কাজেই মেনে নিতে হয়, এ-ব্যাপারে ফরাসীদের যথেষ্ট সংশয় আছে।

ঈশ্বর অবাস্তর, তবু হয়ত পাঠক প্রশ্ন শুধাবেন, তাহলে এই যে শুনতে পাই প্যারিসে হরদম ফুঁতি সেটা কি তবে ডাছা মিথ্যে ?

নিশ্চয়ই নয়। প্যারিসে ফুঁতির কমড়ি নেই। কিন্তু সে ফুঁতিটা করে অফরাসীরা। যৌন ব্যাপারে ইংরেজের তত্ত্বামি সকলেই অবগত আছেন—লরেন্স সেটা বিশ্বসংসারের কাছে গোপন রাখেননি। তাই ইংরেজ মোকা পেলেই ছুটে যায় প্যারিসে। পাড়াপ্রতিবেশী তো আর সেখানে সন্ধে যাবে না—বেশ যাচ্ছেতাই করা যাবে। শুধু ইংরেজ নয়, আরো পাঁচটা জাত আসে, তবে তারা খোলাখুলি সরাসরিভাবে—ইংরেজের মত ‘ফরাসী আর্ট’ দেখার জ্ঞান করে না। কোন জর্মনকে যদি বার্লিনে শুনতে পেতুম বলছে, ‘ডাই হপ্তাখানেরের জন্ত প্যারিস চললুম’ তখন সন্ধে সন্ধে দেখতে পেতুম আর পাঁচজন মিটমিটিয়ে হাসছে—অবশ্য প্রথম জর্মনও সে হাসিতে যোগ দিতে কসুর করছে না।

তা সে যাই হোক, একটা প্রবাদ আমি বিশ্বাস করি। ফরাসীরা বলে ‘পারফিডিয়স অ্যালবিয়ন’ অর্থাৎ ‘ভগ্ন ইংরেজ’। একটা গল্প শুনুন।

দ্বিতীয় বিশ্বযুদ্ধ লাগার খবর শুনে এক বুড়ো শিক মেজরকে জিজ্ঞেস করলেন, ‘কে কার বিক্রছে লড়ছে ?’

‘ইংরেজ-ফরাসী জর্মনির বিক্রছে।’

সর্দারজী আপগোস করে বললেন, ‘ফরাসী হারলে ছনিয়া থেকে সৌন্দর্যের চর্চা উঠে যাবে আর জর্মনি হারলেও বুরী বাৎ, কারণ জ্ঞানবিজ্ঞান কলকৌশল মারল যাবে।’ কিন্তু ইংরেজের হারা সখছে সর্দারজী চুপ।

‘আর যদি ইংরেজ হারে ?’

সর্দারজী দাঁড়িতে হাত বুলিয়ে বললেন, তবে ছনিয়া থেকে বেইমানি লোপ পেয়ে যাবে।’

আড্ডা

আড্ডা সম্বন্ধে সম্প্রতি কয়েকটি উত্তম উত্তম লেখা বাঙলার বেরনোর পর ইংরিজিতেও দেখলুম আড্ডা হামলা চালিয়েছে। চণ্ডীমণ্ডপের ভাষাচ্য এবং জমিদার-হাবেলির মৌলবী যেন হঠাৎ কোটপাতলুন-কামিজ পরে গটগট করে স্টেটসম্যান অফিসে ঢুকলেন। আমার তাতে আনন্দই হল।

কিন্তু এসম্পর্কে একটি বিষয়ে আমার কিঞ্চিৎ বক্তব্য আছে। আড্ডাবাজরা বলতে চান, বাঙলার বাইরে নাকি আড্ডা নেই। কথাটা ঠিকও, ভুলও। তুলনা দিয়ে নিবেদন করছি। সিন্ধুনদ উজিয়ে যে মাছ ধরা পড়ে, তার নাম 'পাল্লা'—অতি উপাদেয় মৎস্য। নর্মদা উজিয়ে ভরোচ শহরে যে মাছ ধরা পড়ে তার নাম 'মদার'—সেও উপাদেয় মৎস্য। আর গঙ্গা পদ্মা উজিয়ে যে মাছ বাঙালীকে আকুল উতলা করে তোলে, তার নাম ইলিশ—খোটা (মাফ কী জীয়ে মুল্লুকে পৌছনর পর তার নাম হয় হিলুনা।

উপর্যুক্ত সর্ব মৎস্য একই বস্তু—দেশভেদে ভিন্ন নাম। তফাৎ মাত্র এইটুকু যে সরষে বাটা আর ফালি ফালি কাঁচা লকা দিয়ে আমরা যে রকম ইলিশদেবীর পূজা দি বাদবাকীরা গুরুমধারা পারে না। অর্থাৎ আড্ডা বহু দেশেই আছে, শুধু আমাদের মত তরিবৎ করে রসিয়ে রসিয়ে চাখতে তারা জানে না। অপিচ ভুললে চলবে না সিদ্ধীরা আমাদের সরষে-ইলিশ খেয়ে নাক সিঁটকে বলেন, 'কী উম্মদা চীজকে বরবাদ করে দিলে।' ভৃগুকচ্ছের (ভরোচের) মহাজনগণও সিদ্ধীর রান্না পাল্লা খেয়ে 'আল্লা আল্লা' বলে রোদন করেন।

কে সূক্ষ্ম নিরপেক্ষ বিচার করবে? এ যে রসবস্তু—এবং আমার মতে ভোজনরস সর্বরসের রসরাজ।

তাই কাইরোর আড্ডাবাজরা বলেন, একমাত্র তাঁরাই নাকি আড্ডা দিতে জানেন।

কাইরোর আড্ডা কক্থনো কোন অবস্থাতেই কারো বাড়িতে বসে না। আড্ডাবাজরা বলেন, তাতে করে আড্ডার নিরপেক্ষতা—কিংবা বলুন গণভঙ্গ—লোপ পায়। কারণ ধীর বাড়িতে আড্ডা বসলো, তিনি পানটা-আসটা, খিচুড়িটা

ইলিশ-ভাজাটা (আবার ইলিশ! সুশীল পাঠক, কমা করো। ঐ বস্তুটির প্রতি আমার মারাত্মক দুর্বলতা আছে। বেহেশতের বর্ণনাতে ইলিশের উল্লেখ নেই—নেপে পাঁচ-বকৎ নামাজ পড়ে নেখায় যাবার কণামাত্র বাসনা আমার নেই) ফিরি' দেন বলে তাঁকে সবাই যেন একটু বড্ড বেশি তোয়াজ করে। আড্ডাগোত্রের মিশরী নিকশি মহাশয়রা বলেন, বাড়ির আড্ডায় 'মেগ' মেলে না।

অপিচ, পশু পশু, কোনো কাফেতে যদি আড্ডা বসে, তবে সেখানে কেউ কাউকে খয়ের খা বানাতে পারে না—যেন পুরীর মন্দির, জাতফাত নেই, সব ভাই, সব বেগাদর।

এবং সবচেয়ে বড় কথা বাড়ির গিন্নী 'মুখপোড়া মিনঘেরা গুঠে না কেন' কখনে শুনিবে, কখনো আভামে-ইঞ্জিতে জানিয়ে অকারণে অকালে আড্ডা গলায় ছুরি চালাতে পারেন না। তার চেয়ে দেখো দিকিনি দিব্যি কাফেতে বসে ঘণ্টার পর ঘণ্টা কাটিয়ে দিচ্ছ, পছন্দমত মমলট কটলেট খাচ্ছে, আড্ডা জমজমাট ভরভরাট, কেউ বাড়ি যাবার নামটি করছে না, কারো গিন্নী এসে উপস্থিত হবেন সে ভয়ও নেই—আর চাই কি ?

শতকরা নব্বুইজন কাইরোবাসী আড্ডাবাজ এবং তার দশ আনা পরিমাণ অর্ধেক জীবন কাটায় কাফেতে বসে আড্ডা মেবে। আমাদের আড্ডা বসত 'কাফে ছ নীল' বা 'নীলনদ কাফেতে'। কফির দাম ছ' পয়সা, ফি পাতুর। রাবড়ির মত ঘন, কিন্তু দুধ চ'ইনেই চিত্তির। সবাই কালো কফি খায়, তাই দুধের কোনো ব্যবস্থা নেই। কিছু ঘাবড়াবেন না, দু'দিনেই অভ্যাস হয়ে যায়। কালো কফি খেলে রঙভী ফর্সা হয়।

আমাদের আড্ডাটা বসত কাফের উত্তর-পূর্ব কোণে, কাউটারের গা ঘেঁষে। হরেক জাতের চিড়িয়াসে আড্ডায় হরবকৎ মৌজুদ থাকত। রমজান বে আর সজ্জাদ একেদি খাটি মিশরী মুসলমান, ওয়াহহাব আতিয়া কণ্ট ক্রীশান অর্থাৎ ততোধিক খাটি মিশরী, কারণ তার শরীরে রয়েছে ফারাওদের রক্ত। জুর্নো ফরাসী কিন্তু ক' পুরুষ ধরে 'কাইরোর হাওয়া বিধাক্ত করছে, কেউ জানে না, অতি উন্নত আরবী কবিতা লেখে আর সে কবিতার আসল বক্তব্য হচ্ছে, সে তলওয়ার চালিয়ে আড়াই ডজন বেহুইনকে ঘায়েল করে প্রিয়াকে উটের উপর তুলে মরুভূমির দিগ্‌দিগন্তে বিলীন হয়ে যাচ্ছে, যদিও আমরা সবাই জানতুম, জুর্নে যেটুকু মরুভূমি দেখেছে সে পিরামিডে বেড়াতে গিয়ে, তাও জীবনে একবার মাত্র, যদিও পিরামিড কাইরো থেকে মাত্র পাঁচ মাইল দূরে। উট কখনো

চড়েনি, ট্রামের কাঁকুনিতেই বসি করে ফেলে। আর তলওয়ার ? তওবা, তওবা। মার্কোস জাতে গ্রীক, বেশি নয় কুলে আড়াই হাজার বৎসর ধরে, তারা মিশরে আছে। মিশর রাণী, গ্রীক রমণী ক্লিয়োপাত্রার সঙ্গে তার নাকি খোশকুটুখিতা আছে। হবেও বা, কারণ প্রায়ই ব্যবসাতে দাঁও মেয়েছে বসে ফালতো এবং 'ফিরি' এক রোঁদ কফি খাইয়ে দিত। তাতে করে কাকের 'গণতন্ত্র' কুল হত না, কারণ মার্কোসকে 'কাট্যা ফলাইলে'ও আড্ডার ঝগড়া-কাজিরায় সে কখন কালেও হিন্দা নিত না ; বেশির ভাগ সময় চেয়ারের হেলানে মাথা রেখে আকাশের দিকে হাঁ করে ঘুন্তো কিংবা খবরের কাগজ থেকে তুলোর ফটকা বাজারের তেজি-মন্দির (বুস-এ্যাও বিয়ার হালহকিকৎ মুখস্থ করতো।

আর বাঙলা দেশের তাবৎ চণ্ডীমণ্ডপ, বেবাক জমিদার-হাবেলীর আড্ডার প্রতিভূ হিসেবে আপনাদের আশীর্বাদে আর শ্রীশঙ্কর কুপায় ধূলির ধূলি এ-অধম।

আমার বাড়ির নিতান্ত গা ঘেঁষে বলে নিছক কফি পানার্থে ঐ কাক্ষেতে আমি রোজ সকাল-সন্ধ্যা যেতুম। বিদেশ বিভূঁই, কাউকে বড় একটা চিনিনে, ছরের মত হেথা-হোথা ঘুরে বেড়াই আর দেশ ভ্রমণ যে কি করম পীড়াদায়ক 'প্রতিষ্ঠান' সে সম্বন্ধে একথানা প্রামাণিক কেতাব লিখব বলে মনে মনে পায়তারা কবি। এমন সময় হঠাৎ খেয়াল গেল কাকের কোণের আড্ডাটির দিকে। লক্ষ্য করিনি যে কফি-পানটা ওদের নিতান্ত গৌণকর্ম ওরা আসলে আড্ডাবাজ।

আম্মো যে আড্ডাবাজ সে তত্বটা ওদের মনে ঝিলিক দিয়ে গেল একই ব্রাহ্ম মুহূর্তে। সে 'মহালগনের বর্ণনা' আমি আর কি দেব ? স্বরসিক পাঠক, তুমি নিশ্চয়ই জানো শ্রীহরি শ্রীরাধাতে, ইউহুফ জোলেখাতে, লায়লী মজহুতে, ত্রিস্তান ইজোলদেতে কি করে প্রথম চারি চক্ষু বিনিময় হয়েছিল। কী ব্যাকুলতা, কী গভীরতা তুবা, কী মহা ভবিষ্যতের প্রগাঢ় স্বপ্নস্বপ্ন, কী মরুতীর পার হয়ে সুখাশ্রামলিম নীলাশুভ্রে আবগাহনানন্দ সে দৃষ্টি বিনিময়ে ছিল ! এক ফরাসী কবি বলেছেন, 'প্রেমের সবচেয়ে মহান দিবস সেদিন, যেদিন প্রথম বলেছিলুম, আমি তোমাকে ভালোবাসি।' তত্বটা হৃদয়ঙ্গম হল সেই ব্রাহ্ম মুহূর্তে।

তাঁরা-তুলসী-গঙ্গাজল নিয়ে আশ্বন, স্পর্শ করে বলব, তিন লহমাও লাগেনি, এই ব্রাত্যের উপনয়ন হয়ে গেল, বেদ, শাখা ঋষি স্থির হয়ে গেলেন—সোজা-বাঙলার বলে, জাতে উঠে গেলুম। অমিয়া ছানিয়া, নয়ন ছানিয়া বললুম, 'এক রোঁদ কফি ?'

আড্ডার মেথররা একে অস্ত্রের দিকে তাকিয়ে পরিতোষের স্বিতহাস্ত বিকসিত
রলেন। ভাবখানা ভুল লোককে বাছা হয়নি।

কাফের ছোকরাটা পৰ্ব্বস্ত ব্যাপারটা বুঝে গিয়েছে। আমার ছন্নছাড়া ভাবটা
তার চোখে বহু পূর্বেই ধরা পড়েছিল। রোঁদ পরিবেশন করার সময় নীলনদ-
ডন্টার মত মুখ হাঁ করে হেসে আমি যে অতিশয় ভুললোক—অর্থাৎ জোর টিপ্স
দি—সেকথাটা বলে আড্ডার সামনে আমার কেস রেকমেণ্ড করলো।

জুর্নো তাড়া লাগিয়ে বললেন, ‘যা, যা ছোঁড়া মেলা জ্যাঠামো করিসনে।’
আমার দিকে তাকিয়ে বললেন, ‘খাস আরবী বলেন আপনি।’

ববিঠাকুর বলেছেন—

‘এত বলি সিক্তপন্ন দুটি চক্ষু দিয়া

সমস্ত লাহুনা যেন লইল মুছিয়া

বিদেশীর অঙ্গ হতে—’

ঠিক সেই ধরনে আমার দিকে তাকিয়ে জুর্নো যেন আমার প্রবাস-লাহুনা
এক খাবডায় ঝেড়ে ফেললেন, আমার অঙ্গ থেকে।

আমি কিন্তু মনে মনে বললুম, ‘ইয়া আল্লা, তের দিনের আরবীকে যদি এরা
বণে খাসা তবে এরা নিশ্চয়ই খানদানী মনিষ্টি।’ করজোড়ে বললুম, ‘ভারতবর্ষের
নীতি সত্য বলবে, প্রিয় বলবে, অপ্রিয়সত্য বলবে না, আপনাদের নীতি দেখছি
আরো এক কদম এগিয়ে গিয়েছে, প্রিয় অসত্যও বলবে।’

আড্ডা তো—পার্লিমেণ্ট নয়—তাই হরবকৎ কথার পিঠে কথা চলবে এমন
কোনো কমমদিব্যা নেই। হুম্ব করে রমজান বে বললে, ‘আমার মামা (আমি
মনে মনে বললুম, ‘যগিয়াদাসের মামা’) হজ করতে গিয়েছিলেন আর বছর।
সেখানে জনকয়েক ভারতীয়ের সঙ্গে তাঁর আলাপ হয়। তারা নাকি পাঁচ বকৎ
নামাজ পড়ত আর বাদবাকী তামাম দিনরাত এক চায়ের দোকানে বসে
কিচির-মিচির করত। তবে তাবা নাকি কোন্ এক প্রদেশের—বিঙ্গালা, বাঙালা—
কি যেন—আমার ঠিক মনে নেই—’

উৎসাহে উত্তেজনায় কেটে গিয়ে চৌচির হয়ে আমি শুধালুম ‘বাঙালা?’

‘হ্যা, হ্যা।’

আমি চোখ বন্ধ করে ভাবলুম, শ্রীরামকৃষ্ণদেব, রবীন্দ্রনাথ, নজরুল ইসলাম
বাঙালী। কিন্তু কই, কখনো তো এত গর্ব অহুভব করিনি যে, আমি বাঙালী।
হুঁ যে নমস্ত মহাজনরা মক্কা শহরে আড্ডাবাজ হিসেবে নাম করতে পেরেছেন

—নিশ্চয়ই বিস্তর মাথার ঘাম পায়ে ফেলে তাঁরা আলবৎ খ্রীষ্ট, নোয়াখালি, চাঁটগা, কাছাড়ের বাঙালী খালাসী, পশ্চিমবঙ্গের কলিকাতা নগরীর উপকণ্ঠে খিদিরপুরে আড্ডা মারতে শিখে ‘হেলার মকা করিলা জয়’।

আস্তে আস্তে চেয়ার থেকে উঠে ডান হাত বুকের উপর রেখে মাথা নিচু করে অতিশয় সবিনয় কণ্ঠে বললুম, ‘আমি বাঙালী।’

গ্রীক সদস্য মার্কোস প্রথম পরিচয়ের সময় একবার মাত্র ‘সালাম আলাইক্’ করে খবরের কাগজের পিছনে ডুব মেয়েছিলেন। তাঁর কানে কিছু যাচ্ছিল কি না জানিনে। আমি ভাবলুম, রাশভারী লোক, হয়ত ভাবছেন, নূতন মেথার হলেই তাকে নূতন জামাইয়ের মত কাঁধে তুলে ধেই ধেই করেই নাচতে হবে একথা আড্ডার কনস্টিটুশানে লেখে না। মুখের উপর থেকে খবরের কাগজ সরিয়ে বললেন, ‘দাঁও মেয়েছি। একটা শ্রাম্পেন হবে? আমাদের নূতন মেথর—’ কাউন্টারের পিছনে দাঁড়িয়েছিল মালিক; তার দিকে তাকিয়ে বাঁ হাত গোল করে বোতল ধরার মুদ্রা দেখিয়ে ডান হাত দিগ্ন দেখালেন ফোরারার জল লাকানোর মুদ্রা। ম্যানেজার কুলে ছুই ডিগ্রী কাৎ করে ঘাড় নাড়ল।

আমি ভয়ে ভয়ে বললুম, ‘এ দোকানে তো মদ বেচার লাইসেন্স নেই।’

মার্কোস বললেন, ‘কাফের পিছনে, তার ডুইংক্রমে। ব্যাটা সব বেচে—আফিম, ককেইন, হেরোইন, হশীশ যা চাও।’

ছোকরাকে বললেন, ‘আর একটা তামাকও সাজিস।’

বলে কি? কাইরোতে তামাক! স্বপ্ন নু মায়া নু মতিভ্রম নু?

দিব্যা ফর্শী হাঁকো এল। তবে হুম্মানের গাজের মত সাড়ে তিনগছী দরবারি নল নয় আর সমস্ত জিনিসটার গঠন কেমন যেন ভোতা ভোতা। জরির কাজ করা আমাদের ফর্শী কেমন যেন একটু ‘নাড়ুক’ মোলারেম হয়—এদের যেন একটু গাঁইয়া। তবে ইস, চিলিমটা দেখে ভক্তি হল—ইয়া ভাবর পরিমাণ। একপো তামাক হেসেখেলে তার তিতর ধানা গাড়তে পারে—তাওরাও আছে। আগুনের বেলা অবিশ্রি আমি টিকের খিকিখিকি গোলাপী গরম প্রত্যাশা করিনি, কারণ কাবুলেও দেখেছি টিকে বানাবার গুহৃতথ্য সেখানকার রসিকরাও জানেন না।

আর যা খুশবাই বেরল তার বেশ দীর্ঘ চোদ্দ বছর পরও যেন আমার নাকে লেগে আছে।

পাঠক, তুমি নিশ্চয়ই জানো সুগন্ধী ইজিপশিয়ন সিগারেট ভূবনবিখ্যাত। কিন্তু কখনো কি ভেবে দেখেছ বিশেষ করে মিশরই সুগন্ধী সিগারেট তৈরি করে বানাতে শিখল কি করে? আইস, দে সম্বন্ধে ঈষৎ গবেষণা করা যাক! এক সিগারেট বানানোর পিছনে বিস্তর ইতিহাস, এস্তার রাজনীতি এবং দেদার বসায়নশাস্ত্র লুকায়িত রয়েছে।

সিগারেটের জন্ম ভালো তামাক জন্মায় তিন দেশে। আমেরিকার ভার্জিনিয়াতে, গ্রীসের মেসেডোট অঞ্চলে এবং রুশের ক্রুসাগরের পারে। ভারতবর্ষ প্রধানত ভার্জিনিয়া খায়, কিছুটা গ্রীক কিন্তু এই গ্রীক তামাক এদেশে টার্কিশ এবং ইজিপশিয়ন নামে প্রচলিত। তার কারণ একদা গ্রীসের উপর আধিপত্য করতো তুর্কী এবং তুর্কী গ্রীসের বেবাক তামাক ইস্তাম্বুল নিয়ে এনে কাগজে পেঁচিয়ে সিগারেট বানাত। মিশরও তখন তুর্কীর কব্জাতে, তাই তুর্কীর কর্তারা কিছুটা তামাক মিশরে পাঠাতেন। মিশরের কারিগররা সেই গ্রীক তামাকের সঙ্গে খাঁটি মিশরের খুশবাই মাখিয়ে দিয়ে যে অনবদ্য বসনলী নির্মাণ করলেন তারই নাম ইজিপশিয়ন সিগারেট।

নিশ্চয়ই লক্ষ্য করেছেন চায়ের টিন যদি রান্না ঘরে ভালো করে বন্ধ না রাখা হয়, তবে ফোড়নের ঝাঁকে চা বরবাদ হয়ে যায়, অর্থাৎ আর কিছু না হোক খুশবাইটি আতুড়ঘরে হুন-খাওয়ানো বাচ্চার মত প্রাণত্যাগ করে। মালজাহাজ লাদাই করা যে অপিসারের কর্ম। তনিও বিলক্ষণ জানেন, যে-জাহাজে কাঁচা তামাক লাদাই করা হয়েছে তাতে করে গন্ধওলা অল্প কোনো মাল নেওয়া হয় না—পাচে, তামাকের গন্ধ এবং কিঞ্চিৎ স্বাদও নষ্ট হয়ে যায়।

তাই তামাকের স্বাদ নষ্ট না করে সিগারেটকে খুশবাইয়ে মজানো অতীব কঠিন কর্ম। সিগারেটে একফোটা ইউকেলিপটস্ তেল ঢেলে সেই সিগারেট ফুঁকে দেখুন একফোটা তেল আন্ত সিগারেট একদম বরবাদ করে দিয়েছে। পাঁচ বছরের বাচ্চাও তখন সে সিগারেট না কেশে অনায়াসে। ভস্ ভস্ করে ফুঁকে যেতে পারে (বস্তুত বড় বেশি ভেজা সর্দি হলে অনেকে এই পদ্ধতিতে ইউকেলিপটস্ সেবন করে থাকেন—যারা সিগারেট সহিতে পাবেন না তাঁরা পর্ষিত)।

বরঞ্চ এমন গুণী আছেন যিনি এটম বয়ের মাল-মসলা মেশানোর হাড়হুড় মালখকিকৎ জানেন, কিন্তু তামাকের সঙ্গে খুশবাই! তার পিছনে রয়েছে পুঁড়ুর, রহস্যবৃত ইন্দ্রজাল।

কিছু বাড়িয়ে বলছিনে। অজস্র দেওয়াল এবং ছবির রঙ কোন্ কোন্ মসলা দিয়ে বানানো হয়েছিল, পাঠানযুগে পাথরে পাথরে জোড়া দেবার জন্ত কি মাল কোন্ পরিমাণে লাগানো হয়েছিল আমরা সে তত্ত্বগুলো মাথা খুঁড়েও বের করতে পারিনি এবং পারেনি বিশ্বসংসার বের করতে কি কৌশলে, কি মসলা দিয়ে মিশরীরা তাদের মমীগুলোকে পচার হাত থেকে বাঁচিয়েছিল।

স্বীকার করি, মিশরীরাই একদিন সে কায়দা ভুলে মেরে দিয়েছিল—পাঠান-মোগলযুগে যে রকম আমাদের অনেকখানি রসায়নবিজ্ঞা অনাদরে লোপ পায়। তবু তো আমরা আজও মকরধ্বজ, চ্যবনপ্রাশ বানাতে পারি—ভেজাল তো শুক হল মাত্র সেদিন, আমাদেরই চশমার সামনে।

মিশরীরাও ঠিক সেই রকম সুগন্ধ-তত্ত্ব সম্পূর্ণ ভুলে যায় নি। ঝড়তি-পড়তি যেটুকু এলেম তখনো তাদের পেটে ছিল তাই দিয়ে তারা সেই সমস্ত সমাধান করলো, তামাকে কি করে খুশবাই জোড়া যায়, তামাকের 'সোয়াদ'টি জখম না করে!

তাই যখন কোনো ডাকসাইটে তামাক কদরদারের (হায়! এ গোত্র পৃথিবীর সর্বত্র কি কাবুল, কি দিল্লী, কি কাইরো—সুকুমারের ভাষায় বলি—হুশ হুশ করে মরে যাচ্ছে) তদারকিতে কাইরোর কাফেতে তামাক সাজা হয় এবং সেই কদরদার যখন সে তামাকের নীলাভ ধূঁয়োটি ফুরফুর করে নাকের ভিতর দিয়ে ছাড়েন এবং নীলনদের মন্দমধুর ঠাণ্ডা হাওয়া যখন সেই ধূঁয়োটির সঙ্গে রসকেসি করে তাকে ছিন্নভিন্ন করে কাফের সর্বত্র ছড়িয়ে দেয়, তখন রাস্তার লোক পর্যন্ত উন্মাদিক হয়ে থমকে দাঁড়ায়, পাড় সিগারথেকে, পাইকারি সিগারেট-ফোকো পর্যন্ত বৃকের উপর হাত রেখে আসমানের দিকে তাকিয়ে 'অলহমদুলিলা, অলহমদুলিলা' (খুদাতালাব তারিফ) বলে।

আর ইলিশের বেলা যে রকম হয়েছিল, এ অধম ঠিক সেই রকম তাজ্জব মানে, বেহুশতের বর্ণনায় এ তামাকের বয়ান নেই কেন? তা হলে পাপ করে নরকে যেত কোন্ মূর্খ?

বাঙালী তার চুলটিকে কেতাদুরস্ত করে রাখতে ভালোবাসে, কাবুলী বেলা-অবেলা মোকা পেলেই তার পায়জারে গুটিকয়েক পেরেক ঠুকিয়ে নেয়, ইংরেজ আয়না সামনে পেলেই টাইটা ঠিক মধ্যখানে আছে কিনা, তার তদারকতে ব্যস্ত হয়ে পড়ে, পেশাওয়ারী পাঠানের প্রধান শিরঃপীড়া তার শিরাত্তরণ নিয়ে, আর মিশরীর চরম দুর্বলতা তার জুতে! জোড়াটিকে 'বালিশ' (আয়বী ভাষায়

‘প’ অক্ষর নেই, তাই, ইংরিজি ‘পালিশ’ কথাটা মিশরীতে ‘বালিশ রূপ ধারণ করেছে) রাখার জগে ।

অতএব কাফেতে ঢোকামাত্রই কাফের ‘বুং-বালিশ’ (অর্থাৎ বুট পালিশ করনেওলা , ছোকরা এসে আপনাকে সেলাম রুঁকবে । আপনি তাকে বিলক্ষণ চেনেন, তাই দাঁতমুখ খিঁচিয়ে বলবেন, ‘যা, যা’—তার অর্থ ‘আচ্ছা পালিশ কর ।’ সে বজ্রিশখানা ঝকঝকে দাঁত দেখিয়ে আপনার ‘বুং-বালিশ’ কর্মে নিযুক্ত হবে ।

সদস্যদের কেউ বলবেন, ‘শুভ দিবস’, কেউ ‘এই যে’, কেউ একটু মৃদু হাস্ত করবেন, আর কেউ মুখ খবরের কাগজের আড়ালে রেখেই কাগজখানা ঝেঁকু হুলিয়ে দেবেন । ইতিমধ্যে আপনার কফি এসে উপস্থিত । ওয়েটার ঠিক জানে, আপনি কতটা কড়া, কতখানি চিনি আর কোন্ চণ্ডের পেয়ালার কফি খেতে পছন্দ করেন । আপনি বলবেন, ‘চিঠিপত্র নেই ?’

অর্থাৎ গৃহিণীর ভয়ে আপনি প্রিয়াকে কাফের ঠিকানা দিয়েছেন ।

জিজ্ঞেস করলেন, ‘ফোন ?’

‘আজ্ঞে না । তবে হটুগুফ বে আপনাকে বলতে বলেছেন, তিনি একটু দেরিতে আসবেন । আপনি যেন চলে না যান ।’

‘চুলোয় যাক গে হটুগুফ বে । আমি জিজ্ঞেস করছি, চিঠি বা ফোন নেই ?’

কাঁচুমাচু হয়ে বললে, ‘আজ্ঞে না ।’ জানে আজ আপনি মরাজ হাতে বখশিশ দেবেন না ।

‘যাও, চিঠির কাগজ নিয়ে এস ।’

কাফের নাম-ঠিকানা-লেখা উত্তম চিঠির কাগজ, খাম ব্রটিং প্যাড যাবতীয় সাজসরঞ্জাম এক মিনিটের ভিতর উপস্থিত হবে । আপনি পাশের টেবিলে গিয়ে গভীর মনোযোগের সঙ্গে প্রেমপত্র লিখে যখন ঘণ্টাখানেক পরে আড়ার টেবিলে ফিরে ওয়েটারকে বলবেন, ‘চিঠিটা ডাকে ফেলতে, তখন হঠাৎ রমজান বে শুধাবে, ‘কাকে লিখলে ?’ যেন কিছুই জানে না ।

চটে গিয়ে বলবেন, ‘তোমার তাতে কি ?’

রমজান বে উদাস স্বরে বলবে, ‘না, আমার তাতে কি । তবু বলছিলুম, সকালে বিল্কিসের সঙ্গে দেখা । সে তোমাকে বলে দিতে বললে, তুমি যেন নাড়ে এগারোটার ‘ফামিনা’ সিনেমার গেটে তাঁর সঙ্গে দেখা করো ।’

আরো চটে গিয়ে বলবেন, ‘তাহলে এতক্ষণ ধরে সেটা বলোনি কেন ?’

‘সাড়ে এগারোটা বাজতে তো এখনো অনেক দেরি।’

‘আঃ, সে কথা হচ্ছে না। আমি যে মিছিমিছি এক ঘণ্টা ধরে চিঠিটা লিখলুম।’

রমজান বে আরো উদাস সুরে বলবে, ‘জানিনে, ভাই, তোমাদের দেশে প্রেমের বেওয়াজ কি। এদেশে তো জানি, প্রিয়া পাশের ঘরে, আর এ-ঘরে বসে প্রেমিক পাতার পর পাতা প্রেমপত্র লিখে যাচ্ছেন।’

এতক্ষণ একটা মুখরোচক আলোচনার বিষয়বস্তু উপস্থিত হল। রেশনশপ খোলা মাত্রই মেয়ে-মদে যে রকম দোকানের ভিতর ঝাঁপিয়ে পড়ে, তামাম আড্ডা ঠিক সেই রকম প্রেমপত্র লেখার সময়-অসময়, মোকা-বে-মোকা, কায়দা-কেতা সম্বন্ধে আলোচনা জুড়ে দেবে।

ক্রমে ক্রমে আলোচনার বিষয়বস্তু হটতে হটতে পৌঁছবে সেই সনাতন প্রশ্নে, কোন্ দেশের রমণী সবচেয়ে সুন্দরী হয়।

অবাস্তব নয়, তাই নিবেদন করি, দেশ-বিদেশ ঘুরেছি, অর্থাৎ ভ্যাগাবণ হিসাবে আমার ঈষৎ বদনাম আছে। কাজেই আমাকে কেউ শুধান, কোন্ দেশের রান্না সবচেয়ে ভাল কেউ শুধান, তুলনাত্মক কাবাচর্চার জন্ত কোন্ বিশ্ববিদ্যালয় প্রশস্ততম, আর অধিকাংশ শুধান, কোন্ দেশের রমণী সবচেয়ে সুন্দরী ?

আমি কলির পরশুরামের স্বরণে উত্তর দি, ‘এনারা আছেন, ওনারাও আছেন।’ কারণ ঝাঁপ দেশ-বিদেশ ঘোরেন নি, তাঁদের সঙ্গে এ-আলোচনাটা দানা বাঁধে না বড্ড একতঃফা বক্তৃতার মত হয়ে যায়, আর সবাই জানেন, বক্তৃতা আড্ডার সবচেয়ে ডাঙর দুশমন।

এ সংসারে যদি কোন শহরের সত্যকার হুক থাকে, উপযুক্ত প্রাণাভিগাম বিষয় নিয়ে আলোচনা করার তবে কসম খেয়ে বলতে পারি, সে শহর কাইরো। কারণ কাইরোতে খাঁটি বাসিন্দারূপে যুগ যুগ ধরে আছে গ্রীক, আরব, তুর্কী, হাবশী, সুদানী, ইতালীয়, ফরাসীসু ইহুদী এবং আরো বিস্তর চিড়িয়া। এদের কেউ কেউ বোরকা পরেন বটে, তবু অক্লেশে বলা যেতে পারে, কাফের দরজার দিকে মুখ করে বসে, আড্ডা অনায়াসে নিজের মুখে ঝাল খেয়ে নিতে পারে।

আর শীতকাল হলে তো পোয়া বারো। কাইরোতে বছরে আড়াই ফোটা বৃষ্টি হয়, সাহারার শুকনো হাওয়া যন্ত্রাণোগ সারিয়ে দেয়, পিরামিড কাইরোর বাইরেই ঠায় বসে, ফুতি ফাতির নামে কাইরো বে-এক্টিয়ার, মসজিদ-কবর

কাইরো শহরে বে-শুমায, শীতকালে না-গরম-না-ঠাণ্ডা আবহাওয়া, সবসুদু জড়িয়ে
মড়িয়ে কাইরো টুরিস্টজমের ভূস্বর্গ এবং টুরিস্টাদেরও বটে ।

তুহুপরি মার্কিন লক্ষপতিরী আসেন নানা ধান্দায় । তাঁদের সন্ধানে আসেন
তাবৎ ছুনিয়ার ডাকসাঁইটে সুন্দরীরা । তাঁদের সন্ধানে আসেন হলিউডের
ডিরেক্টররা এবং তাঁরা সঙ্গে নিয়ে আসেন আরেক ঝাঁক সুন্দরী ।

কিন্তু থাক, সুশীগ পাঠক, তুমি নিশ্চয়ই জানো, কামিনী-কাঞ্চন সম্বন্ধে
আলোচনা শাস্ত্রে নিষেধ । গুরুর বারণ ।

মিশরী আড্ডাবাজরা (দাঁড়ান, ব্যাকরণে ভুল হয়ে গেল, মিশরী মাত্রেই আড্ডাবাজ :
এমনকি সাদ্ জগলুল পাশা পর্যন্ত দিনে অন্তত একবার আড্ডার সন্ধানে বেয়তেন ।
তবে হাঁ, তিনি কোনো টেবিলে গিয়ে বসলে কেউ সাহস করে সে টেবিলের
ত্রিসীমানায় ঘেঁষত না । সেখান থেকে তিনি চোখের ইশারায় এঁকে ঠুঁকে
ঠাঁকে ডেকে নিয়ে আড্ডা জমাতেন) দৈবাৎ একই আড্ডায় জীবন কাটান ।
বিষয়টা সবিস্তর বুঝিয়ে বলতে হয় ।

এই মনে করুন, আপনি রোজ আপিস ফেরার পথে 'কাফে শু নীলের,
উত্তর-পূর্ব কোণে বসেন । সে টেবিলটায় আপনার জন-পাঁচেক দোস্ত বসেন ।
আড্ডার ফুল স্ট্রেন্ধ্ জন দশ—সবাই কিন্তু সব দিন এ আড্ডাতেই আসেন না ।
তাই হরে দরে আপনার টেবিলে জন পাঁচ-সাত নিয়মিত উপস্থিত থাকেন ।

এ ছাড়া আপনি সপ্তাহে একদিন—জোর দু'দিন, বাড়ির পাশের সেমিরামিস
কাফেতে দক্ষিণ-পশ্চিম কোণে বসেন । এ আড্ডার সদস্যরা কিন্তু আপনার 'কাফে
শু নীলের' সদস্যদের বিলকুল চেনেন না । এরা হয়ত চ্যাংড়ার দল, কলেজে পড়ে,
কেরানীগিরি করে, বেকার, কিংবা ইনশিওরেন্স এজেন্ট (তার অর্থও বেকার) ।
এদের আলোচনার বিষয়বস্তু রাজনীতি, অর্থাৎ কোন্ পাশার বউ কোন মিনিস্টারের
সঙ্গে পরকীর করেন বলে তাঁর বোনপো পার্টিতে ভালো নোকরি পেয়ে গেল
কিংবা আলোচনার বিষয়বস্তু সাহিত্য, অর্থাৎ কোন প্রকাশক এক হাজারের নাম
করে তিন হাজার ছাপিয়ে বেশ দু'পয়সা কামিয়ে নিয়েছে । তা ছাড়া অবশ্যই
ছুনিয়ার হাজারো জিনিস নিয়ে আলোচনা হয়, তা না হলে আড্ডা হবে কেন এ
আড্ডার সদস্যদের সবাই সবজান্টা । এরা মিশর তথা তাবৎ ছুনিয়ার এত সব
গুহু এবং গরম গরম খবর রাখেন যে এদের কথাবার্তা, হাবভাব দেখে আপনার

মনে কোনো সন্দেহ থাকবে ন' যে এদের প্রত্যেকের চোখের সামনে এক অদৃশ্য, অশ্রুত টেলিপ্রিন্টার খবর জানিয়ে যাচ্ছে এবং সে খবরের যোগান দিচ্ছেন রাশার বেরিয়া, জার্মানির হিমলার আর কলকাতার টেগার্ট। রোজ বাড়ি ফেরার সময় আপনি ভাববেন, এদের সাহায্য ছাড়া মিশর তথা ছুনিয়ার বাদবাকী সরকারগুলো চলছে কি করে। আপনার মনে আর কোনো সন্দেহের কোনো অবকাশ থাকবে না যে, এদের যদি মস্কো, বার্লিন, লণ্ডন, দিল্লীর বড়কর্তা বানিয়ে দেওয়া হয়, তবে ছুনিয়ার কুলে সমস্তার সাকুল্যে সমাধান এক লহমায়ই হয়ে যাবে। মনে মনে বললেন, 'হায়, ছুনিয়া, তুমি জানছো না তুমি কি হারাচ্ছে।'

আপনি এদের চেয়ে বছর দশেক বড়, তাই এরা আপনাকে একটুখানি সমীহ করে যদিও আড় না হয়েই বিড়ি টানে কারণ এদেশে সে রেওয়াজটা তেমন নেই। আপনি নিতান্ত বিদেশী বলেই এ আড্ডায় ছিটকে এসে পড়েছেন। এদের কাউকে পরলা আড্ডার নিয়ে গিয়ে কোনো লাভ নেই। আমি নিয়ে গিয়েছিলুম; বেচারী সেখানে রা'টি কাড়ে নি যতপি ছসরা আড্ডাতে সেই ওড়পাতো সবচেয়ে বেশ।

তা ছাড়া আপনি মাসে একদিন কিংবা দু দিন শহর থেকে মাইল তিনেক দূরে একটা কাফেতে যান। আপনার এক বন্ধু সে কাফেটারই উপরতলার থাকেন। খাসা জায়গার—সামনেই নীল নদ বয়ে যাচ্ছে। আপনারই বন্ধু এখানকার এ-আড্ডার সঙ্গে আপনার পরিচয় করিয়ে দিয়েছিলেন। তাঁকে প্রথম খুঁজবেন কাফেতে—সেখানে না পেলে অবশ্য তাঁর ফ্ল্যাটে যেতে পারেন তাতে কিন্তু কোনো লাভ নেই।

এ কাফে আপনাকে উদ্বাহ হয়ে অভ্যর্থনা করবে যেন আপনি অনেক দিনের হারিয়ে-যাওয়া ফিরে-পাওয়া ভাই। কারণ আপনি এখানে আসেন কালেক্তরে। আপনাকে পেয়ে এঁদের বিশেষ আনন্দ কারণ পক্ষাধিক কাল ধরে তাঁরা যে সব বিষয় কেটেকুটে ঘবেপিষে চাটনি বানিয়ে ফেলেছিলেন সেগুলো তাঁরা নূতন করে হাড়কাটে ঢুকিয়ে রায় দা' ওঁচাবেন। আপনার রায় জানতে চাইবেন। যে রায়ই দিন না কেন আপনার উদ্বাহ নেই। আপনি যদিও গাঁধার দেশের লোক—আপনি অবশ্য একশ' বার ওঁদের বলেছেন যে গাঁধীর সঙ্গে আপনার কোনো প্রকারে সাক্ষাৎ যোগাযোগ নেই, কিন্তু তাতে করে কোনো কারদা ওঁরায় না—যদিও আপনার জানগম্বিতে কারো কোনো সন্দেহ নেই, কারণ

আপনি গুহ্য বস্তুগুলির ধারণা করেন ইত্যাদি ইত্যাদি তবু স্বীকার করতে হবে ইত্যাদি ইত্যাদি ।

আপনি নির্ঘাত শেষ বাস্ মিস করবেন । বন্ধুর ফ্ল্যাটে সোফার উপর চতুর্থ ঘাম যাপন করে পরদিন সকালবেলা বাড়ি ফিরবেন ॥

ধূপ-ছায়া

আহাছে শেষ রাত্রি । পরদিন ভেনিস পৌঁছব ।

তিনদিন ধ'রে কারো মুখে আর কোনো কথা নেই—শেষ রাত্রে যে অবসর ফ্যান্সি বল হবে তাই নিয়ে সূবো-শাম জল্পনা করনা । মহিলারা কে কি পরবেন তাই ভেবে ভেবে আকুল হয়ে উঠছেন কিন্তু কে কোন্ বেশ ধরবেন সে কথা একে অন্নের কাছ থেকে একদম চেপে যাচ্ছেন । নিতান্ত বিপদে পড়লে তবু বরঞ্চ কোনো পুরুষের শরণাপন্ন হওয়া যায় কিন্তু স্ত্রীলোক—নৈব নৈব চ । বুলুম আমাদের দেশে ভুল বলে না, 'বরঞ্চ যমের হাতে খামৌকে তুলে দেব তবু সতীনের কোলে নয়' । এস্থলে বরঞ্চ অপরিচিত অর্ধপরিচিত ছেলের সাহায্য কবুল, তবু কোনো মেনির ছায়া মাড়াব না ।

আমি নিঝাট মানুষ, বয়সে চ্যাংড়া, ২৪ হয় কি না হয় । ভয়ে কারোর সঙ্গে কথা কইনে পাছে এটিকেটের ব্যাকরণ-ভুল হয়ে যায় । আমার কেবিনে—বিবেচনা করুন খুদ কেবিনে, 'ডেকে' না, 'লাউঞ্জে' না—এক গরবিনী ফরাসিনী ভামিনী এসে উপস্থিত, 'মসিয়ো, তিন সত্যি দাগ, কাউকে বলবে না, তোমাকে যা বলতে যাচ্ছি ।'

বাপ মা আদর করে বলতেন আমার নাকি উজ্জল শ্রামবর্ণ । আমি বিলক্ষণ জানি, আমার বর্ণ কি ? আমারই এক বন্ধু আমার রঙ দেখিয়ে দোকানদারকে বলেছিলেন, ঐ রঙের বুট-পালিশ দিতে । লজ্জার সেই বর্ণ টিকের আগুন ধরার রঙ চড়ালো । সাত বার খাবি খেয়ে বললুম, ইয়েস, ইয়েস, উই, উই ; বিলক্ষণ, বিলক্ষণ !'

বললেন, 'আপনার সিকের পাগড়িটা এক রাত্রে মত ধার দিন ।' আমার মত কালো কুচ্ছিক্তে তিনি প্রেমনিবেদন করবেন সে ছুরাশা আমি করিনি কিন্তু নিতান্ত গভমরী পাগড়ি ! কে বলে ফরাসিনী সুরসিকা ?

তা থাকবে—এইটে আসল বক্তব্য নয়। মোক্ষ কথা, এই করে করে ক্যান্ডি বল 'রূপায়িত' হল।

ইলাহি ব্যাপার, পেলাই কাণ্ড। শিখের বাচ্চা দাড়িমাড়ি বাগিরে তলগা-মাঝির পোশাক পরে নাচছে চীনা পাজামা-কুর্তা পরা নধরা ভিয়েনা-সুন্দরীর সঙ্গে, বগলে ঝাড়ু দেবে মেথরানীর বেশ পরে ফরাসিনী ধেই ধেই করছেন স্প্যানীয় রাজপুত্রের বেশে মিশকালো নিগ্রোর সঙ্গে, রেড্, ইণ্ডিয়ানের রঙ মেখে আপানী তুর্কী-নাচন নাচছেন এক পার্সী নারীর সঙ্গে—তার সর্বাঙ্গ প্যাকিঙের ব্রাউন-পেপারে মোড়া, তত্পরি কালো হরফে লেখা 'ফ্রেমাইল, উইথ কেয়ার'—কাচের বস্ত্র, ভঙ্গুর, সাবধানে নাড়াচাড়া করো।'

এসব বস্ত্র রপ্ত হতে বাঙালী ছেলের সময় লাগে।

আমি কি পরে গিয়েছিলুম তা আর বলব না। একেই তো মর্কটের মত চেহারা, তাকে 'ফিন্সি' করলে বড়ি শুকনোর সময় কাগ তাড়াবার জন্য পাড়ায় ডাক পড়বে।

'বারে' গিয়ে দাঁড়ালুম।

উঃ! চ্যাংড়া-চিংড়ীরা কী বেদম ফুটিটাই না করতে আনে। হোলির দিনে যেমন মাহুঘ গায়ে রঙ মাখে এরা ঠিক তেমনি দু পাস্তুর রঙীন জল গিলে মনে রং লাগিয়ে নিয়েছেন। চোখ অল্প অল্প গোলাপি হয়ে গিয়েছে—বিশ্ব-সংসার গোলাপি রঙে ছোপানো বলে মনে আয়েজ লাগছে। না হয় খর্চা হয়েই গেল শেষ কড়ি—খর্চা না করলে খুদা আরো পরসা দেবেন কি করে? না হয় নাচলই লক্ষীছাড়া মেরিটা ঐ খাটান মুখো সেপাইটার সঙ্গে তোমাকে ছোলাগাছি' দেখিয়ে—ভয় কি, আরো মেলা মেরি ফেনী রয়েছে। মনে আরেক পৌচ রং লাগিয়ে লাও হে লাটুবাবু, বাবুরা যখন অত করে কইচেন। বেবাক বাৎ ভুলে যাবে। অত সিড্রিস হয়ো না মাইরি, শেষ পরবের রাস্তিরে।

তার সঙ্গে এ কোণে ও কোণে হেথা-হোথা, একে অস্ত্রের কানে কানে কত 'মৃত্ত মর্মর গানে মর্মের বাণী বলা,' কত 'বেদনার পেয়ালা' ভরে গেল কত হিয়ার, কত গান উঠলো বৃকে বৃকে, 'পিয়ো হে পিয়ো'।

অরকেন্দ্র। কিন্তু ঢাক ঢোল কস্তাল বাজিরে হকার দিচ্ছে—

'ওগো, তনা ক্লারা, তোমাকে আমি নাচতে দেখেছি

ওগো তনা ক্লারা, তোমার সোনার ছবি বৃকে এঁকেছি।'

বাইরে এসে ভেকের সুদূরতম প্রান্তে একখানা চেয়ার টেনে একলাটি চূপ করে

বসলুম। সিগার সিগারেটের অত্যাচারে সমুদ্রের লোনা হাওয়া জলসা ঘরে নাক
গলাতে পারেনি; আমাকে পেয়ে খুশি হয়ে আমার সর্বাঙ্গে আদর করে হাত
বুলিয়ে গেল।

আজ কি অমাবস্তা? এরকম অন্ধকার আবণ-ভাতের মেঘাচ্ছন্ন অমযামিনীতেও
দেশে কখনো দেখিনি। গাছপালা, বাড়িঘরদোর যেন অন্ধকারের খানিকটে
সুবে নেয় বলে ডাকার অন্ধকার সমুদ্রের অন্ধকারের চেয়ে অনেকখানি হালকা।
এখানে দিনের বেলাকার নীলসমুদ্র আর নীল আকাশ রাজিবেলায় যেন এক হয়ে
মিশে গিয়ে জমে উঠে গড়ে তুলেছে এক ঘনকৃষ্ণ অন্ধ-প্রাচীর, না—আরো কাছে
এসে আমার চোখে মাথিরে দিবে গেছে কৃষ্ণাঙ্কন।

শুধু চিলিক মেরে যাচ্ছে ক্ষণে ক্ষণে প্রপেলারের তাড়ায় ভেসে-ওঠা ফেনা
আর বুদবুদ। ঐ ফেনাটুকু মাঝে মাঝে না দেখতে পেলে মনে হয় জাগত অন্ধ
হয়ে গিয়েছি, জলসা ঘরের দিকে ছুটে গিয়ে আলো দেখে সেখান থেকে দৃষ্টিশক্তি
ফিরিয়ে আনতে হত।

জাহাজের কুংপিণ্ড যেন ধপ্‌ধপ্‌ করছে—তাই অষ্টপ্রহর একটা একটানা যুদ্ধ
শিহরণ জাহাজের সর্বাঙ্গে লেগেই আছে। সে শিহরণ এমনিতে দেহে মনে অস্বস্তি
জাগায় কিন্তু আজ এই যত্ন-অন্ধকারে সে স্পন্দন যেন আমার চৈতন্য-বোধকে
গভীরতম স্রষ্ট্রি থেকে বাঁচিয়ে রাখল।

কায়ার শব্দ?

তাজা হাওয়ার জন্ত কে যেন হৃদয় জলসা ঘরের একখানি জানলা
খুলে দিয়েছে। তারই ক্ষীণ আলোতে দেখি একটি মেয়ে বেলিঙে মাথা রেখে
কাদছে।

এ মেয়ে সিঙ্গাপুর গিয়েছিল তার স্বামীর সঙ্গে হনি-মুন যাপন করতে। সেখানে
স্বামী হঠাৎ মারা যায়। দেশে ফিরে যাচ্ছে একা।

মেশেদিনী

আরেক জাহাজে একটি মহিলা আমার দৃষ্টি আকর্ষণ করেন। বয়স, এই ধরন, চল্লিশের সামান্য এদিক-ওদিক। লিপস্টিক, রুজ, পাউডার মাথলে অনায়াসে পরিত্রিশ বলে চালিয়ে নিতে পারতেন। মুখ আর রঙ দেখে বোঝা গেল ইনি খাঁটি মেয় নন, কিন্তু ঠিক কোন দিশী সেটা অনুমান করতে পারলুম না। পরনে পুরনে ধরনের লম্বা ফ্রক আর গায়ে লম্বা-হাতা ব্লাউজ। চোখে মুখে ভারী একটা প্রশান্তির ভাব লেগে আছে—একটুখানি কেমন যেন উদাস-উদাস বসলেও ভুল বলা হয় না।

কিন্তু তাঁর চেহারা, বেশভূষা ধরনধারণ সেইটে আসল কথা নয়। তিন চার দিন যেতে না যেতেই লক্ষ্য করলুম, এ যাবৎ তাঁকে কারো সঙ্গে একটি মাত্র কথাও বলতে শুনিনি। সমস্ত দিন লাউঞ্জের এক কোণে একা বসে বসে কাটান; তাঁর টেবিলে অল্প কাউকে এসে কথা বলতেও দেখিনি। ওঁর চেয়ে দেখতে খারাপ, বয়সে বেশী, এমন রমণীরাও যখন প্রৌঢ়দের নেকনজর পাচ্ছেন, ছুঁদও রসালাপ করবার অবকাশও পাচ্ছেন, তখন ইনিই বা জাহাজ-যজ্ঞশালায় প্রাস্তভূমিতে সঙ্গরসের উপেক্ষিতা কেন?

কাউকে জিজ্ঞেস করার মত সাহসও খুঁজে পাইনে। উনি আমার মা হতে পারেন, বেশি জিজ্ঞেসবাদ করলে ঠোটকাটারি হয়তো বলে বসবে, 'ইন্ডিপস কম্পলেক্স' কিংবা ঐ ধরনেই কিছু একটা।

তখন হঠাৎ একদিন দেখি, আমারই পরিচিত এক সহযাত্রী লাউঞ্জের ভিতর দিয়ে যাবার সময় ওঁকে নমস্কার করলেন, উনিও উত্তর দিলেন। তাঁকে তখন সুবিধেমত এটা, ওটা, পাঁচটা কথার ফাঁকে জিজ্ঞেস করলুম, মহিলাটি কারো সঙ্গে কথা কন না কেন? উদ্ভ্রলোক অবাক হয়ে জিজ্ঞেস করলেন, 'কি করে কথা বলবেন? উনি তো ফার্সী ভিন্ন অন্য কোনো ভাষা জানেন না। ওঁর বাড়ি মেশেদ।' তারপর বললেন, 'আপনি না কাবুলে ছিলেন সেখানকার ভাষা শুনতু না ফার্সী কি যেন?'

আমি বললুম, 'ফার্সী অনেকখানি ভুলে গিয়েছি; তবে এককালে ফার্সীর মাধ্যমে কাবুলে ইংরিজি পড়িয়েছি।'

আর যাবে কোথায়। আমাকে হিড়হিড় করে হাতে ধরে টেনে নিয়ে চললেন সেই মহিলার দিকে—যেন অগ্নে-ভোব। মানুষকে দম দেবার অস্ত্র বস্তি খুঁজে পেয়েছেন। আমাকে তাঁর সামনে দাঁড় করিয়ে এমন একখানা মিষ্টি হাসি ছাড়লেন, যেন তিনি এখুনি আমাকে আপন হাতে গড়ে তৈরি করেছেন। নোবেল-প্রাইজ-পাওয়া ব্যাটাকেও বোধ হয় বাপ এতখানি দেমাকের সঙ্গে ছুনিয়ার সামনে পেশ করে না।

তারপর বললেন শুধু একটি কথা—‘ফার্নী!’

মহিলাটিও এই ছল্লোড়ের মাঝখানে একটুখানি ভ্যাভাচ্যাকা খেয়ে গিয়েছেন। সামলে নিয়ে শুধালেন, ‘আপনি ফার্নী বলতে পারেন?’

আমি সবিনয় বললুম, ‘এককালে পারতুম।’

ভারী একটা পরিতৃপ্তির হাসি হেসে বললেন, ‘বন্ধন।’

তারপর বললেন, ‘আমি যে বেশি কথা কইতে ভালোবাসি তা নয়, তবে এই পাঁচ দিন ধরে একটি কথাও বলতে না পেরে হাঁপিয়ে উঠেছি। আমি সমস্ত জীবন কাটিয়েছি ইরানের মেশেদ শহরে। তারপর গেল আট বছর লণ্ডনে।’

আমি শুধুলুম, ‘ইংরিজি শেখেন নি সেখানে?’

বললেন ‘না; লণ্ডনে তো আমি ইচ্ছে করে যাই নি। আমার স্বামী মেশেদে সর্বস্বান্ত হয়ে লণ্ডন গেলেন তাঁর কাকার কাছে। আমরা ইহুদি, জানেন তো, আমরা ব্যবসা করি ছুনিয়ার সর্বত্র সেখানে গুর ছ’পরসা হয়েছে, কিন্তু আমাদের আরা আর ইংরিজি শেখা হল না। ইরানি ইহুদিরা যে ছ’চারজন লণ্ডনে আছেন, তাঁদের সঙ্গেই মেলামেশা করি, কথাবার্তা কই। তবে হাট করতে গিয়ে ‘গ্রীন পীজ, কলি-ফ্লাওয়ার, টাপেন্স, ড্রাপেন্স-হে-পেনি’ বলতে পারি, ব্যাস।’

আমি বললুম, ‘ইংরিজি তো তেমন কঠিন ভাষা নয়, আর আপনি যে ছ’চারটে ইংরিজি বললেন সেগুলো তো খুব শুদ্ধ উচ্চারণে।’

মহিলাটি দীর্ঘনিশ্বাস ফেলে বললেন, ‘কি করে শিখি বলুন? আমার মন পড়ে আছে সেই মেশেদ শহরে। লণ্ডন সাফসুংরো আয়গা, বিজলি বাতি, অলের কল, খাওয়ারাওয়া, ধিয়েটার সিনেমা সবই ভালো—কোথায় লাগে তার কাছে বুড়ো গরিব মেশেদ? তবু যদি জানতুম একদিন সেই মেশেদে কিরে যেতে পারবো, তাহলেও না হয় লণ্ডনটার সঙ্গে পরিচয় করার চেষ্টা করতুম, কিন্তু যখনই ভাবি ঐ শহরে আমাকে একদিন মরতে হবে, আমার হাড় ক’খানা

বাপপিতামহের হাড়ের কাছে আরগা পাবে না, তখন যেন সমস্ত শহরটা আমার
দুশমন, আমার অস্বাদ বলে মনে হয় ।’

আমি বললুম, ‘আপনার এমন কি বয়স হয়েছে যে আপনি মরার কথা ভাবতে
আরম্ভ করেছেন ?’

‘ভেমনি কিছু নয়, জানি, কিন্তু যখন একথাও জানি যে, লগুনেই মরতে
হবে, তখন যেন বয়সের আর গাছ পাথর থাকে না ।’

আমি শুধালুম, ‘মেশেদে কিরে যাওয়া কি একেবারেই অসম্ভব । আপনি না
বললেন, আপনাদের ছ’পয়সা হয়েছে ।’

মহিলাটি দীর্ঘ নিশ্বাস ফেলে অনেকক্ষণ ধরে জবাবলেন । বুকলুম, সব কিছু
আমাকে প্রথম পরিচয়েই বলবেন কি না, তাই নিজে মনে মনে তোলপাড় করছেন ।
শেষটায় বললেন, ‘দুঃখ তো সেইখানেই । আজ আমাদের যা টাকা হয়েছে,
তাই দিয়ে আমরা মেশেদের পুরানো ভিটে, জমিজমা সব কিছু কিনতে পারি,
নতুন ব্যবসা ফাঁদতে পারি ।’

আবার নিশ্বাস ফেলে বললেন, ‘দুঃখ তো সেইখানেই । আমার স্বামী যেতে
চান না । লগুন তাঁর ভালো লেগে গিয়েছে । ভূতের মত খাটেন, পয়সা কামান
আর মোটর-হোটেল, রেস্টুরাঁ-ক্লাব, কনসার্ট-কাবারে করে করে বেড়ান ।
আমার উপরও চোটপাট, আমিও কেন সঙ্গে সঙ্গে হৈহৈ করি না ।’

বললেন, ‘বুঝলেন—এখন তিনি লগুনের প্রেমে ; বুড়ী মেশেদকে বেবাক
ভুলে গিয়েছেন ।’

আহাঙ্গে যে ক’দিন ছিলুম রোজ দু’একবার ওঁর কাছে গিয়ে বসতুম । ভদ্রমহিলা
নিজের থেকেই একদিন বললেন, ‘আপনি যেন না আবার ভাবেন আমি আপনার
এক বোকা হয়ে উঠলুম । ষাদের সঙ্গে হৈহৈ করতে আপনি ভালোবাসেন
তাঁদের বাদ দিয়ে আমার সঙ্গে বেশি সময় কাটাবার কোনো প্রয়োজন নেই ।’

আমি আপত্তি জানালুম ।

তবু তিনি শাস্তভাবে লাউঙে আপন কোণে বসে থাকতেন ; কথা বলার
অন্ত আমার দৃষ্টি আকর্ষণ করার কোনো চেষ্টাই করতেন না । আমি কাছে
গেলেই মিষ্টি হেসে বলতেন, ‘বসুন’ ; তারপর শুধাতেন, ‘কি খাবেন বলুন ।’
আহাঙ্গে খাবার ব্যবস্থা কুলীন শস্তরবাড়ির মত, কাছেই এখানে ‘খাবার বলতে
পানীয়ই বোঝায় ।

আমি একদিন বললুম, 'প্রতিবারেই আপনি আমাকে কিছু একটা খেতে বলেন কেন, বলুন তো?'

অবাক হয়ে বললেন, 'কী আশ্চর্য! আপনি মেশেদে অর্থাৎ লগুনে আমার বাড়িতে এলে আপনাকে ভালোমন্দ খেতে দিতুম না?'

আমি বললুম, 'কিন্তু এটা তো আপনার বাড়ি নয়।'

তিনি বললেন, 'সে কি কথা! আমার কাছে এলেন তার মানে আমার বাড়িতে এসেন।'

তারপর বললেন, 'কিন্তু এখানে খেতে দিই বা কি? আচ্ছা বলুন তো, আপনি জাহাজের এই বিলিতি রান্না খেতে ভালোবাসেন?'

আমি বললুম, 'এ জাহাজের রান্নার খুশনাম আছে, আমি কিন্তু আমাদের দিশী রান্নাই পছন্দ করি।'

হেসে বললেন, 'তবে আপনার বসবোধ আছে। এই আইরিশ স্টু আর বাধাকপি-সেদ্ধ মাহুঘ কি করে খায় খোদায় মালুম। সেদিন আবার পোলাও রেঁধেছিল—মাগো! ছিরি দেখে ভিরমি যাই।'

আমি শুধালুম, 'মেশেদের লোক পোলাও খায়?'

বললেন, 'খায়, জাহাজে আপন রান্নাবান্নার ব্যবস্থা নেই তা না হলে আপনাকে এয়া পোলাও খাইয়ে দিতুম যে জীবনভর তার সোয়াদ জিন্ডে লেগে থাকত। ভালো কথা, আপনি তো বোঝাই যাচ্ছেন সেখানে আপনাকে আচ্ছাসে পোলাও খাইয়ে দেব।'

আমি বললুম, 'আমি তো ভেবেছিলুম আপনি মিশর যাচ্ছেন।'

তিনি বললেন, 'ওঃ, আপনাকে বলিনি বৃষ্টি, আমি বোঝাই যাচ্ছি—আমার মেয়ের সেখানে বিয়ে হয়েছে। যে ভদ্রলোক আপনাকে আমার সঙ্গে আলাপ করিয়ে দিলেন তিনি আমার স্বামীর বন্ধু। উনি বিপদে-আপদে সাহায্য করতে পারবেন বলেই এই জাহাজে যাচ্ছি।'

তারপর একটুখানি লাজুক হাসি হেসে বললেন, 'আমি যে দিদিমা হতে চললুম।'

তারপর বোঝাই গল্প হত তাঁর মেয়ের সম্বন্ধে। আমাকে কতবার জিজ্ঞেস করলেন, বোঝারে ভালো ডাক্তার-বস্তির ব্যবস্থা আছে কি না। আমি বলতুম, লগুনের মত না, তবে ব্যবস্থা মেশেদের চেয়ে নিশ্চয়ই ভালো। ইন্তেক জর্মিতে পাশ-করা ইহুদী ডাক্তারও বোঝাইয়ে আছে।

বললেন, ‘ও কথা বলবেন না, মশাই ; মেশেদে আমাদের যে বড়ী খাইয়া ছিলেন তাঁর হাতে কখনো কোনো পোয়াতী মরেনি, কোনো বাচ্চা কোনো অখম নিরে জন্মানি। আর তাঁর সব কেয়দানি তো শুধুমাত্র ছ’খানা খালি হাত দিয়ে—ডাক্তারদের যন্ত্রপাতির তো উনি ধার ধারতেন না।’

আমি বললুম, ‘আমাদের দেশে গ্রামাকলে এখনো এ রকম খাই আছেন তবে বোম্বাই শহর, সেখানে সুরেব-সুবোদের ব্যাপার।’

উৎসাহিত হয়ে বললেন, ‘আপনি ঠিক ধরেছেন কিন্তু আজকের দিনের বড় শহরে কেউ আর একথা মানে না। আমার মেয়েকে চিঠিতে ঐ কথা লিখেছিলুম, সে তো হেসেই উড়িয়ে দিল।’

চূপ করে থেকে বললেন, ‘আর দেবেই না কেন ? ওর ছেলেবেলা ও মেশেদে কাটিয়েছে কিন্তু মেশেদের জন্য তো ওর এতটুকু দরদ নেই। আমার স্বামীই মত, লগুন-প্যারিসের নামে অজ্ঞান।’

আমি সাশ্বনা দিয়ে বললুম, ‘আপনি এ নিরে এত শোক করেন কেন ? সে সব কাল গেছে, জমানা বদলে গিয়েছে ; এখনও মাতুষ আকড়ে ধরে থাকবে নাকি মেশেদ-কারবালা, কান্দাহার-হিরাত ?’

বললেন, ‘কেন, আপনি তো প্যারিস ভিয়েনা লগুন বার্লিন দেখেছেন—তবু তো কিরে যাচ্ছেন কোথাকার এক ছোট শহরে।’

আমি ঘাড় চুলকে বললুম, ‘আমার যে মা রয়েছে।’

বললেন, ‘একই কথা ; মা যা মায়ের শহরও তা।’

* * *

বোম্বাইয়ে জাহাজ ভিড়েছে। এক সুন্দরী তরুণী আর ছোকরাকে দেখে আমার পরিচিতা মহিলা আকুল হয়ে উঠলেন। তাঁরা জাহাজে উঠতেই তিনজনে জড়াছড়ি কোলাকুলি। আমি একটুখানি কেটে পড়লুম।

তা হলে কি হয়, আমার নিষ্কৃতি নেই। আমাকে পাকড়ে ধরে নিরে মেয়ে জামাইকে বার বার বলেন, ‘এই আমার বন্ধু, দিল-জানের দোস্ত, আমার সঙ্গে ফার্সী কথা করেছে, ফুর্তি-কার্তি হৈ-হরা ছেড়ে দিয়ে।’

মেয়ে যতই জিজ্ঞেস করে, জাহাজে ছিলে কি রকম, খেলে কি, বাবা কি রকম আছেন, কেবা শোনে কার কথা, সত্য সত্যই জাহাজে যেন ‘সমুদ্রে যোদন’। তিনি বার বার বলেন, বুকালি, নয়মি, এঁকে আচ্ছানে খাইয়ে দিতে হবে। পোলাওর সব মালমসলা আছে তো বাড়িতে ?’

ভেবেছিলুম হোটেলের উঠব। মহিলা শোনারাত্র আমাকে হাত ধরে হিড়-হিড় করে টেনে নিয়ে চললেন তাঁদের সঙ্গে; আমাকে কড়া নজরে রাখলেন কার্টম অফিসে, যেন আমি চোরাই মদ-পাছে কার্টম আমাকে পাকড়ে নিয়ে যায়।

তিন দিন তাঁদের সঙ্গে থেকে অতি কষ্টে নিষ্কৃতি পাই।

সে তিন দিন কি রকম ছিলুম? মাছ যে রকম জলে থাকে। ফুল বলা হল; মাছকে যদি শুখান, 'কি রকম আছে?' তবে সে বলবে, 'সৈয়দের ব্যাটা যে রকম ইছদি পরিবারে ছিল।' ॥

কোন্-ভিনারের মা

বরদায় চাকরি নেবার কয়েকদিন পরেই ডাঃ এর্নস্ট কোন্-ভিনারের (অর্থাৎ ভিয়েনার Cohn) সঙ্গে আলাপ হয়। যদিও নাম থেকে বোঝা যায়, 'কোন্' পরিবার এককালে ভিয়েনার বসবাস করতেন তবু ইনি বার্লিনেই জন্মান, পড়াশুনো করে সেখানে নামজাদা অধ্যাপক হন এবং হিটলার ইছদীদের উপর চোটপাট আরম্ভ করার সঙ্গে সঙ্গেই সঙ্গীক লগুন চলে যান। বৃড়ো মহারাজ তৃতীয় সম্রাজীরাও তাঁকে সেখান থেকে পাকড়াও করে নিয়ে এসে বরোদা জাহ্নঘরের বড়কর্তা বানিয়ে বসিয়ে দেন।

লোকটির পাণ্ডিত্য ছিল অসাধারণ এবং তাঁর স্ত্রীও এতখানি লেখাপড়া জানতেন যে তিনি তাঁর স্বামীকে পর্যন্ত কাজকর্মে সাহায্য করতে পারতেন। সম্রাজীরাওয়ের পাঠানো 'ভিনাস দি মিলো' মাইকেল এঞ্জেলোর তৈরি 'মোজেস' ও 'মুম্বু' দাসের' প্লাস্টার-কাস্ট যেদিন বার্লিন থেকে বরদা এসে পৌঁছল, সেদিন ক্রাউ কোন্-ভিনারের কাঁ উস্তেজনা-উৎসাহ! স্টেশনে গিয়ে সেই বিরাট বিরাট বাস্তু তদারকি করে নামালেন, আহারনিজ্ঞা শিকের তুলে দিয়ে কাস্টগুলোকে জাহ্নঘরে সাজালেন,—সে সময় তিনি জাহ্নঘরে একটানা চব্বিশ ঘণ্টা কাটিয়েছিলেন,—তারপর ফোলা-ফোলা লাল-লাল চোখ নিয়ে বেরলেন, আমাদের খবর দিতে, প্রতুরা বহাল-তবিরতে জাহ্নঘরে আসন জমিয়ে আমাদের জন্য প্রতীক্ষা করছেন। পাছে আমি হজুরদের কিম্বৎ ঠিকমত মালুম না করতে পেরে তেঁাদের 'তাচ্ছিল্য' করি, তাই আমাকে

তাঁর মোটরে ভুলে নিয়ে গিয়ে হজুরদের সঙ্গে নিয়ে পরিচয় করিয়ে দিলেন। হজুরদের নাম-গোত্র, হাল-হকিকৎ, হাড়-হৃদ এমনি গটগট করে বরান করে দিলেন যে, তার থেকেই বুঝতে পারলুম যে এঁর এলিমের এক কাহন পেলেও আমি সবে বোম্বাই-বরদা-আহমদাবাদের 'কলা-বাজারে' বাকী জীবন বেপয়োয়া হয়ে দাবড়ে বেড়াতে পারব।

আর স্মার ডক্টর কোন্-ভিনারের পাণ্ডিত্য আমাকে ফলিয়ে বলতে হবে না। নন্দন-শাস্ত্র এবং বিশ্ব-স্থাপত্যের বিভিন্ন শৈলী সম্বন্ধে তিনি যেনব কেতাব লিখে গিয়েছেন, সেগুলো নাৎসী-পতনের পর ফের ছাপা হতে শুরু হয়েছে।

স্থাপত্যে পণ্ডিত অথচ বাল্যকালে তিনি লেখাপড়া শেখেন রাব্বিদের (ইহুদী পুরুত-পণ্ডিত) টোলে। তাই ইহুদী ধর্ম সম্বন্ধে তাঁর জ্ঞান ছিল গভীর ; অথচ ইহুদীদের আচার-ব্যবহার, তাদের কঙ্গুসি নিয়ে তিনি ঠাট্টা-মক্কা কয়তে ইহুদীর শত্রু ক্রীশানের চেয়েও ছিলেন বাড়া। সেসব রসিকতা একদিন মোকা-মাফিক ছাড়বার বাসনা আমার আছে।

স্বামী-স্ত্রী দুজনেরই বয়স পঞ্চাশের কাছাকাছি। পুত্র-কন্যা হয়নি, অথচ দুজনেরই হৃদয় ছিল স্নেহে ভরা। 'দেশের' পাঠক এই ইঙ্গিত থেকেই টক করে বুঝে যাবেন, আমি তাঁর ন'সিকে স্মরণে নিতে কস্বর করিনি। যতদিন কোন্-ভিনাররা এদেশে ছিলেন, ততদিন জর্মন বই, মাসিক, খবরের কাগজের অন্ত আমাকে কিছুমাত্র দুর্ভাবনা করতে হয়নি।

'সে বছরে ফাঁকা, পেছ কিছু টাকা ধরনে কি করে যে কিছু টাকা আমার হাতে '৩৮ ইংরেজিতে জমে গিয়েছিল, সেটা নিতান্ত আমি বলছি বলেই আজ আমার বিশ্বাস হয়—হায়, এখন যা অবস্থা, '৩৮-এর মুহূর্তবা আলীকে পথে পেলে 'দাদা, বাছা' বলে তার কাছ থেকে দু-পয়সা হাতিয়ে নিতুম।

তা সে কথা যাকগে। সেই জমানো টাকাটা হাতে বড় বেশি চুলকোচ্ছিল বলে বাসনা হল জর্মনিতে গিয়ে সে-টাকাটা পুড়িয়ে আসি। বন্ধুবান্ধব সে-দেশে মেলা, ওদিকে হিটলার যা নাচন-কুদন আরম্ভ করেছে, কখন না হুম করে লড়াই মেগে যায়, আর তাঁরাও সেই বেপ্যাচে পড়ে প্রাণটা হারান।

বরদা ছোট্ট জায়গা—তাই খাসা জায়গা। তিন দিনের ভিতর পাসপোর্ট হয়ে গেল। বোম্বাই কাছে ; ট্রান্সকল করে আহাজের টিকিট কাটা হয়ে গেল—আর গরম স্টমুট তো ছিলই। শিকের হাড়ি থেকে নামিয়ে কেড়েগুড়ে তৈরি হয়ে নিলুম।

কোন্-ভিনারদের বললুম, জর্মনি যাচ্ছি।

তুনে হুজনেই চমকে উঠলেন। তারপর অনেকক্ষণ ধরে চূপ করে রইলেন।
বুঝলুম, দেশের ছবি চোখের সামনে ভেসে উঠেছে—যে-দেশ আবার দেখবার
সৌভাগ্য হয়ত তাঁদের জীবনে আর কখনো আসবে না। আর কিছু বুঝি না বুঝি
বিদেশে দেশের কথা স্মরণ করিয়ে দিলে বুকটা যে কি রকম তেলে-ফেলা বেগুনের
মত ছ্যাৎ করে ওঠে, সেটা বিলক্ষণ বুঝি; এবাবতে আমি বিস্তর পোড়-খাওয়া
গর। চূপ করে রইলুম।

কোন্-ভিনার শুধালেন, ‘আপনি কি বার্লিন যাবেন?’

আমি বললুম, ‘এবারে জর্মনি যাচ্ছি বন্ধুবান্ধবদের সঙ্গে দেখা করতে। তাঁরা
তামাম জর্মনি ছড়িয়ে। বরু, কলোন, হানোফার বার্লিন অনেক জায়গায় যেতে
হবে।’

কোন্-ভিনার বললেন, ‘আমরা বার্লিন ছাড়ি ’৩৩-এ। এদেশে আসি ’৩৫-এ
এখানে আসার পর আমার পরিচিত কেউ বার্লিন যায় নি; আমার বুড়ী মাকে
এই তিন বৎসরের ভিতর কেউ গিয়ে বলতে পারেনি যে সে আমাকে দেখেছে,
আমি ভালো আছি। আমি ছাড়া আমার মায়ের এ-সংসারে আর কেউ নেই।
আপনি যদি—’

আমি বললুম, ‘আমি অতি অবশ্য তাঁর সঙ্গে দেখা করতে যাব; আপনি
নিশ্চিত থাকুন।’

খানিকটা কিস্ত কিস্ত করে কোন্-ভিনার শেষটায় বললেন, ‘তবে দেখুন,
একখানা পোস্টকার্ড লিখে তারপর যাবেন। আমার মায় বয়স আশীর কাছা-
কাছি। আপনি যদি হঠাৎ গিয়ে উপস্থিত হন তবে তিনি জোর শক পাবেন।
সেটা সায়লাবার জন্ত—’

আমি বললুম, ‘নিশ্চয়, নিশ্চয়। আমি খবর দিয়েই যাব।’

কোন্-ভিনার বললেন, ‘আর দেখুন, আমার যে হার্ট-ট্রাবল সেটা একদম
চেপে যাবেন। কি হবে বুড়ীকে জানিয়ে? আমার বাবাও হার্টে মারা
যান।’

আমি বললুম, ‘বুঝিয়ে বলতে হবে না। আমি ঠিক ধরতে পেরেছি।
এ-জিনিস সবাই করে থাকে। আমি ঠুকে বলব, আপনারা হুজনেই আরাধে
দিন কাটাচ্ছেন। এই তো?’

পবননন্দনপদ্ধতিতে এক লক্ষ বাসিন পৌঁছাইনি। বোম্বাই, জেনগুয়া, জিনীতা, লেঙ্গা, বম্ব, কলোন, ডুসেলডাফ, হানোফার হয়ে হয়ে শেষটায় বাসিন পৌঁছলুম। পূর্বেই নিবেদন করেছি, বিষ্ণুচক্র কর্তিত খণ্ড খণ্ড সতীদেহের স্তায় আমার বন্ধুবান্ধব ছড়িয়ে আছেন দেশ-বিদেশে।

'৩২-এ নাৎসিরা রাস্তায় কম্যুনিষ্টদের উপর গুণ্ডামি করতো, '৩৪-এ তারা ছিল দস্তী—এবারে '৩৮-এ গিয়ে দেখি, তাদের গুণ্ডামিটা চলছে ইহুদীদের উপর। তার বর্ণনা অনেকেই পড়েছেন, আমাকে আর নূতন করে বলতে হবে না।

পোস্টকার্ডে লিখলুম, 'আমি এর্নস্ট কোন্-ভিনারের মিত্র; বরোদা থেকে এমেছি, আপনার সঙ্গে বুধবার দিন সকাল দশটায় দেখা করতে আসব।'

যে মহল্লায় কোন্-ভিনারের মা থাকতেন আমি সে পাড়ায় পূর্বে কখনো যাইনি। যে বিরাট চক-মেলানো বাড়ির সম্মুখে উপস্থিত হলুম, সেখানে অন্তত চল্লিশটা ফ্ল্যাট থাকার কথা। অথচ অবাক হলুম, জার্মান বাড়ির ঠেউড়িতে যে রকম সচরাচর সব পরিবারের নাম আর ফ্ল্যাটের নম্বর লেখা থাকে এখানে তার কিছুই নেই। ওঁদিকে দেউড়ির চেহারা দেখে মনে হল, এককালে, নেমপ্রেটগুলো দেউড়ির পাশের দেয়ালে লাগানো ছিল। যে ছ'-একটি লোক আনাগোনা করছে তাঁদের চেহারা দেখে স্পষ্ট বোঝা গেল এরা ইহুদী—অনুমান করলুম, সমস্ত বাড়িটাই ইহুদিদের—এবং চোখেমুখে কেমন যেন ভীত-সন্ত্রস্ত ভাব! আমার দিকে তাকালও সন্দেহের চোখে, আড়নয়নে।

বুড়ীর ফ্ল্যাটের নম্বর আমি জানতুম। একজনকে জিজ্ঞেস করলুম, 'বারো নম্বর ফ্ল্যাটে যেতে হলে কোন সিঁড়ি দিয়ে ক'তলায় যেতে হয় বলতে পারেন?' 'না' বলে লোকটা কেটে পড়ল। আরো ছ'তিনজনকে জিজ্ঞেস করলুম, সবাই বলে 'না'।

আমি অত্যন্ত আশ্চর্য হলুম, কারণ আমার অজানা ছিল না যে, ইহুদিরা পাড়াপ্রতিবেশীর খবর রাখা সবচেয়ে বেশি—এবং বিশেষ করে প্রতিবেশী যদি আপন জাতের লোক হয়।

তখন হঠাৎ আমার মাথায় ভিতর দিয়ে যেন বিছাৎ খেলে গেল। মনে পড়ল, দশ বৎসর পূর্বে কাবুলেও আমার ঐ অভিজ্ঞতা হয়েছিল। সেখানেও রাস্তায় কেউ কারো বাড়ি বাৎলে দেয় না। কারণ অনুসন্ধান করাতে এক বিচক্ষণ কাবুলী বলেছিলেন, 'বলতে যাবে কেন? তুমি যদি লোকটার বন্ধু হও, তবে তার বাড়ি কোথায়, সে-কথা তো তোমার জানা থাকার কথা। হয়তো

তুমি শাই, কিংবা রাজার কাছ থেকে এসেছ তাকে তলব করতে। সেখানে হয়তো তার কাঁসি হবে। লোকটার বাড়ি বাৎলে দিয়ে আমি তার অপব্যত্য়র গোঁণ কারণ হতে যাব কেন ?’

এখানে ইহদিয়াও ঠিক সেই পন্থাই ধরেছে। হয়ত আমি নাংসী শাই— কি মতলবে এসেছি কে জানে ?

শেষটার অনেক গুঠা-নামা করে বার নম্বর স্ল্যাট খুঁজে পেলুম—বহু স্ল্যাটের নম্বর পর্যন্ত ইহদিয়া সরিয়ে ফেলেছে। ঘণ্টা বাজাতে দরজার একটা কাচের ফুটো (এ ফুটোটা আবার পিতলের চাক্কি দিয়ে ভিতর থেকে ঢেকে রাখা হয়) দিয়ে কে যেন আমার দেখে নিলে। আমি একটু চেষ্টিয়ে আমার পরিচয় দিলুম।

একটি তরুণী—তারও মুখে উত্তেজনা আর ভীতি—দরজা খুলে দিল। আমি ঢুকতেই তড়িঘড়ি দরজা বন্ধ করে দিল।

আমাকে নিয়ে গেল ড্রয়িং-রুমে। সেখানে দেখি এক অধর্ষ খুরখুরে বুড়ী কোঁচের এক কোণে কোঁচেরই চামড়ার সঙ্গে হাত আর মুখের শুকনো চামড়া মিলিয়ে দিয়ে বসে আছেন। আমাকে দেখতে পেয়ে উঠে দাঁড়াবার চেষ্টা করলেন। আমি বললুম, ‘করেন কি, করেন কি, আমি এর্নস্টের বন্ধু, আমার সঙ্গে লোকিকতা করতে হবে না।’

তবু বুড়ী অতিকষ্টে উঠে দাঁড়ালেন। দুশানা হাড়ি-সার কালি কালি হাত দিয়ে আমার ছ-বাহু ধরে বললেন, ‘বারাকার চলুন—সেখানে আলোতে আপনাকে ভালো করে দেখব।’

বাইরে বসিয়ে আমাকে তাঁর ঘোলাটে চোখ দিয়ে অনেকক্ষণ ধরে দেখলেন।

তারপর হঠাৎ ঝরঝর করে ছ’চোখ দিয়ে জল ঝরে পড়ল—আমি তাঁর চোখের দিকে তাকিয়েছিলুম, হঠাৎ যে এ রকম ছ’চোখ ভেঙে জল নেমে আসবে তার কণামাত্র পূর্বাভাস পাইনি।

চোখ মুছে বললেন, ‘মাপ করবেন, আমি কাঁদছিলুম না, আমার চোখ দিয়ে যখন-তখন এ রকম জল নেমে আসে। আমি ঠেকিয়ে রাখতে পারিনি। আমি এখন কাঁদব কেন ? আমি কত খুশি ! এর্নস্ট কি রকম আছে ? তার বউ ?’

আমি বললুম, ‘বড় আয়ামে আছেন। জানেন তো, ভারতবর্ষ খারাপ দেশ

নয়। এন্স্টিটের কাজও শক্ত নয়। ভালো বাড়িঘর পেয়েছেন। আর জানেন তো এন্স্টিটের স্বভাব—হুবহু হয়েছো মাত্র এই মধ্যে অনেক বন্ধুবান্ধব জুটিয়ে নিয়েছেন। আপনার বোমা প্রায় প্রতি সপ্তাহেই আমাদের লাঞ্চ-ডিনার খাওয়ান। আমাকে বড় স্নেহ করেন।’

দেখি বুড়ী কাঁপছেন আর বার বার কন্মাল বের করে চোখ মুচছেন।

আমার হাত হুখানি ধরে বললেন,—‘কিছু মনে করবেন না। আমি বড় উত্তেজিত হয়ে পড়েছি—কিছুতেই নিজেকে সামলাতে পারছি। আমার বুকের ভিতর কি যেন হচ্ছে আমি কিছুই বুঝতে পারছি না।’

‘আপনি কাল আবার আসতে পারবেন? না,—হয়ত আপনার অনেক কাজ?’

আমি বুঝতে পারলুম, বুড়ী নিজেকে সামলাবার জ্ঞান সময় চান। বললুম, ‘নিশ্চয় নিশ্চয়। আমি কাল আসব। আমার কোনো অসুবিধে হবে না। আমার তো এখানে কোনো কাজ-কর্ম নেই; ছুটি কাটাতে এসেছি মাত্র।’

বানিয়ে বানিয়ে গল্প জমাচ্ছি না, তাই যদি বিবরণটি নন্দনশাস্ত্রসম্মত স্বরূপ গ্রহণ না করে তবে আশা করি সুশীল পাঠক অপরাধ নেবেন না। কোন্-ভিনায়ের মা’র বেদনা নিয়ে সুন্দর গল্প রচনা করা যায় জানি, কিন্তু আমার মনের উপর সে এমনই দাগ কেটে গেছে যে সেটাকে গল্পের খাতিরে ফের-ফার করতে আমার বড় বাধা বাধা ঠেকে। সুরমিক পাঠক সেটা হয়তো বুঝতে পারবেন না, তবে সন্দেহ পাঠকের সহানুভূতি পাব সে আশা মনে মনে পোষণ করি।

দ্বিতীয়বারে বুড়ী অতটা বিচলিত হলেন না। এবারেও কাঁদলেন তবে জর্মনি বিজ্ঞানের দেশ বলে তার একটা বৈজ্ঞানিক ব্যাখ্যাও দিলেন; বললেন, চোখের কাছে যে স্নাক থেকে জল বেরোয়, বুড়ো বয়সে মানুষ নাকি তার উপর কর্তৃত্ব হারিয়ে ফেলে। হবেও বা, কিন্তু বিদেশে ছেলের কথা ভেবে মা! যদি অঝোরে কাঁদে তবে তার জ্ঞান বৈজ্ঞানিক ব্যাখ্যার কি প্রয়োজন?

তখালেন, ‘এস্পেরেগাস্ খাবেন—একটুখানি গলানো মাখনের সঙ্গে?’

আমি তো অবাক। এস্পেরেগাস্ মানুষ খায় পশ্চিম বাঙলার যে বকর আমল খাওয়া হয়ে গেলে টক খাওয়া হয়। বলা নেই কওয়া নেই, সকালবেলা দশটার সময় স্নহ মানুষ হঠাৎ টক খেতে যাবে কেন?

সজাটা সেইখানেই। আমি এস্পেরেগাস্ খেতে এত ভালোবাসি যে রাত তিনটের সময় কেউ যদি দুই ভাঙিরে এস্পেরেগাস্ খেতে বলে তবে তখনই রাঙী হই। ভারতবর্ষে এস্পেরেগাস্ আসে টিনে করে—তাতে সত্যিকার সোয়াদ পাওয়া

যায় না—তাজা ইলিশ নোনা ইলিশের চেয়ে বেশি তকাত । সেই এম্পেরোগানের নামেই আমি যখন অজ্ঞান তখন এখানকার তাজা মাল ।

মা-ই বললেন, ‘আমি যখন এর্নস্টের কাছ থেকে খবর পেলুম, আপনি আমার সঙ্গে দেখা করতে আসবেন, তখন বউমাকে লিখলুম আপনি কি খেতে ভালোবাসেন সে খবর জানাতে । বউমা লিখলে, পুরো লাঞ্চ খাওয়াতে হবে না, শুধু এম্পেরোগান্ হলেই চলবে । সৈয়দ সাহেব মোবের মত এম্পেরোগান্ খান—বেলা অবেলায় ।’

বুড়ী মধুর হাসি হেসে বললেন, ‘পুরো লাঞ্চ এখন আমি আর বাঁধতে পারিনি, বউমা জানে । তাই আমার মনে কিস্ত-কিস্ত হয়ে গিয়েছে, হয়ত আমাকে মেহন্নত থেকে বাঁচাবার জন্য লিখেছে আপনি বেলা-অবেলায় এম্পেরোগান্ খান ।’

আমি বললুম, ‘আপনাকে দেখিয়ে দিচ্ছি ।’

‘দেশের’ চতুর পাঠকদের কাছ থেকে লুকিয়ে রেখে আর ক’ত লভ্য যে আমি পেটুক । উন্টে তাঁরা বুঝে যাবেন, মিথ্যেবাদীও বটে ।

এম্পেরোগানের পরিমাণ দেখে আমার চোখ দুটো পটাং করে নকেই থেকে ছিটকে বেরিয়ে গেল । মহা মূশকিলে সেগুলো কার্পেট থেকে কুড়িয়ে নিয়ে নকেটে চুকিয়ে এম্পেরোগান্ গ্রাস করতে বললুম ।

জানি, এক মণ বললে আপনারা বিশ্বাস করবেন না, কিন্তু প্রীজ, আধ মণ না মানলে আমাকে বড্ড বেদনা দেওয়া হবে । স্বকুমার মায়ের ‘খাই-খাই’খানে-ওয়ালাও সে-খানা শেষ করতে পারতো না ।

আমি ঐ এক বাবদেই আমার মাকে খুশি করতে পারতুম—গুরুভোজনে । ধর্মসাক্ষী, আর সব বাবদে মা আমাকে মাক্ করে দিয়েছেন । কোন্-ভিনায়ের মা পর্যন্ত খুশি হলেন, তাতে আর কিম্বাচ্চর্ষম্ !

হায়রে দুর্বল দেখনা—কি করে কোন্-ভিনায়ের মায়ের এম্পেরোগান্ রান্নার বর্ণনা বঃরিবৎ বয়ান করি ! অমিত্রাক্ষর ছন্দে শেষ কাব্য লিখেছেন মাইকেল, শেষ এম্পেরোগান্ রেখেছেন কোন্-ভিনায়ের মা ।

আহারাদি শেষ হলে পর কোন্-ভিনায়ের মা বললেন, ‘আপনার কাছে আমার একটা অসুযোগ আছে ।’

আমি বললুম, ‘আদেশ করুন ।’

তিনি বললেন, ‘আপনি যদি না করতে পারেন, তবে আমি কিছুমাত্র হুঃখিত হব না ।’

একটি অপরূপ ছিঁয়ে লাগানো সোনার আংটি বের করে বললেন, 'নাৎসিরা এখন আর কোনো দামী মিনিস জর্মনির বাইরে যেতে দেয় না—সে নিয়ে তাদের উপর আমার কোনো ক্ষোভ নেই—আমি কি করে জানবো দেশের মঙ্গল কিসে। কিন্তু এ আংটিটা এর্নস্টের প্রাপ্য। তার বাপঠাকুদা চোদ্দপুরুষ এই আংটিটা পরে বিয়ে করেছিলেন ; এ আংটিটা তাকে দেবেন।'

আমার আঙুলে ঠিক লেগে গেল। আমি বললুম, 'আপনাকে ভাবতে হবে না।'

একটা সোনার চেনে ঝোলানো জড়োয়া পদক দিয়ে বললেন, 'এটা এর্নস্টের বাপ আমাকে বিয়ের রাতে বাসরঘরে দিয়েছিলেন, (পঞ্চাশ বছর পরে সেই পরবের স্মরণে তিনি একটুখানি লাজুক হাসি হাসলেন) এটা বউমার প্রাপ্য। এটা আপনি তাকে দেবেন।'

আমি কলার খুলে গলায় পরে নিয়ে বললুম, 'নিশ্চিত থাকুন।'

কোন্-ভিনারের মা পইপই করে বললেন, 'কাস্টম্‌সের বিপদে পড়লে জানলা দিয়ে ফেলে দেবেন কিংবা ওদের দিয়ে দেবেন। আমি কোনো শোক করব না। ছেলে, বউকে আমি চিঠিতে এ বিষয়ে কিছুই জানাচ্ছি। তাদেরও কোনো শোক হবে না।'

বরোদা ফিরে আমি কোন্-ভিনারকে আংটি দিলুম, তাঁর বউকে পদক দিলুম।

*

*

*

ছ'মাস পরে বুড়ী মারা যান। কোন্-ভিনার এক বছর পরে মারা যান। তাঁর স্ত্রী এখন কোথায় জানিনে।

কোদণ্ড মুখহানা

(জীবনী)

দ্বিতীয়বার বিলেত যাওয়ার সময় আহাজে চড়ে যে অহুতিটা হয়, তার সঙ্গে দোজবরের মনের অবস্থা তুলনা করা যেতে পারে। ঔৎসুক্য, আশঙ্কা সব কিছুই তখন কমতি ঘটে, বাড়তিতে থাকে শুধুমাত্র হুঁশিয়ারিটা, অর্থাৎ প্রথমবারে যে-সব ভুল করেছি, আবার যেন সেগুলো নতুন করে না করতে হয়। প্রথমবারে উৎসাহের চোটে বউকে কুমারজীবনের দু'একটা রোমাটিক কাহিনী বলে ফেলে যে মারাত্মক ভুল করেছিলুম, এবারে আর সেটি করব না। প্রথমবার বিলেত যাওয়ার সময় প্রকাশ করে ফেলেছিলুম যে পকেট লাইট-ওয়েটে চেম্পিয়ান, এবারে আর সে পাচালি না, এবার ব্লাফ দিয়ে স্টুয়ার্ড কেবিনবর সকলের কাছ থেকে পুরোমাত্রায় খাতিরযত্ন উত্তস করে মামুলিটিপ দিয়েই মোকামে পৌঁছব।

তারই ব্যবস্থা করতে করতে খানার ঘণ্টা বেজে গেল। প্রথমবার বিলেতে যাবার সময় ঘণ্টা শুনে জেলের কয়েদীর মত হস্তদস্ত হয়ে ছুট মেয়েছিলুম খানা-কামরার দিকে, এবারে গেলুম ধীরে-স্থে, গজ-মহুরে। এবারে ভয় নেই, ভয়সাও নেই!

ভেবেছিলুম, গিয়ে দেখব, সায়েব-মেমের হৈ-হন্সার এক পাশে নেটিভুয়া মাথা গুঁজে ছুরি-কাটার সঙ্গে ধস্তাধস্তি করতে এমনি ব্যস্ত যে একে অন্তের মুখের দিকে তাকাবার ফুরসৎ পাচ্ছেন না, কিন্তু যা দেখলুম, তাতে একেবারে আশ্চর্য হয়ে যেতে হয়।

উত্তম বিলিতি কাটের ডবল-ব্রেস্ট কোট, মানানসই শার্টকলার, শিষ্ট-সংবৃত টাই-পর। এক শ্রামবর্ণের দোহারা গঠন দীর্ঘাকৃতি উদ্ভলোক তুর্কী টুপির ট্যাসেল ছুলিয়ে মাথা নেড়ে নেড়ে গল্প বলে আসন্ন জমিয়ে তুলেছেন আর আটজন ভারতীয় অন্নগেলা বন্ধ করে গোত্রালে তার গল্প গিলছে। আমি টেবিলের পাশে এসে দাঁড়াতেই উদ্ভলোক অভিশয় সপ্রতিভভাবে গল্প বলা বন্ধ করে উঠে দাঁড়ালেন। ছাপকিনে হাত মুছতে মুছতে বৃহৎ হেসে বললেন, 'এই

যে আহ্ন, ভাস্কর সাহেব, আপনার অন্তেই অপেক্ষা করেছিলুম। টেবিলের মাথাটা আপনার অন্তেই রেখেছি, আর তো সব ছেলে-ছোকরার দল! এদের সঙ্গে আপনার আলাপ করিয়ে দিই।’ বলে বেশ গট গট করে বোস, চাটুজ্যে শুরু, মিশ্র, চৌধুরী ইত্যাদি আটজন ভারতীয়ের নাম অবলীলাক্রমে বলে যেতে লাগলেন।

লোকটি গুণী বটে! দশ মিনিট হল খাবার বস্টা পড়েছে। এরি মধ্যে আটজন লোকের সঙ্গে শুধু-যে আলাপই করে নিয়েছে তাই নয়, সকলের নাম বেশ স্পষ্ট মনেও রেখেছে।

সব শেষে বললেন, ‘আমার নাম মুখানা।’

এ আবার কোন দিশী নাম রে বাবা! পরনে স্ট্রট, মাথায় তুর্কী টুপি! গড়গড় করে তুল-তুকে-মেশানো ইংরিজি বলছে। মিশরের লোক? উহঁ! সিংহলী? কি জানি। মুসলমান তো নিশ্চয়ই—তুর্কী টুপি যখন রয়েছে।

হু’খানা কর্ক হাতে তুলে নিয়ে আমার দিকে তাকিয়ে বললেন, ‘এঁদের রাসুল পাশার গল্প শোনাচ্ছি’।* বলে গোড়ার দিকটা যে আমি শুনতে পাইনি, তার অন্তে যেন মাপ চাওয়ার মত হাসি হেসে বললেন, ‘আশ্চর্য লোক রাসুল পাশা। প্রথম তো মিশর থেকে তাড়ালেন হসীস। তারপর এসে জুটল ককেইন। সে যে কি অদ্ভুত কায়দায় মিশরে ঢুকতো, তার সন্ধান না পেয়ে সি. আই. ডি. যখন হার মানলো, তখন রাসুল পাশাই কায়দাটা বের করলেন। কি করে যে লক্ষ্য করলেন, ভিয়েনা থেকে টেবিলের পায়ার ভিতরে করে গুপ্তি ককেইন আসছে, সেটা তাঁকে না জিজ্ঞেস করে সি. আই. ডি. পর্যন্ত ঠা’হর করতে পারেনি। রাসুল পাশাই বুঝিয়ে বললেন, ‘ভিয়েনার চেয়ে কাইরোর কাঠের আসবাব অনেক বেশি মিহিন, সস্তাও বটে। তার থেকেই বুঝলুম, নিশ্চয়ই কোনরকম শয়তানীর খেল রয়েছে। একটা টেবিলের পায়ার ভিতরেই ককেইন বেরিয়ে পড়ল।’ বুঝুন, লোকটার কড়া চোখের ভেজ। কাস্টম অফিসে কি মাল আছে-যাচ্ছে, তাতে যেন এক্সরে হয়ে ঢুকছে বেরুচ্ছে।’

তারপর গল্প কাস্ত দিয়ে নিপুণ হাতে হু’খান কর্ক দিয়ে মাছের কাটা বাছতে লাগলেন। তদ্রলোকের খাওয়ার তরিবংটা দেখবার মত হেকমৎ—যেন পাকা

* ৩৩ পৃঃ ত্রুটি।

সার্জনের অপারেশন। এবং তার চেয়েও তারিফ করবার জিনিস তাঁর গল্পকরা এবং সঙ্গে সঙ্গে খেয়ে-খাওয়ার মেকদার জ্ঞান। খাওয়ার সময় যারা গল্প বলতে ভালোবাসে, তাদের বেশির ভাগই খাওয়াটা অবহেলা করে শেষের দিকে হুড়হুড় করে সব কিছু গিলে ফেলে। এ ভদ্রলোক দুটোই একসঙ্গে চালানেন ধীরে-স্থির, তাড়াহুড়ো না করে। আমি বললুম, ‘আপনি দেখছি মিশরের অনেক কথাই জানেন।’ তাঁর মুখে তখন মাছ। কথা না বলে আমার দিকে চেয়ে একটু হাসলেন। ভাবখানা এই ‘একটু দাঁড়ান, গ্রাসটা গিলি, তারপর বলব।’...বললেন, ‘জানব না? আমি আঠার বছর কাইরোতে কাটালুম যে।’

আমি জিজ্ঞেস করলুম, ‘মিশর ছাড়লেন কবে?’ তিনি বললেন, ‘ছাড়বো কেন, এখনও তো সেখানেই আছি।’

আমি যেন হাতে স্বর্গ পেলুম। বললুম, ‘বিলেত থেকে কেয়ার মুখে কিছুদিন মিশরে কাটানো আমার বাসনা। কাইরোতেই থাকব ভাবছি।’

প্লেটের মাছের দিকে তাকিয়েই বললেন, ‘হঁ!’

আমি তো অবাক। এরকম অবস্থায় দেশের লোক অন্ততপক্ষে বলে, আসবার খবরটা দেবেন, সঙ্কল্প লোক নানা প্রকার সাহায্যের প্রতিশ্রুতি দেয়। এ ভদ্রলোকের কথাবার্তা চালচলন দেখে তো মনে হয়েছিল, ইনি কাইরোর মত পাণ্ডুবর্জিত দেশে স্বদেশবাসীকে লুকে নিন আর নাই নিন গতানুগতিক ভদ্রতার সর্ধনাটা অন্তত করবেন। তাই তাঁর দরদহীন ‘হঁ-’টার ভেজা-কমল আমার সর্বাঙ্গে যেন কাঁপন লাগিয়ে দিল। আর পাঁচজনও যে একটু আশ্চর্য হয়েছেন স্পষ্ট বুঝতে পারলুম। তারপর গালগল্প তেমন করে আর জমলো না।

খাওয়ার পর উপরে এসে ডেকচেয়ারে শুয়ে বিরল বিবর্ণ সমুদ্রের দিকে তাকিয়ে আছি, এমন সময় সেই ভদ্রলোক আমার সামনে এসে দাঁড়ালেন। আমার মুখে তিনি ঈষৎ অবহেলার ভাব লক্ষ্য করলেন কিনা জানিনে, তবে বেশ সপ্রতিভভাবেই আমার পাশের ডেকচেয়ারে হেলান দিয়ে বললেন, ‘আপনি আমার মাপ করুন।’ আমি বললুম, ‘সে কি কথা, কি হয়েছে?’ বললেন, ‘আমি ভারতবাসী, তাই ভারতীয়দের প্রতি আমার একটু অভিমান আছে। এই আঠার বৎসর ধরে আমি মিশর ভারতবর্ষ করে আসছি। প্রতিবারই ছুঁচায়জন ভারতীয় উৎসাহের সঙ্গে কাইরো আসবে বলে প্রতিজ্ঞা করে—আজ পর্যন্ত কেউ আসেনি। আপনি আসবেন কিনা জানিনে, তবে স্ট্যাটিস্টিক্স যদি পাকাপাকি

বিজ্ঞান হয়, না আসার সম্ভাবনাই বেশি। তাই আমার অভিমান, এখন কেউ কাইরো যাবার প্রস্তাব করলে আমি গা করিনে।’

তারপর তিনি হঠাৎ খাড়া হয়ে বসলেন। বেশ একটু গরম স্বরে বললেন, ‘আশ্চর্য হই বার বার এই স্বদেশবাসী ছাত্রদের দেখে। বিলেতে ডিগ্রী পাওয়া মাত্রই ছুট দেয় দেশের দিকে, সেই ক্যাশনার্টিফিকেট ভাঙাবার অন্তে। কতবার কত ছেলেকে বুঝিয়ে বলেছি, মিশরীয় সভ্যতা ভাল করে দেখবার জিনিস, ওর থেকে অনেক কিছু শেখবার মত আছে, এমনকি নেমস্তন্ন করেছি আমার বাড়িতে ওঠবার অন্তে, কিন্তু কা কস্ত পরিবেদনা। কি হবে এদের দ্বিগ্নে বুঝতে পারিনে।’

আমি চুপ করে শুনে গেলুম। কি আর বলব? তারপর বললেন, ‘আমি নিজে লেখাপড়া করবার সুযোগ-সুবিধে পাইনি। বাবা অল্প বয়সে মারা যান বলে। তাই—’

আমি বাধা দিয়ে বললুম, ‘সে কি কথা? আপনি তো চমৎকার ইংরিজী বলছেন।’

মুখহানা মুচকি হেসে বললেন, ‘ইংরেজ চাষা আমার চেয়ে ভাল ইংরিজী বলে। তাই বলে সেও শিক্ষিত নাকি? আপনিও এই কথাটা বললেন? আপনি না হের ডক্টর!’

এক মাথা লজ্জা পেলুম।

বললেন, ‘তবু আপনার নেমস্তন্ন রইল। ইউরোপ থেকে ফেরবার মুখে আসবেন? তবে আলেকজান্দ্রিয়ায় নেমে আমাকে তার করবেন। আমার টেলিগ্রাফী ঠিকানা ‘মোহিনী টী’, আমার চায়ের ব্যবসা।’

আমি আশ্চর্য হয়ে বললুম, ‘মিশরের লোক কি চা খায়? বেশ গর্বের সঙ্গে বললেন, ‘আগে খেত না। এখন তার বাপ খায়। আমি খাইয়ে ছেড়েছি। আপনি কিন্তু ঠিকই জিজ্ঞেস করেছেন—আগে তারা শুধু কফি খেত।’

আমি আরও আশ্চর্য হয়ে বললুম, ‘আপনি খাইয়ে ছেড়েছেন, তার মানে?’ খুব একগাল হেসে নিয়ে বললেন, ‘তাহলে আপনার সামনে একটু উচু ঘোড়া চড়ে নিই। আপনাদের তো লেখাপড়া হাই-জম্প লঙ-জম্প। আমার ব্যবসায়। বলব সব?’

আমি বললুম, ‘ভারতের লোক মিশরে চা বেচছে, একথা শুনে কার না আনন্দ হয়? আপনি ভাল করে সব কিছু বলুন।’

মুখহানা বললেন, ‘তাকে শুধুন। আমার বাড়ি কুর্গে। বাবা অল্প বয়সে

মারা যান, আগেই বলেছি। তাই ১৯১৬ সনে চুকে পড়লাম কুর্গ পন্টনে, জানেন তো, কুর্গের লোক আর সব ভারতীয়ের চেয়ে আলাদা। রাইফেলটা, লড়াইটার নাম শুনে ভয় পায় না। আমাদের পন্টনের সঙ্গে সঙ্গে আমি গেলুম আলেকজ্যান্ড্রিয়া। তারপর তান্তা, দামনহর, জগাজ্জিগ্ করে করে শেষটায় কাইরো। আড়াই বছর ছিলুম কাইরোতে। তারপর লড়াই থামল। মহাত্মা গান্ধী শুরু করেছেন অসহযোগ আন্দোলন। ইংরেজের উপর আমারও মন গিয়েছে বিগড়ে—বিশেষ করে লড়াইয়ের সময় কালো-ধলার তফাত করার ঝামেলা দেখে দেখে। ভাবলুম, কি হবে দেশে ফিরে গিয়ে। তার চেয়ে এখানে যদি জগলুল পাশার দলে ভিড়ে যেতে পারি, তবে ভারতবর্ষের আন্দোলনের সঙ্গে এদের স্বাধীনতা আন্দোলন মেলাবার সুবিধে হলে হয়েও যেতে পারে।

‘পড়ে রইলুম কাইরোয়। পন্টন থেকে খালানী পাওয়ার সময় যা-কিছু টাকাকড়ি পেয়েছিলুম, তাই দিয়ে বাধলুম ছোট একটি বাসা—অর্থাৎ ফ্ল্যাট। জগলুলের দলের সঙ্গে যোগাযোগও হল, কিন্তু মুশকিলে পড়লুম অন্নবস্ত্রের সমস্যা নিয়ে। ওঁরা অবিশ্বি আমার এ-সব ভাবনা পার্টির কাঁধে তুলে নিতে খুশি হয়েই রাজী হতেন, কিন্তু হাজার হোক ওঁরা বিদেশী, ওঁদের টাকা আমি নেব কেন? তাই ফাদতে হল ব্যবসা। খুললুম চায়ের দোকান। পার্টির মেম্বাররাই হলেন প্রথম খদ্দের। ওঁরা আমার ফ্ল্যাটে চা খেয়ে খেয়ে চায়ের তত্ত্ব সমঝে গিয়েছিলেন।

‘তখন লাগল আমাতে কফিতে লড়াই। আর সে লড়াই এমনি মারাত্মক হয়ে দাঁড়ালো যে, বাধ্য হয়ে আমাকে পলিটিক্স ছাড়তে হল। নেংটি পরে অসহযোগ করতে পারেন গান্ধী, আমি পারিনি। অবশ্য লড়াইয়ের লুট তখন কিছু কিছু আসতে আরম্ভ করেছে—অর্থাৎ ছু’পয়সা কামাতে শুরু করেছি। পার্টি-মেম্বারদের চাটা-আঁসটা ফ্রি খাওয়াই, তাহাতেই তাঁরা খুশি। টাকাকড়িও মাঝে-মাঝে—কিন্তু সেকথা যাক।’

আমি ছুটো শরবতের অর্ডার দিলুম। মুখহানা আমার হাত চেপে ধরে বললেন, ‘আপনি এখনো কামাতে শুরু করেননি—আমি কারবারী, বিলটা আমিই সই করি।’

আমি কাচুমাচু হয়ে বললুম, ‘সামান্য ছু’পয়সা—।’

হেসে বললেন, ‘ইকসেক্টলি। বেশি হলে দিতুম না।’

আমি শুধালুম, ‘আপনার সঙ্গে কফির লড়াইটা কতদিন চলেছিল?’

‘বহু বৎসর। এখনো চলছে। কিন্তু পরলা রোঁদে মার খেয়েই বুঝতে পারলুম, মাত্র একখানা চায়ের দোকান সমস্ত দেশের কফির সঙ্গে কখনই লড়াইতে পারবে না। তাই আরম্ভ করলুম চায়ের পাতা বিক্রি। কিন্তু ক্রকবণ্ড ‘লিফ্টন’ বিক্রি করে আমার লাভ হয় কম, আর যে ইংরাজকে দেখলে আমার ব্রহ্মরক্ষ দিয়ে ধুঁয়ো বেরোয়, তার হয়ে যায় প’বারো। কাজেই আনাতে হল চায়ের পাতা আসাম থেকে, দার্জিলিঙ থেকে, দিংহল থেকে। কিন্তু রেণ্ডিঙের জানিনে কিছুই, চায়ের স্বাদও ভাল করে বুঝতে পারিনে—ছেলেবেলা থেকে খেয়েছি কফি, কারণ কুর্গের লোক মিশরীদের মতোই কফি খায়। তখন জিহ্বাটাকে স্বাদকাতর করবার জন্য বাধ্য হয়ে ছাড়তে হল সিগার, খাবার-দাবার থেকে বর্জন করতে হল লব্বা আর সর্বপ্রকারের গরমমসলা।’

আমি বললুম, ‘এর চেয়ে অল্প কুচ্ছসাধনে তো মিশরের রাজকন্তো পাওয়া যেত।’

‘তা যেত। কিন্তু আমি তখনও কফির ড্রাগনের সঙ্গে ধস্তাধস্তি করছি। আরেকটা কথা ভুলবেন না। মিশরীদের যদি ভারতের কফি খেত, তাহলে আমি ভারতীয় চা’কে ভারতীয় কফির পেছনে লেলিয়ে দিতুম না। ভার-ভারে লড়াই আমি আদপেই পছন্দ করিনে। যাক্ সেকথা। আমি দেশ থেকে হরেক রকম চা আনিয়ে রেণ্ডিঙ করে যে ব্র্যাণ্ড ছাড়লুম, তারই নাম দিলুম ‘মোহিনী টি’; মোহিনী আমার মায়ের নাম।’

বলে যেন বড় লজ্জা পেলেন। আমি তো বুঝলুম না এতে লজ্জার কী আছে। কফির সঙ্গে একা লড়নেওয়ালো, কঠোর কুচ্ছসাধনের ঘড়ের ব্যবসায়ী মায়াদরদহীন কারবারের মাঝখানে যে মায়ের কথা স্মরণ রেখেছে, এ যেন মিশরীয় মরুভূমির মাঝখানে সুখাশ্রামলিম মরুতান। কিন্তু আমাকে কোনও কথা বলতে না দিয়েই তিনি যেন লজ্জা ঢাকবার জন্যেই উঠে দাঁড়ালেন। ‘আরেক দিন হবে’, এরকম ধায়া কি যেন খানিকটে বলে আস্তে আস্তে আপন কেবিনের দিকে রওয়ানা হলেন।

আমার তখন খেয়াল হল মোহিনী নামটার দিকে। মুসলমান মেয়ের নাম মোহিনী হল কি করে? আর হবেই না কেন? বাংলাদেশে যদি ‘চাদের মা’ ‘সুকুমের মা’ হতে পারে কুর্গের মেয়ের ‘মোহিনী’ হতে দোষ কি?

*

*

*

আস্তে আস্তে মুখানা সম্বন্ধে অনেক কিছু জানতে পারলুম। কিন্তু সবচেয়ে

বেশি দুঃখ হল একদিন যখন শুনলুম, কফিকে খানিকটে হার মানিয়ে তিনি যখন মোহিনীকে চালু করতে সক্ষম হয়েছেন, তখন বাজারে এসে জুটল লিপ্টন আর ক্রকবণ্ড। তারা তাঁর পাকা ধানে মই দিল না বটে, কিন্তু ধানের বেশ খানিকটা বড় ভাগ তুলে নিয়ে খেতে লাগল। মুখহানা বললেন, 'আমি হার মানিনি বটে, কিন্তু এদের সঙ্গে লডবার মত পুঁজি আমার গাঁটে নেই। ভারতবর্ষের দু'একজন চায়ের ব্যবসায়ীর সঙ্গে আলাপ করে দেখলুম, তাঁরা আমার লড়াইটাকে বুনো মোষ তাড়া করার পর্যায়ে ফেলে দিয়েছেন—নাইলের জলে আপন রেস্ট ভোবাতে চান না।'

অথচ ব্যক্তিগতভাবে কোনও ইংরেজের সঙ্গে তাঁর কোনও দুশমনি নেই। জাহাজ ভর্তি ইংরেজের প্রায় সব কটাই দেখি তাঁর সঙ্গে গায়ে পড়ে কথা কর। এ-লাইনের সব কটা জাহাজে তিনি ভাল করে চেনেন বলে কি ভারতীয় কি ইংরেজ সকলেরই ছোটখাট স্বথ-স্ববিধা অনায়াসে করে দিতে পারেন। ভদ্রলোক যেন প্যাসেঞ্জার আর জাহাজ কর্তাদের মাঝখানে বেলদকারী গিয়েছে। অফিসার।

কিন্তু তাঁর আসল কেয়ামতি স্বপ্রকাশ হল আদন বন্দরে এসে।

আদন বন্দরে কোনও প্রকারের শুধ নেই বলে আদনের আরব ব্যবসায়ীরা ছুনিয়ার হরেক রকম জিনিস জাহাজে বেচতে আসে। আর মেমসাহেবরাও এ তদ্বটা জানেন বলে হস্তে হয়ে থাকেন দেশের পাঁচজনের জন্তু আদন বন্দরে সস্তায় সওগাত কিনবেন বলে।

ডেক-চেয়ারে হেলান দিয়ে চুপ করে দরকষাকষি দেখছিলুম—আর সব ভারতীয়েরা আদন দেখতে গেছেন, প্রথম বায়ে আমিও গিয়েছিলুম। এমন সময় হেলেতুলে মুখহানা এসে উপস্থিত। আর যায় কোথায়? সব মেম একসঙ্গে চেঁচিয়ে বলল, 'আসুন মিস্টার মুখহানা। এই আরবদের হাত থেকে আমাদের বাঁচান।'

মুখহানা আশ্চর্য হবার ভান করে বললেন, 'সে কি মেদাম, ইংরেজ হল ব্যবসায়ীর জাত। তাকে ঠকাচ্ছে আরব? আর ব্যবসায়ের কাণা আমি ভারতীয় বাঁচাবো সেই ইংরেজকে? ড্রাগনকে বাঁচাবো ডেমসেলের হাত থেকে?'

তারপর ছোটালেন আরবী ভাষার ভুবড়ী। সঙ্গে সঙ্গে কখনও ব্যঙ্গের হাসি, কখনও ঠাট্টার অট্টহাস্য, কখনও অপমানিত, অতিমানের জলদ গর্জন,

কখনও সর্বত্র লুপ্তিত হওয়ার ভয়ে দুর্বলের তাঁক আর্ভয়ব, কখনও ক্রয়ের দক্ষিণ মুখের প্রসন্ন কল্যাণ অভয়বাণী আর সর্বশেষে দু'চার পয়সা নিয়ে ছেলে ছোকরার মত কাড়াকাড়ি। আমি গোটা পাঁচেক স্ন্যাপশট নিলুম।

কিন্তু আরবরা বেহুদ খুশ। হুঁ। লোকটা দরদস্তুর করতে জানে বটে। এর কাছে ঠকেও স্থখ। তার উপর মুখহানা কপচাচ্ছেন মিশরের আরবী— অতি খানদানী, তার সর্বশরীরে নীল নদের মত নীল রক্ত, আদনের আরবী তার সামনে স্কুমার রায়ে—

“কানের কাছে নানান সুরে
নামতা শোনার একশো উড়ে।

দরদস্তুর, কারবার-বেসাত্তি শেষ হয়ে যাওয়ার পর আমি মুগ্ধ হয়ে বললুম, ‘কি চমৎকার আরবী বলতে পারেন আপনি।’

মুখহানা বললেন, ‘আবার! মিশরের যে-কোনও গাড়োয়ান আমার চেয়ে ভাল আরবী বলতে পারে এবং গাড়োয়ানের মতই আমি না পারি আরবী লিখতে, না পারি পড়তে।’

আমি বললুম, ‘খানিকটে নিশ্চয়ই পড়তে পারেন। মধ্যবিত্ত ঘরের সব মুসলমানই তো ছেলেবেলায় কুরান পড়তে শেখে।’ মুখহানা বললেন, ‘তুর্কী টুপি দেখে আপনিও আমাকে মুসলমান ঠাউরে নিয়েছেন, কিন্তু আমি তো মুসলমান নই।’ তারপর একটুখানি ভেবে নিয়ে বললেন, ‘হিন্দুই বা বলি কি প্রকারে? হিন্দু ধর্মের কি-ই বা জানি, কি-ই বা মানি।’

তারপর বললেন, ‘এবারে যখন মাকে দেখতে গেলুম কুর্গে, তখন গাঁয়ের মুসলমানরা আমার খানিকটা জমি কিনতে চাইল মসজিদ গড়ার জন্তে। আমি বললুম, ‘এক-রত্তি জমির জন্তু আর পয়সা নেব না। মুসলমান দেশের হুন-নিমক খাই, না হয় দিলুম তাদের জাতভাইদের মসজিদ বানাবার জায়গা।’ ওদিকে মহীশূর দরবারে কে গিয়ে লাগিয়েছে আমি কিনা ‘আজ্জ’ প্রভোকাতর’, কম্যুনালা রাষ্ট্র লাগাবার তালে ইংরেজ আমাকে দেশে পাঠিয়েছে! কী মুশ্কিল। এল এক ভেপুটি উদস্ত করার জন্তে। আমাকে দেখেই শুখাল, ‘আপনি হিন্দু, আপনার মাথায় তুর্কী টুপি কেন?’ আমি বললুম, ‘আপনি হিন্দু, আপনার পরনে কেরেস্তানি স্ট্রট কেন? আপনি যদি বিলেতে না গিয়েও স্ট্রট পরতে পারেন তবে মিশরে আঠারো বৎসর থাকার পরও কি আমার তুর্কী টুপি পরার হুকু বর্তালো না?’ আশ্চর্য, আপনিই বলুন তো, সিংহের মাথায়

‘লর্ড’ পরালে যদি মানুষ ইংরেজ না হয় তবে আমার মাথায় তুর্কী টুপি চড়ালেই আমি মুসলমান হয়ে যাব কেন ? যে দেশে থাকবে, সেদেশের পাঁচজনকে হিন্দীতে যাকে বলে ‘আপনাতে’ হবে অর্থাৎ আপন করে নিতে হবে । তার জন্ত বেশভূষা, আহার-বিহার, সব বিষয়েই মনকে সংস্কারমুক্ত না রাখলে চলবে কেন ? কিন্তু আপনাকে এসব বলার কি প্রয়োজন ? আপনিও তো অনেক দেশ দেখেছেন ।’

এমন সময় আরব কারবারীরা এসে আমাদের কাছে দাঁড়াল । মুখহানা চেয়ার থেকে উঠে তাদের সঙ্গে হাত মেলালেন । কথা কইলেন এমনভাবে যেন জন্ম-জন্মান্তরের পরম আত্মজন ! বুঝলুম, কারবারীরা এসেছিল বিশেষ করে তাঁর কাছ থেকেই বিদায় নেবার জন্তে । যাবার সময় বলে গেল, এ জাহাজে তাদের অর্থলাভ হয়নি বটে কিন্তু বকুল্লাভ হল ।

তারপর যে কদিন তিনি জাহাজে ছিলেন, প্রায় সমস্ত সময়টা কাটালেন গাদাগাদা চিঠিপত্র টাইপ করে । কিন্তু লৌকিকতার শ্মিতহাস্ত, সী সিক্দের তত্ত্বতাবাণ, পাঁচজনের সাতটা ফরমাইশ-সুপারিশ করাতে তৎপর । আর তুর্কী টুপির ট্যাসেল তুলিয়ে তুলিয়ে খানা-টেবিল যে বিলক্ষণ তপ্ত-গরম রাখলেন, সে-কথা আমি না বললেও এন্কর লাইন জাহাজ কোম্পানী হলপ খেয়ে বলবে ।

সুয়েজবন্দরে তিনি নেমে গেলেন—জাহাজ অঙ্ককার করে । এর চেয়ে ভাল বর্ণনা আমি চেষ্টা করেও খুঁজে পেলুম না । এমন সব পুরোনো অলঙ্কার আছে যার সামনে হালফ্যাশান হামেশাই হার মানবে ।

ইউরোপে দশমাস কেটে গেলো এটা-সেটা দেখতে দেখতে । তার প্রথম চারমাস কাটল কলকাতার বিখ্যাত চিকিৎসক পণ্ডিত অজিত বসুর সঙ্গে । তিনি সস্ত্রীক ফ্রান্স, সুইটজারল্যান্ড, জার্মনি, অস্ট্রিয়া, চেকোস্লোভাকিয়া ঘুরলেন যন্ত্রা-হাসপাতাল দেখে দেখে—আমি ছিলাম দোভাষী হয়ে । কবি সাদী বলেছেন, ‘কয়লাওয়ালার সঙ্গে দোস্তী করলে গায়ে কিছু না কিছু কয়লার গুঁড়ো লাগবেই, আতরওয়ালার সঙ্গে আশনাই হলে গায়ে কিঞ্চিৎ খুশবাই লাগবেই ।’ বিয়াল্লিশটা স্তানাটরিয়া ঘুরে আমার গায়ে কয়লা না আতর লাগল সে সমস্তা এখনও সমাধান করতে পারিনি তবে যন্ত্রার যে বিশেষ কোনও চিকিৎসা নেই সে কথাটা দোভাষীগিরি করে করে বেশ ভাল করেই হৃদয়ঙ্গম হল ।* ডাক্তারে ডাক্তারে কথা বলার সময় সাধারণত সত্য গোপন করে না ।

* ১৯৩৩-৩৪-এর কথা : এখন অবস্থা অন্তরকম ।

তারপর একদিন শুভ প্রাতে ভেনিস বন্দরে পৌঁছলুম। শাস্ত্রসম্মত পদ্ধতিতে লিভোতে সীতার কেটে, সিনমার্ক দর্শন করে, চন্দ্রালোকে গণ্ডোলা চড়ে, টুরিস্ট ধর্মের তিন আশ্রম পালন করার পর ভেনিস থেকে সন্ন্যাস নিলুম। তিন দিন পরে আলেকজান্দ্রিয়া বন্দর। সেখান থেকে কাইরোর ট্রেনে চাপবার পূর্বে তার করলুম 'মোহিনী টী'কে।

এ দশমাস ইচ্ছে করেই মুখহানাকে কোনও চিঠিপত্র লিখিনি। স্থির করেছিলুম ভদ্রলোককে তাক লাগিয়ে দেব। আর পাঁচটা ভারতীয়ের তুলনায় বাঙালী যে প্রতিজ্ঞা পালনে জান-কবুল, সে কথাটা হাতে-নাতে দেখিয়ে দেব— “বাঙালীর বাত নড়ে তো বাপ নড়ে”।

কাইরো স্টেশনে নেমে কিন্তু তাক লাগল আমারই। যে-লোকটি নিজেকে মুখহানা বলে পরিচয় দিল তার সঙ্গে জাহাজের মুখহানার যে কোনোখানে মিল আছে সে কথা আপন স্বভিষিক্তিকে সম্পূর্ণ অবিশ্বাস না করে মানবার উপায় নেই। ওর গায়ে স্টুটি পরা ছিল যেন মার্জনের হাতে রবারের দস্তানা—এর গায়ে স্টুট বুলছে যেন ভিথিরির ভিকের বুলি। ওর মুখে ছিল উজ্জল হাসি, ওর ছিল পুরুট্ট টোল-থেকে বাচ্চা ছেলের তুলতুলে গাল, এর দেখি কপালের টিপি আর দুই ভাঙা গালের উছনের ঝাঁক। উঁচু কলারের মাঝখানে এই যে কণ্ঠা প্রথম দেখলুম, সেটাকে তিন ভবল সাইজ করে দিলেও মাঝখানের ফাঁক ভরবে না।

আর সেই চোখ দুটি গেল কোথায়? কেউ হালে দাঁত দিয়ে, কেউ হালে ঠোঁট দিয়ে, বেশির ভাগ লোক মুখ আর গাল দিয়ে—মুখহানা হাসতেন শুধু দুটি চোখ দিয়ে। আর তার ঝিলিমিলি এতই অদ্ভুত যে, তখনই আমার চোখের সামনে ভেসে উঠেছে জোয়ার জলে চাঁদের ঝিকিঝিকি।

এঁর বয়স তো এখনও আটচল্লিশ পোয়োরনি। এ বয়সে তো চোখে ছানি পড়ে না।

ট্যান্ডি ডাকলেন। আমার তো আবছা-আবছা মনে পড়ল, নিজের গাড়ির কথা যেন কোনও কথার ফাঁকে আপন অনিচ্ছায় জাহাজে বলেছিলুম। কি জানি, হয়ত গাড়ি কারখানায় গিয়েছে।

কস্তারা-তুল-দিক। স্টেশন থেকে দূর নয়। স্ল্যাট পাঁচতলার। মুখহানা ড্রয়িংরুমের সোফার উপর নেতিয়ে পড়ে প্রাণপণ হাঁপাতে লাগলেন। আমি জিজ্ঞেস করলুম, ‘আপনার কী হয়েছে বলুন।’ বিরক্তির সঙ্গে বললেন,

‘কিছু না, একটু কাশি’। এই মুখহানা সেই মুখহানা। আমি চুপ করে গেলুম।

স্ত্রীর সঙ্গে আলাপ করিয়ে দিলেন। নাম হেলেনা। সাইপ্রিস ষীপের গ্রীক মেয়ে। গ্রীক ছাড়া জানেন অতি অল্প কিচেন-আরবী আর তার চেয়েও কম ইংরিজি। আমি জানি গ্রীক ব্যাকরণের শব্দরূপ ধাতুরূপ—ক্লাস নাইনের ছোকরা যেমন উপক্রমণিকা জানে। অনুমান করলুম, গ্রীক রমণী বিদেশীর মুখে ভুল উচ্চারণে আপনার ভাষায় ধাতুরূপ শোনার জগ্ন অত্যন্ত ব্যগ্র হবে না। তাই আরবী ইংরিজির গুরু-চণ্ডালী দিয়ে যতটা পারি ভদ্রতা রক্ষা করলুম। মুখহানা গ্রীক বললেন অক্লেশে।

দুবার যে ভুল করেছি সে ভুল আর করলুম না। শুধু জিজ্ঞেস করলুম, গ্রীক শিখতে আপনার ক’বৎসর লেগেছিল?’ বললেন, ‘এই আঠারো বছর ধরে শিখছি। এখানকার কারবারী মহলে গ্রীক ‘না জেনে ব্যবসা করা কঠিন।’ বাস, শুধু প্রশ্নের উত্তরটুকু। জাহাজে হলে এরই খেই ধরে আরো কত রসালাপ জমত।

খানা কামরা নেই। ডুইংক্রমের টেবিল সাফ করে খানা সাজানো হল। একটি ন’দশ বছরের ছোকরা, ছুরিটা, কাঁটাটা এগিয়ে দিল। মোটা খাটুনিটা গেল হেলেনার উপর দিয়ে। বুলুম রে’ধেছেনও তিনিই; চমৎকার পরিপাটি রান্না।

খাওয়ার সময় টেবিলে বসলেন মুখহানার বিধবা শালী তাঁর ছোট মেয়ে নিয়ে। আভাসে ইঙ্গিতে অনুমান করলুম, এঁরা তাঁর পুষ্টি।

ইতিমধ্যে আমার মনে আরেক দুর্ভাবনার উদয় হল। হাত ধুতে যাবার সময় চোখে পড়েছে মাত্র দু’খানা শোবার ঘর। আমি তবে শোবো কোথায়? ছোট্টেলে যাবার প্রস্তাব মুখহানার কাছে পাড়ি-ই বা কি প্রকারে? ভদ্রলোক যে-রকম ঠোঁট সেলাই করে নীরবতার উইয়ের চিবির ভিতর শায়কের মত বসে আছেন তাতে আমি সূচ্যগ্রও ঢোকাবার মত ভরসা পেলুম না। তবে কি ম্যাডামকে জিজ্ঞেস করব, মমিকে যে-রকম এদেশে কাঠের কফিনে পুরে রাখে অতিথিকেও তেমনি রাতে কাঠের বাস্কে তালাবদ্ধ করে রাখার রেওয়াজ আছে কিনা!

আহারাদির পর হেলেনা আমার প্রথম সিগারেটটি শেষ না হওয়া পর্যন্ত বসে রাতের মত বিদায় নিলেন। খানিকক্ষণ পরে রান্নাঘরে বাসনবর্তন ধোয়ার শব্দ শুনে পেলুম।

মুখহানা সোফায় শুয়ে ছিলেন। আমাকে বললেন, 'পাশে এসে বসুন, কথা আছে।' আমি আরেকটি সিগারেট ধরালুম। বললেন, 'আপনি আমার দেশের লোক, আপনাকে সবকথা বলতে লজ্জা নেই। সংক্ষেপেই বলব, আমার বেশি কথা বলতে কষ্ট হয়।'

'জাহাজে আপনার সঙ্গে অনেক কথাই খোলাখুলি বলেছিলুম। তার থেকে হ্রত আপনি আন্দাজ করেছিলেন, আমার ছ'পয়সা আছে, বাড়ি গাড়িটাও আছে, আর এখন দেখছেন আপনাকে শুতে দেবার মত আমাদের একখানা গলতো কামরা পর্যন্ত নেই। হ্রত আপনি ভাববেন, আমি ধান্না দিয়েছিলুম আপনি কখনো মিশরে আসবেন না এই ভরসায়।'

আমি বাধা দিতে যাচ্ছিলুম কিন্তু মুখহানা তাঁর হাড়িমার হাতখানা তুলে আমাকে ঠেকালেন। বললেন, 'না ভেবে থাকলে ভালই। আপনাদের শরৎ-নাবুব এক উপস্থাসে—আমি মাতৃভাষা কানাড়ার পড়েছি, যে অবিশ্বাস করে লাভবান হওয়ার চেয়ে বিশ্বাস করে ঠকা ভাল। যাক সে কথা।' বলে বেশ একটু দম নিয়ে কি বলবেন সেটা যেন মনের ভিতর গুছিয়ে নিলেন।

'সংক্ষেপেই বলি। যে গ্রীক বাল্কেলটার হাতে আমি আমার ব্যবসা সঁপে দিয়ে দেশে গিয়েছিলুম, ফিরে দেখি সে সব কিছু ফুঁকে দিয়েছে। বাড়িভাড়া দেয়নি, ওতার ড্রাক্ট নিয়েছে, শেবটার স্টকের চা পর্যন্ত জলের দরে বিক্রি করে দিয়েছে। এখানে ওখানে কত ছোট-খাটো ধার যে নিয়েছে, তার পুরো হিসাব এখনও আমি পাইনি। আমার নাম জাল করেছে যখনই দরকার হয়েছে। আপনি ভাবছেন আমি এরকম লোকের হাতে সব কিছু সঁপে দিয়ে গেলুম কেন? কি করে জানব বলুন? দশ বৎসর ধরে সে আমার সঙ্গে কাজ করছে, বিয়ারটা সিগারেটটা পর্যন্ত স্পর্শ করত না। আর সব কিছু ফুঁকে দিয়েছে—' একটুখানি হেসে বললেন, 'ফার্স্ট উইমেন আর স্নো হর্সের পিছনে।'

নিজ ছুঁর্দেবের কাহিনী বলার ভিতরেও রসিকতা করতে পারেন ধীর মনের কোণে—হ্রত নিজের অজানাতেই ধনজনের প্রতি জন্মলক বৈরাগ্য সঞ্চিত হয়ে আছে। 'বহু দেশ ঘুরেছি' এ কথাটা বলতে আমার সব সময়েই বাধা বাধা ঠেকে, কিন্তু এখানে বাধা হয়ে সে কথাটা স্বীকার করতে হল, মুখহানার এই ছল ভণ্ড গুণটির পরিপ্রেক্ষিত দেখাবার জন্য।

অভিজ্ঞত করলুম, 'আপনার স্ত্রীও জানতে পারেননি?' বললেন, 'তিনি তখন

সইপ্রিন্সে, বাপের বাড়িতে। কিন্তু আজকের মত থাক এসব কথা। আমার সংসারের অবস্থা দেখে আপনি বাকীটা আন্দাজ করে নিতে পারবেন।

‘শুনে শুনে তাই নিয়ে কিন্তু অত্যধিক দুশ্চিন্তা করবেন না। আমি আবার সব কিছু গড়ে তুলবো। এই আপনার চোখের সামনেই। এখন শুয়ে পড়ুন, আমি ওমরকে ডেকে দিচ্ছি। সে আপনার বিছানা ঐ কোণে দিভানটার উপর করে দেবে। কষ্ট হবে—।’ আমি বাধা দিলুম। মুখহানাও চূপ করে গেলেন।

সেই ছোকরা চাকরটি এসে বেশ পাকা হাতে বিছানা করে দিল। বুঝলুম, মুখহানার অতিথিদের জন্য প্রায়ই তাকে এরকম বিছানা করে দিতে হয়।

ঘর থেকে বেরুবার সময় মুখহানা শেষ কথা বললেন, ‘আমি কিন্তু সব কিছু আবার গড়ে তুলব। আমি অত সহজে হার মানিনে।’ একমাত্র জার্মান বৈজ্ঞানিক-গণের গলায় আমি এরকম আত্মবিশ্বাসের অকুণ্ঠ ভাষা শুনেছি। কিন্তু সঙ্গে সঙ্গে মুখহানার গলা থেকে বেরুস একটু খুসখুসে আওয়াজ।

অতি অল্প, কিন্তু আমার ভাল লাগল না।

শুনেছি রাজশয্যার নাকি যুবরাজেরও প্রথম রাজে ভাল ঘুম হয় না। সত্যি মিথো জানিনে, কিন্তু কাইরোতে যে হবে না সে বিষয়ে আমার মনে বিশ্বাস নেই। আধো ঘুম আধো জাগরণে সেই পাঁচতলার উপর থেকে শুনেছিলুম সমস্ত রাত ধরে ফারাও-প্রজাদের ফুঁতির পিছনে ছুটোছুটি ছুটোপুটির শব্দ।

কলকাতা ঘুমোর এগারোটায়, বোম্বাই বারোটায় আর কাইরো দেখলুম অল্পকালে ঘুমোতে ভয় পায়। সকালবেলা আটটার সময় বেলকনিতে দাঁড়িয়ে দেখি, কাইরো শহর রাত বারোটায় ভাতঘুমে অচেতন। স্থির করলুম, একদিন ভোরের নমাজের সময় মসজিদে গিয়ে দেখতে হবে ইমাম (নমাজ পড়নেওয়াল) আর মুরাজ্জিন (আজান দেনেওয়াল) ছাড়া কজন লোক মসজিদে সে সময় হাজিরা দেয়। অনুমান করলুম ব্যাপারটা—দস্তুর প্রবন্ধ লেখার মত। তিনি লেখার ইমাম আর কম্পজিটর পড়ার মুরাজ্জিন। কিন্তু যাক এসব কথা—আমি কাইরোর জীবনী লিখতে বসিনি।

সেই অসুস্থ শরীর নিয়ে মুখহানা পরের চিন্তার মাথা ঘামাতে আরম্ভ করলেন সকালবেলা থেকে। দেখি, দুনিয়ার যত বিপদগ্রস্ত লোক আস্তে আস্তে তাঁর ড্রইংরুমে জড়ো হতে আরম্ভ করেছে। বেশির ভাগ ভারতীয়, প্রায় সকলেরই পাসপোর্ট নিয়ে শিব:পীড়া। এদের সকলেই দর্জি—এ দেশে

আমি কন্ট্রাক্টারদের সঙ্গে এসেছিল চাকরি নিয়ে। কন্ট্রাক্টাররা চলে যাওয়ার পরে এখানেই ঘর বেঁধেছে—কাইরোর অতি সাধারণ মেয়েও পাঞ্জাবী দর্জির হৃদয়খানা খানখান করে ফেলতে পারে। কারো কারো হৃদয় ইতিমধ্যে জোড়া লেগে গিয়েছে অর্থাৎ নেশা কেটে গিয়েছে। এখন কেটে পড়তে চায়, কিন্তু পাসপোর্ট হারিয়ে ফেলেছে—মুখহানা যদি ব্রিটিশ কন্সুলেটে গিয়ে একটুখানি সুপারিশ করেন। কারো বা মিশরে বসবাস করবার মেয়াদ পেরিয়ে গেছে—মুখহানা যদি মিশরের বিদেশী দপ্তরে গিয়ে একটুখানি ধস্তাধস্তি করে আসেন। কেউ বা তার পাসপোর্টখানা কালোবাজারে ইচ্ছদিকে বিক্রি করে দিয়েছিল (ইচ্ছদী কেমিকাল দিয়ে তার ফটো মুছে ফেলে প্যালেস্টাইনী জাতভাইয়ের জন্তু তাই দিয়ে জাল পাসপোর্ট বানিয়ে ধর্ম আর অর্থ দুইই সঞ্চয় করবে), এখন মুখহানা যদি কোনও মালজাহাজের ক্যাপ্টেনকে বলে কয়ে কিংবা ‘টু পাইন’ দিয়ে তাকে চোরাই মালের মত দেশে পাঠিয়ে দেবার ব্যবস্থা করে দেন।

হু-একজন পয়সাওয়াল পাঞ্জাবী কন্ট্রাক্টারও এলেন। মুখহানা যদি রেজিমেন্টের কর্নেলের সঙ্গে দেখা করে একখানা নতুন বুইক ভেট দিয়ে আসেন। না অন্য কোনও রকম লুব্রিকেশনের খবর তিনি বলতে পারেন ?

দুপুরবেলা খাবার সময় মুখহানাকে হু’একখানা প্রশ্ন জিজ্ঞেস করেই বুঝতে পারলুম, জাহাজে যে-রকম তিনি প্যাসেঞ্জার ও কর্তাদের মাঝখানের বেসরকারী লিয়েজঁ। অফিসার ছিলেন এখানেও তিনি তেমনি দুঃস্থ ভারতীয় ও মিশরী, ইংরেজ সর্বপ্রকার কর্তাব্যক্তির মধ্যখানের অনাহারী লিয়েজঁ। অফিসার।

শরীর সুস্থ থাকলে বনের মোষ তাড়ানোটা বিচক্ষণ জনের কাছে নিন্দনীয় হলেও স্বাস্থ্যের পক্ষে সেটা ভাল, কিন্তু এই দুর্বল শরীর নিয়ে ভদ্রলোক কেন যে হয়রান হচ্ছেন সে-কথার একটু ইঙ্গিত দিতেই মুখহানা একটু বিরক্ত হয়ে বললেন, ‘আ আমি কি করব ? আমি যে এখানকার ইঞ্জিনিয়ার এসোসিয়েশনের সেক্রেটারি।’

আমি জিজ্ঞেস করলুম, ‘মেম্বার কারা ?’

‘ঐ দর্জির পাল আর দু-চারটে ভ্যাগাবও।’

‘আর কেউ সেক্রেটারি হতে পারে না ?’

‘সব টিপসইয়ের দল। কন্সুলেটে গিয়ে ইংরিজিতে কথা বলবে কে ?’

‘তাহলে প্রেসিডেন্ট হচ্ছেন না কেন ?’

‘প্রেসিডেন্টের পক্ষে কনসুলেটে ছুটোছুটি করা কি ভাল দেখায় ? এসোসিয়েশনের তো একটা প্রেস্টীজ দেখানো চাই ।’

‘প্রেসিডেন্ট কে ?’

‘এক বুড়ো দর্জি । ইংরিজিতে নাম সহ করতে পারে ।’

আমি আর বাক্যব্যয় করলুম না । এরকম লোককে কোনো প্রকারের সহপদেপদে দেয়া অরণ্যে রোদন—এবং সেই অরণ্যেই যেখানে সে মোষ তাড়াচ্ছে, শুনেও শুনবে না ।

মুখহানা আপিসে চলে গেলেন । আমি হেলেনাকে জিজ্ঞেস করলুম, মুখহানার এই কাশিটা কবে হল এবং কি করে ?’

হেলেনা বললেন, ‘খেটে খেটে । ভারতবর্ষ থেকে ফিরে এসে যখন দেখলেন কারবার একেবারে নষ্ট হয়ে গিয়েছে, তখন গাড়ি বেচে দিয়ে বড় বাড়ি ছেড়ে এখানে এসে উঠলেন । তারপর নূতন করে ব্যবসা গড়ে তোলবার জন্য এই দশ মাস ধরে দিন নেই রাত নেই চব্বিশ ঘণ্টা ঘোরাঘুরি করছেন । বাড়ি ফেরেন রাত দুটো, তিনটে, চারটে । কথা শোনেন না, ফিরে এসে ঠাণ্ডাজলে স্নান করেন, কখনও কখনও আবার খেতেও রাজী হন না, বলেন খিদে নেই । আগে তিনি সব সময় আমার কথামত চলতেন, এই নূতন করে কারবার গড়ে তোলার নেশা যবে থেকে তাঁকে পেয়েছে তখন থেকে তিনি আর আমার কোনও কথা শোনেন না । এর চেয়ে তিনি যদি অন্য কোনো স্ত্রীলোকের প্রেমে পড়েও আমাকে অবহেলা করতেন, আমি এতটা দুঃখ পেতুম না । তবু তো তিনি সুস্থ থাকতেন ।’

আমি কথাটার মোড় ফেরাবার জন্য বললুম, ‘জ্বর-টর হয়েছিল ?’ বললেন, ‘প্রায় মাস তিনেক আগে তিনি ভেঙে পড়েন । দিন পনেরো শুয়ে ছিলেন, আর সেই পনেরো দিনেই যেন শরীর থেকে সব মাংস-চর্বি খসে পড়ে গেল । আর জানেন, তিনি কখনও ডাক্তার ডাকাননি ।’

আমি বললুম, ‘এ কথা তো বিশ্বাস করা যায় না ।’

হেলেন উঠে চলে গেলেন । আমি থামলুম না । একা একা যতক্ষণ খুশি কাঁদা যায় ।

চায়ের সময় আমি মুখহানাকে বেশ পরিষ্কার, জোর গলায় বললুম, তিনি যদি ভাল ডাক্তার না ডাকান, তবে আমি কাল সকালেই বিছানা-পত্র নিয়ে

তাঁর বাড়ি ত্যাগ করব। তিনি যদি অভিমান করতে পারেন, ভারতীরেরা প্রতিজ্ঞা করেও কাইরো আসে না বলে, তবে আমি অভিমান করতে পারি যে ভারতীয় স্বদেশবাসীর সামান্যতম অনুরোধ পালন করে না, তাঁর মুখদর্শন না করলেও আমার চলবে।

ডাক্তার এল। যন্ত্রা। বেশ এগিয়ে গেছে। এক্সরে না করেই ধরা পড়ল।

ভারপর যে এগোরো মাস আমি কাইরোতে কাটালুম তাঁর স্মৃতি আমার মন থেকে কখনো মুছে যাবে না। ওমর খৈয়াম বলেছেন—

প্রথম মাটিতে গড়া হয়ে গেছে শেষ মানুষের কায়
শেষ নবার হবে যে থাকে, তারো বীজ আছে তাঁর।
সৃষ্টির সেই আদিম প্রভাতে লিখে রেখে গেছে তাই
বিচার কর্তী প্রলয় রাজি পাঠ যা করিবে তাই।

—সত্যেন দত্ত।

আর আইনস্টাইনও নাকি বলেছেন, পৃথিবীর সব কিছু চলে এক অলম্ব্য নিয়ম অনুসারে। ওমর খৈয়াম ছিলেন আসলে জ্যোতির্বিদ—কাজের ফাঁকে ফাঁকে করেকটি রুবাইয়াৎ লিখেছেন মাত্র—এবং আইনস্টাইনের চোখও উপরের দিকে তাকিয়ে। এই দুই পণ্ডিত গ্রহনক্ষত্রের নিয়ম-মানা দেখে যা বলেছেন, আমি মুখহানার জীবনে তাই দেখতে পেলুম।

কত অনুনয় বিনয়, কত সাধ্যসাধনা, কত চোখের জল ফেগলেন—হেলেনা—আমার কথা বাদ দিচ্ছি—না, না, না, তিনি তাঁর কারবার ফের গড়ে তুলবেনই। ডাক্তার পইপই করে বলে গিয়েছেন, কড়া নজর রাখতে হবে তিনি যেন নড়াচড়া না করেন—কিন্তু থাক ডাক্তারের বিধানের কথা তুলে আর কি হবে, মধ্যবিত্ত কোন বাঙালী পাঠক সাক্ষাৎ কিংবা পরোকভাবে বন্দার সঙ্গে পরিচিত নয়—সব কিছু উপেক্ষা করে তিনি বেরুতেন রোজ সকালে চায়ের কারবারে। তাও না হয় বুকতুম তিনি যদি শুধু অফিসে ডেক চেয়ারে শুয়ে থাকতেন। কতদিন মর্নিং-কলেজ থেকে ফেরবার মুখে দেখেছি মুখহানা চলেছেন ক্লাস্ত প্লথ গতিতে, দ্বিপ্রহর রোজ উপেক্ষা করে, বড়-বড় খদ্দেরের আপিসে আরও কিছু চা গছাবার জন্ত। বাড়ি ফিরতেন রাত আটটা, ন’টা, দশটার।

থৈয়াম আইনগটাইন ঠিকই বলেছেন সবকিছু চলেছে এক অদৃশ্য অলম্ব্য নিয়মের বেজাঘাতে। মুখহানা-পতঙ্গ খেয়ে চলেছে কারাবারের আঙনে আপন পাখা পোড়াবে বলে।

খুকখুক তখন অদম্য হয়ে উঠেছে। শালী টের পেয়ে মেয়েকে নিয়ে পালালেন। স্তম্ভাধিতে আছে, 'পরান্নং দুর্গভং লোকে' কিন্তু সে পরান্ন যদি যন্ত্রার বীজাণুতে ঠাসা থাকে, তবে তা সর্বদা বর্জনীয়।

হেলেনা! কিন্তু হানিমুখে বোনকে গাড়ীতে তুলে দিলেন।

আশ্চর্য এই মেয়ে হেলেনা! মুখহানাকে যা সেবা করলেন, তার কাছে মনে হয়, বাঙালী মেয়ের সেবাও হার মানেন। অন্য কোনও দেশে আমি এ জিনিস দেখিনি, হয়ত এ রকম দুর্ভোগ চোখের সামনে ঘটেনি বলে।

ঘুম থেকে উঠে কতবার যে তিনি মুখহানার শরীর মুছে দিতেন, সে শুধু তাঁরাই বলতে পারবেন ধারা যন্ত্রা রোগীর সেবা করেছেন। ডাক্তার নিশ্চয়ই বারণ করেছিলেন, তবু হেলেনা মুখহানার সঙ্গে এক খাটেই শুতেন। আমি তাই নিয়ে যখন হেলেনাকে একদিন অত্যন্ত কাতর অমুনয়বিনয় করলুম, তখন তিনি বললেন, 'আমি কাছে শুয়ে তাঁর বুকের উপর হাত রাখলে তিনি কাশেন কম, ঘুম হয় ভাল।' আমি বললুম, 'এ আপনার কল্পনা।' হেসে বললেন, 'ঐ কল্পনাটুকুই তো তিনি বিয়ে করেছেন। আমি তো আর আসল হেলেনা নই।' আমি চূপ করে গেলুম।

কত-না হাঁটাইটি খোঁজাখুঁজি করে তিনি নিয়ে আসতেন বাজার থেকে সবচেয়ে পেরা জাকার কমলালেবু, কী অসীম ধৈর্ষের সঙ্গে তৈরি করতেন টমাটোর রস, রান্না করতেন স্বামীর কাছ থেকে শেখা ভারতীয় কায়দার মাংসের ঝোল, কোশ্টা-পোলাও, মাজাজী রসম, স্নান করিয়ে দিতেন স্বামীকে আপন হাতে, মুখহানা বেশি কাশলে জেগে কাটাতেন সমস্ত রাত। তিনি নিজে রোগা, কিন্তু ধনস্বত্বী যেন তখন তাঁকে বর দিয়েছেন যমের সঙ্গে লড়বার জন্ত।

কাইরোতে বৃষ্টি হয় বছরে দেড় না আড়াই ইঞ্চি আমার মনে নেই। দিনের পর দিন মেঘমুক্ত নীলাকাশ দেখে দেখে বাঙালীর মন যেন হাঁপিয়ে ওঠে। যখনই উপরের দিকে তাকাই, দেখি নীল আকাশ প্যাট প্যাট করে তাকিয়ে আছে আমার দিকে। প্রথমবার যখন ইয়োরোপের পাড়ারগায়ে বেড়াতে গিয়েছিলুম, তখন মাঝে মাঝে নীলচোখা মেমসাহেবরা আমার দিকে

তাকিয়ে থাকত—এই অদ্ভুত জংলী লোকটার বিদ্যুটে চেহারা দেখে, আর অস্বস্তিতে আমার সর্বাঙ্গ ঘেমে উঠত। কাইরোর সেই নীলাকাশ সেই নির্লজ্জাদের নীল চোখের মত হরবকত আমার দিকে তাকিয়ে আছে, একবার পলক পর্যন্ত ফেলে না; মেঘ জমে না, দরদরে অশ্রুবর্ষণ বিদেশী বিরহীর অন্ত একবারের তরেও ঝরল না।

পূর্ব-পশ্চিম, উত্তর-দক্ষিণ থেকে কত রকমের হাওয়া কাইরোর উপর দিয়ে বয়ে গেল, কত না মুখের বোরকা সরিয়ে ঝণেকের তরে নিশিকৃষ্ণ চোখের বিছাৎ ঝলক দেখিয়ে দিলে, কিন্তু তাদের কেউই এক রস্তু মেঘ সঙ্গে নিয়ে এলো না। সাহারা থেকে, লাল দরিয়া পেরিয়ে, হাবশী মুল্লকের পাহাড় পর্বত উড়িয়ে, মধ্যসাগরের মধ্যস্থান থেকে চার রকমের হাওয়া বইল, যেন হলদে, লাল, কালো, নীল রঙ মেখে কিন্তু মেঘ আর জমে ওঠে না।

তুল বুঝলুম, মেঘ জমে উঠতে লাগল হেলেনার মুখের উপর। পূর্ব-সাগরের পার হতে একদা যে নীল মেঘ সাইপ্রিস রমণীর চিন্তাকাশ প্রেমের বেদনায় ভরে দিয়েছিল, আজ সে মেঘ তার সমস্ত মুখও ছেয়ে ফেলল। ছুঁচোখের চতুর্দিকে যে কাল ছায়া জমে উঠল, সে যেন চক্রবাল-বিস্তৃত বর্ষণ-বিমুখ খরা মেঘ; আমি মেঘের দেশের লোক, আমার বাড়ি চেরাপুঞ্জির গা ঘেঁবে, ছেলেবেলা থেকে মেঘের সঙ্গে মিতালি—কিন্তু হে পর্জন্ত! এ রকম মেঘ যেন আমাকে আর না দেখতে হয়।

কানাড়া ভাষায় উত্তম বিরহের কবিতা আছে, এ কথা কখনো শুনি নি। কুর্গের লোক খুব সম্ভব মেঘের দিকে নজর দেয় না। মুখহানা হেলেনার মুখের উপর জমে-ওঠা মেঘ দেখতে পেলেন না।

জ্যোৎস্না জিজ্ঞেস করলেন, ‘বৎস অর্জুন, লক্ষ্যবস্তু ভিন্ন অস্ত্র কিছু দেখতে পাচ্ছ কি? তোমার ভ্রাতৃগণ, তোমার আচার্য, তোমার পিতামহ?’

অর্জুন বললেন, না গুরুদেব, আমি শুধু লক্ষ্যবস্তু দেখতে পাচ্ছি।’

মুখহানার নজর কারবারের দিকে।

কিন্তু তৎসম্বন্ধে আমার মনে ধোঁকা লাগল, মুখহানা লক্ষ্যভেদ করতে পারবেন কি না। বিশেষ করে যেদিন সুনলাম, তাঁর রেশ নেই বলে তিনি ব্যাকের মুচ্ছুদ্ধিগিরিতে মাল ছাড়াচ্ছেন। সে মাল মজুদ থাকে ব্যাকেরই—মুখহানা কিছুটা ছাড়িয়ে নিয়ে বিক্রি করে দাম শোধ করলে আরো খানিকটা পান। ওদিকে ব্রহ্মবণ্ড, লিপ্টন অটেল মাল ঢেলে দিয়ে ষার দোকান দোকানে

বিনি পয়সায় বিনি আগামে। ব্যাঙ্কের গুদোমে রাখা মাল লড়বে দোকানে
দোকানে মালের সঙ্গে !

ব্যাঙ্কের টাকার হুদ তো দিতেই হয় বুকের রক্ত ঢেলে, তার উপর গুদোম-
ভাড়া। মিশরী ব্যাঙ্কের নির্দয়তার সামনে সাহারা হার মানে।

কাজেই মুখহানার মাথার ঘাম যদি ব্যবসা গড়ে-তোলাকে এগিয়ে দেয় এক
কদম, যন্ত্রাকে এগিয়ে দেয় এক ক্রোশ।

এ-তথ্যটা মুখহানা বুঝতে পারেননি। তিনি ব্যবসা নিয়ে মশগুল। আমি
তো ব্যবসা জানিনি। কিন্তু সিগারেট যে খায় না, গন্ধ পায় সেই বেশি।

মুখহানার সবচেয়ে বড় শত্রু হয়ে দাঁড়াল ঐ পাঁচতলা বাড়ির বিরশিখানা
সিঁড়ি। স্বস্থ মানুষ আমরা ফ্ল্যাট চড়তে গিয়ে হিমসিম খেয়ে যাই, ড্রইংরুম পৌঁছে
প্রথম দশ মিনিট সোফার উপর নেতিয়ে পড়ে ম্যালেরিয়া রোগীর মত ধাঁকি অথচ
মুখহানাকে ভাঙতে হচ্ছে প্রতিদিন অস্তুত দুবার করে এই গৌরীশঙ্কর। একতলা
বাড়ির জগ্ন মুখহানা যে চেষ্টা করেননি তা নয়, কিন্তু কাইরোতে নতুন বাড়ির
সন্ধান নতুন কারবার গড়ে তোলবার চেয়েও শক্ত। সেলামীর টাকা যা চায়,
তা দিয়ে কলকাতায় নতুন বাড়ি তোলা যায়।

ছোকরা চাকর ওমরকে না কি মুখহানা কোনও এক ড্রেন থেকে তুলে এনে
বাঁচিয়ে তুলেছিলেন, তার বয়স যখন চার। মুখহানার তখন পয়সা ছিল,
ওমরের তখন সেবা করেছে এক ফ্যাশনেবল আয়া আর স্বয়ং হেলেনা। আজ
দশ বৎসরের ওমর নিজের থেকে ছোকরা চাকরের জায়গায় গিয়ে দাঁড়িয়েছে।
বাড়ির ছেলের মত অনায়াসে সব কাজ করে, আমার ভুল আরবী শুনে মিটি-
মিটিয়ে হাসে আর হেলেনার গ্রীক পড়ানো থেকে পালাবার জগ্ন অঙ্কিগন্ধির
সন্ধান খাকে।

এইটুকু ছেলে, কিন্তু মুখহানার প্রতি তার ভক্তি ভালোবাসার অস্তু ছিল না।
রান্নাঘরে কাজ করছে কিন্তু গাড়ি-ঘোড়ার শব্দ দীর্ঘ করে তার কান যেন গিয়ে
সেঁটে আছে ফুটপাথের সঙ্গে। আমরা কেউ কিছু শুনতে পাইনি—হঠাৎ
কাজ-কর্ম ফেলে ছুটলো বেতের হালকা চেয়ার নিয়ে নিচের তলার দিকে। কি
করে যে সামান্যতম খুকখুক শুনতে পেত, তা সেই জানে। প্রতি তলায় সে
চেয়ার পাতবে, মুখহানা বসে জিরোবেন। এই করে করে সে মুখহানাকে পাঁচ
তলায় নিয়ে আসত। কেউ বাৎলে দেয়নি, আবিষ্কারটা তার সম্পূর্ণ নিজস্ব।
মুখহানাকে কখনো দেখিনি ওমরের সঙ্গে আদর করে কথা কইতে। অল্প কথা

বলতেন, না অন্য কোনও কারণে জানিনে, কিন্তু এটা জানি তাঁর চলাফেরাতে আচারব্যবহারের কি যেন এক গোপন জাদু লুকোনো ছিল, যার দিকে আকৃষ্ট না হয়ে থাক। যেত না—বাচ্চা ওমরও বাদ পড়েনি।

পরলা ট্রায়েলেই খুশ হয়ে ওমর ঈদের জোকা আকড়ে ধরেছিল। মুখহানা কিন্তু তিন-তিন বার এদিকে কাটালেন, ওদিকে ছাটালেন। ঈদের দিন ওমর যখন নতুন জোকা পরে আমাদের সবাইকে সেলাম করল, তখন মুখহানা বউয়ের দিকে ডাকিয়ে বললেন, ‘ওমর তো আমাদের ডাগর হয়ে উঠেছে, কনের সন্ধানে লেগে যাও।’

মিশরেও আমাদের দেশের মত অল্প বয়সে বিয়ে হয়। ওমর তিন লক্ষ ঘর ছেড়ে পালালো। মিশরের বাচ্চারাও বিয়ের কথা শুনলে লজ্জা পায়।

এ-রকম মানুষকে পরোপকার করার প্রবৃত্তি থেকে ঠেকানো আজরাঈলেরও (যমেরও) অসাধ্য। আমি গিয়েছিলুম ব্রিটিশ কন্সুলেটে পাসপোর্ট রেজিস্ট্রি করাতে। গিয়ে দেখি, মুখহানা কন্সুলেটের এক কেরানীকে আদি, রোদ্দ, বীর, হাশ্ব সর্বপ্রকারের রস দিয়ে ভিজিয়ে ফেলে কোন্ এক ভবঘুরের জন্তু একথানা পাসপোর্ট যোগাড় করতে লেগে গেছেন। সাহেব যতই বুঝিয়ে বলে, ‘ভারতীয় জন্মপত্রিকা না দেখানো পর্যন্ত আমরা কি করে জানব লোকটা ভারতীয়, আর ভারতীয় সপ্রমাণ না হলে আমরা পাসপোর্ট দেব কি করে?’ মুখহানা ততই ইমান-ইনসাফ্ দয়াধর্মের শোলোক কপচান, কখনো সাহেবের হাত দু’খানা চেপে ধরেন, কখনো রেডক্রসে পয়সা দেবেন বলে লোভ দেখান, কখনও ‘দি ইণ্ডিয়ান এসোসিয়েশন লিমিটেড, কাইরো’র প্রতিভূ হিসাবে নদস্বে সর্গর্বে দু’হাতে বুক চাপড়ান!

ক্রমাল দিয়ে চোখের কোণ মোছেননি—নববসের ঐটুকুই বাদ পড়েছিল। সাহেব না হয়ে কেরানী মেম হলে সেটাও বোধ হয় বাদ পড়ত না।

সাহেব যখন শেষটায় রাজী হল, তখন দেখা গেল, লক্ষীছাড়া ভবঘুরেটার কাছে পাসপোর্টের দাম পাঁচটি টাকা পর্যন্ত নেই। এক লহমার তরে মুখহানা হকচকিয়ে গিয়েছিলেন। সামলে নিয়ে অতি সপ্রতিভভাবে জেব থেকে টাকাটা বের করে দিলেন।

এ টাকা তিনি কখনও ফেরত পাননি। আমি যখন বললুম, ‘টাকাটা এসোসিয়েশনের খরচায় ফেলুন,’ তখন তিনি হঠাৎ ভেড়ে উঠে খেঁকখেঁকিয়ে বললেন, ‘লোকটা হজে যেতে চায়। সুদিন থাকলে আমি কি শুধু পাসপোর্ট—’

আমি ভাড়াভাড়া মাপ চাইলুম। মুখহানা চূপ করে গেলেন। উঠে যাবার সময় আমার সামনে এসে মাথা নিচু করে বললেন, ‘আমার মেজাজটা একটু তিরিকি হয়ে গেছে। আপনি আমার মাফ করবেন।’ আমি তাঁর হাত ছুখানি ধরে বললুম, ‘আপনি আমার বড় ভাইয়ের মত।’

আমি কাইরো আসার পরও মুখহানা আট মাস কারবার গড়ে তোলবার জন্য লড়াই করেছিলেন। তার পর একদিন হার মানলেন। কারবারের কাছে নয়, যক্ষ্মার কাছে।

গ্রীসের রাজকুমারীর সঙ্গে ইংলণ্ডের রাজকুমারের বিয়ে। কাইরোবাসী হাজার হাজার গ্রীক আনন্দে আত্মহারা। সবাই যেন জাতে উঠে যাচ্ছে, চাঁড়াল যেন দৈবযোগে পৈতে পেয়ে যাচ্ছে। এবার থেকে গ্রীকদের সমঝে চলতে হবে। রাজপুত্রের শালার জাত, বাবা, চালাকি নয়! আমাদের পাড়ার গ্রীক মুদিটা পর্যন্ত পিরামিডের মত মাথা খাড়া করে মোরগটার মত দোকানের সামনের ফুটপাথে গটর-গটর করে করে টহল দেয়, আমাকে আর মেলাম করে না। কি আর করি, রাজপুত্রের শালা, বাবা, চাউখানি কথা নয়, আমিই মেলাম করে জিজ্ঞেস করি, ‘বর-কনে কিরকম আছেন?’ মিশর রাণী গ্রীক-রমণী ক্লিওপাত্রার দস্ত মুখে মেখে আমার দিকে সে পরম তাচ্ছিল্য-ভরে তাকিয়ে বলে, ‘কনগ্রেচুলেট করে তার করেছি, জবাব এলেই খবর পাবে।’

আমি তো ভয়ে মর-মর। সিদ্ধী ভাষায় প্রবাদ আছে সিংহটাও নাকি শালাকে ডরায়।

সেই বিয়ের পরবের ফিল্ম এলো কাইরোয়। গ্রীক-মেয়ের গর্ভের বাচ্চা পর্যন্ত ছুটলো সে ছবি দেখতে। আমাদের ওমর আধা-ভারতীয়, আধা-গ্রীক (যদিও রক্তে খাল মিশরী)। সে ধরে বসলো ছবি দেখতে যেতেই হবে। আমিও সায় দিলুম। ভাবলুম মুখহানার মনটা যদি চান্দা হয়। হেলেনা বায়োস্কোপ যেতে ভালবাসতেন। কিন্তু স্বামীর অস্থখ হওয়ার পর থেকে যাওয়া বন্ধ করে দিয়েছিলেন।

গিয়ে দেখি, ‘কিউ’ লম্বা হতে হতে প্যাচ খেয়ে ‘ইউ’ হয়ে তখন ‘ডবল ইউ’ হওয়ার উপক্রম। আমরা সবাই একটা কাকিতে গিয়ে বসলুম। ওমর কালা-বাড়ার থেকে টিকিট আনল।

স্তিতরে গোলমাল, চেঁচামেচি, চিংকার। বাঙালী যজ্ঞিবাড়িকে চিংকারে

গ্রীকরা হার মানায়। মুখহানা যে ক্লান্ত হয়ে পড়েছেন, আমরা লক্ষ করিনি। সিনেমা থেকে ফিরেই গলা দিয়ে অনেকখানি রক্ত উঠল। আমরা বিচলিত হয়ে পড়েছি দেখে হঠাৎ তিনি আমাকে জিজ্ঞেস করলেন, 'গ্রীকগুলো হলে হয়ে উঠেছে। ওদের দেখলে ভাবখানা কি মনে হয় জানেন?'

আমি বললুম 'না'।

বললেন, 'মনে হয় না, যেন বলতে চায় 'হেই, ঐ ড্যাম দুনিয়াটার দাম কত বল তো, আমি ওটা কিনব?'

হাসলেন না কাশলেন ঠিক বুঝতে পারলুম না। অস্থখ খিটখিটেমি আর খাপছাড়া রসিকতা—এ তিনের উদ্ভট সংমিশ্রণের সামনে আমি ভ্যাবাচাকা খেয়ে গেলুম।

অনেক রাত অবধি ঘুম এলো না। মনটা বিকল হয়ে গিয়েছে। যন্ত্রাতে মরে বহু লোক, তার উপর চোখের সামনে দেখতে পাচ্ছি, এ মানুষটা রক্ত-স্রব দিয়ে দিনের পর দিন মরণ-বঁধুর জান হাতে রাখী বেঁধেই চলেছে। যে ব্যবসায় মন্ত্র এতদিন তাঁকে অন্ন-বস্ত্র ভোগ-বিলাস দিচ্ছিল, আজ যেন সে-ই হঠাৎ এক ফ্রাঙ্কেনস্টাইনের মত তাঁর হাতছাড়া হয়ে তাঁরই কর্তৃক করে সবলে দুই বাহু দিয়ে নিষ্পেষিত করে বিন্দু-বিন্দু রক্ত নিঙড়ে নিচ্ছে।

হঠাৎ শুনি হেলেনার কান্না। দরজা খুলে বেরুতেই দেখি, মুখহানার শোবার ঘরের দরজা খোলা আর মুখহানা ঠাস-ঠাস করে হেলেনার গালে চড় মারছেন। আমি ছুটে গিয়ে তাঁকে ধরতেই তিনি যেন চৈতন্য ফিরে পেয়েছেন এরকমভাবে আমার দিকে তাকালেন। আমি তাঁকে খাটে শুইয়ে দিয়ে আপন ঘরে ফিরে এলুম।

ভোরের দিকে ঘুম ভাঙল। দেখি ঘরে আলো জ্বলছে আর হেলেনা আমার খাটের পাশে দাঁড়িয়ে। আমি আশ্চর্য হলাম না, বললুম 'বসুন।'

আমি স্থির করেছিলুম, স্বেযোগ পাওয়া মাত্রই তাঁকে বুঝিয়ে বলব, তিনি যেন মুখহানাকে মাপ করেন। অস্থখে ভুগে ভুগে মানুষ কি-রকম আত্ম-কর্তৃক হারিয়ে ফেলে, সে কথা বুঝিয়ে বলব। অস্তুত এটা তো বলতেই হবে— তা সে সত্যই হোক আর মিথ্যেই হোক—সেবার পরিবর্তে ভারতবাসী আঘাত দেয় না।

কিন্তু আমাকে কিছুই বলতে হল না। হেলেনা চোখের জল দিয়ে আমাকেই অহুময়-বিনয় করলেন আমি যেন মুখহানাকে ভুল না বুঝি। এ

মুখহানা সে মুখহানা নয় যিনি তিন বৎসর ধরে তাঁকে সাধ্যসাধনা করেছিলেন তাঁর প্রেম গ্রহণ করতে। বাড়ি-গাড়ি টাকা-পয়সা, তাঁর সর্বস্ব তিনি হেলেনাকে দিয়ে তিন বৎসর ধরে বার বার তাঁকে বলেছিলেন, তিনি তাঁকে গ্রহণ না করলে তিনি দেশত্যাগী হবেন।

হেলেনা বললেন, ‘আপনি ভাবছেন, দেশত্যাগী হবেন শুধু কথাই কথা। তা নয়। আমার মামা তো ব্যবসায়ের ভিতর দিয়ে মুখহানাকে চিনতেন দশ বৎসর ধরে। তিনিই বলেছেন, ‘এই কাইরোর মত শহরে মুখহানা কোনও মেয়ের দিকে একবারের তরে ফিরেও তাকাননি। সাত বছর হল আমাদের বিয়ে হয়েছে, টাকা-পয়সা যখন তাঁর ছিল তখন কত ফরাসী কত হাঙ্গেরিয়ান মেয়ে তাঁর পিছু নিয়েছে, কিন্তু এই সাত বছরের ভিতর একদিন একবারের তরেও আমার মনে এতটুকু সন্দেহ হয়নি যে তিনি আমায় ফাঁকি দিতে পারেন। মুখহানা তো ফাঁকির মানুষ নন।’

আমি চূপ করে শুনে লাগলুম। বললেন, ‘আজ না হয় তিনি ছয়বছর পড়েছেন বলে আমাকে তাঁর ব্যাঙ্কের হিসেব দেখান না, কিন্তু এমন দিনও তো ছিল যখন তিনি ব্ল্যাঙ্ক চেক দিয়ে বলতেন ‘সব টাকা উড়িয়ে দাও হেলেনা, আমি তাহলে বেশি কামাবার উৎসাহ পাব।’

‘আমার গায়ে হাত তুলেছেন? তুলুন, তুলুন। ঐ করে যদি তাঁর রোগ বেঁটিয়ে যায় তবে তিনি জুড়োবেন, তাঁর শরীর সেবে যাবে।’

তারপর বললেন, ‘বলুন, আপনি মুখহানাকে ভুল বোঝেননি?’

আমি বললুম, ‘না। আমি আরেকটি কথা বলতে চাই। আপনি মুখহানাকে যে সেবা করেছেন, তার চেয়ে বেশী সেবা আমার মাও আমার বাবাকে করতে পারতেন না।’

এর বাড়া তো আমি আর কিছু জানিনি। হেলেনার মুখে গভীর প্রশান্তি দেখা গেল। বললেন, ‘আপনি আমায় ঠাট্টা করেন। সব সময় ভয় মুখহানা হয়ত ভাবেন, বিদেশী মেয়ে বিয়ে করে তিনি হয়ত মনের মত সেবা পেলেন না। আমার বুকের কতটা ভার নেবে গেল আপনি বুঝতে পারবেন না।’

কথাটা ঠিক। আমি অতটা ভেবে বলিনি। পরদিন ছুটি ছিল। মুখহানা এসে কোনও ভূমিকা না দিয়েই বললেন, ‘কথা আছে।’

তৃপ্তির নিশ্বাস ফেলে বললেন, ‘স্থির করেছি, কারবার গুটিয়ে ফেলব।’

আমি আশ্চর্য হলুম, খুশিও হলুম, বললুম, ‘সেই ভাল।’ বললেন, ‘আমি

হার মানিনি। গুটোতে হচ্ছে অল্প কারণে। আমার দম নিতে বড় কষ্ট হয়। আর এই কাইরোতে আমার শরীর সাববে না। কুর্গে একমাস থাকলেই আমার শরীর সেবে যাবে।' তারপর খানিকক্ষণ ভেবে নিয়ে বললেন, 'আপনি তো কখনও কুর্গে যাননি, তা না হলে আমার কথাটার মর্ম বুঝতে পারতেন। এই সাহায্য হাওয়া আমি একদম সহিতে পারিনি। আমার বুক যেন বাঁকরা করে দেয়।'

কিছু বললুম না। কারণ জানতুম, জেনে-শুনে মিথ্যে কথা বলছেন না। সাহায্য এই বালু-ছাঁকা শুকনো বাতাস দিয়ে ফুসফুস পরিষ্কার করার জন্য অগুণতি ইয়োয়োগীয় যন্ত্রা রোগী প্রতি বৎসর মিশরে আসে।

উৎসাহের সঙ্গে বললেন, 'জানেন হের ডক্টর, ট্যামারিগু ট্রি কাকে বলে?' আমি বললুম, 'বিলক্ষণ।' আমার বাড়ির সামনে এক বিরাট তেঁতুল গাছ আছে। তারই ছাওয়ায় যদি আমি তিনটি দিন ডেক-চেয়ারে শুতে পারি তাহলে সব কাশি সব বকাইটিস ঝেড়ে ফেলতে পারব। যন্ত্রা না কচু! হোয়াট রট!'

আপন মনে মুচকি মুচকি হাসলেন। বললেন, 'আমি কী বোকা! এতদিন একথাটা ভাবিনি কেন বুঝতে পারিনি। আর কাঁজির কথা কেন মাথায় খেলেনি তাও বুঝতে পারিনি। খাবো মায়ের হাতে বানানো কাঁজি, শুয়ে থাকব তেঁতুল-তলায়, দম নেবে তেঁতুল-পাতা-ছাঁকা হাওয়া। ব্যস! তিন দিনে সব ব্যামো বাপ্ বাপ্ করে পালাবে। যন্ত্রা! হোয়াট ননসেন্স!'

তারপর হঠাৎ কি যেন মনে পড়ল। বললেন, 'হেলেনা যে খারাপ বাঁধে তা নয়। কিন্তু কাঁজি বানানো তো সোজা কর্ম নয়! আর এ মিশরী চালে কাঁজি হবেই বা কি করে?'

উঠে দাঁড়ালেন। বললেন, 'কারবার গুটোনোও তো কঠিন কাজ।' তারপর খুব সম্ভব ঐ কথাই ভাবতে ভাবতে ঘর থেকে বেরিয়ে গেলেন।

আমি রায় উন্টে বুললাম। মুখহানা খাটতে লাগলেন টপ গিয়ায়ে। আমি জ্বলে নই তাই বলতে পারব না, জ্বাল ফেলাতে মেহনত বেশি না গুটোতে। তবে এ কথা জানি, নদী-পুকুরে আবর্জনা থাকে বলে জ্বাল আকসায়ই হেথা-হোথা জড়িয়ে যায় আর ছাড়াতে গিয়ে চোখের জলে নাকের জলে হতে হয়। মুখহানায়ও হল তাই।

এখন শুধু আর ওমরের চেয়ারে চলে না। দারোয়ান ধরে ধরে উপরের তলায় উঠিয়ে দিয়ে যায়। আর কথা বলা বেড়ে গিয়েছে।

‘বুঝলেন হে ডক্টর, আমার মা অজ্ঞ পাডার্গেয়ে মেয়ে। নামটা পর্বস্ত সহই করতে জানে না। আপনার মা জানেন?’

ভাঁড়াবার প্রলোভন হয়েছিল কিন্তু মিথ্যাবাদীর স্বরণশক্তি ভাল হাওয়া চাই।

একটু যেন নিরাশ হয়ে বললেন, তাহলে আপনি সহজে বিশ্বাস করবেন না কিন্তু আমাদের অকলের সবাই জানে, হেন ব্যামো নেই মা যার দাওয়াই জানে না। আসলে কিন্তু দাওয়াই নয়, ডক্টর। মা সারায় পথিা দিয়ে। কচু, ঘেচু, দুনিয়ার যত সব বিদঘুটে আবোল-তাবোল দিয়ে মা যা রাঁধে, তা একবার খেলেই আপনি বুঝতে পারবেন ওর হাতে জাদু আছে। কিন্তু ওসব কিছুই দরকার হবে না আমার। ঐ যে বললুম কাঁজি আর তেঁতুলের ছায়া! তারপর ফিরে এসে দেখিয়ে দেব বাবসা গড়া করে কয়!’

একদিন লক্ষ্য করলুম, আগে বরঞ্চ মুখহানা মাঝে মাঝে গাড়িতে করে বাড়ি ফিরতেন, এখন প্রতি দিন হেঁটে। তাই নিরে একটুখানি মতামত প্রকাশ করলে পর মুখহানা বললেন, ‘আপনাকে সব কথা খোলসা করে বলিনি, শুনুন। আমি চাই হেলেনাকে যতদূর সম্ভব বেশি টাকা দিয়ে যেতে। ওর তো কেউ নেই যে ওকে থাওয়াবে। আমি অবিশি শিগুঁগিরই ফিরে আসব। কিন্তু ও বেচারী এক’মাস বড্ড খেটেছে, এখন একটুখানি আরাম না করলে ভেঙে পড়বে যে!’

আমি বললুম, ‘ওঁকে বলেছেন যে আপনি একা দেশে যাচ্ছেন?’

মুখহানা ক্ষীণ স্বরে বললেন, ‘হঁ, বড্ড কাঁদছে।’

আমি বললুম, ‘দেখুন মিস্টার মুখহানা, আর যা করুন—করুন, কিন্তু দুটি টাকা বেশি রেখে যাবার জন্য ব্যামোটা বাড়াবেন না।’

বুনো শূয়োরের মত মুখহানা ঘোঁৎ করে উঠলেন। বললেন, ‘যান, যান, বেশি উপদেশ কপচাতে হবে না। বিয়ে তো করেননি যে বুঝতে পারবেন হেলেনা আমার কে?’

তারপর গট গট করে রান্নাঘরে গিয়ে লাগালেন ওমরকে দুই ধমক। সে অবশি এসব ধমককে খোড়াই কেয়ার করে।

ফিরে এসে বললেন, ‘সৈয়দ সাহেব?’

‘জী?’

‘রাগ করলেন ?’

‘পাগল না কি ।’

বললেন, ‘আমার মা’র কথা বলছিলুম না আপনাকে ? অদ্ভুত মেয়ে । বাবা যখন মারা গেলেন তখন আমার বয়স এক । বিশেষ কিছু রেখে যেতেও পারেননি । কি দিয়ে যে আমায় মানুষ করলো, এখনও তার সন্ধান পাইনি । এই যে আমি কারবারে হার মানিনে, কন্সলেটে ঘাবড়াইনে, ইংরেজ গুপ্তচরকে ডরাইনে—সে-সব ঐ মায়ের কাছ থেকেই পেয়েছি । আপনি বললেন, ‘লেখাপড়া শেখেনি ।’

আমি বাধা দিয়ে বললুম, ‘আমি ককখনো বলিনি ।’

চোখ দুটি অগাধ স্নেহে ভরে নিয়ে বললেন, ‘যদি কোনোদিন কুর্গ আসেন তবে নিজেই দেখতে পাবেন ।’ তারপর হঠাৎ উৎসাহিত হয়ে বললেন, আমি না থাকলেও আসতে পারেন—নিশ্চয়ই আসবেন । শুধু বলবেন ‘আমি মুখহানাকে চিনি’, ব্যাস, আর দেখতে হবে না । বুড়ী আপনাকে নিয়ে যা মাতামাতি লাগাবে । কিন্তু কথা কইবেন কি করে ? মা তো কানাডা ছাড়া আর কিছু জানে না ।’

*

*

*

পূর্ণ তিনটি মাস আমি মুখহানার কাছ থেকে তাঁর মায়ের গল্প শুনেছি । এই গল্প পাঁচ সাত বার করে । আমার বিরক্তি ধরেনি । কিন্তু এ কথাও মানি আর কেউ বললে আমি এ কথা বিশ্বাস করতুম না । এক মাস যেতে না যেতেই আমার মনে হল, ফটোগ্রাফের দরকার নেই, গলার রেকর্ডের দরকার নেই, মুখহানার মাকে আমি হাজার পাঁচেক অচেনা মানুষের মাঝখানে দেখলেও চিনে নিতে পারব ।

কুর্গ গেলে আমি প্রথম দিন কি খাবো তাও জানি, নাইতে যাবার সময় লাল না নীল কোন রঙের গামছা পাবে তাও জানি, শুধু-গায়ে চলা ফেরা করলে মায়ের যে আপত্তি নেই তাও জানি এবং বিশেষ করে জেনে নিয়েছি, বিদায় নেবার সাত দিন আগের থেকে ঘেন রোজই যাবার তাগাদা দিই, না হলে বোম্বায়ে এসে জাহাজ ধরতে পারব না ।

এ তিন মাসের প্রথম দুমাস মুখহানার জীবনে মাত্র দুটি কর্ম ছিল । ধুকতে ধুকতে ঠোঁকর খেয়ে পড়ি-মড়ি হয়ে এ দোকান, ও দোকান, ঘুরে ঘুরে সমস্ত দিন ব্যবসা গুটোনো, আর রাতে আমাকে মায়ের গল্প বলা ।

তারপর মুখহানাকে শয্যা নিতে হল। এদিকে আমার পয়সাও ফুরিয়ে এসেছে। মুখহানা জানতেন, আমি একমাস পরেই দেশে ফিরব। টাকা থাকতেই আমি টিকিট কেটে রেখেছিলুম। আমার ইচ্ছে হচ্ছিল আরও কিছু দিন থাকার কিন্তু তাহলে হেলেনার হিসায় ভাগ বসাতে হত। সে তো অসম্ভব।

বিছানায় শুয়ে শুয়ে কান পেতে অপেক্ষা করছেন, আমি কখন বাড়ি ফিরব।

‘হের ডক্টর।’

‘আপনি আমাকে সব সময় ‘ডক্টর’ ‘ডক্টর’ করেন কেন?’

‘স্বাগ করেন কেন? আমি তো লেখাপড়া শিখিনি। আমার বন্ধু ‘ডক্টর’, সেটা ভাবতে ভাল লাগে না? কিন্তু সে কথা যাক। বলছিলুম কি, আমার মা—না থাক।’

আমি বললুম, ‘আপনাকে বলতেই হবে।’

‘আপনি শকুট হবেন। আর কেন যে বলছি তাও জানিনে। আমার মা ব্লাউজ-সেমিজ পরেন না, শুধু একখানা শাড়ি।’

আমি বললুম, ‘আমার মাও গরমের দিনে ব্লাউজ পরেন না।’

‘আঃ বাঁচালেন।’

*

*

*

কাইরো ছাড়ার দিন সাতেক আগে মুখহানা তাঁর ঘরে আমাকে ডেকে পাঠালেন। খান ত্রিশেক খাম দিয়ে বললেন, ‘এই ঠিকানা সব খামে টাইপ করে দিন তো।’

দেখি লেখা,

C. D. MUTHANA

VIRARAJENDRAPETH

MARCARA

South Coorg, India.

বললেন, ‘হেলেনা শুধু গ্রীক লিখতে পারে। তাই এই খামগুলো দেশে যাবার সময় তার কাছে রেখে যাব। আমাকে চিঠি লিখতে তাহলে তার কোনও অসুবিধে হবে না। আমিও তো শিগ্গিরই দেশে যাচ্ছি।’

টাইপ করছি, আর ভাবছি, এর কটা খামের প্রয়োজন হবে? এ বড়

অমঙ্গল চিন্তা, পাপ চিন্তা কিন্তু শত চেষ্টা করেও মনকে তার থেকে মুক্ত করতে পারলুম না।

কাইরো ছাড়ার আগের দিন মুখহানা আমাকে থেকে বললেন, 'ওমর, বলছিল আপনি নাকি বিকেলের দিকে আজহর অঞ্চলে যাবেন। আমার জন্মে তিনখানা কুরান শরীফ কিনে আনবেন ?'

আমি বললুম, 'কার জন্ম কিনছেন ?'

'আমার গাঁয়ের মোল্লাদের জন্ম। তারা বলছিল, ভারতবর্ষে ছাপা কুরানে নাকি বিস্তর ছাপার ভুল থাকে। কাইরোর কুরান নিয়ে গেলে তারা যা খুশিটা হবে।'

আমার ভুল অমূলক। বিদায় নেবার দিন দেখি মুখহানা ভারি খুশি-মুখ। বার বার বললেন, 'শিগ্গিরই ভারতবর্ষে দেখা হবে।' হেলেনা—থাক সে কথা। ও-রকম অসহায়ের কান্না আমি জীবনে কখনও দেখিনি, কখনও দেখতে হবে না, তাও জানি।

দেশে ফিরেই মুখহানাকে চিঠি লিখলুম, জবাব পেলুম না। তখন অতি ভয়ে ভয়ে তাঁর মাকে লিখলুম, 'কোদগুর শরীর একটুখানি অসুস্থ হয়ে পড়েছিল বলে তিনি কিছুদিনের জন্ম দেশে আসবেন বলেছিলেন। আপনার কথা আমাকে সব সময় বলতেন আর দেশের ঘরবাড়ির জন্ম তাঁর মন অত্যন্ত অস্থির হয়ে উঠেছিল। আমি তাঁর সঙ্গে এক বৎসর একই বাড়িতে ছিলাম। আপনার কথা সব সময় ভাবতেন আর আমাকে রোজই আপনার কথা বলতেন। কম ছেলেই মাকে এত ভালোবাসে। আপনি আমার প্রণাম নেবেন।'—বহু ভেবে-চিন্তে এই কটি কথা লিখেছিলাম, পাছে আমার কোনও কথা তাঁর মনে ব্যথা দেয়।

এ চিঠিরও উত্তর পেলুম না।

তার মাস খানেক পর কাইরো থেকে খবর পেলুম, কোদগু মুখহানা আমি চলে আসার তিন দিন পর ইহলোক ত্যাগ করেন।

মাদ্রাজ উপকণ্ঠের বেলাভূমি

এই যে সামনের বালুপাড়ের উপর জেলেপাড়া এর সঙ্গে মানব সভ্যতার কোথায় যোগসূত্র—এই পাড়ার বাইরে যে সংসার তার উপরে সে কতটা নির্ভর করে, কি পরিমাণ সহযোগিতা পায় ?

এদের ঘরে যা তৈজসপত্র তা বিক্রি করলে দু'টাকার বেশি উঠবে না। যেসব বাসনকোসন সামনের রাস্তার কলতলায় ধুতে নিয়ে আসে তার অধিকাংশ মাটির। দৈন্য বোধ হয় এদের চরম, কারণ হাঁড়ি-কলসীগুলোও অভ্যস্ত মামুলী—তাদের আকারপ্রকারে সামান্যতম সৌন্দর্যের সন্ধান নেই। এমনই এবড়ো-থেবড়ো যে কোনো গতিকে দাঁড় করানো যায় মাত্র—ভারকেন্দ্র বলে কোন জিনিস বেশির ভাগ হাঁড়ি-কলসীতে নেই।

পুরুষরা কাজকর্ম করে শুধু একখানা কালো রঙের এক বিঘৎ চওড়া নেংটি আর ঘুনসি পরে। সন্ধ্যাবেলায় দেখেছি কেউ কেউ দুটি-শাট পরে—বেশির ভাগ যে জামা-কাপড় পরে সেগুলো দেখে মনে হয় যেন মাছের বদলে কুড়িয়ে-নেওয়া পরিত্যক্ত বৃশ-শাট, বোতামহীন শাট। ময়লা ঝোলাঝালা শাট-শাট দেখে স্পষ্ট বোঝা যায়, নিতান্ত হিম বাতাসের কনকনানিতে বাধ্য হয়ে পরেছে।

মেয়েরা পরেছে উত্তর ভারতে তৈরী মিলের শাড়ি। দক্ষিণ ভারতের স্বন্দর সবুজ-সোনালি, মেরুন-নীল রঙের মামুলী শাড়ি কেনার পয়সা এদের নেই। একরঙা জামা যা পরেছে তা সে এমনি বিবর্ণ আর রুক্ষ যে সেটা পরার কোনো অর্থ বোঝা যায় না—পরার কি প্রয়োজন?—আমাদের জেলেদীরা তো পরে না। দু'একজনের পায়ে আংটি, হাতে বালা, নাকে ফুল—সবই রূপোর।

এরা কেরোসিনের ডিবে জ্বালায় না রেডির তেলের পিদ্দিম এখনো বুঝে উঠতে পারিনি। আর সে জ্বালানোই বা কতক্ষণের জগ্ন ? সন্ধ্যা ভালো করে ঘনাতে না-ঘনাতেই সাঁঝের পিদ্দিম দেখিয়ে এরা আলো নিভিয়ে ফেলে।

এদের মাছ ধরার জাল, খানকয়েক এবড়ো-থেবড়ো তক্তায় জোড়া কাটা-মারুন ভেলা, দড়াদড়ি সব কিছুই এদের নিজের হাতে তৈরি—সামান্য সীমের গুলি আর লোহার পেয়েক হয়ত সভ্য মানবের কাছ থেকে কিনে নেওয়া।

এদের ছেলেমেয়েরা ইস্কুল যায় না, ব্যামো শক্ত না হলে ডাক্তার-
হাসপাতালের সন্ধান করে না।

শহরের সভ্যতার কাছ থেকে এই নগণ্য,—প্রায় উজ্জ্বলিত—গ্যাকডাটুকু
গুলিপেরেকটার বদলে এরা সকাল-সন্ধ্যা খাটে। যে মাছ ধরে তার অতি
সামান্য অংশ খায়, বেশির ভাগ ‘বিক্রি’ করে দিতে হয় ঐ গ্যাকডাটুকু, ঐ
পেরেকটা আর দু’মুঠো চালের জন্ম। ‘বেচাকেনার’ নামে এই নগ্ন প্রবঞ্চনা
চোখের সামনে যুগযুগ ধরে চলে আসছে।

‘নগ্ন-প্রবঞ্চনা ?’ চক্ষুমান লোকের সামনে এ নগ্নতা ধরা পড়ে।

আর সবাই দেখছে সেই গল্পের রাজা যেন ফকিরের জামা-কাপড় পরে
শোভাযাত্রায় চলেছেন। ‘সভ্যতার’ এই শোভাযাত্রার মাঝখানে সেই সরল
বালকের চোচানো কেউ স্তনতে পায় না—কিংবা চায় না।

* * *

সমুদ্রের গর্জন আর বাতাসের হাহাকারে যতক্ষণ বারান্দা মুখরিত থাকে,
ততক্ষণ রাস্তার কলতলার শব্দ কানে আসে না—শুধু দেখি সমুদ্রপারের জেলেরা
আসছে পথের পাশের কলতলায় নাইতে অথবা কাপড় কাচতে; মেয়েরা
আসছে জল নিতে, বাসন ধুতে, কাপড় কাচতে, কাচা-বাচ্চাদের নাওয়াতে,
মাথা ঘষতে। কল থেকে জল বেরোয় অতি মন্দগতিতে—একটি কলসী ভরতে
আধ ঘণ্টাটুকু লাগে।

বেশী ভিড় না থাকলে দূর গাঁয়ের মেয়েরা শহরে যাবার মুখে মাথা থেকে
চুবড়ি নামিয়ে ছুদু জিরিয়ে নেয়, কলে হাত পা ধোয়।

আপিস কিংবা কারখানা যাওয়ার তাড়া থাকলে নিশ্চয়ই কলতলায় ঝগড়া-
ঝাঁটি বেধে যেত। এখানে সব কিছু ধীরে-স্থলে এগোয়। ঐ যে জেলেটা
আরাম করে কলতলায় গা এলিয়ে দিয়েছে তার জন্ম কলসীহাতে মেয়েটার
কোনো আপত্তি আছে বলে মনে হচ্ছে না। কথাবার্তা হচ্ছে তা সমুদ্রের
গর্জনে আর বাতাসের শনশনানিতে শোনা যাচ্ছে না।

আজ বাদলার দিন। নাইবার চাড় নেই বলে কলতলায় ভিড় কম। কাচা-
বাচ্চারা তো একদম আসেনি। কিন্তু কড়া গরম পড়লে এখানে রীতিমত
হাট বসে যায়। কড়া গরম পড়ার মানে যে তখন হাওয়া বন্ধ, কাজেই তখন
একটু আধটু চিংকারও শোনা যায়—মেজাজও তখন কড়া হয়ে যায় বলে।

কলতলার ভিড় কমে এসেছে। দুপুরবেলা খেয়েদেয়ে বারান্দায় দাঁড়িয়ে

দেখি, একটি জেলেনী কলসী ভরে দাঁড়িয়ে রয়েছে—কলতলায় আর কেউ নেই যে কলসীটা মাথায় তুলে দেবে।

এমন সময় এক রিক্শওলা যাচ্ছিল। রিক্শ দাঁড় করিয়ে সে কলসীটা তুলে দিয়ে ফের রিক্শ টানতে টানতে চলে গেল।

মেয়েটা একবার ক্লতজ্ঞ নয়নে তাকালো পর্যন্ত না। রিক্শওয়ালার অত্যন্ত তাচ্ছিল্যের সঙ্গে সাহায্যটুকু করে গেল—যেন এরকম ধারা কয়টা তার হামেশাই লেগে আছে।

একেই বলে খাঁটি ভদ্রতা।

আনিকি পাসিকিভি

এক বাঙালী দম্পতির সঙ্গে জিনীভার এক বড় হোটেলে উঠেছি। প্রথম বিয়ই খানাঘরে লক্ষ্য করলুম, আমাদের টেবিলের দিকে মুখ করে বসেছেন এক দীর্ঘাকী যুবতী। দীর্ঘাকী বললে কম বলা হয়, কারণ আমার মনে হল এঁর দৈর্ঘ্য অন্তত পক্ষে পাঁচ ফুট এগার ইঞ্চি হবে—আমরা তিনজন বাঙালী গডপড়তার পাঁচ ইঞ্চি হই কি না-হই।

দৈর্ঘ্যের সঙ্গে মিলিয়ে সঙ্গঠিত দেহ—সেইটেই ছিল তাঁর সৌন্দর্য, কারণ মুখের গঠন, চুলের রঙ এবং আর পাঁচটা বিষয়ে তিনি সাধারণ ইয়োয়োপীয় রমণীদেরই মত।

ভদ্রতা বজায় রেখে আমরা তিনজনেই যুবতীটিকে অনেকদূর দেখে নিলুম। ফিসফিস করে তাঁর সম্বন্ধে আমাদের ভিতরে আলোচনাও হল। কখন লক্ষ্য করলুম, আমাদের দিকে তিনিও দু'চারবার তাকিয়ে নিয়েছেন।

সেই সন্ধ্যায় বাঙালী ভদ্রমহিলাটি হোটেলের ডয়িংরুমে বারোয়ারী রেডিওটা নিয়ে স্টেশন খোঁজাখুঁজি করছিলেন; আমি একপাশে বসে খবরের কাগজ পড়ছিলুম। হঠাৎ সেই যুবতী ঘরে ঢুকে সোজা মহিলাটির কাছে গিয়ে পরিষ্কার ইংরিজিতে বললেন, 'আপনাকে সাহায্য করতে পারি কি? আপনি কি কোনো বিশেষ স্টেশন খুঁজছেন? আমার বেতারবাই আছে।'

পরিচয় হয়ে গেল। রোজ খাবার সময় আমাদের টেবিলেই বসতে আরম্ভ করলেন। নাম আনিকি পাসিকিভি—দেশ ফিনল্যান্ডে

ফিনল্যান্ডের আর কাকে চিনব ? ছেলেবেলায় ফিন লেখক জিলিয়াকুসের 'রুশ বিদ্রোহের ইতিহাস' পড়েছিলুম আর তাঁর ছেলে জিলিয়াকুসও বিখ্যাত লেখক—প্রায়ই 'নিউ স্টেটসম্যানে' উচ্চাঙ্গের প্রবন্ধাদি লিখে থাকেন ।
বাস্ ।

কিন্তু তবু যেন পাসিকিভি নামটা চেনা চেনা বলে মনে হল । সে কথাটা বলতে আনিকি একটুখানি লজ্জার সঙ্গে বললেন, 'আমার বাবা ফিনল্যান্ডের প্রেসিডেন্ট ।'

আমরা তিনজনেই একসঙ্গে বললুম, 'অ ।'

আনিকির সঙ্গে আলাপ হওয়াতে আমাদের ভারি সুবিধে হল । বাঙালী দম্পতি ইংরিজি আর বাঙলা ভিন্ন অন্য কোন ভাষা জানতেন না, কাজেই আমাকে সব সময়ই তাঁদের সঙ্গে বেরতে হত । আনিকি অনেকগুলো ভাষা জানতেন ; তিনি তাঁদের নিয়ে বেরতেন আর আমি যুনিভার্সিটি, লাইব্রেরি, মিটিং-মাটিং করে বেড়াতুম ।

সুইস খানা যদিও বেজায় পুষ্টিকর তবু একটুখানি ভোঁতা—আনিকি ম্যানেজারের সঙ্গে কথা কয়ে তার পরিপাটি ব্যবস্থা করে দিলেন । শামুনিক্‌স্ দেখতে যাবার জন্য মোটর ভাড়া করতে যাচ্ছি—আনিকি এক দোস্তের গাড়ি ফিরি-গ্র্যাটিস-অ্যাণ্ড-ফরনাথিং যোগাড় করে দিলেন । তা ছাড়া জিনীভা, লজান, মন্ট্রো, ভিল্নভ্ (রমাঁ রলাঁ সেখানে থাকতেন) সম্বন্ধে দিনের পর দিন নানাপ্রকারের খবর দিয়ে আমাদের ওয়াকিবহাল করে তুললেন !

স্বল্প বয়সেই আনিকির ছিল । আমি একদিন শুধালাম, 'আপনি অতগুলো ভাষা শিখলেন কি করে ?'

বললেন, 'বাধ্য হয়ে । ইয়োরোপের খানদানী ঘরের মেয়েদের মেলা ভাষা শিখতে হয় বরের বাজার কর্নার করার জন্য । ইংরেজ ব্যারন, ফরাসি কাউন্ট, ইতালিয়ান ডিউক সকলের সঙ্গে বসলাপ করতে না পারলে বর জুটবে কি করে ?'

তারপর হেসে বললেন, 'কিন্তু সব শ্লাম্পেন টক্ ! এই পাঁচ ফুট এগারোকে বিয়ে করতে যাবে কোন ইংরেজ, কোন ফরাসি ? তাকে যে আমার কোমরে হাত রেখে নাচতে হবে বিয়ের রাতের বল ডান্সে ! যা দেখতে পাচ্ছি শেষটায় জাতভাই কোনো ফিনকেই পাকড়াও করতে হবে !'

আমি শুধালুম, 'ফিনরা কি বেজায় চ্যাঙা হয় ?'

বললেন, 'ছয়' ছয় তিন, ছয় ছয় হামেশাই। তাই তো তার, আর পাঁচটা জাতকে আকসার হাইজাম্পে হারায়।'

রসবোধ ছাড়া অন্য একটি গুণ ছিল আনিকির। হাজির-জবাব। কিছু বললে চট করে তার জুংসই জবাব তাঁর জিভে হামেহাল হাজির থাকত।

একদিন বেড়াতে বেরিয়েছি তাঁর সঙ্গে। এক ডেপো ছোকরা আনিকির দৈর্ঘ্য দেখে তাকে চেষ্টা করে শুধালেন, 'মাদমোয়াজেল, উপরের হাওয়াটা কি ঠাণ্ডা?'

আনিকি বললেন, 'পরিষ্কার তে বটেই। তোমার বোট, প্রখাস সেখানে নেই বলে।'

আনিকির সঙ্গে আমাদের এতখানি হৃদয়তা হয়েছিল যে তিনি আমাদের সঙ্গে লজান, মস্তো, লুৎসেন, ইন্টেরলাকেন, ৎসুরিশ সব জায়গায় ঘুরে বেড়ালেন।

বিদায়ের দিন শ্রীমতী বসু তো কেঁদেই ফেললেন।

*

*

*

দু'এক বৎসর আমাদের সঙ্গে পত্র ব্যবহার ছিল। তার পর যা হয়—আন্তে আন্তে যোগসূত্র ছিন্ন হয়ে গেল।

তারপর বহু বৎসর কেটে গিয়েছে, এখানে এক ফিন্ মহিলার সঙ্গে আলাপ। শুধালুম, 'প্রেমিডেন্ট পাসিকিভির মেয়েকে চেনেন?'

শুন্ম হয়ে রইলেন ভদ্রমহিলা অনেকক্ষণ। তারপর শুধালেন, 'আপনার সঙ্গে এখন কি তাঁর যোগাযোগ নেই?'

আমি বললুম, 'বহু বৎসর ধরে নেই।'

বললেন, তিনি চার মাস ধরে হাসপাতালে। পেটের ক্যানসার। বাঁচবেন না। আপনি একটা চিঠি লিখুন না। অবশ্য অসুখের কথা উল্লেখ না করে।

সে রাত্রেই লিখলুম।

দিন চারেক পরে আরেক পার্টিতে সেই ফিন্ মহিলার সঙ্গে দেখা। শুধালেন, 'চিঠি লিখেছেন?'

আমি বললুম, 'হ্যাঁ।'

বললেন, 'দয়কার ছিল না। কাল দেশের কাগজে পড়লুম, মারা গেছেন।'

বিদেশে

প্রায়ই প্রশ্ন শুনতে হয়, 'সব চেয়ে কোন্ দেশ ভাল ?'

'মাই কানট্রি রাইট অর রঙ, মাই মাদার ড্রান্‌ক অর সোবারু' জাতীয় পাড় লোক হলে তো কথা নেই, চট করে বলবে, তার দেশই সব চেয়ে ভালো। কিন্তু আপনি যদি সে গোত্রের প্রাণী না হন তবে কি উত্তর দেবেন? কেউ যদি প্রশ্ন শুধায়, 'সব চেয়ে খেতে ভালো কি?' তা হলে যে রকম মুশকিলে পড়তে হয়।

তখন উর্নেটে শুধাতে হয়, 'ভালো দেশ' বলতে তুমি কি বোঝো? প্রাকৃতিক সৌন্দর্য, আবহাওয়া, আহারাদি, জ্ঞানবিজ্ঞানের চর্চা, সৌন্দর্যের পূজা, ধন-দৌলত, আতিথেয়তা, তুমি চাও কোনটা? 'সব কটা মিলিয়ে হয় না?' 'আজ্ঞে না।'

তবু যদি কেউ পিস্তল উচিয়ে বলে, 'এখুনি তোমায় এদেশ ছাড়তে হবে; কোথায় যাবে বলো!' (যাদের ভ্রমণের শখ তাঁরা অবশ্য উল্লসিত হয়ে বলবেন, 'পিস্তল ওঁচাতে হবে না, একবার যাওয়ার ব্যবস্থা করে দিলেই হল') তা হলে বোধ হয় স্টিটজারল্যাণ্ডের নামই করব।

ধরে নিচ্ছি খর্চাটা আপনিই দিচ্ছেন—কারণ খর্চা যদি না দেন তবে তো সকলের পয়লাই ভাবতে হবে কোন্ দেশে গেলে দু' মুর্তো অন্ন জুটবে। তা হলে 'সাউথ সী আয়লেণ্ড' বা আফ্রিকার এমন কোনো দেশের কথা ভাবতে হবে যেখানে এস্তার কলা-নারকোল রয়েছে, জীবন সংগ্রাম কঠোর নয়—বেঘোরে প্রাণটা যাবার সম্ভাবনা কম। সেদিক দিয়ে অবশি মালদ্বীপ সব চেয়ে ভালো। ওদেশে কেউ কখনো শখ করে যায় নি তাই 'অতিথি' শব্দটা মালদ্বীপের ভাষায় ঝাঁ চক্চকে নূতন হয়ে পড়ে আছে, কখনো ব্যবহার হয় নি। মালদ্বীপের প্রত্যেকটি দ্বীপ এত ছোট যে, যে-কেউ যে-কোনো মুহূর্তে আপন বাড়ি ফিরে যেতে পারে—অতিথি হতে যাবে কে কার বাড়ি?—এখানে অবশ্য পালা নেন্নস্তনের কথা উঠছে না। তাই কেউ যদি কখনো পাকে-চক্রে মালদ্বীপ পৌঁছয় তবে তাকে এর বাড়িতে ওর বাড়িতে এ দ্বীপে ও দ্বীপে দু'দিন চারদিন

থাকতে গিয়ে হেসেখেলে বছর তিনেক কেটে যায়। আমার জীবনে আমি মাত্র একটি মালদ্বীপবাসীর সঙ্গে কাইরোতে পরিচিতি হই। প্রতিবার দেখা হলেই উদ্ভলোক মালদ্বীপ যাবার আমন্ত্রণের কথাটি আমার স্মরণ করিয়ে দিতেন।

তাই বলছিলুম খর্চা যখন আপনিই দিচ্ছেন তবে সুইটজারল্যান্ডে নই। সুইটজারল্যান্ডের মত আক্রা দেশ ইয়োরোপে আর নেই—সেখানকার খর্চা যদি আপনি বরদাস্ত করতে পারেন তবে আর সব দেশ তো ফাউ। টুক করে প্যারিস, বার্লিন, ভিয়েনা ঘুরে আসতে পারেন। খর্চা সুইটজারল্যান্ডে থাকলে যা বার্লিন ঘুরে এলেও তা।

স্বপ্নেই যখন থাকছেন, তখন ভাত কেন, পোলাওই খান। সিন্ধী প্রবাদে বলে, ‘স্বপ্নের পোলাওই যখন রাঁধছেন তখন ঘি ঢালতে কত্‌সি করছেন কেন?’) স্বপ্নেই যখন ভ্রমণ করছেন তখন খার্ড ক্লাস কেন, গোটা আছাছ চাটার করে ডি লুস কেবিনে কিংবা প্রেশারাইজড প্লেনে করে জিনীতা চলে যান।

লোক অব জীনিভার পাড়ে একটি ছোট, অতি ছোট কুটির (শালে) ভাত নেবেন আর একটি রাঁধুনী যোগাড় করে নেবেন।

কুনেই নাভিখান উঠলো তো? বিদেশে-বিভূই জায়গা; তার চুরি-চামারি ঠেকাবে কে? হিসেবে আলুর সের আড়াই টাকা দেখিয়ে বলবে না তো, ‘কত্‌তা, দাঁওয়ে মেরেছি, না হলে আসলে দাম তিন টাকা’?

এই হল সুইটজারল্যান্ডের প্রথম স্থখ। ছুঁচোমো, ছ্যাছডামো ওদেশ থেকে প্রায় উঠে গিয়েছে। সুইটজারল্যান্ডের হোটেলের তাই। আক্রা বটে—বসবাস খাই-খরচের জগ্‌ হরত দৈনিক কুড়ি টাকা নিল কিন্তু তার পরও আপনাকে মাখনটাতে ফাঁকি, মূর্গাটাতে জুচ্চোরি এসব করে না। আপনার খাওয়া দেখে যদি তার সন্দেহ হয় আপনি পেটভরে খাননি তবে এসে বলবে, ‘আপনি বিদেশী, এ রান্না আপনার হরত পছন্দ হয় নি। আপনি কি খেতে চান বাংলে দিন, আমরা সে রকম রেঁধে দেব।’

আপনি নিশ্চিন্ত থাকুন; আপনার রাঁধুনি আপনাকে ফাঁকি দেবে না।

সকালবেলা ঘুম ভাঙতেই বিছানার পাশের বোতামটি টিপবেন। পাঁচ মিনিটের ভিতর গরম কফি, মুড়মুড়ে রুটি আর শিশির-ভেজা মাখনের গুলি! রাঁধুনি বলবে, ‘স্বর, চমৎকার ওয়েদার। আপনি বেরুচ্ছেন তো? আমি বাজার চললুম।’

লেকের ধারে এসে একখানা বেঞ্চিতে বসবেন। খবরের কাগজটি পাশে রেখে তার উপর ছাট চাপা দেবেন।

আহা কী গভীর নীল জল জিনীভা লেকের। লেকের ওপারে যে আল্প্‌স্‌ সেও যেন নীল, আর তার মাথায় মাথায় সাদা সাদা বরফের টুপি। তার উপর চূড়োর কাটা কাটা সাদা ঝালরে লাজানো আকাশের ঘন নীল চন্দ্রাতপ। আর আকাশ-বাতাস, হৃদের জল, পাহাড়ের গা, বরফের টুপি সব কিছু ভরে দিয়েছে কাঁচা হলুদের মোনালি রোদ। সকালবেলার বাতাস একটু ঠাণ্ডা; কিন্তু প্রতিক্ষণে আপনার গালে কানে আদর করে করে সে বাতাস কুমুম-কুমুম গরম হতে থাকবে। ওভার-কোটের বোতামগুলো খুলে দিয়ে, পাইপটা ঠামতে আরম্ভ করবেন। হয়তো গুন্‌গুন্‌ করতে আরম্ভ করবেন, ‘আমি চিনি, চিনি, চিনি তোমারে ওগো বিদেশিনী’।

নীল জলের উপর দিয়ে সাদা জাহাজের এ-পার ও-পার খেয়া। জলের উপর আল্প্‌সের কালো ছায়া পড়েছে, ফাঁকে ফাঁকে নীল জল, তার উপর সাদা জাহাজ। সেই আল্পনার উপর জাহাজের চাকার তাড়ায় ভেঙে পড়ছে লক্ষ লক্ষ চেউয়ের চুম্বক। যেন কোন্‌ খেরালি বাদশা টাকশাল থেকে এইমাত্র বেরনো টাকা নিয়ে খোলামকুটির খেলা লাগিয়েছেন।

পাল তুলে দিয়ে চলেছে জলের নৌকো। অতি ধীরে অতি মন্থরে। জাল টেনে তোলার সময় রোদ এসে পড়েছে ভেজা জালে। কালো জাল জাহাজ ছোয়া লেগে রূপোর জাল হয়ে গেল।

এই রকম রূপোর জাল দিয়ে আপনার প্রিয়া তার খোঁপা জড়াতো না? তৎক্ষণাৎ বুকটা চড়চড় করে ইস্‌-পার-উস্‌-পার ফেটে যাবে। কোন্‌ মুখ বলে দেশ-ভ্রমণে অবিমিশ্র আনন্দ?

স্বব্বারে জিনীভার লেকের পাড় আরও চমৎকার।

বিস্তর নরনারী জাহাজ চড়ে বেরিয়েছে ফুঁতি করতে। এসব জাহাজ ‘ইম্পিশাল’—লম্বালম্বি লেকের এপার ওপার হয়। সমস্ত দিন জাহাজে কাটিয়ে উত্তম আহাৰাদি করে (হে বাঙালী, লেকের মাছ খেতে চমৎকার।

বাপরে সে কি বিরাট মাছ উদর আগাময়

মুখে দিলে মাখন যেন জঠর ঠাণ্ডা হয়),

জাহাজের ব্যাণ্ডের সঙ্গে টাকোর ধাগিনাতি নাকধিন আর ওয়াল্টসের ধা ধিন

না, ধা তিন না নেচে, কিংবা মাউথ-হারমনিয়াম বাজিয়ে, ছোড়াছুড়ির সঙ্গে ছুঁদণ্ড রসালাপ করে, কিংবা জাহাজের এক কোণে আপন মনে বসে খুদাতালার আমমান-পানি, পাহাড়-পর্বত দেখে দেখে সমস্ত দিনটা দিবা কেটে যায়।

সুইসরা ইংরেজের মত গেরেমভারী লোক নয়। যদি দেখে, আপনি বিদেশী, এক কোণে একা বসে আছেন তবে কোনো একটু ছুতো ধরে আপনার সঙ্গে আলাপ করে নেবেই নেবে। অবশ্য আপনি যদি খেঁকিয়ে ওঠেন তবে আলাদা কথা, কিন্তু আপনি তো বদরসিক নন—স্পষ্ট দেখতে পাচ্ছি আপনি ‘পঞ্চতন্ত্র’ পড়েন—আপনি খুশী হয়েই মাড়া দেবেন।

কিন্তু সুশীল পাঠক, এই বেলা তোমাকে বলে রাখি। দেশ ভ্রমণের বোল-আনা আনন্দই বরবাদ-পয়মাল যদি তুমি সে দেশের ভাষায় কথা কইতে না পারো। ভুল বললুম, বলা উচিত ছিল যদি বুঝতে না পারো। কথা কইবার প্রয়োজন অত বেশী নয়, সুইস যদি দেখে যে তুমি তার ভ্যাচর ভ্যাচর বুঝতে পারছো, মাঝে মাঝে মোকা-মাফিক ‘হ’ ‘ছ’ করছো কিংবা বুড়া রাজা প্রতাপ রায়ের মত সমে সমে মাথা নাড়ছো তা হলেই সে খুশী।

সুইস কেন, পৃথিবীর প্রায় সব জাতের লোকই বিদেশী সম্বন্ধে কোতূহলী। বিশেষ করে মেয়েদের উৎসাহ এ বাবদে পুরুষদের চেয়ে অনেক বেশী। অথচ মেয়েরা লাজুক তাই তারা পুরুষকে অগ্রদূত হিসেবে পাঠায় কলেকৌশলে আলাপ জমাবার জন্ত। তারপর

‘দীন যথা যায় দূর, তীর্থ দরশনে
রাজেন্দ্র সঙ্গমে,—’

কিংবা কালিদাসের বজ্র মণি সমুৎকীর্ণ হওয়ার পর সূত্র যে রকম স্ফুট করে উৎরে যায় (সংস্কৃতটা আর ফলালুম না, ভুল হয়ে যাবার প্রচুর সম্ভাবনা) মেয়েটি আপনার সঙ্গে আলাপ জমিয়ে নেবে।

সাবধানী পথিক, ভয় পেয়ো না। যে মেয়েটি আপনার সঙ্গে আলাপ জমাবার জন্ত ছোড়াটাকে পাঠিয়েছিল সে ফালতো। তার বোন ছোকরাটির ফিন্নালে। বোন সঙ্গে আছে, সে বেচারী একা একা কি করে ?

চামড়া আর চুলের রঙ তাঞ্জব জিনিস।

আমরা ফর্সা রঙের জন্ত আকুল, যার চুল একটুখানি বাদামী তার তো দেখাকে মাটিতে পা পড়ে না। আর বেশীর ভাগ উত্তর এবং মধ্য

...রোপার বদামী চামড়া আর কানো চুলের জন্তু জান কোরবানী দিতে
কবুল ।

চট করে একটা ঘটনার উল্লেখ করে নি । এ ঘটনা অধমের জীবনে
একাধিকবার হয়েছে ।

এরকম এক জাহাজে এক কোণে এক বসে আছি । আমার থেকে একটু
দূরে এক পাল ইয়ুলের মেয়ে মাস্টারনীর সঙ্গে ফুটি কবতে জাহাজে চেপেছে ।
সবাই আপন আপন শ্রাওউইচ বাড়ি থেকে সঙ্গে নিয়ে এসেছে । শ্রাওউইচগুলো
টেবিলের মধ্যখানে ব্যয়োগারি করে রাখা হয়েছে, আর জাহাজ থেকে তারা
অর্ডার করেছে লেমনেড ।

কী চেঁচামেচি । ‘দেখ দেখ, ফ্রিডির মা কি বরকম খাসা বেকন্-শ্রাওউইচ
পাঠিয়েছে’ ফ্রিডি লজ্জার টম্বাটো হয়ে বলছে, ‘না, না মাস্টার্ড ছিল না বলে
শ্রাওউইচ ভালো হয়নি’ ‘স্বামীর মা’র পাঠানো শ্রালাডটা খা ভাই, জানিস,
ওঁর বাগানে যা লেটসি আর টম্বাটো হয় !’ আর টীচার শুধু বলছেন, ‘চুপ
চুপ অভ করে চ্যাচাতে নেই । লোকে কি ভাবে ?

ধর্ম সাক্ষী লোকে কিছু ভাবে না । বরঞ্চ ওরা না চ্যাচালে পাঁচজন অস্বস্তি
অস্বস্তব করত ; ভাবত কালো-বোবাদের ইয়ুল পিকনিকে বেরিয়েছে ।

সব কটা মেয়ে—ইন্তেক টীচার—আডনয়নে ভদ্রতা বজায় রেখে আপনার
কালো চুল আর বদামী রঙের দিকে তাকাবে ।’

পয়ের স্টেশনে ছড়মুড় করে সবাই নেমে গেল । আমার মনটা উদাস
হয়ে গেল ।

তখন দেখি একটি আট ন’ বছরের মেয়ে টেবিলের তলায় লুকিয়ে ছিল
শুড়ি শুড়ি আমার কাছে এসে কার্টসি করে (অর্থাৎ দুহাতে ক্রত একটুখানি
তুলে হাঁটু ভেঙে) বসলে, ‘গুটেন টাখ (সুপ্রভাত) !’

আমি চিবুকে হাত দিয়ে আদর করে বললুম, ‘গুটেন টাখ, মাইন জ্যাসবেন
(সুপ্রভাত, মিষ্টি মেয়ে) ।’

লজ্জায় কাঁচুমাচু হয়ে, চুলের ডগা পর্যন্ত লাল করে বললে, ‘আপনি রাগ
করবেন না ?’ আমি বললুম, ‘নিশ্চয় না ।’ তবে বলুন তো, আপনি কি রঙ
দিয়ে চুল কালো করেছেন । আমি কাউকে বলবো না, তিন সত্যি ।’

আমি তখন তার সোনালি চুলের দিকে মুখ নয়নে তাকিয়ে ! বললুম,
‘ভালি, তোমার কী সুন্দর সোনালি চুল !’

গাল ফুলিয়ে বললে, 'রাবিশ, আমি কালো চুল চাই।'

কিছুতেই বোকাতে পারিনি, আমি চুলে রঙ মাখাইনি।

শেষটার হঠাৎ বুদ্ধি খেলল। কোটের আস্তিন সরিয়ে দেখালুম, আমার লোমও কালো! বললুম, 'ওগুলো তো আর বসে বসে কালো করিনি।'

বিশ্বাস তখন তার হল। মুখে গভীর বিস্ময় মেখে, মাথা হেঁট করে আস্তে আস্তে জাহাজ থেকে নেমে গেল।

হুঁটাকা জোর ন' সিকে দিয়ে টিকিট কেটে বসেছেন। এমন আর কি আক্রা হল? সমস্ত দিন কাটাতে গেলে বায়স্কোপেও তার চেয়ে বেশি খরচা হত।

হুবহু গোয়ালন্দী জাহাজ। কেবিনের বালাই নেই—সব খোলা ডেক। রেলিঙের গা ঘেঁষে ঘেঁষে চাষজনের বসবার মত ছোট ছোট টেবিল সাজানো। নীল সাদায় ভোরা কাটা করুকরে টেবিল রুথ। ক্রিপ দিয়ে টেবিলের সঙ্গে সঁটা পাছে হাওয়াতে ভর করে পক্ষীরাজের মত ডানা মেলে লেকের 'হে-পারে' চলে যায়।

'হে-পারে?' চট করে মনটা পদ্মার দিকে ধাওয়া করলো তো?

আমারও মনে পড়েছিল পদ্মার কথা। জীবনে কতবার প্রদোষের আধা-আলো-অন্ধকারে টানপুর থেকে জাহাজ করে গোয়ালন্দের দিকে রওয়ানা হয়েছি। বিনিত্র রজনীর ক্লাস্তিতে সর্বদেহমন আসন্ন—বাড়ি ছাড়ার সময় মা অমঙ্গলের চোখের জল ঠেকিয়ে রাখতে পারেন নি, সে কথা বার বার বুকের ভিতর ~~কীভাবে~~ মত খোঁচা দিচ্ছে, বহু চেষ্টা করেও মন থেকে সেটাকে সরাতে পারছিলাম।

পদ্মার স্মৃতির মনের অনেকখানি বেদনা প্রতিবারই কমিয়ে দিয়েছে। রেলিঙের পাশে বসে, তারই উপর মাথা কাৎ করে তাকিয়ে আছি আকাশের দিকে, সেখানে কালো-সাদার মাঝখানে আস্তে আস্তে গোলাপি আভা ফুটে উঠছে। পদ্মার জল রাঙা হয়ে গেল, মহাজনী নৌকার পাল ফুলে উঠে মাঝ-খানটার গোলাপি মেখে নিয়েছে, দূরের পাখি আর এ-পৃথিবীর পাখি বলে মনে হচ্ছে না, কোন নন্দনকাননের মেহদি পাতার রস দিয়ে যেন ডানা ছুটি লাল করে নিয়েছে।

ঐ ভো সূর্য, ঐ ভো সবিতা!

জাহাজ জোর ফালতো স্টীম ছাডছে। তারই উপর কণে কণে রামধনুর রঙ খেলে যাচ্ছে। মাঝি-মাল্লাদের চেঁচামেচি কেমন যেন আর কর্কশ বলে মনে

হচ্ছে না। পাশে যোদ্ধার নমাজ পড়া শেষ হয়েছে। স্বর করে কোরান পড়তে আরম্ভ করেছেন। হাওয়াতে তাঁর দাড়ি ছলছে, পাগড়ীর গাজ ছলছে। বরযাত্রীর দল যাচ্ছে, না কনে খুববাড়ি যাচ্ছে, কে জানে—একমাথা সিঁহর-মাথা একটি মেয়ে ঘন ঘন শাঁখ বাজাচ্ছে। হিঁদু বাড়িতে তো শাঁখ শুনেছি সন্ধ্যাবেলায়, ভোরেও বাজায় নাকি? কে জানে?

উত্তমার্ধ লগ্ন, জাহাজের রশির মত মোটা ধবধবে পৈতে-ঝোলানো এক ব্রাহ্মণ বললেন, 'দেখো তো, মিয়া, ঠিক ঠিক রাজবাড়ির টিকিট দিয়েছে তো। যা ভিড় ছিল, কি দিতে কি দিয়ে বসেছে কে জানে? চশমাটাও হারিয়ে গিয়েছে।'

রসভঙ্গ হল অস্বীকার করিনে, কিন্তু কাতর বৃদ্ধ ব্রাহ্মণ; অবহেলা অবিনয় করলে মর্শীদ-মুক্কাবীর মারাত্মক অভিসম্পাত লাগবে। বেশ করে দেখে নিজে বললুম, 'আজ্ঞে (আগে হলে একথা বলার প্রয়োজন হত না যে, মুক্কাবীরা ছেলেবেলায়ই আমাদের পই-পই করে শিখিয়েছিলেন, 'হিন্দু গুরুজনদের সঙ্গে কথা কইতে হরদম 'আজ্ঞে'—বাঙাল ভাষায় 'আইগা' বলতে হয়), ঠিকই দিয়েছে; অ'পনাকে ঠকাতে যাবে কোন্ পাষণ্ড?'

ব্রাহ্মণ ভারি খুশী। আমার পাতাবিছানাতে পরম পরিভূষ্টি ভরে গা এলিয়ে দিয়ে ঘুমিয়ে পড়লেন।

হঠাৎ একটা গল্প মনে পড়ে গেল।

তরকারি-বেচনে-ওলা গেছে জাহাজ ইস্তিশানে টিকিট কাটতে—

'বাবু—অ—অ—অ, অ—বাবু, নারন্জোর (নারায়ণগঞ্জ) এ্যাখ'খান টিকিট দিবাইন নি?'

বাবু বললেন, 'ছ আনা!'

তরকারি-ওলা বললে, 'বাবু অ—অ—অ, চারি আনায় অইব না?'

বাবু পশ্চিম বাঙলার লোক, ওনাদের মেজাজ আমাদের ঘাশে এলে একটুখানি মিলিটারি হয়ে যায়। খেঁকিয়ে বলেন, 'দে ব্যাটা দে, ছ' আনা দে।'

গভীর বেদনা সহকারে তরকারি-ওলা বললে, 'বাবু অ—অ—, তুমি আমার দোকানে রোজ রোজ আও। কলাডা মুলাডা কিনো। দরদায় করো! আর আমি আইলাম তোমার দোকানে এগ্ দিন। দরদায় করতা গেলাম—তুমি অমন খাটানের মতন মুখডা করলা ক্যান?'

মনে আমার সন্দেহ জাগছে, চতুর পাঠক বিশ্বাস করতে চান না, জিনীভার জাহাজে বসে আমার এ 'নারানজী' (নারায়ণগঞ্জী) গল্প সত্যই মনে পড়েছিল কি না।

কেন পড়েছিল বলছি।

ইয়োয়োরোপের সব দেশের ভিতর সুইটজারল্যান্ডই সবচেয়ে 'এক দরে বিক্রি'। সেখানে দরদস্তুর করতে গেলে (আমি বাঙাল, তাই করেছিলুম। সুইস এমনই বোকার মত তাকায়, কিংবা খেঁকিয়ে ওঠে যেন তাকে আমি ড্যাম্ মিথ্যেবাদী বলে সন্দ করছি।

অথচ দেখুন, ইয়োয়োরোপীয়রা আমার দেশে হামেশাই দরদস্তুর করে। আমি যদি তরকারি-ওলার মত ওদেশে একবার গিয়ে দরদস্তুর করি, তবে ওরা 'খাটাসের মত মুখ করবে ক্যান্ ?'

ইতিমধ্যে মধ্য দিনের তপ্ত হাওয়া আমার মন উদাস করে দিয়েছে। যেহেতু ডাকে, নব বরষণে বাঙালীর মন কেমন যেন গভীর বেদনায় ভরে যায়, আর সে মনটা উদাস হয়ে যায় দুপুরবেলার আকাশের দিকে তাকিয়ে। হঠাৎ যেন বৃকে বেজে ওঠে, আমি এ সংসারের নই, এখানকার সুখ-দুঃখের সঙ্গে আমার কোন সম্পর্ক নেই।

কিন্তু ওরকম খারাপ মন খারাপের দাগুয়াই জাহাজে মজুদ। হঠাৎ অর্কেস্ট্রা বেজে উঠল :

'গোলাপবাগানে, মানুসির গোলাপবাগানে—'

কি হয়েছিল ?

'সেই গোলাপবাগানে, আমি মেরিকে চুমো খেয়েছিলুম—'

প্রথম চুম্বন তো মানুষ জীবনে কখনো ভুলতে পারে না'

ট্রেনে বসে আছেন, চট করে আপনার সঙ্গে কেউ আলাপ জমাতে যাবে না—আপনি হয়ত চূপ করে বসে থাকাকাটাই পছন্দ করেন। কিন্তু ফুটির জাহাজে যখন বসেছেন, তখন নিশ্চয়ই ফুটি করতে চান—বাঙলা কথা। একা বসে বসে ফুটি হয় না, তাই কেউ যদি আপনার সঙ্গে পরিচয় করে সুখদুঃখের গল্প জুড়তে চায়, তা হলে আপনার আপত্তি না থাকারই কথা এবং আশ্চর্য, মানুষ অনেক সময় পরদেশীর সঙ্গে যতদিন প্রাণ খুলে কথা কইতে পারে, স্বদেশবাসীর সঙ্গে ততটা পারে না। প্রাণের কোণে বছরের পর বছরের জমানো কোনো এক গভীর বেদনা আপনি সজ্জায় কখনো ক'উকে স্বদেশে

প্রকাশ করেন নি ; হঠাৎ একদিন দেখতে পাবেন, অজানা-অচেনা বিদেশ-বিভূঁইয়ে এক ভিনদেশীর সামনে আপনি আপনার সব দুঃখ-কাহিনী উজাড় করে চেলে দিয়েছেন। তার সঙ্গে জীবনে আপনার আর কখনো দেখা হবে না—সেই কারণেই হয়ত আপনার হৃদয়ের আঁকুর্বাঁকু তার বুকের উপর চেপে বসে অগদগদ পাথর সরিয়ে ফেলে নিষ্কৃতির গভীর আরাম পায়। ইয়েুরোপের লোক তাই কোনো এক গোপন বেদনা নিয়ে যখন হঠাৎ তার উপক্রম করে, তখন সাইকিয়াট্রিস্টের কাছে যায়—সেখানে বেদনার বেগ গম্বিয়ে দিয়ে সে আবার স্বস্থ মানুষ হয়ে সংসারের দুঃখ-কষ্টের সামনাসামনি হয়।

বোধ হয়, ঐ একই কারণে কখনো কখনো মানুষ বিদেশে স্বদেশবাসীর কাছেও তার বেদনার দ্বার খুলে দেয়।

একদা প্রাগ শহরে দেখি, এক ভারতীয় বৃদ্ধ—খুব সম্ভব দাক্ষিণাত্যের—রাস্তার বেকুকের মতন দাঁড়িয়ে আছেন। মুখের ফ্যালফ্যাল ভাব দেখে অনুমান করলুম, হয়ত রাস্তা হারিয়ে ফেলেছেন, কিংবা হয়ত পার্সটাও গেছে। কাছে গিয়ে শুধালুম, ‘ব্যাপার কি?’

ভদ্রলোক তো আমাকে জড়িয়ে ধরে কেঁদে ফেলেন আর কি। শুধু যে হোটেল হারিয়ে বসেছেন তাই নয়, হোটেলের নামটা পর্যন্ত বেসবক ভুলে গিয়েছেন।

কি করে তাঁর হোটেল খুঁজে পেলুম, সে এক নয়, পাঁচ—মহাতারত। ষিজেসলাল তো আর মিছে বলেন নি, ‘একদা যাহার বিজয় সেনানী হেলার লড়া করিল অয়।’ লড়া রাক্ষসের দেশ, প্রাগে ভদ্রসন্তানের বসবাস। আমার মত লেখাপড়ার পাঠা বঙ্গ সন্তানের মাথায় এসব ফন্দিফিকির বিস্তর খেলে—সাক্ষাৎ শার্ক হোম্‌স্‌ আর কি—সে কথা ‘দেশের’ পাঠককে হাইজাম্প-লজ্জাম্প দিয়ে বোঝাতে হবে না।

কিন্তু আমি মনে মনে পাঁচশবার তাক্কর মানলুম, এই নিরীহ তামিল ব্রাহ্মণের প্রাগে আসার কি প্রয়োজন? তখনকার দিনে প্রতি শহরে মেলা ইন্টারন্যাশনাল কনফারেন্স বসত না যে, তিনি ভেটেরানারির ‘রিওয়ারপেস্ট’ কিংবা ভারত বিদেশে ক’ শ’ মন গাঁজাগুলি চালান করতে পারবে, তাই নিয়ে পাণ্ডববর্জিত প্রাগে ভারতের প্রতিভূ হয়ে আলোচনা করতে আসবেন।

হোটলে পৌঁছতে দেখি, সেখানেও আরেক কুরুক্ষেত্র। এরকম নিরীহ বিদেশী প্রাণী হোটেলের লোকও কখনো দেখিনি—প্রাগ তো প্যারিস নয়—

তাই তারা ব্যাকুল হয়ে পড়েছে দশটায় বেরিয়ে লোকটা আটটা অবধি ফেরান কেন? তাঁকে বাড়ি ফিরিয়ে আনার জন্য আমি সেখানে শার্ক হোমসেরই কক্ষ পেলুম।

ভদ্রলোক চেপে ধরলেন, তাঁর সঙ্গে খানা খেয়ে যেতে হবে।

অপেরার টিকিট আমার কাটা ছিল—প্রাগের অপেরা ডাকসাইটে—কিন্তু আমার মনে হল, 'প্রালে তামিল ব্রাহ্মণ' যে-কোনো অপেরার টাইটলকে হার মানাতে পারে।

বললেন, 'খানাটা কিন্তু আমার ঘরেই হবে—ডাইনিংরুমে না!'

আমি বললুম, 'নিশ্চয়, নিশ্চয়।'

ঘরে ঢুকেই তড়িঘড়ি স্ট খুলে ফেলে ধুতি বের করে মাদ্রাজী কারদায় সেটাকে লুঙ্গি বানিয়ে পরলেন, গায়ে চাপালেন শার্ট, আর কাঁধে ঝোলালেন তোয়ালে।

চেয়ারে বসে খাটে দু-পা তুলে দিয়ে বললেন, 'আঃ!'

এরকম দরাজ-দিল লোক আমি জীবনে আর কখনো দেখিনি।

ওয়েটার ভাড়া ভাড়া ইংরেজিতে যখন বলে, এটা আনবো কি, সেটা আনবো কি, তিনি মাথা ছুলিয়ে বলেন, 'ইয়েস, ইয়েস, ত্রিং, ত্রিং।'

বড় হোটেল। সেখানে 'আ লা কার্তে' অস্তুত একশ' পদ রান্না হয়, তিনশ' রকমের মদ মজুত আছে। আমি বাধা দিতে গেলে তিনি বলেন, 'কি আলাতন, ভালো করে খেতে হবে না নাকি?'

অথচ তিনি খেলেন, আলু-কপি-মটর-সেদ্ধ, কুটি-মাখন, স্তালাড্ আর চা। বললেন, 'বুড়ো বয়সে আর মাছ-মাংসটা ধরে কি হবে?'

তবে তিনি নিশ্চয়ই এই প্রথম ইয়োরোপ এসেছেন। যে নিষ্ঠাবান ব্যক্তি বুদ্ধবয়সে অন্তকে মাংস খাওয়ার মে যৌবনে এলে নিজেও চেখে নিত।

ক্রমে ক্রমে পরিচয় হল। আই সি এস থেকে পেশন নিয়েছেন। ওদিকে শাস্ত্রী ঘরের ছেলে—বিস্তর সংস্কৃত সুস্তাষিত মুখস্থ। একটানা নানা রকমের গল্প বলে যেতে লাগলেন—প্রধানত শঙ্কর রামানুজের জীবনের চুটকিলা ঘটনা নিয়ে। ইংরেজিতে যাকে বলে, 'লাইটার সাইড'। আমি মুগ্ধ হয়ে শুনে যেতে লাগলুম।

তবে কি রাতের অন্ধকার যেমন যেমন ঘনতে লাগে, মাহুঘের মনের অন্ধকার ধর তার দরজা আস্তে আস্তে খুলে দেয়? আমরা আহালাদির পর

বেলকনিতে ভেঙেচোয়ালে লম্বা হয়ে গিয়েছি, চোখ আকাশের দিকে । চতুর্দিকের ফ্যাটের আলো আর রাস্তার বাতি নিতে যাওয়ার সঙ্গে সঙ্গে আকাশের তারা জ্বলজ্বল করে ফুটে উঠছে । চেনা ঘরদোরের তুলনায় মানুষ তেমন কিছু ক্ষুদ্র জীব নয়, কিন্তু বিরাট গম্ভীর আকাশের মূর্তি যখন তারায় তারায় ফুটে ওঠে, তখন তার ক্ষুদ্র হৃদয় আর তার ক্ষুদ্রতর লৌকিকতা, সর্কীর্ণতা কেমন ঘেন আন্তে আন্তে লোপ পেয়ে যায় !

কোনো ভূমিকা না দিয়ে বৃদ্ধ হঠাৎ বললেন, 'যার সঙ্গে চারি হয়, সেই ভাবে, এ-বুড়ো ইয়োরোপ এসেছে কি করতে ? কি যে বলব, ভেবে পাইনে ।'

এ তো তিনি আমাকে বলছেন না, আপন মনে ভাবছেন এবং হয়ত তাঁর অজানাতেই গলা দিয়ে সে ভাবনা প্রকাশ পেয়ে যাচ্ছে । আমি যে শুধু চূপ করলুম, তাই নয়, নিঃশ্বাস-প্রশ্বাসও প্রায় বন্ধ করে আনলুম, যাতে তাঁর চিন্তাধারা কোনো প্রকারের টক্কর না খায় ।

না, ভুল বুঝেছি । তিনি আমার উপস্থিতি সম্বন্ধে সম্পূর্ণ সচেতন ।

বললেন, 'দেশের অনেকেই জানে, কিন্তু কেউ আমাকে কখনো জিজ্ঞেস করেনি । এদেশে জিজ্ঞেস করলেও উত্তর দিই নে । কিন্তু তোমাকে বলি । এতে অসাধারণ কিংবা কেলেকারির কিছুই নেই-- থাকলে মানুষ চূপ করে থাকে না, সব সময়েই ফলিয়ে বর্ণনা করে আপন সাফাই গায় ।

'আমি বড় সুখী ছিলাম । স্ত্রী দুটি ছেলে আর একটি মেয়ে । দুটি ছেলেই কার্ট' ক্লাস পেয়েছে এম. এ.-তে সংস্কৃতে আর ইকনমিক্সে । মেয়েটির বিয়ে ঠিক—আমাইয়ের চেহারা কন্দর্পের মত ।

'চাকরি জীবনে মাদুরা, কাঞ্চী, তাম্বোর বহু জায়গায় ঘুরেছি, কিন্তু পৈতৃক ভদ্রাসনে যাবার কখনো সুযোগ হয়নি ; আমিও গ্রাম ছেড়েছি, ষোল বছর বয়সে পিতার মৃত্যুর পরেই ।

'হঠাৎ গৃহিণী চেপে ধরলেন—আমি তখন সবেমাত্র পেশন নিয়েছি—তিনি তাঁর স্বপ্নের ভিটে দেখতে যাবেন । ছেলেরাও বলে যাবে, মেয়েটার তো কথাই নেই । আমি অনেক করে বোঝালুম, সেখানে এটা নেই, ওটা নেই, সেটা নেই ; সাপ আছে, খবরের কাগজ নেই, মশা আছে, পাইখানার ব্যবস্থা নেই, কিন্তু কাকস্ব পরিবেশনা, তারা যাবেই যাবে । আমারও যে সামান্য দুর্বলতা হয়নি, সে কথা হালফ করে বলতে পারব না ।

‘বিশেষ করবে না, বাবা, তারা গ্রাম দেখে মুগ্ধ । আমি তো ট্রেনে পই-পই করে গ্রামটাকে যতদূর সম্ভব কাগো করে এঁকেছিলুম, তাদের শক্টি যেন বজ্র বেশি কঠোর কঠিন না হয় । তারা গাইলে উন্টো গান । ইদারা থেকে জল তুললো হৈহৈ করে—মাদ্রাজে কলের জল বন্ধ হলে এরাই ‘দি হিন্দু’ কাগজে কড়া কড়া চিঠি লিখত—, মেয়েটা দেখি, ছোট ছোট ইট নিয়ে বাস্ত-ভিটের গর্তগুলো বন্ধ করছে, গৃহিণী শুকনো তুলসীতলার অনবরত জল ঢালছেন ।

‘বড় আরাম পেলুম । গৃহিণীর কথা বাদ দাও, তিনি সতী-সাধী, কিন্তু আমার ‘মর্ডান’ ছেলেমেয়েরাও যে আমার চতুর্দশ পুরুষের ভিটেকে ভাঙিয়া করল না, তাই দেখে আমার চোখে জল ভরে এল !

‘আমার ছেলেবেলায় যারাষ্ট গ্রাম থেকে চলে যেত, তারা আর ফিরে আসত না । আমার বাবা তাই আমাকে কতবার বলেছেন, তার ঠিক নেই, ‘বেশুগোপাল, দেশের ভিটেমাটি অবহেলা করিস নি, আর যা কর কর ।’

‘চাকরির ধান্দায় আমি তাঁর সে আদেশ পালন করতে পারিনি । এখন দেখি, আমার ছেলেমেয়েরা তাঁর সে আদেশ পালন করছে । বসে বসে প্যান করছে, কোথায় রজনীগন্ধা ফোটাবে, কোথায় পাঁচিল তুলবে, কোথায় নাইট ফুল খুলবে । আমার গৃহিণী সার্থক গর্ভধারিণী ।’

বৃদ্ধ অনেকক্ষণ ধরে চূপ করে রইলেন । আমি আরো বেশি চূপ । বললেন, ‘এর পর আর বলার কিছুই নেই, তাই সংক্ষেপে বলি । মাত্র দুদিন কেটেছে ; তিন দিনের দিন সকালবেলা মেয়েটার কলেরা হল ঘণ্টাখানেকের ভিতরে ছেলে দুটোরো । লোক ছুটিয়ে মাদ্রাজে তার করলুম । আরো লোক ছুটলো এখানে-সেখানে ডাক্তার-বড়ির সন্ধানে । দশ ঘণ্টার ভিতরে তিনজনই চলে গেল । গৃহিণীর চোখের সামনে ।

‘তিনি গেলেন তার পরদিন । কলেরায় না অন্ত কিছুতে বলতে পারিনি ।

আমি তখন সন্নিহিত ছিলাম না ।’

আমি ক্ষীণকণ্ঠে বললুম, ‘থাক, আর না ।’

আমার আপত্তি যেন শুনতে পাননি । বললেন, ‘মাদ্রাজে ফিরে আসার কয়েকদিন পরে আমার ব্যাঙ্কার আমার স্ত্রীর সঙ্গে কোনে কথা কইতে চাইলে—সে জানতো আমাদের টাকা-পয়সার বিষয় আমি কিছুই জানিনে । তার কাছ থেকে শুনলুম, গৃহিণী ভালো ভালো শেয়ার কিনে লাখ তিনেকের মত জমিয়েছিলেন !

‘তাই বেরিয়ে পড়েছি। টমাস কুক যেখানে নিয়ে যায়, সেখানেই যাই।’

‘ওদের ছবি দেখবে? চলো, ঘরের ভিতরে যাই।’

মনোজ বসুর ভাষায় জাহাজে বসে ‘কই কই মুল্লকে’ চলে গিয়েছিলুম, হঠাৎ হাঁশ হল আমি পদ্মায় নই, প্রাণে নই, আমি বসে আছি জিনীভা লেকের জাহাজে।

জাহাজে অর্কেষ্ট্রা গানের পর গান বাজিয়ে যাচ্ছে আর ডেকের মাঝখানে বিস্তর লোক টান্ডো, গ্যাণ্ট্‌স্, ফল্স ট্রট নাচছে। আর সে কত জাতবেজাতের লোক,— বড় বড় চেক কাটা কোর্ট-পাতলুন-পর্য মার্কিন (আমাদের মাড়োয়ারী ভাইয়ারা যে রকম ‘বড়া বড়া বুটাদার’ নক্সা পছন্দ করেন), মিথুঁত নিপুণ লিপ-স্টিক-কাজ-মাথা তুঙ্গী ফরাসিনী, গাদা-গাদা হাঝা-হাঝা জর্মন আর ডাচ, গায়ে কালো নেট আর লেসের গুড়না জড়ানো বিদ্যুৎনয়নী হিস্পানী রমণী, আপন হান্ডাইয়ের দস্তে-ভরা একটুখানি আলগোছে-ধাকা ইংরেজ আর তাদের উচু-নিচুর-টকরহীন হকির বাঘিনী, টেনিস-পাগলিনী স্পোর্ট্‌স রমণী।

এই হরতন রুইতন মায়েব বিবির তাদের দেশে নিরীহ ভারতসন্তান কবে পাবে কি?

‘তা পায়— আকসারই পায়।’

তার প্রধান কারণ, আর পাঁচটা ইয়োয়োপীয় এবং মার্কিন জাত সুইটজার-ল্যাণ্ডে এসেছে ফুঁতি করতে, এদেশের মেয়েদের সঙ্গে ভাবসাব জমিয়ে ফটিনটি করতে। তার কলকৌশল নাচের ভিতর দিয়ে, ভাষার অজ্ঞতার ভান করে, দ্বারা দ্বারা মদ খাইয়ে—এরা বিলক্ষণ জানে এবং কাজে খাটাতে কিছুমাত্র কসুর করে না। এদের সম্বন্ধে তাই সুইস বাপ, ভাই, মা, দিদি এমনকি মেয়েরাও একটুখানি সাবধান।

ভারতীয় মাত্রই যে এদের তুলনায় ‘ধর্মপুস্তুর যুধিষ্ণিব’ এ-কথা আমি বলব না। কিন্তু ইয়োয়োপ বাসের প্রথম অবস্থায় ভারতীয় মদ খেতে কিংবা খাওয়াতে জানে না, নাচতে পারে না এবং সবচেয়ে বড় কথা তার ভারতীয় ঐতিহ্য থেকে সে কণামাত্র তালিম পায়নি বিদেশিনীর সঙ্গে কি করে দোস্ত-ইয়ার্কি জমাতে হয়।

আমি ‘২২০০ শংবাদ’ পড়ছিলাম। পড়া শেষ হতে কাগজখানা টেবিলের

উপর রাখামাত্রই আমার পাশের টেবিলের এক ছোকরা এসে আমাকে 'বাও' করে বললে, 'আমার 'বাজেল সংবাদ'র বদলে আপনার 'সুস্থ সংবাদ'খানা এক মিনিটের জন্য পেতে পারি কি ?'

'নিশ্চয় নিশ্চয়।'—এ ছাড়া আপনি আর কি বলবেন ?

কিন্তু পষ্ট বোঝা গেল আলাপ জমাবার জন্য সরকারি রাস্তা ধরেই সে যাত্রা শুরু করেছে। কারণ এতক্ষণ ধরে সে তার সঙ্গে দু'টি মেয়ের সঙ্গেই গল্প গুজব বা নাচ-গান করছিল—কাগজ পড়ার ফুস্ফুস কই ?

তবু কাগজখানা যখন নিয়ে গিয়েছে তখন দু' মিনিট পড়ার ভান করতে হয়। তাই করল। ফেরত দেবার সময় ধন্যবাদ জানিয়ে হেসে বললে, 'আজকাল কিস্তি নূতন খবর মেলে না।'

আমি বললুম, 'একদম না ; সব যেন দড়কচা মেরে গিয়েছে।'

মাথা দুলিয়ে দুলিয়ে বললো, 'যা বলেছেন।'

এরপর আপনাকে অবশ্যই বলতে হয়, 'দাঁড়িয়ে রইলেন কেন ; বসুন।'

কিন্তু কিছু করে বসবে, তারপর আরো দু' মিনিট না যেতেই বলবে 'তার চেয়ে চলুন না আমাদের টেবিলে। আমার সঙ্গে দু'টি বাস্কবী রয়েছে। তাঁরা বসে একলা পড়ে গেলেন।'

আপনি বলবেন, 'রাম রাম ! বসে ভুল হয়ে গেল আপনাকে ঠেকিয়ে রেখে।'

ছোকরা বলবে, 'সে কি কথা, সে কি কথা।'

এই হল প্রধান সরকারি পন্থা, আলাপ পরিচয়-করা—অবশ্য আরো বহু গলিঘুঁচিও আছে।

বড়টির নাম গ্রেটে, ছোটটি টুডে। ছেলেটার নাম পিট। পিট বলবে 'কিছু একটা পান করুন।'

আমি বললুম, 'এইমাত্র কফি খেয়েছি ; এখন আর থাক—অনেক ধন্যবাদ।'

এইবারে যে আলাপচারি আরম্ভ হবে তার চৌহদ্দী বাতানো সরল কর্ম নয়। সাধু সন্ন্যাসীরা সত্যি পেরেকের বিছানায় দিনের পর দিন কাটাতে পারেন কিনা, গোথরোর বিষ ওঝা নামাতে পারে কিনা, কিংবা যোগাভ্যাস করে মাটি থেকে তিন ইঞ্চি উঠে যেতে কাউকে কখনো আমি দেখেছি কিনা ?

ছেলেটা যদি দর্শনের ছাত্র হয় তবে হয়ত ভারতীয় দর্শন সম্বন্ধেই প্রশ্ন জিজ্ঞেস করে বসবে, মেয়েটির যদি বাজনা শখ থাকে তবে আপনাকে শুধিয়ে বসবে, ভারতীয় সঙ্গীতে ক' বকমের তাল হয়।

এসব তাবৎ প্রশ্নের সচ্ছন্দর কে দেবে ? ব্রজেন শীল, সুনীতি চাট্‌যো, বিশ্ব-কোষ, স্কুমার রায়ের 'নোটবুক', গুপ্তপ্রেস পঞ্জিকা সব মিলিয়ে কক্‌টেল বানাতেও ঐ প্রশ্নমক্‌ তাকে বেমালাম্‌ শুধে নেবে ।

বিদেশী একথা বোঝে না সে, তার ঠিক যে জিনিসে কৌতূহল আপনার তাতে মহৎ নাও থাকতে পারে । তার উপর আরেকটা কথা ভুললে চলবে না, আমরা ইস্কুল-কলেজে যে তালিম পাই তাতে ক্রুসেডের তারিখ মুখস্থ করানো হয়—অজস্রা, ধ্রুপদ শেখানো হয় না ।

তবে অতি অবশ্য স্বীকার করবো, একটি প্রাতঃস্মরণীয় প্রতিষ্ঠান আমি চিনি যিনি এসব প্রশ্নের উত্তম উত্তম উত্তর দিতে পারেন ।

হেদোর ওতর-পূর্ব কোণের 'বসন্ত রেস্টুরেন্ট' ! সেখানে আমরা সূবো-শাম রাজা-উজীর কতল করি, হেন সমশ্রা, হেন বখেড়া নেই যার ফৈসলা আমরা পত্রপাঠ করে দিতে পারিনে ।

'বসন্ত রেস্টুরেন্টের' আমি আদি ও অকৃত্রিম সভা । তস্ত প্রসাদাৎ আমি হরমুগ্‌কে হর-সাওয়ালের জবাব দিতে পারি ।

বিদেশীদের সম্বন্ধে ভারতীয়ের কৌতূহল কম । কলকাতায় বিস্তর চীনা থাকে ; আমি আজ পর্যন্ত একজন বাঙালীকেও দেখিনি, যিনি উৎসাহী হয়ে চীনাঘের সঙ্গে আলাপচারি করেছেন । মাত্র একটি বাঙালী চিনি, যিনি ছেলেবেলা থেকে কাবুলী ওয়ালাদের সঙ্গে ভাব করে দোস্তী জমিয়েছিলেন—কাবুলীরা এখন এদেশে দুর্গভ হয়ে যাওয়াতে তাঁর আর শোকের অন্ত নেই ।

ইয়োরোপীয়রা সংস্কৃত যে বকম পড়ে, আরবী চীনা ভাবারও তেমনি চর্চা করে ! তাই আমার মনে সব সময়েই আশ্চর্য বোধ হয়েছে যে, ভারতীয় সম্বন্ধে তাদের কৌতূহল সবচেয়ে বেশি কেন ?

পিটকে জিজ্ঞেস করতে সে বললে, 'পণ্ডিতেরা কেন ভারতপ্রেমী হন, সে কথা আমরা বলতে পারবো না, তবে আমার মত পাঁচজন সাধারণ লোকের কথা কিছু বলতে পারি ।

'প্রাচ্যের তিন ভূখণ্ডের সঙ্গে আমাদের কিছুটা পরিচয় আছে । ভারত, আরবভূমি আর চীন । তুর্কদেরও আমরা ছেলেবেলা থেকে দেখে আসছি কিন্তু তারা অনেকখানি ইয়োরোপীয় হয়ে গিয়ে গিয়েছে, আর তিব্বত সম্বন্ধে কৌতূহল পুষে আর লাভ কি ? তিব্বতীরা তো এদেশে আসে না ।

'আরবরা সেমিটি, চীনারা মক্‌দোলীয় । এদের ধরনধারণ এক বেশি

আলাদা যে, এরা যেন অশ্রু লোকের প্রাণী বলে মনে হয়। অথচ ভারতীয়রা আর্থ—তাই এরা চেনা হয়েও অচেনা। এই ধরন না, যখন চীনা বা আরব ফরাসী-জার্মান বলে, তখন কেমন যেন মনে হয় ভিন্ন বাজছে। অথচ ভারতীয়রা যখন ঐ ভাষাগুলোই বলে তখন মনে হয় একই যন্ত্র বাজছে, শুধু ঠিকমত বাধা হয়নি।

আরেকটা কারণ বোধহয় খ্রীষ্টের পরই—সময়ের দিক দিয়ে নয়, মাহাত্ম্যে—মহাপুরুষ বলতে আমরা বুদ্ধদেবের কথাই ভাবি। এখন অবশ্য অনেকখানি মন্দা পড়েছে, কিন্তু এককালে এখানে বুদ্ধদেব সম্বন্ধে প্রচুর বই বেরিয়েছিল। তার কারণ ঊনবিংশ শতাব্দীর লোক ভগবানে বিশ্বাস হারায়, অথচ একথা জানত না যে, ঈশ্বরকে বাদ দিয়েও শুধু যে ধার্মিক জীবনযাপন করা যায় তাই নয়, ধর্মপতনও করা চলে। তাই যখন বুদ্ধের বাণী এদেশে প্রথম প্রথম প্রচার হল, তখন বহু লোক সে বাণীতে যেন হারানো মানিক কিরে পেল। কেউ কেউ তো আদমশুভমারীর সময় নিজেদের বৌদ্ধধর্মাবলম্বী বলে আহ্বির করল।

‘এযুগে গান্ধী পরম বিশ্বয়ের বস্তু। অস্বাভাবিক না করে বিদেশী ভাকুকে তাড়ানো যায় কিনা জানি নে। কিন্তু গান্ধীর প্রচেষ্টাটাই বিশ্বজগৎকে একদম আহাস্মুখ বানিয়ে দিয়েছে। আমি অনেক ধার্মিক ক্রীষ্টানকে চিনি, যারা গান্ধীর নাম শুনলেই ভক্তিতে গদগদ হন। একজন তো বলেন, খ্রীষ্টধর্ম প্রচার করেন খ্রীষ্ট এবং যাত্রা একটি লোক সে ধর্ম স্বীকার করেছেন, তিনি গান্ধী।’

ইন্ডু বললে, ‘টেগোরের নাম করলে না?’ পিট বললে, ‘টেগোরকে চেনে এদেশের শিক্ষিত লোক। তার কারণও রয়েছে। এযুগে সাধারণ লোক পড়ে প্রধানত খবরের কাগজ। খবরের কাগজে গান্ধীর কথা দুদিন অন্তর অন্তর বেরয়, কিন্তু টেগোরের কথা বেরয় তিনি যখন এদেশে আসেন।’

ইন্ডু বললে, ‘আর বুদ্ধদেবের কথা বুঝি খবরের কাগজে নিতি নিতি বেরয়, না তিনি প্রতি বৎসর এখানে স্কেট করতে আসেন?’

গ্রেটে বললে, ‘ছিঃ, বুদ্ধদেবকে নিয়ে গুরুতর হাঙ্গামা কথা কইলে বুদ্ধদেবের দেশের লোক হয়ত ক্ষুব্ধ হবেন।’

আমি বললুম, ‘আদপেই না। আমাদের দেশে দেবতাদের নিয়ে মজার মজার গল্প আছে।’

পিট বললে, ‘বুদ্ধদেব যে একশ’ বছরের স্টার্ট পেয়ে বসে আছেন।’

টুঙে আমার ঠিকে তাকিয়ে বললে, 'আপনাদের ঠাকুর-দেবতাদের নিয়ে যে সব মজার গল্প আছে. তারই একটা বলুন না।'

আমি শিব বেজায়গায় একবার বর দিয়ে যে কি বিপদে পড়েছিলেন, আর শেষটার বিচক্ষণ নারদ তাঁকে কি কৌশলে বাঁচিয়ে দিয়েছিলেন, সেই গল্পটি বললুম।

তিনজনেই হেসে কুটিকুটি।

টুঙে জিজ্ঞেস করলে, 'শিব কি ডাঙর দেবতা?'

আমি বললুম 'নিশ্চয়। তবে কিনা তিনি শ্বশানে থাকেন, ভূতের নৃত্য দেখেন, কাপড়চোপড়ও সব সময় ঠিক থাকে না। দেবতাদের পান্নিমেটে সচরাচর যান না।'

সবাই অবাক হয়ে শুধায়, 'তবে তিনি ডাঙর হলেন কি করে?'

এইখানে আমি হামেশাই একটু বিপদে পড়ে যাই। নীলকণ্ঠের বৈরাগ্য যে এদেশের ঘোর সংসারী মনকেও মাঝে মাঝে ব্যাকুল করে তোলে, সেটা ইয়োৰোপীয়রা ঠিক হৃদয়ঙ্গম করতে পারে না। 'আরো চাই', 'আরো চাইয়ের' দেশে 'কিছু না', 'কিছু না'র তত্ত্ব বোঝাই কি প্রকারে? আমি যে বুঝেছি তা-ও নয়।

তবে ইয়োৰোপের সৰ্বত্রই মেয়েরা হরপার্বতীর বিয়ের বর্ণনা শুনেতে নড ভালোবাসে। বিশেষ করে যখন বরযাত্রার বলদের পিঠে শিবকে দেখে মেনকা চিৎকার করে তাঁকে খেদিয়ে দেবার জন্য আদেশ দিলেন, আর যখন শুনেন তিনিই বর এক ভিন্নমি গেলেন—তখন মেয়েরা ভীষণ উত্তেজিত হবে ওঠে।

আমি তার পূর্ণ সুযোগ নিয়ে উত্তেজনাটা বাড়ানোর জন্য ধীরে ধীরে একটি সিগ্‌রেট ধরাই।

'তারপর, তারপর?' সবাই চেঁচায়।

জানি অসম্ভব। তবু তখন এ-ক'টি ছত্র অনুবাদ করার চেষ্টা করি।

ভৈরব সেদিন তব শ্ৰেতসঙ্গীদল বন্ধ-আখি

দেখে, তব শুভ্রতহু বন্ধাংগকে বহিয়াছে ঢাকি

প্রাতঃসূর্য কুচি।

অস্থিমালা গেছে খুলে

মাধবীবল্লরী মূলে

ভালে মাখা পুষ্পরেণু—চিত্তাভঙ্গ কোথা

গেছে মুছি

কৌতুকে হাসেন উমা কটাক্ষে লক্ষ্মী কবি-পানে-
সে হাস্তে মল্লিক, বাশি স্তম্ভের জয়ধ্বনি গানে
কবির পরাণে ॥

এদৃশ্য আমি একমাত্র সুইটজারল্যাণ্ডেই দেখেছি ।

পশ্চিমের সূর্য হলে পড়েছে আর তার লাল আলো এসে পড়েছে পাহাড়ের
গায়ের বাড়িগুলোর হাজার হাজার কাচের মার্শাতে । মার্শাগুলো লালে লাল
হয়ে গিয়ে একাকার—মনে হয় বাড়িগুলো বুঝি মিনিটখানেকের ভিতরই পুড়ে
খাক হয়ে যাবে । আগুনের জ্বিলের মত লালের আঁচ উঠছে আকাশের দিকে,
আর তারই রঙ গিয়ে লেগেছে দূর পাহাড়ের চূড়ায় সাদা বরফে । দেখানেও
লেগে গেছে দাউদাউ করে আগুন । পাহাড়ের কোলে-বসা-মেঘগুলোও
সঙ্গে সঙ্গে পুড়ে যাচ্ছে ; ওদিকে আকাশের এখানে-ওখানে যে সব মেঘের
টুকরো সমস্ত দিন সাদা ভেড়ার মত আকাশের নীল মাঠে শুয়ে ছিল তারা
দেখি পূর্ব-পশ্চিমের আগুনে তেতে গিয়ে গোলাপি হয়ে উঠেছে । সেই লাল
রঙের আওতায় পড়ে নীল পাহাড় আর হ্রদের নীল জল ঘন বেগুনী রঙ মেখে
নিয়েছে ।

চতুর্দিকে হলস্থল কাণ্ড ; কিন্তু নিঃশব্দে । মেঘে মেঘে, আকাশে-আকাশে
পাহাড়পর্বতে, ষড়বাড়িতে এমনকি জলেবাতাসে এই যে বিরাট অগ্নিকাণ্ডটা
হয়ে যাচ্ছে তাকে নেভাবার জন্তু চেঁচামেচি-চিৎকার হচ্ছে না, আগুনের তাপে
কাঠ-বাশ ফেটে-যাওয়ার ফট্ ফাট্ ছু-দুড়াম্ শব্দ হচ্ছে না, ঐ যে লেকের পাড়ে
সোনালী বেঞ্চিতে বসে আছে মেয়েটি তার সাদা ফ্রকে আগুন লেগেছে, সেও
তো চিৎকার করে কেঁদে উঠছে না । এ কী কাণ্ড !

এ আগুনের জ্বালা নেই, না, এদেশের জনমানব-পশুপক্ষীকে কোনো
এক ভাষ্যমতী ইন্দ্রজাল দিয়ে অসাড়-অচেতন করে দিয়েছেন ? হাঁ, এ তো
ইন্দ্রজালই বটে । এতখানি আগুন, লক্ষ লক্ষ কলসী থেকে উজ্জ্বল করে ঢেলে-
দেওয়া এতখানি গলানো সোনা, হাজার হাজার মণ গোলাপি পাপড়ি লোধ-
রেণু, না জানি কত-শত জ্বালা আবীর-গুলাল এ রকম অকুপণ হাতে ঢেলে
দিলে, ছড়িয়ে ফেললে স্বর্গপুরীকেও লাল বাতি জ্বালাতে হবে—হয়ত এ
আগুন থেকেই পিদিম ধরিয়ে নিয়ে ।

এ তো কনে-দেখার আলো নয় ; এ তো সতীদাহের বহ্নিকুণ্ড ।

গ্রেটে আর ট্রুডের রক্ত চুল অদৃশ হেয়ার-ড্রেসারের হাতে সোনালি হয়ে গেল । পিট্ট কথা বলবার সময় ঘন ঘন হাত নাড়ে ; মনে হচ্ছে যেন সোনালি জলে হাত দুখানি সঁতার কাটছে ।

সূর্য পাহাড়ের পিছনে অতি ধীরে ধীরে অস্তাচলে নেমে গিয়েছেন । আবার সেই ভানুমতী এসেছে । অদৃশে তিনি ঘন ঘন এখানে-ওখানে উড়ে গিয়ে শাড়ির আঁচল দিয়ে মেঘের গা থেকে আবির্ভূত তুলে নিয়ে কাজল মাথিয়ে দিচ্ছেন, ফুঁ দিয়ে এক এক সার শাশী থেকে আগুন নিবিয়ে দিচ্ছেন, কখনো বা দেখি লেকের এ-প্রান্ত থেকে ও-প্রান্ত অবধি জলের উপর হাত বুলিয়ে দিলেন—যেন গোবর দিয়ে আঁড়না লেপে দেওয়া হল ।

এ দৃশ্য স্ফীটজ্বারল্যাণ্ডেও নিত্য নিত্য ঘটে না । জাহাজের ব্যাণ্ড তাই দুই নাচের মাঝখানে এখন অনেকখানি সময় নিচ্ছে । জাহাজের বহু নরনারী স্তব্ধ হয়ে বাইরের দিকে তাকিয়ে আছে । এরকম সূর্যাস্ত কমই হয় যেখানে তুমি আমিও হিশ্চাদার—স্পষ্ট দেখলুম তোমার কাপড়ের আগুন লেগে গিয়েছিল আমার কাপড়েও । আপন অজানাতে আমাদের দেহ, আমাদের বেশভূষা এ রসের সায়রে ছোট ছোট দ' সৃষ্টি করে তুলেছে ।

ট্রুডে জিজ্ঞেস করল, 'আপনার দেশে এরকম সূর্যাস্ত হয় ?'

আমি বললুম, 'কান্দীয়ে হয় ; সেখানে বরফ আছে, পাহাড় আছে, লেক আছে । কিন্তু হাজার হাজার চক্চকে ঝক্‌ঝকে জানালার শাশী নেই বলে হয়ত এতখানি আগুন ধরে না । তবে যদি হিমালয়কে ভারত বলে গোণা হয় তবে নিশ্চয়ই এর চেয়েও বেশী আগুন-জ্বালা সূর্যাস্ত সেখানে হয়—সুইস পর্যটকদেরই লেখাতে পড়েছি ।'

ভানুমতী দিকে দিকে কাজলধারা বইয়ে দিয়েছে । চতুর্দিক অন্ধকার ।

শুধু ফুটে উঠেছে অন্ধকার-ঘাসের উপর লক্ষ লক্ষ বিজলি-বাতির ফুল । আকাশের ফরাশেও দেবতার জালিয়ে দিয়েছেন অগুণতি তারার মোমবাতি । ঠিক বোঝা যাচ্ছে না, পাহাড়ের উপরের দিকে যে আলোগুলো জ্বলে সেগুলো মানুষের প্রদীপ না দেবতার তারা । মানুষ অর্গের দিকে ধাওয়া করে উঠেছে পাহাড়ে, আর দেবতার নেমে এসেছেন পৃথিবীর দিকে ঐ পাহাড়ের চূড়া পর্যন্ত— একে অকৃতকে অন্ধকারের এপার-ওপার থেকে সঁকের পদমি দেখাবার জন্য

“মাটির প্রদীপখানি আছে মাটির ঘরের কোলে,
 সন্ধ্যাতারা তাকায় তারি আলো দেখবে বলে ।
 সেই আলোটি নিমেষহত প্রিয়র ব্যাকুল চাওয়ার মতো,
 সেই আলোটি মায়ের প্রাণের ভয়ের মত দোলে ।
 সেই আলোটি নেবে জলে শ্রামল ধরার হৃদয়তলে,
 সেই আলোটি চপল হাওয়ার ব্যথার কাঁপে পলে পলে ।
 নামল সন্ধ্যাতারার বাণী আকাশ হতে আশিস আনি,
 অমরশিখা! আকুল হল মর্তশিখার উঠতে জলে ।”

পিট বললে, ‘একটি প্রেমের গল্প বলুন ।’

আমি বললুম, ভারতবর্ষে সত্যকার প্রেমের গল্প আছে একটি, যার সঙ্গে অন্য কোনো দেশের গল্প পাল্লা দিতে পারে না। সে কাহিনীতে মাটির মানুষ তার আপন বিরহবেদনার বর্ণনা শুনতে পায়, আবার ভগবদপ্রেমের অন্য ব্যাকুল জনও সেই কাহিনীতে আপন আকুলি-বিকুলির নিবিড়তম বর্ণনাও শুনতে পায়। কিন্তু রাধামাধবের সে কাহিনী বলবার মত ভাষা আমার নেই ।’

টুডে বলল, ‘আমি একখানা ছবি দেখেছি তাতে রাধা কৃষ্ণের গায়ে পিচকারি দিয়ে লাল রঙ মারছেন। চমৎকার ছবি !’

কিছুক্ষন চুপ করে থাকার পর আমি পিটকে বললুম, ‘তার চেয়ে বরঞ্চ আপনি আপনার প্রেমের গল্প বলুন না ।’

পিট ততো বেশ খানিকটা ঠা ঠা করে হাসল—তু পাত্তের পর মানুষ অল্পতেই হাসে কাঁদে—তারপর বললে, ‘হারগটু হারগটু (রামচন্দ্র !). এ যুগে কি আর সে রকম প্রেম কারো জীবনে আসে যা নিশ্চয় বসিয়ে গল্প জমানো যায় ?’

টুডে বললে, ‘বলেই কেন না ছাই তোমার সাদা-মাটা গল্পটা ।’

গ্রেটে দেখি চুপ করে আছে ।

পিট বললে, ‘আমার প্রেমে পড়ার কাহিনীতে মাত্র সামান্য একটু বিশেষত্ব আছে । সেইটুকুই বুঝিয়ে বলি ।

‘আমি তখন সবে কলেজে ঢুকেছি। ফার্স্ট পিরিয়েডে ক্লাস থাকত না বলে আমি বাড়ি থেকে বেরতুম ন’টার সময়। একদিন ন’টার কয়েক মিনিট পরে কলেজের কাছেই একটি মেয়ে আমার পাশ দিয়ে উল্টো দিকে চলে গেল। হাবভাব

দেখে মনে হল কলেজেরই ছাত্রী কিন্তু আসল কথা সেইটে নয়—আসল কথা হচ্ছে ওরকম সুন্দরী আমি আর কখনো দেখিনি।

‘আমার বুকের রক্ত ছুঁ করে জমে গেল ; আমার হার্টটা যেন লাফ দিয়ে গলার কাছে পৌঁছে গেল। আমি অনেকক্ষণ সেই রাস্তার উপর ঠার দাঁড়িয়ে রইলুম। সেদিন আর ক্লাস করা হল না ; কলেজের বাগানে বসে বসে সমস্ত সকালটা কাটল।

‘পরদিন ঠিক ঐ সময়ই মেয়েটি আমাকে রাস্তায় ক্রস করল। এবারে দুজনাতে চোখাচোখি হল—এক বলকের তরে। তারই ফলে আমাকে রাস্তার পাশের রেলিঙ ধরে নে নজরের ধাক্কা সামলাতে হল।

‘তারপর রোজই ঐ সময় রাস্তায় দেখা হয়, এক লহমার চোখাচোখি হয়। বুঝলাম, মেয়েটির সেকেণ্ড পিরিয়েড ফ্রী তাই বোধহয় বাড়ি কিংবা অন্য কোথাও যায়।

‘আগেই বলেছি, মেয়েটি অপূর্ব সুন্দরী।’ রোজ সকালে ন’টার পর তার সেই এক বলকের তরে আমার দিকে তাকিয়ে দেখা যেন আমার গলায় এক পাত্র সোনালি মদ ঢেলে দিত আর বাদবাকি দিন আমার কাছে আসমানজমীন গোলাপি রঙে রাঙা বলে মনে হত।

‘করে করে তিন মাস কাটল।’

পিট্ মদের গেলাসে মুখ ঠেকাতে আমি শুধালুম, ‘পরিচয় করবার সুযোগ হল না, তিন মাসের ভিতর ? কলেজ ডান্সে, কলেজ রেস্টোর’।—কোথাও ?’

পিট্ বললে, ‘ভয়, ভয়, ভয়। আমার মনে হত এরকম সুন্দরী কখনোই কোন অবস্থাতেই আমার মত সাদা-মাটাকে ভালোবাসবে না, বাসতে পারে না, অসম্ভব, অসম্ভব, সম্পূর্ণ অসম্ভব। বিশ্বাস করবেন না, পাছে আলাপচাষি হয়ে যায় আর সে আমায় অবহেলা করে সেই ভয়ে কোনো নাচের মজলিসে দেখা হলে আমি তৎক্ষণাত্ উদ্বিগ্নসে সে স্থল পরিত্যাগ করতুম। তার চেয়ে পরিচয় না হওয়াটাই ঢের ঢের ভালো।’

আমি বললুম, ‘টেগোরেরও গান আছে—

‘সেই ভালো সেই ভালো আমারে না হয় না জানো

দূরে গিয়ে নয় দুঃখ দেবে কাছে কেন লাজে লাজানো ?’

পিট্ বলল, ‘আশ্চর্য, টেগোর তো অতি সুপুরুষ ছিলেন। তিনি এরকম মর্মান্তিক অতুভূতিটা পেলেন কোথায় ?’

আমি শুধালুম, 'কিন্তু মেয়েটিও তো আপনার দিকে তাকাত ।'

'ঠিক বলেছেন, কিন্তু আমার মনে হত, মেয়েটি শুধু দেখতে চায়, এই বেশরম বাঁদরটা কত দিন ধরে এ তামাশা চালায় ।'

আমি শুধালুম, 'তারপর ?'

'তিন মাস হয়ে গিয়েছে । আমি প্রেমের পাথায় ভর করে চন্দ্রশর্ষ ঘুরে বেড়াচ্ছি । প্রেমের এ পাথা দানা-পানি অর্থাৎ প্রতিদানের তোয়াক্কা করে না বলে এর কখনো ক্লাস্তি হয় না ; এ প্রেম আমার মনের বাগানে ফোটা জুঁই,— কারো অবহেলা-অনাদরের খরতাপে এ ফুল কখনো শুকবে না ।

'কলেজের বাগানে বসে একদিন চোখ বন্ধ করে আমি আমার প্রিয়াকে দেখছি এমন সময় কাঁধে হাত পড়ল । চোখ মেলে দেখি আমার গ্রামের একটি পরিচিত ছেলে আর তার পাশে দাঁড়িয়ে আমার স্বপ্নের ফুল । পালাবার পথ ছিল না, পরিচয় হয়ে গেল ।'

'তারপর ?'

'আমার একদম মনে নেই । যেটুকু মনে আছে বলছি । হঠাৎ দেখি ছেলোটো উধাও, আর আমার স্বপ্ন তখনো মূর্তি ধরে পাশে বসে আছে । কিন্তু আসল কথায় ফিরে যাই । সেই যে ভয়ের কথা বলছিলুম । প্রথম আলাপেই আমি যে তার সঙ্গে পরিচয় করতে ডরাই সে কথা কি জানি কি করে বেরিয়ে গেল । মেয়েটি অবাক হয়ে শুধাল, 'কিসের ভয় ?' আমি বললুম, 'আপনি বড় বেশী সুন্দর ।' তখন যা শুনলুম সে আমি তখনো বিশ্বাস করিনি এখনো করিনে—তার বিশ্বাস আমি একটা আস্ত এ্যাডনিস্ এবং তাই আমার সঙ্গে আলাপ-পরিচয় করতে সে ভয় পেয়েছিল ! শুনুন কথা !'

আমি বললুম, 'আপনারা দুজনাই দেখতে চমৎকার কিন্তু সেইটে আসল কথা নয় । আসল কথা আছে এক ফার্সী প্রবাদে, 'লায়লীরা বায়দ্ ব্ চশ্মে মজনুন দীদ !' লায়লীকে দেখতে হয় মজনুর চোখ দিয়ে ।'

জাহাজ পাড়ে এসে ভিড়ল । সবাই নেমে পড়লুম । 'আবার দেখা হবে' বলে পিট্, গ্রেটে, টুভে বিদায় নিল ।

আপন মনে বাড়ির দিকে চলতে চলতে একটা কথা ভাবতে লাগলুম ; এই যে ইয়োরোপীয়রা প্রাণ খুলে ফুঁটি করে, হৈ-হন্না করে, আমরা এ-রকম ধাৰা আপন দেশে করতে পারিনে কেন ? সায়েবসুবোদের লেখাতে পড়েছি, আমরা

নাকি বড্ড সিব্বিয়ন্স, সংসারকে আমরা নাকি মায়ায় অনিত্য ঠাউরে নিয়ে মুখ গুমসো করে বসে আছি, ফুৰ্তি-ফাৰ্তি করার দিকে আমাদের আদপেই মন নেই।

‘জাতক’ তো খ্ৰীষ্টের বহু পূৰ্ব লেখা। তাতে যে হৰেক বকম পালা-পরবের বৰ্ণনা পাই তার থেকে তো মনে হয় না, আমরা সে যুগে বড্ড রাশভাৰি মেজাজ নিয়ে আত্মচিন্তা আর তত্বালাপে দিন কাটাতুম। স্পষ্ট মনে পড়ছে কোন এক পরবের দিন এক নাগর তার প্ৰিয়ার মনস্তপ্তির জন্তু রাজবাগানে ফুল চুরি করতে গিয়ে ধরা পড়ে শূলের উপর প্ৰাণ দেয়। মরার সময় সে আক্ষেপ করেছিল, ‘প্ৰিয়া, আমি যে মরছি তাতে আমার কোনো ক্ষোভ নেই, কিন্তু তুমি যে পরবের দিনে ফুল পরে যেতে পারলে না সে দুঃখ আমার মরার সময়ও রইল।’

আমাদের কাব্যনাটক, রাজরাজড়াদের নিয়ে—সেখানে হৃদীস মেলে না আমাদের সাধাৰণ পাঁচজন আনন্দ উৎসব করতে কি না এবং করলে কী ধরনে করতে। শুধু ‘মৃৎশকটিকা’ আর ‘মালতীমাধবে’ সাধাৰণ লোকের সবিস্তৰ বৰ্ণনা রয়েছে এবং এ দুটি পড়ে তো মনে হয় না এ সময়ের সাধাৰণ পাঁচজন আত্মকের দিনের ইয়োরোপীয়দের তুলনায় কিছু কম আয়েস করতে। ‘মৃৎশকটিকা’ ব্ৰাহ্মণের যে বৰ্ণনা পাই তার তুলনায় সুইটজাৰল্যান্ডের যে-কোনো রেস্টৰাঁ নস্কাৎ, আর ‘মালতীমাধবের’ নাগর মাধববাবু তো জাহাজের পিট্ মানেবকে প্ৰেমের লীলাখেলায় দু কলম তালিম দিতে পারে।

তবে কি নিতান্ত এ যুগে এসেই আমরা হঠাৎ বড়িয়ে গিয়েছি ? তাও তো নয়। হতোমের কেতাবখানায় একবার চোখ বুলিয়ে নিন—বাবুৱা তো কিছুমাত্র কম চলাচলি করেননি। তবে কি এই বিশ শতক এসে হঠাৎ আমাদের ভীমৱতি ধরল ? তাও তো নয়। ফুটবল খেলা দেখতে এক কলকাতা শহরই যা পয়সা উড়োয় তার অৰ্ধেক বোধ হয় তামাম সুইটজাৰল্যান্ডও করে না।

ফুটবল সিনেমা লোকে দেখুক—আমার আপত্তি আছে কি নেই সে প্ৰশ্ন উঠছে না। আমি শুধু ভাবি এসব আনন্দে উত্তেজনার ভাগটা এতই বেশি যে মানুষ যেন সেখানে স্থায়ী কোনো কিছু সন্ধান পায় না। আমার মনে হয়, স্টিমারে বা ট্ৰেনে, সত্যযুগে, যখন ভিড় বেশি হত না তখন ডেলিপ্যাসেঞ্জাৰি করাতেও আনন্দ ছিল অনেক বেশি। বহু বৎসর হয়ে গিয়েছে তবু এখনো মন পড়ছে দু’একজন যথার্থ স্মৰসিককে। এঁৱা কামরায় উঠেই পাঞ্জাবির

বোতাম খুলে দিয়ে কোঁচা দিয়ে হাওয়া খেতে খেতে যা গল্প জুড়তেন তার আর তুলনা হয় না। আমরা গুটিকয়েক প্রাণী রোজই এক কামরায় উঠতুম আর এঁরা কামরাখানিকে গালগল্প দিয়ে প্রতিদিন রঙীন করে দিতেন। অস্থখ করে আমাদের কেউ দু'দিন কামাই দিলে এঁরা রীতিমত ব্যস্ত হয়ে উঠতেন, কোনো কোঁশলে দুটো ডাব কিংবা চারটি ডালিম পাঠানো যায় কি না তার আন্দেয়া করতেন কিন্তু যাক্, এ বাবতে 'রূপদর্শী' আমার চেয়ে ঢের বেশি ওকাব-হাল।

আমি ভাবছি, সেই সব আনন্দের কথা যেখানে অজানা জনকে চেনবার সুযোগ হয়। উদয়ান্ত তো আমরা বসে আছি সাংসারিকতার মুখোশ পরে। আপিসে যারা আমার কাছে আসে তারা আসে স্বার্থের খাতিরে, বাড়িতে যারা আসেন তাঁরা বন্ধুজন, তাঁদের আমি চিনি, তাঁরা আমায় চেনেন কিন্তু নূতন পরিচয় হবে কি প্রকারে ?

তাই ট্রেনের স্বল্পক্ষণের পরিচয় অনেক সময় গভীর বন্ধুত্বে পরিণত হয়। ট্রেনে তুমি আমাকে চেন না, আমি তোমাকে চিনি। আলাপচারিটা কোনো স্বার্থের খাতিরে আবৃত্ত হয় না বলে শেষ পর্যন্ত সে যে কত অন্তরঙ্গতায় দুজনকে নিয়ে খেতে পারবে তার কোনো স্থিরতা নেই।

অবশ্য এখন আমরা সব মেকি সায়েব হয়ে গিয়েছি। আগের আমলের মত কেউ যদি শুধান, 'বাবাজীর আসা হচ্ছে 'কোন্ থেকে' কিংবা 'বাবাজীরা—?' অর্থাৎ 'বাবাজী বামুন, কাহেত না বণ্ডি ?' তাহলে আমরা বিরক্ত হই। কেন হই, তা এখনো আমি বুঝে উঠতে পারিনে।

ইংরেজ শুনেছি হয়। আমি বলতে পারব না। কারণ আমি পারতপক্ষে কোনো ইংরেজের সঙ্গে আলাপ জমাতে চাইনে। অবশ্য কোনো ইংরেজ আলাপ করতে চাইলে আমি খেঁকিয়ে উঠে তাকে প্রাবণ করিনে। কিন্তু ফরাসী জর্মন সুইস অল্প ধরনের। তারা অনেক বেশি মিশকে। কাফে বা মদের দোকানে তারা যে রোজ সন্ধ্যায় আড্ডা জমায় সেখানে কোনো সদস্য যদি কোনো নূতন লোক নিয়ে উপস্থিত হয় তবে আর পাঁচজন আনন্দিত হয়। ইংরেজের ক্লাবে যদি কোনো সদস্য আপন বন্ধুকে নিমন্ত্রণ করে তবে আর পাঁচজন তার দিকে মাড়নয়নে তাকায়। কোনো কোনো ক্লাবে তো বড় আইন, আপনি মাসে ৮'দিন ক'জন অতিথিকে নিমন্ত্রণ করতে পারেন।

জর্মন, ফরাসী, সুইসদের ভিন্ন রীতি। 'পাবে', কাফেতে ইয়ারদোস্ত যোগাড়

করার পরও তাদের প্রাণ ভরে ওঠে না বলে যায় ফুটির আহাজ চড়তে । সেখানে
কত দেশের কত লোকের সঙ্গে আলাপ হবে—

কত অজানায়ে জানাইলে তুমি কত ঘরে নিলে ঠাই
দূরকে করিলে নিকট বন্ধু, পরকে করিলে ভাই ।

ঐতিহাসিক উপভাস

কলকাতার এসে তখনও পেলুম, বর্তমানে নাকি ঐতিহাসিক উপভাসের মরহুম
যাচ্ছে। আশ্চর্য লাগলো। বন্ধি আরম্ভ করলেন ঐতিহাসিক উপভাস দিয়ে,
রবীন্দ্রনাথ লিখলেন সামাজিক—কিঞ্চিৎ রোমাঞ্চিক-ব্যঙ্গ—উপভাস, পরে
লিখলেন মধ্যবিত্ত শ্রেণী নিয়ে, তারানাথর তথাকথিত নির সস্ত্রদায় নিয়ে। এর
পর আবার হঠাৎ ঐতিহাসিক উপভাস কি করে যে ডুব-গাতারে রিটার্নজানি
মারলে ঠিক বোঝা গেল না। আমি গণতন্ত্রে বিশ্বাস করি; কাজেই আর পাঁচজনের
মত হতভম্ব হতে আমার কোন আপত্তি নেই।

ঐতিহাসিক উপভাসের নাকি এখন জোর কাটতি। আবার একাধিক জন
বলছেন, এগুলো রাবিশ। পাঁচজনের মত আমি আবার হতভম্ব।

কিন্তু এতে করে আমার ব্যক্তিগত উপকার হয়েছে। বছর পঁচিশেক পূর্বে
আমাকে বিশেষ কারণে মোগল সাম্রাজ্যের পতন ও মারাঠা শক্তির অভ্যুদয় নিয়ে
প্রচুর পড়াশোনা করতে হয়। সে যুগের প্রায় সব কেতাবপত্রই ফার্সীতে। বহু
কষ্টে তখন অনেক পুস্তক বোগাড় করেছিলুম। তার কিছু কিছু এখনো মনে
আছে। মাঝে মাঝে আজকের দিনের কোনো ঘটনা হবহু 'শেষ মোগলদের' সঙ্গে
মিলে যায় এবং লোভ হয় সেদিকে পাঠকের দৃষ্টি আকর্ষণ করি। কিন্তু সে সব
কেতাবপত্র এখন পাই কোথায়? স্মৃতিশক্তির উপর নির্ভর করলে হয়তো ইতি-
হাসের প্রতি অবিচার করা হবে।

কিন্তু ঐ ঐতিহাসিক উপভাসই একে আমার পরিচয় 'এনে দিয়েছে। ধরে
নি, আমি ঐতিহাসিক উপভাসই লিখছি।

মারাঠারা যখন গুজরাত সুবা (বা সুবে অর্থাৎ প্রদেশ, প্রভিন্স) দখল করে
তার রাজধানী অহমদাবাদে ঢুকল তখন সেখানকার দেওয়ান (প্রাদেশিক প্রধান-
মন্ত্রী) মুহাম্মদখানার (আর্কাইভ্‌স্-এর ভাবং কাগজপত্র বাড়ি নিয়ে গিয়ে
গুজরাত-কাঠিয়াওয়ারের একথানা প্রামাণিক ইতিহাস লেখেন। বইখানি তিনি

দিল্লীর বাদশা-সালামৎ মুহম্মদ শাহ বাদশাহ রজীলাকে ডেডিকেট করেন। ইতিহাসের নাম 'মিরাত-ই-আহমদী'। পুস্তকের মোকদ্দমায়* তিনি বাদশা-সালামৎকে উদ্দেশ্য করে বলেন, বে-রাজনীতি অকুসরণ করার ফলে দিল্লীর বাদশারা গুজরাতে মত মাথার-মণি প্রদেশ হারালেন সে-নীতি যদি না বদলানো হয় তবে তাবৎ হিন্দুস্থানই যাবে। সেই নীতির প্রাথমিক স্বর্ণযুগ, ক্রমবিকাশ ও অধঃপতন তিন সেই ইতিহাসে ধারাবাহিক লিপিবদ্ধ করেছেন।

সেই ইতিহাস থেকে একটি ঘটনার কথা মনে পড়ল। স্মৃতিশক্তির উপর নির্ভর করে লিখছি—তাই আবার বলছি ভুলচুক হলে ধরে নেবেন, এটি ঐতিহাসিক উপন্যাস।

অষ্টাদশ শতাব্দীতে একবার পর পর কয়েক বৎসর ধরে গুজরাতে বৃষ্টি না হওয়ার ফলে ভীষণ দুর্ভিক্ষ দেখা দেয়। দলে দলে লোক অহমদাবাদ পানে ধাওয়া করে; সেখানে যদি দু'মুঠো অন্ন জোটে। অগণিত পিতামাতা তাদের পুত্র-কন্যাকে দাস-দাসীরূপে বিক্রয় করে দেয়। গুজরাতি মেয়েরা যে টাকা-মোহর ফুটো করে অলঙ্কার হিসেবে পরে সেগুলো পর্যন্ত বিক্রয় করে দেয়। বিস্তর লোক উপবাসে মরলো।

গুজরাত সুবার সুবেদার (গভর্নর, কিন্তু বর্তমান গভর্নরের চেয়ে অনেক বেশী ক্ষমতা ধরতেন এবং দেওয়ানের সঙ্গে এক জোটে প্রদেশ চালাতেন) তখন অহমদাবাদের সব চেয়ে ধনী শ্রেণীকে পরামর্শের আমন্ত্রণ জানালেন। এইসব শ্রেণীর প্রধানত জৈন, এবং স্মরণাতীত কাল থেকে ব্যবসা-বাণিজ্য করে করে বহু অর্থের অধিকারী হয়েছিলেন (বর্তমান দিনের শ্রেণী কস্তুরভাই লালভাই, হটিসিং এই গোষ্ঠীরই লোক)।

সুবেদার সেই শ্রেণীকে শুভালেন, দুর্ভিক্ষ নিবারণের জন্ত কিছু করা যায় কি না। শ্রেণী বললেন, মালওয়া অঞ্চলে এবারে প্রচুর কসল ফলেছে, সেখানে গম-চাল পাওয়া যাবে। তবে দুই প্রদেশের মাঝখানে দারুণ দুর্ভিক্ষ। মালদাহী গাড়ি লুট হবে। অতএব তিনি দুই শর্তে দুর্ভিক্ষ-মোচনের চেষ্টা করতে পারেন : ১)

* বাংলার মোকদ্দমা বলতে মামলা, 'কেস' বোঝায়। আরবীতে অর্থ অবতরণিক। 'কদম' মানে পরক্লেপ ('কদম কদম বচহায়ে যা') ; মোকদ্দমা প্রথম পরক্লেপ, অবতরণিক। আবার প্রথম পরক্লেপ বলে তার অর্থ মামলা রুজু করার প্রথম কদম—এক দিক দিয়ে দেখতে গেলে লাঠিনে থাকে বলে মিসা ফাশি কেদ্—কিন্তু বাংলার এখন মোকদ্দমা বলতে পুরো কেসটাই বোঝায়।

স্ববেদার নিরাপদে মাল আনানোর জন্য সঙ্গে গার্ডক্রাফ কোজ পাঠাবেন, ২) মাল এসে পৌঁছলে স্ববেদার শ্রেষ্ঠীতে মিলে যে দাম বেঁধে দেবেন মূলীরা যদি তার বেশী দাম নেয় তবে তদুপেই তাদের কঠোর সাজা দেবার জিমাঙ্গারী স্ববেদার নেবেন। স্ববেদার মানদে সন্মতি দিলেন। এখানে উল্লেখযোগ্য শ্রেষ্ঠী স্ববেদারের কাছ থেকে অর্থ-সাহায্য চান নি।

বাড়িতে এসে শ্রেষ্ঠী বংশানুক্রমে সঞ্চিত অর্থ, অলঙ্কার-জুহুৱাং বের করলেন; স্ত্রী কস্তাকে তাঁদের অলঙ্কার পর্যন্ত খুলে দিতে বললেন।

সেই সমস্ত ঐর্ষ্যভাণ্ডার নিয়ে শ্রেষ্ঠীর কর্মচারীরা স্ববেদারের কোজ সহ মালওয়া পানে রওয়ানা দিলেন। কিছুদিন পরেই মুখে মুখে অহমদাবাদে খবর রটে গেল, মাল পৌঁছল বলে। পথে লুটতরাজ হয় নি।

সেই সব গম ধান ও অন্যান্য শস্ত যখন অহমদাবাদে পৌঁছল তখন শ্রেষ্ঠী তাঁর একাধিক হাতেলি—বিরিট চক-মেলানো বাড়ি, এক সঙ্গে গোষ্ঠীর বহু পরিবার একই বাড়িতে বসবাস করতে পারে—খুলে দিয়ে আঙ্গিনার উপর সেসব রাখলেন। তারপর স্ববেদারের সঙ্গে হিসেব করলেন, কি দরে কেনা হয়েছে, রাহ-খর্চা (ট্র্যানস-পোর্ট) কত পড়েছে এবং তাহলে এখন কি দর বেঁধে দেওয়া যায়? স্ববেদার বললেন, ‘আর আপনার মুনাকা?’ শ্রেষ্ঠী বললেন, ‘যুগ যুগ ধরে মুনাকা করেছি ব্যবসা-বাণিজ্যে। এ ব্যবসাতে করবো না। যা খর্চা পড়েছে সেই দর বেঁধে দিন। মূলীর সামান্য লাভ থাকবে।’ দাম বেঁধে দেওয়া হল।

এবারে শুধুন, সব চেয়ে তাঙ্গবকী বাং। শ্রেষ্ঠী শহরের তাবৎ মূলীদের ডেকে পাঠালেন, এবং কোন্ মূলী কটা পরিবারের গম যোগায় তার গুমারী (গণনা) নিলেন। সেই অনুযায়ী তাদের শস্ত দেওয়া হল। সোজা বাঙলায় আজকের দিনে একেই বলে রেশনিং। এবং তার সঙ্গে গোড়াতেই ব্যবস্থা, যাতে হোড়িং না হতে পারে। এবং কেয়ার প্রাইস।

অহমদাবাদে চতুর্দিকে আনন্দোচ্ছ্বাস। ইতিমধ্যে শ্রেষ্ঠীর চর এসে জানালে অমুক মহল্লার দু’জন মূলী ন্যায্যমূল্য থেকে এক না দু’ পয়সা বেশী নিয়েছে।

শ্রেষ্ঠী তৎক্ষণাৎ স্বয়ং সেই মহল্লায় গিয়ে সর্বজন সমক্ষে তদন্ত করলেন। এবং সঙ্গে সঙ্গে সোজা স্ববেদারের বাড়ি গেলেন। স্ববেদার তখন ইয়ার-বন্দী* সহ

* বক্সী বা বখ্শী (বখ্শিশ কথা একই খাতু থেকে) অর্থ, একাউন্টেন্ট জেনারেল, অডিটার জেনারেল ও কোর্টের চীফ পে-মাস্টার—এ তিনের সমন্বয়। কারতরা প্রধানত এই দায়িত্বপূর্ণ চাকরি করতেন। প্রধান বা মীর বখ্শী নিয়োগ করতেন এবং দিল্লীর বাদশ-সালারৎ। আর

সাগমন সেলেক্ট করছিলেন। কিন্তু পূর্বপ্রতিজ্ঞা অক্ষুণ্ণ বেরিয়ে এসে সব কিছু শুনে সেপাই পাঠালেন মুদীদের ধরে আনার জন্য। সাক্ষীসাবুদও যেন সঙ্গে সঙ্গে আনা হয়।

তদুত্তরেই সুবেদারের সামনে সাক্ষীসাবুদ তদন্ত-তফ তীশ হয়ে গেল। প্রমাণ হয়ে গেল সত্যই তারা বেশী দাম নিয়েছে।

সুবেদার হুকুম দিলেন, বড্ড বেশী 'খেতে চেয়েছিল' বলে মুদী দু'টোর পেট কেটে ফেলা হোক। তাই করা হল। নাড়িভুঁড়ি বেরিয়ে গেল।

সবাই যেন এই দৃষ্টান্ত থেকে সজাগ সতর্ক হুঁশিয়ার ধরদার হয় সেই উদ্দেশ্যে সুবেদার হুকুম দিলেন, শহরের সব চেয়ে উঁচু দুটো উটের পিঠে তাদের লাশ বেঁধে দিয়ে নগর-পরিক্রমা করা হোক।

সমস্ত রাত ধরে তাই করা হল।

এরপর ঐতিহাসিক যেন নিতান্ত সাদা-মাটা ডালভাতের কথা বলছেন, ঐভাবে মস্তব্য করছেন, 'অতঃপর আর কেউ অগ্ন্যায় মুনাকা করার চেষ্টা করে নি।'

(আমার হাতে যে পাণ্ডুলিপিখানা পৌঁছেছিল তাতে দেখি এ জায়গাটায় এ যুগের কোন্ এক স্মরসিক পাঠক লিখেছেন, 'we are not surprised!')

* * *

আমি আব কি মস্তব্য করবো? রেশনিং, কেয়ার-প্রাইস, নো চান্স কর হোডিং, তনুহুর্তে তদন্ত, তদুত্তরে দণ্ড, জনগণকে হুঁশিয়ারী দেওয়া এসবই হয়ে গেল চোখের সামনে। অবশ্য আমি নিরীহ প্রাণী, পেট কেটে নাড়িভুঁড়ি বের করার আদেশ শুনে আমার গা শিউরে ওঠে। তবে যারা দিনের পর দিন রেশন-শপের লাইনে দাঁড়িয়েছেন, চোখের সামনে কালো-বাজার এবং যাবতীয় অনাচার দেখেছেন, পুত্রকন্যাকে কুচেষ্টা খাওয়াতে বাধ্য হয়েছেন এবং বিতুলশালীরা কি কোণে তোকা খানাপিনা কবছেন সবিশেষ অবগত আছেন, তাঁরা হয়তো উল্লাস বোধ করবেন। আমি আপত্তি করবো না—কারণ পূর্বেই বলেছি, আমি গণতন্ত্রে বিশ্বাস করি ॥

সরকারি নিয়োগ হতেন কাজী উল কুজাং অর্থাৎ চীফ জাটিস, সদ্ব-উস-সদ্ব (সেই অফিসে বাদশা-সালামতের আপন জমিদারী তদারকের জন্ত, তথা কেউ নিঃসন্তান মারা গেলে তার সম্পত্তি অধিকার করতে)। সরকার = চীফ-সেক্রেটারী, কানুনগো = লিপেল রিমেম্-ডেনসার পরে নিযুক্ত হতেন। বখ্শীর কাছ থেকে টাকা পেয়ে ব্যবসায়ীরা সঙ্গে সঙ্গে সামনের বাজারে হুঁতি কাটতো বলে সে বাজারকে 'বখ্শী বাজার' বলা হত। বখ্শী সরকার ইত্যাদি বড় বড় এডমিনিস্ট্রেটিভ চাকরি শ্রবণক কার্যস্থর্যাই করতেন। ইংরেজ মোটামুটি এই পদ্ধতিই চালু রাখে।

কচ্ছের রাণ

ঐতিহাসিক উপন্যাস নিয়ে কথা হচ্ছিল। আর বলছিলুম, এতে করে আমাব বড্ডই উপকার হয়েছে। ইতিহাস নিজেকে মাঝে মাঝে পুনরাবৃত্তি করে। চোখের সামনে যখন তাই কোনো কিছু একটা ঘটে, তখন স্মৃতিপথে আসে প্রাচীন দিনের ঐরকম কোনো একটি ঘটনা। প্রথম যৌবনে কোনো এক প্রাচীন ইতিহাসে পড়েছি। সে নই এখন আব পাবো না। এক ফার্সীতে লেখা, তদুপরি বইখানা হয়তো সে ভাষার পুস্তকেব মাঝেও দুপ্রাপ্য। স্মৃতিশক্তির উপর নির্ভর করলে হয়তো ঐতিহাসিকের প্রতি অগিচার কবা হবে।

ইতিমধ্যে ঐতিহাসিক উপন্যাস এসে আমাকে বাঁচিয়ে দিয়েছে। কেউ যদি ক্রটিবিচ্যুতি দেখিয়ে দেয় তবে নিঃশরমে বলবো, আমি ঐতিহাসিক উপন্যাস লিখেছি।

গুজবাতের ইতিহাস 'মিরাৎ-ই আহমদী' কথা হচ্ছিল। বইখানা লেখা হয়, মাদির শাহ যখন ভারতবর্ষ লণ্ডভণ্ড করে যান মোটামুটি সেই সময়। এ পুস্তক গ্রন্থকার স্মরণ করেছেন জৈন সাংস্কৃতিক মেকতুজাচার্যের সংস্কৃতে লেখা গুজবাতের প্রাক-মুসলিম যুগের ইতিহাসের* সারাংশ নিয়ে। তারপর আছে গজনীর সুলতান মাহমুদ কর্তৃক সোমনাথ আক্রমণ।

সুলতান মাহমুদ এমনিতে বলতেন, তিনি কাফিরের বিরুদ্ধে জিহাদ করেন, কিন্তু সিন্ধুদেশ সপ্তম অষ্টম শতাব্দী থেকে মুসলমান অধিকারে। সে দেশ কি কবে আক্রমণ করা যায়? সুলতান বললেন, 'সিন্ধুদেশেব মুসলমানরা যদিও কাফির নয়, তবু কাফির-তুল্য—তারা হেরেটিক, অতএব আক্রমণ করা যায়।'

তা সে যাই হোক, তাঁর আসল উদ্দেশ্য ছিল কাঠিয়া ওয়াড়ের সোমনাথ মন্দিরের বিরাট ধনভাণ্ডার লুণ্ঠন কবা। সেটা সিন্ধুদেশ জয় না কবে হয় না।

কিন্তু তার পবই আসে কচ্ছের রাণ। সেটা অতিক্রম করা সিন্ধু-বিজয়ের চেয়েও কঠিন। মাহমুদের সাজোপাজ তাঁকে নিরস্ত করাব চেষ্টা দিয়ে নিফল হলেন।

* সংস্কৃত বইখানার নাম আমার মনে পড়ছে না। বোধ হয় 'প্রবন্ধ চিন্তামণি'।

† মাহমুদ ও মুহম্মদ দুই ভিন্ন নাম। যে রকম হাসন হসেন ও হাসান (হুসাইন) ভিন্ন ভিন্ন নাম।

কচ্ছের রাণ অভিক্রম করতে গিয়ে মাহমুদের কোজের অসংখ্য সৈন্য ও অস্ত্র ভূস্বায় প্রাণ হারালো। চোরাবাণিতেও অনেকে। তখনকার দিনের ঐতিহাসিকরা তার জন্য গাইডকে জিমেদার করেছেন; সে নাকি বিশ্বাসঘাতকতা করে। কিন্তু মাহমুদকে বাধ্য হয়ে ঐ পথেই ফিরে যেতে হয়েছিল। মাহমুদ ছিলেন ল্যাণ্ডলক্ট (অর্থাৎ যে দেশের সঙ্গে সমুদ্রের কোনো সংস্পর্শ নেই) দেশের লোক—হিটলারেরই মত।* তাই ঝারকা থেকে নৌবহর জোগাড় করে ‘ঠাটা’ (করাচীর কাছে প্রাচীন বন্দর) যাবার সাহস করেন নি।

*

*

*

এর পর পাগলা রাতা মুহম্মদ তুগলুক এই কচ্ছের রাণের কাছে মার খান।

কার্সী ঐতিহাসিক লিখেছেন ‘তগী’, কার্সীতে ‘ঠ’ ধ্বনি নেই—শব্দটা বোধ হয় তাই ‘ঠগি’। সেই তগী মধ্য-পশ্চিম ভারতে লুটতরাজ আরম্ভ করে। বাদশাহী কোজ বারবার তার বিরুদ্ধে অভিযানে লেগিয়ে বারবার বিকলমনোরথ হয়ে দিল্লী ফিরে আসে। মুহম্মদ রেগে টুট। বললেন, ‘আমি স্বয়ং যাবো।’

একটা সামান্য ডাকুর বিরুদ্ধে স্বয়ং হুজুর যাবেন!

না যাবোই।

হুজুর স্বয়ং আসছেন জেনে তগী অহমদাবাদ পালালো। হুজুর বললেন, চলো অহমদাবাদ। পরিষদরা মহা অসন্তুষ্ট। সেই হুদুর অহমদাবাদ—দিল্লী থেকে কত দিনের রাস্তা! হুজুর কিন্তু গৌ ছাড়লেন না। অহমদাবাদে পৌঁছলে পর জানা গেল, তগী পালিয়েছে কাঠিয়াওয়ারে। হুজুর বললেন, ‘চলো কাঠিয়াওয়ারে।’ কিন্তু তখন বর্ষা নেমে গিয়েছে। এবং শ্রান্তি-ক্রান্তিতে হুজুরের হল অর। কি অর, আমি বর্ণনা থেকে বুঝতে পারি নি। ম্যালেরিয়া খুব সম্ভব নয়। ম্যালেরিয়া বোধ হয় এ-দেশে পরে এসেছে। তা সে যাই হোক, হুজুর তামাম বর্ষাকালটা অহমদাবাদে অরে ধুঁকে ধুঁকে রোগা-ছুঁলা হয়ে গেলেন। কিন্তু বর্ষা-শেষেও গৌ

* ফ্রান্স জয়ের পর হিটলার ইংলও আক্রমণের পরিকল্পনা করেন। এর নাম অপারেশন ‘সী লায়েন’ (সমুদ্রসিংহ, জে ল্যোরে) কিন্তু শেষ পর্যন্ত এটা বাতিল করে দেওয়া হয়। তার বহুবিধ কারণ নিয়ে নানা গুণী নানা আলোচনা করেছেন। অন্যতম কারণ বলা হয়, হিটলার ল্যাণ্ডলক্ট দেশের লোক ছিলেন বল, সমুদ্রে ঝাপ দিতে দুআতুআ করতেন। গ্রীষ্ম অর করার পর তিনি তাই মন্টাঙ্গীপ আক্রমণ ক্রমাগত পিছিয়ে দিয়ে ডুল করেন। কলে রমেলও পুরো সাহায্য পেলেম না। এ দেশের মোগল-পাঠান রাজাদের বেলাও তাই। নৌবাহিনীর সঙ্গে তাঁদের পরিচয় ছিল না বলে তারা ইংরেজকে অবহেলা করেন। কলে ভারতবর্ষ সমুদ্রপথে বিজিত হয়।

ছাড়লেন না—তঁাকে যে পাগলা রাজা বলা হত সেটা প্রধানত তাঁর গৌর জন্যই—
 চললেন কাঠিয়াওয়াড়। তুগী পালালো কচ্ছে। হুজুর গেলেন কচ্ছ। তুগী
 পালালো কচ্ছের রাণের উপ দিয়ে সিদ্ধুদেশে। সে ডাকাত—রাণের কোথায় কি,
 জানে—সেখানে একাধিক বার আশ্রয় নিয়েছে। তত্পরি সে তো আর বিরাট
 সৈন্যবাহিনী নিয়ে বাচ্ছে না ; তার দানাপানীর আর কতটুকুই বা দরকার !

এবারে পারিষদরা তারস্বরে প্রতিবাদ জানালেন। গুজনীর মাহমুদ বাদশা যে
 রাণে কি রকম নাজেহাল হয়েছিলেন সে কথা স্মরণ করিয়ে দিলেন। সঙ্গে ছিলেন
 রাজসভার সরকারী ঐতিহাসিক জিয়াউদ্দীন বরনী (ইনি 'দিল্লী দূর অন্ত'-এর
 সাধু নিজামুদ্দীন আউলিয়া ও কবি আমীর খুসরুর নিত্যসাথী বন্ধু ছিলেন) ; তিনিও
 নিশ্চয়ই প্রাচীন ইতিহাস কীর্তন করেছিলেন। তত্পরি তুগলুক নিজে ছিলেন
 সুপণ্ডিত। ইতিহাস ভূগোল উত্তমরূপেই জানতেন। কিন্তু হিটলার যদিও
 অত্যন্তমরূপেই নেপোলিয়নের রুশ-অভিযান ও তার মারাত্মক ফলাফল সম্বন্ধে
 বিশেষজ্ঞ ছিলেন এবং যদিও তাঁর সেনাপতিরা তাঁকে বারবার রুশ-অভিযান থেকে
 নিরস্ত থাকতে উপদেশ দেন, তবুও তিনি সেই কর্মটি করেছিলেন। এখানেও তাই
 হল। তুগলুক নিরস্ত হলেন না।

কচ্ছের রাণে বাদশা মুহম্মদ তুগলুকের কী নিদারুণ দুঃবস্থা হয়েছিল, তার বর্ণনা
 একাধিক ঐতিহাসিক দিয়েছেন। আজ আমার আর ঠিক মনে নেই, তাঁর দৈন্য
 এবং ছোড়া-খচ্ছরের ক'আনা বেঁচেছিল, আর ক'আনা মরেছিল।

এ সময়ের একটি ঘটনা ঐতিহাসিক বর্ণনা করেছেন। রোগে জীর্ণ দুর্বল দেহ
 নিয়ে ঘোড়ার উপরে বসে মুহম্মদ তুগলুক ধুকতে ধুকতে এগচ্ছেন। এমন সময়
 তিনি ঐতিহাসিক জিয়াউদ্দীন বরনীকে ডেকে পাঠালেন—কাউকে ডেকে না
 পাঠালে হুজুরের কাছে বাবার কারো অহুমতি ছিল না। বরনী কাছে এলে তুগলুক
 তাঁকে বললেন, 'আচ্ছা বরনী, তুমি তো জানো আমি আমার প্রজাদের কতখানি
 ভালোবাসি। আমি যে-সব করমান হুকুম জারি করেছি সে তো একমাত্র তাদেরই
 মঙ্গলের জন্য। তবে তারা একগুঁয়েমি করে আমার আদেশ অমান্য করে কেন ?'
 তারপর শুধোলেন, 'আচ্ছা বরনী, তোমার কি মনে হয়, আমি বড্ড বড়া হাতে
 শাসন করেছি, প্রয়োজনের চেয়ে অতিরিক্ত শাস্তি দিয়েছি ? তবে কি এখন আমার
 উচিত আরো ক্ষমা-দয়ার সঙ্গে শাসন করা ?'

বরনী লিখছেন, 'এই শেষকালে যদি হুজুর হঠাৎ তাঁর নীতি বদলান তবে হয় তো
 আরো বিপর্যয়ের সৃষ্টি হবে ভেবে আমি নীরব থাকাকাটাই যুক্তিযুক্ত বলে মনে করলুম !'

এদিকে দিল্লীতে বসে তুগলুকের প্রধানমন্ত্রী পড়েছেন মহাবিশদে। হজুরের কোনো খবর নেই। রাণ থেকে তো দূত পাঠানো যায় না, যে দিল্লী আসবে। দূত আর তার পাঠি পথে জল পাবে কোথায়? গিছন পানে অবশ্য বৃত্তা—সম্মুখ দিকে তবু বাঁচবার আশা আছে। কাজেই দিনের পর দিন কেটে যাচ্ছে, হজুরের কোনো খবর নেই। প্রধানমন্ত্রীর ভয়, খবরটা রটে গেলে তুগলুকের কোনো আশ্রয় বা অন্য কোনো দুঃসাহসী রাজা মরে গেছেন এই সংবাদ রটিয়ে কিছু সৈন্তসামন্ত জোগাড় করে দিল্লীর তথতে না বসে যায়। রাজকোষ তখন তার হাতে এসে যাবে এবং কলে সে আরো সৈন্ত সংগ্রহ করে নেবে। হজুর বখন কিরে আসবেন তখন তাঁর সন্ধের সৈন্তদল পরিগ্রাস্ত রাস্ত। হজুর তখন লড়াই দেবেন কি করে? প্রধানমন্ত্রী তখন শুরু করলেন শ্রেক ধাঙ্গা। হজুর রোজ সকালে যে বরোকার দাঁড়িয়ে দেখা দিতেন সেখানে প্রধানমন্ত্রী দাঁড়িয়ে বলতেন, ‘বড় আনন্দের বিষয়, আজও হজুরের চিঠি পেয়েছি। হজুর বহাল তবীরতে আছেন। শিগগীরই রাজধানীতে কিরে আসছেন।’ তারপর আদরখার (অদরকা) ভিতরের জেব থেকে বগাস্ চিঠি বের করে, গভীর সম্মানের সঙ্গে সেটি চূষন করে উচ্চকণ্ঠে সেটি পড়ে শোনাতে—আগাগোড়া নিছক গুল। তারপর আরো সম্মানে চিঠিখানা চূষন করে পকেটে রেখে দিতেন।

প্রধানমন্ত্রী হওয়া চাষ্টিখানি কথা নয়। ধাঙ্গা, গুল, খিরেভারি সব কুছকা এলেম পেটে ধরতে হয়।

ওদিকে অশেষ ক্রেশ ভুজে হজুর সিদ্ধুদের তীরে এসে পৌঁচলেন। তবীর কি হল আমার মনে নেই। পৌঁছেই হজুর দিল্লী পানে ষোড়-সওয়ার রওনা করলেন। তারা দিল্লী পৌঁছলে প্রধানমন্ত্রীর খড়ে জান এল।

হজুর আর কচ্ছের রাণ ধরে দিল্লী কিরলেন না। স্থির হল, নৌকার করে সিদ্ধু উজিরে উজিরে তারই উপনদী দিবে লাহোর পৌঁছবেন। উত্তম ব্যবস্থা। ইতিমধ্যে রোজার মাস বা রমজান এল। হজুর বললেন, ‘উপোস করবো।’ আমীর-ওমরাহ্ বললেন, ‘হজুর একে অস্থস্থ, দুর্বল। তহুপরি স্রমণকালে উপবাস করা ইচ্ছাধীন—কুরান শরীফের আদেশ।’ হজুর ভেড়ে বললেন, ‘যে মুসাকিরীতে (স্রমণে) তকলীক হয় আন্নাতালা সেইটের কথাই বলেছেন। আমরা তো যাক্ছি আরামসে নৌকার গুয়ে গুয়ে। আমি উপোস করবই।’ পুনরায় গৌ। তর্ক করবে কে? মুহম্মদ তুগলুকের সঙ্গে শাস্ত্র নিবে তর্ক করবার মত এলেম কারো পেটে ছিল না। (আরেক খহুর্ধর পণ্ডিত ছিলেন ঔরজজেব)।

কয়েক দিন পরে ধরা পড়ল একটি চমৎকার মাছ। কিন্তু এ জাতের মাছ দিল্লীবাসীরা কখনো দেখেন নি। তাঁরা বললেন, 'যে মাছ চিনি নে সেটা খাব না।' হজুর বললেন, 'কুরান, হাদীস কোনো শাস্ত্রে এ জাতীয় মাছের বর্ণনা দিয়ে যেতে যখন ব্যর্থ করা হয় নি তখন আমি ইটি খাবই।' আবার গৌ।

খেলেন। দারুণ ভেলগুলা মাছ ছিল। হজুরের শরীরও ছিল রোগা, রাগের খকলে দুর্বল। পেট ছাড়লো। কিছুতেই বন্ধ হয় না। বোধ হয় তৃতীয় দিনে হজুর ইন্তিকাল করলেন, অর্থাৎ পটল তুললেন।

ঐতিহাসিক জিয়াউদ্দীন লিখছেন, 'এই প্রকারে হজুর তাঁর অবাধ্য প্রজাকুলের হাত থেকে নিষ্কৃতি পেয়ে রক্ষা পেলেন; প্রজাকুলও হজুরের হাত থেকে নিষ্কৃতি পেয়ে বাঁচলো।

*

*

*

আমি বঙ্গসন্তান। মাছের নামে অজ্ঞান। আমার মনে প্রশ্ন জাগলো, বাদশা-সালামৎ কি মাছ খেয়ে শহীদ হলেন।

বরনী, মিরাত দিয়েছেন মুসলিম চান্দ্র মাসের হিসাবে তুগলুকের মৃত্যুদিবস। তাঁর থেকে কোন্ ঋতুতে তাঁর মৃত্যু হয়েছিল ধরা যায় না। বিস্তর ক্যালেন্ডার খেঁটে যোগবিয়োগ করে বের করলুম ঋতুটি।

আমার এক সিদ্ধী দোস্ত আছেন; ইতিহাসে তাঁর বড়ই শখ। তাঁর বাড়ি গিয়ে তাঁকে শুধালুম।

তিনি বললেন, 'নিঃসন্দেহে বলা যেতে পারে, পাল্লা মাছ।'

*

*

*

গঙ্গা উজিরে যেটা আসে বা একদা আসতো, সেটা ইলিশ—হিলসা। নর্মদা উজিরে ঐ মাছই যখন আসে তখন ব্রোচের (Broach—ভূগকচ্ছ) লোক এটাকে বলে মদার, পার্সীরা বলে বিম্। সিদ্ধ উজলে এই মাছকেই বলে পাল্লা।

অনেকেই অনেক কিছু চড়ে স্বর্গে যান; ঐরাবত, পুষ্পকরথ, কত কি?

শাহ-ইন্-শাহ বাদশা-সালামৎ মুহম্মদ তুগলুক শাহ ইলিশ চড়ে স্বর্গে গেলেন। স্বর্গে যাবেন না তো কোথায় যাবেন? ইলিশ খেয়ে যেপ্রাণ দেয় সে তো শহীদ—মার্টীর।

দর্শনাতীত

ছন্নের মত ঘুরে বেড়াচ্ছি বিরাট বার্লিন বিশ্ববিদ্যালয়ের করিডরে। সবে এসেছি 'আশ' থেকে—হাইকোর্টটি দেখিয়ে দেবার মতও কোনো খাটাশকে পাচ্ছি নে। কিন্তু রমণীজাতি দয়ালীলা—বেদরদীরা বলে হরবকৎ শিকার-সঙ্ঘানী—আমার সঙ্গে কথা কইলে নিজের থেকে। আমি তখন বিবর্ণ বিশ্বাস বদখদ কোন এক মাংস, তদধিক বিজাতীয় হস-ক্যাবেজ (সচরাচর এ বস্তু ঘোড়া ও বিশ্ববিদ্যালয়ের ছাত্রদের দেওয়া হয়) খাবার চেষ্টা করছি, চোখের জলে নাকের জলে। সব শুনে বললে, 'দর্শন? তা হলে শিটকে মিস্ করো না; বুড়ার বয়স আশী পেরিয়ে গেছে, কখন যে পটল তুলবে (জার্মানে বলে 'আপজেগলেন') ঠিক নেই।'

পোড়ার দেশে লোকচার-রূমে সীট রিজার্ভ করতে হয়। প্রাপ্ত যুবতীটি ধানী-লঙ্কার মত একশেপট। সাত দিন পরে প্রথম লোকচারে গিয়ে দেখি, একদম পয়লা কাতারে পাশাপাশি দু'খানা চেয়ার রিজার্ভ করে বসে আছে প্রফেসরের চেয়ার থেকে হাত আষ্টেক দূরে।

অধ্যাপক এলেন ঘণ্টা পড়ার মিনিট পাঁচেক পরে। বয়েস আশী না, মনে হবে সোয়া-শো—যেভাবে আস্তে আস্তে পা ফেলে ফেলে ঘরে ঢুকলেন। ইয়া বিরাট লাশ। ফ্লাইন উরজুল লাফ দিয়ে এগিয়ে গেলেন তাঁর দিকে। বুড়া রোষকষায়িত লোচনে তাঁর দিকে তাকিয়ে হাত দু'খানা অন্ন তুলে ধরলেন। উরজুল এক দিকের ওভারকোর্টটা তাঁর দেহ থেকে মুক্ত করার পর তিনি অতি কষ্টে শরীরে একটু মোচড় দিলেন। এই গুহৃতম তান্ত্রিক মৃষ্টিযোগ প্রসাদাৎ তিনি তাঁর ওভারকোর্টের নাগপাশ থেকে মুক্তি লাভ করলেন। শেষনাগকেও বোধ হয় তাঁর বাৎসরিক খোলস থেকে মুক্ত হতে এতখানি মেহন্নৎ বরদাস্ত করতে হয় না।

ধীরে ধীরে প্র্যাটফর্মে উঠে চেয়ারে আসন নিলেন। সচরাচর অধ্যাপকরা প্র্যাটফর্মের নিকটতম কোণে উঠেই বক্তৃতা ঝাড়তে আরম্ভ করেন। ইনি চূপচাপ বসে রইলেন ঝাড়া পাঁচটি মিনিট। ধবধবে সাদা কলারের উপর হাঁড়াপানা তাঁর বিরাট মুখের দিকে তাকিয়ে দেখি তাতে অস্তুত ডজনখানেক কাটাকুটের দাগ। লোকচার আরম্ভ না হওয়া পর্যন্ত কিস্ কিস্ করে কথা কইতে বারণ নেই। আমি উরজুলকে শুধালুম, 'মুখে ওগুলো কিসের দাগ?'

‘কেনসিঙের। সিনমাতে দেখ নি, লম্বা সরু লিকলিকে তলওয়ার দিয়ে একে অস্ত্রের কলিজা ফুটো করার পায়তারা কবে? স্পষ্ট বোঝা যাচ্ছে, তলওয়ার নাকের কাছে এলেও ইনি পিছু-পা তো হোনই নি, মাথাটা পর্যন্ত পিছনের দিকে ঠেলে দেন নি। প্রত্যেকটি কাটাতে কাটা ঠিচ লেগে ছিল ঠুকে শুধোতে পারো।’

আমি বললুম, ‘উনি না দর্শনের অধ্যাপক!’

হ্যাঁ, কিন্তু ঠুর বাপ-পিতামো ছিলেন কটুর প্রশান ঐতিহ্যের পাড় জেনারেল গুটি। তাঁদের বর্মের মত শক্ত হৃদয় ভেঙে ইনি দর্শনের অধ্যাপক হয়ে গেলেন। কৈশোরে বোধ হয় সে মতলব ছিল না। তাই ছুঁদে ছুঁদে কেনসারদের চেলেজ করে এসব অস্ত্র-লেখার কলেকশন্ আপন মুখে নিয়ে বাকী জীবন দর্শন পড়াচ্ছেন। তাইতে বাপ-দাদার ততোধিক মনস্তাপ বে, এমন পয়লানখরী তলওয়ারবাজ হয়ে গেল মেনিমুখো মেন্টার-মেলের একজন।’

আমি বললুম, ‘পেন্ ইজ মাইটিয়ার দেন সর্ড!’

‘ছোঃ! শুভলোক জীবনে এক বর্ণ কাগজে কলমে লেখেন নি—সাত ভলুমি কেতাব দূরে থাক, এক কলমের প্রবন্ধ পর্যন্ত না। কলমই ঠুর নেই। বোধ হয় টিপসই দিয়ে—’

অধ্যাপক ছাদ-ছোয়া গ্যালারির উপরনিচ ডান-বাঁ’র উপর চোখ বুলিয়ে আরম্ভ করলেন—ওঃ সে কি গলা! যেন নাভিকুণ্ডলী থেকে প্রণবনাদ বেরুচ্ছে, ‘মাইনে ডামেন্ উন্ট্ হেরেন্!’—‘আমার মহিলা ও মহোদয়গণ!’ তার পর দম নিয়ে বললেন, অস্ত্রবারের মত এবারেও আমি রেকটরকে’—তার পর গলা নামিয়ে বিড়-বিড় করে বললেও সমস্ত ক্লাশই শুনেতে পেল—‘আস্ত একটা গাধা—’

আমার তো আক্কেল গুড়ুম। রেকটর যিনি কিনা বিশ্ববিদ্যালয়ের সর্বময় কর্তা, তাঁকে গর্দভ বলে উল্লেখ করা—তা সে বিড়বিড় করেই হোক আর রাসভকঠেই হোক—এ যে অবিখ্যাত!

অধ্যাপক বলে যেতে লাগলেন, ‘রেকটরকে আমি অহুরোধ জানালুম, আমাকে এই টার্ম থেকে নিষ্কৃতি দিতে। অর্বাচীন বলে কিনা, আমাকে না হলে তার চলবে না। এ উত্তর আমি ইতিপূর্বেও শুনেছি। তার পূর্বের রেকটর—’ আবার বিড়বিড় করলেন, ‘বলদ, বলদ! শ্রেফ বলদ—তাকেও আমি একই অহুরোধ করেছিলুম, এবং একই উত্তর পেয়েছিলুম। তার পূর্বের রেকটর—কিন্তু কাহিনী সম্প্রসারিত করার প্রয়োজন নেই—এবং তার পূর্বেরও সবাই একই উত্তর দেয়। বস্তুত, মাইনে ডামেন্ উন্ট্ হেরেন্, গত বাইশটি বৎসর ধরে আমি এই একই উত্তর

ভনে আসাছি। মনে হচ্ছে, অরিজিনালিটি রেকর্ডের সপ্রদায়কে এড়িয়ে চলেন। তা
সে থাক, তাদের বক্তব্য, আমাকে ছাড়া চলবে না, আমি ইনডেসপেন্‌সিবিল।’

এবারে তিনি স্বয়ং সিদ্ধী বলদের মত ফোস করে নিশ্বাস কেলে বললেন,
‘তবে কি সাতিশয় সস্তাপের সঙ্গে স্বীকার করতে হবে, জর্মনি এমনই চরম অবস্থায়
পৌঁছেছে যে, এদেশে আর দার্শনিক নেই? কিন্তু এই আমার শেষ টার্ম। আমি
মনস্থির করে কেলেছি।’ তার পর চোখ বন্ধ করে খুব সম্ভব প্রথম বক্তৃতায়
প্রথম কি বস্তু দিয়ে আরম্ভ করবেন তার চিন্তা করতে লাগলেন। উরজুল আমার
কানের কাছে মুখ এনে ফিস্‌ফিস্‌ করে বললেন, ‘তাঁর শেষ টার্ম। এ ভয় তিনি
নিদেন পঁচিশ বছর ধরে দেখাচ্ছেন—প্রতি টার্মের গোড়ায়।’ বুড়ার চোখ বন্ধ
হলে কি হয়, কান দিব্য সজাগ। চোখ খুলে বললেন, ‘নো’ আবার নো। এই
আমার শেষ টার্ম—কেউ ঠেকাতে পারবে না।’

তার পর গ্রীক দর্শন নিয়ে আরম্ভ করলেন। তাঁর পড়াবার পদ্ধতি অশুকরণ
করা অসম্ভব। কারণ, তাঁর পড়ানোটা সম্পূর্ণ নির্ভর করতো তাঁর স্মৃতিশক্তির
উপর। সে স্মৃতিশক্তি বিধিভঙ্গ। কোন্‌ সালের, কোন্‌ বইয়ের, কোন অধ্যায়ে,
এমন কি মাঝে মাঝে কোন্‌ গাতায় কি তথ্য সন্নিবেশিত হয়েছে সেগুলো বলে
যেতে লাগলেন কোনো প্রকারের নোট না দেখে। প্রত্যেকটি সেন্টেন্স স্বয়ংসম্পূর্ণ।
ভাষা সরল। এবং মাঝে মাঝে প্লাতো, আরিস্তটল বোঝাতে গিয়ে হঠাৎ মারেন
দু’হাজার বছরের ডুব-সাতার। এ যুগের কে তার সর্বোত্তম ব্যাখ্যা করেছেন,
কোথায়, কোন্‌ পরিচ্ছেদে—তার সবিশদ বর্ণন। আমি হতভয়।

ষণ্টা পড়তে আস্তে আস্তে উঠলেন। ফ্লাইন উরজুল তাঁকে পুনরায় ওভার-
কোট পরিয়ে দিলেন। ধীরে মন্থরে করিডরে নামলেন।

আমি উরজুলকে বললুম, ‘এ কী কাণ্ড! গণ্ডাখানেক রেকর্ডরকে ইনি গাধা-
বলদের সঙ্গে—?’

‘ওঃ! এঁরা সবাই এসব জানেন। এঁরা সবাই তাঁর ছাত্র।’

‘ওঁকে ছুটি দেয় না কেন?’

‘সকলেরই বিশ্বাস, সঙ্গে সঙ্গে তিনি পাল তুলবেন বলে। মাধ্যাকর্ষণ নয়,
দর্শনাকর্ষণ তাঁকে ইহলোকে আটকে রেখেছে।’...

এখানে রোল-কল হয় না। টার্মের গোড়াতে ও শেষে আপন আপন
‘স্টুডেন্টস বুক’ অধ্যাপকের নাম দু’বার সহী করিয়ে নিতে হয়।

গোড়ার দিকে ভিড় ছিল বলে হাক্কা হলে পর আমি আমার ‘বুক’ নিয়ে

পাতলুম। এ যাবৎ অল্প কারো সঙ্গে তিনি বাক্যবিনিময় করেন নি। আমাকে দেখে চেয়ারে আরামসে হেলান দিয়ে বললেন, ‘আঃ! বাঃ বাঃ! তার পর? আচ্ছা। বলুন তো আপনি কি জার্মান বেশ বুঝতে পারেন?’

আমি বললুম, ‘অল্প, অল্প।’

‘বেশ, বেশ। তা—তা, আপনি কোন্ দেশ থেকে এসেছেন?’ ‘ইণ্ডিয়া।’

কেন যে এতখানি ভাঙ্কব হয়ে তাকালেন বুঝতে পারলুম না। বললেন, ‘ইণ্ডিয়া? কিন্তু ইণ্ডিয়াই তো দর্শনের দেশ। আপনি এখানে এলেন কেন?’

আমি সবিনয় বললুম, ‘নিশ্চয়ই, কিন্তু আধুনিক দর্শনে জার্মানির সেবা ও দান তো অবহেলার বিষয় নয়।’

কী আনন্দে, কী গর্বে অধ্যাপকের সেই কাটাকুটি-ভরা মুখ যে প্রসন্ন হান্তে ভরে গেল, সেটি অবর্ণনীয়। শুধু মাথা দোলান আর বললেন, ‘বস্তুত তাই, প্রকৃতপক্ষে তাই।’

এবারেও যখন তিনি ‘আপনি’ বলে সম্বোধন করলেন তখন আমি যেন ‘তুমি’ শুনতে পেলুম। তাঁর বিরাট সাদা মাথাটা আমার দিকে ঠেলে কাছে এনে বেদনা-ভরা গলায় বললেন, ‘কিন্তু জানো, ভারতীয় দর্শন—অবশ্য সব দর্শনই দর্শন—শেখবার সুযোগ আমি পাই নি। ব্যাপারটা হয়েছে কি, আমার যৌবনে ভারতীয় দর্শনের জার্মান-ইংরিজি অনুবাদ পড়তে গিয়ে দেখি সব পরস্পরবিরোধী বাক্যে পরিপূর্ণ। আমি বললুম, “এ কখনই হতে পারে না। ভারতের জানী ব্যক্তির এরকম কথা বলতে পারেন না। যারা অনুবাদ করেছেন তাঁরা কতখানি জার্মান জানেন জানি নে, কিন্তু দর্শন জানেন অত্যন্ত, এবং ভারতীয় দর্শনে তাঁদের অপরিচিত যে দৃষ্টিভঙ্গি, দৃষ্টিকোণ সেটা আদৌ বুঝতে পারেন নি।” ছেড়ে দিলুম পড়া, বিরক্তিতে। কিন্তু জানো, বছর দশেক পূর্বে আমার ছাত্র—’ তিনি রেকর্ডরের নাম করলেন—‘অমুক—ভারী ব্রিলিয়ান্ট ছেলে—আমাকে বললে, এখন নাকি কম্পিউটেন্ট অনুবাদ বেরুচ্ছে। কিন্তু ততদিনে আমি বড্ড বুড়িয়ে গিয়েছি। নূতন করে নূতন ‘স্কুলে’ যাবার শক্তি নেই। বড্ড দুঃখ রয়ে গেল।’

আমি একটু ভেবে যেন সাস্বনা দিয়ে বললুম, ‘তার জন্ম আর অত ভাবনা কিসের, শূর? হিন্দুরা পরজন্মে বিশ্বাস করে। আপনি এবারে জন্ম নেবেন কাশীর কোন দার্শনিকের ঘরে।’

এবারে তাঁর যে কী প্রসন্ন অট্টহাস্য! শুধু বললেন, ‘ঐ তো! ঐ তো! বাঃ বাঃ! বেশ, বেশ। যাক, শেষ দুশ্চিন্তা গেল।’

তারপর শুধালেন, ‘বস্তুত সব বুঝতে পারো তো?’

আমি বললুম, 'আজ্ঞে, জর্মন ভালো জানি নে বলে মাঝে মাঝে বুঝতে অস্বীকারে হয় ।'

অধ্যাপক বললেন, তখন হাত তুলো ; আমি সব ভালো করে বুঝিয়ে বলবো ।'

আমি কাচুমাচু হয়ে বললুম, 'আমার জর্মন জানের অভাব বশত সমস্ত ক্লাস সাফার করবে—এটা কেমন বেন—'

গুরু গুরুগভীর কণ্ঠে বললেন—প্রত্যেকটি শব্দ যেন আমার বুকের উপর হাতুড়ি দিয়ে ঠুকে ঠুকে—'আমি একজনকে পড়াবো না একজনকে পড়াবো, কাকে পড়াবো আর কাকে পড়াবো না, সেটা স্থির করি একমাত্র আমি ।'

*

*

*

আমার ছুষ্ঠীয়া, আমি খুব বেশী দিন তাঁর কাছ থেকে শিক্ষা লাভের সুযোগ পাইনি । পরের টার্মেই তিনি ওপারে চলে যান ।

তার পর প্রায় ৩৫ বৎসর কেটে গিয়েছে ।

আমার ব্যক্তিগত সংস্কার যে, সৃষ্টিকর্তা মানুষকে পৃথিবী নামক জায়গাটিতে এক বারের বেশী ছ'বার পাঠান না । একই নিষ্কর স্থলে একাধিকবার পাঠিয়ে একই দণ্ড দেওয়ার মধ্যে কোনও বৈদগ্ধ্য (রিকার্টনমেন্ট) নেই । তবু যখন কোনো যুবজনের মূখে ভারতীয় দর্শন সম্বন্ধে আলোচনা শুনে মনে হয়, এ-তরুণ এর কিছুটা গভীরে ঢুকতে পেরেছে, তখন আপন অজান্তে তার চেহারায় জর্মনগুরুর বিরাট কাটাকুটি-ভরা, হাঁড়াপানা চেহারার সাদৃশ্য খুঁজি ॥

মা-মেরীর রিস্ট-ওরাচ

একদা রম্য রচনা কি রীতিতে উদ্ভবরূপে লেখা যায়, এই বাসনা নিয়ে কলেজের ছেলের বয়সীরা আমাকে প্রশ্ন শুধাতো ; অধুনা শুধায়, ঐতিহাসিক উপন্যাস কি প্রকারে লেখা যায় ? আমি বাঙালী, কাজেই বাঙালীর স্বভাব ধানিকটে জানি—পাঁচু, ভূতো আর পাঁচজন যে ব্যবসা করে—যথা পার্লিসিং হাউস কিংবা লণ্ডী—পয়সা কামিয়েছে, সে সেইটেই করতে চায়, নতুন ব্যবসার কুকি নিতে সে নারাজ । অতএব হাল-বাজারে যখন ঐতিহাসিক উপন্যাস ছেড়ে দিয়ে কালোবাজারের চেয়েও সাদা-বাজারে লাভ বেশী, তবে চলো ঐ লালকেল্লা কতেহ্ করতে ; মা-মেরীতে বিশ্বাস রাখলে কড়ি দিয়েও কিনতে হবে না, সায়েবের মুনীও ঐ আশ্বাস দিয়েছেন ।

যারা পণ্ডিত লোক, ইতিহাস জানেন ও উপন্যাস লেখার কার্যটাও বান্ধের
 রপ্ত আছে, তাঁরাই ঐতিহাসিক উপন্যাস লিখতে পারেন। আমি ও আমার মত
 আর পাঁচজন পারে না, আমরা পণ্ডিত নই। কিন্তু পণ্ডিত না হয়েও দিব্য বুঝতে
 পারি, ঐতিহাসিক উপন্যাস লিখতে যাওয়ার বিপদটা কি?—পাখীর মত উড়তে
 না জেনেও চমৎকার দূরতে পারি মনুমেন্টের উপর থেকে লাফ দিয়ে পাখীর মত
 ওড়বার চেষ্টা করলে হাণটা মোটামুটি কি হবে।

এই তো হালে একটি সপ্তাহিকের পাতা ওন্টাতে ওন্টাতে অলস নয়নে পড়লুম,
 ‘তুমি ওমরাহ নও।’

সর্বনাশ! এটা কি প্রকার হল? ‘ওমরাহ’ তো ‘আমীরে’র সাদামাটা
 বহুবচন—যে রকম ‘গরীব’ থেকে ‘গুরবাহ’; তাই বলি ‘গরীব-গুরবো’। সেই
 আইনেই বলি ‘আমীর-ওমরাহ’ (‘আমীর-ওমরো’ শুনেছি; আকারান্ত শব্দ বাঙালার
 ‘এ’ ‘ও’ তে আকছারই পরিবর্তিত হয়, যেমন ‘কিতে’ ‘জুতো’—এর কোনো পাকা
 নিয়ম নেই)। আরবী বা ফার্সী শব্দের একবচন এবং বহুবচন পাশাপাশি
 বসিয়ে আমরা অনেক সময় বাঙালার কালেকটিভ নাউন তৈরি করি—যেমন
 ‘আমীর-ওমরাহ্’ অর্থাৎ ‘আমীরসম্প্রদায়’ কিংবা ‘গরীব গুরবো’ ‘দীনসম্প্রদায়’
 ‘দীনজন’। তা সে যাই হোক, ‘ওমরাহ’ কথাটা বহুবচন বহুবচনেই আছে। কাজেই
 যে রকম আপনি ‘আমীরসম্প্রদায় নন’ ব্যাকরণে ভুল, তুমি ‘ওমরাহ নও’ ভুল।

(ঠিক সেই রকম ‘আলিম’ পণ্ডিতের বহুবচন ‘উলেমা’—জমিয়ৎ-ই-উলাম-ই
 হিন্দ : অনেকেই না জেনে ইংরিজীতে লেখেন ulemas ।)

কাজেই প্রথম চোরাবালি শব্দ নিয়ে। ঠিক ঠিক অর্থ না জানলে আমাদের
 মত অপণ্ডিত জন ধায় মার। ঠিক সেই রকম গুপ্তযুগের উপন্যাস লিখতে গিয়ে
 না ভেবে ফুটিয়ে দিলুম রজনীগন্ধা, কৃষ্ণচূড়া—শব্দ দুটো থেকে বিশেষ করে যখন
 সংস্কৃতের স্নগন্ধ বেরিয়েছে—অথচ দুটো ফুলই এদেশে এসেছে অতি হাল আমলে।
 এবং শুধু শব্দার্থ জানলেই হয় না—রূঢ়ার্থে তার ব্যবহার জানতে হয়। তসবী*

* কত না হস্ত চুমিলাম আমি

তসবীমালার মত.

কেউ খুলিল না কিস্মতে ছিল

আমার গ্রন্থি বত।

অর্থাৎ তসবীমালা জপ করে এক সাধু অন্য সাধুর হাতে ভুলে দেন, কিন্তু কেউই দয়া
 করে মালার হতোচি কেটে মুক্তাগুলোকে মুক্তি দেন না।

খানা কথাটির দুটো শব্দই আমরা চিনি—যে ঘরে বসে বাগ্মী তসবীমালা জন্ম করেন। মোগল আমলে কিন্তু ঐ ঘর ছিল অতিশয় গোপন (top secret) মন্ত্রণালয়।

কেউ যদি লেখেন ‘অতঃপর সম্রাট ঔরঙ্গজেব সম্রাট সমাধানের অন্ত সমস্ত রাত কুরান শরীফ খেঁচেও কোনো হদীস পেলেন না’, তবে বাঙালী পাঠক এ-বাক্যে কোন দোষ পাবেন না। কারণ হদীস বা হুদুদ বসতে বাঙালী পাঠক প্রিন্সিপেল বা পূর্ব উদাহরণ বোঝে। কিন্তু কুরানে হদীস খোঁজা আর বেদে মনুসংহিতা খোঁজা একই রকমের ভুল। কুরানে আছে পরগণার কাছে প্রেরিত ঐশী বাণী—আপ্তবাক্য। আর হদীসে আছে পরগণার কি ভাবে জীবন বাণন করতেন, কাকে কখন কি করতে আদেশ বা উপদেশ দিয়েছিলেন ইত্যাদি (এগুলোও অতিশয় মূল্যবান—কিন্তু আপ্তবাক্য নয়)। কাজেই এগুলোর (হদীসের) সম্বন্ধ কুরানে পাওয়া যাবে কি করে? বস্তুত কোনো অর্বাচীন সম্রাট ও তার সমাধান কুরানে না পেলেন আমরা হদীসে (শাস্ত্রে ‘স্মৃতির’ সঙ্গে তুলনীয়) যাই। সেখানে না পেলেন ইজমাতে এবং সর্বশেষে কিয়ামতে। কিন্তু শেষের দুটো স্মৃতিশাস্ত্রের গভীরে—ঐতিহাসিক উপন্যাসে প্রতিবিম্বিত হওয়ার সম্ভাবনা অত্যন্ত। তা সে যাই হোক, মুসলমান ধর্ম সম্বন্ধে যে, কিছুটা জ্ঞান বাঞ্ছনীয় সে বিষয়ে সন্দেহ নেই।

কিন্তু তার চেয়েও বেশী প্রয়োজন, মুসলমানদের দৈনন্দিন জীবনের সঙ্গে পরিচয়। ঐতিহাসিক উপন্যাসে সেটা প্রধানত বিশ্ববোধক বাক্যে। তুলনা দিয়ে বলতে পারি, করাসী উপন্যাসের ইংরিজী অনুবাদে ‘মঁ দিয়ো’ ‘পার ব্লা’ ‘ভাঁজ ব্লা’-গুলো ইংরেজ করাসীতেই রেখে দেয়; জার্মান উপন্যাসের অনুবাদে ‘মাইন গট্’ ‘হ্যার গট্’ ‘ডনার ভেটার’ মূলের মত রেখে দেয়। এগুলোর অনুবাদ সম্পূর্ণ অসম্ভব নয়। অবশ্য স্মরণ রাখা উচিত, মঁ দিয়ো, মাইন গট্ এবং মাই গড একই জিনিস, একই বাক্য হলেও ইংরেজের পক্ষে ‘মাই গড’ বলা নিন্দনীয়, নিতান্ত বিপাকে না পড়লে ইংরেজ ‘মাই গড’ বলে না। পক্ষান্তরে করাসী জার্মান কথায় কথায় ‘মঁ দিয়ো’ ‘মাইন গট্’ বলে থাকে। তাই ইংরিজী অনুবাদের সময় মূলের আবহাওয়া রাখবার জন্য অনুবাদক এগুলো অনুবাদ করেন না।

অলহমদুলিল্লা, মাশালা, ইয়া! আল্লা, তওবা তওবা, বিসমিল্লা এগুলো অবস্থান্তরে ব্যবহৃত হয়। ‘আপনার ছেলে এম-এ পাশ করেছে? তওবা তওবা!’ (বা তোবা তোবা!) বললে যে ভুল হয় সেটা সাধারণ জনও বোঝে। তাই এসব বাক্য সম্বন্ধে সুস্পষ্ট ধারণা না থাকলে অনেকটা কারো প্রথম বংশধর জন্মালে আপনি

যদি উচ্চকণ্ঠে 'বল হরি, হরিবোল' বলে ওঠেন, তা হলে বেরকম হয়! এসব লোক সাধারণ সামাজিক উপন্যাসে থাকলে পাঠক শুধু একটুখানি মুচকি হাসে, কিন্তু ঐতিহাসিক উপন্যাস যিনি লেখেন তাঁর কাছ থেকে পাঠক একটু বেশী প্রত্যাশা করে।

'শাজ্জদেবের' মত উচ্চাঙ্গ সঙ্গীতের গভীরে যারা গিয়েছেন তাঁরাই জানেন, পাঠান-মোগল যুগের সঙ্গীত তথা এদের আগমনের পূর্বে ভারতীয় সঙ্গীতের প্রকৃত স্বরূপ কি ছিল; এ নিয়ে যারা গবেষণা করেন তাঁদের কতখানি কার্গী ভাষার সঙ্গে পরিচিত হবার প্রয়োজন। ঐতিহাসিক উপন্যাসিকের অতখানি কার্গী জানার প্রয়োজন নেই, কিন্তু তিনি যদি রানী রিজিয়ার দরবারে সেতার বাজাতে আরম্ভ করেন তবে বোধ হয় সঙ্গীতজ্ঞদের অনেকেই আপত্তি জানাবেন। 'আমি বিশেষজ্ঞ নই, তাই পণ্ডিতেরা যখন কিছু বলেন তখন সেটা মনে রাখবার চেষ্টা করি। মোলানা আজাদ আমাকে বলেন, "সেতার তৈরি করেন আমীর খুসরো। এটা বীণার অনুরূপে তৈরি, কিন্তু বীণার চেয়ে সহজ।'

আমি উত্তরে বললুম, 'আমি আরেক পণ্ডিতের কাছে শুনেছি, বাণ্যযন্ত্র-নির্মাণের পক্ষে সেতার-নির্মাণ বীণার চেয়ে কঠিনতর। কিন্তু বাজানেওলার পক্ষে সেতার বাজানো সহজতর। ঐ পণ্ডিত আমাকে বলেন, "অনেক সময় যে জটিল বাণ্যযন্ত্র নির্মাণ করা হয় সেটা বাজানেওলার পক্ষে বাজানো সহজ করে দেবার জন্য"।' (শাজ্জদেব হয়তো খাঁটি ধবর রাখেন।)

এসব ঝামেলার মাঝখানে পাঠান বা মোগল দরবারের গানের মজলিস বর্ণনা করা যে বিপদসঙ্কুল, সে কথা পাঠকমাত্রেই বুঝতে পারবেন।

ঠিক তেমনি মোগল আমলের ফিষ্টির বর্ণনা। কোরমা, কালিয়া, কোক্‌তা, কবাব (শিক্-কবাব প্রাক-মুসলিম যুগেও ছিল—শূন্যপক, মাংস—কিন্তু সেটা আঁকা-বাঁকা শিকের ভিতর ঢুকিয়ে করা হত, না শূলের ডগায় ঝুলিয়ে বলসানো হত, তা জানি নে) যে সব কটাই যাবনিক খাদ্য তা জানি, কিন্তু মোগল ফিষ্টিতে বাধাকপির পাতার ভিতর কিমা দিয়ে যে দোলমা তৈরি হয়, সেটা কি, চলবে? কপি জাতীয় জিনিস এদেশে এল কবে? এমন কি যে সিম জিনিসটা ষরোয়া বলে মনে হয় সে সম্বন্ধেও একখানি চিরকুটে দেখি ঋষিতুল্য দ্বিজেন্দ্রনাথ ঠাকুর পণ্ডিত ক্ষিত্তিমোহন শাস্ত্রীকে শুধোচ্ছেন, 'সংস্কৃতে আপনি সিম জিনিসটার উল্লেখ পেয়েছেন কি?'

মোগল ছবিতে তাদের জামাকাপড় গয়নাগাটি পরিষ্কার দেখতে পাই। কিন্তু সব কটার নাম তো জানি নে। মা-চুর্গার নাকের নথ দেখে দ্বিজেন্দ্রনাথ চিত্রকারকে শুধান, 'নথ কি মুসলমান আগমনের পূর্বে ছিল?'

কিন্তু আপত্তি কি গদায়ুগে নামার সময় ভীমের পকেটে যদি কাউন্টেনপেন দেখা যায়, তবে কী আপত্তি! জেরুজালেমের এক মেরী মূর্তির বাঁ-কব্জীতে দেখি, ছোট্ট দামী একটি রিস্টওয়াচ! জন্মের চোখে মা-মেরীর বাঁ-হাতখানা বড় ন্যাড়া-ন্যাড়া দেখাচ্ছিল, তাই। জানি নে, বারোয়ারি দুর্গাপূজায় মা-দুর্গা নাইলন পরতে আরম্ভ করেছেন কি না।

অনুবাদ সাহিত্য

কিছুদিন ধরে লক্ষ্য করছি, অনুবাদ যে অনুবাদ সেটা স্বীকার করতে প্রকাশক, সম্পাদক, স্বয়ং লেখকেরও কেমন যেন একটা অনিচ্ছা। কেন, এ প্রশ্ন শুধাতে একজন প্রকাশক সোজাসজি বললেন, 'বাঙালী অনুবাদ পড়তে ভালবাসে না, তাই অসাধু না হয়ে যতক্ষণ পারি ততক্ষণ তথ্যটা চেপে রাখি।' কিছুকাল পূর্বে আমিও একটি বড়-গল্প অনুবাদ করি ও তার প্রথম বিজ্ঞাপনে সেটি যে অনুবাদ সে কথা প্রকাশিত হয় নি। আমি সেই সম্পাদককে বেনিফিট অব্ ডাউট দিয়ে মনকে সাহসনা দিচ্ছি এই বুঝিয়ে যে, দ্বিতীয় বিজ্ঞাপনে এই গাফিলতি মেরামত করা হবে। ঐ সময়ে আমারই সহকর্মী (কারণ দু'জনাই 'দেশ'-সেবক, এবং তিনি অন্যার্থেও) শ্রীযুত বিদুর ঐ নিয়ে কড়া মন্তব্য করে যা বলেন তার নির্যাস, যত বড় লেখকই হোন না কেন, তিনি যদি অনুবাদ-কর্ম করেন তবে সেটা যেন পরিষ্কার বলে দেওয়া হয়। অতিশয় হক্ কথা। তবে এটা আমি গায়ে মাখছি নে, কারণ আমি 'যত বড়' কেন অ্যাট্টুন বড় লেখকও নই। আমি বরঞ্চ গোড়াতেই চেয়ে-ছিলুম যে কলাও করে যেন বলা হয়, এটি অনুবাদ। এবং সেই মূল প্রখ্যাত লেখকের অনুবাদ প্রসাদাৎ তাঁর সঙ্গ পেয়ে আমিও কিছুটা খ্যাত হয়ে যাবো— 'রাজেন্দ্র সংগমে, নীন যথা যায় দূর তীর্থ-দরশনে।' * কিংবা কালিদাস রঘুবংশের

*এই হুবাহে একটি ঘটনার কথা মনে পড়লো। গুরুদেব আমাকে কয়েক পাতা প্রক মেরামত করতে দেন। সেটাইতরী হলে তাঁর কাছে নিয়ে যেত গিয়ে বেধি তিনি ৮কিত্তিমোহন ও ৮বিধুশেখরের সঙ্গে গল্প করছেন। আমি খামের আড়ালে গা-চাকা দিয়ে শুনি, তিনি বলছেন, 'বনমালী (কিংবা সাধুও হতে পারে, কিন্তু সে গুরুদেবের সঙ্গে ছিল অল্প দিন) তো মেল আমার সঙ্গে এলাহাবাদ। আমি বললুম, "ওরে বনমালী, প্ররূপে এনেছিন; মাদ করে বিন্." কিন্তু মশাই কি বললো 'সে ও-পাশই বাড়ালো না। বোধ হয়, আমার সঙ্গে থেকে থেকে বেহাঙ্গীও ওর আর ভক্তি নেই।' কিংবা ঐ ধরনেরই। মাইকেলের কথা তা হলে সব সময়ে বলে না।

অবতরণিকার যে কথা বলেছেন—বল কৰ্তৃক মণি সছিত হওয়ার পর আমি স্তম্ভে
স্থব্ব করে বেতকলিক উৎরে যাবো।

এবং এখানে এটাও স্মরণ রাখা উচিত, কালিদাস বা মধুসূদন কেউই বাঙ্গালীর
আক্ষরিক কেন, কোনো প্রকারেরই অনুবাদ করেন নি। সম্পূর্ণ নিজস্ব, মৌলিক
কৃতিত্ব দেখিয়েও এঁরা অতথানি বিনয় দেখিয়েছেন। মডার্ন কবিতা যে আমার
পিপ্তি চটিয়ে দেয়, তার অন্ততম কারণ এঁদের অনেকেরই অপ্রাণিহ দৃষ্টি।
‘আধুনিক’ গাওয়ানীদের কঠোর সেই সুর শুনতে পাই। আর মডার্ন পেন্‌টাররা
কি করেন—অন্তত তাঁদের দু’জনার ব্যবহার সম্বন্ধে তো অনেক কথাই বেরিয়েছে।

কিন্তু সে কথা থাক। আমার প্রশ্ন, অনুবাদ পড়তে বাঙালী ভালবাসে না কেন ?
আমার কিন্তু কথাটা কেন জানি বিশ্বাস করতেই হচ্ছে যায় না।

বাংলা ভাষার কচিকাঁচা যুগে কালীপ্রসন্ন সিংহ মহাভারতের অতি বিস্তৃত
আক্ষরিক অনুবাদ করেন। আজ পর্যন্ত যে তার কত পুনর্মুদ্রণ হল তার হিসেব
হয়তো আজ বহুমতীই দিতে পারবেন না। পাঠকদের শতকরা ক’জন নিছক
পুণ্য-সঞ্চয়ার্থে এ অনুবাদ পড়েছে ? এমন কি রাজশেখর বসুর অনুবাদও—যদিও
একটি বারো বছরের ছেলেকে বলতে শুনেছি, ‘ঐ বহুমতীরটাই ভালো। বেশ
ছড়িয়ে ছিটিয়ে লেখা—ধীরেস্থিরে পড়া যায়। রাজশেখর বাবুরটার বড়
ঠাসাঠাসি।’ ‘বেতালপঞ্চবিংশতি’ ‘বজ্রিণ সিংহাসন’ এযুগের ছেলেমেয়েরাও তো
গোথাসে গেলে। (বিষ্ণুশর্মার ‘পঞ্চতন্ত্রের’ আরবী অনুবাদ ইরাক থেকে মরক্কো
পর্যন্ত আজও ‘আরব্য রজনীর’ সঙ্গে পাল্লা দেয়)। ঈশান ঘোষের জাতক
জনপ্রিয় হওয়ার পূর্বেই বাজার থেকে উধাও হয়ে গেল—(পরম পরিতাপের বিষয়
যে এখনো তার পুনর্মুদ্রণ হল না) অথচ তার থেকে নেওয়া বাচ্চাদের জাতক
তাদের ভিতর খুব চলে। জ্যোতিষ্ঠাকুরের সংস্কৃত নাটক ও করাসী কথা-সাহিত্যের
অনুবাদ এককালে বিদগ্ধ বাঙালীই পড়তো। ওদিকে এসবের বহু পূর্বে আলাওল
অনুবাদ করলেন—যদিও আক্ষরিক নয়—জয়সীর ‘পদ্মাবৎ’। এবং তারপর,
পর পর বেরলো ‘ইউসুক-জ্বালা’, ‘লায়লা-মজনু’ ইত্যাদি। মোল্লার বাড়িতে
এবং পূর্ব-বাঙালার খেয়াঘাটে, বটতলায় এখনো তাদের রাজত্বের অবসান হয় নি।
ওদিকে কাশীরাম, কুন্তিবাস। ‘আরব্যোপন্যাস’, ‘হাতিমতাই’, ‘চহারদরবেণ’
উনবিংশ শতাব্দীতেই বাঙলা দেশে নাম করছে। তারপর ‘রবিনসন ক্রুসো’,
‘গালিভার্স ট্রেল’ এবং করাসী থেকে ‘লে মিজেরাবল’ এদেশে ভাল কী পাড়ই
না সৃষ্টি করলো।

আমি অতি সংক্ষেপে সারছি। কিন্তু আমার রয়েসী কোন্ পাঠক ‘তীর্থসলিল’ ‘তীর্থরেণু’র কথা ভুলতে পারবেন? সত্যেন দত্ত অমুবাদের আঁচুকর। স্বয়ং রবীন্দ্রনাথ সত্যেন দত্তের শোকসভাতে বলেছিলেন, যে-দিন দেখলুম সত্যেন আমার চেয়ে চের ভালো অমুবাদ করতে পারেন ও ছন্দের উপর তাঁর দখল আমার চেয়ে অনেক বেশী, সেই দিনই অমুবাদ-কর্ম থেকে অবসর নিলুম। তারপর ভাল কবিতা চোখে পড়লেই সত্যেনকে অমুবাদ করতে বলতুম।’ (এস্থলে যদিও অবাস্তর তবু স্বরণে আনি, রবীন্দ্রনাথ নিজের মৌলিক রচনা কিছুকালের জন্ত কান্ত দিয়ে সত্যেন দত্তের ‘চম্পা’ কবিতাটির ইংরিজি অমুবাদ করেন)।

আর বর্তমান যুগের হীরেন দত্ত মশায়ের ‘তিন সঙ্গী’ খারাই পড়েছেন, তাঁরাই স্বীকার করবেন, এরকম অনবচ্ছ অমুবাদ হয় না।

এর একটু তথাকথিত ‘নিম্নপর্যায়’ নামলেই দীনেন্দ্রকুমারের ‘রহস্যলহরী’। বাংলাদেশের হাজার হাজার নারী-নরকে এর অমুবাদ আনন্দ দিয়েছে। দীনেন্দ্রকুমার লিখতেন অতি সরল, ছলছল-গতির বাংলা—পাঠককে কোন জায়গায় হৌচট খেতে হত না। তাঁর মৌলিক গ্রন্থ ‘পল্লীচিত্র’—নামটি আমার ঠিক মনে নেই—পড়লে তাঁর বাংলা-শৈলী ও ভাষার সরলতা ও আপন বৈশিষ্ট্য পাঠককে আরাম ও চমক দুই-ই দেয়। (অরবিন্দ ঘোষ যখন বরোদায় চাকরি নিয়ে বাংলা শেখার জন্ত গুরুর সন্ধান করেন, তখন দীনেন্দ্রকুমারকে সেখানে পাঠানো হয়। পরবর্তী যুগে যখন তিনি তাঁর অতুলনীয় মধুর বাংলায় পাঠকের কোঁতুহল সদাজাগ্রত রেখে তাঁর জীবনস্মৃতি—বিশেষ করে বরোদার ইতিহাস ও শ্রীঅরবিন্দের সাহচর্য সম্বন্ধে লেখেন, তখন তিনি দুর্ভাগ্যক্রমে দু’একটি বিতর্কমূলক তথ্য বলে কেলেন। আমার ব্যক্তিগত মতে তিনি সম্পূর্ণ সত্যভাষণই করেছিলেন। ও আমার অগ্রজ কাঙাল হরিনাথ, দীনেন্দ্রকুমার, মীর মুশররফ হুসেন সম্বন্ধে কুণ্ঠিয়ায় সরজমিনে গবেষণা করে ঐ সিদ্ধান্তেই পৌছন। কলে ৩৬নকার দিনের মাসিক-সাহিত্য মহলের এক বলবান ক্লিক দীনেন্দ্রকুমারকে, জাস্ট হাউণ্ডেড্ হিম্ আউট অব বেঙ্গলী লিটারেচার। সেই অনুপম জীবনস্মৃতি শেষ করার সুযোগও তখন তিনি পান নি। অথচ আমি যখন তাঁর লিখিত শ্রীঅরবিন্দের সহকর্মী ধাসেরাও যাদব অংশ বরোদার যাদব গোষ্ঠী ও অগ্রাণ্য মারাঠাদের অমুবাদ করে শোনাই তখন তাঁরা অশ্রবিসর্জন করে বলেন, ‘বাংলাদেশই শুধু সে যুগের মারাঠা বিপ্লবীদের স্বরণে রেখেছে। বাঙালী প্রাদেশিক, এ কুসংস্কার আমাদের ভালো।’ এর পর হঠাৎ যখন দীনেন্দ্রকুমারের ধারাবাহিক বন্ধ হয়ে গেল, তখনো তাঁরা উদ্গ্রীব হয়ে শুনন্তে

চাইলেন পরের পর্বের কথা। আমি কোন্ লঙ্কার স্বীকার করি কেন তাঁর লেখা বন্ধ হয়ে গেল।)

কোথা থেকে কোথা এসে পড়লুম! কিন্তু এই বিষয় নিয়ে আমার বহুদিনের মনস্তাপ—আজ বেমোকার বেরিয়ে গেল, পাঠক ক্রমা করবেন।

আমার মনে একটা সন্দেহ জাগে। প্রাচীন যুগের সব অনুবাদই যে উত্তম ছিল, একথা ঠিক নয়। কিন্তু এঁদের বেশীর ভাগই উত্তম সংস্কৃত ও তৎকালীন প্রচলিত বাঙলা ভাষার সঙ্গে সুপরিচিত ছিলেন। এবং পণ্ডিত জন যত বঁকা বাংলাতেই অনুবাদ করুন না কেন, তাঁদের শব্দভাণ্ডারে দৈন্ত ছিল না বলে অনুবাদ মূল থেকে দূরে চলে যেত না। জ্যোতিরিন্দ্রনাথ-কৃত পিয়ের লোভির 'ইংরেজবর্জিত ভারত'-এর অনুবাদ পড়লেই পাঠক আমার বক্তব্য বুঝতে পারবেন। লোভির শব্দভাণ্ডার ছিল অক্ষুরন্ত (উত্তর-মেরু সমুদ্রের আলো-বাতাসের বর্ণনা দিতে গিয়ে এক জায়গায় তিনি পর পর তিনটি শব্দ দিয়েছেন, ডায়াকনাস, একিমেরাল, কাইমেরিক—এর অনুবাদ তো দীন শব্দ-ভাণ্ডার নিয়ে হয় না।)। জ্যোতিরিন্দ্রনাথ জানতেন অত্যুত্তম সংস্কৃত—ভাসের নাটক তখনো ছাপায় প্রকাশিত হয় নি বা তাঁর হাতে পৌঁছয় নি—ভাসকে এঁরা দিলে তিনি সংস্কৃতের প্রায় সব নাট্য-লেখকের অনুবাদ করছেন—তাই ধরে ভাষা থেকে তিনি অনায়াসে শব্দচয়ন করে মূলের বৈচিত্র্যের মর্যাদা রক্ষা করতে পারতেন। অক্ষয় অনুবাদকের হস্তে সে স্থলে অনুবাদ হয়ে যায় একেছোঁয়ে—পড়তে গিয়ে পাঠকের ক্লান্তি এসে যায়।

অধুনা একাধিক যোগ্য ব্যক্তি অনুবাদ-কর্মে লিপ্ত হয়েছেন। এঁদের কেউ কেউ ইংরিজী ভাষা ও সাহিত্য সম্বন্ধে বিশেষজ্ঞ। এঁরা আমার চেয়ে অনেক বেশী যুক্তিতর্ক দিয়ে প্রমাণ করতে পারেন, ইংরিজী সাহিত্য বহু ভাষা থেকে বহু বস্তু অনুবাদ করে কি ভাবে পরিপুষ্ট হয়েছে, নব নব অনুপ্রেরণা পেয়েছে, নব নব অভিযানে বেরিয়েছে—সেই আদিযুগের শুভরূপ থেকে।

আমি অনুবাদ করতে গিয়ে পদে পদে নিজের কাছে লাহিত হয়েছি। এই লেখাটি তারই অভিজ্ঞতাপ্রসূত।

বাবুর শাহ,

এদেশে তিন রকমের ইংরেজ এসেছিল। বড় দলের কাজ ছিল পৃথিবীর সামনে আমাদের হেয় প্রমাণ করে এদেশে খেত (আমি বলি খবল কুর্ট) রাজস্ব যুক্তি ও নীতির উপর খাড়া করা। এক কথায় যাকে বলে, 'হোয়াইট ম্যানস বার্ডেন' যে কী ভীষণ ভারী এবং ইংরেজ স্বদেশের বেকন-আগা ছোড়দৌড়ের জুয়োখেলা, খেঁক-শেয়ালি-শিকার করা খেঁচার বিসর্জন দিয়ে এই 'নচ্চার' দেশে এসে পৃথিবীর ইতিহাসে যে কী অভূতপূর্ব দৃষ্টান্ত দেখিয়েছে, সেটা সপ্রমাণ করা। অতি দৈবে-সৈবে ছু' একজন তীক্ষ্ণদৃষ্টিসম্পন্ন সহৃদয় মহাজন এ ভগামি ধরতে পেরেছিলেন। তাঁরই একজন প্রখ্যাত হাণ্ডরসিক জেরম কে জেরম। তিনি মারাত্মক ব্যঙ্গ করে বলেছিলেন—পড়ে মনে হয়, তিনি যেন সিকনি কাড়ছেন—বার্ডেন যদি হেভিই হয় তবে ওটা বইছিস কেন, মাইরি? আমি তো খবর পেয়েছি, ইণ্ডিয়ানরা সেই সেবা, সেই হোলি ক্রুসেডের জন্ম ধ্যান্য-টি পর্যন্ত বলে না। তবে কেলে আর না ঐ লম্বীছাড়া বোকাটা ঐ হতভাগাদেরই ষাড়ে!

কিন্তু প্রাপ্তক ঐ বড় দলের ইংরেজদের একটি 'আপ্তবাক্য' নিয়ে আজ আমার আলোচনা। এরা মোকা বেমোকায় বলতো, 'পাঠান-মোগল আর্দে ইতিহাস লিখতে জানতো না—শুধু লড়াই আর লড়াই।'

অল্প দল সংখ্যায় নগণ্য। এঁরা এসব কথায় কান না দিয়ে সংস্কৃত, আরবী, কার্শী লিখতেন, বাঙলায় বাইবেল অনুবাদ করতেন, এবং প্রাচ্যভাষায় লিখিত জ্ঞানবিজ্ঞানের বই ইংরিজীতে অনুবাদ করতেন। কার্শী ইতিহাস যে শুধু 'লড়াই আর লড়াই' নয় (আহা! তাই যদি হত আর আমরা তাই পড়ে কেপে গিয়ে সেই আমলেই ইংরেজকে ঠ্যাঙাতে আরম্ভ করতুম।) সেটার বিরুদ্ধে নীরব প্রতিবাদ তাঁরা জানিয়েছেন কার্শী ইতিহাস অনুবাদ করে।

এক তৃতীয় শ্রেণীর পিচেশও এদেশে এসেছিল। এরা প্রথম শ্রেণীর মত অশিক্ষিত বর্বর নয়, আবার দ্বিতীয় শ্রেণীর মত নিরপেক্ষ সাধুজনও নয়। এরা অন্নবিস্তর সংস্কৃত আরবী কার্শী চর্চা করে, অন্ন বিজ্ঞা যে ভয়ঙ্করী সেইটে আপন অজ্ঞানতে প্রমাণ করে দিত এই বলে, 'ওসব তাবৎ মাল আমাদের গড়া আছে; সব রাখি!'

হুর্ভাগ্যক্রমে এদেশের ইংরিজী 'শিক্ষিতেরা' এদেরই বিশ্বাস করে বসলেন ।

আমার বক্তব্য, নিজের মুখেই ঝাল চেখে নিলে পারেন । বিশেষত যখন কিছু দিন ধরে 'শেষ মোগলদের' সম্বন্ধে ঐতিহাসিক উপন্যাস বেশ কিছুটা জনপ্রিয় হয়ে দাঁড়িয়েছে । এতে অ

এই করেই উচ্চতর পর্যায়ে উপনীত হয় । আমারই ছাওটা একটি ম্যাট্রিক-কেন্দ্র ছোকরা—কিন্তু র্যাপিড-রোডিঙের কলে সে দিব্য শিলিং-শকার, পেনিথ্রিলার পড়তে পারতো—আমার কাছ থেকে রোম সাম্রাজ্যের ঐতিহাসিক উপন্যাস 'আই ক্লাউডিউস' পড়ে এমনই 'ক্ষেপে যায়' যে, সে তারপরছনিয়ার যত রোমান ইতিহাস পড়তে আরম্ভ করে, এক্ষেত্রে জুলিয়াস সীজারের 'ব্রিটন বিজয়' পর্যন্ত ।

হালে বাবুর বাদশার আত্মজীবনী বেরিয়েছে—বাঙলা অমুবাদ । অবশ্য সে অমুবাদ এসেছে তিন ঘণ্টার জল খেয়ে । বাবুরের মাতৃভাষা ছিল তুর্কী—চুগতাই-তুর্কী অর্থাৎ তুর্কোমানিস্তানের তুর্কী ; টার্কির (যার রাজধানী আঙ্কারা) ভাষা ওসমানলি-তুর্কী । আমার যতদূর জানা আছে, মোগল আমলে যদিও দরবারী ভাষা ছিল ফার্সী, তবু শেষ বাদশা বাহাদুর শাহ পর্যন্ত অন্তঃপুরে তুর্কীতেই কথা-বার্তা বলেছেন, উর্দুতে কবিতা লিখেছেন*—দিল্লীর বিখ্যাত বিখ্যাত মুশায়েরার (কবি-সম্মেলনে) দূত মারফৎ আপন কবিতা পাঠিয়ে প্রতিদ্বন্দ্বিতা করেছেন (সে আমলের প্রখ্যাত কবি ছিলেন উর্দুর সর্বশ্রেষ্ঠ কবি গালিব)—এবং রাজকার্য করেছেন ফার্সীতে ।

বাবুরের সেই আত্মজীবনী অনুদিত হয় ফার্সীতে, ফার্সী থেকে ইংরিজীতে ও বিবেচনা করি, এই বাঙলা অমুবাদ সেই ইংরিজী থেকে । তাতে করে যে খুব মারাত্মক ক্ষতি হবে সে ভয় আমার নেই, কারণ অমুবাদে সবচেয়ে বেশী জখম হয় গীতিরস, এবং বাবুরের সাহিত্যসৃষ্টি গীতিরসপ্রধান নয় । এবং লড়াইয়ের কথা যদিও এটাতে আছে, তবু সেইটেই প্রধান কথা নয় । আসল কথা বাবুরের পর্যবেক্ষণশক্তি । ভারতবর্ষ—প্রধানত দিল্লী-আগ্রা অঞ্চল—তিনি খুঁটিয়ে খুঁটিয়ে দেখেছেন এবং অতিশয় নিষ্ঠার সঙ্গে তার বর্ণনা দিয়েছেন । আমি যখন কাবুলে ছিলাম তখন বাবুর বর্ণিত কাবুল পাঞ্জাবী (পাঞ্জাবীর অর্থ পঞ্চ-ফীর, সংস্কৃত 'ফীর'

* 'সুন্দর, রাজা কবিতা লেখে. এ আবার কেমন রাজা!' এই বলে তখনকার দিনের, ইংরেজ বাদশা-ফসালারথকে নিয়ে ব্যঙ্গবিজ্ঞপ করতো । পরবর্তী যুগের এক জহরী ইংরেজ এই দিনে মন্তব্য করে লেখেন, 'এসব বর্ষর ইংরেজ জানতো না যে, ওয়ারেন হেস্টিংসও কবিতা লিখতেন, এবং বাহাদুর শাহ'র ভুলনার অতিশয় দিয়েস ।'

শব্দ কার্সাতে 'শীর', কিন্তু অর্থ দুধ, আর পাঞ্জ্ অর্থ পঞ্চ—ঐ আয়গায় পাচটি নদী বয় ; আমাদের ,পায়েসকে কাবুলীরা বলে শীর-বিরঞ্জ্—বিরঞ্জ্ অর্থ চাল) ইত্যাদি আমি আপন অভিজ্ঞতার সঙ্গে মিলিয়ে দেখেছি । বস্তুত বাবুর বর্ণিত কাবুল ও আমার দেখা কাবুলে বিশেষ পার্থক্য ছিল না । হালে যারা কাবুল দেখে ফিরেছেন তাঁরা বলেন, গত দশ বৎসরে নাকি কাবুলের চেহারা একদম পালটে গিয়েছে ।

কাবুলীরা বাবুরকে ঘৃণা করে । কারণ ইব্রাহিম লোদী ছিলেন আকগানিস্থানের পাঠান । তাঁকে পরাজিত করে হিন্দুস্থানের তথৎ ছিনিয়ে নেন তুর্কমানিস্থানের মোগল বাবুর । আমাকে এক সম্ভ্রান্ত, সুশিক্ষিত বিশ্বপর্যটক পাঠান কূটনৈতিক বেদনাবিকৃত কণ্ঠে বলেন, 'আপনি কি কল্পনা করতে পারেন, ডক্টর, এই বর্ষর বাবুর কি করেছিল ? কল্পনা করো

পুণ্যশীলা অনূর্যম্পশ্রাদেয় খোলা বাজারে ক্রীতদাসী হিসাবে বিক্রয় করেছিল । এ শুধু বর্ষর যাযাবর তুর্কীদের পক্ষেই সম্ভব ।'

কাজেই আশ্চর্য হবার কিছু নেই যে, কয়েক বৎসর আগে পর্যন্ত বাবুরের কবরের উপর না ছিল আচ্ছাদন (একদা নাকি ছিল, কিন্তু সেটা লুট হয়ে, কিংবা ভেঙে পড়ে যাওয়ার পর আকগানরা স্বভাবতই সেটা মেরামত করে দেবার কোন প্রয়োজন অনুভব করে নি), না ছিল কোনো অলঙ্কার-আভরণ ; কয়েক কাঁাল পাথর দিয়ে তৈরী অতিশয় সাদামাটা একটি কবর । হালে নাকি আকগান সরকার বাবুরের ঐতিহাসিক মর্যাদা অনুভব করতে পেরেছেন—জাত্যভিমান কিঞ্চিং সংযত করার কলে—এবং কবরের সুব্যবস্থা করেছেন ।

আজকের দিনের বাঙালী ইনক্লেশন করে কয়, সেটা চোখের জলে নাকের জলে শিখেছে । রোজা একটি টাকার ক্রয়মূল্য আজ কতখানি, সে তা বিলম্ব জানে । বাঙালী তাই বাবুরের ইনক্লেশনজ্ঞান দেখে আনন্দিত হবেন । দিল্লী-জয়ের পর বাবুরের আমীর-ওমরাহ্ বিস্তর ধনদৌলত লুট করে বললেন, 'এ বায়ে চলো কাবুল ফিরে গিয়ে নবাবি করা যাক ।' বাবুর তখন তাদের বুঝিয়েছিলেন যে, তাদের সিদ্ধকে কাঁড়া কাঁড়া টাকা থাকলেই সঙ্গে সঙ্গে কাবুল উপত্যকার শরাব-কবাবের উৎপাদন বৃদ্ধি পাবে না । যেখানে আঁণার দাম আগে এক পয়সা ছিল সেখানে ওদের এখন দিতে হবে আষ্ট গুণা (কিংবা ঐ ধরনের কিছু-একটা—বইখানা আমার হাতের কাছে নেই) । কারণ সেপাই-পেয়াদারাও কিছু কম মাল লুট করে নি, তারাও এখন নিত্য নিত্য আঁণা খেতে চাইবে ।

এর পর যে বইখানা পড়ে বাঙালী পাঠক আনন্দ পাবেন সেটি কার্সাতে লেখা

বাঙলার (খুব সম্ভব প্রথম পূর্ণাঙ্গ) ইতিহাস । ‘বাহারিস্তানে গারিবী’*—অজানা বসন্তভূমি । লেখক দিল্লী-আগ্রা-বিহারের ওকনো দেশ দেখে দেখে বাঙলার দেহলিপ্রান্তে এসে পেলেন, চতুর্দিকে শ্রামলে শ্রামল আর নীলিমায় নীল । তাঁর চোখ জুড়িয়ে গেল ।

এর কথা আরেক দিন হবে ॥

কের্তিনাণ্ট্ জাওয়ারক্রথ

বৈষ্ণৱাজ জাওয়ারক্রথকে নিয়ে আবার সুইস জর্মন কাগজে বাদ-প্রতিবাদ আরম্ভ হয়েছে । প্রথম দলের বক্তব্য, সত্যই বৃদ্ধ বয়েসে তাঁর মস্তিষ্কবিকৃতি ঘটেছিল ; অন্য দলের বক্তব্য তিনি পূর্ব-বার্লিনের সোভিয়েৎ কূটনীতির বলির পাঠা হয়েছেন । বার্লিনের সবচেয়ে বড় হাসপাতাল ‘শারিতে’ (charite—চারিটি—খয়রাতি) প্রতিষ্ঠানের তিনি অধ্যক্ষ ছিলেন, এবং বার্লিন ভাগাভাগির পর শারিতে পড়েছিল পূর্ব-বার্লিনে, রাশান আওতায় ।

এই কলকাতা শহরের অন্তত একজন খ্যাতনামা চিকিৎসককে আমি চিনি, যিনি জাওয়ারক্রথের শিষ্য । তিনি ম্যানিকে তাঁর কাছে বৃকের যক্ষ্মার অপারেশন শেখেন—জাওয়ারক্রথ বহু বৎসর ম্যানিক হাসপাতালেরও বড় কর্তা ছিলেন । এছাড়া তাঁর অন্যান্য শিষ্যও হয়তো কলকাতায় আছেন । অবশ্য বৃকের, মাথার ও ক্যানসারের সার্জারি নিয়ে যাদেরই কারবার তাঁরই জাওয়ারক্রথের গবেষণার সঙ্গে অস্বাধিক পরিচিত ।

জর্মন সার্জন-সমাজ মনে করেন, পৃথিবীর তিনজন সার্জনের নাম করতে হলে জাওয়ারক্রথের নাম কালানুক্রমে তৃতীয় । অন্য দুজন বোধ হয় হিপপোক্রেতেস ও নেপোলিওনের সার্জন—কিন্তু আমি কি চিকিৎসা-শাস্ত্র, কি সে শাস্ত্রের ইতিহাস কোনোটারই বিদ্বুভিসর্গ মাত্র জানি নে বলে হলক খেয়ে কিছুই বলতে পারবো না । তত্পরি এ ধরনের নির্ঘণ্ট নির্ণয় সব সময়ই কিঞ্চিৎ উদ্দাম হয়ে থাকে—বেরকম পৃথিবীর সপ্তমাশ্চর্য নির্ণয়ে ভিন্ন লোক ভিন্ন নির্ঘণ্ট দেয় ।

* বাঙলা আজগুবী অর্থ ‘আজ্’ মানে ‘হতে, ‘from’ ; ‘গারিবী’ মানে ‘অজানা’ ‘সুত’ ‘অদৃশ্য’ ‘বিধিকৃত’ । অর্থাৎ অজানা থেকে আগত বলে অদ্রুত ।

অতএব অতিশয় সারবান আপত্তি উঠতে পারে, চিকিৎসা-শাস্ত্রের কিছুই এখন আমি জানি নে, তখন হাতের নাগালের বাইরে যে শল্যরাজ জাওয়ারক্স বিরাজ করছেন, তাঁর প্রতি আমি উদ্ভাহ হয়েছি কেন? উত্তর অতি সরল। এই শল্যরাজ মৃত্যুর পূর্বে একখানি নাতিবৃহৎ আত্মজীবনী লেখেন—বহুত পুস্তকখানি প্রকাশিত হয় তাঁর মৃত্যুর পর এবং সেটি আদৌ শল্যরাজ বা বৈজ্ঞ-সম্প্রদায়ের উদ্দেশে রচা হয় নি; রচনা হয়েছে আপনার আমার মত মামুলী জনের জন্ত। এমন কি সে পুস্তকে ক্যানসার সম্বন্ধে তাঁর দীর্ঘ জীবনব্যাপী গবেষণার ঐশ্বর্ঘ্যে পরিপূর্ণ যে প্রবন্ধটি উদ্ধৃত করেছেন, সেটিও সাধারণ জনের উদ্দেশে লিখিত, কারণ তিনি সেটি সর্বসাধারণের উপকারার্থে জার্মান রেডিয়ো থেকে বেতারিত করেন। অতি সরল জার্মানে, সর্বপ্রকারের চিকিৎসা সংক্রান্ত পারিভাষিক শব্দ সম্বন্ধে বর্জন করে তিনি এই বেতার-ভাষণটি নির্মাণ করেছিলেন বলে সেটি জার্মানবালকেও বুঝতে পারে—বাঙলায় অনুবাদ করলে বঙ্গবালকও বুঝতে পারবে।*

কিন্তু এইটেই সর্বপ্রধান বা সর্বশেষ তত্ত্ব নয়। তাঁর আত্মজীবনীর সাহিত্যিক মূল্য আছে, এবং তাঁর লেখার ভিতর দিয়ে ক্ষণে ক্ষণে তাঁর হাতুকৌতুকোচ্ছল নীল চোখ দুটি প্রকাশ পায়। তার সামান্য একটি উদাহরণ দি।

ব্যঙ্গরস অতিশয় প্রাচীন রস—করুণ ও বীর রসের সমবয়সী সে। প্রাচীনতম গ্রীক সাহিত্যে তার ভূরি ভূরি নিদর্শন রয়েছে। কিন্তু অশ্রুয়া সে-রসের উৎস বলে আমাদের রসপ্রিয় মনও সেটা সব সময় গ্রহণ করতে পারে না। বিশুদ্ধ হাস্যরস—যেটা সৃষ্টি করার জন্ত কাউকে পীড়া দিতে হয় না, নট অ্যাট দি কস্ট অব এনি ওয়ান—আপন আনন্দে উচ্ছল এবং সেটা ব্যঙ্গরসের বহু পরবর্তী যুগের রস। এবং আমার ব্যক্তিগত শাবাসী সেই হাস্যরসের, সেই ব্যঙ্গরসের উদ্দেশে যেখানে রসস্রষ্টা

* এবং এর অনুবাদ করার বাসনা আমার ছিল—অবশ্য সাবধানের দার সেই বলে ক্যানসার রোগ-বিশেষজ্ঞ আমার জাতুপুত্রীকে দিয়ে সেটি সেনসর করিয়ে দিলাম। এ বেতারভাষণটি এখনো আদৌ গাজীমিয়ার বস্তানীতে আশ্রয় মের নি, অর্থাৎ আউট-অব-ভেট হয়ে যায় নি। এ জাতুপুত্রীকে আদেশে আমি সর্বাধুনা প্রকাশিত জার্মান-বিশ্বকোষে সবিস্তর লিখিত ক্যানসার প্রবন্ধটি পড়ি। এবং বহিঃ সব জিনিস বুঝতে পারি নি (বিশেষ করে কুআর্টস্ থিরোরি দিয়ে ক্যানসার রোগের কারণ নির্ণয়ের আধুনিক প্রচেষ্টা!) তবু এটা লক্ষ্য করলাম যে ক্যানসারের পূর্বাভাস সম্বন্ধে জাওয়ারক্স অজ্ঞজনকে যেসব দিকে লক্ষ্য রাখতে বলেছেন, সর্বাধুনিক জার্মান-বিশ্বকোষে তাই বলেছেন।... উল্লেখযোগ্য যে, ক্যানসার গবেষণা আরম্ভ করার পূর্বে জাওয়ারক্স বালিনের ইওলজি ডিপার্টমেন্টে গিয়ে খবর মেন, প্রাচীন ভারতীয় বৈজ্ঞেরা ক্যানসার সম্বন্ধে কি বলে দিয়েছেন।

নিজে নিজে হাসেন, নিজেকে ব্যঙ্গ করেন, লাকস অ্যাট হিজ এন কস্ট
তারই একটি উদাহরণ দি :

জাওয়ারকথ বলছেন, তাঁর সময়কার এক বিখ্যাত চিকিৎসাশাস্ত্রের অধ্যাপক
ছাত্রদের মৌখিক (ভাইভা) পরীক্ষা নেওয়ার পর প্রতিবারেই অতিশয় গম্ভীর কণ্ঠে
বলতেন, 'এই পৃথিবীতে বিস্তর গর্দভ নিজেদের ডাক্তার রূপে পরিচয় দিয়ে নির্ভয়ে
অগুনতি লোক মেরে বেড়াচ্ছে ; তার উপর যদি আরো একটা গর্দভ বাড়ে তাতে
করে কণামাত্র ক্ষতি-বৃদ্ধি হবে না। তুমি পরীক্ষা পাস করলে।' জাওয়ারকথও
তাই তাঁর যুগের শিক্ষার্থীদের সম্বন্ধে উচ্চ ধারণা পোষণ করতেন না। কিন্তু অন্তত
একবার তাঁরও শিক্ষা হয়ে যায় এ বাবদে। জাওয়ারকথ লিখছেন, 'সকাল দশটায়
তিনটি ছেলে আসবে আমার কাছে ভাইভা দিতে। আমি নার্সকে বললুম, ক্যাণ্ডি-
ডেটেরা এলে অমুক রোগীকে পাঠিয়ে দিয়ো—তার পেটে ছিল টিউমার। ওরা এলে
আমি কাগজপত্র দস্তখত করতে করতে একজনকে বললুম, রুগীকে পরীক্ষা করে
বলতে তার কি হয়েছে। আমি কাজে ডুব মারলুম। দশ মিনিট পরে শুধালুম,
কি হল ? ছেলেটা ভয়ে ভয়ে বললে, "কিছুই তো পেলুম না, স্তর।" আমি হকার
দিয়ে বললুম "গেট আউট"—আর নামে দিলুম ঢায়া কেটে। তারপর একই
আদেশ দিলুম দু'নম্বর ক্যাণ্ডিডেটকে। একেও যখন শুধালুম, কি পেল সে—সে
প্রায় কাঁদো-কাঁদো হয়ে একই উত্তর দিল। ছাড়লুম আরেক হকার, কাটলুম
আরেক ঢায়া। এবারে তিন নম্বরের পালা। সে-ও যখন ফেল মারলে তখন
আমি ছাড়লুম শেষ হকার। এ ছেলেটি কিন্তু সঙ্গে সঙ্গে হাওয়া না হয়ে শান্ত কণ্ঠে
বললে, 'তা হলে আপনি দেখান না, স্তর, কি হয়েছে।' কী! এত বড় আশ্চর্য।
দেখাচ্ছি! লক্ষ দিয়ে গেলুম রুগীর কাছে, পেটে দিলুম হাত। ও হরি! কোথায়
টিউমার! জুলে অল্প লোক পাঠিয়েছে নার্স। তখন শুরু হয় আমার আর্টরব।
আরে, আরে, কোথায় গেল সেই দুই ক্যাণ্ডিডেট। নিয়ে এসো ওদের।' এম্বলে
বে-ক্যাণ্ডিডেট বিশ্ববিখ্যাত জাওয়ারকথকে চ্যালেঞ্জ দিয়েছিল, তাকে বোধ হয় আর
কোনো পরীক্ষাতে না কলে সঙ্গে সঙ্গে পয়লা নম্বরী ডিগ্রী দেওয়া উচিত।

এ রকম আরো বহু মজার মজার কথা আছে এই অসাধারণ পুস্তকে ; বস্তুত
পুরো বইখানাই হাস্যরসের কুমকুমে কুমকুমে স্ততি। পাঠকের চটুল হৃদয়ে
একটুখানি চাপ পড়লেই আবীরে আবীরে ছয়লাপ। কিন্তু এর ফাঁকে ফাঁকে আবার
ইয়াজেডির করুণ রসও আসে বলে সে রস যেন জল এনে দেয় চোখের পাতায় বুক
ভরে দেয় নিবিড়তর ব্যথায়—আরো বেশী।

একবার একটি মহিলা তাঁর কাছে এসে বললেন, তাঁর নিশ্চয়ই ক্যানসার হয়েছে। ডাক্তার তাঁকে পাঠিয়ে দিলেন ভিন্ন ভিন্ন ল্যাবরেটরিতে যেখানে আধুনিকতম বৈজ্ঞানিক পদ্ধতিতে রোগের জাতগোত্রের বিচার হয়। নানাবিধ পরীক্ষা-নিরীক্ষার পর তাঁরা সবাই এক বাক্যে সম্মুখে বললেন, ‘ক্যানসার নয়।’

সব শুনে মহিলাটি মাথা নেড়ে বললেন, ‘না, হ্যের প্রফেসর, এটা ক্যানসারই বটে।’

মহিলাটি কয়েক দিন পর আবার এসে ক্যানসারের করিয়ার করলেন। আবার গোড়ার থেকে তাবৎ পরীক্ষা-নিরীক্ষা করা হল, আবার নিঃসন্দেহ নেতিবাচক উত্তর এল। এই করে করে ছ’ মাস ধরে মহিলাটি আসেন—তাঁর মনে কোন সন্দেহ নেই, তাঁর উদরবেদনা ক্যানসারজনিত।

শেষটায় জাওয়ারক্রথ স্থির করলেন, কাটাই যাক পেট। মাদামকে তখন বলতে পারবেন, স্বচক্ষে দেখেছি পেটে কোনো ক্যানসার নেই। কিংবা হয়তো তিনি ভেবেছিলেন, অনেক বর্ষীয়সী মহিলার এই অপারেশন-মেনিরা থাকে; হয়তো তাঁরা আপন জানা-অজানায় সেন্টার অব অ্যাট্রাকশন বা কোঁতুহলের কেন্দ্র হতে চান। তাঁকে অস্ত্রোপচারের জন্ত তৈরি করা হল।

তারপর কবিরাজ জাওয়ারক্রথ যা বলেছেন, তার মোক্ষ কথা : ‘আমরা তো নিশ্চিত মনে পেট খুললুম। সর্বনাশ! এ কি দেখি! পেট ভর্তি ক্যানসার। এবং এখন যে চরমে পৌঁচেছে সে অবস্থায় অপারেশনের কোনো প্রশ্নই ওঠে না। সম্ভব চিন্তে আমরা পেট সেলাই করে দিলুম। মহিলা সম্মুখে ফিরলে আমি তাঁকে বললুম, ‘হ্যাঁ, ক্যানসারই ছিল; আমরা সেটা কেটে সরিয়ে দিয়েছি।’

মহিলাটি এক মাস পরে মারা যান।

জাওয়ারক্রথ তার পর বলেছেন, ‘মহিলাটি প্রথম যেদিন আমার কাছে এসেছিলেন, তার সঙ্গে সঙ্গে যদি অপারেশন করতুম, তবে হয়তো তাঁকে বাঁচাতে পারতুম।’ কিন্তু প্রশ্ন, আধুনিকতম বৈজ্ঞানিক যন্ত্রপাতি যখন নগুর্ধক উত্তর দেয়, তখন শুধুমাত্র রোগীর অনুমানের উপর নির্ভর করে পেট কাটা যায় কি প্রকারে?’

জাওয়ারক্রথ সম্বন্ধে ভবিষ্যতে আপনাদের কাছে আরো নিবেদন করার বাসনা রইল। কিন্তু আমার বিশ্বাস, কোনো বাঙালাতাবী সার্জন সেটা করলেই ভালো হয়; আমার মত আনাড়ী তা হলে অনধিকার-প্রবেশ থেকে নিষ্কৃতি পায়।

কলকাতা ও বোম্বায়ে যে সব ক্যানসার-প্রতিষ্ঠান আছে, তাঁরা যাকে যাকে খবরের কাগজে বিবৃতি প্রকাশ করে সাধারণ জনকে সাবধান করে দেন, শরীরে

কোন কোন আকস্মিক বা মন্দগতিতে বর্ধমান পরিবর্তন দেখলে ক্যানসারের সন্দেহ করতে হয়। এগুলি আমি সর্বদাই শ্রদ্ধা ও মনোযোগ সহকারে পড়ি।

ঠিক ঐ একই সুবাদে প্রফেসর ডক্টর গেহাইম্‌রাট জাওয়ারক্রথ অবতরণিকা হিসাবে কয়েকটি কথা বলেছেন এবং আপন বক্তব্য বোঝাতে গিয়ে এমন একটি অত্যুক্তি বিরল তুলনা দিয়েছেন, যেটি ব্যবহার করতে পারলে যে কোন যশস্বী সাহিত্যিকও শ্লাঘা অস্বভব করবেন। বৈজ্ঞানিক যা বলেছেন, তার নির্ধারিত : অধিকাংশ রোগই কোন না কোনো সাবধান-বাণী, ইঙ্গিত, ওয়ার্নিং, দিয়ে আসে। যেমন, সামান্য মাথা ধরলো—সেইটে ওয়ার্নিং—পরের দিন জ্বর হল। কিন্তু ক্যানসার কোনো ওয়ার্নিং তো দেয়ই না, বরঞ্চ সে নিতান্ত নিরপরাধীর মত দেখা দেয়। যেমন, আপনার জিভে একটি দানা দেখা দিল। সেটাতে কোনো বেদনা নেই, আপনার কোন অসুবিধা হচ্ছে না, আপনি ভাবলেন, এরকম তো কত দানা এখানে সেখানে দেখা দেয় আবার মিলিয়ে যায়, এটা নিয়ে দুশ্চিন্তা করার বা চিকিৎসকের কাছে যাবার কোনো প্রয়োজন নেই। তারপর সেটা অতি ধীরে ধীরে বড় হতে লাগলো, কিন্তু কোনো বেদনা বা অস্বস্তি নেই বলে আপনি তখনো কোনো প্রতিকার করলেন না। তারপর একদিন ঢোক গিলতে, খাবার গিলতে আপনার অসুবিধা হতে লাগলো। আপনি তখন গেলেন ডাক্তারের কাছে, কিন্তু হায়, ততদিনে বড্ড দেরি হয়ে গিয়েছে, তখন আর অপারেশন করা যায় না। আপনি যদি দানা যখন ছোট ছিল, তখন আসতেন, তবে সার্জন আপনাকে অনায়াসে ক্যানসারমুক্ত করতে পারতেন—অবশ্য পরীক্ষা-নিরীক্ষা করার পর। তাই জাওয়ারক্রথ বলেছেন, ‘দানাটি আদৌ অপরিচিত শত্রুরূপে বেদনা যন্ত্রণা সঙ্গে নিয়ে এল না। ক্যানসার এল যেন আপনাব কোনো বন্ধুজনের চেহারার সঙ্গে ছবছ মিলিয়ে একটি মুখোশ তৈরি করে সেটা পরে। তারপর কাছে এসে হঠাৎ মুখোশ সরিয়ে ফেলে আপনার বুকে মারলো ছোরা!’

এর পরই অধ্যাপক কতকগুলো চিহ্নের উল্লেখ করেছেন—এগুলোকে তিনি ওয়ার্নিং বলেন নি বটে, কিন্তু সেগুলো দেখলেই তৎক্ষণাত ডাক্তারের কাছে যাওয়া উচিত। জিভেতে বা অন্য কোথাও দানা বা ঐ জাতীয় বস্তু বা পরিবর্তন, কঠিন অকারণে কর্কশ হয়ে যাওয়া, আপনার পেটের অসুখ ছিল না—হঠাৎ আরম্ভ হল দিনের পর দিন পেট খারাপ হতে, ইত্যাদি ইত্যাদি। কিন্তু এটা আমার অনধিকার প্রবেশ। আপনার উচিত, আমাদের যে কোনো ক্যানসার-প্রতিষ্ঠান থেকে তাঁদের স্থলিখিত প্রামাণিক বিবৃতি সংগ্রহ করা। বিবৃতিতে সব ক’টা চিহ্নের

পারিপূর্ণ (exhaustive) লিস্ট থাকে। আমি এ যাবৎ যা লিখেছি, সেটা কুলে গিয়ে ঐ বিবৃতি মন দিয়ে পড়বেন। কারণ, এগুলো আমাদের জন্মই লেখা—ডাক্তারদের জন্ম নয়* ॥

হিডজিভাই পি মরিস্

একদা 'স্ট্যান্ড' পত্রিকা একটি নূতন ধরনের অনুসন্ধানের সূত্রপাত করে সাহিত্যের মহা মহা মহারথীদের শুধায়, তাঁরা সর্বজন-সম্মানিত, সর্বশিক্ষিতজনের অবশ্যপাঠ্য কোন্ কোন্ পুস্তক, যে কোনো কারণেই হোক, পড়ে উঠতে পারেন নি। উত্তরে এমন সব তথ্য আবিষ্কৃত হল যাকে 'মোহনের' ভাষায় লোমহর্ষক বলা যেতে পারে : যেমন, কথার কথা কইছি—বার্নার্ড শ পড়েন নি অলিভার টুইস্ট, কিংবা মনে করুন—রবীন্দ্রনাথ পড়েন নি 'একেই কি বলে সভ্যতা ?'

কাজেই বিখ্যাত সাহিত্যিকদের স্মরণ করিয়ে দিচ্ছে এই অখ্যাত সাহিত্যসেবক যে তাঁরা যেন তড়িঘড়ি শ্রীযুত বিনী মহাশয়ের শান্তিনিকেতন সম্বন্ধে বইখানা পড়ে নেন।

এই পুস্তকে 'কাব্যের উপেক্ষিতা' জাতীয় দু'চারটি চরিত্রের উল্লেখ করে বিনী মহাশয় বহু প্রাক্তন শান্তিনিকেতনবাসীদের সাধুবাদ পেয়েছেন। তাঁদেরই একজন হিডজিভাই মরিস্।

তাঁর পুরো নাম হিডজিভাই পেস্তনজী মরিসওয়াল। গুজরাতীদের প্রায় সকলেরই পারিবারিক নাম থাকে ; যেমন গান্ধী, জিন্না (আসলে কিঁড়া ভাই), হটিসিং ইত্যাদি। পার্সীদের অনেকেরই ছিল না বলে কেউ কেউ তাঁদের ব্যবসার নাম পারিবারিক নাম রূপে গ্রহণ করতেন। যেমন ইঞ্জিনিয়ার, কন্ট্রাক্টর ইত্যাদি। এই নিয়ে পার্সীরা ঠাট্টা করে একটি চরম দৃষ্টান্ত দেন—সোভাওয়াটার-বটল্‌ওপ্‌নারওয়াল।

এ-প্রবন্ধ "দেশ" প্রকাশিত হওয়ার পর আমি চিকিৎসক অচিকিৎসক একাধিক সম্মত পাঠকের কাছ থেকে অনুরোধ পেয়েছি, ক্যানসার সম্বন্ধে জাওয়ারজখের প্রাক্তন প্রবন্ধটি বেশ আমিই অনুবাদ করি। আমি করজোড়ে কমা তিকা করছি, কারণ অহুতাষণত আমার দেহে শক্তি মনে উৎসাহ বড়ই হ্রাস পেয়েছে। তবে এটাও নিবেদন, আমৃত্যু দুটি প্রবন্ধ অনুবাদ করতে পারার হুরাশা আমি কখনো সম্পূর্ণ ত্যাগ করবো না ; ক্যানসার সম্বন্ধে প্রবন্ধটি ও অধ্যাপক ডিটারনিতল্ রচিত সূত্রাকার রবীন্দ্র-জীবনী।

বোম্বাইয়ের পতীত্ পরিবার বিখ্যাত। এঁরা করাসী 'পতী' (Petit) কার্কে কাজ করতেন বলে প্রথমে পতীত্ ওয়ালা ও পরে পতীত্ নামে পরিচিত হন। ঠিক সেইরকম মরিস কোম্পানিতে কাজ করে আমাদের অধ্যাপক মরিস-ওয়ালা পরে শুধু মরিস নামে বোম্বাই অঞ্চলে নাম করেন।

অত্যন্ত করাসী ও লাতিন শেখার পর না জানি কোন্ যোগাযোগে তিনি শাস্তিনিকেতন পৌঁছে সেখানে অধ্যাপনা আরম্ভ করেন।

দুটো বিষয়ে তিনি ছিলেন খাঁটি বাঙালী—সেন্টিমেন্টাল এবং আদর্শবাদী। আমার আশ্চর্য লাগতো, কারণ অসহযোগ আন্দোলনে যোগ দিয়ে যেসব গুজরাতী ছেলেরা—এবং পাঠিকারা অপরাধ নেবেন না, মেয়েরাও—শাস্তিনিকেতন আসে, তারা পর্যন্ত টাকা আনা পাই হিসেব করতো; শুনেছি, ছাত্রেরা আকছারই আদর্শবাদী হয়। (নইলে অত নিঃস্বার্থ ট্রাম-বাস পোড়ানোর সংকল্পটা করে কে? কিন্তু এ সংঘর্ষে আর কথা না। হুক কথা কইলে পুলিশে ধরবে)। তাই গুজরাতী মরিস সাহেবের আদর্শবাদ আমাকে বিস্মিত করেছিল।

সামান্য বাঙলা শেখার পরই মরিস সাহেবের প্রেম উপছে পড়ল রবীন্দ্রসঙ্গীতের প্রতি এবং তিনি সম্মোহিত হলেন।

“তাহাতে এ জগতে ক্ষতি কার
নামাতে পারি যদি মনোভার” শুনে।

অন্যত্র আলোচনা করেছি, ভারতের বাইরে কোনো ভাষাই 'ত' এবং 'ট'-র উচ্চারণে পার্থক্য করে না; এমন কি ভারতীয়দের ভিতর যাদের গায়ে প্রচুর বিদেশী রক্ত তাঁরাও এ-দুটোতে গুলেট করেন। উদাহরণ স্থলে, গুজরাতে বোরা সম্প্রদায়—এখানকার রাধাবাজারে এঁদের ব্যবসা আছে—ব্রহ্মউপত্যকার আসামবাসী ও পার্শ্বী সম্প্রদায়।

তাই মরিস সাহেবের উচ্চারণে ছত্র দু'টি বেরুতো :

“টাহাটে এ জগটে ক্ষতি কার
নামাটে পারি যদি মনোভার।”

আমরা আর কি করে শুঁকে বোঝাই যে 'ত' 'দ'-এর অল্পপ্রাস ছাড়াও গুরুদেবের গান আছে।

মরিস সাহেব নূতন বাঙলা শেখার সময় যে না বুঝে বিশীলাকে 'বেটা ভূত' বলেছিলেন তার চেয়েও আরো মারাত্মকতম উদাহরণ আমি শুনেছি। তিনি আমাদের করাসী শেখাতেন, এবং শ্রদ্ধেয় বিধুশেখর, ক্ষিত্তিমোহন এবং আরো

কিছু অধ্যাপকও তাঁর ক্লাসে যেতেন। আমার হাসি পেত যখন গুরু মরিস ছাত্র বিধুশেখরকে ‘আপনি’ বলে সম্বোধন করতেন ও ছাত্র বিধুশেখর তাঁকে ‘তুমি’ বলে। একদিন হয়েছে কি, করাসী ব্যাকরণের কি একটা কঠিন প্রশ্নের উত্তর দিয়ে ফেলেছেন অধ্যক্ষ বিধুশেখর। মরিস সাহেব বললেন, ‘চমৎকার! শাস্ত্রী মশায়। সচ্যি, আপনি একটি আস্টো ঘুষু।’

শাস্ত্রী মশাইয়ের তো চক্ষুস্থির! একটু চূপ করে থাকার পর গুরু গুরু—যত্বপি ছাত্র তথাপি গুরু-কণ্ঠে শুধালেন, ‘মরিস, এটা তোমাকে শেখালে কে?’

নিরীহ মরিস বোধ হয় কণ্ঠনিদাদ থেকে বিষয়টার গুরুত্ব খানিকটে আমেজ করতে পেরে বললেন, ‘ডিন্ডা (দিনদা, দিনেন্দ্রনাথ ঠাকুর)। উনি বলেছেন ওটার অর্থে “অসাধারণ বুদ্ধিমান”। টবে কি ওটা ভুল?’

শাস্ত্রী মশাই শুধু ঈষৎ কঠিন কণ্ঠে বললেন, ‘আচ্ছা, আমি দিনেন্দ্রনাথকে বোঝাবো।’

দিল্লীবাবু নাকি বিদেশীকে ভাষা শেখাবার সময় কর্তব্যবোধহীন চপলতার জগ্ন বশ কিছুটা ভালোমন্দ শুনেছিলেন শাস্ত্রী মশাইয়ের কাছ থেকে।

ঐ সময় প্যারিস থেকে অধ্যাপক সিলভা লেভি সস্ত্রীক শাস্ত্রিনিকেতনে আসেন। উভয়েই একাধিকবার বলেন, মরিস সাহেব উল্লেখ না করা পর্যন্ত তাঁরা কখনো বিশ্বাস করতে পারেন নি, ফ্রান্স না গিয়ে মানুষ কি করে এরকম বিস্তৃত করাসী শিখতে পারে। আমি ব্যক্তিগত ভাবে তাঁর কাছে বড়ই কৃতজ্ঞ যে তিনি আমাকে বনার ‘যৌগ্জীবনী’ পড়ান। এ বই আমার মহত্বপূর্ণ করেছে এবং করছে।

বলা বাহুল্য এই সরল সজ্জন যুবা পণ্ডিতটি সকলেরই হৃদয়ে স্থান পেয়েছিলেন। গুরুদেবের তো কথাই নেই, মরিস সাহেব ঋষিতুল্য দ্বিজেন্দ্রনাথেরও অশেষ স্নেহ পেয়েছিলেন। বড়বাবু বিদেশী পণ্ডিতদের সঙ্গে বাক্যালাপ কালক্রম বলি মনে করতেন; বলতেন, ‘এরা সব তো জানে কোন্ শতাব্দীতে প্রজ্ঞাপারমিতা কিংবা একাক্ষরপারমিতা প্রথম লেখা হয়, প্রথম ছাপা হয়। ওসব জেনে আমার কি হবে? তার চেয়ে নিয়ে আসো না ওদের কোনো একজন, যে কাণ্টের দর্শন সমর্থন করতে পারে, আর আমি নেব বিরুদ্ধ মতবাদ, কিংবা সে নেবে বিরুদ্ধ মতবাদ, আমি নেব কান্টপক্ষ—তার যেটা খুশী।’ মরিস সাহেব তাঁকে তখন অমুনয়-বিনয় করে সম্মত করাতেন বিদেশী পণ্ডিতকে দর্শন দিতে। অবশ্য দু’মিনিট যেতে না যেতেই বড়বাবু সব ভুলে গিয়ে কোনো কিছু অগ্ন তত্ত্ব নিয়ে আলোচনার ভঙ্গয় হয়ে

বেতেন। আমাদের মতন ছেলে-ছোকরাদের কিন্তু তাঁর কাছে ছিল অবাধ গমন। আমার মনে পড়তো খুস্টের কথা; তিনি যেহোস্তার মন্দির থেকে তাঁড়িয়ে দিয়েছিলেন বিস্তর তথাকথিত কুলাঙ্গার ভি আই পি-কে, এবং আদেশ দিতেন ‘লেট দি চিলড্রেন্ কাম্ আনটু মী!’

মরিস সাহেব প্রথমটায় সন্তুষ্ট ছিলেন না; আর সকলের চাপাচাপিতে তিনি প্যারিসের সরবনে গিয়ে ডক্টরেটের জন্ত প্রস্তুত হতে রাজী হলেন।

প্যারিসের স্তাশনাল লাইব্রেরীতে তাঁর সঙ্গে আমার অপ্রত্যাশিত ভাবে দেখা। আমাকে আপনি বলে সম্বোধন করাতে আমি ছুঃখ প্রকাশ করলুম। তিনি বললেন, ‘তুমি এখন বড় হয়েছ; জার্মানিতে ডক্টরেট করবে। আমিও এখানে তাই করছি। আমরা এখন এক বয়েসি।’ আমার বয়েস তখন চব্বিশ, তাঁর বত্রিশ। তারপর আমাকে রেস্তোরাঁর উত্তমরূপে খানদানী ডিনার খাওয়ালেন। বিনয় এবং সঙ্কোচের সঙ্গে পরের দিন বললেন, ‘তোমাকে ভালো করে এন্টারটেন করতে পারলুম না। তোমাকে বলতে লজ্জা নেই, আমার এ মাসের টাকাটা এখনো দেশ থেকে আসে নি।’ আমি তারপরে প্রতিবাদ জানালুম। বহু বৎসর পরে ঐ সময়কার এক প্যারিসবাসী ভারতীয়ের কাছে শুনতে পাই, মরিস সাহেব অশ্রান্ত ছুঃখ ভারতীয় ছাত্রদের টাকা ‘ধার’ দিয়ে দিয়ে মাসের বেশী ভাগ দেউলে হওয়ার গহ্বর-প্রান্তে পড়ি পড়ি করে বেঁচে থাকতেন। আসলে তাঁর পরিবার বিস্ত্রশালী ছিল।... তাঁর সঙ্গে এই আমার শেষ দেখা। কিন্তু এখনো তাঁর সেই শাস্ত সংযত প্রসন্ন বদনটি আমার চোখের সামনে ভেসে ওঠে।

কিন্তু তার পূর্বের একটি ঘটনা চিরকাল ধরে আমার ও আমার সতীর্থদের চিন্তে কৌতুক রস এনে দেবে, প্রতিবার সেটার স্মরণে।

গুরুদেব শারদোৎসবের মোহড়া নিচ্ছেন। তিনি স্বয়ং, দিছুবাবু—এমন কি জগদানন্দবাবুর মত রাসভারী লোক—অজিন ঠাকুর এঁরা সব অভিনয় করবেন। এক প্রান্তে বসে আছেন শুকান্ত বিষণ্ণবদন মরিস সাহেব। আমি হোম্‌টাস্ক না করলে তাঁর মুখে যে বিষণ্ণতা আসতো তিনি যেন তারই জায়গায় ‘হেলপিং’ নিয়েছেন। মোহড়ার শেষে দিছুবাবু কাঁচুমাচু হয়ে গুরুদেবকে অহুরোধ জানালেন, মরিস সাহেবকে ড্রামাতে একটা পাট দিতে।

গুরুদেবের গুষ্ঠাধর প্রান্তের মূহূহাস্ত এব সময় ঠাহর করা যেত না। এবারে গেল। কিন্তু ইতিমধ্যে সব পার্টেরই বিলিব্যবস্থা হয়ে গিয়েছে। গুরুদেব বললেন, ‘ঠিক আছে। একে খেঞ্জীর পাট দিচ্ছি।’ হয় মূল নাটকে খেঞ্জীর পাট আদৌ ছিল

না, ঐটে মরিস সাহেবের জন্ম 'ইস্পিগিলি' তৈরি হয় কিংবা হয়তো তখন মাত্র বড় বড় পার্টগুলোর বন্টনব্যবস্থা হয়েছে।

তা সে যা-ই হোক, শ্রেষ্ঠীর অভিনয় করবেন 'নটরাজ' মরিস—শাস্ত্রী মশাই তাঁর নাম দিয়েছিলেন মরীচি (ব্রহ্মার পুত্র, কশ্যপের পিতা ও তিনি সূর্যকিরণও বটেন) —মরিসও সগর্বে কাঁচা-হাতে সেই নামই সই করতেন। এবারে শুনন, পার্টটি কি ?

রাজা : ওগো শ্রেষ্ঠী !

শ্রেষ্ঠী : আদেশ করুন, মহারাজ !

রাজা : এই লোকটিকে হাজার কার্ষাগণ শুনে দাও।

শ্রেষ্ঠী : যে আদেশ।

ব্যস্ ! ঐটুকু ! আমার শব্দগুলো ঠিক ঠিক মনে নেই, কিন্তু স্পষ্ট মনে আছে মরিসকে ঐ পাঁচটি শব্দ বলতে হবে ; গুরুদেব সাহেবের বাঙলা উচ্চারণ সবুদে বিলক্ষণ ওকী-হাল ছিলেন বলে। কিন্তু মরিস সাহেব বেজায় খুশ, জান্ তবুর্বু—ড্যাম্‌গ্যাড—হোক না পার্ট ছোট, তাতেই বা কি ? বলেন নি স্বয়ং গুরুদেব, 'The rose which is single need not envy the thorns which are many'?

কিন্তু এইবারে শুরু হল ট্রবল। গুরুদেবের ভাষাতেই বলি, মরিসকে শুতে হল কণ্টকশয্যায়, গোলাপ-পাপড়ির আচ্ছাদিত পুষ্পশয্যায় নয়—যদিও ধর্ম মাত্র একটি। গুরুদেব যতই বলেন 'আদেশ করুন, মহারাজ' মরিস বলেন, 'আদেশ করুন, মহারাজ'। মহা মুশকিল। মরিস আপন মরীচি-ভাপে ঘর্মানুবন্দন। শেষটার গুরুদেব বরাত দিলেন দিহুবাঝুকে, তিনি যেন সাহেবের 'ত' 'ট'র জট ছাড়িয়ে দেন। আকটার অল—তিনিই তো ধাল কেটে ঘরে কুমির এনেছেন ; বিপদ, একসুকিউজ যি—বিপডটা টো টাঁরই টৈরি।

মরিস সাহেব ছমের মত হয়ে গেলেন। সেই প্রক্রেট জরখুয়ের আমল থেকে কোন্ পার্সী-সস্তান এই 'ত' 'ট'য়ের গর্দিশ মোকাবেলা করেছে—এই আড়াই হাজার বছর ধরে—যে আজ এই নিরীহ, হাড়িসার মরিস বিদেশ-বিভূঁইয়ে একা একা এই 'ত'য়ের তাবৎ 'দ'য়ের দানব—আই মীন ডানব, টাবট ডানবের সঙ্গে লড়াই দেবে ?

মরিস ছমের মত আশ্রমময় ঘুরে বেড়ান—দৃষ্টি কখনো হেথায় কখনো হোথায়, আর ঠোঁট দুটি বিড়বিড় করে কি যেন বলছে। আমি বললুম, 'নমস্কার, স্যার।' সম্বন্ধে এসে বললেন, 'আ ! সায়েড (সৈয়দ)—' ও হরি ! এখনো 'সায়েড'। তবে তো আদেশ এখনো মোকামে কার্যে আছে, রাজাদেশেরই মত—'শোনো টো ঠিক হচ্ছে কি না 'আদেশ করুন, মহারাজ।' আমি সন্তপ্ত চিন্তে চুপ করে রইলুম।

বার দশেক আডেশ আডেশ করে বিদায়-সম্ভাষণ না জানিয়ে এগিয়ে গেলেন।

একটা ডরমিটরি-ঘরের কোণ ঘুরতেই হঠাৎ সমুখে মরিস—দিড়বিড় করছেন ‘আডেশ আডে—।’ রেললাইনের কাছে নির্জনে ‘আডেশ—।’ দূর অতি দূর খোয়াইয়ের নালা থেকে মাথা উঠছে সায়েবের, আবার অদৃশ্য হয়ে যাচ্ছে। চন্দ্রা-লোকে, খেলার মাঠে মরিস, আসন্ন উষার প্রদোবে শ্মশানপ্রান্তে কার ঐ ছায়ামূর্তি? মরিস। হিন্দী কবি সত্যি বলেছেন, গুরু তো লাখে লাখে, উত্তম চেলা কই। আশ্রমের ছেলেবুড়ো এখন সবাই সায়েবের গুরু। এস্তেক শিলাভাগের কানাই, সাগর কেউ বাদ পড়ে নি। পড়ে থাকলে তাদের দোষ। সবাইকে টেস্ট করতে অহুরোধ করেন তাঁর আডেশ আডেশহুয়ারী হচ্ছে কি না। ইতিমধ্যে এক সঙ্ঘায় মোহড়া শেষে দিহুবাবু গুরুদেবকে ভয়ে ভয়ে অহুরোধ জানালেন ‘আদেশের’ বদলে অন্য কোনো শব্দ দিতে যেটাতে ‘ত’ ‘দ’ নেই। গুরুদেব বললেন, ‘না; মরিসকে ‘ত’ ‘দ’ শিখতেই হবে।’

এর পর দ্বিতীয় পর্ব। হঠাৎ সকলের সামনে এক দিন বেরিয়ে গেল ‘আদেশ’ অত্যুত্তম ‘দ’ সহ। আমি ইয়ান্না বলে লক্ষ্য দিলুম। কেউ ‘সাধু সাধু’, কেউ বা ‘কনগ্রাচুলেশনস্’ বললেন। কিন্তু হা অদৃষ্ট! আমরা বন থেকে বেরবার পূর্বেই-হর্ষধ্বনি করে ফেলেছি। সায়েব পরক্ষণে আডেশ-এ ল্যাপস্ করেছেন। তারপর তাঁর ক্ষণে আসে ‘দ’ ক্ষণে ‘ড’। কলকাতার বাজারে মাছ ওঠা-না-ওঠার মত বেটিঙের ব্যাপার। এই করে করে চললো দিন সাতেক। সমুখে আশার আলো।

এর পর তৃতীয় পর্ব। দ্বিতীয় পর্বের মত এটাও অপ্রত্যাশিত। সায়েব এখন চাঁচাছোলা, ভোরবেলার নিম্পাপ নিকলক শিশিরবিন্দুর ছায় ‘দ’ বলতে পারেন। পয়গম্বর অরথুত্র এবং তাঁর প্রভু আহর মজদাকে অশেষ ধন্যবাদ।

আমরাও আমাদের সঙ্কটটা ভুলে গেলুম। মোহড়ার প্রতিবার ঋষি মরীচি ঐবদিক পদ্ধতিতে ‘দ’ উচ্চারণ করেন।

মরিস সায়েব স্টেজে নামলেন পার্সী দস্তুর বা যাজকের বেশ পরে। সব-কিছু খবধবে সাদা। শুধু মাথার টুপিটি দাদাভাই নোরজী স্টাইলের লেটার-বক্স প্যাটার্নের কালোর উপর সকেদ বৃত্তাদার। গুরুদেব এই বেশই চেয়ে বলেছিলেন, ‘তোমরা পার্সীরা বাপু এ দেশের খ্রেষ্টী। তোমরা যা পরবে তাই হবে খ্রেষ্টীর বেশ।’

নাট্যশালা গমগম করছে। ওঃ, সে কী অভিনয়! গুরুদেবকে দেখাচ্ছে দেব-দুত্তের মত। অভিনয়ের চেহারা এমনিতেই খাপসুয়ত, এখন দেখাচ্ছে রাজপুত্রের মত। গুরুমশাই অগদানন্দ রায়ের কী বেজাফালন। আশ্রমে বেত্তের বেসাত্তি

বিলকুল বে-আইনি। এ মোকায় জগদানন্দবাবু যেন হতোপবীত-বিদ্ধ নুষ্ঠিত
যজ্ঞোপবীত করে পেয়েছেন। তাঁর কঠিনদর্শন মুখচ্ছবি ঈষৎ স্নিগ্ধতা ধরেছে।

. মরিস সাহেব প্রবেশ করলেন বৃদ্ধমঞ্চে।

রাজা দিলেন ডাক।

মরিস সাহেব—হে ইন্দ্র, তোমার বজ্র কেন তৎপূর্বেই অবতীর্ণ হল না।

উৎকর্ষা, উত্তেজনায় মরিস বলে কৈলেছেন, ‘আ ডে শ।’

অট্টহাস্তে ছাদ যেন ভেঙে পড়ে। তিনি কিন্তু ঐ একই উত্তেজনায় নাগপাশে
বদ্ধ বলে সে অট্টহাস্ত গুনতে পান নি।

সে সঙ্ঘার অভিনয়ের জন্য অধ্যাপক হিড্‌জিভাই মরিসই পেয়েছিলেন সর্বশ্রেষ্ঠ
অভিনন্দন। আমাদের বিবেকবুদ্ধি সেই আদেশই দিয়েছিল—খুব সম্ভব আদেশই।*

‘আধুনিক’ কবিতা

‘সুশীল পাঠক—’

ছেলেবেলায় এ ধরনের সম্বোধন পড়ে হৃদয়ে বড় আনন্দ হত। মনে হত,
কত মহান লেখক এই কালীপ্রসন্ন সিঙি, যিনি কিনা মহাভারতের মত বিরাট গ্রন্থ
অনুবাদ করেছেন, তিনি আমাকেই সম্বোধন করে কথা বলছেন। এটা যে নিছক
সাহিত্যিক টং, বলার একটা আড়, সেটা কিছুতেই বিশ্বাস করতে পারতুম না।
বিশেষ করে যখন আমার ধারণা হল—সেটা হয়তো ভুল—যে দরদ-ভরা কথা কয়ে
যখন তিনি আমার সহানুভূতি আকর্ষণ করতে চান, তখনই ‘পাঠক’ বলে সম্বোধন
করেন। এবং আরো বেশী করে ‘সহৃদয় পাঠক’ বলে সম্বোধন করতেন সিঙি
মশাইয়ের মত দরদী লেখককুল যখন তাঁরা এমন কোনো অভিজ্ঞতার বর্ণনা করতে
যেতেন, যেটার মোক্ষম মার বেশীর ভাগ পাঠকই খেয়েছে। এ অধম প্রাচীনপন্থী।
সে এখনো পাঁচকড়ি দে গেলে গোপনে পড়ে। এবং বটতলাতে কিছুদিন হল
একখানা ‘সচিত্র প্রেমপত্র’ কিনে সে বড় ভরসা পেয়েছে। যৌবনে ভাষার উপর
দখল ছিল না—এখনই বা হল কই?—মরমিয়া প্রেমপত্র লিখতে পারতো না বলে:

* মরিস সর্বদাই ঈষৎ বিয়ন্ন বচন ধারণ করতেন—খুব সম্ভব এটাকেই বলে ‘বেলানকসিরা।’
প্যারিস থেকে ফেরার পথে তিনি জাহাজ থেকে অন্তর্ধান করেন। আমার মত আর পাঁচজন
তার কাণ্ড জানে না। শুনেছি, তিনি উইল করে তাঁর সর্বস্ব বিখ্যাতরত্নকে দিয়ে দান। /

রায়ের ভাষায়, “উনিষটি বার প্রেমেতে সে ঘায়েল করে খামলো শেষে।” আর ভয় নেই! এখন এই অমূল্য গ্রন্থ থেকে নকল করে কিলিমস্টার থেকে মেয়ে-পুলস সকলেরই ‘সজল নয়নে হৃদয়-দুয়ারে যা’ দেওয়া যাবে। বইখানার প্রথম চার লাইন পড়লেই বুঝতে পারবেন, মাইকেল রবীন্দ্রনাথ এর থেকে কতখানি পিছিয়ে আছেন :—

‘প্রিয়তমা চারুশীলা পিতৃগৃহে গিয়ে
আছ তো স্থখেতে তুমি গোষ্ঠিজন নিয়ে ?
তুমি মোর জীবনের সর্বোৎকৃষ্ট ধন ।
তুমি মোর হৃদয়ের শাস্তিনিকেতন ।’

জানি, জানি—বাধা দেবেন-না, জানি আপনারা বলবেন, এই মডার্ন যুগে এসব পণ্য অচল। কিন্তু আপনারা কি এ তত্ত্বটাও জানেন না যে, ক্যাশান হর-হামেশা বদলায় এবং আকছারই প্রাচীন যুগে কিরে যায়? পিকাসসো কিরে গেছেন প্রাগৈতিহাসিক গুহাবাসীর দেয়াল-ছবিতে, অবনঠাকুর যোগলযুগে, নন্দলাল অজস্রায়, যামিনী রায় কালীঘাটের পটে। কাব্যে দেখুন, দুর্বোধ্য মালামে র্যাঁবো যখন অমুবাদের মারকৎ ইংলণ্ডে জয় করে বসে আছেন, তখন হাউসম্যান লিখলেন দরল প্রাজল ‘অপনার ল্যাড’। বলা হয়, ইংলণ্ডে কবির জীবিতাস্থায় তাঁর একখানা বইয়ের এত বিক্রির অল্প উদাহরণ নেই! কোনো ভয় নেই। বাংলাদেশের মডার্ন কবিতাও একদিন ‘পাখি সব করে রবের’ অনবদ্য শাস্ত্র ভঙ্গিতে লেখা হবে।

আমি মডার্ন কবিতা পছন্দ করি নে, তাই বলে মডার্ন কবিতার কোনো ‘রোজো দেত্র’ রীজন কর এগজিস্টেন্স অর্থাৎ পুচ্ছটি তার উচ্ছে তুলে নাচাবার ‘রোজোঁ’ রীজন, স্রাস্যহক্ক নেই এ কথা কে বলবে।

প্রথমেই নিন মিলের অত্যাচার। এবং এই মিলটা আমাদের খাঁটি দিলি জিনিস নয়। সংস্কৃতের উত্তম উত্তম মহাকাব্য, কাব্যে মিল নেই। যদিও থাকে, তবে সেটা আকস্মিক দুর্ঘটনা, প্রায় কবির অনিচ্ছায় ঘটেছে। সংস্কৃতে প্রথমে মিল পাই—আমার জানা মতে—মোহমুদগরে। এবং তিনিও সেটা বহিরাগত ভাষা থেকে নিয়েছিলেন, এমত সন্দেহ আছে। সংস্কৃতের সহোদরা ভাষা গ্রীক-লাতিনে কি মিল আছে? এ দেশেই দেখুন, উর্দু তার জননী সংস্কৃত ভাষা থেকে বহু দূরে চলে গিয়েছে, জোঝা-জোঝা পরে প্রায় মুসলমান হয়েছে (প্রায় বললুম কারণ এখনো বহু হিন্দুর মাতৃভাষা উর্দু; উর্দু কবি-সম্মেলনে তাঁরা সম্মানিত সক্রিয় অংশীদার। কিন্তু, পণ্ডিত নেহরু, তেজবাহাদুর সপ্র ইত্যাদির মাতৃভাষা ছিল উর্দু), তথাপি আজও উর্দুতে বিনা মিলে দোহা রচনা করা হয়,

সংস্কৃত পুস্তাধিতের অঙ্করণে। 'মিল' শব্দটা কি শুদ্ধ সংস্কৃত? সংস্কৃতে একে বলে 'অন্ত্যাহুপ্রাস'—স্পষ্ট বোঝা যায়, বিপদে পড়ে মাথায় গামছা বেঁধে ম্যাথুকেকচার্ড এরজাৎস্ মাল। অতএব যদি মর্ভার্ন কবিরা সে-বস্তু এড়িয়ে চলেন তবে পাঠক তুমি গোস্ সা করো ক্যান? ওঁরা তো মাইকেলেরই মত আমাদের প্রাচীন ঐতিহ্য পুনর্জীবিত করছেন। এই যাবনিক স্লেচ্ছাচারের যুগে সেটি কি চাষ্টিধানি কথা!

তারপর ছন্দ? ছন্দহীন কবিতা হয় না, আপনাকে বলেছেন কোন্ অলঙ্কার-শাস্ত্রের গোসাই? উপনিষদ পড়েছেন? তার ছন্দটি কান পেতে শুনেছেন? ছন্দ-বাধা কবিতা আসতে পারে তার কাছে? বস্তুত বেদমন্ত্রে ছন্দ মেনে মেনে হায়রান হয়ে ঋষিকবি উপনিষদে পৌঁছে কি যুগপৎ তাঁর আধ্যাত্মিক ও কাব্যিক মোক্ষ লাভ করলেন না? এ অধম অশিক্ষিত—তথাপি গুণীজনের কাছে শোনা উপনিষদের একটি সামান্য দাদামাটা প্রশ্ন নিন:—

'সূর্য অস্ত গেছে, চন্দ্রও অস্ত গেছে, অগ্নি নির্বাপিত (অর্থাৎ আগুন জালিয়ে যে একে অগ্নিকে দেখবো তার উপায় নেই), কথাও বন্ধ (অর্থাৎ চিৎকার করে ডাকবারও উপায় নেই)। তখন কোন্ জ্যোতি নিয়ে মানুষ (বেঁচে) থাকে, বলুন তো যাজ্ঞবল্ক্য?'

এবার সংস্কৃতটা শুনুন:—

'অস্তমিতি আদিত্যো, যাজ্ঞবল্ক্য, চন্দ্রমস্তমিত্যে, শাস্তেহগ্নৌ, শাস্তায়াং বাচি, কিংজ্যোতিরেবায়ং পুরুষঃ?'

প্রচলিত মন্দাক্রান্ত বা শাদূলবিক্রীড়িত ছন্দে এই অতুলনীয় সঙ্গীতমন্ত্রিত-স্পন্দিত ছত্র বেঁধে দিলে কি প্রভু যীশুর ভাষায় লিলিফুলের উপর তুলি নিয়ে রঙ বোলানো হত না?

এতেও যদি আপনাদের মন না ভরে তবে পড়ুন ইংরিজী অল্পবাদে বাইবেল—রাজা দায়ূদের গান, সুলেমান বাদশার গীতি (সং অব্ সংজ, সং অব্ সলোমন)। সে তো গল্পে, এবং স্বয়ং বার্নার্ড শ বলেছেন, ঐ সলোমনের গীতিটি পৃথিবীর সর্বশ্রেষ্ঠ প্রেমের কবিতা।

আর আপনি যদি মুসলমান হন তা হলে তো কথাই নেই। আপনি জানেন প্রাক-পয়গম্বর যুগেও আরবদের ছিল বহু বিচিত্র ছন্দে, মিলের কঠোরতম আইনে বাধা অত্যন্তকৃষ্ট কাব্যসৃষ্টি। গল্প ছিল না, কিংবা প্রায় না থাকারই মত। তথাপি আল্লা-তালা পয়গম্বরকে যে কুরানের বাণী পাঠালেন সে তো গল্পে। অথচ

আরবীভাষা নিয়ে যারা সামান্ততম চর্চা করেছেন তাঁরাই শপথ করে বলবেন, এঁর ছন্দোময় গল্প যে কোনো ছন্দে বাঁধা কাব্যকে হার মানায়। পয়গম্বরকে যখনই তাঁর বিরুদ্ধে কোনো প্রকারের মিরাক্‌ল (অলৌকিক কীর্তি) দেখাতে আহ্বান করতো তখনই তিনি সবিনয় বলতেন, ‘আমি নিদ্রাকর আরব। তৎসঙ্গেও আলা-তালি আমার কণ্ঠ দিয়ে যে কুরান পাঠালেন তার কাছে কি আসতে পারে তোমাদের শ্রেষ্ঠতম কাব্য? এইটেই হল সবচেয়ে বড় মিরাক্‌ল।’

অতএব মডার্ন কবিরা যদি ছন্দ অস্বীকার করেন তবে আপনি চটেনক্যান্?

তৎসঙ্গেও মডার্ন কবিতার ছন্দমন্‌রা হয়তো বলবেন, তারা সুন্দর সুন্দর জিনিসের সঙ্গে বিংকুটে সব জিনিসের তুলনা দেয়—যেমন তালগাছের ডগায় চাঁদ দেখে লিখলে, এ যেন আকাশের সূচিকণ স্মৃষ্ণ তাল! কিংবা প্রিয়ার বিহুনি দেখে কবির মনে এল পানউলীর দোকানে ঝোলানো অগ্নিমুখ নারকোলের পাকানো দড়ি—যার ডগায় লাগলে আমি আকছারই বিড়ি ধরাই। সেই দড়ি হাওয়ায় ছলে কবির কুর্ভা পুড়িয়ে দিয়ে পিঠে ছাঁকা দিয়েছে, ঠিক তেমনি প্রিয়ার বিহুনি দেখা মাত্রই তাঁর বুকটা ছাঁৎ করে ওঠে।

এটা পড়ে ভাজ্জব মানছেন কেন?

রাজা শূত্রকের ‘মৃৎ-শকটিকা’ পড়েন নি? জার্মানরা সংস্কৃতের সমজ্ঞার এক্ষেত্রে গোটে হাইনে সংস্কৃত না জেনেও ভারতীয় নাট্যের স্বরণে উষাহ হয়ে নৃত্য করতেন। শূত্রকের এই নাটকটি জার্মান ভাষাতে ক’বার যে ভিন্ন ভিন্ন রসিকজন দ্বারা অনূদিত হয়েছে বলা কঠিন, ক’বার যে জার্মানিতে মঞ্চস্থ হয়েছে সেটা বলা তার চেয়েও কঠিন। সেই নাট্যে আছে, ক্ষুধিত শূত্রধার বাড়ি করার সময় গভীর হুশিচ্চায় মগ্ন—বাড়িতে তো চালডাল কিছুই নেই, গৃহিণী কি আদৌ রন্ধন করতে পেরেছেন? বাড়ি ঢুকেই শূত্রধার সানন্দে সবিনয় দেখেন, সাদা মাটির উপর লম্বা লম্বা কালো কালো আঁজি আঁজি দাগ—কালিমাথা হাঁড়ি মাটিতে ঘষে ঘষে গৃহিণী সাক্ষুৎরো করেছেন। অতএব ধূম্র দেখলে যে রকম বহির উপস্থিতি স্বীকার করতেই হয়, হাঁড়ি পরিষ্কার করা হয়ে থাকলে রান্নাও যে হয়েছে সে বিষয়ে কি সন্দেহ? শূত্রধার তখন সোম্মাসে উপমা দিয়ে বললেন, ওহো! সাদা মাটির উপর এই কালো কালো আঁজি যেন তুব্বারধবলা গোরীর ললাটে কৃষ্ণাঞ্জন-তিলক!

কী মারাত্মক গল্পময় হাঁড়িকুঁড়ি, মাটিতে সেগুলো ঘষার ফলে নোংরা কালো আঁজির সঙ্গে শিবানী গোরীর অসিত তিলকের তুলনা! এ যে রীতিমত হেরেসি, এ ছেন তুলনা চাৰ্বাকের বেদ-নিদ্রার চেয়েও ধর্মের কটু-ভাষণ।

এর পরও আপনি আপত্তি করে বলবেন মর্ডান কবিতা ন দেবার ন ধর্মীয় ?

বুদ্ধিমান তথা না-ছোড়-বান্দা পাঠক, আমি বিলক্ষণ জানি, আপনার প্রধান আপত্তি কোন্‌খানে—ছোটখাটোগুলো উপস্থিত না হয় বাদই দিলুম। আপনি বলবেন ওদের কবিতা পড়ে মাথামুণ্ডে কিছুই বুঝতে পারি নে। আশ্রয় পারি নে—খাল্লা না মেয়ে হক কথাই কই। সে তো আপনার দোষ, আমার দোষ। আপনি আমি পয়সাওয়ার ছেলে হয়ে জন্মালে সত্যকার অপ্ টুডেট্, chic, dernier cri, লেটেস্ট মডেলের হাইয়ার এডুকেশন পেতুম ; আপনি, আমি আমরা নিদেন যদি অধ্যাপক হতুম, তারো নিদেন যদি আমরা তাঁদের শিষ্য হবার সুযোগ পেতুম, তবে তো আজ এ প্রশ্ন তুলতুম না। কিন্তু এহ বাহ।

‘বুঝতে পারি নে’ কথাটার অর্থ কি ? আপনি ভৈরবী বা পূরবী শুনে যদি রস না পান তবে কি গায়ককে এ প্রশ্ন শুধান, ‘ভৈরবীর অর্থ আমার বুঝিয়ে দাও ?’ আরো সহজ দৃষ্টান্ত দি। পদ্মাবকে আপনি সুর্যোদয় দেখে মুগ্ধ হলেন, মার্কি হলো না। সে যদি আপনার তরুণ ভাব দেখে শুধায়, ‘কত্না, সূর্যসি তো উঠলেন, কিন্তু আপনি এমন বে-এক্লেয়ার হলেন কেন ? এ সূর্যসি ওঠাতে কি আছে আমাকে বুঝিয়ে দেন’, তা হলে আপনি কি বোঝাবেন ? তাজমহল দেখে হাক্‌সলি মুগ্ধ হন নি, কিন্তু তিনি তো গাইডকে এ প্রশ্ন শুধান নি, ‘তাজমহলের অর্থ আমার বুঝিয়ে বলো।’ কিংবা ভরত নাট্যম দেখে আপনি যদি ‘অর্থ’ বুঝতে চান, তবে হয়তো অভিনয়শাংশের অর্থ আপনাকে বোঝান যাবে কিন্তু বিস্তৃত নাট্যরসের (যেমন যন্ত্রসঙ্গীতের) ‘অর্থ’-ই বা কি, আর বোঝাবেই বা কে ? চিত্রে একদা লোকে কোনো বস্তুর সঙ্গে তার সাদৃশ্য দেখে কিছুটা অর্থ পেত কিন্তু এখন কুবিজম্, দাদাইজমে কেউ সাদৃশ্য ধোঁজে না, অর্থও ধোঁজে না। কাঠের একটা গুঁড়ি নিয়ে বিখ্যাত ভারত ছ’মাস ধরে প্রাণপণ খাটলেন ; প্রদর্শনীর মধ্যকক্ষে গেলি স্থাপিত করে তলার নাম লিখলেন, কাঠের একটা গুঁড়ি। কাঠের গুঁড়ি, কাঠের গুঁড়ি ; ভৈরবী, ভৈরবী। তার আবার অর্থ কি ?

মনে হচ্ছে আপনি তত্ত্বের কিছুই জানেন না। তত্ত্বের নিগূঢ়তম মন্ত্রের অর্থ শাখান না গুরুকে ? যদি তিনি প্রকৃত গুরু হন তবে আপনার হাড় ক’খানা আর আস্ত থাকবে না। আর অত গভীরে বাবার কি প্রয়োজন ? এই যে পৃথিবীর কোটি কোটি নর-নারী উগাসনা করে ভিন্ন ভিন্ন ভাষায়, তার ক’টা ভাষা লোকে বোঝে ? আপনি উত্তরে হয়তো বলবেন, আমরা রস নিয়ে বিচার করছি। তা হলে স্মরণে আনুন, সেই বুদ্ধি—দাড়িওয়াল কথকঠাকুরের কথকতা শুনে হাউ-হাউ

করে কেঁদেছিল—কথকতার এক বর্ণ না বুঝেও। তার অরণে কি এসেছিল সেটা অবাস্তব। তার কাগাটা সত্য। তার রসবোধটা সত্য।

অলঙ্কার-শাস্ত্র অধ্যয়ন করে তলিয়ে দেখুন, অর্থ বোঝা মাত্রই রসোৎপন্ন হয় না—অর্থ পেরিয়ে যে ব্যঞ্জনা যে ধ্বনি যে অনির্বচনীয়তার সৃষ্টি হয়, রস সেই গভীর গুহার। উপনিষদে আছে সত্য (এবং সত্যই অক্ষুণ্ণতার ক্ষেত্রে রস—কারণ সং আনন্দ এবং চিৎ নিয়ে সচ্চিদানন্দ) আছেন সোনার পাত্রে লুকানো। সাধারণ জন সোনার পাত্র দেখেই মুগ্ধ, ভিতরে তাকিয়ে দেখে না। কাব্যে, সঙ্গীতে সর্বত্রই অর্থ ত্রিনিসটা স্বর্ণপাত্র, তাই দেখে লোক মুগ্ধ। রস কিন্তু ভিতরে। তার সঙ্গে পাত্রের কি সম্পর্ক? পাত্রস্থিত অমৃতরসের সঙ্গে যে ধাতু (অর্থ) দিয়ে পাত্র নিমিত্ত হয়েছে তার কি সম্পর্ক? কিছুই না। তাই, এ সব বুঝেই কবি বিজ্ঞেন্দ্রলাল গেয়েছিলেন,

‘জননী বঙ্গভাষা, এ জীবনে চাহি না অর্থ!’

৪।১।৬০

মুখের উপাসনা অপেক্ষা পণ্ডিতের নিদ্রাশ্রয়ঃ

আমাকে অনেকেই প্রশ্ন শুধান, হিন্দু ধর্ম, হিন্দু শাস্ত্র নিয়ে যে অক্ষুরস্ত কাহিনী কিংবদন্তী আছে—যেরকম যমদূত একবার ভুল করে মৃত্যুর নির্ধারিত দিবসের পূর্বে এক নায়েবকে নরকে নিয়ে যাওয়ার কলে কি রকম তুমুলকাণ্ড ঘটেছিল—মুসলমানদের ভিতরও তেমনি আছে কি না। আছে, কিন্তু সেগুলো প্রধানত লোকশিকার জন্তু এবং অনেকগুলোতেই প্রচুর হাস্যরসও আছে। এসব গল্পের প্রাচুর্য ইরানেই বেশী, এবং তুর্কীতে খুবই কম। তুর্কীরা নাকি বড় বেশী সিরিয়াস। অতএব গোঁড়া। অতএব রসকবছীন।

আমার একটি গল্প মনে পড়ল এবং সেটা সকলেরই কৌতূহল জাগাবে। কারণ কি হিন্দু, কি মুসলমান, কি ইহুদি, কি খৃষ্টান—সকলেই জানতে চায় মহা-প্রলয় (আরবীতে কিয়ামৎ) কবে আসবে? সর্ব ধর্মের শাস্ত্র-গ্রন্থেই তার কিছু কিছু ইঙ্গিত আছে, কিন্তু পাকাপাকি কোনো-কিছু জানার উপায় নেই। একদা নাকি খৃষ্টানদের বিশ্বাস ছিল, খৃষ্টজন্মের ১০০০ বৎসর পূর্ণ হলে মহাপ্রলয় আসবে। অন্তে পাই, অনেক লোকেই নাকি তার কিছুদিন পূর্বে সর্বস্ব বিক্রয় করে দান-

খয়রাতে উড়িয়ে দেয়।

১০০০খৃষ্টাব্দ পূর্ণ হওয়ার দিনে শেষটার যখন মহাপ্রলয় হল না তখন এরই পশ্চিমে ছিলেন কি না জানি নে, তবে ভবিষ্যতের জন্য সাবধান হওয়া ভালো। এখন ১৯৬৬। যদি রটে যে, ২০০০-এ মহাপ্রলয়, তবে এখন যারা যুবা এবং বালক তারা যেন ঐ সময়টার একটু ভেবেচিন্তে দান-খয়রাৎ করেন।

মহাপ্রলয় কবে আসবে, সে সম্বন্ধে আরবদের ভিতর একটি কাহিনী প্রচলিত আছে।

আল্লা-পাক নাকি একদিন প্রধান ফিরিশ্তা (বাঙালার কেয়েস্তা লেখা হয় ; অর্থ এঞ্জেল, দেবদূত) জিব্রাইলকে (ইংরিজিতে গেব্রিয়েল) ডেকে আদেশ দেবেন, যাও তো, মানুষের ছদ্মবেশ ধরে পৃথিবীতে। যে কোনো একজন মানুষকে শুধোও জিব্রাইল এই মুহূর্তে কোথায় আছেন? জিব্রাইল পৃথিবীতে নেমে একজন মর্ত্যবাসীকে সেই প্রশ্ন শুধোলেন। লোকটা কিঞ্চিৎ বিরক্ত হয়ে বললে, 'এরকম বেকায়দা প্রশ্ন করে লাভটা তোমার কি? আমার এসব জিনিসে কোনো কৌতূহল নেই, তবে যখন নিতাস্তই শুধোলে তবে—দাঁড়াও, বলছি।' লোকটি দুই লহমা চিন্তা করে বলল, 'হঁ, ঠিক বলতে পারবো না—তবে এ বিষয়ে কোনো সন্দেহ নেই, সে (আরবীতে ইংরিজীর মত he-র সম্মানার্থে কোনো 'তিনি' শব্দ নেই) এখন পৃথিবীতে। বেহেশতে নয়।' জিব্রাইল স্বর্গে ফিরে আল্লাকে উত্তরটা জানালে তিনি বলবেন, 'ঠিক আছে।' তার পর কেটে যাবে আরো বহু সহস্র বৎসর। তার পর আবার আল্লা-পাক ঐ একই প্রশ্ন একই ভাবে শুধোবার জন্য জিব্রাইলকে পৃথিবীতে পাঠাবেন। এবারে যে মর্ত্যবাসীকে শুধোনো হল, সে বিরক্ত হল আরো বেশী। বললে, 'কি আশ্চর্য! এখনো মানুষ এরকম সম্পূর্ণ বাজে বেকায়দা প্রশ্ন করে! হিসেব কমলে যে এরকম প্রশ্নের উত্তর দেওয়া যায় না তা নয়, তবে দেখো, এসব ব্যাপারে আমার কোনো উৎসাহ নেই। আচ্ছা...' এক সেকেণ্ড চিন্তা করে লোকটা বললে, 'স্বর্গে তো নয়, স্পষ্ট বোঝা যাচ্ছে...' ফের দু'সেকেণ্ড চিন্তা করে বললে, 'পৃথিবীতেই যখন, দাঁড়াও, হাঁ, কাছেপিঠেই কোথাও—আমি চললুম।' জিব্রাইল বেহেশতে ফিরে এসে আল্লাকে সব কিছু বয়ান করলেন। আল্লা বললেন, 'ঠিক আছে।' তার পর কেটে যাবে আরো কয়েক হাজার কিংবা কয়েক লক্ষ বৎসর। আবার জিব্রাইল সেই হুকুম নিয়ে ধরাভূমিতে আসবেন। এবার যাকে শুধালেন সে তো রীতিমত চটে গেল—'এসব বাজে বাজে প্রশ্ন...ইত্যাদি।' জিব্রাইল বেশ কিছুটা কাকুতি-মিনতি করাতে সে নরম হয়ে বললো, 'তাহলে

দেখি। হাঁ, স্বর্গে নয়, পৃথিবীতে।' তারপর আরেক সেকেণ্ডে চিন্তা করে বললে, 'কাছে-পিঠে কোথাও'। তারপর আরো দু'সেকেণ্ডে চিন্তা করে তাক্সব মেনে বলবে, 'কী আশ্চর্য, যে এরকম মস্করা করে। তুমিই তো জিব্রাইল—তবে শুধাচ্ছে কেন?' এবারে জিব্রাইল সব খবর দিলে আল্লা-পাক হুকুম দেবেন মহা-প্রলয়ের শিঙা বাজাতে।

কথিকাটির তাৎপর্য কি?

প্রথমত, মানুষ তখন জ্ঞান-বিজ্ঞানের চর্চা করে করে এমন জায়গায় গিয়ে পৌঁছবে যে স্বর্গের খবর পর্যন্ত তার কাছে আর অজানা থাকবে না।

দ্বিতীয়ত, কিন্তু, তার তাবৎ জ্ঞানবিজ্ঞান বিজ্ঞাচর্চার একমাত্র উদ্দেশ্য হবে সাংসারিক, বৈবয়িক, প্র্যাকটিক্যাল জিনিস নিয়ে।* ইহলোক ভিন্ন পরলোক, পাপপুণ্যের বিচার, সে স্বর্গে যাবে না নরকে জলে পুড়ে থাক হবে—এ সম্বন্ধে তার কোনো কৌতুহল থাকবে না, কারণ স্বয়ং জিব্রাইলকে হাতের কাছে পেয়েও সে এসবের কোনো অনুসন্ধান করলো না। এমন কি সৃষ্টিকর্তা আল্লা—দীন দুনিয়ার মালিক যাকে পাবার জন্য কোটি কোটি বৎসর ধরে শত শত কোটি মর্ত্যের মানুষ স্বর্গের দেবদূত আমৃত্যু দেবদূর্লভ সাধনা করেছে, তাঁর প্রতিও সে উদাসীন।

তৃতীয়ত, যেহেতু সে সৃষ্টিকর্তার অস্তিত্ব, তাঁর ইচ্ছা-অনিচ্ছা সম্বন্ধে সম্পূর্ণ উদাসীন অতএব করণা করা কঠিন নয় যে, সে তখন বিশ্বভুবন তার খেয়াল-খুশী-মর্জি-মাকিক নিয়ন্ত্রণ করার প্রচেষ্টায় লেগে যাবে। তারই ফলে হয়তো বেরুবে শত শত আইষমান কোটি কোটি ঈশ্বরসৃষ্ট জীবকে বিনাশ করতে।

*

*

*

ভরসা হচ্ছে, বিশ্ববিবর্তনে যত্বপি সেই চিহ্ন দেখতে পাচ্ছি, অর্থাৎ মানুষ ক্রমেই সত্যসুন্দরের (অল্-হক্, অল্-জমীল) সাধনার পথ থেকে দূরে চলে যাচ্ছে তবু এখনো বোধ হয় পরিপূর্ণ জড়বাদে পৌঁছতে কিঞ্চিৎ বিলম্ব আছে। পক্ষান্তরে ইসলাম একথাও বলেন, কিয়ামৎ যে-কোনো মুহূর্তে আসতে পারে। তার অর্থ,

* ইমাম গল্-জালি মুসলিম জগতের অন্ততম শ্রেষ্ঠ—কেউ কেউ বলেন সর্বশ্রেষ্ঠ—মনীযী। তিনি একাধারে দার্শনিক, শাস্ত্রী ও হকী (রহস্যবাদী ভক্ত) ছিলেন। আরব্যোক্তাস যুগের বিখ্যাত বাগদাদ নগরীর বিশ্ববিদ্যালয় সে যুগের মধ্যপ্রাচ্যের সর্বোত্তম জামকেন্দ্র ছিল। ইমাম গল্-জালী তার রেক্টোর (শেখ) ছিলেন। অধুনা তাঁর একথাটা বইয়ে দেখি. তিনি মনস্তাপ করছেন যে, তাঁর কালের (মৃত্যু ১১১১ খৃষ্টাব্দে) লোক শুধু প্র্যাকটিক্যাল বিজ্ঞা দেখে। আদি-জ্ঞান পেলুম।

মানুষ হয়তো হঠাৎ এক লম্ফে পরিপূর্ণ জড়বাদে পৌঁছে যেতে পারে।

পয়গম্বর বলেছেন, “আল্লাহ থেকে মানুষকে দূরে নিয়ে যায় শয়তান।” সেই শয়তান জড়বাদের প্রতিভূ এবং প্রতীক। অতএব প্রত্যেক সত্য-জ্ঞানাত্মক প্রধান কর্তব্য জড়বাদ অর্থাৎ শয়তানের কীর্তিকলাপ কি প্রকারে বাহ্যজগতে স্বপ্রকাশ হয় সে সম্বন্ধে সচেতন থাকা—তথা শয়তান প্রলোভন নিয়ে উপস্থিত হলে আত্মহারা না হয়ে জ্ঞানদৃষ্টি ধরা তার স্বরূপ চিনতে পারা। শুধুমাত্র আচার-অনুষ্ঠান সম্পন্ন করে সরল জীবন যাপনই যথেষ্ট নয়; জ্ঞানাত্মক নিত্য-প্রয়োজনীয় অবশ্যকর্তব্য। এই মর্মে আরেকটি কাহিনী আছে :—

একদা শয়তানের রাজা, খাড়ি শয়তান এক বাচ্চা শয়তানকে তালিম দিচ্ছিল, সংপথগামীদের কোন্ কোন্ পদ্ধতিতে বিপথগামী করা যায়। খাড়ি শয়তান অতিশয় ধুরন্ধর গুরু এবং বিশ্বগর্ভটক (জাহাননীদা) রূপে অপর্যাপ্ত অভিজ্ঞতা সঞ্চয় করে সম্যক অবগত আছে, কোন্ প্রকারের মানুষ কোন্ পদ্ধতিতে চলে, কাকে সমঝে চলতে হয়, আর কেই বা অগা আহাম্মুখ। ঐ অনুচ্ছেদে এসে খাড়ি বললে, কিন্তু বৎস, ছাঁশিয়ার। আচারনিষ্ঠ সাধুজনকে বরঞ্চ আমাদের পথে (মানবীয় ভাষায় কুপথে) নিয়ে যাবার চেষ্টা করো কিন্তু জ্ঞানী পণ্ডিতকে সমঝে-বুঝে চলো। ওরা বড়ই ভীষণ প্রাণী। সৃষ্টির আদিম কাল থেকে ওরাই আমাদের আদিম দুশমন।’

শাগরেদ খুদে শয়তান আশ্চর্য হয়ে বললে, ‘সে কি কথা! আচারনিষ্ঠ জন তো সদাই জপতপ নিয়ে ব্যস্ত থাকে; আমার কথা ভাববার তার কুরসৎ কই? আর পণ্ডিতদের কথা যখন বললেই, প্রভু, তবে নিবেদন করি, আজকের দিনে তাদের অবস্থাটা একটু পৃথিবীর দিকে তাকিয়ে দেখুন। খেতে পায় না, পরতে পায় না আর আকার্ট-মুখ নিকর্মারা বড় বড় চাকরির পদবী নিয়ে ওদের মাথায় ডাঙা বোলায়। নিজে মেস্টার, ওদিকে ছেলেটাকে কলেজে পাঠাতে পারে না। এসব হাতাতেদের লোভ দেখিয়ে পথ ভোলাতে কতক্ষণ?’

খেড়ে হেসে বললে, ‘খুব তো মুখে মুখে হাই-জাম্প লঙ-জাম্প দেখালি। কাজের বেলা কি হয় সেটা বোঝা যাবে পরশু দিন প্র্যাকটিক্যাল ক্লাসে।’

পরশু দিনের দিন প্র্যাকটিক্যাল। সে বড় কঠিন তালিম। তাবৎ হস্তার এলিম হাতেনাতে বাৎলাতে হয়। আমাদের ইন্স্ট্রুমেন্টেরা টুকলি-নকল করলে আমরা যে রকম সেটাকে ‘শয়তানী’ নাম দিয়ে চোটপাট করি, এখানে তেমনি সাধু সরল পন্থায় কর্ম উদ্ধার করতে গেলে সেটাকে ‘সাধুমী’ বলে গুরু কান মলে দেয় শিষ্যের।

খেড়ে আদেশ দিলেন, 'ঐ যে হোথা একটি সরল সাধু জপ করছে ওকে আমাদের পথে নিয়ে আসার ডিমন্স্টেশনটি করো তো, বৎস।'

বাচ্চা শয়তান প্রমাদ গুলো। এই সৌম্যদর্শন, কৃচ্ছসাধনজনিত-পাতুর-তথাপি মধুরবদন সাধুকে ধর্মপথ থেকে বিচলিত করা কি তার মত চ্যাংড়া শাগরেদের কর্ম! না জানি, আজ কপালে কি আছে।

ক্লাসে যে নোট দেওয়া হয়েছিল, সেগুলো সে দকে দকে স্মরণে আনলো। তার পরে বিএলজব্ব, ইব্লিস, ডিয়াবলুস, শয়তান-উস্-শয়তান সবাইকে মনে মনে হাজার হাজার আদাব-বন্দেগী জানিয়ে গেল বেশ ধারণ করতে।

আহা! সে কী চিত্তহারিণী ভূষা! খেড়ে, আণ্ডা, সব শয়তানকে লড়তে হয় ফিরিশ্তা অর্থাৎ দেবদূতদের সঙ্গে—তাই ওঁদের চালচলন বেশভূষা তারা খুব ভালো করেই চেনে। এ যুগে হিটলার পোলাণ্ড আক্রমণ করার পূর্বে মৃত্যুদণ্ড প্রাপ্ত কিছু জার্মানদের পরিষে দেন পোলিশ সৈন্তের উর্দা। সেই উর্দা পরে তারা 'আক্রমণ' করে একটি জার্মান বেতারকেন্দ্র—পোলিশ-জার্মান সীমান্তে। সেই 'আক্রমণের' ও 'আক্রমণে নিহত পোলিশ সৈন্তের' ছবি হিটলার বিশ্বময় প্রকাশ করে সপ্রমাণ করেন যে, পোলরাই প্রথম জার্মানি আক্রমণ করে!

হিটলার, হিমলার, আইসমান, হোস এঁরা তো খাস শয়তানের তুলনায় শিশু।* ছদ্মবেশ ধারণে এনারা এমন আর কি 'কৈশল' দেখাবেন!

বাচ্চা শয়তান ধারণ করলো দেবদূত—ফিরিশ্তার বেশ।

অন্ধ থেকে বেরুচ্ছে দিব্যজ্যোতি এবং নন্দনকাননমন্দারসৌরভ; তার প্রতি পদক্ষেপে ঝংকৃত হচ্ছে অপ্সরাবিনিন্দিত সঙ্গীত নিকণ—সঙ্গে এসেছে বসন্ত-পবনের মূহু হিলোল মলয়ানিল বিলোলানন্দোল্লাস।

বাচ্চা শয়তান সম্মুখান হল সাধুর। বললে, 'তোমার তপশ্চর্যায় পরিতুষ্ট হয়ে আল্লা-তালা আমাকে পাঠিয়েছেন তোমাকে সশরীরে স্বর্গে নিয়ে যাওয়ার জন্য। তুমি আমার স্বর্গে আরোহণ করো।'

বলা মাত্রই সে বুঝকের বেশ ধারণ করলো।

* অনেকে মনে করেন এ-অধম বাৎসি দলের নির্ভেজাল ছন্দন। তাই বলতে বাধ্য হচ্ছি, যুদ্ধের গোড়ার দিকে হিটলার বে ইংরেজকে বেধড়ক চড় করার সেটা এ অধমের চিন্তে সাতিনয় বিয়লাবন্দ দিয়েছিল। আমার মতে হিটলারের সব চেয়ে মারাত্মক ভুল হয়, তিনি ফ্রান্সের পতনের পর যখন ইংলণ্ড আক্রমণ করলেন না। না হয় তিনি নিশ্চলকান হতেন। তাতেই বা কি! মহৎ কর্ম করতে নিয়ে নিশ্চল হওয়া অপকর্মে (রূপ আক্রমণ) সকল হওয়ার চেয়ে শ্রেয়:।

বুরাক অনেকটা পক্ষীরাজের মত। সর্বাঙ্গ অভ্যন্তর অখণ্ড এবং উত্তর কণ্ঠে দুটি পক্ষ।*

কিন্তু বাচ্চা শয়তান ক্লাসের থিয়োরিটিকাল সর্ব আদেশ মেনে চলতে চলতে ভয়ে বেপথু-কম্প্রমান, এই সামান্য কাঁদটা সাধু না ধরে কেলেন।

কিন্তু খেড়ে শয়তান দূর থেকে নিশ্চিন্ত মনে সব-কিছু দেখছে। সে বিলক্ষণ জানে, এসব আচরনিষ্ঠ জন বড় দস্তী হয়। এরা ভাবে, সংসারের সর্বভোগ যখন ত্যাগ করেছি, তখন আর স্বর্গের সর্বস্ব আমি পাবো না কেন?

এই দস্তই তাদের সর্বনাশ আনে, সে তবু শয়তান দেখেছে, যুগ যুগ ধরে।†

তপস্বী সাধু কণমাত্র চিন্তা না করে চেপে বসলেন সেই ভেজাল বুরাকের স্বন্ধে।

তারপর কি হল, সেটা বর্ণনা করতে আমার বাধে। কারণ সেটাতে আছে বৌভৎস রস। সংক্ষেপে বলি, সাধুর যখন জ্ঞান হল তখন তিনি বিষ্ঠাকুণ্ডে। বাচ্চা শয়তান একবার তাকে কাঁধে পেয়ে পেয়েছে বাগে। ক্লাসের নোট-মার্কিক তাকে সর্বযন্ত্রণা দিয়ে অজ্ঞানাবস্থায় কেলে দিয়ে গেল পুরীষ-গহ্বরে।

হুশীল পাঠক! তুমি বলবে, আচারনিষ্ঠ সজ্জনের এই অসদ্গতি হল কেন? আমিও গল্পের এই পর্যায়ে কাহিনী-কীর্তনিত্রা মৌলানাকে ঐ একই প্রশ্ন শুধোই।

তিনি শাস্তকণ্ঠে বললেন, ‘পুচ্ছাংশ দেখিয়াই সর্বাঙ্গ বিচার করা যায় না। অবহিত চিত্তে সর্বাঙ্গমুন্দর কাহিনীটি প্রণিধান করহ।’

এবারে খেড়ে শয়তান বাচ্চাকে বললে, ‘ঐ যে দেখা যাচ্ছে দূরে এক আলিম। এবারে বাবাজী, সাবধান।’

বাচ্চা কিন্তু ভয় পাওয়ার মত কিছুই দেখলো না। পণ্ডিত বটে লোকট, কিন্তু নামাজ রোজায় যে তার মাঝে মাঝে ক্রটি হয়ে যায়, সে তো জানা কথা। বইয়ের

* মুসলমানী ও পার্সী রেস্তোরাঁতে নাত্যুন্নাসিক হিন্দু পাঠকও এর ছবি দেখে থাকবেন। পরগণ্ডর হজরৎ মুহম্মদ সাহেব এই বুরাকে চড়েই হুটকর্তা সন্নিকানে বান। বিরুদ্ধ পক্ষ বলেন, তিনি সশরীরে বান নি; তাঁর রূহ, অর্থাৎ আত্মা গিরেছিল। অর্থাৎ বুরাক ইত্যাদি রূপকার্বে নিতে হবে।

কবি রবীন্দ্রনাথ কুঞ্জসাহেব দস্ত দেখে সর্বভ্যাগী তৈরব-শব্দকে উদ্দেশ করে বলছেন—

‘আমাকে চেলে না তব শ্রবণের বৈরাগ্যবিলাসী

দারিদ্র্যের উন্ন বর্ণে খলখল ওঠে অটহাসি

দেখে মোর মাজ।’

সর্বভ্যাগী শব্দ হিন্দুর উপাত্ত। কিন্তু তার সর্বভ্যাগের অজ্ঞানুকরণও তৎসহ তাই নিয়ে দস্ত, সেই ভ্যাগের luxury, যেমন মূর্ণ চেলারা করেন, কবি সেইটে এই কবিতায় বুঝিয়েছেন।

শেষায় তার কাটে অষ্টপ্রহর । . এটাকে বাগে আনতে আর কতক্ষণ ? ।

পূর্ববৎ দেবদূত-বেশ ধারণ করে বাচ্চা শয়তান পণ্ডিতের সামনে এসে দাঁড়ালো ।
পূর্ববৎ তাঁকে স্বর্গে নিয়ে যাবার প্রস্তাব জানালো ।

পণ্ডিত তখন রকে বসে বদনা থেকে জল ঢেলে মুখ ধুচ্ছিলেন ।

ভুললে চলবে না, ইনি পণ্ডিত । সশরীরে স্বর্গে যাওয়ার প্রস্তাব শুনেই তাঁর
চড়াকসে মনে পড়ে গেল ইতিপূর্বে কে কে আল্লার সমীপবর্তী হওয়ার সৌভাগ্য
লাভ করেছেন । মুসা (Moses), ঈসা (যীশু), হাজার পয়গম্বর—ব্যস্ ।

তাই পণ্ডিত উত্তমরূপেই জানতেন, তিনি এমন কিছু পুণ্যশীল মহাপুরুষ
‘প্যাকম্বর’ নন যে আল্লা তাঁকে স্বর্গে যাবার জন্ত ডেকে পাঠাবেন ।

‘বটে রে, ব্যাটা !’ মনে মনে বললেন পণ্ডিত । ‘মস্করা করার জায়গা পাও
না । আজ তোমারই একদিন, আর আমারই একদিন ।’

সুহাস্ত-আশ্তে মৌলবী বললেন, ‘কী আনন্দ, কী আনন্দ । স্বর্গে যাবার জন্ত
তো আমি হামেহাল তৈরি । কিন্তু, ভদ্র, এযুগে বড় ভেজাল চলছে । কি করে
জানবো, তুমি সত্যই দেবদূত । শুনেছি দেবদূতরা মুআজ্জিজা কেরামৎ (miracle)
দেখাতে পারেন । তুমি কিছু একটা দেখাতে পারলেই আমি তোমার সঙ্গে যেতে
প্রস্তুত ।’

বাচ্চা শয়তান বলল, ‘আপনি কি মিরাক্‌ল্ দেখতে চান, বলুন ।’ তার মনে
বড় আনন্দ, অর্ধেক কেলা কতেহ্ করে ফেলেছে ।

পণ্ডিত বললেন, ‘শুনেছি, দেবদূত অনায়াসে ক্ষুদ্র, বৃহৎ, সর্ব আকার গ্রহণ
করতে পারেন । তুমি পারো ?’

‘নিশ্চয় ।’

‘তাহলে তুমি ক্ষীণ কলেবর গ্রহণ করে আমার এই বদনার নালি দিয়ে ভিতরে
চুকতে পারো ?’

বাচ্চা শয়তান উল্লাসে মনে মনে নৃত্য করছে, পণ্ডিত এর চেয়ে অল্প কঠিন কর্ম
করতে ইচ্ছা জানান নি বলে । তাকে তো অনায়াসে তিনি আরবীস্তানের বিরাট
মরুভূমি, কিংবা ইউফ্রাতেস নদী, কিংবা আকাশের সূর্য, বা দিবাভাগে পূর্ণচন্দ্র হতে
বলতে পারতেন ।

পাছে তিনি মত পরিবর্তন করে কেলেন, তাই সে তন্নমূহূর্তেই পণ্ডিতের বদনার
নালির ভিতর দিয়ে ঢুকে পড়লো ।

যেই না ঢোকা, পণ্ডিতের আর কোনো সন্দেহ রইল না ব্যাটা বদমাশ । তিনি

ভালো করেই জানেন, আল্লার আপন দূত একটা বদনাতে ঢুকতে বান না। তিনি বহুবিধ শাস্ত পড়েছেন, তাতে এমন মিরাকুল, কেয়ামতের উল্লেখ নেই।

সঙ্গে সঙ্গে তিনি পাশের পিঁড়িটা বদনার উপর চেপে তার উপর আরো ভালো করে চেপে নিজেকে বসে পড়লেন এবং বদনার নালিতে ঢুকিয়ে দিয়েছেন একটা খেজুর। বেশ মোলায়েম কল ; টায়ে টায়ে বদনায় স্টেটে যায়।

এবং চিৎকার :—

‘গিন্নী, গিন্নী। নিয়ে এসো তাড়াতাড়ি উছুনটা। ব্যাটাকে আজ সন্দ করছে হালুয়া বানাবো। ব্যাটা আমার সঙ্গে মক্কা করতে এসেছে! না—, হা— জা—, বা—।*’

হেঁহেঁ রৈরৈ কাণ্ড। বুড়ো শয়তান দূর থেকেই বুঝেছে বেপারটা সঙ্গীন।

সঙ্গে সঙ্গে পণ্ডিত-মৌলবীর পায়ে এসে পড়লো।

বাচ্চাটাকে বাঁচাবার জন্ত সন্ধি-আপোস করতে চায়।

সন্ধির শর্ত হল শয়তান এবং তন্ত্র গোষ্ঠী ঐ মৌলবী-পণ্ডিত গোষ্ঠীর কাউকে প্রলোভিত করতে পারবে না।

*

*

প্রথম গল্পের সঙ্গে এ গল্পের কি সম্পর্ক ?

যতক্ষণ অবধি পণ্ডিত-মৌলবী-মৌলানা-রাব্বী-কাদার-দস্তুর হুদুমাত্র প্র্যাকটিকাল বিষয়ে মন্ত হবেন না, ততদিন মহাপ্রলয় আসবে না।

*

*

কিছু পাঠক, তোমার মস্তিষ্কে, হৃদয়ে যে প্রশ্ন আমাদের তাই। কী দরকার সেই-মহাপ্রলয় ঠেকিয়ে? যেখানে পৌঁছেছি, চাল নেই, তেল নেই, মাছ নেই—

২।১০।৬৫

* পণ্ডিত মাত্রই কি ভারত, কি আরব সর্বত্র আমাদের আত্মকের দিনের বিচারে বড় অসীল গালাগাল দেন। ‘তোমার সঙ্গে আলোচনা বহু্যাগমন’ আমাদের একাধিক পণ্ডিত বলেছেন। আমি তখন শান্তিপূরে দব্যস্তার শিকার ‘বহু্যাগমন’ করছি। ঘোব আবারই, তাঁদের দর। কাইরোতেও একই অবস্থা!

আলবের্ট শোরাইৎসার

“আজিকে একেলা বসে শোকের প্রদোষ-অঙ্ককারে,
মৃত্যুতরঙ্গিনীধারা-মুখরিত ভাঙনের ধারে
তোমারে শুধাই,—আজি বাধা কি গো যুচিল চোখের
সুন্দর কি ধরা দিল অনিন্দিত নন্দনলোকের
আলোকে সম্মুখে তব, উদয়শৈলের তলে আজি
নবসূর্য বন্দনার কোথায় ভরিলে তবে সাজি
নবছন্দে, নূতন আনন্দগানে ?”

এই কবিতাটি রচিত হ'বার পর প্রায় চল্লিশ বৎসর কেটে গিয়েছে। আমার চেনা-অচেনা অনেক প্রখ্যাত পুণ্যপ্রোক জন ইহলোক ত্যাগ করেছেন, কিন্তু রবীন্দ্রনাথের এ-প্রশ্নটি তাঁদের উদ্দেশে শুধাই নি। হয়তো ভুল হয়ে গেছে। কিন্তু আজ আর এ-প্রশ্ন না শুধিয়ে থাকি না।

কারণ এই মহাপুরুষ জীবনে সত্যসুন্দর শিবের যে সাধনা করেছিলেন সেটা সর্বযুগেই বিরল। এবং তার চেয়েও আশ্চর্য, তিনি একই পথে আজীবন সাধনা করেন নি।

আলসেসের কাইজারবের্ক অঞ্চলে ১৪ই জানুয়ারী ১৮৭৫ খৃষ্টাব্দে এঁর জন্ম।* সে অঞ্চল তখন জার্মান ছিল বলে তিনি জার্মান। ধর্মতত্ত্ব (প্রটেষ্ট্যান্ট বা এভানজেলিক) পড়ে তিনি চল্লিশ বছর সহপাদিত্ররূপে ঈশ্বর-মানুষ-গির্জার সেবার নিজেকে নিয়োজিত করেন। কিন্তু বছর তিন যেতে না যেতেই খৃষ্টধর্মের মূলতত্ত্ব নিয়ে তাঁর মনে যে-সব প্রশ্নের উদয় হয় সেগুলো নিয়ে চিন্তা, গবেষণা ও সাধনা গির্জার সেবার নিযুক্ত থেকে হয় না। তাই তিনি বিখ্যাত স্ট্রাসবুর্ক বিশ্ববিদ্যালয়ে লেকচারার হয়ে কাজে যোগ দেন। এই অল্প বয়সেই তিনি যে গবেষণা করেন সেটা খৃষ্টধর্মের ইতিহাস-বিদদের দৃষ্টি আকর্ষণ করে। এবং সে গবেষণার প্রধান উদ্দেশ্য পাণ্ডিত্য সঞ্চয় বা পাণ্ডিত্য প্রকাশ আদৌ নয়। তাঁর প্রধান উদ্দেশ্য ছিল কি প্রকারে খৃষ্টের বাণী ও তৎপরবর্তী খৃষ্টধর্মের প্রথম উৎপত্তিযুগের এমন একটি অর্ধপূর্ণ সর্বাঙ্গসুন্দর ছবি পাওয়া

* মৃত্যু : ৪।৫ সেপ্টেম্বর, ১৯৫৫ কলকাতা।

যায় যেটা আজও এবং আবার নূতন করে খুঁটসমাজে নূতন প্রাণ, নূতন ভাস্কর্য, চরিত্রসংগঠন ও সমাজবাস করার জন্য নূতন নীতি নির্মাণ করে দেবে।

এদেশে রামমোহন তাই করেছিলেন। অর্থাৎ উপনিষদের স্বর্ণযুগ পুনরায় আলোকিত করতে চেয়েছিলেন।

সউদী আরবের রাজা ইব্‌ন সউদ যে-সম্রাটত্ব তঁর প্রতিষ্ঠাতা ওয়াহ-হাবও তাই করেছিলেন।

খোয়াইৎসাবু এই সব ভাবচিন্তায় ধ্যানধারণায় নিযুক্তকালীন প্রচুর সময় ব্যয় করেন সঙ্গীতশ্রী য়োহান্ সেবাষ্টিয়ান্ বাখ্-এর উপর। এখানেও সেই নবা-বিকাশের কথা। এটা সত্য যে, বহু বৎসর দু-চারিটি কেন্দ্র ভিন্ন ভিন্ন সর্বত্র বাখ্-অনাদারে থাকার পর সঙ্গীতশ্রী মেণ্ডেলসজোন্ পুনরায় রসিকজনের দৃষ্টি বাখ্-এর দিকে আকৃষ্ট করেন। এর পরেই বাখ্-এর অন্ততম প্রধান ভাষ্যকার খোয়াইৎসাবু। গির্জার অর্গেনসঙ্গীত তাঁরই প্রচেষ্টা ও প্রচারের ফলে পুনরায় নবজীবন লাভ করে। (অর্গেন ও অর্গেল এদেশের সঙ্গীতকে উনবিংশ শতাব্দীতে প্রচুর প্রভাবাধিত করে। এই নিয়েই কিঞ্চিৎ গবেষণা কিছুদিন পূর্বে এদেশে হয়। তাঁর অন্ততম প্রবন্ধ তখন ছিল, অর্গেনকে কেটে হারমোনিয়ামরূপে প্রবর্তিত করে কে জনপ্রিয় হন কি করে, এর প্রতি আকাশবাণীর এত রাগ কেন, যদিও ধান আবহুল করীম খানের মত মহাপুরুষ যখন এরই সঙ্গতে গেয়েছেন? এ নিয়ে আরো আলোচনা হলে ভাল হয়। আবার কৃতজ্ঞচিত্তে শার্জদেবের শরণ নিচ্ছি। এবং সঙ্গে আরেকটি নিবেদন, ইয়োৰোপীয় সঙ্গীতের সঙ্গে পরিচয়কামী নবীন ভারতীয় শাগরেদকে একাধিক ইয়োৰোপীয় বাখ্-নিয়ে আরম্ভ করতে বলেন। বাখ্-এর রস পাওয়া আমাদের পক্ষে সহজতর। এ বিষয় নিয়েও তুলনাত্মক সঙ্গীত-মহলে আলোচনা হওয়া উচিত।) এমন কি বলা হয় খোয়াইৎসাবু স্বহস্তে উত্তম অর্গেনও নির্মাণ করতে শেখেন।

উপরের দুটি সাধনা—খুঁটের জীবনানুসন্ধান ও বাখ্—ভিন্ন তাঁর প্রধান অনুসন্ধান ছিল রাষ্ট্রবিজ্ঞানে, রাষ্ট্রচালনায় ধর্মনীতিকে পুনরায় দৃঢ় ভূমিতে স্থাপনা করা।

*

*

সাধনা, অধ্যয়ন, ধ্যানধারণা, বাখ্-এর ভগবৎসঙ্গীত এ সমস্ত নিয়ে যখন খোয়াইৎসাবু তন্ময়, যখন তাঁর খ্যাতি জর্মনির বাইরে বহুদূরে চলে গিয়েছে, তখন এই মহাত্মা হঠাৎ একদিন ত্রিশ বৎসর বয়সে, অধ্যাপনা ছেড়ে দিয়ে ভর্তি হলেন মেডিকেল কলেজে। কারণটি সরল অথচ সূদূরে নিহিত।

করাসী-কক্স অঞ্চলে যে-সব অনাচার হয়ে গিয়েছে তার খেসারতি মেয়ামতি করতে হবে। কক্স গভীরতম জঙ্গলে যে শত শত আফ্রিকাবাসী কুষ্ঠরোগে দিন দিন ক্ষয় হচ্ছে তাদের সেবা করতে হবে।

তার পূর্বে কিন্তু তা হলে তো চিকিৎসাশাস্ত্র অধ্যয়ন করতে হয়। ঠিক সেই জিনিসটিই সমাধান করে ১৯১৩ খৃষ্টাব্দে মিশনারি ডাক্তাররূপে তিনি করাসী-কক্স দুর্গম অরণ্যের লাবারেনে-অঞ্চলে গিয়ে কুষ্ঠরোগীদের জন্য হাসপাতাল খুললেন। তাঁর স্ত্রী দেশে নার্সের ট্রেনিং নিয়ে সেখানে সেবিকার কাজ গ্রহণ করলেন।

কিন্তু এই কক্সবাসী কুষ্ঠরোগীদের অর্থসামর্থ্য কোথায়? খোয়াইৎসারু^১ আবার সর্বশ্রেষ্ঠ ওষধি, সর্বাধুনিক যন্ত্রপাতি, সর্বোত্তম সহকর্মী নিয়ে চিকিৎসা করতে যান। তার জন্য অর্থ কোথায়?

এর পরের ইতিহাস দীর্ঘ। তাতে আছে আদর্শবাদ, নৈরাশ্র, অকস্মাৎ অঘাচিত দান এবং সর্বোপরি খোয়াইৎসারের অকুণ্ঠ বিশ্বাস: “মানুষের জীবন বিধিদত্ত রহস্যবৃত্ত—এর প্রতি প্রত্যেকটি মানুষের ভক্তি বিশ্বয় ভয় থাকা উচিত।” এই অটল বিশ্বাস নিয়ে তিনি কিছু দিন পর পর সেই দুর্গম জঙ্গল অতিক্রম করে, ইয়োরোপে এসে অত্যাংকুষ্ট স্বরচিত আপন অভিজ্ঞতাপূর্ণ (বিশেষ করে অঙ্ককার-কক্স) পুস্তক প্রকাশ করে, প্রাচীন দিনের বাধ্-এর সঙ্গীত বাজিয়ে অর্থোপার্জন করতেন। প্রথম-যুদ্ধের সময় তাঁর কাজে বাধা পড়ে; কারণ তিনি জাতে জার্মান হয়েও বাস করছেন করাসী কলনিতে—কিন্তু সেটা দীর্ঘস্থায়ী হয় নি। দ্বিতীয়—বিশ্বযুদ্ধের সময় তিনি এতই ভুবনবিখ্যাত যে দুই যুদ্ধান সৈন্যদলই তাঁর হাসপাতালকে এড়িয়ে বাঁচিয়ে যুদ্ধ করে।

কিন্তু ১৯১৩ থেকে ১৯৬৫—এই দীর্ঘ বাহার বৎসরের একনিষ্ঠ সাধনা তো ক্ষুদ্র একটি প্রবন্ধে শেষ করা যায় না। যদি কখনো সে সাধনার সিকি পরিমাণ খবরাখবর সংগ্রহ করতে পারি তবে পুনরায় চেষ্টা নেব।*

১৯১৬৫

* খোয়াইৎসার ভারতীয় চিন্তাধারা সম্বন্ধে ১৯৩৫ সালে Die Weltanschauung der Indischen Denker নামক একখানা বই লেখেন। এ বই সম্বন্ধেও অনেক-কিছু বলার আছে। আমি বহু বৎসর পূর্বে পড়েছি। সেখানি কেবল পেলো কিছু লেখার দুয়ানো আছে।

মরহুম ওস্তাদ কৈয়াজ খান

বিসমিল্লাতেই অতিশয় সবিনয় নিবেদন—আরজ করে রাখি, এ অধম উচ্চাঙ্গ সঙ্গীতের মারপ্যাচ বিলকুল বোধে না, ভারত থেকে আরজ করে ধূর্জটিপ্রসাদ তক যে সব গুণীজ্ঞানী সঙ্গীতশাস্ত্র নির্মাণ করে গেছেন তাঁদের প্রতি আমার অগাধ ভক্তি, কিন্তু তাঁদের বর্ণিত রাগরাগিণীর পুত্রকণ্ঠা গোষ্ঠীকুটুম কে যে কোন্ মেলে পড়েন, কিছুতেই মনে রাখতে পারি নে। শুধু তাই নয়, সবচেয়ে মারাত্মক তবু, আমি পূর্ণ একটি বছর রেওয়াজ করেও তবলার গভীরে কেন—কানি পর্যন্ত পৌঁছতে না পেরে নিরাশ হয়ে সাধনাটি ছেড়ে দি, অতি দুঃখে অতি অনিচ্ছায়। অবশ্য নিতান্ত সত্যের অপলাপ হবে—তাই এটাও কণি কঠে বলে রাখি, ক্ষতের রেওয়াজ করতে গিয়ে আমার হাতের কড়াতে আর্ডরাইটিস হয়।

দ্বিতীয়ত, এ ক্ষুদ্র রচনাটি মজলিস-রোশন সমঝদারদের জগ্ন নয়, নয়, নয়। আমি খান সাহেবকে পেয়েছিলুম মাহুষ হিসাবে, বন্ধু হিসাবে। তিনি আমাকে মুগ্ধ করেছিলেন, সম্মোহিত করেছিলেন তাঁর মধুর ব্যক্তিত্ব দিয়ে—যদিও তিনি খুব ভালো করেই জানতেন, আমি তাঁর জয়-জয়ন্তীতে যত না রস পাই, তার চেয়ে বেশী পাই তাঁর কাফি হোলিতে।

তাই দয়া করে মেনে নিন, এ লেখাটি সাধারণ পাঁচজনের জগ্ন, যারা যুগর্হি স্রষ্টাদের দৈনন্দিন জীবন, তাঁদের সুখ-দুঃখ, মান-অভিমান সম্বন্ধে জানতে চায় মাত্র—কারণ তারা আমারই মত সুরকানা, তালকানা হওয়া সত্ত্বেও গান শুনে ভালোবাসে এবং যেহেতু সঙ্গীতের গভীরে পৌঁছতে পারে না, তাই স্রষ্টাদের জীবনটা, তাঁদের চালচলন, ওঠনবৈঠন নিয়েই সন্তুষ্ট। অথখামার সঙ্গে আমাদের তুলনা করুন, কোনো আপত্তি নেই।

১৯৩৫ সালে, এই সময়ে, আজ হতে ঠিক ত্রিশ বৎসর আগে এ-অধম বরদা শহরে চাকরি নিয়ে পৌঁছয় এবং স্টেট গেস্ট হাউসে অতিথিরূপে স্থান পায়। মহারাজা স্বর্গত সন্নাজীরাওয়ার সঙ্গে দেখা শেষ হওয়া মাত্রই আমার মনে যে অদম্য বাসনা জাগলো সেটা নিতান্ত স্বাভাবিক।

ওস্তাদের ওস্তাদ রাজারুগ্রহপ্রাপ্ত শ্রীযুত কৈয়াজ খান বাস করেন এই বরদা শহরেই। তাঁর কণ্ঠসঙ্গীত শুনে না পেলে এই ছুনিয়াতে জয়ালুমই বা কেন, আর

এই বরদা শহরে এলুমই বা কেন ? তার চেয়ে বাঁ-হাতের তেলোতে জল নিয়ে সেটাতে ডুবে আত্মহত্যা করলেই হয় ।

ধবর নিয়ে শুনেতে পেলুম, তাঁর বাড়িতে রোজ সন্ধ্যায় মহাকলজলসা বসে, আর প্রায় প্রতি সকালে শাগরেদান সহ রেওয়াজ ।

ইতিমধ্যে একটি অভিশয় অজানা-অচেনা বঙ্গসন্তানের সঙ্গে আলাপ হল । তার নাম বলবো না, কারণ ছেলেটি এখনো বড় লাজুক । তবে সে যদি চিঠি লিখে আপত্তি না জানায় তবে অল্প সুবাদে তার নাম প্রকাশ করে দেব । উপস্থিত ধরে নিন, তার নাম পরিতোষ চৌধুরী । ওস্তাদের শিষ্য—অবশ্য ন'সিকে পাকা-কথা বলতে হলে, ওস্তাদের বড় ভাইয়ের কাছেই সে রেওয়াজ করে বেশী । কারণ একাধিক সমঝদার আমাকে বলেছেন—আমার টুঁটি চেপে ধরবেন না !—যে যদিও দাদাটি নিজের সন্তানহলে গাইতেন না, তবু সঙ্গীতশাস্ত্র তিনি জানতেন ওস্তাদ কৈয়াজের চেয়ে বেশী । তাঁরাই বলেছেন, ওস্তাদ তাই শাগরেদদের কঠোর স্থলিত গম্ভীর মধুর করার ভার নিতেন নিজের—অল্প 'কাজের' অল্প ভিড়িয়ে দিতেন দাদার কাছে, বিশেষ করে অচলিত, প্রায়-লুপ্ত রাগরাগিনীতে বাঁদের দিল্‌চসপী-শব্দ অত্যধিক ।

চৌধুরী তার গুরু খান সাহেবকে কি বলেছিল জানি নে, এক রবির সকালে তিনি সশরীরে আমার ডেরায় এসে উপস্থিত । আমি হতভম্ব । কোথায় তাকে বসাবো, কী আপ্যায়ন করবো, আমার মাথায় কিছুই খেলছে না । মহারাজ সন্নাজীরাও এলেও আমি এতখানি গর্ব এবং নিজেকে এত অসহায় অনুভব করতুম না ।

আর ওস্তাদ—বিশ্বাস করবেন না—বার বার শুধু আমার হাত দু'খানা ধরে নিজের বুকে চেপে ধরেন । তিনি আমার চেয়েও বেএক্কেয়ার ! আর বার বার দরবারী (কানাড়া নয় ।) কায়দায় আমাকে কুনিশ করেন ।

বহুদিন ধরে সে বেইমান পাষাণকে খুঁজেছি যে আমার ভূশ্মনী করে তাঁকে বলেছিল, আমি গুরুধরের ছেলে এবং মুসলিম-বিশ্বের জ্ঞান-বিজ্ঞান কেন্দ্রভূমি কাইরোতে এ্যাসন্ মুসলিমশাস্ত্র অধ্যয়ন করেছি যে স্বয়ং মহারাজ! আমাকে সেখান থেকে বরদা রাজ্যে নিয়ে এসেছেন ।

আমি আদৌ অস্বীকার করছি নে আমি গুরুবংশের ছেলে ; এ ভারতে সে একম শতলক্ষ আছে । কিন্তু তার চেয়ে আমার গুরুতর আপত্তি, আমার ক' পুরুষ পূর্বে কে যে শেষ-গুরু হয়ে গেছেন, সেটাও প্রত্নতত্ত্বের বিষয় । এবং আমার

সর্বাঙ্গী মারাত্মক আপত্তি : কাইরোতে আমি যেটুকু আরবী শিখেছি সেটি আমি আপনাকে ছ' মাসে শিখিয়ে দিতে পারি।

এ বিষয়টা আমি উল্লেখ করলুম কেন ? এই যে গানের রাজার রাজা, এই কৈয়াজ খান কী অদ্ভুত সরল ছিলেন সেটা বোঝাবার জন্য। পরে আমি চিন্তা করে বুঝেছি, তিনি সঙ্গীতের সর্বোচ্চ শিখরে উঠে গিয়েছিলেন বলে সরল বিশ্বাসে ভাবতেন, সয়্যাজীরাও যখন আমাকে খাতির করেন তখন আমিও নিশ্চয়ই আমার শাস্ত্রের সর্বোচ্চ শিখরে। তাঁর সঙ্গীতজ্ঞানের জন্য তিনি যখন রাজবন্দিত হয়েছেন, তখন আমিও তাই। একই লজ্জক!

এর পর কতবার আমাদের দেখাশোনা হয়েছে—গানের মজলিসমহকিলের তো কথাই নেই। আমি প্রতিবার তাঁকে বোঝাবার চেষ্টা করেছি, 'দেখুন ওস্তাদ! কত রাজা আসবে যাবে, কত শম্স উল্‌উলিমা (মহামহোপাধ্যায়) কত পাণ্ডিত্য দেখিয়ে যাবেন—এমন কি এই যে আমাদের বরদার দেওয়ান সাহেব, যার হাওয়াই-তাওয়াইয়ের অন্ত নেই—তিনিও চলে যাবেন এবং সঙ্গে সঙ্গে আরেক দেওয়ান এসে উপস্থিত হবেন, কিন্তু আপনার মত লোক আবার কবে আসবে কে জানে? আমি বেঁচে থাকলে আরো রাজা দেখব, আরো দেওয়ান দেখব, কিন্তু আপনার মত কাকে পাবো?'

আর কী সুদর্শন পুরুষ ছিলেন তিনি! চেহারা রং গোপ সব মিলিয়ে তিনি যেন তাঁরই গানের '(বন্দে) নন্দকুমারম্'—শুধু নন্দকুমার ছিলেন শ্রাম, আর ইনি গোরাচাঁদ।

আমাকে শুধোলেন, 'কবে এসে একটু গান—'

আমি বাধা দিয়ে বললুম, 'তওবা, তওবা! আপনি আসবেন এখানে! আমি যাবো যে কোনো সন্ধ্যায়, আপনার ইচ্ছাকৃত পেলোই।'

তিনি কিছুতেই রাজী হলেন না।

কতবার তিনি সন্ধ্যা সাতটায় এসে ভোর পাঁচটায় উঠেছেন। আমাকে কতবার তিনি বেহেশৎ দেখিয়েছেন। তাঁর ওফাতের (মৃত্যুর) পর আর কেউ দেখায় নি।

বিশ্বাস করবেন না, আমি নন্দকুমার গানটি ভালোবাসি জেনে একদিন তিনি আমাকে—আবার বলছি আমার মত অতি-সাধারণ শ্রোতাকে—পুরো দেড় ঘণ্টা ধরে ঐ গানটি শুনিয়েছিলেন।

কিন্তু কত লিখব! আমার স্মৃতির কত বড় অংশ জুড়ে এখনো তিনি বিরাজ করছেন!

তাই একটি ছোট ঘটনার উল্লেখ করে শেষ করি।

একটি বরদাগত বাঙালী মহিলার অনুরোধে আমার বাড়িতে মহকিল বসেছে।
ওস্তাদ সেদিন বড় মৌজে।

ছপুরে বরদায় ১১৪ ডিগ্রী গরম পড়েছিল। রাত ছপুরেও অসহ্য গরম, বর্ষা নামতে তখনো ছ'মাস বাকি। ওস্তাদ অনেক-কিছু গাওয়ার পর শুধোলেন, 'আদেশ করুন, কি গাইব।' সেই মহিলাটি অনেক চাপাচাপির পর কণি কণি অনুরোধ জানালেন, 'মেঘমল্লার।'।

ওস্তাদ সঙ্গে সঙ্গে গান ধরলেন।

যেন তিনি তাঁর সমস্ত সাধনা, সমস্ত ধরানা (হয়তো ভুল হল, কারণ 'রঙিলা' ধরানা মেঘমল্লারের প্রতি কোনো বিশেষ দিল্চস্পী ধরেন কি না আমার জানা নেই), সমস্ত সৃজনীশক্তি, বিধিতত্ত গুরুদত্ত সর্বকলাকৌশল, সেই সঙ্গীত সম্বোধন ইচ্ছাতালে ঢেলে দিলেন। আমরা নির্বাক নিম্পন্দ হয়ে যেন সর্ব লোমকূপ দিয়ে সে মাধুরী শোষণ করছি।

এমন সময় বাইরে নামল কয়েক ফোটা বৃষ্টি।

মহকিলে ছলছল পড়ে গেল! কে কি ভাবে ওস্তাদকে অভিনন্দন জানিয়েছিল, কে স্নেহমাত্র কুমড়ো-গড়াগড়ি দিয়েছিল, কে ওস্তাদের দিকে নিম্পন্দ দৃষ্টিতে তাকিয়েছিল মাত্র—এ সবে বর্ণনা দেওয়ার শক্তি আমার নেই। অলৌকিক ঘটনার বর্ণনা তো শুধু তিনিই দিতে পারেন যার লেখনীতে অলৌকিক শক্তি আছে।

অল্প দিন ওস্তাদ আমাদের অভিনন্দন, প্রশংসাবাদ, মরহাবা যতখানি ঝুঁকে ঝুঁকে সেলাম জানিয়ে গ্রহণ করতেন, আজ তিনি সে রকম করলেন না। হু— একবার সেলাম জানিয়ে গালে হাত দিয়ে চূপ করে বসে রইলেন। আমার একটু আশ্চর্য লাগলো।

অবশ্য তার পরও তিনি গেয়েছিলেন ভোর অবধি।

শেষ ভৈরবী গেয়ে তিনি আমার কাছ থেকে বিদায় নিতে এলেন। আমি বললুম, 'ওস্তাদ, বড় ক্লান্ত হয়ে পড়েছেন; একটু বিশ্রাম নেবার জন্য বসুন।'।

অনেকক্ষণ চূপ করে বসে থাকার পর যে কী বিষণ্ণতা মুখে মেখে আমার দিকে তাকালেন তার অর্থ আমি কিছুই বুঝতে পারলুম না। কক্ষণ কণি বললেন, 'আচ্ছা, সৈয়দ সাহেব, লোকে আমাকে এরকম লজ্জা দেয় কেন বলুন তো? আমি কি গান গেয়ে বৃষ্টি নামাতে পারি?'

আমি কক্ষণমাত্র চিন্তা না করে বললুম, 'সে জানেন আল্লা। আমি শুধু জানি,

অন্তত আজ রাতে তিনি আপনার সম্মান রাখতে চেয়েছিলেন।’

১১০৬৫

‘পকাশ বছর ধরে করেছি সাধনা।’

‘কটা ভাষা?’ ‘হা কপাল! বাঙলাই হল না।’

প্রথমেই নিবেদন জানাই, আকাশবাণীর বিরুদ্ধে আমার ব্যক্তিগত কোনো করিয়াদ নেই। কেন নেই, যখন চৌদ্দআনা পরিমাণ লোকের আছে এ-সব তর্কের ভিতর আমি ঢুকতে নারাজ। বিশেষত যখন খুব ভালো করেই জানি, এই বিশ্বসংসারটা রিকর্ম করার গুরুভার আল্লা-তাল্লা আমার স্বন্ধে চাপান নি। আমি শুধু আজ আকাশবাণী বাবদে একটি কাহিনী নিবেদন করবো। শোনা গল্প। সত্য না-ও হতে পারে। তবে ক্যারেকটিরিস্টিক—অর্থাৎ গল্পটি শুনেই চট করে চোখের সামনে ভেসে ওঠে আকাশবাণীর একটি বিশেষ দুলালের ছবি।

‘স্বন্দ’ রাগে বিতৃষ্ণায় বিরুদ্ধ কর্তে তাঁর জুর্নালে ইন্টারভ্যু নামক প্রতিষ্ঠানটির ব্যঙ্গ করেছেন। হায় রে কপাল! তিনি কখনো ইন্টারভ্যুর রাজার রাজা ‘অডিশনিং’ নামক খাটোটির দাঁত-ভ্যাংচানি দেখেছেন—ঈশ্বর ক্রম এ ভেরি লগু সেক ডিসটেল? তা হলে বুঝতেন ঠ্যালা কারে কর। আমি স্বয়ং একাধিক ‘অডিশনিং’ বোর্ডের বড়কর্তা ছিনুম বেশ কিছুকাল ধরে। আমার জানার কথা! কিন্তু আমি এ সুবাদে সম্পূর্ণ অন্ত্র ধরনের একটি কাহিনী কীর্তন করবো।

একদা ‘গ্রামে গ্রামে এই বার্তা রটি গেল’ যবে যে, কী বড় কী ছোট তাবৎ সঙ্গীতকাররা পরীক্ষা (এরই ‘তল’ নাম অডিশনিং) দিয়ে তবে গান গাইবার প্রোগ্রাম পাবেন, তখন পরীক্ষকদেরই একজন আপত্তি তুলে বললেন, ‘বাজারে যাদের গ্রামোফোন-রেকর্ড রয়েছে, এবং/কিংবা স্টুডিও-রেকর্ড রয়েছে তাঁদের আবার অডিশনিং-এর কি প্রয়োজন? যাদের নেই তাঁদের কথা আলাদা।’ কিন্তু তখনকার দিনের আকাশবাণী রাজাধিরাজ স্বাধিকারমস্ত। মোকা যখন পেয়েছেন তখন ছাড়বেন কেন?

তখন ধরুন, এই লব্ধনৌ শহরে ছোট-বড় তাবৎ গাওয়াইরা বাজানেওলারা একজোটে স্থির করলেন, তাঁরা পরীক্ষা দেবেন না। তাঁদের আপত্তি, যারা পরীক্ষা নেবে তারাই বা সঙ্গীত-ভগতের কী এমন বাধ-সিদ্ধি?

আবার বলছি, এটা গল্প।

অবস্থা যখন চরমে, তখন ছুনিয়ার হালচাল বাবদে সম্পূর্ণ বেখেয়াল, লখনৌয়ের সবচেয়ে বড় ওস্তাদ একদিন তোরবেলা শিষ্ণু-সমাবৃত হয়ে রেওয়াজ করতে করতে হঠাৎ শুধোলেন, ‘হাঁ মিয়া, “আডিশনিং আডিশনিং” চারো তরফ লোগ শোরগোল মচা রয়ে হেঁ, সো ক্যা ব্লা ?’ (পাঠক, আমার উর্জ্জান সঞ্চিত হয়েছে কলকাতার পানওয়ালাদের দোকান থেকে—অপরাধ নিয়ো না, বরায়ে মেহেরবানী।) মোফা কথা তিনি জানতে চাইলেন, চতুর্দিকে যে এই অডিশনিং অডিশনিং রব উঠেছে, সেটা আবার কি বালাই (আপদ, গেরো)।

শিষ্ণুরা প্রাঞ্জল ভাষায় সে ‘বালাইয়ের’ জন্ম, ব্যোবৃদ্ধি ও বর্তমান পরিস্থিতি গুরুকে বুঝিয়ে দিলেন, এবং তাঁদের কেউই যে এই অপমানকর প্রতিষ্ঠানের সম্মুখীন হবেন না সেটাও জানিয়ে দিলেন।

গুরু তাজ্জব মেনে বললেন, ‘সে কি ? ইম্তিহান-পরীক্ষা দিতে তোমাদের কি আপত্তি ? ভেবে দেখো আমি যখন বিরাট জলসায় গান ধরি তখন কি শেব কাতারের পানওয়ালারা পর্যন্ত আমার পরীক্ষা আরম্ভ করে দিয়ে ভাবে না, আমি রসসৃষ্টি করতে পারবো কি না, তার দিল ভিজিয়ে নরম করতে পারবো কি না ? সোজা কথায় বলতে গেলে, মহকিলের সবাই প্রতিবারেই আমার পরীক্ষা নেয়। হাঁ, আল্‌বস্তা, তারা না বলে পরীক্ষা নেয়, এরা বলে কয়ে নিচ্ছে। তাতেই কীই বা এমন কারাক ?’

শিষ্ণুরা অচল অটল।

ওস্তাদ হেসে বললেন, ‘মৈঁ তো জাউংগা জরুর !’

শিষ্ণুরা বহ্নাহত। আর্ডরব ছেড়ে পাঞ্জাবী, যুক্তপ্রদেশী, বাঙালী, হিন্দু, মুসলমান ভাবৎ শাগরোদ আবুজ্ করলে, ‘আমরা যাচ্ছি নে ঐ সব পা—দের সামনে পরীক্ষা দিতে, আর আপনি যাবেন হজুর ?’ হজুর বললেন, ‘য়েকীনান্—নিশ্চয়ই।’

শিষ্ণুরা তখন ‘কারাম’ (form)-এর ভয় দেখালে। তাতে মেলা অভদ্র প্রশ্ন আছে। ওস্তাদ বললেন, ‘সে তো আদমশুমারীর সময়ও আমার বুড়টা বীবীকে শুধিয়েছিল, তিনি অজ্ঞ কোনো পন্থায় কিছু আমদানি করেন কি না ? ওসব বাদ দাও। কারাম শুরু দো।’

*

*

*

অডিশনিং-এর দিন টাঙা চড়ে গুরু চললেন, স্টুডিয়ার দিকে। সঙ্গে মাত্র একটি চেলা। বাকি চেলারা চালাকি করে আকাশবাণীকে জানায় নি যে তাঁদের

ওস্তাদ অভিশনিঙে আসছেন—ওদের শেষ ভরসা এপয়েন্টমেন্ট নেই বলে শেষ-মেম্ব যদি সবকুছ বরবাদ-ভঙুল হয়ে যায়। অবশ্য এ-কথাও ঠিক, ওস্তাদ ওদের পরীক্ষা দেবার জন্ত হুকুম দেন নি। নইলে ওরা নিশ্চয়ই অমাচ্ছ করতো না।

লখনৌয়ের—কথার কথা বলছি—আকাশবাণী সেদিন কারবাণার ময়দানের মত খাঁ-খাঁ করছে। এমন সময় নামলেন গুরু টাঙা থেকে।

আকাশবাণীর ‘চ্যাংড়াদের’ যত দোষ দিন, দিন—প্রাণভরে দিন, কিন্তু একথা কখনো বলবেন না, এরা ওস্তাদদের সম্মান করে না। আমার চোখের সামনে কত বার দেখেছি, প্রোগ্রাম-এসিস্টেন্ট কুলীনশু কুলীন ব্রাহ্মণসন্তান কী রকম মুসলমান গুরুর পায়ে কাছ কুমড়ো-গড়াগড়ি দিচ্ছে, মুসলমান পীরের ছেলে হিন্দু গুরুর পায়ে ধরে বসে আছে। এদের অসম্মান করে—অবশ্য সেটা ওদেরই রুচির অভাব—ওপরওয়ালারা যারা সঙ্গীত বাবতে দীর্ঘকর্ণ।*

ছোকরা কর্মচারীরা তো তনুহুর্ভেই ওস্তাদকে তাদের চোখের পাতার উপর তুলে নিয়ে ঢুকিয়ে দিলো অভিশনিং রুমে—যেখানে ‘পরীক্ষকরা’ বেকার উকীলদের মত অল্পপস্থিত মাছি মারছিলেন আর নিঃশব্দ আক্রোশে আর্টিকিশেল দাঁতে দাঁতে কিড়মিড় খাচ্ছিলেন।

ওস্তাদকে দেখে তাঁরা স্তম্ভিত। এ কী কাণ্ড! যেসব আনাড়ী ছোকরা গাওরাইয়ারা দিনকে দিন বেতারকেলের ছারপোকা-ভর্তি বেঞ্চিতে বসে দশ রুপের প্রোগ্রামের জন্ত ধরা দেয় তারা পর্যন্ত আসে নি অভিশনিঙে—আর এই

* প্যারিসে একবার একটি উৎকৃষ্ট সঙ্গীতানুষ্ঠান-কর্তাদের নেকমঞ্জর পার নি শুনে সুলতেনার সেই সঙ্গীতপ্রটাকে একটি চৌপদী লিখে সাহসনা প্রামান, ‘হার, বড়লোকদের যে কানও বড় হয়’ (অর্থাৎ নাথ)। আমি ব্যক্তিগতভাবে একটি উদাহরণ জানি। গুণী, ওস্তাদ রবিশঙ্কর তখন বিলি-আকাশবাণীর সঙ্গীতাদিনারক। গাঁবীর জগদ্বিনে সেক্রেটারি ঠাংকে ডেকে হুকুম দেন, ঐ উপলক্ষে তিনি গাঁবীর তাবৎ জীবনী—রকিব-আফ্রিকা, বরদলৈ, উপবাস, সল্ট-মার্চ—প্রতিকলিত করে যেন নূতন কিছু ‘কম্পোজ’ করেন। বিহ্বল প্রারাজ উদ্ভ্রান্তদৃষ্টি রবিশঙ্কর চলেছেন করিডর দিগে—আমার সঙ্গে আচমকা কলিনন। সন্নিহিত এনে আমাকে দেখে করণ হাসি হেসে তাবৎ বাৎ বরান করে শুধোলেন, ‘এ কখনো হয়?’ আমি বললুম, আপনি বখন বাজান তখন আমার মত দৃষ্টিতে আনাড়ীরও মনে হয়, আপনার পক্ষে কিছুই অসম্ভব নয়। তবে কি না—হেঁ, হেঁ—সেক্রেটারি বোধ হয় বিলিভী সিনকনি, পাত্তোরাল-টাত্তোরাল বই পড়ে (শুনে নয়) আমের করছেন, এ দেশেই বা হবে না কেন?’ রবি শুধোলেন, ‘করিনাক?’ আমি সবিনয়ে বললুম, ‘একটা বাবদে আমার মত আকাটও একটা সজ্জেশন দিতে পারে।’ কি কি?’ ‘ঐ সল্ট-মার্চের জারগার এসে আপনি যন্ত্রের তারগুলোতে করকচ-নূন মাথিয়ে দেবেন।’

ওস্তাদের ওস্তাদ লখনৌয়ের কুব্‌মিনার, তানসেনের দশমাবতার তিনি এসে গেছেন—এ যে অবিখ্যাত, বিলকুল গয়ের মুম্বিন্‌ তিলিসুমাৎ !

একথা অনস্বীকার্য তাঁরা ওস্তাদকে প্রচুরাধিক ইচ্ছা দেখিয়ে ইস্তিক্বাৎ (অভ্যর্থনা) জানালেন, সর্বোত্তম তাকিয়াটি তাঁর পিছনে চালান দিলেন। ওস্তাদের মুখ যথারীতি পানে ভর্তি ছিল। একটি ছোকরা ছুটে গিয়ে ওগল্দান্ (পিকদান) নিয়ে এসে সামনে ধরলো।

কেউ কিছু বলার পূর্বেই ওস্তাদ বললেন, 'সব জব্‌ জম্‌ গয়ে তব কুছ হো জায়—' অর্থাৎ সঙ্গীতামোদীরা যখন একজোটে হয়ে গিয়েছি তখন হোক কিঞ্চিৎ গাওনা-বাজনা! সবাই স্বস্তির নিশ্বাস ফেললেন। নইলে কে তাঁকে সাহস করে পরীক্ষা দিতে বলতো? ওস্তাদ সবিনয় শুধোলেন, 'কি গাইবো?' তারস্বরে চৌংকার উঠলো, 'সে কি, সে কি? গজব কী বাৎ! আপনার যা খুশী!' (সাধারণ পরীক্ষার্থী জানে, এদের মামুলী পেশা বিৎকুটে, অচেনা রাগ বৎখৎ তালে গাইবার আদেশ দেওয়া।)

ইতিমধ্যে বেতারকেন্দ্রের যে পয়লা-নস্বরী সারেকীওয়ালা ও ওস্তাদ তবলচী অভিশমিং বয়কট করে কেটিনে চা খাচ্ছিল তারা টাটু ঘোড়ার মত ছুটে এসেছে সঙ্গত দিতে—কর্তারা এদের অভাবে যে দুটি আকাট যোগাড় করেছিলেন, তারা বহু পূর্বেই গা-ঢাকা দিয়েছে।

ওস্তাদ ধরলেন তোড়ি। আলাপের সময় প্রত্যেকটি ধ্বনি যেন বকুলগাছ থেকে এক একটি ফুল হয়ে এদিক ওদিক ছিটকে পড়তে লাগলো। যখন তালে এলেন তখন যেন ফুল নিয়ে সাতলহরা মালা গাঁথতে লাগলেন, প্রিয়র কুস্তলদামে পরাবেন বলে।

আর সমস্তক্ষণ মুখে কী খুশীর ছটা। জান্টা যেন ফুঁতিতে জ্বরপুর। কণে সারেকীওয়ালার দিকে মুখ বাড়িয়ে তার বাজনার তারিক করে বলেন, 'ক্যা বাৎ, ক্যা বাৎ!' কণে তবলচীর দিকে দুই হস্ত প্রসারিত করে হকার দেন, 'শাবাশ, শাবাশ, আফরীন, আফরীন!' যেন ওরাই সব জমিয়ে চলছে। ওঁর কোন কুতিব নেই।

গান থামলো। আনন্দে বিশ্বয়ে সবাই এমনই স্তম্ভিত যে পুরো এক মিনিট পরে হর্ষধ্বনি ও সাধুবাদ রব উঠলো।

ইতিমধ্যে 'পরীক্ষকের' একজন ওস্তাদের সঙ্গী ছোকরা শাকরেরদের কাছ থেকে অন্ত সকলের অজানতে সেই 'কারাম'খানা চেয়ে নিয়েছে। ঐটেতে পাস না ফেল, কোন্‌ হারে দক্ষিণা বেঁধে দিতে হবে সে-সব লিখে দিতে হয়।

হঠাৎ তার চোখে পড়লো, যেখানে প্রশ্ন, 'আপনি কোন্ কোন্ রাগ-রাগিণী জানেন?' তার উত্তরে লেখা মাত্র একটি শব্দ : 'তোড়ি।'

বিশ্বর ! বিশ্বর !! এ কখনো হয় !!! পরন্তু দিনের কাঁচা গাওরাইয়াও তো লিখতো ডজন দুই। ওস্তাদ জানেন কত শত, এ তো রসজ্ঞদেরও কল্পনার বাইরে।

অতিশয় বতরিবৎ এবং প্রচুর মাক চেয়ে সেই 'পরীক্ষকটি' বৃদ্ধ ওস্তাদকে শুধোলেন—অল্প অবিশ্বাসের স্মিতহাসি হেসে, 'ওস্তাদ, এ কখনো হয় যে, আপনি একমাত্র তোড়ি ছাড়া আর কিছুই জানেন না?'

সকলের মুখেই প্রসন্ন মুহূর্ত হস্ত। সারেকী-তবলা মাথা নিচু করে জাজিমের দিকে তাকিয়ে।

যে কোনো বিঘাতেই তোমার যদি অভিমান থাকে তবে, পণ্ডিত পাঠক, এই বেলা তুমি কান পেতে শোনো,—আমার জীবনে তাঁর উত্তরটি নিবিড়খন আঁধারে প্রবতীর মত জলে—তিনি কি উত্তর দিলেন।

ঠগী মাস লে কর দীর্ঘনিশ্বাস কেলে ওস্তাদ বললেন,

'পচাস সালসে তোড়ি গা রহাই—অতী ঠিক তরহ্‌সে নহী নিকলতী।'

অর্থাৎ পঞ্চাশ বছর ধরে তোড়ি গাইছি। এখনও ঠিকমত বের হয় না। অল্প রাগ-রাগিণীর কথা কেন বৃথা শুধোও।

১৬।১।৬৫

ইন্টারভ্যু

'ইন্টারভ্যু' নামক চরম বেইজ্তার মস্তুরা যে কত নব নব রূপে প্রকাশিত হয় তার বর্ণনা আরেক দিন দেব। 'দেশে' এই মর্মে একাধিক চিঠি বেরিয়েছে, এবং আগে-ভাগে কাকে চাকরি দেওয়া হবে সেটা ঠিক করে নিবে যে চোঁটামীর ইন্টারভ্যু-প্রহসন করা হয় তারও বর্ণনা এ-চিঠিগুলোতে ও আমার সতীর্থের মূল প্রবন্ধে আছে। তবে এ বাবদে শেষ কথা বলেছে আমার এক তুখোড় তালেবর ভাগিনা। ভাঙর নোকরি করে, ঢাউস যা গাড়ি ব্যাক দিয়েছে তার ভিতর একপক্ষে মা সহ তার তিন মাসী অল্প পক্ষে তার তিন মাসী রীতিমত বাহু নির্মাণ করে কাম্বীর-

শিয়ালকোট কচ্ছের রণের* রণমোহড়া দিতে পারেন (বলা বাহুল্য মামীরাই হারেন, কারণ তাঁরা এসেছেন তিন ভিন্ন ভিন্ন পরিবার থেকে)। ভাগিনাটিকে প্রায়ই ইন্টারভ্যু নিতে হয়—অর্থাৎ সিট্‌স্ অন দি রাইট্ সাইড্, অব্ দি টেব্‌ল্। একদিন বেজায় উত্তেজিত হয়ে সে আমাকে একটি কর্মখালির বিজ্ঞাপন পড়ে শোনালে। তাতে ওমেদারের বয়স কত হবে, কি কি পাস থাকা চাই, এপেন্-ডিক্‌সের দৈর্ঘ্য তার কতখানি হবে, তার পরিবারে নিদেন কটা খুন হয়ে থাকা চাই ইত্যাদি বেবাক বাৎ ছিল। ভাগিনা তারপর ক্রকুঞ্চিত করে খানিকক্ষণ ধুত খুঁত করে বললে, ‘খাইছে! কোডোগেরাপ্‌টা ছাওনের বাৎ বেবাক ভুল্যা গ্যাছে। হইডার তলায় লেখা খাগ্‌বো, “None need apply whose appearance does not resemble the above photograph.” কি কন্-মামু?’ আমি আর কি বলবো? এটা করলে তো অত্যন্ত সাধুজনোচিত আচরণ হত। এর চেয়ে ঢের ঢের নাস্তী (ইচ্ছে করে গ্ৰাষ্টি উচ্চারণ করতে, সে উচ্চারণে যেন ঘেরাটার খোলতাই হয় বেশী, যেমন ‘পিলাচ’ বা ‘পিচাশ’ না বলে সর্বোৎকৃষ্ট হয় ‘পিচেশ’ বললে।) উদাহরণ আমি একটা জানি।

কাসীর লোকচারার নেওয়া হবে। আমাকে স্পেশালিস্ট হয়ে যেতে হবে। আমি বে-কসুর না-মসুর করে দিলুম। যদিও চাকরির বিজ্ঞাপন দেখে মনে হল না, এর ভিতরে কোনো নষ্টামা আছে। তবু, আমি এই ‘জামাই ঠকানোর’—স্বন্দের ভাষায়—কিস্কিরি-মসুরার হিশ্তেদার হতে চাই নে। দু’দিন পর মৌলানা আজাদ কোন করে জানতে চাইলেন, আমি যেতে আপত্তি করছি কেন? তখন বুঝলুম, উনিই আমার নাম স্পেশালিস্ট-রূপে প্রস্তাব করেছিলেন এবং এখন আমি সেটি গ্রহণ করতে অস্বীকৃত হচ্ছি বলে কর্তৃপক্ষ তাঁকে সেটা জানিয়ে করিয়াদ করেছেন—। মৌলানার পাণ্ডিত্যের প্রতি আমার অসাধারণ শ্রদ্ধা ছিল। তাই কাঁচুমাচু হয়ে এই ইন্টারভ্যু বাবদে পরীক্ষক হিসেবেই, আমার পূর্ব পূর্ব নোংর (গ্ৰাষ্টি।) তজরুবা-অভিজ্ঞতা জানালুম। দেখি, মৌলানা সমূচাহ্ ওয়াকিব্-হাল। কোনো প্রকারের তর্কাতর্কি না করে বললেন, ‘আপনি গেলে ওরা সোজা পথে চলবে। যদি অন্যর আচরণ দেখেন, আমাকে জানাবেন।’ ইন্টারভ্যুতে যে-সব অনাচার হয় তার কোনো বিচার নেই বলে, আমি টেবিলের কি এদিকে কি

* আমার বন্ধুর ভাষা। কচ্ছবাসীরা জায়গাটার নাম কচ্ছী বা ওজরাতী বা কাটিরাওরাড়ীয়ে বানান করে কচ্ছের ‘রণ’—‘রান’ বা ‘রাণ’ নয়।

ওদিকে কোনো দিকে বসতে চাই নে (পেত্যয় না পেলে শ্রীযুত কালিদাস ভট্টাচার্যকে শুধোন।); কিন্তু এ ক্ষেত্রে মৌলানা আমার কাছ থেকে অনাচার-সংবাদ পেলে যে ওদের কান মলে দেবেন সেই ভরসায় গেলুম।

আমার সঙ্গে আরেকটি স্পেশালিস্ট ছিলেন। বাকীরা পাকা মেঘার। তাঁদের একমাত্র কামনা, কাম খতম করে বাড়ি কেয়ার। বিশেষত 'লেডের' ব্যাপার— চাকরিটা মিথরুনা পেল না মৃদম খান পেল সে নিয়ে তাদের 'মাতাব্যাতা' হবে কেন, চাই।

তবু ভদ্রতার খাতিরে তাঁরা দু-একটি প্রশ্ন শুধোলেন। সে ভারী মজা। যেমন, 'আপনার মাদ্রাসার ইংরিজীও পড়ানো হত?'—কথাবার্তা অবশ্য আংরেজীতেই হচ্ছে। কারণ প্রশ্নকর্তারা কার্‌সী ও করাসীর তফাত জানেন না।

'জী, হ্যাঁ।'

'কি পড়েছেন?'

'জী, রাস্কিনের "সিসেম অ্যাণ্ড লিগিজ", মিলটনের "এরিয়োপেজি—",

'শেক্সপীয়র?'

'জী।'

'কি?'

'হ্যামলেট।'

এবারে প্রশ্নকর্তা দারুণ উত্তেজিত হয়ে বললেন, 'বাব্বা, বাব্বা! বেশ, বেশ। সুপ্রস্তাব!'

তার পর তিনি সোৎসাছে আরম্ভ করলেন, হ্যামলেটের আত্মআর্ডনাদ— সলিলকি—"To be or not to be—"। তাকিয়ে আছেন কিন্তু আমার দিকে, ওমেদারের দিকে না—আমার অপরাধ? ইংরিজী খবরের কাগজেও একটা অত্যন্ত বেকার খবর বেরিয়েছে, আমার কি একটা বই কি যেন একটা প্রাইজ পেয়েছে, এবং স্বয়ং রাষ্ট্রপতি নাকি আমাকে প্রাইজটি দেবেন স্বহস্তে! আমাকেই ইমপ্রেস করা এখন তাঁর জীবনতু্যর চরম কাম্য—বলা তো যায় না, এখন থেকেই যদি রীতিমত আমাদের তোয়াজ করে ইমপ্রেস করা যায় তবে তো আমি হয় তো প্রাইজ নেবার সমস্ত কানে কানে রাষ্ট্রপতিকে বলে দেবো, 'হঁজুরের আণ্ডার সেক্রেটারি অনন্তকৃত-পরামর্শলিঙ্গম্কে এখন একটি প্রমোশন দেওয়া উচিতস্ব উচিত!' অবশ্য সেটা সেরকম মোকা নয়। কিন্তু বলা তো যায় না—যদি হয়েই যায়। নেপোলিয়ন (আজকালকার 'জানীরা' থাকে নাপোলেওঁ বলেন, যেন আমাদের মত সে-যুগের

রাম-পন্টকরা খাঁটি উচ্চারণ জানতো না বলে বাংলাতে তদনুযায়ী সঠিক বানান লিখতে পারে. নি!) বলেছেন, অসম্ভব বলে কিছুই নেই। নিশ্চয়ই তিনি জানতেন, কখন কি ভাবে কাকে লুব্রিকেট-তেলাতে হয়।

তা সে যাই হোক, আমাকে ন'সিকে ইম্প্রেস্ করে হকচটিয়ে দেবার পর ওমেদারের দিকে তাকিয়ে বললেন, 'বাকিটা কও কি? "Or to take arms against a sea of—" বাকিটা বলে যাও তো?

কালো চামড়ার তৈরী সর্বোৎকৃষ্ট স্প্রিং-সম্বলিত, পঞ্চাধিক ক্যাশনবিজড়িত গভীর আরাম-কেন্দারার তলা থেকে তিনি হাতেরসের তুকানে ওঠা-নাবা করতে করতে বার বার বলেন, 'তার পর কি, go on! ইউ সেড্ ইউত্ রেড হামলেট, against a sea of troubles—আরো সাহায্য করলুম তোমাকে। বাকিটা বলে যাও!' আবার তিনি সোকাতে বৃন্দাবনের রসরাজমূলভ হিন্দোলদোলে জ্বলতে লাগলেন।

আমি তাক্কাব! বেচারী ওমেদার এসেছে কার্সী ভাষার মেন্টারির চেয়ার। জাঁ পাসাঁ, বেচারী একটুখানি ইংরিজী শিখেছিল বটে, কিন্তু সেইটেই তার কর্, fort, সেইটেই তার piece de résistance, সেইটেই তার বলতে গেলে, কিছুই নয়—ইংরিজীর মাধ্যমে কার্সী পড়াতে গেলে যতখানি ইংরিজী জানবার প্রয়োজন তার চেয়েও সে বেশী জানে, সেটা তো ইতিমধ্যে তার রসরাজমূলভই প্রমাণ হয়ে গেছে। তা সে যাকগে। ওমেদার বেচারী তো ঘেমে-নেয়ে ঢোল। আমি তখন তার দিকে চেয়ে মুচকি হেসে বললুম, 'ওরকম নার্ভাস হবেন না। আপনি কতখানি ইংরিজী জানেন না জানেন তার গুরুত্ব সামান্যই। ওটা আপনি ভুলে যান। এবারে চলুন কার্সীতে। সেইটে কিন্তু আসল। ঐ যে আপনার সামনে কার্সী বই কয়েকখানা রয়েছে তারই যে কোনো একখানা থেকে কয়েক লাইন পড়ুন—প্রথম আপন মনে চুপে চুপে, পরে আমাদের গুনিয়ে। অল্পবাদ? না, না, অল্পবাদ করতে হবে না। আপনার পড়ার থেকেই তো বুঝে যাবো, আপনি কার্সী বোঝেন কি না। আর যেটা পড়বেন তার দু-একটা শব্দ আপনার জানা না থাকলে কোনো ক্ষতি নেই। সবাই কি আর সব কার্সী শব্দ জানে? তা হলে ছনিম্বাতে অভিধান লিখত কে, পড়ত কে? তা সে যাক। আমার আর কোনো প্রশ্ন-ট্র্ন নেই।'

এবারে ছেলেটার—হ্যাঁ, আমার ছেলের বয়েসি—মুখে শুকনো হাসি ফুটলো; একটুখানি ভর্স। পেয়েছে। সেই হামলেটওলা লোকটিও আসলে কিন্তু মাহুঘ

ভালো। পাঁচটা ক্যান্ডি ছলিয়ে ঠাঠা করে হেসে উঠলেন। বললেন—

হামলেটের স্বরূপে—‘অস্টিস্ ডিলেড হর নি। হা হা, হা.হা।’

ছেলেটি সুন্দর উচ্চারণে গড় গড় করে কার্সী পড়ে গেল। কাশ্মীরী ব্রাহ্মণ-সন্তান; এবং পরে দেখা গেল, আরো হিন্দু ওমেদার ছিল। কার্সীর আবহাওয়াতে আপন ঠাকুদার কাছে লেখাপড়া শিখেছে। চেয়ারমেন বললেন, ‘আপনি এখন যেতে পারেন।’ ছেলেটি সবাইকে মুসলমানী কায়দায় সেলার জানালে, আমার দিকে তাকিয়ে কৃতজ্ঞতার একটু লুকনো হাসি হাসতে গিয়ে ধেমে গেল—‘কি জানি ওটা ঠিক হবে কি না, যদি ওতে করে নম্বর কাটা যায়! আমি মনে মনে বললুম ‘মারো বাডু, ম্মা নোকরি ওর উসকী ইন্টারভ্যু পয়।’

উহঁ। এটা শেষ নয়, এটা আরম্ভ মাত্র। ছেলেটির সেলামপর্ব শেষ হওয়ার পূর্বে আমার সঙ্গে দ্বিতীয় স্পেশালিস্টটি বললেন, ‘একটু বসুন’—এবং সঙ্গে সঙ্গে আপন পকেট থেকে একটি চিরকুট বের করে তার হাতে দিবে বললেন, ‘পড়ুন।’

হার বেচারী ক্যাণ্ডিডেট! ভেবেছিল, তার গন্ধবস্ত্রনা শেষ হল। এখন এ আবার কি কাঁসি! বেচারী পর্চাখানির দিকে এক দৃষ্টে তাকিয়ে রইল অনেকক্ষণ। স্পেশালিস্ট দশ সেকেণ্ড অন্তর অন্তর গুঁতোচ্ছেন, ‘পড়ুন। পড়ছেন না কেন?’ ছেলেটি হোঁচট ঠোকর ধেতে ধেতে খানিকটে পড়লো। স্পেশালিস্ট বললেন, ‘অনুবাদ করুন।’ রাম পাঠা! পড়ার কায়দা থেকেই তো পরিষ্কার হয়ে গেছে যে পাঠ্যবস্তু তার এলেমের বাইরে, তবে স্টাডিস্টের মত মড়ার উপর খাঁড়ার যা কেন?

ছেলেটা নড়বড় পায়ে বেরিয়ে গেল।

আমি পর্চাটির জন্য স্পেশালিস্টের দিকে হাত বাড়ালুম। তিনি ‘কুছ নহী, কুছ নহী’ বলে সেটি পকেটে পুরে নিলেন। ছুস্‌রা ক্যাণ্ডিডেট এল। এবারে হামলেটের বদলে গ্রে’র কবিতা। সর্বশেষে আবার ঐ অভিনয় সেই পর্চা নিয়ে। আমি স্পেশালিস্টের উদ্দেশ্যে মনে মনে বললুম, ‘তুমি ব্যাটা খোটা মুসলমান, আশ্চর্যে হালা বাঙালি পাতি ল্যাডে। দেখাচ্ছি তোমাকে।’ এবারে ক্যাণ্ডিডেট পর্চাটি বেই কেরত দিতে যাচ্ছে অমনি, তৈরী ছিলুম বলে, আমি সেটা নিয়ে নিলুম। ওমা! যত পড়ি, আগা-পাস্তালা যুরিয়ে দেখি, ততই কোনো মানে ওৎসার না। ইতিমধ্যে আরেক ওমেদার এসে গেছে এবং চসার না পৌঁও কি যেন আরম্ভ হয়ে গিয়েছে। আমার দৃষ্টি ঐ পর্চাটির দিকে নিবদ্ধ।

ইয়ান্না! অব্ সমব্লন বা। যে ছ’ লাইন কবিতা ছিল সেটা অনেকট
আমাদের

হরির উপরে হরি

হরি বসে তায়

হরিকে দেখিয়া হরি

হরিতে লুকায় ।

‘হরি’ শব্দের কটা মানে হয়, আমি সত্যই জানি নে—কান ছুঁয়ে বলছি । কিন্তু ছিঃ । কারো বাংলা জ্ঞানের পরীক্ষা যদি নিতাস্তই নিতে হয় তবে এই ধরনের ‘জামাই-ঠকানো’ কবিতাই কি গ্ৰাঘাতম, প্রশস্তম ? !

কিন্তু এহ বাহ !

পরে, অন্তত আমি বুঝতে পারলুম দই খাচ্ছেন কোন্ রমাকান্ত আর বিকার হচ্ছে কোন্ গোবিন্দনের ?

হু-একটি পাকা মেসুরও হয়তো বুঝতে পেরেছিলেন ব্যাপারটা কি । লেখাপড়ায় এক একটি আস্ত বিজ্ঞেসাগর বলেই ওঁদের নাসিকায় থাকে সারমেয়বিনিমিত ঠাঙ্ক-সন্ধানী অঙ্কিসঙ্কি ।

ক্যাণ্ডিডেটের পরে ক্যাণ্ডিডেট—কেউ ভালো, কেউ মন্দ, কেউ মাঝারি, সংসারে যা হয়—ইন্টারভ্যু স্বয়ংবরে আমাদের মত ইন্দুমতীর সামনে স্বপ্রকাশ হলেন । কিন্তু সবাই মার খেলেন, ঐ পর্চাটুকুর সামনে, ঐ চিরকুটটি সকাইকার ওয়াটারলু ।

ইতিমধ্যে কী আশ্চর্য, কী তিলিন্মাৎ—একটি ওমেদার পর্চাটি পাওয়া মাত্রই সেটি গড়গড়িয়ে পড়ে গেল, আত্মস্ত ! যেন তার প্রিয়ার আড়াইশ’ নম্বরী প্রেমপত্র ।

ইন্টারভ্যু শেষে লাঞ্চ । সরকারী লাঞ্চকে আমি বলি লাঞ্ছনা । অবশ্য সর্বোচ্চ মহলে নয় । সেখানে লাঞ্চের অজুহাতে আপনার জন্ত পেলেটে করে রোলস্-রয়স্ গাড়ি আসতে পারে ওষুদ্বী পরী-পয়্-করী চালিতা । ড্রাইভারিণীটি কাউ, ধোন্ ইন্ কর গুড্ মেঝার ।

পালাবার চেষ্টা করার সময় ধরা পড়লুম সেই পঞ্চ-ক্যাশন-মর্দন মহাজনের হাতে । বললেন, ‘হেঁ হেঁ হেঁ হেঁ, আপনাদের ঐ স্পেশালিস্টটি আপন ওমেদারকে একটু ভালো করে রিহার্সেল করালেন না কেন ? ও যদি সাত বার টোক গিলতো, এগারো বার হোঁচট খেয়ে খেয়ে চিরকুটটির কবিতা পড়তো, তবে হয় তো, আমাদেরও বিশ্বাস জন্মাতো, সে ঐ কবিতাটি ইতিপূর্বে কখনো দেখে নি ।’

৩০।১০।৬৫

অর্থঃ অর্থঃ

একটা 'করেন'-ওলার কথাই বলি।

ইন্টারভ্যুতে আমিও ছিলাম। সেই ছাব্বিশ বছরের 'করেন'—বাঁচি ড্যান কালি আদমী ছোকরাটা তার বাপের বয়সী ওমেদার অধ্যাপককে বা বেহারী প্রায় শুধোতে লাগলো তাতে আমি স্তম্ভিত। কারণ সেই অধ্যাপকের কিছু কিছু লেখার সঙ্গে আমার পরিচয় ছিল। এ যুগে আর কটা হিন্দু কার্গী শিখে 'করেন' সাতশ' বছরের ইতিহাস অধ্যয়ন করে? ইনি তাঁদেরই একজন। অথচ ওই 'করেন'-পটক কার্গীর একবর্ণও জানে না। শুধু ইতিহাসের অধ্যাপক—ঠিক ইতিহাসও নয়, ইংলজির—বলেই গুণধর বোর্ডে এসেছেন, এবং যে-মোগল ইতিহাস সম্বন্ধে তিনি নিরেট আকটি, সেই সম্বন্ধে চোখাচোখা প্রশ্নবাণ বাড়ছেন। সেগুলো তৈরি করে নিয়ে এসেছেন গতকাল লাইব্রেরি থেকে, দু'তিনখানা মোগল ইতিহাসের ইংরিজী অনুবাদ পড়ে—প্রধান উদ্দেশ্য, বাদ বাকী মেম্বরদের তাক লাগিয়ে দেওয়া। সে সব মেম্বররা এসেছেন অপরাপর যুনি থেকে। কলে সে সব যুনিতে তিনি একস্টেশন লেকচারে নিমন্ত্রিত হবেন, এগ্জামিনার হবেন, বহুবিধ কনকারেন্সে নিমন্ত্রিত হবেন, তাঁর প্রিয় ছাত্রের অধ্যাপক খসিসে তাঁরা একস্টারনেল পরীক্ষক হিসেবে ডিটো মারবেন, তিন্নো এ-বাগে তাই করবেন, গব্বরহ, ইত্যাদি, এট্.সেটরা। কি কি প্রশ্ন শুদিয়েছিলেন, আমার ঠিক মনে নেই, তবে রেডুক্‌সিয়ো আন্ড্. আব্.হুর্ড্‌মে পরিণত করতে যদি অনুমতি দেন তবে কালনিক দু-একটি পেশ করতে পারি: 'আকবর বখন আহমদাবাদ আক্রমণ করছিলেন তখন সাবরমতী বেয়ে হাওয়া পূব না দক্ষিণ থেকে বইছিল?' 'সিলেটের শাহজালাল মসজিদে পূর্বে যে জালালী কবুতর ছিল তারা এখন চলে যাচ্ছে কোথায়?'

এবং এমনই খাজা ইংরিজী উচ্চারণে যে আমি একবার দু' প্রশ্নের ফাঁকে তাঁকে কানে কানে বললুম, "I am glad, Oxbridge has not been able to damage your original pronunciation."

আমি সবিনয় নিবেদন করছি, আমি সে অধ্যাপককে বাঁচাতে পারি নি। সেই প্রাচীন গল্প তা হলে আবার বলি। বার্নার্ড শ'র একটি নাট্য করে থিয়েটার থেকে পঞ্চম তুলে ধরেছে, জটীদের সপ্রশংস প্রশংস চিংকার, 'নাট্যলেখককে স্টেজে

বেকতে বলো, আমরা তাঁকে দেখব।’ শ’ এলেন। মিনিট পাঁচ ধরে চললো তুমুল হর্ষরব, করতালি, বাবতীর। সবাই বধন শান্ত হলেন, এবং শ’ তাঁর ধস্তবাদ জানাবার জন্য মুখ খুলতে যাবেন এমন সময় সর্বশেষ সস্তা গ্যালারি থেকে একটা আওয়াজ এল, ‘ব...ব...ব...’ শ’ ওই দিকে তাকিয়ে বললেন, ‘ব্রাদার, ঠিক বলেছ; এ নাট্যটা রকী। কিন্তু তোমাতে-আমাতে, মাত্র দুজনাতে, এই শত শত লোকের পাগলামি ঠেকাই কি করে!’

তার পরই আমি বিদেশ চলে যাই। না, স্তর! Sorry, কোনো সোভিয়েট, মার্কিন, বার্লিন ডেলিগেশনে নয়। তা সে বাক্। কিরে এসে বোঝায় আমার বন্ধু প্রসাদদাস মাণিকলাল গুপ্তের বাড়িতে উঠলুম। ওই অক্সব্রিজগুলার কথা কি করে উঠলো জানি নে, কারণ লেখাপড়ির ব্যাপারে আমরা charleton-ধামা-বাজদের নিয়ে কখনো আলোচনা করতুম না।

গুরু বললে, ‘সে বড় মজার ব্যাপার। তোমার ওই ব্রাদার চৌধুরী শটন: শটন: উঠতে লাগলেন খ্যাতির শিখর গানে। আজ এই কলেজে, কাল অল্প যুনিভার্সিটিতে—আন্ত একটা হুমুমানের মত চড় চড় করে পদোন্নতির অর্থগাছের মগ-ডালে, বয়েস পইত্রিশ পেরতে না পেরতে! ইতিমধ্যে তাঁর নিজস্ব উদ্দা গ্যোবেল্‌সী শানাই তাঁর গুণের রাগ-রাগিণী বাজাতে বাজাতে এটাও আহির করেছে যে, ওই চৌধুরী স্বচেষ্টায় করাসী, জর্মন, রুশ গরুরহ ভাবাও আয়ত্ত করে কলেছেন।’

গুরু কিক করে একটুখানি হেসে বললে, ‘সে বড় মজার। তোমার ঐ চৌধুরীর তখন এমনই আশ্পন্দা বেড়ে গেছে যে, সে ছাপিয়ে দিলে বুনকের একটি অচলিত ছোট লেখার অম্ববাদ ইংরিজীতে—চটি বই, ব্রণ্ডার বলতে পারো। আসলে সে সেটা করেছিলো এক আনাড়ি ছোকরার সাহায্যে, যার করাসী জ্ঞান ছিল অত্যন্ত কাঁচা—কিন্তু ছোকরা ধামা মারতে জানতো চৌধুরীর চেয়েও দুই বাঁও বেশী।

গুরু বললে, ‘ওঃ! সে বই নিয়ে এ দেশে কী তুলকালাম, কাঁ ফার! অবশ্য তার চোদ্দ আনার উৎপত্তি চৌধুরীর গ্যোবেল্‌সী কলসী থেকে।’ এবং এখনো এ দেশের লোকের বিশ্বাস এ রকম অম্ববাদ হয় না। মাত্র দু’একটি প্রাণী জানে যে, কি করে যেন ওই অম্ববাদ প্যারিসে পৌঁছে গেলে তাদের এক পত্রিকায় বেরোয়—
“The originality of the translator has come out with extraordinary success in those passages where he has failed to understand the original!” অবশ্য তাতে করে চৌধুরীর রক্তিতর লোকসাম হয়

নি, কারণ এই করাসীতে লেখা সমালোচনা—তাও প্রকাশিত হয়েছে পণ্ডিতীয় কাগজে—এ দেশের পড়ে কটা লোক। তা সে যাক।

ইতিমধ্যে এ-দেশে একটি পোলিটিশিয়ানের প্রাণ হঠাৎ ডুকরে কেঁদে উঠলো জননী ভারতের লুপ্ত ইতিহাস উদ্ধার করার জন্ত। আসলে তুমি তো জানো, এ সব নির্জলা ব্লাফ্। ভদ্রলোক চান, তিনি যেন ‘কল্‌চর’-জগতেও সম্মানিত হোন। অবশ্য পরের হাত দিয়ে তামাক খেয়ে। সেই ‘পরের’ও অভাব হল না। এ অঞ্চলের শেঠিঘাদের টাকের ঠিক জায়গায় হাত বুলোতে পারলে গৌরীশঙ্করের লিখরে মরুস্থান নির্মাণের জন্তও পিলপিল করে টাকা বেরিয়ে আসে।

তারপর শ্রানায় শ্রানায়* কুলোকুলি। তোমার এই প্যারা চৌধুরী—
আমি বললুম, ‘শট্‌ অপ্‌।’

‘আহা, চটো কেন? তারপর সাড়ম্বর স্থাপিত হল, “জম্বুদ্বীপ-সমন্বিতাসমুদ্র—” ঝাক্‌গে ঝাক্‌, আমার নামটা ঠিক মনে নেই, ওই ‘কল্‌চর’ ‘মলচর’ নিয়ে কি যেন একটা প্রতিষ্ঠান, আর চৌধুরী হলেন তার ‘সর্বাধিকারী’ ‘মহাস্ববির’ না কি যেন একটা।...কিছুদিন পর—ইতিমধ্যে অবশ্য প্যান মাসিক দু-দশখানা ভালো-মন্দ-মাসারী ‘কলচরল’ বই “জম্বুদ্বীপসমন্বিত—” দুচ্‌ছাই আবার ভুলে গেলুম প্রতিষ্ঠানের নামটা—বই বেরিয়েছে। সর্বাধিকারী চৌধুরী প্রতিষ্ঠানের কতাকে বোঝালেন—

(ক) ঋষেদের যে সব অনুবাদ গত এবং এই শতকে ইংরিজী-বাংলা-করাসী-জর্মনে বেরিয়েছে, সেগুলো ইতিমধ্যে বিলকুল বেকার ঔট অব্‌ ডেট হয়ে গিয়েছে, (খ) একটি নূতন অনুবাদ দরকার, (গ) সেটিকে সর্বাঙ্গসুন্দর করতে হলে বড় বড় পণ্ডিতদের সাহায্য নিতে হবে, (ঘ) এবং তাঁদের দক্ষিণা এবং ছাপা বাবদ লাগবে আশী হাজার টাকা।’

আমি তাজ্জব মেনে বললুম, ‘কি বললে, আশী হাজার টাকা? বলা কি!’

‘বিলক্ষণ। আশী হাজার টাকা। ব্যাপারটা হল গিয়ে ওই যে প্রতিষ্ঠাতা পলিটিশিয়ান কল্‌চরড্‌ হতে চান, তিনি শেয়ারবাজার, টেভয় টিন্‌ থেকে ওমরা তুলো, শিবরাজপুর মেজানীজ্‌ সব বোঝেন, কিন্তু—কিন্তু বড় বড় পণ্ডিতদের তেজী-মন্দী বাবদে বিলকুল না-ওয়াকিফ‌হাল। টেলে দিলেন টাকাটা। তার পর বেরুতে জগলো কিস্তিতে কিস্তিতে বেদের নবীন ইংরিজী অনুবাদ। যে রকম আমাদের হরিবাবুর বাংলা কোষ বেরিয়েছিল। উত্তম প্রস্তাব। কিন্তু, ব্রাদার, নিরবাক্ষর

* ‘চলন্তিকা’ বলেন ‘সজ্ঞান’ থেকে সেয়ানা। বড়দাব্ব বলেন, জেনদৃষ্টি রাখে যে জ্ঞান তার থেকে সেয়ানা, শ্রানা।

শাস্তি এই দক্ষ সংসারে কোথায়? হঠাৎ পুণার এক পণ্ডিত আমাদের কল্চর-প্রতিষ্ঠাতার কাছে এসে উপস্থিত হয়ে অনুবাদের খুনিয়া খুনিয়া সব ভুল দেখাতে লাগলেন। যেমন মনে করো—কথার কথা কইচি, আমি তো ওখানে ছিলুম না—‘রবিকর’ অনুবাদে হয়েছেন, ‘সূর্য যে খাজনা দেন’ কিংবা ‘রাজকর’ অনুবাদে হয়েছেন, ‘রাজা যে রশ্মি দেন’।...এ রকম বিদকুটে বরবাদ অনুবাদ কেন হল কিছুই বোঝা গেল না। সামান্যতম বৈদিক ভাষা যে জানে সেও তো এরকম ভুল করবে না। হ্যাঁ, আগবাং, ‘ক্রন্দসী’ ‘রোদসী’ ধরনের অচলিত শব্দ নিয়ে সাতিশয় সাধু মতান্তর হতে পারে, কিন্তু এ ধরনের আকাট, বর্বর—? রহস্তটা তবে কি?’

আমিও সায় দিয়ে বললুম, ‘রহস্তটা তবে কি?’

‘ওই কল্চরকামী প্রতিষ্ঠাতা বেদবেদান্ত বাবদে বেকুব হতে পারেন, কিন্তু তিনি ‘ইদুরের গন্ধ পান’—শয়তানীর স্বাস পান। নইলে সাদা-কালো-গেরুয়া বাজাব কন্ট্রোল করছেন বৃথাই। তিনদিন যেতে না যেতে স্বয়ং চৌধুরীই এসে যা বললেন তার থেকে স্পষ্ট বোঝা গেল, তিনি কি ভারতীয়, কি করাসী, কি ইংরেজ, কি জার্মান কোনো পণ্ডিতকেই অনুবাদ-কর্মে নিযুক্ত করেন নি। তাবৎ কর্ম করিয়াছেন একটি দুঃস্থা জার্মান রমণীকে দিয়ে। সে বেচারী সংস্কৃতেরও এক বর্ণ জানে না—বেদের ভাষা মনোজের ভাষায় কই। কই মুল্লুকে! সে স্রেফ জার্মান পণ্ডিত গেল্টনার-কৃত কয়েক বৎসর পূর্বে প্রকাশিত বেদের অনবদ্য জার্মান অনুবাদ ইংরিজীতে অনুবাদ করে গেছে। মেয়েটি ভালো জার্মান জানে বটে, কিন্তু তার ইংরিজী কাঁচা। কিন্তু সেইটেই মূলতত্ত্ব নয়। আসল বিপদ হয়েছে, বেদের অনেক বস্তু অস্পষ্ট, রহস্তময়, দ্ব্যর্থ কেন—বহু অর্থসূচক। সেগুলো জার্মান পণ্ডিত গেল্টনারও করেছেন সস্তপর্নে, আবছা-আবছা রেখে—যেন সাক্ষ্যভাষায়। এ নারী তাই তার অনুবাদে—আদৌ সংস্কৃত জানে না বলে—রবিকর, রাজকর, নরকর, হাতীর কর (কথার কথা কইচি।) গুবলেট করে বসেছে। তখন পরিষ্কার হল রহস্তটা।

তস্ত্র বিগলিতার্থ, চৌধুরী দশ-বিশজন পণ্ডিত লাগিয়ে, তাদের শ্রায্য দক্ষিণা দিয়ে অনুবাদ করান নি। মেমসাহেবকে দিয়ে কস্মটি করিয়ে নিয়েছেন।

আরো অর্থাৎ এবং সেখানেই অর্থ, মেমসাহেবকে তিনি দিয়েছেন এক হাজার টাকা, ছাপার খরচা বাদ দিয়ে তিনি পকেটস্থ করেছেন সস্তর হাজার টাকা। হল?’

চৌধুরী এখন কটকা-বাজারে ভালো পয়সা কামায় ॥

অত্যাপিও সেই খেলা খেলে গোরা রায় ।
মধ্যে মধ্যে ভাগ্যবানে দেখিবারে পায় ॥

এই 'দেশ' পত্রিকাতেই আমার এক সতীর্থ কিছুদিন পূর্বে 'করেন ডিগ্রী'-ধারার দৃষ্টির প্রতি কণতরে ঈষৎ জ্বকুটিকুটিল দৃষ্টি নিক্ষেপ করে মর্মাঘাতী আপন মূল বক্তব্যে চলে যান । হয়তো সে স্থলে এ বিষয় নিয়ে সর্বিস্তর আলোচনা করার অবকাশ ছিল না, অর্থাৎ তিনি শেখ চিল্লীর মত মূল বক্তব্যের লাভ এবং ঈষৎ অবাস্তর বক্তব্যের কাউ ছুটোই হারাতে চান নি ।

ঐ গল্পটি বোধ হয় আপনি জানেন না, কারণ শেখ চিল্লী জাতে খোঁটা এবং বাঙালদেশে কখনো পদার্পণ করেন নি । ঘটাপি শ্রীযুক্তা সীতা এবং শাস্তা এবং খুব সম্ভব তাঁদের অগ্রজও মিয়া শেখ চিল্লীর সঙ্গে আমাদের পরিচয় করিয়ে দেবার চেষ্টা করেছেন উপকথার মারকতে—বর্গত রামানন্দের পরিবার যে খোঁটাই দেশে বাল্যকাল কাটিয়েছেন সে কথা আগে জানা না থাকলেও তাঁর শতবার্ষিকী উপলক্ষে লিখিত প্রবন্ধাদি পড়ে বহু বাঙালীই জেনে গিয়েছেন । কিন্তু এ স্থলে আমার যে গল্পটি স্মরণে এল সেটি বোধ হয় তাঁরা ইতিপূর্বে সর্বিস্তর বয়ান করে আমাকে পরবর্তী যুগের 'চোর' প্রতিপন্ন করার সুব্যবস্থা করে যান নি—এই ভরসাতেই সেটি উল্লেখ করছি । করে গেলেও বুটমুট 'বেগবার' তব্ব নেই—কারণ গল্পটি ক্লাসিক পর্যায়ের, অর্থাৎ এর বিষয়বস্তু সর্বসাধারণের কার্যকলাপে নিত্য নিত্য সপ্রকাশ হয় বলে এটি নিত্যদিনের ব্যবহার্য গল্প ।

মা-সরস্বতীর বর পাওয়ার পূর্বে কালিদাস যে আকেশ-বুদ্ধি ধারণ করতেন, হিন্দী-উর্ভাষীদের শেখ চিল্লীও সেই রকম আস্ত একটি 'পন্টক' ('কন্টক' থেকে 'কাটা'—সেই সূত্রানুযায়ী 'পন্টক' থেকে কি উৎপন্ন হয় সে তব্ব সূচত্বর পাঠককে বুঝিয়ে বলতে হবে না ; আসলে এই গূঢ় তথ্যটি আবিষ্কার করার কলেই শ্রীযুক্ত সুনীতি চট্টো অস্বদেশীয় শব্দভাষিকদের পণ্ডিত্যে আপন তথ্য-ই-তাউসে গ্যাট হয়ে বসবার হক্ক কজা করেন) ।

সেই শেখ চিল্লীকে তাঁর মা হাতে একটি বোতল আর পয়সা দিয়ে বাজার থেকে তেল কিনে আনবার আদেশ দিলেন এবং পুত্রের পেটে কি পরিমাণ এলেন গল্প গল্প করছে সেটা জানতেন বলে পইপই করে স্মরণ করিয়ে দিলেন, আসল

তেসটা পাওয়ার পর সে যেন কাউ আনতে না তোলে। শেখ চিল্লী এক গাল হেসে বললেন, 'তা-ও কখনো হয় !'

আমি জানি, আজকের দিনের পাঠক কিছুতেই বিশ্বাস করবেন না যে, কোনো জিনিসের দাম বাজারে কখনো কালে কখনো কমে। কিন্তু করতেই হবে, এই হালের সুকুমার রায়ের যুগেও 'বাড়তি' 'কমতি' ছিল—এমন কি বয়সের বেলাও। আমি যে যুগের বয়ান দিচ্ছি সেটা তারও বহু পূর্বেকার। তাই মিয়া চিল্লীর আশ্রয়জ্ঞানের অভ্যন্তরেই বাজারে তেলের দর হঠাৎ কমে গিয়েছিল। হয়তো কোনো 'রাধাকে' নাচাবার জন্তু নবাব সাহেবের 'ন মন তেলের' প্রয়োজন হওয়াতে তিনিও শায়ের্তা খানের মত তেলের দর সম্ভার বেঁধে দিয়ে বাজার শায়ের্তা করেছিলেন। সেটা এ যুগের 'সন্দেশ' শায়ের্তা করতে গিয়ে স্বহস্তে স্বপৃষ্ঠে ভূতের কিল খাওয়া নয়।

তা সে বা-ই হোক, তেল সম্ভা হয়ে যাওয়ার দরুন মূল তেলেই বোতল কানায় কানায় ভরে গেল। শেখ চিল্লীর ঘটে বুদ্ধি কম ছিল সত্য কিন্তু তার স্বতন্ত্রিত্বটি আমাদের 'দাদখানী তেল, মসুরির বেল'-এর মত ছিল না। তিনি দোকানীকে বললেন, 'কাউ ?'

দোকানী বললে, 'কী আপদ, বোতলে জায়গা কোথায় ?'

শেখ বললেন, 'বটো ! চালাকি পেয়েছ ? এই তো জায়গা।' বলে তিনি বোতলটি উপুড় করে, বোতলের তলার গর্তটি দেখিয়ে দিলেন। মেরি মাগডেলেন যে খুঁটের পদবয় তৈলাক্ত করেছিলেন সেটাকেও হার মানালেন শেখ—অবশ্য স্বহস্তে। দোকানী মুচকী হেসে সেই গর্তটি এক কাঁচা তেল নিয়ে ভরে দিয়ে শেখের কাউরের খাঁইও ভরে দিল।

বোতলটি অতি সন্তর্পণে 'স্টাটুস কুয়ো' বজায় রেখে ধরে ধরে শেখ বাড়ি পৌঁছে মাকে বললেন, 'এই নাও আশ্রা, তোমার কাউ।' তারপর বোতলটি উল্টে খাড়া করে ধরে বললেন, 'আর ভিতরে তোমার আসল।'

আশ্রা-জ্ঞানের পদবয় অবশ্য খুঁটের তুলনায় অল্পই অভিবিক্ত হল।

*

*

দেশ থেকে যে বোতলটি নিয়ে এ-দেশের ছাত্র বিদেশে বিচার তেল—না ভুল বললুম, ডিগ্রীর তেল—কিনতে যার, সেটি নিয়ে সে কোন শেখ চিল্লীর মত কি বেসাতি করে সে তথ্যটি অনেকেরই জানা নেই। না জানারই কথা, কারণ ইংরেজ আমলের পূর্বে এ-দেশে কখনো এই 'ফরেন' ভূতের উপজীব হয় নি। মুসলমান

আমলে কি হয়েছিল সেটা পরের কথা। তার পূর্বে কোনো ভারতসম্ভান 'ফরেন' ডিগ্রীর জন্য কামচার্টকা থেকে কাসাব্লাঙ্কা কোথাও গিয়েছে বলে শুনি নি। তবে জাতক পড়লে পাই, ঐ যুগে তক্ষশিলা ছিল বৌদ্ধ জ্ঞানবিজ্ঞান-চর্চার কেন্দ্র এবং বারাণসী ছিল সনাতন ধর্ম-জ্ঞানবিজ্ঞান-চর্চার জন্য সর্বপ্রসিদ্ধ তীর্থ। তাই জাতকের একাধিক গল্পে পাই, বৌদ্ধ কিংবা বৌদ্ধভাবাপন্ন বারাণসী গৃহী পুত্রকে তক্ষশিলায় বিদ্যার্জনের জন্য পাঠাতেন। তদ্রূপ কাশী সর্বকালেই সনাতন ধর্ম ও জ্ঞানবিজ্ঞানের কেন্দ্রভূমি থাকা সত্ত্বেও হয়তো বিক্রমাদিত্যের যুগে সারা ভারতের কোনো কোনো অঞ্চল থেকে কিছু ছাত্র উজ্জয়িনীতে বিদ্যাভ্যাস করতে গিয়েছে।

মুসলমান আমলে রাজকার্য তথা জ্ঞানবিজ্ঞান চর্চা ফার্সীতে হত। (বৌদ্ধধর্ম লোপ পাওয়ার কালে বৌদ্ধ বিশ্ববিদ্যালয়গুলো লোপ পায়; কিন্তু কাশী ও পরবর্তী যুগে বৃন্দাবনে হিন্দুশাস্ত্র চর্চার ব্যাপক ব্যবস্থা ছিল এবং এখনো আছে।) কিন্তু ফার্সী যদিও পারস্যের ভাষা, তবু এ-দেশের কোনো ফার্সী শিক্ষার্থী তেহরান বা মেশেদ শহরে ফার্সী শিখতে যেত না। ধর্ম চর্চার জন্য ছাত্রেরা পড়তো আরবী, কিন্তু তারাও মক্কা, মদীনা বা কাইরোতে গিয়ে 'ফরেন' ডিগ্রী নিয়ে আসতো না। অবশ্য কোনো কোনো ছাত্র এ-দেশে পাঠ সমাপন করে মক্কায় গিয়ে হজ্জ্ব করার সময় কাবার চতুর্দিকে যে পাণ্ডিত্যপূর্ণ বক্তৃতা দেওয়া হয়, সেগুলো শুনে নিত। অধীনের মাতামহ তাই করেছিলেন।

বিদেশে না যাওয়ার কারণ এ-দেশেই আরবী-ফার্সীর মাধ্যমে উত্তম জ্ঞানবিজ্ঞান চর্চার ব্যবস্থা ছিল। এবং পাঠান-মোগল যুগেও কাবুল, কান্দাহার বা মজার-ই-শরীফে কোনো বড় কেন্দ্র গড়ে ওঠে নি—উঠেছিল দেওবন্দ, রামপুর, সুরট অঞ্চলের রাঁদেরে, হায়দ্রাবাদে, ঢাকায়, সিলেটে। বঙ্গত কাবুল অঞ্চলের মেধাবী ছাত্র মাত্রই আমানুল্লাহর আমল পর্যন্ত দিল্লী অঞ্চলেই পড়াশুনো করতে আসত। আমি কাবুলে ঘাই ১৯২৭ খ্রীষ্টাব্দে। তখন যে কয়টি আরবী-ফার্সী পণ্ডিতের সঙ্গে সেখানে আমার আলাপ-পরিচয় হয় তাঁরা সকলেই উর্দুও জানতেন, কারণ সকলেই বিদ্যাভ্যাস করেছিলেন ভারতে। ঠিক যে রকম বৌদ্ধ যুগে চীনা তথা অন্যান্য বৌদ্ধধর্মাবলম্বী ভ্রমণরা এদেশে শিক্ষালাভের জন্য আসতেন, এখনো অল্পবিশ্বর আসেন।

এমন কি, যে কাইরোর আজহর বিশ্ববিদ্যালয় প্রায় এক হাজার পনরো বছর ধরে ধীরে ধীরে মুসলিম শাস্ত্রচর্চার সর্বশ্রেষ্ঠ সর্ববৃহৎ সর্বাঙ্গীকৃত বিস্তারিত কেন্দ্ররূপে স্বীকৃত হয়েছে, সেখানেও ভারত থেকে কখনো খুব বেশী ছাত্র যায় নি। আমি

যখন (১৯৩৪'৩৫) কাইরোতে ছিলুম তখন পাক (বর্তমান) ভারত উভয়ে মিলিয়েও ত্রিশ-পঁয়ত্রিশ জনারও বেশী ছাত্র ছিল না। পক্ষান্তরে, সেখানে আরবী দর্শনের যে পাঠ্যপুস্তক সম্মানিত ছিল, সেটি জর্নৈক ভারতীয় মোলানা দ্বারা লিখিত।

(এ স্থলে সম্পূর্ণ অলাভুর নয় বলে উল্লেখ করি, সাত শ বছর আরবী-ফার্সী কঠিন একনিষ্ঠ সাধনা করে ভারতীয় মোলবীরা জ্ঞানবিজ্ঞান ধর্ম চর্চায় খ্যাতি অর্জন করেছিলেন সত্য, কিন্তু আরবী দূরে থাক, ফার্সী সাহিত্যেও কোনো কৃতিত্ব দেখাতে পারেন নি। তার এক মাত্র কারণ মাতৃভাষা ভিন্ন অন্য কোনো ভাষায় সাহিত্যের কুৎসিনার গড়া অসম্ভব। তাই যখন দেখি, মাত্র এক শ বছর ইংরেজী চর্চার পর এদেশে কেউ কেউ সে সাহিত্যে টিপি তৈরি করে ভাবছেন সেটি মিনার, তখন বড়ই দিস্ময় বোধ হয়। তাঁরা কি সত্যই ভাবেন, সেই সাত শ বছরের তাবৎ গুণীজ্ঞানীরা—এবং তাঁরা রাজার্থীকুল্য পেয়েছিলেন চেরাপুঞ্জির বর্ষণের চেয়েও বেশী—এঁদের তুলনায় অতিশয় কুকুটমস্তিকধারী ছিলেন? তাই যখন দেখি র্যাঁবোর বদলে হ্যাঁবো—তা হলে 'rare' অর্থাৎ 'বিরল' হবে 'হ্রাহ্', France হবে 'ফ্‌হ্‌াস এবং যেখানে 'r' অক্ষরের সঙ্গে উ-কার যুক্ত, যেমন 'ফ্রুস্ত', সেখানে গতি কি? কারণ 'প'র নিচে 'হ' এবং 'ত্র'ও নিচে উ-কার দিয়ে তৈরি কোন 'হাঁসজারুই' (হাঁস + সজারু + রুই) জাতীয় অক্ষর তো বাঙলা ছাপাখানায় নেই—তখন শুধু সবিনয় সকাতির সভয়ে প্রশ্ন শুধোতে ইচ্ছা করে, 'আপনারা তরুণরা, যে নানাবিধ ভাষা শিখছেন সেটা বড়ই আনন্দের কথা, কিন্তু একবার একটু ভেবে নিলেই তো হয় যে মাইকেল, জ্যোতি ঠাকুর, বীরবল, ধনিবিদ সুনীতি চট্টো, শহীদুল্লা এঁরা কেউই এই বিদকুটে ফরাসী 'র' ধনি যে আলাদা সেটা লক্ষ্য কবলেন না, এটা কি প্রকারে সম্ভবে?' এবং শেষ নিবেদন—জানি আপনারা পেত্যয় যাবেন না, ফরাসী জর্মন এমন কি ইংরাজি 'r'ও বাঙলা 'র'-এর মত নয় সেটা সত্য, কিন্তু তাদের 'r'র সঙ্গে যে আমাদের 'র' মিলছে না সেটা আমরা 'র'-এর উচ্চারণ করার সময় মুখগহ্বরের অন্য জায়গা থেকে করি বলে নয়—তাদের আপত্তি আমরা 'r' উচ্চারণের সময় সেটিকে 'ট্রিল' করি বলে, অর্থাৎ আমরা যখন বলি 'পারি' (প্যারিস) তখন ফরাসী শুনতে পায় যেন আমরা 'r'টা তিনবার উচ্চারণ করে বসে আছি। বিচক্ষণ ফরাসী গুরু তদগুই বলেন, 'কিন্তু মসিয়ো Paris শব্দে মাত্র একটিম "r"—আপনি তিনটে "r" উচ্চারণ করলেন যে?' আমি আরো জানি—আপনারা আরো পেত্যয় যাবেন না যদি বলি, ফরাসী জর্মন উভয় অভিনেতাই [এবং উচ্চারণের ক্ষেত্রে

ধ্বনিবিদ্য পণ্ডিতের মতে এইই সর্বসাধারণের কাছে অধিকতর সম্মান লাভ করেন—ইংলণ্ডেও বার্নার্ড শ-কে বে বি বি সি উচ্চারণ-বোর্ডে সম্মানে নিয়ন্ত্রণ করা হত তাঁর কারণ তাঁর সাহিত্যিক খ্যাতি নয়, নাট্যে উচ্চারণ বাবদে তাঁর ওয়াকিকহালত] চেষ্ঠা করেন বাঙালীর ‘র’র মত আপন ‘r’ উচ্চারণ করতে !!!—কিন্তু ট্রিল না করে। অর্থাৎ জর্মনে যাকে বলে হ্যাল *—উচ্ছল—করাসীতে যাকে বলে ক্ল্যার—ক্লিয়ার, পরিষ্কার, স্বচ্ছ ‘r’ উচ্চারণ করাটাকে আদর্শ ‘r’ উচ্চারণ মনে করেন। তাই মোটামুটিভাবে বলা যায় করাসী বা জর্মন এমন কি ইংরিজী ‘r’ উচ্চারণ করার সমস্ত যদি জিভটাকে মুখের ভিতর ঝুলিয়ে রেখে—অর্থাৎ সেটাকে তালু, মূর্ধা বা দাঁতের পিছনে ছুঁতে না দিয়ে, এবং কাজে কাজেই কোনো প্রকারের ট্রিল বা ক্ল্যাপ্ করবার সুযোগ না দিয়ে—বাঙলা ‘র’ ধ্বনি উচ্চারণ করা হয় তবে ঐ তিন ভাষার ধ্বনিবিদ্য পণ্ডিতরাই আদর্শ “r” উচ্চারিত হয়েছে বলে মনে করেন। তারপর অবশ্য যদি কেউ সেটাকে খাঁটি প্যারিসিয়ান করতে চান তবে সেটা গলা থেকে আরবী ‘গাইন’ ঘেঁষা করবেন, দক্ষিণ-ফ্রান্সের মত করতে হলে কার্সী ‘খে’ ঘেঁষা করবেন, এবং জর্মন বলার সময় কলোন-বন্ অঞ্চলের ‘r’ উচ্চারণ করতে হলে সেটাকেও ঐ কার্সী ‘খে’ ঘেঁষা করবেন। কিন্তু সর্বক্ষণ সাবধান থাকতে হবে যে, ট্রিলিং তুর্কমটি বেন করা না হয়। বীরভূম অঞ্চলে যখন ‘রাম’-এর পরিবর্তে ‘আম’ উচ্চারণ শোনা যায় তখন ঐ ট্রিলটি করা হয় না বলে—এবং রেভুকংসিয়ো আড্ আব্‌হুর্ডুম হয়ে যাওয়ার কালে ‘র’-এর সর্বনাশ হয়ে ‘অ’ ধ্বনিতে পরিবর্তিত হয়। ইংরিজীতেও তাই, কিংবা প্রায় তাই হয়—যখন ‘r’ কোনো স্বরবর্ণের পরে আসে। যথা ‘hard’; এ স্থলে ‘r’ শুধু আগের a-টিকে দীর্ঘ করে। ‘r’-এর পরিপূর্ণ ব্যঞ্জনধর্ম লোপ পায় কিনা সে বিষয়ে সন্দেহের অবকাশ আছে বলে কোনো কোনো ধ্বনিবিদ্য উচ্চারণ দেখাবার সময় তাই ‘r’-হরকটি উন্টো করে দিয়ে লেখেন এবং ছাপা-ধানায়ও হরকটি উন্টো করে ছাপা হয়—লাইনো বা টাইপ-রাইটারে অবশ্য সেটা সম্ভব নয়। আর ‘r’ বলার সময় যদি বাঙলার মত সেটাকে ট্রিল করতে চান, তবে প্রাণ ভরে করা যায় ইতালির ‘r’ উচ্চারণ করার সময় ইংরিজিতে যে স্থলে ‘Irregular’ বলার সময় প্রথম যে দুটো ‘r’ একসঙ্গে এল, সে-দুটোকে দু’বার:

* কথাটা জর্মনে hell, কিন্তু বাঙলার আমি ‘হেল’ না লিখে হাল কেন লিখলুম সে বিবরণ নিয়ে হৃদয় ভবিজতে আলোচনা করার আশা রাখি। কারণ তমৈক পত্রলেখক ইটিকে আমার ‘হিমালয়ান স্নাতক’ পর্ষায় বলেছেন।

উচ্চারণ করতে তো দেয়ই না, একবারই—বাঙলার। হিসেবে—প্রাণে ভরে করতে দেয় কই? সেখানে ইটালিয়ান 'birra' (বিয়ার) বলার সময় যদি 'r'-টা প্রেমসে ট্রিল না করেন—কম-সে-কম দু'বার—তবে বিয়ারের বদলে সেই যে ফুটোয় ভর্তি এক রকম পনির হয় বেয়ারা তারই ফুটোগুলো শুধু প্লেটে করে হয়তো নিয়ে আসবে। এবং শেষ কথা: করাসী জার্মান ধ্বনিবিদ-যে তাঁদের 'r' পরিষ্কার ক্ল্যার হাল উজ্জল রাখতে চান, তার অন্ততম কারণ, গ্রীক এবং লাতিন যে 'r' আছে সেটা সংস্কৃত 'র'-এরই মত পরিষ্কার উজ্জল—এবং জানা-অজানাতে ইয়োয়োরোপীয় পণ্ডিতমাত্রই গ্রীক-লাতিন থেকে খুব দূরে চলে যেতে চান না। এরই উদাহরণ 'গুড্‌বাই, মি: চিপ্‌স্' কিন্নে আছে।)

সত্য জ্ঞান লাভের জন্য তৃষ্ণার্ত জন যুগে যুগে বিদেশ গিয়েছে, বিধর্মীর কাছে গিয়েছে। পয়গম্বর বলেছেন, 'জ্ঞান লাভের জন্য যদি চীন যেতে হয় তবে সেখানে যেয়ো'—বলা বাহুল্য, তাঁর আমলে চীন দেশে কোনো মুসলমান ছিলেন না, এবং তাই ধরে নিতে পারি বিধর্মী 'কাকেরের' কাছ থেকে জ্ঞান সঞ্চয় করতেও তিনি আপত্তিজনক কিছু পান নি।

কিন্তু এই যে 'করেন' যাওয়ার হিড়িক আরম্ভ হল প্রায় শ' খানেক বছর আগে এবং স্বরাজ পাওয়ার পর—কিমাশ্চর্যমতঃপরম্—এখনো বাড়তির দিকে, তার বেশীর ভাগই ছিল 'ইষ্টাঘো' নিয়ে আসার উদ্দেশ্যে—পেটটাকে এলেমে ভর্তি করার জন্য নম্ব। পাঠান এবং মোগল রাজারা এ-দেশেই বাস করতেন, এইটেই তাঁদের মাতৃভূমি, কাজেই বিদেশের ইষ্টাঘোর প্রতি তাঁদের কোনো অহেতুক মোহ ছিল না—যদিও বিদেশাগত ছমুরী গুণীকে তাঁরা আদর করে দরবারে স্থান দিতেন। কিন্তু ইংরেজ কলকাতায় বসেও চোখ বন্ধ করে তাকিয়ে থাকতো লণ্ডনের দিকে, Kedgee ('কেজরী'—খিচুড়ি—কুশর, কুশরায়?—) যাওয়ার সময় চিন্তা করতে আশ্রয় মালুম কিসের।

অতএব সেখানে থেকে যদি কপালে একটি 'ইষ্টাঘো' মারিয়ে নিয়ে আসা যায় তবে পেটে আপনার এলেম গজ্‌গজ্‌ করুক আর নাই করুক, আপনি 'ফ্রেশ্‌ ক্রম্‌ ক্রিষ্টিয়ান হোম', আপনিও এখন গোরা রায়। তাই স্বরাজ লাভের পরও

অতাপিও সেই খেলা খেলে গোরা রায়।

দিবাতাগে মন্দ ভাগ্যে তার মার খায়।

সাবিত্রী

দক্ষিণ ভারতের একটি সানারিয়ারামে আমার এক বন্ধুকে নিয়ে যেতে হয়েছিল। ব্যামো গোড়াতেই ধরা পড়েছিল বলে কেস্ খারাপ হতে পায় নি। আমাকেও তাই কোন প্রকারের সেবা-শুশ্রূষা করতে হত না। হাতে মেলা সময়। তাই কটেজে কটেজে—এ-সব কটেজে থাকে অপেক্ষাকৃত বিস্ত্রশালীরা আর বিরাট বিরাট লাটের একাধিক জেনরেল ওয়ার্ড তো আছেই—ডাক্তাররা সকালবেলাকার রোগী-পরীক্ষার বোর্ড সেরে বেরিয়ে যাবার পরই আমি বেরুতাম আমার রোঁদে। বেচারাদের অধিকাংশকেই দিনের পর দিন একা-একা শুয়ে শুয়ে কাটাতে হয় বলে কেউ তাদের দেখতে এলে সঙ্গে সঙ্গে তাদের মুখ যে কী রকম খুশীতে উজ্জ্বল—এবং যে-ক’টি ফোঁটা রক্ত গায়ে আছে, সব ক’টি মুখে এসে যেত বলে রাঙা—হয়ে যেত, সেটা সত্যই অবর্ণনীয়।

করে করে প্রায় সন্ধ্যাকৈই আমি চিনে গিয়েছিলুম—তরুণ-তরুণী, যুবক-যুবতীই বেশী।

একটি কটেজে আমি কখনো যাই নি, ডাক্তার ভিন্ন আর কাউকে কখনো যেতেও দেখি নি। রোগীর পাশে সর্বক্ষণ দেখা যেত একটি যুবতী—বরঞ্চ তরুণী-ষেঁষা যুবতী বললেই ঠিক হয়—মোড়ার উপর বসে উলের কাজ করে যাচ্ছেন; তাই বোধ হয় কেউ তাঁদের বিরক্ত করতে চাইতো না।

একদা রোঁদ শেষে, পশ্চিমধ্যে হঠাৎ আচমকা বৃষ্টি। উঠলুম সেই কটেজটাতেই।

যুবতীটি ধীরে ধীরে মোড়া ছেড়ে আমার দিকে এগিয়ে এসে অতি ক্ষীণ স্নান হাসি হেসে বললেন, ‘আসুন, বসুন। কী ভাগ্য বৃষ্টিটা নেমেছিল। নইলে আপনি হয়তো কোনদিনই এ-কটেজে পায়ের ধুলি দিতেন না।’

কী মিষ্টি গলা! আর সৌন্দর্যে ইনি রাজরানী হওয়ার উপযুক্ত। কিন্তু সে কী শাস্ত সৌন্দর্য। গভীর রাত্রে, ক্ষীণ চন্দ্রালোকে, আমি নিস্তরঙ্গ, নিস্তরঙ্গ সমুদ্রে দেখেছি এই শাস্ত ভাব—দিক্-দিগন্ত জুড়ে। আমরা প্রাচীন যুগের বাঙালী। চট করে অপরিচিতার মুখের দিকে তাকাতে বাধা বাধা ঠেকে। এঁর দিকে তাকানো যায় অসঙ্কোচে।

রোগীও সুপুরুষ, এবং এই পরিবেশে খাটে শুয়ে না থাকলে বলতুম, রীতিমত

স্বাস্থ্যবান । শুধু মুখটি অস্বাভাবিক লালচে—যেন গোরা অকিসারের মুখের লাল ।

জীর কথায় সায় দিয়ে হেসে বললেন—গলাটা কিন্তু রোগীর—‘রোজ চারবেলা দেখি আপনাকে এ-পথ দিয়ে আসতে যেতে । পাশের কটেজে শুনি আপনার উচ্চহাস্য । শুধু আমরাই ছিলাম অস্পৃশ্য ! অথচ দেখুন, আমি মুখজো বামন—’

আমি গল্প জমাবার জন্ত বললুম, ‘কোন্ মেস ? আমার হাতে বাঁড়ুজো ফুলের মেল একটি মেয়ে আছে ।’

এবারে দুজনার আনন্দ অবিমিশ্র । এ লোকটা তাহলে পরকে ‘আপনাতে’ জানে । তিনুহুর্তে জমে গেল ।

খানিকক্ষণ পরে আমি বললুম, ‘আপনারা দুজনাই বড় খাঁটি বাঙলা বলেন, কিন্তু একটু যেন পুরনো পুরনো ।’

মুখজো বললেন, ‘আমি ডাক্তার—অবশ্য এখন অবস্থা “কবরাজ । ঠেকাও আপন স্বমরাজ ।” তা সে থাকগে ! আসলে কি জানেন, আমরা দুজনাই প্রবাসী বাঙালী । তিনপুরুষ ধরে লক্ষ্মোয়ে । আমার মা কাশীর, ঠাকুরমা ভট্টপল্লীর । সেই ঠাকুরমার কাছে শিখেছি বাঙলা—শাস্ত্রীঘরের সংস্কৃতধৈষা বাঙলা । সেইটে বুনিয়াদ । সবিতা আমাদের প্রতিবেশী । আমার ঠাকুরমার ছাত্তী । আমরা দুজনা ছবছ একই বাঙলা পড়েছি, শিখেছি, বলেছি । তবে ম্যাট্রিক পর্যন্ত উর্ শিখেছি বলে মাঝে মাঝে দু-একটি উর্ শব্দ এসে যায়—আমার ভাষাতে, সবিতার না । আপনার খারাপ লাগে ?’

আমি প্রতিবাদ করে বললুম, ‘তওবা, তওবা ! আমি বাঙালী মুসলমান আমরা ইওহী দু-চারটে কান্হো আরবী-ফার্সী শব্দ ব্যবহার করি ।’

পাশ ফিরে, আপন দুই বাহু আমার দিকে প্রসারিত করে দিলেন । আমি আমার হাত দিলুম । দুহাত চেপে ধরে, চোখ বন্ধ করে, গভীর আত্মপ্রসাদের দীর্ঘশ্বাস ফেলে বললেন ‘বাঁচালেন ! আপনি মুসলমান ।’

আমি একটু দিশেহারা হয়ে চূপ করে রইলুম ।

জিজ্ঞেস করলেন, ‘আপনি যত্রতত্র খান এখানে ? ডাক্তার হিসেবে বলছি, সেটা কিন্তু উচিত নয় ।’

আমি বললুম, ‘আমি যত্রতত্র যা-তা খাই, এবং ভবিষ্যতেও খাবো । অপরাধ নেবেন না ।’

‘বাঁচালেন !’ এবারে আমি আরো দিশেহারা ! আমি তাঁর পরামর্শ অমান্য করছি দেখে তিনি খুশী ।

‘বাঁচালেন ! জানেন, প্রথম দিনই আপনার চেহারা দেখে, অদ্ভুত সাদৃশ্য লক্ষ করলুম আমার এক মুসলমান বন্ধুর সঙ্গে ।’

দ্বীপ দিকে তাকিয়ে বললেন, ‘তোমায় বলি নি, সবিতা ?’

সবিতা এতক্ষণ ধরে শুধু উল বুনে যাচ্ছিলেন । মাথা তুলে সন্দেহ জানিয়ে বললেন, ‘এমনকি, চলার ধরনটি, গলার সুরও !’

মুখোজ্যে বললেন, ‘সেই বন্ধুটি যদি আজ এ-লোকে থাকতো, তবে আজ আমার এ-দুর্দশা হত না ! সে কথা থাক । মূল বক্তব্য এই : ঠাকুরমা প্রায় তামাম পরিবার, প্রায় সেই সখার পরিবার—সবাইকে লুকিয়ে, বিস্তার ছলনা-আল বিস্তার করে আমি ছেলেবেলা থেকে খেয়েছি ওর মায়ের তৈরী মুর্গা-মটন । সে খেত আমাদের বাড়িতে নিশ্চিত মনে । আপনি বোধ হয় জানেন না—’

‘বিলক্ষণ জানি, স্বর্গত হরপ্রসাদ শাস্ত্রী—আপনার ঠাকুরমার পাড়ার লোক—বাড়িতে দিলী-বিদেলী সবাইকে :খাওয়াতেন । তাঁর ছেলে, স্বর্গত বিনয়তোষ । তিনিও নিষ্ঠাচারী ছিলেন । ঝাড়া আটটি বছর প্রতি রোববারে, তাঁর সামনে বসে, তাঁর সঙ্গে মধ্যাহ্ন-ভোজন করেছি আমি, মুসলমান ।

ডাক্তার বললেন, ‘তারপর ঠাকুরমা মা আর সবাই গত হলেন । রইল ঐ দোক্ত-ইয়ার-সখা বেদারু-বখ্শ্ । একই বছরে দুজনায় ডাক্তারি পাশ করলুম । ইতিমধ্যে আমার বিয়ে হয়েছে । সবিতা রাঁধে ভালো, কিন্তু তার মা তাকে বলে দিয়েছিলেন, ‘অস্বস্ত রান্নার ব্যাপারে বাপের বাড়ির ঐতিহ্য তুলে গিয়ে, স্বামী যে-ভাবে খেতে চায় ঠিক সেইভাবে খাওয়াবি ।’ তাই সবিতা বেদারের মায়ের কাছ থেকে শিখলো বিরয়ানী থেকে কালুদা, বুরহানী থেকে আজওয়ান কুটি ।

অতএব স্মার, কাল দ্বিপ্রহরে এখানে একটু হবিষ্কার করবেন—’ হেসে বললেন, ‘অবশ্যই, মোগলাই ! আসলে কি জানেন, এই যে চোখের সামনে সবিতা উদয়ান্ত উল বোনে, এটা, it gets on my nerves ! আর সবিতা একটি পারকেকট আর্টিস্ট । রন্ধনে । তার অনুশীলন নেই, রেওয়াজ নেই । আপনার শোক হয় না ? আমার তো ওসব খাওয়া বারণ । নিজের জন্ত—’

আমি সবিতার দিকে তাকিয়ে আমার মাকে দেখতে পেলুম ; বাড়িতে কেউ না থাকলে মা হাঁড়ি পর্যন্ত চড়াতো না । তেল-মুড়ি খেয়ে শুয়ে পড়তো । আর এই সবিতা নাকি বিশ্বাস বিবর্ণ মাছসেদ, কপিসেদ, পাতলাসে পাতলা বেন কড়াই-ধোয়া-জল স্থপ নামে পরিচিত গরুঘস্রণা স্বামীকে খেতে দিয়ে নিজে গণ্ডারগ্রাসে খাবে বিরয়ানী, বুরহানী কাবাব-মুসল্লম ।

আমি বললুম, 'কিন্তু তওবা! তা-ও কখনো হয়! কিন্তু আমি একা-একা
খাব?—কেমন যেন?'

আর্তনাদ করে বললেন, 'আপনি বিশ্বাস করতে পারেন না, রান্নাঘর থেকে
সবিতার রেওয়াজের গন্ধ আমার নাকে আসবে—আচ্ছা, আপনি না-হয় আড়ালেই
খাবেন, শুধু আমি পদগুলো কম্পোজ করে দেব। আপনাকে এ-নিমন্ত্রণ সাহস
করে জানালুম, আপনি বড়তড় খান শুনে। নইলে—'

আমি বললুম 'ডাক্তার, আমি জানি, আপনাদের অনেককাল ধরে কথা বলা
বারণ। কাল সকালের রোঁদ সেরেই আসবো। ছুপুরে খাব।'

সবিতা রান্না অবধি নেমে এসে বললেন—মাথা নিচু করে, প্রায় হাতজোড়
করে, 'এই ছু' বছর ধরে আমরা এখানে আছি। এই প্রথমবার তিনি পুরো আধ
ঘণ্টা ধরে খুশিতে আনন্দে সময় কাটালেন। আপনি দয়া করে আসতে তুলবেন
না। বড় ডাক্তার বলেছে, উনি কুতিতে থাকলে তাড়াতাড়ি সেরে উঠবেন।
আমি ঠুকে বাঁচাতে চাই। আপনি আমার প্রতি দয়া করুন—'

হঠাৎ ধপ্ করে রান্নার পাশে হাঁটু গেড়ে আমার পায়ের উপর তার মাথা ঠুকে
দিল। এত চুঃখের ভিতরও আমি দেখলুম, বস্তার জলের মত এক মাথা গোছা
গোছা গাদা গাদা কালো চুল ঘোমটার বাঁধ সরিয়ে আমার দুই গৌড়ালির হাড়
পেরিয়ে, মাঝ-হাঁটু অবধি ছাপিয়ে দিল। এ-চুল আমি দেখছি, অতিশয় শৈশবে,
'আজ মনে হয়, যেন আধাস্বপ্নে, যেন কুয়াশার ভিতর দিয়ে, আমার মায়ের মাথায়।

সতীসাক্ষী যুবতীকে স্পর্শ করা গুনাহ্। জাহান্নামে বাক গুনাহ্।

ছহাত দিয়ে তাকে তুলে ধরলুম। বললুম, 'মা! ঈশ্বরে বিশ্বাস রেখো।'

সীমন্তিনী বললে, 'আমি আল্লাকে ইয়াদ করি।' ॥

আমি বললুম, 'সেও বুঝলুম, কিন্তু মেয়েটা বিপদে পড়েছে, আর কেউই সাহায্য করছে না! এটা একটা কথার কথা হল?'

অসহায় ভাব দেখিয়ে বললে, হিন্দুদের ব্যাপার, কি করে বুঝি বলুন। ছ' একটি মুসলমান আছে। তারাও হিন্দুদের ঐ সব দেখে বোধ হয় সাহস পাচ্ছে না।'

আমি বললুম, 'জাহাজে ডাক্তার নেই? প্যাসেঞ্জারের ভিতরেও?'

'তারই সন্ধান চলছে, হুজুর।'

তারপর খানসামা বিজ্ঞভাবে দাড়িতে হাত বুলোতে বুলোতে যেন আপন মনে বললে, 'ঘতসব নাদান বেকুবের কারবার। আরে বাপু, মেয়েটার মাথায় এক খাবড়া সিঁদুর আগে লেপটে দিলেই তো পারতো।'

(জানি নে, ভাতে করে কি হত। হালে এ্যাবোপেনে নাকি এমতাবস্থায় এ্যারহোস্টেস্ সাহায্য করতে রাজী হয় নি)।

আপন ক্যাবিনে ফিরে যাচ্ছি এমন সময় এক সঙ্কদয় প্যাসেঞ্জার আমাকে পাকড়ে বললে, 'আপনি চলুন না, স্তার।'

তাজ্জব মেনে বললুম, 'আমি!'

'কেন? আপনি তো ডাক্তার।'

বুঝলুম, আমার ট্রাকে বা রিজার্ভেশন কার্ডে দেখেছে, লেখা, Dr.। কাতর কণ্ঠে বোঝাতে চেষ্টা করলুম, সেটা ভিন্ন বস্তু, বেকার, 'ফরেন'। এটা দিয়ে মাছিটার হেঁড়া পাখনাও জোড়া দেওয়া যায় না। লোকটি বড়ই সরল। তাকে কিছুতেই বোঝাতে পারি নে, চিকিৎসার ডাক্তার এক প্রাণী, আমার ডক্টরেট ত্রিসংসারে কারো কোনো কাজে লাগে না। এধরনের গেরো আমার জীবনে আরো ছ' দু'বার হয়ে গিয়েছে।

ইতিমধ্যে জাহাজে নতুন চাকল্য। কোথেকে পাওয়া গেছে এক না-পাস্ কম্পাউণ্ডার। সে বোধ হয় 'শ্মশান-চিকিৎসার' করতে রাজী হয়েছে। তবে বলছে, একটি মেয়েছেলের সাহায্য পেলে ভালো হত।

তারপর যা দেখলুম, সে দৃশ্যটি আমার জীবনে ভুলবো না।

ঐ যে পূর্বে বলছিলুম, জাহাজে তখনকার দিনের কলেজের ছ' পাঁচটা 'আধুনিক' নিঃসঙ্কোচে ঘুরে বেড়াতো, তাদেরই একটি—লম্বা, ছিপছিপে শ্রামবর্ণ, পরনে সাদামাটা শাড়ি ব্লাউজ—গমগম করে কম্পাউণ্ডারের দিকে এগিয়ে গেল, ছ' হাত দ্বিগুণে ভিড় ঠেলে ঠেলে। তখন চতুর্দিক থেকে উঠেছে তার দিকে 'ছ্যা ছ্যা ছি ছি' রব। সকলের টার্গেট তখন ঐ আসন্নপ্রসবা নয়—তখন এই ভয়কথা।

আমি জীবনে ছ'জন পরমহংস দেখেছি ।

আর এই দেখলুম, পরমহংসী । ঠোটে ঠোট চেপে নয়, সর্ব দিকার, সব ব্যঙ্গ,
সব বিক্রম উপেক্ষা করে প্রসন্ন বদনে সে এগিয়ে যাচ্ছে ॥

১৩।১১।৬৫

করাইজ্

‘বাপের বাড়ি’, ‘খন্ডরবাড়ি’, ‘পিতৃগৃহ’, ‘পতিগৃহ’, ‘মুখ্যগৃহ’, ‘গৌণগৃহ’, ইত্যাকার
বহু প্রকার ‘গৃহের’ নবীন নামকরণের প্রস্তাব পত্রান্তরে হয়ে যাচ্ছে । এই সুবাদে
মুসলমানদের ভিতর কি রীতি প্রচলিত আছে সেটার উল্লেখ বোধ হয় সম্পূর্ণ
অবাস্তব হবে না । কারণ হিন্দু এবং মুসলমান ধর্মের লোকাচারে, বিষয়সম্পত্তি
বন্টন বাবদে যতই পার্থক্য থাক না কেন, উভয় ধর্মাবলম্বীরই ভাষা বাঙলা, এবং
মুসলমান মেয়েও বলে ‘বাপেরবাড়ি’ ‘খন্ডরবাড়ি’ । তবু একটা ব্যাপারে সামান্য
তফাত আছে ।

অন্ন হোক, বিস্তর হোক, পিতার মৃত্যুর পর মুসলমান মেয়ে বাপের সম্পত্তির
কিছুটা হিশ্তে পায় । অর্থাৎ পৈতৃক ভদ্রাসনেও তার আইনত অংশ বিদ্যমান থাকে ।
একেই বলে ‘করাইজ্’ ।

কার্যত কিছু সে এ-করাইজ্ দাবি করে না । এমন কি পতিগৃহে তার লোভী
স্বামী যদি তাকে গ্ৰাঘ্য হক পওয়ার জ্ঞান ক্রমাগত টুইয়ে দিতে থাকে তবু সে সেটার
দাবি করে না, মোকদ্দমা করতেও রাজী হয় না—আর স্বামী নিজের থেকে কোনো
দাবি দাওয়া করতে পারে না, কারণ হক তার জীর, তার নয় ।

বোন কেন মোকদ্দমা করে না, তার একাধিক কারণ আছে । লোকাচারে
বাধে (এতে হয় তো কিছুটা প্রতিবেশী হিন্দুর প্রভাব আছে); এবং দ্বিতীয়ত তার
অল্প স্বার্থ আছে । সে যদি তার গ্ৰাঘ্য পাওনা নিয়ে নেয়, তবে সে অর্থ হয়তো
খর্চা হয়ে যাবে, এবং স্বামীর মৃত্যুর পর সে যদি কোনো কারণে অসহায় হয়ে যায়—
দেবর ভাণ্ডর তাকে অবহেলা করে—তবে তার অল্প আশ্রয় থাকে না । পক্ষান্তরে
সে যদি করাইজ্ না নেয়, তবে সে তারই হকের জোরে বাপের বাড়িতে এসে
আশ্রয় নিতে পারে । এমন কি খন্ডর ভাণ্ডর স্বামীর জীবিতাবস্থায়ও যদি তার

উপর अत्यधिक चोटपाट हय तवे से कर्राईजेर हके बापेर (वा बाप मरे गिरे धाकले) भाईयेर बाड़िते एसे आश्रय निते पारे ।

आरो एकटा कारण आछे । मुसलमान मेरे माजई आशा करे, से येन बहरे अस्तुत एकवार तार बाप मा भाईबोन, छेलेबेलार पाड़ाप्रतिवेशीके देखते येते पार । ए खुले अरण करिये दि, वियेर सजे सजे मुसलमान मेरेर नाम पदवी बदलाय ना । मुसलमान विवाह अनेकटा सिभिल म्यारिजेर मत कनट्राक्ट म्यारिज—सेक्रेमेटाल नय । अपराध यदि ना नेन, तवे उल्लेख करि, आमार पितार नाम छिग सैयद सिकन्दर आली । अथच आमार मा चिरकालई नाम सई करेछेन, आमतुल मन्नान धातुन चोर्धुरी । मिसस आली, मिसस सैयद—वा बेगम आली ए सब हाले इंगरेजेर अहूकरणे हयेछे ।

* * *

एवारे गरीब दुःखी चाबीबासीदेर एकटा उदाहरण नि । पूब बाङलार ।

मने करुन चाषा केरामतुला मारा गेछे । तार मेरे जयनबेर विये हयेछे बेश दूरे तिनू गाये । जयनबेर बाल्यावस्थाय तार मा मारा दाय बले केरामतुला दूसरा शादी करेछिल । से पक्केर छेले आकरम बिधवा माके निये, विये करे मोटामुटि सुखे हछन्देई आछे । स७ बोनके आर अरणेई आने ना । तार माओ सतीनेर मेरे जयनबके छु' चोथे देखते पार ना । अतएव जयनब बेचारी बापेर बाड़िर मुख देखते पार ना । जयनबेर खुन्नरबाड़िर गायेर लोके भाई निये ठाट्टा मझरा करे । ओदिके लोडी स्वामीओ बले, 'कर्राईज् चये ने ।'

जयनब बेचारी तখন यदि दैवयोगे बापेर गायेर काउके पेरे यार तখন ताके दिसे भाईके खबर पाठाय ताके येन एसे बापेर बाड़िते कय्येकदिनेर अन्त निये घाय—एकेई बले 'नाईओर' याओया । भाई खबर पेरेओ गा करे ना—आर स७मार तो कथाई नेई । बेचारी जयनब एकाधिकवार खबर पाठिये हयनान हये गेल । ओदिके बापेर गायेर लोक तो आर तार खुन्नरेर गाये निशिये निशिये आसे ना ये निशिये निशिये खबर पाठावे ।

तখন से धरे अन्त पहा । नदीते जल आनते गिये सुबोग पेलेई समर काटाय विस्तार । एवं अभावतई तार गायेर सब माखिदेर से चने । तादेर काउके देखते पेले पाड़े वसेई चिंकार करे तार करियादति जानिये देर । सविस्तारे बलते हय ना—सबाई सब खबर जाने ।

तातेओ यदि ओबूध ना धरे, तখন से धरे कुर्रमूर्ति ।

শাসিয়ে দেয়, তাকে নাইওর না নিয়ে গেলে সে করাইজের মোকদ্দমা করবে।

এইবার ভাইয়ের কানে কিঞ্চিৎ জল যায়। তাও পুরোমাত্রায় না। ইতিমধ্যে গায়ের মুক্বিদেবের কানেও তাবৎ করিয়াদ পৌঁচেছে—বিশেষত সেইসব বৃদ্ধদের কানে যারা বিয়ের ঘটকালি করেছিলেন। তাঁরা তখন ছোকরাকে বুঝিয়ে বলেন, 'তোমার আছে কুলে আড়াই বিষত জমি—আচ্ছা, তার না হয় কিছুটা গেল; কিন্তু তোমার বসত-বাড়িতেও যে ছুঁড়ির হিশ্তে রয়েছে। সেইটেও তুই লাটে তুলবি নাকি? যা, যা, বোনকে নিয়ে আস।'

আমি এতক্ষণ যা বললুম, এসব পূর্ব-বাঙলার লোকসঙ্গীতেও আছে। তারই একটির শেষ দুই লাইনে আছে,

“ধাকো গো বোন, ধাকো গো বোন,

কিলগুঁতা ধাইয়া,

*আষাঢ় মাসে লইয়া যাইমু

পঙ্খীরাজ ওড়াইয়া ॥”

ভাই নৌকা নিয়ে আসার খবর পাওয়া মাত্রই বোন লেগে যায় নানারকম মিষ্টি পিঠে বানাতে। শাশুড়ী গজর গজর করে, কিন্তু জা-রা তো একই গোয়ালের গাই, তারা সাহায্য করে।

নৌকা এল। বোন সগর্বে হাঁড়ি ভর্তি মিঠে-পিঠে নিয়ে নৌকায় চাপলো। গায়ের মেয়েরা এখন আর তাকে খোঁটা দিতে পারবে না। এতো সতীর নিঃসঙ্গ হিমালয়-যাত্রা নয়।

*

*

বুদ্ধিমতী মেয়ে বলে বাপের বাড়ি গিয়ে জয়নব পাড়াময় চর্কিবাজি মেরে দিন কাটায় না। অবশ্য সর্বপ্রথম মিঠে-পিঠে নিয়ে আত্মীয়-স্বজন, সেইটাইদের সঙ্গে দেখা করতে যায়, কিন্তু তারপরই লেগে যায় নূতন ধানচাল যা উঠেছে তার দুর্লভ-ব্যবস্থা করতে। অবশ্য একথাও ঠিক, কেউ তা সে যে কোনো স্ত্রীপুরুষই হোক যদি সন্ধ্যা-শাম বেঘোরে ঘুমোয় তবে লোকে প্রবাদটা বলে, 'দেখো খোদার খাসিটা ঘুমুচ্ছে যেন “নাইওরী-মাগীটার” মত।

এই করে করে 'নাইওর' বাস যখন শেষ হয়, তখন বাপের বাড়িতে আবার

* লেখকের মনে ঈষৎ সন্দেহ আছে, এ স্থলে ভাই বোধ হয় বোনকে কিঞ্চিৎ ধাক্কা দিচ্ছে। বোনকে সচরাচর নাইওর নেওয়া হয় অত্রান মাসে ধান কাটার পর। কিন্তু আমি সঠিক বলতে পারবো না। কারণ দেশ ছেড়েছি দুই বৃন্দ পূর্বে।

মিঠে-পিঠে তৈরী আরম্ভ হয়—এগুলো সে নিয়ে যাবে খুশরবাড়িতে । তাই অস্তত একখানা শাড়ি, একটি কুর্তা কিনে দেবে বোনকে—জামা-ফ্রক ভাগেভাগিকে ।

জয়নব কিন্তু খান ভানা খান কোটাতে এমনই সাহায্য করে যেন তাই, সৎমা স্ত্রী চীপ-লেবারের প্রলোভনে তাকে আসছে বছর নিজের থেকেই ‘নাইওর’ নিয়ে আসে—করাইজের মোকদ্দমার শাসানি যেন মাঝি-মাল্লা মারফত না পাঠাতে হয় । খুশরবাড়ি ফিরে জয়নব আবার দেমাক করে, ‘আমি মাগনা খাই নে পরি নে । যদিও ওখানে ছিলুম সৎমাকে কুর্টাটি পর্যন্ত কুড়োতে দি নি !’

*

*

এতক্ষণ যা নিবেদন করলুম এটা হিন্দুদের বেলাও প্রযোজ্য । প্যাটার্ন মোটা-মুটি একই তবে তফাতটা কোথায় ?

তফাত ঐ করাইজের হক, ড়ারেস, ব্ল্যাকমেল (অবশ্য বেআইনী নয়) দিয়ে সে বাপের বাড়ি যাবার হক আজীবন জিইয়ে রাখে । স্বামীর সঙ্গে না বনলে সেই হকের জোরে অনির্দিষ্ট কালের জন্ত বাপের বাড়ি চলে আসে । অবস্থা চরমে পৌঁছলে সেখানে বসে স্বামীর বিরুদ্ধে প্রতিজ্ঞাবদ্ধ গ্ৰাঘ্য স্ত্রীধনের মোকদ্দমা লাগায় । কিংবা যদি স্বামীর মৃত্যুর পর ভাণ্ডর-দেওর তাকে অসম্মান করে তবে সে চলে আসে বাপের বাড়িতে, ঠুঁকে দেয় ওদের বিরুদ্ধে মোকদ্দমা । এগুলোই আসল তত্ত্ব বলে পুনরাবৃত্তি করলুম ।

*

*

এ সব সম্ভব বাপের বাড়ির করাইজের জোরে ।

তাই সেটি সে কখনো হাত-ছাড়া করে না । লোভী স্বামী যতই চোটপাট করুক না কেন ।

হিন্দু মেয়েরা একটু চিন্তা করে দেখবেন ॥

২৭।১১।৬৫

চোখের জলের লেখক

ইংরিজির শব্দভাণ্ডার অতুলনীয়। তন্মধ্যে একটি শব্দ 'গ্যাগা'-এর সঠিক উচ্চারণ না জানা থাকলেও ক্ষতি নেই। 'গ্যাগা' শব্দের অর্থ, লোকটার ব্রেন্-বক্সে যা আছে—যদি কিছু আর্দ্র থাকে—সেটা এমনই হযবরল গোবলেট পাকানোর জগা-খিচুড়ি যে কেউ কিছু বললে তার গলা দিয়ে যে ধ্বনি বেরয় সেটা 'গাগা', 'গ্যাগো,' 'গ্যাগা, গোঙরানো ঢপের—কাজেই শব্দটির যে কোনো উচ্চারণই মঞ্জুর। অর্থাৎ গাগার সঙ্গে ইম্বেসাইল, ইডিয়ট ('পন্টক' বললুম না, কারণ স্ননীতিবাবুর শব্দটির কপি-রাইট মেরে দিয়ে সেটার পাইরেটিং সংস্করণ বের করার দরুন পাড়ার ছোঁড়ারা আমাকে 'কন্টক' থেকে 'কাঁটা,' 'পন্টক' থেকে 'পাঠা' বের না করে আড়াল থেকে আমাকে 'পন্ঠক' বলতে আরম্ভ করেছে) গোবর-গণেশ যে কারো সঙ্গে তুলনা করলে শেবোক্তদের অপমান করা হয়।

সেই গ্যাগাদের গ্যাগা—গ্যাগায়েস্টের মত আমি শুধু অর্থহীন কতকগুলো ধ্বনি বের করলুম যখন আমার এক নিত্যলাপী গুণী বললেন, জর্নৈক অধ্যাপক* নাকি প্রকাশ সভাস্থলে রায় প্রকাশ করেন, স্বর্গত, প্রাতঃস্মরণীয় শিল্পীরাজ শরৎচন্দ্র চট্টোপাধ্যায় নাকি খাডোকেলাশ্ 'চোখের জলের লেখক'। আচ্ছা, পাঠক, তুমিই কও, সেশ্বলে তুমি কি করতে! শরৎচন্দ্র কাঁদিয়েছেন! শরৎচন্দ্র হাসান নি! সামাজিক নিষ্ঠুরতার কাঁটাবনের উপর দিয়ে আমাদের কান ধরে হিড়হিড় করে টেনে নিয়ে যান নি।—কাঁদাবার জন্তু নয়, যন্ত্রণায় চিৎকার করার জন্তু। ব্যঙ্গ, শ্লেষ, বিক্রপ-বাণে আমাদের জর্জরিত করেন নি?

এই পুণ্য বঙ্গভূমিতে শতাধিক বর্ষ ধরে দুটি দল আছে। রামমোহন বনাম সতীদাহের দল, বিদ্যাসাগর বনাম নিরঙ্গু উপবাসের দল, রবীন্দ্রনাথ বনাম—তা সে যাই হোক। সেই দল চেষ্টা করেছিলেন শরৎচন্দ্রকে নেতা বানিয়ে রবীন্দ্রনাথকে অতিষ্ঠ করে তুলতে। তাঁরা মাষা পরিমাণ কৃতকার্য হয়েছিলেন সন্দেহ নেই, কিন্তু শেষ পর্যন্ত দেখা গেল, শরৎচন্দ্র দলের বাইরে। শরৎচন্দ্র যেমন 'দত্তার' 'রাসবিহারী' চরিত্র আঁকে, ঠিক তেমনি 'নারীর মূল্য'ও লিখতে জানে। (আশা করি বলার

*যে-কোনো কারণেই হোক, বন্ধুবর নাম উল্লেখ করলেন না, আমিও শুধোই নি।

প্রয়োজন নেই, যে শরৎচন্দ্র এই অমূল্য গ্রন্থ কাঁদাবার জন্য লেখেন নি ; পাঠক, আপনি সে বই পড়ে কি ভেবেছেন সঠিক বলতে পারবো না ; আমার মনে হয়েছে, 'আমি যেন দু' গালে চড় খাচ্ছি এবং জানি যখন এ-ই আমার প্রাণ তাই আমি তখন কাঁদি নি—কারণ কাঁদবার হুকু ও সঞ্চয় করতে হয় ।)

এদিকে কিন্তু রবীন্দ্রনাথের 'অন্ধভক্তের' দল—ডেকে আন্ বললে যারা বেঁধে আনে—(যদিও আমি রবীন্দ্র-শিষ্য হিসেবে শপথ করে বলতে পারি, তিনি ডেকে আনতেও বলেন নি) লাগলেন শরৎচন্দ্রের পিছনে । তার জের আজও চলছে । অবশ্য এস্থলে আমি করজোড়ে ক্ষমা ভিক্ষা করে নিবেদন করি, পূর্বাভিধিত অধ্যাপক এ-'দলের' নাও হতে পারেন । তিনি হয় তো তাঁর স্বাধীন ধর্মবুদ্ধি অনুযায়ী তাঁর বক্তব্য বলেছেন ।

কিন্তু এসব 'বৃথা বাক্য'—। স্বয়ং রবীন্দ্রনাথ একটি 'তুলনাশীনা' কবিতা লিখতে লিখতে হঠাৎ লিখেছেন, 'বৃথা বাক্য থাক' । গুরুবাক্য স্মরণে এবং সেই নীতি অনুযায়ী আমারও মন তাই এতক্ষণ ধরে বৃথা বাক্য ভুলে গিয়ে শুধু আঁকুবাঁকু করছে, মেজদার স্মরণে—যিনি দুর্দান্ত শীতের রাতে লেপের ভিতর কচ্ছপটির মত শুয়ে আছেন আর শ্রীকান্ত তাঁর জন্য পাতা উন্টে দিচ্ছেন, হঠাৎ ব্যাভ্ররূপী 'বউরূপীর' আবির্ভাব, ভিরমি কাটলে পর মেজদা ফৌণ কণ্ঠে বগলেন, 'দি রয়েল শেঞ্জল টাইগার'—ইতিমধ্যে ধড়ম পেটাতে পেটাতে (আহা, কী সুন্দর ছবিট !) কটুবাক্য, 'ধোটার ব্যাটার কাঁঠাল পাকা দিয়া'—এং সর্বশেষ পিনোয়ার সাত পাকের সোয়ামীর প্রতি অত্যন্ত প্রাকটিকাল সময়োপযোগী সহপাঠক,—কাটা গাজটি ভবিষ্যতের সুব্যবহারার্থে তরিবৎ করে তুলে রাখার জন্য—সে কালে বোধ হয় ভাগলপুরে ব্যাক্তে ভস্কটের ব্যবস্থা ছিল না । কিন্তু সাবধান ! আমাকে সর্বক্ষণ সচেতন হয়ে থাকতে হবে যেন ফাঁদে পান না দি ;—শরৎচন্দ্র যে বাঙালাদেশকে হাসিয়েছেন তার উদ্ধৃতি দেবার প্রয়োজন সম্বরণ না করলে বর্তমানে যাদের হাতে শরৎগ্রন্থাবলীর কপিরাইট তাঁরা আমাকে জেলে পুরবেন—পাতার পর পাতা নিছক পুনর্মুদ্রণ তাঁরা বরদাস্ত করবেন কেন ? অথচ আমার বক্তব্য তো স্পষ্টতম হবে, যদি আমি একটি মাত্র বাক্য ব্যয় না করে নিছক উদ্ধৃতির পর উদ্ধৃতি দিয়ে যাই ।

তর্ক স্থলে স্বীকার করছি কাঁদানো সহজ । হাসানো কঠিন । টেকো ভদ্রলোক তাঁর বাদ বাকি কুলে আড়াইগাছা চুল দিয়ে মাথার সামনের দিকের চালটা যেন খড় দিয়ে ছাওয়ার নিফল প্রচেষ্টা করেছেন—তাই দেখে রকে বসে আমার তিন ভাগনে যে 'সেব্রামীর' টিপ্পনী কাটলে সেটি অনায়াসে অলিম্পিকে পাঠানো যায়

এবং সেটি আমি ঘরের ভিতর থেকে স্পষ্ট শুনতে পেলুম। কিন্তু, হায়, ওদের মতো যোগ দিতে পারলুম না, কারণ, সরলতম কারণ, আমার আপন টাকটি—থাক, 'বুধা বাক্য থাক'। কিন্তু ঠিক ঐ সময় অল্প একটি ভদ্রলোক রাস্তা দিয়ে যাবার সময় রক থেকে যদি শব্দ আসতো, 'আহা বেচারী, কাল রাতে তার ছেলেটি—জানিস, কি হয়েছে?'—বাকিটা শুনতে পেলুম না বলে হেঁকে শুধালুম, 'কেন রে, কি হয়েছে?' 'টাইকয়েডে একটা চোখ গেছে।' আমি তখন রকেরই একজন হয়ে গেলুম।

কিংবা সরলতর উদাহরণ দি।

ঐ বৈঠকখানায়ই বসে আছি। বাড়ির বউঝিরা রান্নাঘরে কিসকিস করে গালগল্প করতে করতে—রাঁধে মেয়ে কি চুল বাঁধে না—হঠাৎ সবাই এক সঙ্গে হেসে উঠলো। আমি যত গ্যাগা-ই হই না কেন, উঠে গিয়ে শুধবো না, 'হ্যা, বউমা, তোমরা হাসাছিলে কেন?'

কিন্তু তারা যদি হঠাৎ এক সঙ্গে ডুকরে কেঁদে উঠে তবে আমি হস্তদস্ত হয়ে ছুটে গিয়ে জানতে চাইবো তারা এ রকম ধারা হঠাৎ কেঁদে উঠলো কেন? অর্থাৎ হাসি একে অন্নের কাছ থেকে দূরে নিয়ে যায়, কান্না কাছে টেনে আনে।

*

*

শরৎচন্দ্র 'চোখের জলের লেখক'? আর বিদ্যাসাগর? বিধবা-বিবাহ আন্দোলনের সময় তিনি যে সব ব্যঙ্গ বিদ্রূপ করেছেন, তখন আমরা ঠাঠা করে হেসেছি?—না? তাঁর 'শকুন্তলা' পড়তে পড়তে আমি তো হেসেই গড়াগড়ি! রবীন্দ্রনাথের হাস্যরস নিশ্চয়ই অত্যন্ত অপ্রচুর ছিল। নইলে তিনি লিখবেন কেন, 'কেহ দুঃখ পায় ইগ তিনি (শ্রীকণ্ঠবাবু) সহিতে পারিতেন না—ইহার কাহিনীও তাঁহার পক্ষে অসম্ভব ছিল। এই বালকদের কেহ যখন কোতুক করিয়া তাঁহাকে পীড়ন করিতে চাহিত তখন 'বিদ্যাসাগরের সীতার বনবাস' বা 'শকুন্তলা' হইতে কোনো একটা করুণ অংশ তাঁহাকে পড়িয়া শোনাইত, তিনি দুই হাত তুলিয়া নিবেদন করিয়া, অমুনয় করিয়া কোনো মতে থামাইয়া দিবার জন্য ব্যস্ত হইয়া পড়িতেন।'

আশ্চর্য! আমি তো গ্রন্থ দু'খানা পড়ে হেসেই কুটিকুটি। তবে হ্যা, আমি পূর্বেই স্বীকার করেছি আমি গ্যা গা।

সাহিত্যিক বিদ্যাসাগর মশাইকে লোকে চেনে তাঁর 'চোখের জলের' বইয়ের জন্য। অবতার বিদ্যাসাগরকে বাঙালী চেনে তিনি মানুষের চোখের জল মুছিয়ে দিতেন বলে। বিদ্যাসাগর মশাই দুটোই পারতেন। কিন্তু সবাই তো তা পারে না। সমাজের অত্যাচার অন্যায় দেখে সত্য সাহিত্যিক মানুষকে কাঁদায়। তাঁদের

ভিতরে যারা সত্যকার মানুষ তখন তাঁদের অনেকেই সে-সব অনাচারের বিরুদ্ধে নাক্সা তলওয়ার নিয়ে জেহাদ ঘোষণা করে। কারণ আমাদের অধিকাংশই জড়। সাহিত্যিক স্পর্শকাতর। সে যখন করুণ বর্ণনা দিয়ে আমাদের কাঁদায়, তখন আমাদেরই মত জড়ভরতদের কেউ কেউ ঐ সম্বন্ধে সচেতন হয়।*

ড্রাইফুসের প্রতি নষ্টাধম করাসী মিলিটারী মদমত্ত হয়ে যে অবিচার করে তার প্রতিকারের জন্য তাঁর সতীসাধ্বী স্ত্রী প্যারিসের বড় বড় রাজনৈতিক শক্তিদর শাসক সম্প্রদায়ের দ্বারে দ্বারে গিয়ে করুণ আর্তনাদ করেছে। কিন্তু সে বেচারী তো আমাদের 'তুলনাহীনা' লেখিকা আশাপূর্ণা নয়। শেষটায় চরম দীনজন যে রকম ভিক্টুরের কাছে ভিক্ষা চায়, ঠিক সেই রকম সে গেল সাহিত্যিক এমিল জোলার কাছে। তাঁর তখন বয়স হয়ে গিয়েছে। তিনি মাক চাইলেন। শেষটায় বেচারী তার কাগজপত্র জোলার টেবিলে কেলে রেখে চলে গেল।

এই পৃথিবীর পরম সৌভাগ্য সে রাতে জোলার কোনোকিছু করার ছিল না। এটা ওটা নাড়াচাড়া করতে করতে হঠাৎ সেই রমণীর কাগজপত্র চোখে পড়লো। অলস-ভরে পড়া আরম্ভ করে, বুড়া হঠাৎ সোজা হয়ে বসল—তারপর গেল ক্ষেপে! তখন লিখল জাক্যুজ্ (J'accuse) 'আই একুজ'। 'করাসী সরকারকে আমি একুজ করি।'

তারপর কি হল সেটা বলতে গেলে ঐ বইখানা ছাড়িয়ে আরো দুখানা বই লিখতে হয়।

মনে নেই, ক'বছর নির্বাসনের কারাঘন্ত্রণা ভোগ করে 'কাঁদানোর' লেখক জোলার রূপায় ড্রাইফুসের প্রতি স্মবিচার হল।

শেষ কথা: বহু বহু প্রকৃত লেখক, চোখের জলের লেখক' নন কিংবা শুধু 'হাসাবার' লেখক নন। দুইই।

তবে কে কোথায় হাসবে, কে কোথায় কাঁদবে, বলা কঠিন। সেই "অরক্ষণীয়া" মেয়েটি যখন পড়ি মরি হয়ে 'সেজেগুজে' কনে দেখবার পক্ষের সামনে বেরুতে যাচ্ছিল তখন একটি ছোট মেয়ে হাসি থামাতে না পেরে বলেছিল, পিসিমা সং সেজেছে।

আমি গ্যা গা। আমি ষোল বছর বয়সে কেঁদেছিলুম ॥

৪।১২।৬৫

* বিশেষাগর ছদ্মনামে হাশু—বরক বলা উচিত—ব্যঙ্গ রসও করে গেছেন। কিন্তু তাঁর খ্যাতি-সে জন্ম নয়। বস্তুত তাঁর দে সব ছদ্মনামে লেখা পুনরায় 'আবিষ্কৃত' হয় বছর বিশ-ত্রিশ পূর্বে।

ছাত্র বনাম পুলিশ

(১)

‘দেখি ! বের করো অভিজ্ঞান-পত্র—আইডেনটিকেশন কার্ড !’

কী আর করে বেচারী—দেখাতে হল কার্ডখানা। নামধাম ঠিকানা তো রয়েছে, তদুপরি রয়েছে বেচারীর কোটোগ্রাফ, তার নিচে ছোকরার দস্তখত, এবং ছোটো ছ’কোণ জুড়ে যুনিভার্সিটির স্ট্যাম্প। হোমিওপ্যাথিক পাসপোর্ট আর কি।

হায় বেচারী ! যখন যুনিভার্সিটিতে প্রবেশ করার ওক্টে সগর্বে কর্তৃপক্ষের সম্মুখে কোটোগ্রাফের নিচে দস্তখত করেছিলে তখন কি জানতে এটা ‘দস্তখত’ নয়, এই ‘কুকর্ম’ করে তার ‘দস্ত’ (হাত) ‘কত’ হয়েছিল—এ ‘পান’টি আমার নয়, বিদ্যাসাগর মশাইয়ের। তাঁর প্রোতেজে মাইকেল পান করতেন প্রচুর, স্বয়ং বিদ্যাসাগর ‘পান’ করতেন অত্যল্পই।

প্রাপ্ত সুরস প্রেমালাপ হচ্ছিল জার্মানির কোন এক বিশ্ববিদ্যালয়ের ছাত্র এবং পুলিশম্যান (চলতি জার্মানে ‘শুপো’)। ছোকরা রাস্তায় দাঁড়িয়ে রাত ছোটোর সময় কাঁকর ছুড়ছিল একটি বিশেষ জানলার শার্সিকে নিশান করে, এবং যেহেতু তৎপূর্বে—অর্থাৎ শনির সন্ধ্যা সাতটা থেকে রাত ছোটো অবধি চেন-স্মোকারদের মত এ্যাট্টুখানি, মানে ইয়ে, ঐ যাকে বলে বিয়ার—পান করেছিল বলে তাগটা স্বভাবতই টালমাটাল হয়ে পাশের যার-তার জানলার শার্সির উপর পড়ছিল। অবশ্য একথা অবিসম্বাদিত সত্য যে, সে কাপুরুষের মত শুপোর হাতে আত্মসমর্পণ করে নি—আপ্রাণ পলায়ন-প্রচেষ্টায় নিষ্ফল হয়ে তবে ধরা পড়ে।

ব্যাপারটা সবিস্তার কি ?

অতি সরল। জার্মান ছাত্রছাত্রী ডিগ্রী লাভের পূর্বের তিন বৎসর ভূতের মত খাটে। কিন্তু শনির সন্ধ্যা থেকে রবির সকাল পর্যন্ত দল বেঁধে ‘পাবে’ ব’সে প্রেমসে বিয়ার পান করে। এবং যেহেতু বাড়াবাড়ি না করলে খৃষ্টধর্ম মন্তপান সম্বন্ধে উচ্চবাচ্য করে না, তাই কোনো কোনো ধর্মানুরাগী ছেলে ভোর সাতটার ‘মেস’ (উপাসনায়) যোগ দিতে যায় ‘পাব’ থেকেই, সোজা গির্জার দিকে—শনির সন্ধ্যা থেকে রবির ভোর ছ’টা, সাড়ে ছ’টা অবধি বিয়ার পান করার পর। অবশ্যই মস্তাবস্থায় নয়—তবে ইংরিজীতে যাকে বলে ঈষৎ মডলিন।

তা সে থাক। এ লেখনের বিষয়বস্তু পুলিশ—বনাম স্টুডেন্ট (‘স্টুডেন্ট’ বলতে জর্মনে একমাত্র যুনিভার্সিটি স্টুডেন্টই বোঝায়—স্থলবয়সকে বলে ‘শ্যালার’)। এই দুইদলের মধ্যে হামেহাল—অবশ্য সাধারণত সন্ধ্যার পর থেকে ভোর পর্যন্ত এবং বিশেষ করে শনির দিনগত রাতে—একটা অঘোষিত বৈরিতা বিরাজ করছে, যুনিভার্সিটি সৃষ্টির প্রথম দিন থেকে। আমি যা নিবেদন করতে যাচ্ছি তার ঐতিহাসিক পটভূমিটি কিন্তু কিংবদন্তীমূলক, অর্থাৎ পুরাণ জাতীয়। সেইটুকু সয়ে নিন। তার পরই মাল।

আমরা সকলেই জানি কতকগুলো উপাধি মাস্টারের নামের অচ্ছেদ্য অংশ : যেমন (১) রেভারেন্ড, (২) কর্নেল, বা (৩) ডক্টর (শুধু চিকিৎসক অর্থে নয় ; যে কোনো বিষয়ে পি এচ ডি ; ডি এস সি জাতীয় ডক্টরেট পাস করা থাকলে)। প্রথম শ্রেণীর উপাধিগুলো বিধিদত্ত, দ্বিতীয়গুলো রাজদত্ত এবং তৃতীয়গুলো যুনিভার্সিটি-দত্ত।

রাজ্যতে চার্চে লড়াই বহু যুগ ধরে চলেছে। এ-লড়াইয়ে শেষের দিকে এলেন যুনিভার্সিটি। তার পূর্বে শিক্ষা-দীক্ষার ভার ছিল প্রধানত পাদ্রীদের হাতে। কিন্তু মহামতি লুথারের আন্দোলনের ফলে বহু পিতা পুত্রকে আর ‘কুসংস্কারাচ্ছন্ন’ যাজক সম্প্রদায়ের কাছে মানসিক, হার্দিক এমন কি আধিভৌতিক উন্নতির জন্য পাঠাতে চাইলেন না। এ ছাড়া আরো বিস্তর কারণ ছিল, কিন্তু সেগুলো এ স্থলে অবাস্তব না হলেও নীরস। মোদ্দা কথা, চার্চ ও রাজার লড়াইয়ের মধ্যখানে যুনিভার্সিটিগুলো তাকে তাকে রইল আপন আপন স্বয়ংসম্পূর্ণ-স্বাধীনতা-স্বরাজ লাভের জন্য। তাদের মধ্যে অনেকেই ছিল লুথারপন্থী এবং তাদের মূল নীতি ছিল অনেকটা—‘যখন পোপের “গুরু-বাদ” ত্যাগ করে স্বয়ং স্বাধীনভাবে বাইবেল পড়তে চাও, এবং তদ্বারা অনুপ্রাণিত হয়ে একমাত্র স্বাধীন চিন্তার উপর নির্ভর করে জীবন যাপন করতে চাও, তবে বিশ্ববিদ্যালয়গুলোকে দিতে হবে স্বয়ং-সম্পূর্ণ স্বাধীনতা, (অটোনমাস ইণ্ডিপেনডেন্স)—নইলে তারা স্বাধীন চিন্তা, স্বাধীন বিচার-বিশ্লেষণ করবে কি প্রকারে?’

যে করেই হোক সে স্বাধীনতা যুনিভার্সিটি-টাউনগুলোর (অর্থাৎ যে শহর-গুলোতে বিশ্ববিদ্যালয়ই সর্বপ্রধান সর্বজনমাণ্য প্রতিষ্ঠান) রাস্তাঘাটেও সক্রিয় হয়ে উঠলো। অর্থাৎ নিতান্ত খুন, ধর্ষণ জাতীয় পাপাচার না করলে স্বয়ং বিশ্ববিদ্যালয়ই তাদের বিশ্ববিদ্যালয়ের আপন জেলে (?) পুরে দিতো—বিচারের ভার নিতেন বিশ্ববিদ্যালয়ের ল’ বা আইন, জুরিস্ প্রুডেন্সের প্রফেসরগণ—‘ছাত্র আসামী’ এঁদেরই

*

*

*

জার্মান বিশ্ববিদ্যালয়ের প্রাচীন যুগের আপন জেলখানার কথা হচ্ছিল। তার অশ্রুতম প্রাচীনতমের নিঃসন্দেহ সর্বোৎকৃষ্ট বর্ণনা দিয়েছেন মার্ক টুয়েন্। সে বর্ণনাটি এমনই সব-জাতের-বাড়া চৌম্বকীয় আকর্ষণীয় বর্ণনা যে তারই টানে আমারই চেনা এক সহযাত্রী জার্মান-সীমান্তে পৌঁছেই নাক-বরাবর চলে যান ঐ জেল দেখতে—সি হুসি প্রাসাদ, ড্রেসডেনে সঞ্চিত রাকায়েলের মাদোরা নশ্তাৎ করে।

আলৌপুরের যেসব ‘কবিরা’ প্রহরীকে পাঠা নাম দিচ্ছেন, কিংবা চোখ বন্ধ করে রাখার ছুটি রাত্তা পায়ের ধ্যানে মজে গেছেন, তাঁরা কিন্তু বিলক্ষণ জানতেন, তাঁদের জন্ম মৃত্যু জেলের চতুর্দিকে ঘোরাকেরা করছে—শহীদ হওয়ার সম্ভাবনা কবি, অকবি সকলেরই প্রায় সমান। কিন্তু জার্মান-বিশ্ববিদ্যালয়-জেলে ছাত্রেরা যেত অল্প কয়েক দিনের জন্ম, ফাঁসীর তো কথাই ওঠে না। তাই মার্ক টুয়েনের পক্ষে সম্ভব হয়েছে অপূর্ব হাশ্বরসে রঞ্জিত করে সেই জেলটির বর্ণনা দেবার। কাজেই উপস্থিত আলৌপুরের কথা ভুলে যান।

*

*

*

বিশ্ববিদ্যালয়ের জেলে ফাঁসি-কাঠ না থাকতে পারে, ক্যাবারে-কাঁ কাঁর ব্যবস্থা না থাকতে পারে, কিন্তু লেখনী-মস্তাধারের অভাব।—এটা কল্পনাভীত। যদিও ঐ জার্মানরাই সর্বোৎকৃষ্ট দশ লিটার বিয়ার প্রসাদাৎ কল্পনাটা করেই ফেলি, তখন চোখের সামনে, বিকলে ভেসে উঠবে পেন্সিল—এ-কথা তো ভুললে চলবে না, এদেশের কেতাবপজে মহামান্য কাইজারের (ভারতীয় কাইসর-ই-হিন্দ পদক, লাতিন সীজার ইত্যাদি) নাম পড়ার বহু পূর্বেই ভারতীয় ছেলেবুড়ো ব্যবহার করেছে,

Koh-i-noor made by L. & C. Hardmuth in Austria, graphite* drawing pencil, compressed lead.

তাই সেই পেন্সিল অক্লপণ হস্তে ব্যবহৃত হয়েছে ছাত্র-‘কয়েদী’র দল দ্বারা বংশপরম্পরায়—সাদা দেওয়ালের উপর। শুধু কবিতা না বহুবিধ অশ্রুতম চীৎ।

কিন্তু তৎপূর্বে তো জানতে হয়, এরা জেলে আসতো কোন্ কোন্ ‘অপরাধ’ করে। এর অনেকগুলোই আমি স্বচক্ষে দেখেছি, এবং সাতিশয় সন্তোষ সহকারে

* এসব বাবদে জার্মানী অস্ট্রিয়া একই ধরা হয়। হিটলার নিজে অস্ট্রিয়ান হয়েও জার্মানীর সুর্য্যায় হয়েছিলেন, এ সব তো জানা কথা! উত্তর ঘেনের ভাবাও এক।

স্বীকার করছি, সবল সক্রিয় হিষ্তোরও হয়েছি বহু ক্ষেত্রে—অর্থাৎ স্ত্রী-স্টুডেন্টেন, পুলিশ ভর্সস্ ছাত্র 'যুৎসে'—কিংবা যুদ্ধ আসন্ন দেখে দ্রুততম গতিতে পলায়নে। কিন্তু সেটা অন্য অধ্যায়।

(২)

‘পাজীটা এখনো এল না যে, ব্যাপারটা কি? বলেছিল ন’, তার কাঁকা আসছে ডান্ৎসিগ থেকে, ওর জন্ত নিয়ে আসবে কয়েক বোতল অত্যাৎকৃষ্ট ডান্ৎসিগারগোন্ট্-ভাসার (ডান্ৎসিগের স্বর্ণবারি—সোনালী সোমরস), আমরা সবাই হিষ্ত্রে পাবো।’

‘একটা ফোন করলে হয় না?’

‘হঁ। সেই আনন্দেই থাকো! টেলিফোন! বুড়ির বাড়িতে এখনো দড়ি টেনে ভিতরের ঘন্টা বাজাতে হয়। ইলেকট্রিক বেল্ পযস্ত নেই। তবে, হ্যাঁ, গার্ল ফ্রেণ্ডের যখন তখন আপন কামরায় নিয়ে যেতে দেয়। তহুপরি বুড়ি বন্ধ কালা। শুনেছি, পায়ের উপর গরম ইট্টিটা হঠাৎ হাত থেকে ফসকে পড়ে গিয়েছিল—শুনতে পায় নি।’

রনালাপ হচ্ছিল শনির সন্ধ্যায় ‘পাব’ এ। জনসাতেক মেধর জমায়েৎ হয়ে একটা গোল টেবিল ঘিরে বিয়ার পান করছেন। সেটার উপর কোনো টেবিল ক্লথ নেই। আছে গত একশ বছরের স্টুডেন্ট ষ্দেরদের নাম, যারা প্রতি শনিবারে এই টেবিলটা ঘিরে গুলতানি করেছে—ছুরি দিয়ে খোদাই করা। আমাদের পলের বাপ ভিল্ হেল্মের নামও এই টেবিলে আছে। সমস্ত টেবিলটা নামে নামে সম্পূর্ণ ভর্তি হয়ে গিয়েছে—আর নূতন নাম খোদাই করার উপায় নেই।

এদের গুলতানির বর্ণনা বা ইতিহাস দেওয়া আমার উদ্দেশ্য নয়। কারণ সবাই জানেন, সেই সোক্রাতেসের যুগ থেকে ইয়োরোপের গুণীজানী থেকে চোর-চোট্টা সবাই মদ্যালয়ে বসে বিশ্রান্তালাপ করেছেন, এবং সহজেই অল্পমেয়, চোর-চোট্টারা প্লাতোর ‘আইডিয়া’র সংজ্ঞা খুঁজতে গিয়ে ছোরাছুরি করে নি, আর সোক্রাতেস প্রতিবেশীর তালটি কি প্রকারে নিঃশব্দে বে-কার করা যায় তাই নিয়ে মদুপান করতে করতে শিশুদের সঙ্গে কুট ষড়যন্ত্রে জিযামা যামিনী যাপন করেন নি। অর্থাৎ যে যার বৈদগ্ধ্য, জ্ঞানবুদ্ধি, যাতে তার চিত্তাকর্ষণ তাই নিয়ে কথাবার্তা কইতে ভালোবাসে। তবে হ্যাঁ, মদুপানের মেক্দার বাড়ার সঙ্গে সঙ্গে আলোচনার বিষয়বস্তু যে ঈষৎ নিম্নস্তরে নেমে যায় সেটা অনেকেই লক্ষ্য করেছেন। জর্মনির স্টুডেন্টদের বেলায়ও তাই।

আমার ছিল মেজাজমজি অত্যন্ত ধারাপ। ঠিক সেদিনই ধবর পেয়েছি। ইংরেজ গোল্ড স্ট্যাণ্ডার্ডকে ভালুক দিয়েছে। তারই কলে আমার কুলে বচ্ছরের ধরচার জন্তু ব্যাঙ্কে গচ্ছিত টাকার এক-তৃতীয়াংশ (বেশী হতে পারে, কমও হতে পারে, এককাল পর সঠিক বলা কঠিন) কর্পূর হয়ে গেল। অর্থাৎ এখন যে যুনিভার্সিটি রেস্টোরার সবচেয়ে সস্তা ডিনারটি (সে যুগে দাম ছিল এদেশী পয়সায় কুলে বারো আনা) খাবো, তারো উপায় রইল না। কাল সন্ধ্যা থেকে রাত্রিরের খাওয়াটা নিজেকেই রাখতে হবে। ওদিকে দেশের ইয়াররা ভাবছেন, 'লেখাপড়ায় আস্ত একটা গর্দভ ঐ ছেলে জার্মানি গিয়ে তোপা মজাটা লুটে নিলে, মাইরি!'

ইতিমধ্যে এসব 'পাবে' শনির সন্ধ্যায় যা-সব হয় সে-সবই হয়ে গেছে। ঠেলায় করে গরম গরম সসেজ এসেছে দু'চারটে আনাড়ি বাজিয়ে ব্যাঞ্জোর উপর উৎপাত করে যৎসামান্য কামিয়ে গিয়েছে, পিকচার পোস্টকার্ড জুতোর ক্ষিতে বিক্রির ছলে ভিথিরি তার রোঁদ মেরে গেল।

করে করে রাত একটা বাজলো। বিশ্বয়বোধক চিহ্ন দেবার জন্তু ঐ চিহ্নেরই বিন্দুটির বিন্দুবৎ প্রয়োজন নেই। শনির রাত্রি জার্মানিতে আরম্ভ হয় বারোটায়—যত্নপি গ্রিনিজ কয়তা ঝাড়ে ঐ সময়টায় নাকি তার পরের দিন আরম্ভ। কিন্তু রাত একটার পর সাধারণ মজালায় বন্ধ। এর পর করা যায় কি? আমি বিশেষ করে তাদেরই কথা ভাবছি যাদের তখনো তেঁটা মেটে নি—জার্মানদের বিশ্বাস তারা বিয়ার পান করে তৃষ্ণা নিবারণার্থে। সাধারণ মজালায় যখন বন্ধ তখন খোলা রইল অসাধারণ মজালায়। সেগুলো একটু ইয়ে অর্থাৎ বিশেষ শ্রেণীর মহিলায় ভর্তি আর কি। তবে স্টুডেন্টরা দল বেঁধে যখন সেখানে ঢুকে আপন গালগলে মত্ত হয় তখন ঐ পূর্বোক্ত 'ইয়েরা' ওদের জালাতন দূরে থাক—ডিস্টার্বও করে না। ওদের পকেটে আছেই বা কি?

ইতিমধ্যে সেই যে আমাদের টেওডর যাকে নিয়ে কাহিনী পস্তন করেছি, তার হঠাৎ পুনরায় শোক উথলে উঠলো ঐ ডান্‌সিগ নগরীর প্রখ্যাত স্বর্ণবারির জন্তু। বার বার বলে, 'দেখলে ব্যাটার কাণ্ডানা! রাত একটা তক আমাদের বসিয়ে রাখলে একটা সুরালয়ে—যখন কিনা প্রত্যেক বাপের প্রত্যেক স্পুস্তুরের কর্তব্য আপন আপন স্ননির্মিত স্নেহময় নীড়ে নিজাদেবীর শাস্ত্যকলে আশ্রয় নেওয়া।'

কে একজন বললে, 'এই খানিকক্ষণ আগেই না তুইই বললি, পেটারের বাড়িটা আসলে অ্যাডাম এবং ঈভ তৈরী করেছিলেন। খুরঝুরে খুরথুরে?'

টেওডরের কিন্তু তখন কারো টিপনীতে কান দেবার মত মরজি নয়—সে তখন

মোজে। হঠাৎ উত্তেজিত হয়ে, যেন এক নবান রিলেটিভিটি আবিষ্কার করার উৎসাহ দেখিয়ে বললে, ‘আর পেটার ব্যাটা নিশ্চয়ই আরামসে যুমেছে। চলো, ব্যাটাকে গিয়ে জাগানো যাক।’

এখানে কারো পক্ষে রণে ভঙ্গ দেওয়া জার্মান-স্টুডেন্ট-মহু-শাস্ত্রে গোমাংস ভক্ষণের চেয়েও গুরুতর পাপ। তুমি তা হলে আস্ত একটা কাপুরুষ! পুলিশকে—অর্থাৎ দুশমনকে—ডরাও। তোমার কলিজা বক্রির, তোমার সীনা চিড়ির। অতিষ্ঠ হয়ে আপনি শুধোবেন, ‘রাত্রি একটাই হোক, আর তিনটেই হোক, কেউ কাকে জাগালে পুলিশের পূর্বতর অধস্তন চতুর্দশ পুরুষের কিবা কৃতিত্ব, জঘম-লোকসান? ওদেশে কি রেতে-বেরেতে টেলিগ্রাফ পিয়ন আসে না?’

দাঁড়াও পাঠকবর জগৎ যদি তব বন্ধে, তিষ্ঠ কণকাল। এসব ক্রমশ প্রকাশ্য।

বলা বাহুল্য রাত তেরোটোর সময়—গ্রিনিজ যদিও সেটাকে দ্বিভাগ বলেন—আপনি যদি বাড়ির, অবশ্য অশ্রু বাড়ির, দোস্ত দুশমন—যে-ই হোক কাউকে জাগাবার চেষ্টা করেন, তা সে সীমেন-হালেক্কে-সুকেটের নব্যতম বিজলি-বেল্ বাজিয়েই হোক, আর পৌরাণিক যুগীয় ঘণ্টাকর্ণ কানে যে-ঘণ্টা ঝুলিয়ে রাখতো যাতে করে সে তার জন্মবৈরী শ্রীহরির নাম-কীর্তন শুনতে না পায়—সেই ঘণ্টাটিই বাজান, বাড়িউলী যখন দরজা খুলে শনির রাতে ঐ জবাকুমসফাশ টেওডরের নয়নযুগল দেখতে পাবে—আমরা আর-সবাই না হয় পাশের গলিতে গা-ঢাকা দিয়েই রইলুম—তখন তার কণ্ঠ থেকে—ভুল বললুম, নাভিকুওলী থেকে যেসব মুরজ-মুরলীধ্বনি বেরবে তার ঈষদ্তমাংশ শুনতে পেলো, ঐ যে ঋনিকক্ষণ আগে কি-সব ‘ইয়েদের’ কথা বলছিলুম তারা পর্যন্ত নোকের সামনে নজ্জা পাবে। অতএব ঐ কবোক্ষ অঙ্ককারেও আমাদের কাছে জাজল্যমান হল যে ক্রন্টাল এটাকের স্ট্রাটেজি বিলকুল ঔট্ অব্ ডেট্।

আমাদের হস্তে তৎসঙ্গেও আশার একটি কীপ প্রদীপ মিদ্রি মিদ্রি করছে। পেটারের কামরাটা দোতলায়, এবং একদম রাস্তার উপরে। অতএব আমরা সেদিক বাগে যেতে যেতে হেথাহোথা স্ক্রাকারের হুড়ি, কাঁকর, সোডার ছিপি ইত্যাকার মারণাস্ত্র কুড়িয়ে নিয়ে স্তম্ভিত হয়ে পৌছলুম পেটারালয়ে—বকিম সর্দার পথ দুর্গম নির্জন পেরিয়ে।

পেটার থাকে মাউস কাডে (সার্থক নাম, বাবা—‘ইহুরের পথ!’)।

টেওডরই আমাদের হিগেনবুর্গ বলুন, লুডেনডক্ বলুন, আমাদের রাইফ মার্শাল। কিন্তু কার্যক্রে দেখা গেল, যদিও সে পেটারের ঘরে আসে সপ্তাহে

নির্দেশ দশদিন, তবু তার জানলা যে ঠিক কোন্টা সেটা ঠাহর করতে পারছে না—
আশা করি তার কারণ আর বুঝিয়ে বলতে হবে না। অবশেষে হান্স-ই লোকেট
করলে জানলাটা। হান্স বটনির ছাত্র—পেটারের জন্মদিনে তাকে একটা অদ্ভুত-
পরিমাণ সান্ত্বনায় বিরল কণীমনসা উপহার দেয়। একটা জানলার বাইরের চৌকাঠ-
পানা কালি কাঠের উপর হান্স সেটি আবিষ্কার করলে—রাজ্যের হিম খাওয়াবার
জন্ম পেটার সেটি ঐ সিল না লেজ্ কি যেন বলে ইংরিজীতে—তারই উপর রেখে
দিয়েছিল। কালিদাসের যুগে ঘরে আঁকা থাকতো ভিন্ন ভিন্ন চিহ্ন যেমন শঙ্খচক্র
—হেথার কেব্টাস।

পয়লা রোঙে টেওডর ছুঁড়ে মারল সোভার ছিপি। লাগলো গিয়ে ডানপাশের
জানলাটায়। আমরা কিসকিস করে পেটারকে সাবধান করতে কসুর করি নি,
কিন্তু কেবা শোনে কার কথা, সে তখন জাঁদরেল জনরৈল সিং, আমরা নিতান্ত
ভালভাত দাবাখেলার বড়েপেয়াদা। দুসরা রোঙে টেওডর বোধহয় ‘কইর’
করেছিল একটা স্নো কোঁটোর ঢাকনা। এটা ধন-ন-ন করে গিয়ে লাগলো বাঁ-
পাশের জানলাটায়। আমরা তাকে কিছু বলতে যেতেই সে ধমক দিয়ে বললে,
‘চোপ! এই হল আর্টিলারির আইন। প্রথম মারবে তাগের চেয়ে দূরে, তারপর
তাগের চেয়ে কাছে, শেষটার ম্যাথম্যাটিকলি মেজার করে ঠিক মধ্যখানে।’ হবেও
বা। ও তো প্রশান যুংকার ঘরের ছেলে—জানার কথা। এবং আমাদের
তুলনায় তার পকেট-শস্ত্রাগার পরিপূর্ণ। কারণ আমরা জর্মণীর ধোপ-দুরন্ত রাস্তায়
কুড়িয়ে পেয়েছি কীই বা এমন কামান ট্যাক। পক্ষান্তরে যুধুধান টেওডর ঘিনপিং
উপেক্ষা করে ‘পাবের’ সামনের ‘বিন্’ থেকে মেলা অস্ত্রশস্ত্র সংগ্রহ করে এনেছে। তাই
এবারে ছুঁড়লে ছোট্ট একটি মার্কিং ইঙ্কের খালি শিশি। লাগলো গিয়ে তেতলার
একটা জানলায়। তখন বুঝতে পারলুম জর্মণী প্রথম বিশ্বযুদ্ধে কেন জিততে পারে
নি। দ্বিতীয়টা তখনো হয় নি। সে সময় হিট্‌লার যদি আমাকে কনসল্ট করতো
তবে আমি নিশ্চয়ই তাকে বারণ করে দিতুম—বিশেষত এই অভিজ্ঞতার পর।

তার চেয়েও পষ্ট বুঝতে পারছি, টেওডর এখন যে অবস্থায় পৌঁছেছে সেখানে
আপন নাক চুলকোতে চাইলে গুত্তা মারবে পিঠে। কিন্তু সেন্টস্‌ট্রি তখন তাকে
বলতে গেলে সেই সুপ্রাচীন জর্মণ কাহিনীরই পুনরাবৃত্তি হবে মাত্র; এক মাতাল
রাত চৌদ্দটার বাড়ি ভুল করে বার বার চেষ্টা করছে চাবি দিয়ে সদর দরজা
খোলবার এবং সঙ্গে সঙ্গে কটুকটব্য। সেই শব্দে শেষটার দোতলার একজনের
ঘুম ভেঙে গেল। নিচের দিকে মাতালকে দেখে বললে, ‘হেই, তুমি ভুল বাড়ির

তালি খোলবার চেষ্টা করছো।' মাতাল উপরের দিকে তাকিয়ে। একগাল হেসে বললে, 'হে হে হে হে! তুমিই ভুল বাড়িতে ঘুমুচ্ছে।'

এই একতরফা লড়াই—আইনে যাকে বলে ইন্ আবসেন্শিয়া—কিংবা বলতে পারেন ডন্ কুইকস্টের জল-ঘন্থ-আক্রমণ আধঘন্টাটাক চলার পর টেওডর ছাড়লে—বলতে গেলে তার প্রায় শেষ সিক্‌স্ পৌণ্ডার—সার্ভিনমাছের খালি একটা টিন। বন্বন্ব করে শব্দ হল। কিন্তু পরে মনে হয়েছিল সে যেন ওস্তাদ এনায়েৎ খানের সেতার—কারণ সঙ্গে সঙ্গে সব-কিছু ছাপিয়ে কানে গেল পুলিশের ভারি ভারি বুটের শব্দ। এটা হল কি প্রকারে? সচরাচর শানবাঁধানো রাস্তার উপর রোঁদের পুলিশের বুটের শব্দ সেই নিঝুম নিশীথে অনেক দূরের থেকে শোনা যায়, এবং টেওডর ছাড়া আমাদের আর সকলের আধখানা কান খাড়া ছিল তারই আশঙ্কায়। অতএব দে ছুট, দে ছুট! কোন্ মুর্খ বলে যুদ্ধে পলায়ন কাপুরুষের কর্ম! ইংরেজ আফ্রিদীদের সঙ্গে যুদ্ধে পালালে পর এ-দেশের জোয়ানদের বুঝিয়ে বলতো, 'এর নাম বাহাদুরীকে সাধ্ পিছে হঠনা!'

কিন্তু ছুটতে ছুটতে আমি শুধু ভাবছি, এতগুলো বুটের শব্দ একসঙ্গে হল কি করে? রোঁদে তো বেরোয় প্রতি মহম্মায় হার্টের, sorry, হার্টলেস, সিংগল্‌টন। তা সে যা-ই হোক, এখন তো প্রাণটা বাঁচাই।

পূর্বেই বলেছি, পেটারের গলিটার নাম নুশিকমার্গ। আসলে কিন্তু বন্ শহরের আঁকাবাঁকা হাঁসুলি বাঁকের মোড়, পায়ের 'বৈকি'-গয়নার প্যাচ-খাওয়া আড়াই বিষৎ চওড়া নিরনক্সুইটি 'রাস্তাকেই' নুশিকমার্গ বলা যেতে পারে—তার জগ্ন কল্পনাশক্তিটিকে বহু সূদূরে সম্প্রসারিত করতে হয় না।

কিন্তু একটি তত্ত্ব সর্বজনবিদিত। এই গলিঘুঁচি কোথায় যে হঠাৎ বৈকে গেছে, কোথায় যে রাস্তার, এক পাশে বহু প্রাচীনকালেই পঞ্চদশপ্রাপ্ত একটি কারখানার অঙ্কার অঙ্গনে অশরীরী হওয়া যায়, অর্থাৎ লুকানো যায় (হংসমিথুনের কথা অবশ্য আলাদা), কোথায় যে একটা গারাজের আংটাতে পা দিয়ে সামান্য তকলিফেই ছাতে ওঠা যায়, এ সব তথ্য পুলিশ ঘটখানি জানে আমরাও ঠিক ততখানিই জানি। এমন কি লেটেস্ট খবরও আমরা রাখি: অমুক দেউড়ির ঠিক সামনের রাস্তার বাতিটি বরবাদ হয়ে গিয়েছে, এখনো মেরামত হয় নি, কিংবা অমুক জায়গায় পরভূদিন থেকে এক ডাঁই পিপে জুটেছে—পিছনে দিব্য অঙ্কার। অর্থাৎ পুলিশ তার আপন হাতের তেলো ঘটখানি চেনে, আমরাও আমাদের তেলো ততখানিই চিনি।

মুখিকমার্গ ধরে খানিকটে এগোলেই সেখানে তেরাস্তা। আমাদের স্ট্র্যাটেজি অতি সনাতন, সুপ্রাচীন। সঙ্গে সঙ্গে আমরা দুই ভাগে বিভক্ত হয়ে দু'দিকে ছুট লাগলাম। আবার তেরাস্তা পেলে আবার দু' ভাগ হয়। ধরা যদি পড়িই তবে দলহুদু ধরা পড়বো কেন? এবং যুদ্ধের নীতিও বটে, 'আক্রমণের সময় দল বেঁধে; পলায়ন একলা-একলি।' খুদে বন্ শহরে পুলিশ গিস্ গিস্ করে না—আর এই রাত চোকটায় ফাঁড়ি-খানা ক'টাই বা স্পেয়ার করতে পারে? কাজেই প্রতি তেরাস্তায় তারা যদি আমাদেরই স্ট্র্যাটেজি অনুসরণ করে তবে তাদের 'মেন পাওয়ার' কম বলে, কয়েকটা রাস্তা কোলো অপ্ করতে পারবে না বলে শেষ পর্যন্ত হয়তো কেউই ধরা পড়বে না। কিন্তু এই 'সুপো' নন্দনগণ ঘড়েল। এবশ্রকার বহু যুদ্ধে তারা জয়ী এবং পরাজয়ী হয়ে যে অভিজ্ঞতা সঞ্চয় করেছে সেটা তাদের শেখার অন্য স্ট্র্যাটেজি।

পাঠক, তুমি কখনো পোবা চিতে বাঘ দিয়ে হরিণ-শিকার দেখেছ? না-দেখারই সম্ভাবনা বেশী, কারণ সেই রাজারাজড়াদের আমলেও এ খেলাটি অন্যদেখে ছিল বিরল। আমাকে দেখিয়েছিলেন বরোদার বুড়া মহারাজ।

মহারাজার খাস রিজার্ভ করেস্টে ছিল বিস্তর হরিণ। তাদের পিছনে লেলিয়ে দেওয়া হত একটা পোবা, ট্রেন্ড্ চিতে বাঘ। বাঘ দেখা মাত্রই হরিণের শাল দে ছুট দে ছুট। এবং মাচাত্তের উপর থেকে স্পষ্ট দেখতে পেলুম, একটু সুবিধা পাওয়া মাত্রই তারা দু'ভাগ হয়ে গেল, তার পর আবার দু'ভাগ, কের দু'ভাগ—ক'রে ক'রে হরিণের পাল আর পাল রইল না, হয়ে গেলো চিত্তিরমিত্তির।

কিন্তু আমাদের নেকড়ে মহাশয়টিও অতিশয় সুবুদ্ধিমান। এ ভাগ, ও ভাগকে খামোখা তাড়া করে সে বর্বরশ্র শক্তিকর করলো না। সে প্রথম থেকেই ভাগ করে নিয়েছে একটা বিশেষ হরিণ। প্রতিবারে পাল যখন দু'ভাগ হয়, তখন সে ঐ বিশেষ হরিণটার ভাগেরই পিছন নেয়। পরে চিত্তার ট্রেনার আমাকে বলেছিল, 'সব চেয়ে যে হরিণটা ধুমসো, চিতে সব সময়ই একমাত্র ঐটের পিছ নেয়—এদিক ওদিক ছোটাছুটি করে শক্তিকর করে না, কারণ চিতে জানে ঐটেই হাঁপিয়ে পড়বে সকলের পয়লা। ধরতে পারলে পারবে ঐটেকেই--সব সময় যে পারে তাও নয়।'

বন্ শহরের সুপো সম্প্রদায় ঠিক তাই করলে। আমাদের মধ্যে যে ছুটি ছিল সবচেয়ে হোঁৎকা ওরা প্রতি দু'ভাগ হওয়ার সময় ওদেরই পিছ নিল। শেষটার ধরতে পেরেছিল অবশ্র একজনকে। সে কিন্তু টেওডর নয়, এবং জস্ট্ টু কীপ

কম্পানি, ছুঁড়ে ছিল মাত্র নিত্যন্ত খুদে ছ' চারটি কাঁকর। তার কথাই আপনাদের খেদমতে ইতিপূর্বে পেশ করেছি।

আগের জমানার পুলিশ তাকে দিয়ে দিত যুক্তিসিটির হাতে—সে যেত যুক্তিসিটির জেলে। শুনেছি, এক্ষেত্রে স্বয়ং প্রিন্স আউটো এডওয়ার্ড লেওপোল্ড কন বিস্মার্ক অবধি গেছেন। এবং সে তখন জেলেদের দেয়ালের উপর পেন্সিলযোগে আপন জিভাংসা, কিংবা অক্ষুশোচনা, কিংবা মধ্যধানে, কিংবা কটুবাক্য—যথা যার অভিরুচি—কতু গণ্ডে কতু ছন্দে, সেও কী বিচিত্র, কখনো আলেকজেনড্রিয়ান কখনো—সে কথা আবেক দিন না হয় হবে—লিখতো; আমার আমলে আমাদের যেতে হত শহরের জেলে—একদিনের তরে (সেও এক মাসের ভিতর দিনটা বাছাই করে নেওয়া 'আসামীর' এক্ষেত্রেই ছেড়ে দেওয়া হত, বাইরে থেকে আপন খানা আনানো যেত, এবং যেহেতু ধেসব সহযুগ্মানবর্গ সে যাত্রায় পালাতে সক্ষম হয়েছিলেন তাঁরা নেমকহারাম নন, তাঁরাই চাঁদা তুলে উত্তম লক্ষ ডিনার বাইরে থেকে পাঠাতেন) ; কিংবা (ভারতীয় মুদ্রায়) সোয়া তিন টাকা জরিমানা দান—যথা অভিরুচি।

কিন্তু প্রশ্ন, এতগুলো পুলিশ সে রাত্রে হঠাৎ এক জোট হল কি করে ?

খাটি বন্-বাসিন্দারা আমাদের যুদ্ধে নিরপেক্ষ। কিন্তু লক্ষ্যভ্রষ্ট কাঁকর বা সোডার ছিপি যদি তার জানলায় লেগে গিয়ে তার নিদ্রাভঙ্গ করে তবে সে জানলা খুলে কটুবাক্য আরম্ভ করার পূর্বেই আমরা অকুস্থল ত্যাগ করি। কেউ কেউ আবার হঠাৎ এক ঝটকায় জানলা খুলে আমাদের মাথার উপর ঢেলে দেয় এক জাগ্ হিমশীতল জল। আমরা অবশ্য এ জাতীয় অহেতুক উপদ্রবের জন্ম সদাই সতর্ক থাকি।

কিন্তু আজ ছিল আমাদের পড়তা ধারাপ। টেওডরের সঙ্কলের পয়লা বুলেট, বা সোডার ছিপি, যাই বলুন, পড়ে একদম পাশের ফ্ল্যাটে এক নবাগত বিদেশীর জানালায়—কেন যে বিদেশীগুলো বন্-শহরটাকে বিবাক্ত করার জন্ম আসে, আন্ডায় মালুম—সে কিন্তু জানতো, বন্ শহরের খাগ বাসিন্দারা এই (মোর্ দেন্) হান্ড্রেড্ ওয়ারে ভদ্র সুইটজারল্যান্ডের মত সেই যুদ্ধারম্ভের রাত্রি থেকেই নিরপেক্ষ, জোর কটুকটব্য (অর্থাৎ ডিপ্লোমাটিক প্রটেস্ট)। কিংবা এক জাগ্ জল। তা সে এমন কীই বা অপকর্ম ? ইয়োরোপীয়রা তো চান করে একমাত্র যখন জাহাজ-ডুবি হয়। জল ঢেলে সে তো পুণ্য সঞ্চয় করলো, ডাক্তারদের শ্রদ্ধাভাজন হল। কিন্তু আজকের এই বিদেশী পাগিষ্ঠটা কটুবাক্য করে নি, জল ঢালে নি, করেছে কি, সে-

ক্যাটে কোন ছিল বলে চুপিসারে ফাঁড়ি-খানাকে আনিয়ে দিয়েছে। ওদিকে আবার ইয়ার টেওডরের অগ্নিস্তম্ভ সখা এই শহরে। এবং বছর দুই ধরে সে প্রাণ্ডু পদ্ধতিতে শহরের এ-মহলায়, ও-মহলায় শনির রাতে—এবং সেটা বত গভীর হয় ততই উম্দা—সাজ একে, পরের শনিতে অগ্নিকাউকে জাগাবার চেষ্টা করে যাচ্ছে। পুলিশ বিস্তর গবেষণার পর লক্ষ্য করলো যে সর্বত্রই ওয়ার্কিং মেথড বা মডুস অপেরাণ্ডি হুবহু এক—বড় বড় ব্যাক-ডাকাতরা যে রকম পুলিশের এই জাতীয় গভীর গবেষণার কলেই শেষ পর্যন্ত ধরা পড়ে। তাই তারা সেই ডেঞ্জরস্ ক্রিমিনাল টেওডরের প্রতীকাতেই ছিল।

আর আপনাদের সেবক এই অধম? সে কি কখনো ধরা পড়েছিল?

(৩)

অধার পাঠক। শাস্ত হও, তোমার মনে কি কুচিন্তা সে আমি জানি; ইতি-মধ্যে ঐ বাবদে দু'খানা চিঠিও পেয়েছি, আমার কিন্তু-কিন্তু ভাবটা যাচ্ছে না। আমি জানি, তোমার জ্ঞানতৃষ্ণা প্রবল, তাই জানতে চাও আমি কখনো ধরা পড়ে শ্রীধরবাস করেছিলুম কি না। আমার সে 'দুরাবস্থা'র* বর্ণনা শুনে তোমার হৃদয়মনে কোন্ প্রতিক্রিয়া সৃষ্ট হবে সেই নিয়ে আমার দুর্ভাবনা। তাহলে একটা ছোট কাহিনী দিয়ে আমার সঙ্কোচটা বোঝাই।

মাত্র কয়েকদিন আগে, এই ১৬ই অগ্রহায়ণ, আমরা স্বর্গত গুরুদাস বন্দ্যোপাধ্যায়ের মৃত্যুদিন পালন করলুম। এঁর বহু বহু সদৃশ ছিল, তার অন্ততম, তিনি নিজে সাহিত্য নাট্য সৃষ্টি করুন আর নাই করুন সে যুগের সবাই মেনে নিয়েছিলেন যে তাঁর মত শাস্ত্রজ্ঞ রসজ্ঞ জন বাঙলাদেশে বিরল—এবং শুদ্ধমাত্র রসজ্ঞ হিসাবে অদ্বিতীয়। তাই কাঁচা পাকা সর্ব লেখকই তাঁকে তাঁদের বই পাঠিয়ে মতামত জানতে চাইতেন। ওদিকে গুরুদাস ছিলেন কর্মব্যস্ত পুরুষ। সেই ডাঁই ডাঁই বই পড়ে স্বহস্তে উত্তর লেখার তাঁর সময় কই? তাই একখানা পোস্টকার্ডে যা ছাপিয়ে নিয়েছিলেন তার মোটামুটি মর্ম এই :—‘মহাশয়, আপনার পাঠানো পুস্তকের জ্ঞান কৃতজ্ঞতা জানাই। আমি উহা মনোযোগ সহকারে পড়িয়াছি। সত্য বলিতে

* এ-যুগের ছেলে-ছোকরারা বিচ্ছেদাগর পড়ে না বলে বলতে দোষ নেই যে একদা এক পিতা-পুত্র বিচ্ছেদাগর মশায়ের কাছে তাদের দুঃখের কাহিনী শেষ করলে এই বলে, ‘আমাদের ছুরাবস্থাটা দেখুন।’ বিচ্ছেদাগর নাকি মুচকি হেসে বললেন, ‘তা সেটা আকার (আ-কার) থেকেই বুঝতে পারছি।’

কি পড়িতে পড়িতে—' এখানে এসে থাকতো একটা লম্বা লাইন, এবং তার উপরে ছাপা থাকতো, 'হাত্ত সস্বরণ করিতে পারি নাই' এবং লাইনের নিচে ছাপা থাকতো 'অশ্রু সস্বরণ করিতে পারি নাই।' তিনি নাকি পাঠানো বইখানা পড়ে যথোপযুক্তভাবে হয় লাইনের উপরের 'হাত্ত সস্বরণ' বা নিচের 'অশ্রু সস্বরণ' কেটে দিতেন। তিনি ছিলেন অজ্ঞাতশত্রু, তাই নিশ্চয়ই কোনো বদরসিক কাহিনীটির সঙ্গে আরো জুড়ে দিত যে, অধিকাংশ স্থলেই তিনি নিজে বইখানি পড়তেন না, তাঁর সেক্রেটারি সেটি পড়ে বা না পড়ে উপরের 'হাত্ত' কিংবা নিচের 'অশ্রু' কেটে দিত।*

তাই আমার কিন্তু-কিন্তু, তুমি লাইনের উপরের না নিচের, কোন বাক্যটি কাটবে—আমার কাহিনী শুনে। তা সে যাক্গে, বলেই ফেলি। কোন দিন আবার তুমি করে মরে যাবো।

পূর্বেই নিবেদন করেছি, চিতে বাষ হরিণের পালের গোদাটাকেই সব সময় ধরবার চেষ্টা করে তারই পিছনে ধাওয়া করে যখন সব কটা এদিক ওদিক ছড়িয়ে পড়ে—শহরের পুলিশও ঠিক সেই রকম আমাদের মত 'শিশাচ-সম্প্রদায়ের' সব চেয়ে হোঁৎকাটাকেই ধরবার চেষ্টা করতো, আমরা যখন তাড়া খেয়ে হরিণের টেকনীকই অন্বেষণ করে ইদিকের ওদিকের গলিতে ছড়িয়ে পড়তুম। কিন্তু কিছুদিন পরে আমরা লক্ষ্য করলুম, একই গোদাকে বারবার শিকার করে পুলিশ যেন আর খাঁটি স্পোর্টসম্যানের নির্দোষানন্দ লাভ করছে না। তখন তারা দুসরা কিংবা তেসরা মোট্‌কাটাকে ধরবার চেষ্টা করতে লাগলো। তাদেরও ট্রেনিং হচ্ছে, আশ্মোগোরও। কখনো তারা জেতে, কখনো আমরা জিতি। সেই যে গুলিখোর শিকারী বয়ান দিচ্ছিল, 'তারপর আমি তো কইর করলুম বন্দুক, আর কুস্তাকেও দিলুম শিকারের দিকে লেলিয়ে। তারপর বন্দুকের গুলি আর কুস্তাতে কী রেস্। কভী কুস্তা কভী গোলী, কভী গোলী কভী কুস্তা।' আমাদের বেলাও তাই, 'কভী ইস্টুডেন্ট কভী পুলিশ, কভী পুলিশ কভী ইস্টুডেন্ট।' আমার অবশ্য কোনই ডর ভয় ছিল না।

* ভিক্টর য়্যাগো (Hugo) সম্বন্ধে বলা হয়, একবার এক অধ্যাতনামা কবি য়্যাগোকে তাঁর কবিতার বই পাঠিয়ে তাঁর মতামত জানতে চাইলেন। সঙ্গে সঙ্গে য়্যাগোর সানন্দ অভিনন্দন এসে পৌঁছল সেই কবির হাতে, তাঁর কাব্যটির অস্তিত্ব প্রকাশ্যে করে য়্যাগো শেষ করেছেন এই বলে, 'হে নবীন কবি, আমি তোমাকে সাদর অভিনন্দন করে, ফ্রান্সের কবিজ্ঞের আমন্ত্রণ জানাই।' তিন দিন পরে বুক-পোস্টে পাঠানো কবির সেই কবিতার বই ফেরত এল তাঁর কাছে। উপরের পিঠে পোস্ট অফিসের রবার-স্ট্যাম্প ছাপ, 'বখেট্ট টিকিট লাগানো হয় নি বলে এছপকারী বেরারিং হারে কালতো পরমা দিতে নারায় ; অন্তএব প্রেরকের কাছে ফেরত পাঠানো হল।'

কারণ আমি তখন এমনিতেই ছিলাম বেহন্ রোগা টিউটিঙে—পাঁচকুট সাড়ে ছ'টাকা নিয়ে একশ' পাঁচ শোণ্ড ওজন—অর্থাৎ হোঁৎকা মোট্কা জর্মন সহপাঠীদের তুলনায় তো আধটিপ :নস্তি। তত্পরি আমি সবদাই সুনির্মল বস্ত্র সেই তিরস্কারটি মনে রাখি, 'বাঙালী হয়েছো, পালাতে শেষ নি।'

কিন্তু বিশ্বাস করুন আর নাই করুন, এক রাত্রে দেখি, পুলিশ অস্ত্র ব্যবস্থা করেছে। এতদিন যেই আমি একা হয়ে যেতুম, পিছনে আর বুটের শব্দ শুনে পেতুম না। সেরাতে দেখি, পুলিশ নিতান্ত আমাকেই ধরবার জন্য যে মনস্থির করেছে তাই নয়, আগের থেকে, বেশ সুচিন্তিত কাইভ ইয়ারস প্ল্যানিং করে যেন জাল পেতেছে। আমি তাড়া খেয়ে যেদিকেই যাই, পিছনে তো বুটের শব্দ শুনে পাই-ই, তত্পরি দেখি, ঐ দূরে গলির মুখে আরেকটা পুলিশ দাঁড়িয়ে রয়েছে—যেন বিরহজর্জরিত ফিলমের নায়ক ক্রোমিডভুৎকা নায়িকাকে আলিঙ্গনার্থে দাঁড়িয়ে আছেন। কিন্তু আমি মহাভারত পড়েছি, জানি, এ-আলিঙ্গন হবে ধার্তরাষ্ট্র। অতএব মারি গুলি অস্ত্র বাগে।

অনেকক্ষণ ধরে এই খেলা চললো। হাঁতমধ্যে আমি কয়েক সেকেন্ডের তরে সব পুলিশের দৃষ্টির বাইরে; এবং সঙ্গে সঙ্গে ঢুকলুম একটা 'পাবে'। ঝটকা মেয়ে 'বার' থেকে অস্ত্র কারো অর্ডারী এক কাপ কফি যেন ছিনিয়ে নিয়ে গিয়ে বসলুম, 'পাব'-এর সুদূরতম প্রান্তে। সঙ্গে সঙ্গে ঢুকলো একটা পুলিশ।

খাইছে। এবারে এসে পাকড়াবে। বৈষ্ণবরাজ চরক বলেন, 'এ অবস্থায় হরিনামের বটিকা খেয়ে শুয়ে পড়বে।'

সে কিন্তু হাঁপাতে হাঁপাতে প্রথমটায় 'বার' কীপারের মুখোমুখি হয়ে, আমার দিকে পিছন ফিরে এক গেলাস বিয়ার কিনে একটা অতি দীর্ঘ চুমুক দিলে। আমি বুলুম, মাইকেল সত্যই বলেছেন, সীতাদেবীকে রাবণের রাক্ষসী গ্রহণিণীরা কোনো গাছতলায় বসিয়ে বেপরোয়া ষোরাখুরি করতো,

'হীনপ্রাণা হরিণীয়ে রাখিয়া বাধিনী

নির্ভয় হৃদয়ে যথা করে দূর বনে'

গতময় ইংরিজীতে যাকে বলে নিতান্তই 'ক্যাট অ্যাণ্ড মাউস গ্নে।' বরফ রবীন্দ্রনাথেরটাই ভালো, 'এ যেন পাখি লয়ে বিবিধ ছলে শিকারী বিড়ালের খেলা।'

এবারে সে গেলাস হাতে করে 'বার'-এর দিকে পেছন ফিরে আমার দিকে মুখ করে থাকাল।

আমিও অলস কোঁতুহলে একবার তার দিকে থাকালুম। 'পাব'-এ নূতন

নিরীহ খন্ডের ঢুকলে বেরকম অস্ত্র নিরীহ খন্ডের তার উপর একবার একটি নদ্র
বুলিয়ে অস্ত্র দিকে চোখ কেঁরায় ।

আমি যদিও তখন মাথা নিচু করে কাপের দিকে তাকিয়ে আছি—বেন
মাইক্রোস্কোপ দিয়ে বৈজ্ঞানিক অণুপরমাণু পর্যবেক্ষণ করছেন—তবু স্পষ্ট বুঝতে
পারলুম, লোকটা কি ভাবছে । তারপর শুনলুম, ‘গুটে নাথট্ !’ আমি মাথা তুলে
দেখি পুলিশ তার বিয়ার শেষ করে ‘পাব’ওলাকে ‘গুড নাইট’ জানিয়ে চলে যাচ্ছে ।
(জার্মানীর অলিখিত আইন, ‘বিয়ার খাবে ঢক ঢক করে, ওয়াইন খাবে আ-স্তে,
আ-স্তে ।’)

ঠিক বুঝতে পারলুম না কেন ? তবু হাঁপ ছেড়ে বাঁচলুম বলি নি । এদের তো
রাবণের গুপ্তি । এবার যিনি আসবেন, তিনি এঁয়ার মত বাপের হুপুস্তুর নাও হতে
পারেন । আবার বাইরে যাবারও উপায় নেই । জাল গুটিয়ে সবাই চলে গেছেন,
না বাপটি মেরে বসে আছেন, কে জানে ?

ষণ্টাখানেক পর যখন ‘পাব’ নিতান্তই বন্ধ হয়ে গেল, তখন দেখি সব ফাকা ।
তবু সাবধানের মার নেই । অকুস্থলের উল্টো মুখে রওয়ানা দিয়ে অনেকখানি চকর
খেয়ে বাড়ি কিরলুম ‘তড়পত হুঁ জৈসে জলবিন মীন’ হয়ে ।

* * *

তার দু-তিনদিন পর সকালবেলা যখন পাত্তাড়ি নিয়ে যুনি (ভার্গিটি) যাচ্ছি,
তখন একজন পুলিশ হঠাৎ সামনে দাঁড়িয়ে বুটের গোড়ালি গোড়ালিতে ক্লিক করে
আমাকে সেলুট দিলে । আমি হামেশাই পুলিশের সামনে ভারী সুবিনয়ী—বার
তিনেক ‘গুটেন মর্গেন গুটেন মর্গেন গুটেন মর্গেন’ বললুম, যতপি একবারই যথেষ্ট ।

কোনো প্রকারের লৌকিকতা না করে সোজা শুধোলে, ‘তুমি ইণ্ডিয়ান ?’

তালেবর পুলিশ মানতে হবে । বলেছে ‘ইণ্ডার’ । ‘ইণ্ডিয়ানার’ বা রেড
ইণ্ডিয়ান বলে নি । এদেশের অধিকাংশ শিক্ষিত লোকও যে পার্থক্যটি জানে না ।
বললুম, ‘হ্যাঁ ।’—

শুধোলে, ‘এখান থেকে ইণ্ডিয়া কতদূর ?’

আমি বললুম, ‘এই হাজার পাঁচেক মাইল হবে । সঠিক জানি নে, তবে জাহাজে
যেতে ১২।১৩ দিন লাগে ।’

বললে, ‘বাপ-মা এই পাঁচ হাজার মাইল দূরে পাঠিয়েছে বাদরামি শেখবার
অন্তে ?’

এতকণে আমার কানে জল গেল । বললুম, উইথ রেকারেনস্ টু দি কনটেকসট

বে, লোকটা সেই রাত্রে আমাদের দলের দুর্ঘটনা এবং পরবর্তী লুকোচুরির কথা পাড়ছে। আমি তবু নাক-টিপলে-দুধ-বেরোয়-না গোছ হয়ে বললুম, 'কিসের বাদরামি ?'

অর্ধনে 'শ্রীকাকা' শব্দের ঠিক ঠিক প্রতিশব্দ নেই। কিন্তু যে কটি শব্দ পুলিশম্যান প্রয়োগ করলে তার অর্থ ঐ দাঁড়ায়। তারপর নামলো সম্মুখসমরে! বললে, 'সেরাজে কয়েক সেকেন্ডের জন্ত চোখের আড়াল হয়ে যেতে পেরেছিলে বলে তোমাকে ধরি নি। এবারে কিন্তু ছাড়বো না।'

'অনেক ধন্যবাদ!' তারপর আমিও রণাঙ্গনে নেমে বেহায়ার মত বললুম, 'সে দেখা যাবে।'

যেন একটু দরদী গলায় বললে, 'কিন্তু কেন, কেন এসব করো?'

আমিও তখন একটু নরম গলায় বললুম, 'এদেশে কি শুধু যুঁজতে পড়তেই এসেছি? এদেশে বসেও তো এ-দেশের বই কিনে পড়া যায়। আমি এসেছি সব শিখতে, আর-সব স্টুডেন্টরা যা করে, তাই করি!'

'সব ছেলে এরকম বাদরামি করে?'

আমাকে বাধ্য হয়ে স্বীকার করতে হল সবাই করে না।

'তবে?'

তখন বললুম, 'ব্রাদার, শোনো। এই স্টুডেন্ট বনাম পুলিশ লড়াই সর্বপ্রথম আরম্ভ হয় চতুর্দশ শতাব্দীতে হাইডেলবের্গে। এখানে আরম্ভ হয় ১৭৮৬তে। তারপর কয়েক বছর যুঁজ বন্ধ ছিল—কেন, সঠিক জানি নে, বোধ হয় নেপোলিয়ন তার জন্ত দায়ী—কেন যুঁজ খোলার সঙ্গে সঙ্গে ১৮১৮ থেকে। এবারে তুমিই কও, বুকে হাত দিয়ে, এই আমরা আজ যারা স্টুডেন্ট, আমরা যদি আজ লড়াই ফাস্ত দি তবে ভবিষ্যৎ বংশীয় স্টুডেন্টরা ইতিহাসে লিখে রাখবে না "অতঃপর বিংশ শতাব্দীর তৃতীয় দশকে এক দল কাপুরুষ ছাত্র আগমনের কলে—তাহাদের মধ্যে একটা অপদার্থ ইণ্ডিয়ানও ছিল—সেই সংগ্রাম বন্ধ হইয়া যায়—স্টুডেন্টরা পরাজয় স্বীকার করিয়া লইল।" তারপর ভারতীয় নাটকীয় পদ্ধতিতে 'হা হতোশ্মি হা হতোশ্মি' করার পর বললুম, 'এই যে মহাকবি হাইনে, তিনি পর্যন্ত এখানে—'

এই করলুম ব্যাকরণে ভুল। বাবা দিয়ে শুধোলে, 'তুমি তার মত কবিতা লিখতে পারো?'

নিশারণে সে জিতেছিল না আমি জিতেছিলুম, সেটা সমশ্রাময়, সেটাকে 'ডু' বললেও বলা যেতে পারে, কিন্তু দিবাতাগে এই তর্ক-যুদ্ধে আমি হার মেনে বললুম,

‘বাকিটা আরেকদিন হবে, ব্রাদার। এখন তোমার নামটা বলো। সেই শনির রাত্রে যেখানে আমাদের প্রথম চারি চক্র মিলন হয়েছিল সেখানেই দেখা হবে। আমি কোন করে ঠিক করে নেব। এখন চলি, আমার ক্লাস আছে।’

সে হেসে যা বললে সেটাকে বাঙলায় বলা চলে, ‘ডুডু খাবে টামাকও ছাড়বে না।’

* * *

এবারে ধরতে পারলে ছাড়বে না—সে তো বুঝলুম। ওদিকে এক মাস পরে আমার পরীক্ষা। তিনটে ভাইভা। শনির রাত জেগে তামাম রববার শুধু মুখস্থ আর মুখস্থ। হাসি পায় যখন এদেশে শুনি, এখানে বড্ড বেশী মুখস্থ করানো হয়; মুখস্থ না করে কে কবে কোন্ দেশে কোন্ পরীক্ষা পাস করেছে। তা সে পেসতাল-দুজির দেশেই হোক আর ফ্লোবেলের দেশ, এই জর্মনিতেই হোক। তাই আমাকে আর যুদ্ধে না ডেকে আমাদের কীলড মার্শেল আমাকে রিজার্ভে রাখলেন। মাত্র এক রাত্রে ডাক পড়েছিল, তবে সেটা শহরের অন্ত প্রান্তে। আর এক দিন, সেই দৈত্যকুলের প্রহ্লাদ-পোটির সঙ্গেই একটা ‘পাব’-এ বসে দু-দণ্ড রসলাপ করেছিলুম। লোকটি সত্যই অমায়িক।

* * *

এদেশে পরীক্ষার পূর্বে এত সাতায় রকমের কাগজপত্র মায় খীসিস্ ডীনের দক্ষতরে জমা দিতে হয় যে, সবাই শরণ নেয় আন্কোর হালের যে দু’দিন আগে পাস বা ফেল করেছে। তারাই শুধু এসব হাবিজাবির লেটেস্ট খবর রাখে। সে রকম দুজনা অনেকক্ষণ ধবে বসে, দক্ষে দক্ষে, একাধিক বার মিলিয়ে নিয়ে এক বাঙালি কাগজ, কর্ম, সার্টিফিকেট আমাকে দিয়ে বললে, ‘এইবারে যাও বৎস, ডীনের দক্ষতরে। সব মিলিয়ে দিয়েছি। আর, শোনো, সব কাগজের নিচে রাখবে একখানা পাঁচ মার্কের (তখনকার কালে পাঁচ টাকার একটু কম) নোট। এটা কেরানীর অন্ত্যায় প্রাপ্য—কিন্তু পূর্ণ শত বৎসরের ঐতিহ্য।’

ছুরু ছুরু বৃকে—প্রায় নার্ভাস ব্রেক ডাউনের সীমান্তে পৌঁছে—দাঁড়ানুম গিয়ে ডীনের দক্ষতরে, কাউন্টারের সামনে। পাঁচ টাকার চেয়ে বেশীই রেখেছিলুম।

যে কেরানী এসে সম্মুখে দাঁড়ালেন তাঁর এ্যাক্সড়া হিগেনবুর্গী গৌফ, আর বয়েসে বোধ হয় তিনি যুনির সমান। সান্তিশয় গস্তীর কণ্ঠে আমার শুড্ মর্নিঙের কি একটা বিড়বিড় করে উত্তর দিয়ে দক্ষে দক্ষে কাগজ গুনলেন, টাকাটা কি কায়দায়

যে সরালেন ঠিক ঠাহর করতে পারলুম না। কিন্তু মুখে হাসি ফুটলো না। বরঞ্চ গম্ভীর কণ্ঠে গম্ভীরতর করে শুধোলেন, ‘অমুক সার্টিফিকেটটা কই?’

আমি তো সেই দুই জোগানদারদের উপর রেগে টঙ্। পইপই করে আমি শুধিয়েছি, ওরা আরো পইপই করে বলেছে, সব কাগজ ঠিকঠাক আছে, এখন এ কী গেরো রে বাবা! বুঝলুম, কি একটা সার্টিফিকেট আনা হয় নি। কিন্তু সে সার্টিফিকেট কিসের, কোনোই অনুমান করতে পারলুম না। জোগানদারদের মুখেও শুনি নি।

ভয়ে ভয়ে শুধালুম, ‘কি বললেন, শ্রা!’

এবার যেন নাভিকুণ্ডলি থেকে কৈয়াজখানি কণ্ঠে কি একটা বেরলো।

গুরু-মুর্শাদ, ওস্তাদ-মুরুব্বীদের আশীর্বাদ-দোওয়া আমার উপর নিশ্চয়ই ছিল; হঠাৎ অর্থাৎ মাথার ভিতরে যেন বিদ্যাতের মত ঝিলিক মেরে গেল। আর সঙ্গে সঙ্গে আপন অজান্তে এক গাল হেসে বলে ফেলেছি, ‘চেষ্টা তো দিয়েছি, শ্র, দু বছর ধরে প্রায় প্রতি শনির রাতে—মাক করবেন শ্র—বলা উচিত রবির ভোরে। তা ওরা ধরতে না পারলে আমি কি করবো? বললে পেত্যয় যাবেন না, শ্র—’

ইতিমধ্যে বুড়ো হঠাৎ ঠাঠা করে হেসে উঠেছেন। যেমন তাঁর গাম্ভীর্য তেমন তাঁর হাসি। বিশেষ করে তাঁর বিরাট গোঁপ জোড়ার একটা দিক নেমে যায় নিচে, তো অন্যটা উঠে যায় উপরের দিকে। সে হাসি আর খামে না। ইতিমধ্যে ছোকরা কেরানীরাও হাসির রগড় দেখে তাঁর চতুর্দিকে এসে দাঁড়িয়েছে। এবারে ধেমো বললেন, ‘ধরা দেবার চেষ্টা করলে, আর ওরা ধরতে পারলো না, এটা কি রকম কথা?’

আমি বললুম, ‘যে-পুলিস আরেকটু হ’লে ধরতে পারতো, তাকে সাক্ষী স্বরূপ হাজির করতে পারি, যে, আমি চেষ্টায় ত্রুটি করি নি, এই জেলে যাবার সার্টিফিকেট জোগাড় করার।’

সংক্ষেপে বললেন, ‘খুলে কও।’

আমি সেই প্রকৃতির লোক যারা নার্তাস ব্রেক ডাউনের ভাঙন থেকে পড়ি পড়ি করতে করতে বেঁচে গিয়ে হঠাৎ নিকৃতি পেয়ে হয়ে যায় অহেতুক বাচাল—সেও আরেক রকমের নার্তাসনেস্! গড় গড় করে বলে গেলুম, পুলিশের সেই জাল পাতার কাহিনী—বিশেষ করে আমার উপকারার্থে—‘পাব’-এর ভিতরকার ব্যান ও সর্বশেষে সেই পুলিশম্যানের সঙ্গে পশ্চিমধ্যে আমার ষম-নচিকেতা কথোপকথন। বক্তৃত্ত শেষ করলুম, দীর্ঘনিশ্বাস ফেলে, ‘এর পর এই পরীক্ষার পড়া নিয়ে বড় ব্যস্ত ছিলাম

বলে সলিড্ কিছু করে উঠতে পারি নি, শুর। শুধু ঐ যে, দিন পনেরো আগে হঠাৎ এক সকালে দেখা গেল লর্ড মেয়ারের বিরাট দফতরের উচ্চতম টাওয়ারে একটা হেঁড়া ছাতা বাঁধা, বাতাসে পংপং করছে, কারার ব্রিগেড পর্যন্ত নামাতে পারে নি, ঐ উপলক্ষ্যে অধীন কিঞ্চিৎ, অতি যৎকিঞ্চিৎ সাহায্য করতে—’

একজন ছোকরা কেরানী আঁতকে উঠে বললে, ‘সর্বনাশ! ওটার ভালানী-বে এখনো শেষ হয় নি!’

বুড়ো বললেন, ‘আমরা তো কিছু শুনছি না!’

বুড়োর কাছ থেকে বিদায় নিয়ে বেরুতে গেলে তিনি কাউন্টারের ক্ল্যাপ্‌টা তুলে আমার সঙ্গে দোর পর্যন্ত এলেন—পরে শুনলুম, এ-রকম বিরল সম্মান ইতিপূর্বে নাকি মাত্র দু’ একজন বিদেশীই পেয়েছেন! আমি কিছু শুধোবার পূর্বেই তিনি যেন বুঝতে পেরে তাঁর মাথাটি আমার কানের কাছে নিচু করে, এবং সঙ্গে সঙ্গে বুড়ো আঙুলের ডগা বৃকে ঠুকে ঠুকে কিসকিস করে বললেন, ‘আমি তিনবার, আমি তিনবার!’ তারপর অত্যন্ত সিরিষাসলি শুধোলেন, ‘বছর তিনেক পূর্বে এক ডাচ স্টুডেন্ট বললে—বুঝতেই পারছো, এ রসিকতাটা আমি শুধু বিদেশী ছাত্রদের সঙ্গেই করে থাকি, হুদু মাত্র জানবার জন্য, তারা কতখানি সত্যকার জর্মন ঐতিহ্যের বুনিছাত্র হতে পেরেছে—স্টুডেন্টরা নাকি ক্রমেই হারছে!’ কঠে রীতিমত আশঙ্কার উৎপীড়ন।

আমি তাঁর প্রসারিত হাত ধরে হ্যাণ্ডশেক করতে করতে বললুম, ‘তিন বছর পূর্বে, ইয়া। কিন্তু তারপর জানেন তো, আমি আর আপনার মত মুক্কবীকে কি বলবো, কৃষ্ণতম মেঘেরও রূপালী সীমান্তরেখা থাকে—এল জর্মনিতে অভূতপূর্ব বিরাট বেকার সমস্যা, যেটা এখনো চলছে। কলে ছেলেরা ম্যাট্রিক পাস করে এদিক ওদিক কাজে ঢুকতে না পেরে বাধ্য হয়ে ঢুকছে য়ুনিভে, আগে বেখানে ঢুকতো একজন, এখন ঢোকে দশজন। ওদিকে সরকারের পয়সার অভাবে পুলিশের গুলি না বেড়ে বরঞ্চ কমতির দিকে। আমরা এখন দলে ভারি। বস্তুতঃ আমরা এখন নিশাচরবৃত্তি পরিত্যাগ পূর্বক দিবা ভাগেই তাদের সম্মুখ-সমরে আহ্বান করতে পারি—করি না, শুধু শতাধিক বৎসরের ঐতিহ্য ভঙ্গ হবে বলে।’ তারপর একটু ধেমে গম্ভীরতর কঠে বললুম, ‘আর যদি কখনো সে দুর্দিনের চিহ্ন দেখি, তবে সেই হুদুর ভারত থেকে কিরে আসবো—আ মি। সামনের পরীক্ষায় পাশ করি আর কেলই। মারি, সেই পরাজয় প্রতিরোধ করার জন্য য়ুনিভে ঢুকে ছাত্র হব আবার—আ মি।’

আম্বো।’ ॥

রাসপুতিন

এক একটা ছুঃখ মানুষ আশুতু্য বয়ে চলে । আমার নিজের কথা যদি বলার অহুমতি দেন, তবে নিবেদন করি, অধ্যাপক বগ্‌দানকের আমাকে বলা তাঁর নিজের জীবনের কিছু কিছু অভিজ্ঞতা আমি যে কেন তখনই লিখে রাখিনি সেই নিয়ে আমার শোক, এবং এ-শোক আমার কখনো ঘাবে না । তারই একটি ১৯১৭-র কম্যুনিষ্ট বিপ্লব । তিনি অকুস্থলে উপস্থিত ছিলেন এবং সমস্ত ঘটনাটি বর্ণন করতে তাঁর লেগেছিল পুরো ন'টি ঘণ্টা । শান্তিনিকেতনে আশ্রমের ইস্কুলের শোবার ঘণ্টা পড়ে রাত ন'টার সময় ; আমি কলেজে পড়তুম বলে অধ্যাপকের ঘরে ঐ সময়ে যেতে কোনো বাধা ছিল না । পর পর তিন রাত্রি ধরে রাত বারোটা-একটা অবধি তিনি আমাকে সেই ইতিহাস বলে যান । অবশ্য অনেকেই বলতে পারেন, ঐ যুগপরিবর্তনকারী আন্দোলন সম্বন্ধে বিস্তর প্রামাণিক পুস্তক লেখা হয়ে গিয়েছে এবং অধ্যাপক বগ্‌দানকের পাঠটা খোয়া গিয়ে থাকলে এমন কীই বা ক্ষতি । হয়তো সেটা সত্য, কিন্তু ঐ বিষয়ে আমি যে কটি সামান্য বই পড়েছি তার সব কটাই বড়ই পাণ্ডিত্য-পূর্ণ, বৈজ্ঞানিক । বগ্‌দানক তাঁর কাহিনী বলেছিলেন একটি বোল বছরের ছোকরাকে—ঘটনার মাত্র চার-পাঁচ বৎসর পরে এবং সেটি তিনি তাই করেছিলেন সেই অল্পযায়ী রসময়, অর্থাৎ সাহিত্যরসে পরিপূর্ণ । এ স্থলে বলে রাখা প্রয়োজন মনে করি, অধ্যাপকের বর্ণনভঙ্গিটি ছিল অসাধারণ, তাই পরবর্তী যুগে তাঁর ইরাম ও আকগানিস্থান (এ দুটি দেশে তিনি দীর্ঘকাল বাস করেন) সম্বন্ধে লিখিত গবেষণামূলক পাণ্ডিত্যপূর্ণ প্রবন্ধরাজি পণ্ডিতমণ্ডলীতে সাহিত্যিক খ্যাতিও পায় । মাতৃভাষা রাশানে তিনি লিখেছেন কমই—তাঁর পাণ্ডিত্য-প্রকাশ যুগে রাশাতে এ ধরনের গবেষণার কোনোই মূল্য ছিল না বলে সেগুলো সেখানে ছাপানোই ছিল অসম্ভব । তিনি প্রধানত লেখেন করাসী ইংরাজী ও কার্সার মাধ্যমে । এবং সব চেয়ে বেশী সম্মান পান কার্সা পণ্ডিতজন মধ্যে ।*

তিনি যে দ্বিতীয় কাহিনী বলেন, সেটি রাসপুতিন সম্বন্ধে । প্রথমটির তুলনায় এটি অনেক হ্রস্ব । রাসপুতিনকে নিহত করা হয়, পুরনো ক্যালেন্ডার অল্পযায়ী

* এঁর উল্লেখ শ্রীবুত প্রকৃত প্রকৃত মুখোপাধ্যায় তাঁর রবীন্দ্র জীবনীতে' করেছেন ; আমিও 'দেশ-বিদেশ' অল্পযায়ী আলোচনা করেছি ।

১৬ই ডিসেম্বর, নতুন ক্যালিফোর্নিয়ার অক্ষুধায়ী ৩০ ডিসেম্বর ১৯১৬ খৃষ্টাব্দে। এর প্রায় কুড়ি বৎসর পর রাসপুতিনকে নিয়ে আমেরিকায় একটি ফিল্ম তৈরী হয় (এবং আমার ষতদূর মনে পড়ে লায়োনেল বেরিমোর রাসপুতিনের অংশ কৃতিত্বের সঙ্গে অভিনয় করেন) এবং ঐ সময় রাসপুতিন-হস্তা রাশার শেষ জারের নিকটাত্মীয় গ্র্যাণ্ড ডিউক ইউসুপক (আরবী হীক্ৰতে ইউসুফ, ইংরাজীতে জোসেফ) ইয়ো-রোপে। ১৯১৭-র রুশ বিপ্লবের মধ্যে তিনি ও তাঁর স্ত্রী সেই সব ভাগ্যবানদের হুজনা, যারা প্রাণ নিয়ে রাশা থেকে পালাতে সক্ষম হন। তিনি লণ্ডন আদালতে মোকদ্দমা করেন ফিল্ম নির্মাতাদের (বোধ হয় M G M) বিরুদ্ধে যে, তাঁরা যে ফিল্মে ইঙ্গিত দিয়েছেন, রাসপুতিন তাঁর অর্থাৎ ইউসুপকের স্ত্রীকে পর্যন্ত তাঁর কামানলের দিকে আকর্ষণ করতে সক্ষম হয়েছিলেন সেটা সম্পূর্ণ মিথ্যা। তিনি মোকদ্দমাটি হেরে যান বটে, কিন্তু ঐ মোকদ্দমাটি তখন এমনই cause celebre কঙ্গ্‌সেলের রূপে—যেমন আমাদের ভাওয়াল সন্ন্যাসীর মোকদ্দমা—প্রখ্যাতি লাভ করে যে তার অল্প ছ’ এক বৎসর পর ঐ মোকদ্দমায় প্রধান অংশগ্রহণকারী একজন উকিল মোকদ্দমাটি সম্বন্ধে একটি প্রামাণিক—এবং আমি বলবো—সাহিত্যিক উচ্চপর্যায়ের প্রবন্ধ লেখেন। তিনি যদিও ইউসুপকের বিরুদ্ধ পক্ষের উকিল ছিলেন, তবু আদালতে ইউসুপক দম্পতির খানদানী সোম্য আচরণের অকুপণ প্রশংসা করেন। তারপর হয়তো আরো অনেক কিছু ঘটেছিল কিন্তু তার খবর আমার কানে পৌঁছয় নি। হঠাৎ গত মাসের ‘আনন্দবাজারের’ এক ইস্ততে দেখি, ইউসুপক ফের মোকদ্দমা করেছেন—এবার কিন্তু আমেরিকায়, কলাম্বিয়া বেতার প্রতিষ্ঠানের বিরুদ্ধে রাসপুতিন ও তাঁর জীবন নিয়ে নাট্য প্রচার করার জন্ত—এবং আবার মোকদ্দমা হেরেছেন। সেই সুবাদে আমার মনটা চলে গেল ১৯২১-২২ খৃষ্টাব্দে, যখন অধ্যাপক বগ্‌দানফ রাসপুতিন-কাহিনী আমাকে ঘণ্টা তিনেক ধরে শোনান।

পরবর্তী যুগে ফিল্ম বেকলো, তারপর লণ্ডনের উকিল তাঁর বক্তব্য বললেন, এবং ‘আনন্দবাজার’ বিদেশ থেকে যে সংবাদ পেয়েছেন, তা-ই প্রকাশ করেছেন। এদের ভিতর পরস্পর বিরোধ তো রয়েছেই, কিন্তু আমার পক্ষ থেকে এ-স্থলে আসল বক্তব্য এই যে, বগ্‌দানফ বলেছিলেন, সম্পূর্ণ না হোক অনেকখানি ভিন্ন কাহিনী। আমি আদৌ বলতে চাই নে, তাঁর বিবরণী, জবানী বা ভাষন—বাই বলুন—সেইটেই নিভুল আপ্তবাক্য; বস্তুত তিনি নিজেই আমাকে বারবার বলেছিলেন, ‘মাই বয়। সেন্ট পেটেরসবুর্গে তখন এত হাজারো রকমের গুজোব নিত্য নিত্য

ডিউক সম্প্রদায় থেকে আস্তাবলের ছোকরাটা পর্যন্ত গরমাগরম এ-মুখ থেকে ও-মুখ হয়ে রাশার সর্বত্র ছড়িয়ে পড়ছে যে আমারটাই যে অস্রাস্ত সেই বা বলি কোন সাহসে ? তবে এটা সত্য আমার জীবনের সর্বপ্রধান কাজ “টেকস্ট্‌ক্রিটিসিজম্” —তখনো ছিল, এখনো আছে—অর্থাৎ কোনো পুস্তকের পেলুম তিনখানি পাণ্ডলিপি, তাতে একাধিক আরগায় লেখক বলেছেন পরম্পরবিরোধী তিনরকম কথা। আমার কাজ যাচাই করে সত্য নিরূপণ করা, কিংবা সত্যের যতদূর কাছে যাওয়া যায় তারই চেষ্টা দেওয়া। অতএব, বুঝতেই পারছো, রাসপুতিন সম্বন্ধে গুজোবগুলো আমি সরলচিত্তে গোত্রাসে গিলি নি, আমার বুদ্ধিবিবেচনা প্রয়োগ করে যেটা সর্বাপেক্ষা সত্যের নিকটতম সেইটেই বলছি।’

অধ্যাপক রাসপুতিনের প্রথম জীবনাংশ সংক্ষেপে সারেন। ১৮৭১ খৃষ্টাব্দে এই চাবী পরিবারের ছেলে রাসপুতিনের জন্ম সাইবেরিয়াতে। ‘রাসপুতিন’ তার আসল নাম নয়—সেটা পরে অন্তলোকে তার উচ্ছ্বল আচরণ, বিশেষ করে কামাদি ব্যাপারে, জানতে পেরে তার উপর চাপায়। লেখাপড়ার চেষ্টা তিনি ছেলেবেলায় কিছুটা দিয়েছিলেন সত্য, কিন্তু সেদিকে ছিলেন, ক্লাসের মামুলি চাষার ছেলেরও অনেক নিকট। এরপর তিনি তাঁর সমাজের ভদ্র ধরেই বিয়ে করেন—আর পাঁচটা ছেলের মত। কিন্তু তার কিছুকাল পরেই হঠাৎ তাঁর বৌক গেল ‘ধর্মের’ দিকে, কিন্তু প্রচলিতার্থে আমরা ধর্মাচরণ বলতে যা বুঝি সেদিকে নয়। হিন্দু ধর্মে যে-রকম একাধিক মতবাদ, শাখা-প্রশাখা—কৃশের প্রচলিত (অর্থডক্স) সনাতন খৃষ্টধর্মেও তাই। তারই একটার দিকে আকৃষ্ট হলেন গ্রেগরি (রাসপুতিন)। এ স্থলে উল্লেখ প্রয়োজন বলে মনে করি, অধ্যাপক বগুদানক ছিলেন অতিশয় ‘গোড়া’—আমি সজ্ঞানে শব্দটি ব্যবহার করছি—রাশার সরকারী ধর্ম ‘গ্রীক অর্থডক্স’ চার্চে বিশ্বাসী এবং আচারনিষ্ঠ খৃষ্টান। শান্তিনিকেতনে তাঁর কামরায় (তখনকার দিনের অতিথিশালা, এখন বোধ হয় ‘দর্শন-ভবন’) দেয়ালে ছিল ইকন এবং তার নিচে অষ্টপ্রহর জলতে! মঙ্গলপ্রদীপ এবং তারই নিচে তিনি অহরহ দাঁড়িয়ে বদেহে আঙুল দিয়ে ক্রুশ চিহ্ন অঙ্কিত করতে করতে—ঠিক আমাদের বুদ্ধিদের মত—বিড়বিড় করে দ্রুতগতিতে মন্তোচ্চারণ করতেন। বলা বাহুল্য রাসপুতিন যে খ্রিস্টি (khlisti) সম্প্রদায়ে প্রবেশ করলেন সেটাকে অধ্যাপক অপছন্দ করতেন। এ সম্প্রদায় উন্নত নৃত্য, সংগীত (এবং লোকে বলে বৌনাতিচার) ইত্যাদির মাধ্যমে পরমাত্মাকে মানবাত্মার অবতীর্ণ করিয়ে স্বয়ং পরমাত্মার পরিবর্তিত হওয়ার চেষ্টা করে। এ মার্গ বিশ্বসংসারে কিছু আজগুबी নৃতন চীজ

নয়। তবে এঁরা বলতে কসুর করতেন না যে, স্ত্রীপুরুষের যৌনসম্পর্ক সম্বন্ধে এঁরা উদাসীন, অর্থাৎ এ বাবদে কে কি করে সেটা ধর্তব্যের মধ্যে নয়। রাসপুতিন এটাকে নিয়ে গেলেন তার চরমে। তিনি প্রচার করতে লাগলেন, ‘পাপ না করলে ভগবানের ক্রমা পাবে কি করে? অতএব পাপ করো!’ এ ছাড়া তার আরেকটি বক্তব্য ছিল, তিনি পরমাশ্রম অংশাবতার, এবং তাঁর সঙ্গে দেহে মনে আশ্রয় আশ্রয় যে কেউ সম্মিলিত হবে তারই চরম মোক্ষ তদগুণেই। তাঁর শিষ্যাগণের সঙ্গে তাঁর সেই সম্মিলিত হওয়াটা কোন্ পদ্ধতিতে হতো সেটা বলতে সীমিত্য বাধে, এবং একথা প্রায় সর্ববাদী সম্মত যে তিনি তাঁর শিষ্য-শিষ্যাগণকে নিয়ে একই কামরায় যে সব ‘সম্মেলন’ ঘটাতেন সেটা শুধু তিনি নিজেতেই সীমাবদ্ধ রাখতেন না, শিষ্য-শিষ্যাগণ নিজেদের মধ্যেও সম্মিলিত হতেন। ইংরিজীতে একেই ‘অজি’ ‘সেটারনেলিয়া’ ইত্যাদি বলে থাকে।

এটা সত্য, রাসপুতিনের কথা আমিই উত্থাপন করেছিলুম এবং অধ্যাপকও রাসপুতিন সম্বন্ধে তাঁর যা জানা ছিল সেটি সবিস্তর বলেছিলেন, কিন্তু তিনি রাসপুতিনের ধর্মসম্প্রদায় সম্বন্ধে বলতে গিয়ে তাঁর পূর্ণ বক্তব্যের প্রায় অর্ধাংশ ব্যয় করেন ঐ সম্প্রদায় নিয়ে, এবং বিশ্বের অন্যান্য ধর্মে কোথায় কোথায় এ-প্রকারের ‘অজি’ স্বীকৃত এবং কার্যে পরিণত হয়েছে তাই নিয়ে। এ বাবদে তাঁর শেষ বক্তব্য ‘আজও আমার স্পষ্ট মনে আছে : ধর্মের নামে এ ধরনের অনাচার কেন যুগে যুগে হঠাৎ মাথা চাড়া দিয়ে ওঠে, কিংবা গোপনে গোপনে বিশেষ কয়েকটি পরিবারের মধ্যে সীমাবদ্ধ হয়ে প্রাচীন ধারাটি অক্ষুণ্ণ রাখে, এ তত্ত্বটি সাতিশষ গুরুত্ব ধারণ করে এবং এর অধ্যয়ন প্রচলিত ভিন্ন ভিন্ন ধর্মশাস্ত্রীয় পুস্তক অধ্যয়ন করে হয় না, এর অগ্র প্রথমত প্রয়োজন নৃতত্ত্ব এবং পরে সমাজতত্ত্বের গভীর অধ্যয়ন (এর পূর্ব Anthropology ও Sociology এ দুটো শব্দ আমি কখনো শুনিই নি)।

আমি তখন বুঝতে পারি নি পরে পারি, যে আর ‘পাঁচজনের মত তিনিও রাসপুতিনের রগরগে কাহিনী কীর্তন করতে প্রস্তুত ছিলেন বটে, কিন্তু তাঁর আসল উদ্দেশ্য ছিল ওরই মাধ্যমে—ফাঁকি দিয়ে শটকে শেখানোর মত—আমাকে সাধারণ ভারতীয় ছাত্রের পাঠ্যবস্তুর গণ্ডি থেকে বের করে পুরাতত্ত্ব, নৃতত্ত্ব, সমাজতত্ত্ব প্রভৃতি ভিন্ন ভিন্ন বিষয়ের সঙ্গে প্রথম-পরিচয় করিয়ে দেওয়া। বলা বাহুল্য, এসব আমার সম্বন্ধে নিছক ব্যক্তিগত কথা হলে আমি এগুলো উল্লেখ করতুম না, আমার অগ্রতম উদ্দেশ্য, এই সুবাদে তখনকার দিনের স্বয়ং রবীন্দ্রনাথ-চালিত বিশ্বভারতীর (মূল ও

কলেজ—যথাক্রমে ‘পূর্ব’ ও ‘উত্তর বিভাগ’) অধ্যাপকগণ কি প্রকৃতি ধারণ করতেন তারই যৎকিঞ্চিৎ বর্ণন।

অধ্যাপক বলেছিলেন, এধরনের উচ্ছ্বল আচরণ অবাধে করা যাচ্ছে এবং তত্পরি সেটা ধর্ম নামে প্রচারিত হচ্ছে, এটা যে জনপ্রিয় হবে—অস্তুত জনগণের অংশ বিশেষে—সেটা তো অতিশয় স্বাভাবিক। কিন্তু এই যে এক অজানা-অচেনা অর্ধলুপ্ত ধ্বলিসৃতি সম্প্রদায় হঠাৎ নবজীবন লাভ করে খুদ জারের প্রাসাদ পর্যন্ত পৌঁছে গেল, এটা তো আর একটা আকস্মিক অকারণ কর্তাবিহীন কর্ম নয়। এরকম একটা নবআন্দোলন আনয়নকারী পুরুষের কোনো না কোনো অসাধারণ গুণ, আকর্ষণ বা সম্বোধনশক্তি থাকা নিশ্চয়ই প্রয়োজন।

পূর্বেই বলেছি, অধ্যাপক ছিলেন কট্টর ‘অর্থডক্স গ্রীক চার্চ’-এর অঙ্ক ভক্ত। কিন্তু এখানে এসে তিনিও স্বীকার করলেন, রাসপুতিন একাধিক অলৌকিক শক্তি ধারণ করতেন। তিনি যে কঠিন কঠিন ছুরারোগ্য রোগে, কোনো প্রকারের ঔষধ প্রয়োগ না করে প্রশম করতে পারতেন সেটারও উল্লেখ করলেন। কি প্রকারে? কেউ জানে না।

ইতিমধ্যে জার-প্রাসাদের উপর মৃত্যু যেন তার করাল ছায়া বিস্তার করেছে। হৌচট ধেয়ে পড়ে গিয়ে বালক যুবরাজ আহত হন। তাঁর রক্তক্ষরণ আর কিছুতেই বন্ধ হচ্ছে না। ভিয়েনা বার্লিন থেকে বড় বড় চিকিৎসক এসেছেন। আমি অধ্যাপককে শুধিয়েছিলুম, ‘চিকিৎসা শাস্ত্রে কি রাশা তখনো এতই পশ্চাৎপদ?’ তিনি বলেছিলেন, ‘বলা শক্ত। তবে সাহিত্যের বেলা চেখক্ যা বলেছেন এ স্থলেও হয়তো সেটা প্রযোজ্য: তোমার প্রিয় লেখক চেখক্ বলেছেন, “হ্যাঁ, আলবৎ আমরা রুশ সাহিত্য পড়ি। কিন্তু সেটা ঐ যেরকম আমরা ‘কুটির শিল্পকে’ মেহেরবানী করে সাহায্য করি। আসল মালের জন্তু যাই করাসৌ সাহিত্যে।” হয়তো চিকিৎসার বেলাও তখন তাই ছিল।’

দাসী না ডাচেস্—সমাজের দুই প্রান্তের দুজন—কে প্রথম রাসপুতিনকে নিয়ে গেল জারের রাজপ্রাসাদে?

সে কি? যুবরাজ মৃত্যুশয্যায়, আপন ‘কটেজ ইনডাস্ট্রির’ রাশান ডাক্তাররা তো হার মেনেছেনই, ভিয়েনা-বার্লিনের রাজবৈজ্ঞানিক, যারা কি না কাইজারের, এমপেরার ক্রানৎস যোজ্ঞকের প্রাসাদের গণ্যমান্তদের চিকিৎসা করে করে বিশ্ব-

বিখ্যাত হয়েছেন তাঁরা পর্যন্ত রাশা ছেড়ে পালাতে পারলে বাচেন। কারণ রুশ যুবরাজের যে রোগ হয়েছে সেটার নাম হামোকিলিয়া—আমরা গরীবদের, না জানি কোন্ পুণ্যের ফলে, আমাদের হয় না—ব্যামোটা শব্দার্থেই রাজসিক, শুধু রাজা-রাজাদের ভিতরেই সীমাবদ্ধ। পূর্বে ছিল এই বিশ্বাস; পরে দেখা গেল, গরীবদেরও হয়। আমরা বললুম, 'সেই কথাই কও। ভগবান যে হঠাৎ খামোখা এহেন দুরারোগ্য ব্যাধি শুধু বড়লোকদের জগুই রিজার্ভ করে রেখে দেবেন, এটা তো অকল্পনীয়। ব্যামোগুলো তো আমাদের মত গরীবদের জগুই তৈরি হয়েছে। ভগবান স্বয়ং তো রাজাদের দলে। কিংডম অব্ দি হেভ্ন্ বা স্বর্গরাজ্যে ঈশ্বর বাস তিনি তো কেভার করবেন তাঁর জাতভাই তাঁদেরই, যাদের কিংডম অব্ দি আর্থ বা পৃথ্বরাজ্য আছে।* তাই যদি হয়, তবে স্বর্গরাজ্যই হোক, আর ভূবর্গই হোক, ভিয়েনা-বার্লিনের অস্থিনীকুমারদ্বয় যেখানে রুগীকে হরি নামের গুলি দিয়ে তাড়াতাড়ি কেটে পড়ার তালে, সেখানে দাসী 'কার্সী পড়বে' ? হয়তো ঠিক সেইখানেই, কিন্তু অন্য কারণও আছে।

আমরা এ-দেশে যত কুসংস্কারাচ্ছন্নই হই না কেন, একাধিক বাবদে অস্তিত সে যুগে, অর্থাৎ এ-শতাব্দীর প্রারম্ভে জারের রাশা আমাদের অনায়াসে হার মানাতে পারতো। সে রাশার গ্রীক অর্থডক্স চার্চ ছিল শব্দার্থেই অর্থডক্স—গোঁড়া, কটুর কুসংস্কারাচ্ছন্ন। আর চাষাভূষাদের তো কথাই নেই। তন্ত্রমন্ত্র, জড়িবড়ি, মাহুলী-কবচ থেকে আরম্ভ করে নিরপরাধ 'প্রভু যীশুর হত্যাকারী' ইহুদিদের সুষোগ পেলেই বেধড়ক মার, এবং সেখানেই শেষ নয়—আপন রক্তের, আপন ধর্মের জাতভাই যারা এসব কুসংস্কার থেকে একটুখানি মুক্ত হয়ে, অজুষ্ঠ পরিমাণ স্বাধীনভাবে প্রভু যীশুর বাণী জীবন দিয়ে গ্রহণ করার চেষ্টা করতো যেমন 'দুখবর', 'স্তান্দিস্ত' সম্প্রদায়—তাদের উপর কী বীভৎস অত্যাচার।† এবং চাষাভূষাদের এই অত্যাচার-ইচ্ছনে কাষ্ঠ সরবরাহ করতেন জার সম্প্রদায় এবং তাঁদের অনুগ্রহে লালিত পালিত বিলাস-ব্যসনে গোপন পাপাচারে আকণ্ঠ-নিমগ্ন অর্থডক্স চার্চ তার আপন 'পোপ'—হোলি

* স্বয়ং স্বামীজী নাকি বলেছেন, 'যে ভগবান আমাকে এ-দুনিয়ার এক মুঠো ভাত দেয় না, সে নাকি মৃত্যুর পর আমাকে স্বর্গরাজ্য দেবে—why, even an imbecile would not believe it; much less I!' তবে এটা প্রকিণ্ডও হতে পারে। তবে এ-কথা অতিশয় সত্য, তিনি এই পৃথিবীতেই স্বর্গরাজ্য স্থাপনা কথতে চেয়েছিলেন। বক্সিস নাকি বলতেন, মানুষকে ভগবান হতে হবে, আর তিনি নাকি বলতেন মানুষকে মানুষ হতে হবে।

† সে অত্যাচার-সংবাদে কাতর হয়ে তলস্তর 'রেনসারেকশন' বই লিখে, টাফা তুলে এদের অনেককে কানাডা পাঠিয়ে দেন।

সিনড্কে নিয়ে যে ইউসুপক এর কয়েক বৎসর পর রাসপুতিনের ভবলীলা সাজ করেন, তিনি বা তাঁর ভাই, আরেক গ্র্যাণ্ড ডিউক প্রকাশ্য 'দুমা' বা মন্ত্রণাসভায় প্রস্তাব করেন এবং বহু বিনিময় বামিনী বাপন করে স্বহস্তে নির্মিত পরিকল্পনা সঙ্গে সঙ্গে পেশ করেন, ইহুদিদের সবংশে বিনাশ করার জন্য কি প্রকারে, স্তরে, স্তরে শস্য প্রয়োগদ্বারা তাদের পুরুষদের সম্ভাবন প্রজনন ক্ষমতা হরণ করা যায় ? বগ্‌দানফ সাহেব বলেছিলেন, 'মাই বয়, হি সাব্‌মিটেড্‌ ইট ইন্‌ অল্‌ সিরিয়াসনেস্‌ !' অবশ্য তৎসঙ্গেও মার্জিত রুচিসম্পন্ন ভঙ্গসম্ভান অধ্যাপক বগ্‌দানফ ইহুদিদের ঘৃণা করতেন — হৃদয়ের অন্তঃস্থল থেকে, ঐ জাতীয় আর পাঁচটা বর্বর রুশের মত । বিশ্বভারতীতে তখন একটি সুন্দরী, বিদেশিনী, ইহুদি অধ্যাপিকা ছিলেন ; কি প্রসঙ্গে তাঁর কথা উঠতে বগ্‌দানফ তিক্ত অবজ্ঞায় মুখ বিকৃত করে বললেন, 'আই উড্‌ নট্‌ টাচ হার উইথ এ পেয়ার অব টংস্‌ !—গাড়াশি দিয়েও তিনি তাঁকে স্পর্শ করতে রাজী হবেন না ।

এ কথা সবাই বলেছেন, রাজধানী সেন্ট পেটের্‌স্‌বুর্গে (তখন অবশ্য রাশা জর্মণীর সঙ্গে প্রথম বিশ্বযুদ্ধে লিপ্ত বলে তাদের সভ্যতার জর্মণদের যে শতকরা আশী ভাগ আবাদান, মায় তাদের ভাষায় প্রবেশপ্রাপ্ত জর্মণ শব্দ, যেমন সেন্ট পেটের্‌স্‌বুর্গের জর্মণ অংশ 'বুর্গ'—'প্রাসাদ', 'কাস্‌—সমূলে উৎপাটিত করে নামকরণ করেছে 'পেত্রোগ্রাদ' । সর্বশেষে এর নামকরণ হয় 'লেনিনগ্রাদ', কিন্তু ততদিনে রাজধানী চলে গেছে মস্কোতে) জারের 'উইন্টার পেলেসে' প্রাসাদে বিরাজ করতো কেমন যেন এক অদ্ভুত রহস্যময় (প্রধানত ধার্মিক—mysticism) বাতাবরণ । সম্রাজ্ঞী—জারিনা—ছিলেন অতিশয় কুসংস্কারাচ্ছন্ন, আচার-অনুষ্ঠানে সদালিপ্ত, প্রতি মুহূর্তে পুত্রের পুনর্বীর রক্তক্ষরণ রোগে আক্রান্ত হবার ভয়ে উদ্ব্যস্ত সশঙ্কিত ; বিশেষ করে যখন হৃদয়কম করলেন যে, প্রচলিত চিকিৎসা পদ্ধতি এই কঠিন পীড়ার সম্মুখে সম্পূর্ণ পরাজয় স্বীকার করে নিয়েছে, তখন যে তিনি পাগলিনীর মত রাজ্যের ষত প্রকারের চৌচকামোটকা, তাবিজমাচুলীর সন্ধানে লেগে যাবেন সেটা অবাছনীয় হলেও অবোধ্য নয়—এমন কি কটর বৈজ্ঞানিকও সেখানে সহানুভূতি দেখাবে । একেই তো শীতপ্রাসাদে বিরাজ করতো রহস্যময় বাতাবরণ, যেন সেখানে যে-কোনো মুহূর্তে যে-কোনো প্রকারের অলৌকিক কাণ্ড ঘটে যেতে পারে, তদুপরি নানাশ্রেণীর কুটিল ভাগ্য্যাঘেবী সেই প্রাসাদে কোনো প্রকারের চতুরতা দ্বারা অর্থ সঞ্চয়ের জন্য গমনাগমন করছে, সেখানে যদি নিত্যসঙ্গিনী দাসীটিও বলে যে, সে একজন 'হোলিম্যান', 'সাধুতপস্বীকে' চেনে যার হৃদয়ে প্রভু যীশুর সামান্তাংশ প্রবেশ

করার ফলে (‘সেই শাখত সস্তার একটি কণা আমাতে অবতার রূপে অবতীর্ণ হয়েছে’—রাসপুতিনের আপন ভাষায়) তিনি প্রত্নরই মত বহু ছুরারোগ্য ব্যাধি, কোনো ঔষধ প্রয়োগ না করে অবলীলাক্রমে আরোগ্য করতে পারেন, তবে মহারানী যে নিমজ্জমানার ছায় সেই তৃণখণ্ডকেও দৃঢ়হস্তে ধারণ করবেন সেটা তো তেমন-কিছু অসম্ভব আচরণ নয়।

অন্তপক্ষ বলেন, দাসী নয় ডিউক।

রাসপুতিন দিগ্বিজয় করতে করতে পেত্রোগ্রাদ—সম্ভব হলে রাজপ্রাসাদ—ভয় করবেন বলে মনস্থির করেছেন। এদিকে সেখানকার যাজক সম্প্রদায়ের কেউ বা তাঁর জনপ্রিয়তার সংবাদ শুনে, কেউ বা তাঁর ধর্মের নবজাগরণ প্রচেষ্টার খ্যাতি শুনে, কেউ বা তাঁর অলৌকিক কর্মক্ষমতার জনরবে আকৃষ্ট হয়ে সেটা স্বচক্ষে প্রত্যক্ষ করার জন্ম, এক কথায় অনেকেই অনেক কারণে তাঁর সঙ্গে যোগসূত্র স্থাপনা করতে উদগ্রীব। রাসপুতিন সশিষ্য-শিষ্যা পেত্রোগ্রাদে প্রবেশ করে—সে প্রবেশ প্রায় খৃষ্টের পুত পবিত্র জেরুজালেমের পুণ্যভূমিতে প্রবেশ করার সমতুল—সাড়ঘরে প্রতিষ্ঠিত হলেন এক প্রভাবশালী শিষ্যের গৃহে। শীঘ্রই যোগসূত্র স্থাপিত হল পেত্রোগ্রাদের সর্বোৎকৃষ্ট ধর্মশিক্ষাশালার সুপণ্ডিত অধ্যক্ষের সঙ্গে। ইনি আবার মহারানীর আপন ব্যক্তিগত পুরোহিত—অর্থাৎ এরই সামনে মহারানী প্রতি সপ্তাহে একবার ‘কনকেশন’ করেন, ঐ সপ্তাহে তিনি যে সব পাপচিন্তা করেছেন, কর্মে সত্যপথ থেকে বিচ্যুত হয়েছেন সেগুলি স্বীকার করে শাস্তাদেশ অনুযায়ী প্রায়শ্চিত্তাদেশ গ্রহণ করেন—প্রায়শ্চিত্ত সাধারণতঃ উপবাস ও মালাজপের গণ্ডিতেই আবদ্ধ থাকে।* এই কনকেশন গ্রহণ করে যে পুরোহিত প্রায়শ্চিত্তাদেশ প্রদান করেন তাঁর পদটি স্বভাবতই সাতিশয় গাঙ্গুরী ও গুরুত্ব ধারণ করে। তিনি সম্রাজ্ঞী-হৃদয়-কন্দরের অন্তরতম রহস্য জানেন বলেন—এমনকি স্বীকারোক্তির সময় তিনি প্রবল জিজ্ঞাসার অধিকারও ধরেন—তাঁকে থাকতে হয় অতি দাবধানে।

* এই কনকেশন বা পদখলন স্বীকারোক্তি একাধিক ধর্মে প্রচলিত আছে। এদেশে জৈনদের ভিতর সেটি নিষ্ঠা সহকারে মানা হয়, এবং এরই নাম ‘পর্যুষণ’। তবে আমাদের বতদূর জাতি, পর্যুষণ বৎসরে মাত্র একবার হয় এবং সম্প্রদায়ের সকলেই সেটা একই সময়ে করেন বলে বর্ষার শেষে সেটা পর্বদিবস রূপে নাড়ঘরে অনুষ্ঠিত হয়। বৌদ্ধ ভ্রমণরাও বর্ষাকালে পর্বটন নিবিদ্ধ বলে কোনো সংঘে আশ্রয় নিয়ে বর্ষাযাপন শেষে পাপ স্বীকারোক্তি করে পুনরায় পর্বটনে মেমে পড়েন। মুসলমানরা হজের সময় করে থাকেন, এবং মৃত্যু আসন্ন হলে ‘তওবা’ করেন। ‘তওবা’ পদার্থে ‘প্রত্যাবর্তন’। অর্থাৎ তওবাকারী আপন পাপ সম্বন্ধে অনুশোচনা করে ধর্মমার্গে প্রত্যাবর্তন করলো।

তাঁর প্রধান কৌতূহল রাসপুতিন কোন্ কোন্ কারণে কি ভাবে হৃদয়ে
 ভগবানের প্রত্যাদেশ পেয়ে সমস্ত জীবনধারা পরিবর্তিত করে 'নবজন্ম' পেলেন।
 গ্রীক অর্থডক্স চার্চ, ক্যাথলিক তথা অন্যান্য সম্প্রদায়ের ইতিহাসে এই 'নবজীবন'
 লাভ, গৃহী খৃষ্টানের সম্যাস-গ্রহণের জন্ম এই কনভার্সনের উপ-ইতিহাস এক বিরাট
 অংশ গ্রহণ করে আছে। খৃষ্ট সাধু মাত্রই এটি মনোযোগ সহকারে বারংবার পাঠ
 করে তার থেকে প্রতিদিন নবীন উৎসাহ, তেজস্বী অনুপ্রেরণা সংগ্রহ করেন।
 মহারানীর আপন যাজক ধর্ম-একাডেমির অধ্যক্ষরূপে এই উপ-ইতিহাসে অতিশয়
 অমুরক্ত ছিলেন, সেই পুস্তক তাঁর শিষ্যমণ্ডলীর সম্মুখে সটীক প্রতিদিন পড়িয়ে
 শোনাতেন এবং স্বভাবতই সেই পুস্তকের ভিন্ন ভিন্ন সাধুসন্তদের নিয়ে গভীর এবং
 মূগ্ধ আলোচনা করতেন। কিন্তু কোনো পাপাত্মা কি ভাবে অকস্মাৎ দৈবাদেশ
 পেয়ে সর্বস্ব ত্যাগ করে ধর্মসংঘে প্রবেশ করে, কিংবা জনসেবায় আত্মনিয়োগ করে,
 অথবা পাণ্ডিত্য থাকলে সংঘে প্রবেশ করে নির্জনে নিভূতে বাইবেল বা অন্য কোনো
 ধর্মগ্রন্থের এক নবীন টীকা নির্মাণে বাকী জীবন কাটিয়ে দেয় এ সম্বন্ধে তাঁর কোন
 ব্যক্তিগত অব্যবহিত অভিজ্ঞতা ছিল না, এবং অতি সহজেই অনুমান করা যায় যে,
 এ-রকম একটা আকস্মিক 'কনভার্সনের' নায়ক যদি তাঁর আপন কর্মস্থলে হঠাৎ এসে
 পৌঁছন তবে তিনি তৎক্ষণাৎ তাঁর সঙ্গে যোগসূত্র স্থাপনা করবেন। পূর্বেই বলেছি,
 রাসপুতিনের ভিতর কেমন যেন একটা বৈদ্যুতিক আকর্ষণী শক্তি ছিল, তাঁর
 স্বাভাবিক অবস্থায়ও তিনি সাধারণ কেন, অসাধারণ জনকেও মন্ত্রমুগ্ধবৎ মোহাচ্ছন্ন
 করতে পারতেন। খৃষ্ট ধর্মশাস্ত্রে তাঁর শিক্ষাদীক্ষা জ্ঞান-প্রজ্ঞা ছিল অতিশয় সীমিত,
 কিন্তু প্রভু যীশুর যে কটি সরল উপদেশ তিনি বহু কষ্টে কঠিন করতে পেরেছিলেন
 সেগুলি তিনি অতিশয় দৃঢ়-বিশ্বাসের বীর্ষশীল সরলতায় প্রকাশ করতে পারতেন।
 সঙ্গে সঙ্গে এ সত্যটিও নিবেদন করা উচিত যে, রাশায় ধর্মশিক্ষার সর্বশ্রেষ্ঠ কেন্দ্রে
 যে পণ্ডিতকুলমাণ্ড সর্বোত্তম শাস্ত্রজ্ঞ অধ্যয়ন অধ্যাপনা করেন তিনি এই অশিক্ষিত
 হলধরসন্তানের কাছে আসবেন না শাস্ত্রের টীকাটিপননী শ্রবণার্থে। তিনি আসবেন
 অন্য উদ্দেশ্য নিয়ে। এ-স্থলেও প্রভু যীশুর সঙ্গে রাসপুতিনের সাদৃশ্য আছে।
 ইসরায়েলের স্বার্থপণিহরা যখন প্রভু যীশুর সঙ্গে তর্কযুদ্ধের জন্ম প্রস্তুত তখন তিনি
 যেন তাচ্ছিল্য ভরে বলেছিলেন, আমি শাস্ত্রকে কার্যে পরিপূর্ণ ভাবে
 দেখাবো।

এসব কারণ অনুসন্ধান অপ্রয়োজনীয়। যা বাস্তবে ঘটে সেটা সর্ব তর্কের
 অবসান এনে দেয়। পণ্ডিতের পণ্ডিত রাসপুতিনকে দেখে, তাঁর সরল আচার-

ব্যবহার, তাঁর প্রতি শিষ্য-শিষ্যাণের সহজ ভক্তি ও সুদৃঢ় বিশ্বাস ইত্যাদি পৰ্যবেক্ষণ করে বিস্মিত হলেন, কিন্তু মুগ্ধ হলেন যখন রাসপুতিনের কাছ থেকে শুনলেন, তাঁর আবেগভরা কণ্ঠে তিনি বলে যেতে লাগলেন, কি ভাবে এক দৈবজ্যোতি তাঁর সম্মুখে আবির্ভূত হল আর তিনি কখনো চিন্তা না করে স্বর্গীয় প্রভুর পদপ্রান্তে আত্মসমর্পণ করলেন।

এ প্রকারের আকস্মিক পরিবর্তন ইতিহাস শাস্ত্রের অধ্যক্ষ পড়েছেন, পড়িয়েছেন প্রচুর কিন্তু এ-জাতীয় পরিবর্তনের একটি সরল সজীব দৃষ্টান্ত স্বচক্ষে দেখা, স্বকর্ণে শোনা সে যে এক সম্পূর্ণ ভিন্ন, অভিনব, ব্যক্তিগত অভিজ্ঞতা। যে-কোনো অধ্যাপক, যে-কোনো শিক্ষক এ প্রকারের অভিজ্ঞতাকে অসীম মূল্য দেন, কারণ পরের দিন থেকেই ছাত্রমণ্ডলী বেষ্টিতাবস্থায় তিনি অধ্বিন্বাসী তর্কবাগীশদের উদ্দেশে সবল, আত্মপ্রত্যয়জাত সুদৃঢ় কণ্ঠে বলতে পারেন, ‘পবিত্র রুশ দেশের পবিত্রতর সন্তদের যে অলৌকিক পরিবর্তনের কথা তোমরা পড়ছো, সেগুলো কাহিনী নয়, ইতিহাস, এবং শুধু পড়ে লিখিত জীর্ণ ইতিহাস নয়, নিত্যদিনের বাস্তব প্রত্যক্ষ সত্য; সে জিনিস ভাগ্যবান চক্ষুমান দেখতে পায়।’ অন্বদেশীয় প্রচলিত স্মৃতিবাক্য আছে :

“অত্মপিও সেই লীলা খেলে গোরা রায়।

মধ্যে মধ্যে ভাগ্যবানে দেখিবারে পায়।”

এবং তিনি দৃঢ়প্রতিজ্ঞ হলেন, এই সাধুপুরুষকে তিনি রাজপ্রাসাদে নিয়ে গিয়ে উদ্ভ্রান্ত সত্রাজীর সম্মুখীন করবেন। সব ধর্মের সর্ব ইতিহাস বলে, সাধুজনের পক্ষে অসম্ভব কিছুই নেই। সত্রাজীকে এই সাধু তাঁর অলৌকিক শক্তি প্রয়োগ করে এনে দেবেন সাঙ্ঘনা, আত্মপ্রত্যয় এবং তাঁর ধর্ম বিশ্বাস স্থাপন করবেন দৃঢ়তর ভূমিতে।

অতি সহজেই তিনি রাসপুতিনের গুণমুগ্ধ রাজপরিবারের একাধিক নিকটতম আত্মীয়-আত্মীয়ার সহানুভূতি ও সহযোগ পেলেন। রাসপুতিন রাজপ্রাসাদে প্রবেশ করলেন।

কেউ কেউ বলেন, সেটা ছিল আকস্মিক যোগাযোগ। অধিকতর বিশ্বাসীরা বলেন, ‘না, যুবরাজের কঠিনতম সঙ্কটময় অবস্থায় যখন রাজবৈজ্ঞান তাঁর জীবন রক্ষা সম্বন্ধে সম্পূর্ণ হতাশাস, তখন রাসপুতিন তাঁকে অসুরোধ করার পূর্বেই স্বতঃপ্রবৃত্ত হয়ে শিষ্যগণকে প্রত্যয় দেন, তিনি যুবরাজকে সম্পূর্ণ নিরাময় করতে পারবেন।’

এতো কোনো হাস্যকর আত্মপ্রত্যয় নয়। অভিজ্ঞতম প্রবীণ চিকিৎসকও বার বার মস্তকান্দোলন করে স্বীকার করেন, কত অশুণিত রোগী যমদূতের দক্ষিণহস্ত

ধরে যখন পরপারে যাত্রার অল্প প্রথম পদক্ষেপ করেছে, রূঢ় সরল ভাষায় ঐ সব রোগীদের সম্বন্ধে যখন বহু পূর্বেই সর্ব বিশেষজ্ঞ একই বাক্যে আপন দৃঢ় নৈরান্ত্র প্রকাশ করেছেন, ঠিক সেই সময় হঠাৎ অকারণে, চিকিৎসকের কোনো প্রকারের সাহায্য না নিয়ে সেই জীবন্ত ব্যক্তি শ্মশান-সঙ্কট উত্তীর্ণ হয়ে ধীরে ধীরে পুনরায় লুপ্ত স্বাস্থ্য ফিরে পায়।

*

*

সম্রাট এবং মহিষী উভয়েই নাকি সামুর প্রথম দর্শন লাভ করার সঙ্গে সঙ্গে মুগ্ধ হয়ে যান। বিশেষ করে রাজমহিষী।

অধ্যাপক বগ্‌দানকের মতে, অর্থাৎ তিনি যে জনরব সর্বাপেক্ষা নির্ভরশীল বলে গ্রহণ করেছিলেন সেই অসুখায়ী রাসপুতিন নাকি স্বতঃপ্রবৃত্ত হয়ে মহারানীকে আশ্বাস দেন, যুবরাজ রোগমুক্ত হবেন, এবং তিনিই তাঁকে স্বাভাবিক অবস্থায় ফিরিয়ে নিয়ে আসবেন। রাজমহিষী স্বয়ং তাঁকে নিয়ে রুগীর কক্ষের দিকে অগ্রসর হলেন। বিশেষজ্ঞ চিকিৎসকগণ উচ্চ কণ্ঠে, তারস্বরে প্রতিবাদ জানালেন। যে ব্যক্তিকে সম্রাজ্ঞী নিয়ে যাচ্ছেন সে-ব্যক্তি যে চিকিৎসাশাস্ত্রে সম্পূর্ণ অজ্ঞ এবং অনভিজ্ঞ, সে-কথা সে-ই একাধিকবার স্বীকার করেছে, এমতাবস্থায় যখন তাঁরা আশা করেছেন যে, যে-কোন মনুষ্য বা ইতর প্রাণীর গ্রায় যুবরাজও প্রকৃতিদত্ত শক্তি বলে—যে শক্তি সর্বজনের অলক্ষিতে জীবদেহে বেঁচে থাকার জন্ত সর্বব্যাপির বিরুদ্ধে নিরন্তর সংগ্রাম দ্বারা আপন কর্তব্য করে যায়—হয়তো নিরাময় হয়ে যেতে পারেন সেই সঙ্কটজনক অবস্থায় এই নবাগত হয়তো আপন অজ্ঞতাবশত সেই শক্তির প্রতিবন্ধক হয়ে তার কর্মক্ষমতা নষ্ট করে দিতে পারে।

তৎসঙ্গেও মহারানী রাসপুতিনকে রোগীর কক্ষে নিয়ে গেলেন।

চিকিৎসকরাও সঙ্গে সঙ্গে প্রবেশ করলেন। রাসপুতিন বললেন, তিনি কোনো তৃতীয় ব্যক্তির সম্মুখে চিকিৎসা করবেন না। তৃতীয় বলতে সম্রাজ্ঞীকেও বোঝায়; তিনি নিঃশঙ্কচিত্তে দৃঢ় পদক্ষেপে দেহলীপ্রাপ্ত উত্তীর্ণ হলেন।

অতি অল্পক্ষণ পরেই রাসপুতিন দোর খুলে রানীর দিকে সহাস্ত্র ইঙ্গিত করলেন। রানীমা কক্ষে প্রবেশ করে স্তম্ভিত। যেন কত যুগ পরে তিনি দেখলেন রাসপুতিনের দেওয়া কি যেন একটা জিনিস হাতে নিয়ে যে কোনো স্নহ দালকের মত যুবরাজ খেলা করছেন।

রাসপুতিন প্রকৃতই যুবরাজকে তাঁর রক্তমোক্শ রোগ থেকে নিরাময় করেছিলেন কি না সে-বিষয়ে মতানৈক্য আছে--তবে এটাও স্মরণে আনা কর্তব্য বিবেচনা করি

যে, এই শতাব্দীর প্রথম ভাগে গবেষণা, পাণ্ডিত্য, সত্যাত্মসন্ধান বললেই বোঝাতো—অবিশ্বাস। এই মূলমন্ত্র ঐ সময়ে এমনই সুদূরপ্রসারী হয় যে, তৎকালীন লিখিত পুস্তক, এনসাইক্লোপিডিয়াতে একাধিক ঘণ্টা লেখক স্বয়ং বুদ্ধ, মহাবীর, এমন কি তাঁদের আপন খুঁটের অস্তিত্ব পর্যন্ত সন্দেহাতীতরূপে সপ্রমাণ না হওয়ায় (ছ’ হাজার, আড়াই হাজার বৎসরের পরের একতরফা বা ‘এক্সপার্টে’ তদন্তে।) তাঁদের জীবনী এবং বাণীকে কাল্পনিক কিংবদন্তী আখ্যা দিয়েছেন, এবং কেউ কেউ তাঁদের অস্তিত্ব পর্যন্ত সম্পূর্ণ অবিশ্বাস করেছেন। অতএব সে যুগের পুস্তক যে রাসপুতিনের মত চিকিৎসানভিজ্ঞজন যুবরাজকে রোগমুক্ত করেছেন সে কথা হয় অস্বীকার করে, কিংবা নীবর থাকে। তবে এ কথা সকলেই স্বীকার করেছেন, রাসপুতিনের প্রাসাদ গমনাগমনের পর থেকেই যুবরাজের স্বাস্থ্যায়ত্তি দিনে দিনে সুস্পষ্টরূপে লক্ষিত হয়।

আর সে যুগের সম্রাজ্ঞীদের ভিতর ধনে-ঐশ্বর্যে খ্যাতিপ্রতিপত্তিতে নিঃসন্দেহ সর্বাগ্রগণ্য না হলেও যাকে ইয়োরোপের রাজস্ববর্গ-রাজপরিবার সর্বাপেক্ষা সম্বন্ধে চক্ষে দেখতেন সেই জারিনা? তিনি তো কৃতজ্ঞতার প্রতিদানস্বরূপ রাসপুতিনের পদপ্রান্তে কী যে রাখবেন তার সন্ধানই পাচ্ছেন না, কারণ সাধারণজনের মত ভবন-যানবাহন রজতকাঞ্চনে তাঁর লোভ ছিল না—তাঁর আসক্তি কিসে তার পুনরুল্লেখ নিম্প্রয়োজন—ওদিকে জারিনা আবার জাতমিষ্টিক, অলৌকিক ক্রিয়াকর্মে তিনি বিশ্বাস করেন এবং যাদের এ সব মিরাকল দেখাবার শক্তি আছে বলে তিনি বিশ্বাস করেন তাঁদের কাছে তিনি তাঁর দেহমন-আত্মা সর্বস্ব নিয়ে পরিপূর্ণ আত্মসমর্পণ করতে প্রস্তুত।

জিতেজিৎ পরোপকারী সাধুসম্ভজনদেরই না কত প্রকারের কুৎসারটে—ছ’ হাজার বৎসর হয়ে গেল এখনো খুঁটবৈরীরা বলে, তিনি নাকি অসচ্চরিত্রা যুবতীদের সঙ্গে মেলামেশা করতেন ও মদ্যপানে তাঁর আসক্তি ছিল ঈষৎ মাত্রাধিক—সে-স্বলে রাসপুতিন। যিনি কি না, তাঁর কামানল নির্বাচিত করার চেষ্টা তো করেনই না, তদুপরি ঐ বিশেষ রিপূর চরিতার্থতাকে তুলে ধরেছেন সর্বোচ্চ ধর্মের পর্যায়ে এবং ফলে শিশুশিষ্ণাগণসহ বহুবিধ অনাচারে লিপ্ত হন—এ সব ‘অর্জি’ ‘সেটারনেলিয়ার’ উল্লেখ আমরা পূর্বেই করেছি—তাঁর পূর্ববর্তী মকস্বল-জীবনের তুলনায় রাজধানীতে তাঁর বর্তমান কেলেকারির বিবরণ তথা পল্লবিত জনরব চতুর্দিকে যে অধিকতর ছড়িয়ে পড়বে তাতে আর কী সন্দেহ! কিন্তু ক্রমে ক্রমে মোক্ষমতর মারাত্মক কলঙ্কাহিনী রটতে আরম্ভ করলো চতুর্দিকে; এ-সব দলবদ্ধভাবে কৃত দুর্কর্মের ‘অর্জি’ এখন নাকি রাজপ্রাসাদের অন্ত্যস্তরে—এবং সেখানে তো সব-কিছুই নির্বিঘ্নে

সম্পন্ন হয়—পর্যন্ত ছড়িয়ে পড়েছে। সম্ভ্রান্ততম ডিউক ডাচেস, অর্থাৎ সম্রাটের নিকটতম আত্মীয়-আত্মীয়ারাও নাকি এই সব অনাচারে অংশ নিচ্ছেন। এবং সর্বশেষে যে কলঙ্কাহিনী পেত্রোগ্রাদে জন্মলাভ করে সর্ব রুশের সর্ব সমাজের উচ্চতম থেকে অধস্তন শ্রেণী পর্যন্ত প্রচারিত হয়ে আপামর জনসাধারণকে দিল রুচতম পদাঘাত সেটি আর কিছু নয়, স্বয়ং জারিনা তাঁর দেহ সমর্পণ করেছেন রাসপুতিনকে। অস্ফাণ্ড সম্ভ্রান্ত মহিলাদের তো কথাই নেই।

গ্র্যাণ্ড ডিউকই যুসপফের দু'টি মোকদ্দমাই ছিল এই বিষয়টিকে কেন্দ্র করে। এই সব কলঙ্কাহিনীর সঙ্গে তাঁর স্ত্রীকে জড়িয়ে প্রথমে ফিল্ম তৈরি করা হয়েছে, পরে টেলিভিশনে দেখানো হয়েছে, অথচ তাঁর মতে, তাঁর সতীসাক্ষী স্ত্রী পূর্বোল্লিখিত পাপাহুষ্ঠানের সঙ্গে মোটেই বিজড়িত ছিলেন না। সে কথা পরে হবে।

আমি এতক্ষণ আপ্রাণ চেষ্টা দিয়ে রুশ রাজনীতি এড়িয়ে গিয়েছি কিন্তু এখন থেকে আর সেটা সম্ভবপর হবে না, কারণ, এই সময়েই কুটরাজনৈতিক ব্যাপারে সম্পূর্ণ অজ্ঞ হুলধর-সন্তান রাসপুতিন হিন্তে নিতে আরম্ভ করেছেন দেশ-বিদেশের গুরুত্বপূর্ণ কঠিন কঠিন সংকট-সমস্যায়। ইতিমধ্যে যে সব সরল ধর্মযাজকগণ তাঁর প্রতি আকৃষ্ট হয়েছিলেন তাঁরা ধীরে ধীরে বিশ্বস্ততম শ্রুত্রে তাঁর 'কীর্তিকলাপের' সম্পূর্ণ বিবরণ অবগত হয়ে তাঁর সঙ্গে সর্ব সম্পর্ক ছিন্ন করে ফেলেছেন। কিন্তু স্বয়ং জারিনা এবং রাশার 'পোপ' হোলি সিন্ড যতক্ষণ তাঁর সম্মোহন-কমতায় ও চৈতন্য ততক্ষণ তাঁকে তো মুহূর্তেক তরে দুশ্চিন্তা করতে হবে না। পাঠক, স্মরণ করুন সেই সূপ্রাচীন আরবী প্রবাদ : 'কুকুরগুলো ঘেউঘেউ করে, কিন্তু কাকোলা (ক্যারাভান) চলে এগিয়ে।' রাসপুতিন এই কুকুরগুলোর ঘেউঘেউকে খোড়াই পরোয়া করেন।

কিন্তু রাসপুতিন কি করে এ করম নিবিকারচিত্রে উপেক্ষা করলেন রুশ দেশের জনগণের রাজনৈতিক নবজাগরণকে! জার দ্বিতীয় নিকলাস যত না রক্ষণশীল, সম্রাটের সাবভৌমিকত্ব সম্বন্ধে সচেতন ছিলেন, তাঁর চেয়ে শতগুণ স্ববির জড়ভরত ছিলেন তাঁর আমির-ওমরাহ। ওদিকে রুশ-সিংহ যখন সদন্তে মুষিক জাপানের সঙ্গে সংগ্রাম করতে গিয়ে তার কাছে অপ্রত্যাশিতভাবে নির্মমরূপে পরাজিত হল, তখন আর 'হোলি' রাশার অস্তঃসারশূন্যতা গোপন রাখা সম্ভব হল না। জনমত নির্ভয়কণ্ঠে জারের স্বৈরতন্ত্রের বিরুদ্ধে স্বায়ত্তশাসন দাবি করলো। ১৯০৪ খৃষ্টাব্দে যে বৎসর রাসপুতিন সন্ন্যাস গ্রহণ করেছেন, ঠিক সেই বৎসরেই জার প্রথম 'বিধানসভা' (এরই নাম পূর্বোল্লিখিত 'ডুমা') নির্মাণের অনুমতি দিলেন। সে

এক সত্যকার সার্কাস—নইলে তার কোন সম্মানিত সদস্য সেখানে অস্বোপচার্ছাব ইহুদিকুলকে শিখণ্ডীরূপে পরিণত করবার প্রস্তাব গুরুত্বপূর্ণ গাভীরামণ্ডিত পদ্ধতিতে পেশ করতে পারেন ?

কিন্তু ‘ডুমা’ প্রতিষ্ঠান বন্ধ্যা হয়ে রইল কি না রইল সে তব্ব রাসপুতিন-জীবনকে স্পর্শ করতে পারে নি যতদিন না রাজপ্রাসাদচক্রের দু-একজন ধুরন্ধর অতিশয় রক্ষণ-শীল রাজনৈতিক মন স্থির করলেন যে, রাসপুতিনকে দিয়ে তাঁরা এমন সব রাজ-কর্মচারী নিযুক্ত করিয়ে নেবেন, যারা ডুমার প্রতি পদক্ষেপের পথে লোহপ্রাচীরবৎ দণ্ডায়মান হয়ে থাকবে। কূটনীতিতে আনাড়ি রাসপুতিনের হাত দিয়ে তামাক খাওয়াটা কিছুমাত্র দুঃসাধ্য হল না, কিন্তু এ সব অপদার্থ-নিয়োগের পশ্চাতে কে, সে তথ্যাটিও গোপন রইল না। বস্তুত স্বয়ং রাসপুতিন প্রত্যেক পাটিতে জালা জালা মদ আর প্রকাণ্ড প্রকাণ্ড স্মিষ্ট কেকখণ্ড (তাঁর জন্ম বিশেষ করে কেকে তিন ডবল চিনি দেওয়া হত—এ বাবদে হিটলারের সঙ্গে তাঁর সম্পূর্ণ মিল) চাষাড়ে পদ্ধতিতে প্রচুর শব্দ আর বিরানি আশ্রবাদানসহ চিবুতে চিবুতে দস্ত করতেন, ‘এই যে দেখছো স্বাক্ষরানা, এ’টি আপন হাতে বুনেছেন স্বয়ং জারিনা’ (কিংবা হয়তো তাঁর আদরের ডাকনাম সোহাগভরে উল্লেখ করতেন—আমার যেন মনে পড়ছে, তাই , কিংবা ‘জানো হে, ভরনাতাকে পাঠালুম তবল্শ্বেকর বিশপ করে।’ প্রভু রাসপুতিনে- অক্ষভক্ত, অত্যধিক মদ্যপানবশত অধমন্ত শিগুরাও নাকি দ্বিতীয় সংবাদটি শু ন অটৈচতন্ত্র হবার উপক্রম! কারণ প্রভুর নিত্য সঙ্গী ঐ ভরনাতা যে একেবারে আকাট নিরক্ষর! সে হবে বিশপ!

মরিয়া হয়ে অশ্রুতম প্রধান পাদ্রী নিযুক্ত করলেন গুপ্তঘাতক। রাসপুতিন শুধু যে অনায়াসে সংকট অতিক্রম করলেন তাই নয়, এ ‘স্ববাদে’ রাজপ্রাসাদে তাঁর প্রভাব এমনই নিরক্ষর হয়ে গেল যে, স্বয়ং জার পর্যন্ত আর এখন উচ্চবাচ্য করেন না। অবশ্য সমস্ত ইয়োরোপই বিলক্ষণ অবগত ছিল যে, জার অতিশয় দুর্বল চরিত্রের ‘যাক্গে, যেতে দাও না’—ধরনের নির্বীর্ষ ‘শাসক’। কার্ষত তাঁকে শাসন করেন জারিনা। এবং তাঁর সন্মুখে রাসপুতিনের বিরুদ্ধে টু শব্দটি করার মত সাহস তখন কারো ছিল না।

রাসপুতিনকে হত্যা করার চেষ্টা নিফল হওয়ার পরই তিনি জারিনাকে সর্বজন-সমক্ষে গভীর প্যাক্ষরীকণ্ঠে ভবিষ্যদ্বাণী করে বলেন (বা শাসন), ‘আমার মৃত্যুর এক বৎসরের মধ্যে গোষ্ঠীস্বদ্ধ রমান্শ্ক পরিবার (অর্থাৎ সপরিবারে তখনকার জার) নিহত হবে।’ নিহত তাঁরা হয়েছিলেন, এবং অতিশয় নিষ্ঠুর পদ্ধতিতেই, কিন্তু

সেটা ঠিক এক বৎসরের ভিতরই কিনা, বলতে পারবো না, ছ' বৎসরও হতে পারে।

কিন্তু জারিনা ? তাঁর শোচনীয় অবস্থা তখন দেখে কে ? কুসংস্কারাচ্ছন্ন, অতিপ্রাকৃতে অন্ধবিশ্বাসী এই মূঢ় রমণীর যত দোষই থাক, একটা কথা অতিশয় সত্য, তিনি তাঁর পুত্রকণ্ঠকে বুকে চেপে ধরে রেখেছিলেন পাগলিনী-পারা। উদয়াস্ত তাঁর আর্ত সশব্দ দৃষ্টি, না জানি কোন্ অজানা অন্ধকার অন্তরাল থেকে কোন্ অজানা এক নূতন সংকট অকস্মাৎ এসে উপস্থিত হবে, তাঁর কোনো একটি বৎসকে ছিনিয়ে নেবার জগ্ন।

অতএব প্রাণপণ গ্রহণা দাও রাসপুতিনের চতুর্দিকে। তিনিই একমাত্র মুশকিল-আসান। এই 'হোলিম্যান' আততায়ীর হস্তে নিহত হলে সর্বলোকে সর্বনাশ

কিন্তু বিশ্বসংসারের সকলেই রাসপুতিনের সাবধানবাণী বা শাসানোতে বিশ্বাস করেন নি এবং ভয়ও পান নি। বিশেষ করে রাজপ্রাসাদের সর্বোচ্চস্তরের রাজবন্ধু-ধারী একাধিক ব্যক্তি। এঁরা ক্রমাগত জার-জারিনাকে রাসপুতিন সম্বন্ধে সাবধান হতে বলেছেন, এবং কলে তাঁদের প্রতি বর্ষিত অপমানসূচক কটুবাক্য মাত্রায় বৃদ্ধি পাচ্ছে প্রতিদিন। রাজপ্রাসাদে এঁরা হচ্ছেন অপমানিত—অথচ রাসপুতিনের 'শুভাগমনের' পূর্বে এঁরাই ছিলেন সেখানে প্রধান মন্ত্রণাদাতা। এখন তাঁদের এমনই অবস্থা যে, বাইরের সমাজে তাঁরা আর মুখ দেখাতে পারেন না। তাঁদের পদমর্যাদা, অভিজাতরক্ত প্রকাশ্য ব্যঙ্গবিক্রম থেকে তাঁদের বাঁচিয়ে রেখেছে সত্য, কিন্তু ভিতরে বাইরে, ফুট অফুট নিত্যদিনের এ অপমান আর কাঁহাকত সহ্য করা যায় ! ওদিকে 'হোলি রাশা' যে কোন্ জাহান্নমের দিকে এগিয়ে যাচ্ছেন কে জানে।

অপমানিত সর্বোচ্চ অভিজাতবংশজাত তিনজন বসলেন মন্ত্রণাসভায়।

স্থির হল, ইউসুপফই হত্যা করবেন রাসপুতিনকে। তাই আজও লোকে বলে, 'তোমার স্ত্রীকে রাসপুতিন ধর্ষণ করেছিল বলেই তো তুমি প্রতিশোধ নিতে চেয়েছিলে, নইলে রাশাতে কি আর অণু লোক ছিল না ?' ইউসুপফ এটা অস্বীকার করেন। আবার কেউ কেউ বলেন, প্রধানদের আদেশানুযায়ীই তিনি ঐ কর্মে লিপ্ত হন, আবার কেউ কেউ বলেন, তিনি সম্পূর্ণ স্বেচ্ছায় নিজেকে ভলন্টিয়ার করেন যদিও তাঁর স্ত্রী ধর্ষিতা হন নি। এ সম্বন্ধে ইউসুপফের আপন জবানী পাঠক বিশ্বাস করতে পারেন, নাও করতে পারেন ; আমি শুধু বগ্‌দানফ সাহেবের জবানীটি পেশ করছি। না হয় সেটা ভ্রান্তই হল, তাতেই বা কি ? তত্পরি আমার স্বাতন্ত্র্য আমার কলম নিয়ে কি যে খেলা খেলছে, জানবো কি করে ?

এবং আশ্চর্য ! হত্যা করবেন আপন বাড়িতেই তাঁকে সসন্মান নিমন্ত্রণ করে । পুলিশকে ভয় করতেন এঁরা খোড়াই । কিন্তু জারিনা ? তিনি যে শেষ পর্যন্ত হত্যাকারী কে, সে খবরটা প্রায় নিশ্চয়ই জেনে যাবেন, এবং তার ফলাফল কি হতে পারে, না পারে, সে নিয়েও বিস্তর আলোচনা হয়েছিল, কিন্তু শেষ পর্যন্ত দেখা গেল এ ছাড়া গত্যস্তর নেই—নাগ্ন পন্থা বিঘ্নতে ।

ইউসুপফ পক্ষ যে রাসপুতিনের শত্রু তিনি এটা জেনেও ইউসুপফের বাড়িতে নিমন্ত্রণ রক্ষার্থে এলেন কেন ? কেউ বলে, ইউসুপফের সুন্দরী স্ত্রী ইরেনে তাঁকে 'বিশেষ' প্রলোভন দেখিয়ে ফাঁদে কেলেন, কেউ বলে, রাসপুতিন সত্যই আশা করেছিলেন, মুখোমুখি আলাপ-আলোচনার ফলে হয়তো প্রাসাদের এই শত্রুপক্ষের সঙ্গে বন্ধুত্ব স্থাপিত হতে পারে, কেউ বলে, রাসপুতিন প্রাসাদ জয় করেছিলেন বটে কিন্তু ইউসুপফের মত অভিজাতবংশের কেউ কখনো তাঁকে নিমন্ত্রণ করা দূরে থাক, বাড়িতে পর্যন্ত ঢুকতে দিতেন না । ইউসুপফ জয় অর্থাৎ পেত্রোগ্রাদ-অভিজাতকুল জয় । তার অর্থ, নূতন শিখা, নূতন...একটা সম্পূর্ণ নূতন ভাণ্ডার !

প্রায় সবাই বলেছে, মদে দেওয়া হয়েছিল প্রচুর পটাশিয়াম সায়েনাইড, কিন্তু অধ্যাপক বলেছিলেন, মধুভরা বিরটি কেকের সঙ্গে মিশিয়ে । আমার মনে হয় দ্বিতীয় পন্থাতেই আততায়ীর ধরা পড়ার সম্ভাবনা কম । মহামান্য অতিথি রাসপুতিনকে অবশ্যই দিতে হত বংশানুক্রমে সম্বন্ধে রক্ষিত অত্যাধিকৃত খানদানী মত ; এবং ভক্ততা রক্ষার জন্য অতিথি-সেবককেও নিতে হত সেই বোতল থেকেই ! এইটেই সাধারণ রীতি । কিন্তু পাটিতে সবাই তো আর কেক খায় না—তাও আবার তিন ডবল মধুভর্তি স্পেশাল 'রাসপুতিন কেক'—তুহপরি, বিরটি কেকের দু-আধা দুই পদ্ধতিতে নির্মাণ করে জোড়া দেওয়া অতি সহজ ।

তা সে কেকই হোক আর খানদানী মদই হোক—রাসপুতিন তাঁর বীভৎস অভ্যাস মত সে-বস্তু খেয়ে গেলেন প্রচুরতম পরিমাণে, এবং তাজ্জব কী বাৎ । তাঁর কিছুই হল না । চোখের পাতাটি পর্যন্ত নড়লো না । আমার সুস্পষ্ট মনে আছে এম্বলে অধ্যাপকও আপন বিশ্বয় প্রকাশ করে বলেছিলেন, 'মাই বয় ! দেয়ার উয়োজ ইনাক পয়জন টু নক্ অফ্ সিক্‌স্ বুল্জ ।' অর্থাৎ ঐ বিবে ছ'টা আস্ত বলদ ঘায়েল হয় । কিন্তু রাসপুতিন নিবিকার । ইউসুপফরা জানতেন না, রাসপুতিনকে ইতিপূর্বে একাধিকবার বিষপ্রয়োগে হত্যা করার চেষ্টা নিম্নলি হয় । ম্যাড্রিশিয়ানরা যে রকম ব্লেন্ড খায়, রাসপুতিন ঠিক সেই রকম হরেক জাতের বিষ খেতে তো পারতেনই, হজমও করতেন অক্লেশে ।

ষড়যন্ত্রকারীরা পড়লেন মহা ধন্দে। তাঁদের সব প্ল্যান ভঙল।

তখন ইউসুফক অগ্নাশ্রু ষড়যন্ত্রকারীদের কিসকিস করে বললেন, ‘এ রকম সুযোগ আর পাওয়া যাবে না। আমি ওকে গুলি করে মারবো।’

পিছন থেকে ঠিক ঘাড়ের উপর, অর্থাৎ সবচেয়ে মারাত্মক জায়গায়, একেবারে কাছে এসে ইউসুফক গুলি ছুঁড়লেন। রাসপুতিন রক্তাক্ত দেহে অজ্ঞান হয়ে মেঝেতে লুটিয়ে পড়লেন।

সে তো হল। কিন্তু ষড়যন্ত্রকারীরা এখন সম্মুখীন হলেন এক সম্পূর্ণ অপ্রত্যাশিত নতুন সমস্যা। অধমহীন মৃতদেহ যত সহজে হস্তান্তর করা যায়, রক্তাক্ত দেহ নিয়ে কর্মটা তো অত সহজ নয়। এখন কি করা কর্তব্য সেটা স্থির করার জন্য সলের আর ধারা সন্দেহ না জাগাবার জন্য পার্টিতে যোগ না দিয়ে উপরের তলায় অপেক্ষা করছিলেন তাঁদের সঙ্গে ইউসুফকাদি যোগ দিলেন। তার পূর্বে তিনি লাশটা টেনে টেনে সেলারে (মাটির নিচে কয়লা এবং আর-পাঁচটা বাজে জিনিস রাখার গুদোম) রেখে এলেন। পাছে হঠাৎ কেউ ডাইনিংরুমে ঢুকে লাশটা আবিষ্কার করে ফেলে।

স্থির হল, রাসপুতিনের লাশ ইউসুফকের বাড়ির কাছে নেভা নদীতে ডুবিয়ে দেওয়া হবে। সেটা ডিসেম্বর মাস।* নেভার উপরকার জল জমে বরফ হয়ে গিয়েছে। সেইটে ভেঙে লাশ ভিতরে ঢুকিয়ে গায়েব করে দেওয়া কঠিন কর্ম নয়।

এইবারে সবাই হলেন—যাকে বলে বজ্রাহত। এবং ভুলবেন না, এঁদের অধিকাংশই কোঁজের আফিসার। এঁদের কাউকে হক্চকাতে হলে রীতিমত কলঙ্ক করতে হয়, আর মৃত্যুভয়? ছোঃ!†

তা নয়! সবাই সেলারে ঢুকে দেখেন, রাসপুতিনের লাশ উধাও! ঘাড়ের

* রাসপুতিনের মৃত্যুদিবস ১৯১৬ ডিসেম্বর ১৯১৬ বলা হয়, আবার ৩০ ডিসেম্বরও বলা হয়। তার কারণ অর্ধডর রুশ ক্যালেন্ডার ও কন্টিনেন্টে প্রাচীন ক্যালেন্ডারে ১৯১৪ দিনের পার্থক্য।

† অধ্যাপক আমাকে বলছিলেন একদা বলেন, প্রথম বিশ্বযুদ্ধের পূর্বে রাশিয়ান অফিসারদের সবচেয়ে প্রিয় খেলা (প্যান্টাইম) ছিল প্রচুর মস্তপাসের পর লটারিযোগে দুজন অফিসারের নাম স্থির করা। তারপর একজন একটা ঘরে ঢুকে সবচেয়ে নিরাপদ জায়গায় হাত বেছে নিয়ে ঘরের সব আলো মিটিয়ে দেবে। সঙ্গে সঙ্গে ঘরে ঢুকবে অন্য অফিসার, হাতে সবচেয়ে ছোট ডাইন্সের পিস্তল নিয়ে। প্রথম অফিসার আশ্রয়স্থল থেকে কোকিলের ৩৬ ডাক ছাড়বে, “কু”; দ্বিতীয় সঙ্গে সঙ্গে সেই অজ্ঞকারে হস্তমার্জ খনির উপর নির্ভর করে পিস্তল মারবে। তখন সেই অজ্ঞকারে ‘শিকার’ জায়গা বদলাবে, কিন্তু “কু” ডাক না ছাড়া পর্বস্ত পিস্তল মারা ব্যর্থ। কতকটা পরে রুশদের পার্ট বদলার, আবার এনে দেই।

সবচেয়ে মারাত্মক জায়গায় গুলি খেয়ে যে-লোকটা পড়ে গিয়ে 'মরলো', সে যে শুধু আবার বেঁচে উঠলো তাই নয়, আপন পায়ে হেঁটে বাড়ি ছেড়ে উধাও হয়ে গেল !

অবশ্য এ-কথা ঠিক, ইউসুপক সেলারের দরজা বাইরের থেকে ভালাবন্ধ করেন নি, এবং খামোখা বেশী লোক ঘাতে না জানতে পারে তাই সে রাত্রে অধিকাংশ চাকর-বাকরকে ছুটি দিয়ে রেখেছিলেন।

রাসপুতিন যদি এখন কোনো গত্যিক জারিনার কাছে পৌঁছে সব বর্ণনা দেন— এবং নিশ্চয়ই তিনি করবেন তবে ইউসুপকের অবস্থাটা হবে কি ?

কিন্তু তিনি অতশত ভাবেন নি—অগ্ন্যাগ্নদের জ্বালানী তাই। তাঁরা বলেন, তিনি পাগলের মত পিস্তল হাতে নির্জন রাস্তায় ছুটতে ছুটতে হঠাৎ দেখেন, চতুর্দিকের সেই শুভ্র শুভ্রতাময় বরফের ভিতর দিয়ে টলতে টলতে রাসপুতিন এগিয়ে যাচ্ছেন। রক্তক্ষরণও বন্ধ হয়ে গিয়েছে। এবারে ইউসুপক আর কোনো চান্স নিলেন না। পিস্তলে যে কটা গুলি ছিল সব কটা ছুঁড়লেন তাঁর ঘাড়ের উপর। তারপর সবাই মিলে তাঁকে টেনে নিয়ে, নেভা নদীর উপরকার জমে-যাওয়া বরফ ভেঙে লাশটা ঢুকিয়ে ঠেলে দিলেন ভাটির দিকে।

কিন্তু জারিনা সে-দেহ উদ্ধার করতে সমর্থ হয়েছিলেন। চার্চেরই মত একটি বিশেষ উপাসনাগারসহ নির্মিত চেপলে তাঁর দেহ সযত্নে গোর দেওয়া হল একটি রমণীয় পার্কের ভিতর। মহারানী প্রতি রাত্রে যেতেন সেই গোরের পাশে, নীরবে অঝোরে অশ্রুবর্ষণ করার ভঙ্গ, রাসপুতিনের আত্মার সদৃশতা কামনা করে ॥

২২।১।৬৬ ॥

বিষ্ণুশর্মা

মিশরের পসারী—গঙ্কণিক—যে রকম ভারতের শঙ্খচূর্ণ* এবং অশুর আতর বিক্রি করে, ঠিক তেমনি কাইরোর পুস্তক-বিক্রেতা বিষ্ণুশর্মার ‘পঞ্চতন্ত্র’ ও ‘বুদ্ধজীবনী’ বিক্রি করে। কিন্তু সে ‘বুদ্ধজীবনী’ কে লিখেছেন, কেউ জানে না।

অবশ্য পঞ্চতন্ত্র সেখানে অন্য নামে পরিচিত। আরবীতে বলে ‘কলীলা ওয়া + দিম্না’। এ দুটি—কলীলা ও দিম্না—দুই শৃগালের নাম। সংস্কৃতে করটক ও দমনক। কোনো কোনো পণ্ডিত বলেন, গোড়াতে পঞ্চতন্ত্রের ঐ নামই ছিল। পরবর্তী যুগে ওটিকে পাঁচ ভাগে বিভক্ত করে পঞ্চতন্ত্র নাম দেওয়া হয়। পাঁচ সংখ্যায় কেমন যেন একটা ম্যাজিক আছে কিংবা চোখের সামনে আপন হাতের পাঁচটা আঙুল যেন কোনো ইতস্তত প্রাক্ষিপ্ত তথ্য, গল্প, প্রবাদ-সমষ্টিকে পাঁচের কোটার ফেলতে চায়। বাইবেলের ‘প্রাচীন নিয়মে’ (ওল্ড টেস্টামেন্ট) হয়তো এই কারণেই ‘পেন্টাটয়েশ’=‘পঞ্চগ্রন্থ’ আছে। এদানির আমরা পাঁচ-শালার পরিকল্পনা করি।

তা সে যাই হোক, আমাদের এই তৃতীয়/দ্বিতীয় শতাব্দীতে রচিত পঞ্চতন্ত্র ষষ্ঠ শতাব্দীতে প্রাচীন ইরানে পেহ্লেভি (সংস্কৃতে পহ্লভী) ভাষাতে অমূদিত হয়। তার একটা বাইরের কারণও ছিল। প্রাচীন ইরানের সঙ্গে প্রাচীন গ্রীস রোমের সম্পর্ক বহুকালের। কখনো যুদ্ধের মারকতে, কখনো শান্তির। শান্তির সময় উভয়ে একে অন্যের উপর সাংস্কৃতিক প্রভাব বিস্তার করেছে। কিন্তু দ্বিতীয়/তৃতীয় শতাব্দীতে ইরানীরা গ্রীসের উপর বিরক্ত হয়ে (ফেড্, অপ্) পূর্বের দিকে মুখ

* এই শঙ্খচূর্ণ নিয়ে কয়েক বৎসর পূর্বে এদেশে একটা ‘কেলেকারি’ হয়ে যায়। বেসব শাখারী পূর্ব বাঙলা থেকে এসে পশ্চিম বাঙলার আশ্রয় নিয়েছে তাদের দরকার শঙ্খের। শঙ্খ প্রধানত বিক্রি হয় মাজার অঞ্চলে এবং তার অস্ত্রাশ্রয় খরিদার আরব দেশ, মিশর ইত্যাদি। তারা শাখ ঠাণ্ডা করে ওষুধ বাসায়। আমাদের গরীব শাখারীরা যে দাম দিতে প্রস্তুত ছিল (সোজাহুজি, না পশ্চিমবঙ্গ সরকারের মারফৎ, আমার ঠিক মনে নেই) আরবরা তার কিকিৎ বেগী দাম দিতে রাজী ছিল বলে মাজার তাবৎ শঙ্খ বিক্রি করে দেয় ওদের। ফলে বহু শাখারী বেকার হয়ে যায়।

+ কোনো কোনো পণ্ডিতের ধারণা আরবীর এই ‘ওয়া’ = ‘আ্যাও’ = এবং থেকে থেকে বাঙলা ‘ও’ এসেছে।

কেরালে। কলে বঠ শতাব্দীতে পঞ্চতন্ত্র রাজা খুসরৌ অহুশিরওয়ানের* আমলে পহ্লভীতে এবং অল্পকালের ভিতরই পহ্লভী থেকে সিরিয়াকে অনূদিত হল।

এই প্রথম—সর্বপ্রথম কিনা বলা কঠিন—একখানা আরব ভাষার লিখিত পুস্তক আর্থেত্তর ভাষায় অনূদিত হল,+ কারণ সিরিয়াক ভাষা হীজ্র, আরাবিয়িক ও আরবীয় মত সেমিতি ভাষা। ইরাক সিরিয়া অঞ্চলে প্রচলিত এই সিরিয়াক ভাষা ও সাহিত্য (৩য় থেকে ১৪ শতাব্দী পর্যন্ত এর আবু) বরাবরই ইরানের সঙ্গে লেনদেন রাখতো বলে পহ্লভীতে কোনো উত্তম গ্রন্থ অনূদিত হলে, সেটি সিরিয়াকেও অনূদিত হত। (পঞ্চতন্ত্রের সঙ্গে সঙ্গে আরেকখানি ভারতীয় ধর্মগ্রন্থ বা গ্রন্থাংশ পহ্লভী হয়ে সিরিয়াকে অনূদিত হয়, এর পরবর্তী যুগে মধ্যপ্রাচ্য ও ইয়োরোপে পঞ্চতন্ত্রের চেয়ে ঢের বেশী সম্মান পায়—তার কথা পরে হবে।)

বিষ্ণুশর্মা রচিত পঞ্চতন্ত্রের কপাল ভালো। পহ্লভীতে যিনি এ পুস্তক অহুবাদ করেন তিনি ছিলেন রাজবৈজ্ঞানিক; অতএব সুপণ্ডিত। সিরিয়াকে যিনি তন্ত্রাহুবাদ করেন তিনিও জানীজন, কারণ এ গ্রন্থ অহুবাদ করার পূর্বেই তিনি কিরণপরিমাণ গ্রীক দর্শনও কৃতিত্বসহ সিরিয়াকে অহুবাদ করেছিলেন।

পহ্লভী অহুবাদটি লোপ পেয়েছে, কিন্তু বঠ শতাব্দীতে অনূদিত সিরিয়াক অহুবাদটি (“কলিলগু” দমনগ্) এখনো পাওয়া যায়।

এর প্রায় দু’শ বৎসর পর—মোটামুটি হজরৎ মুহম্মদের জন্মের দেড় শ’ বৎসর পর—জনৈক আরব আলফারিক পঞ্চতন্ত্র আরবীতে অহুবাদ করেন। আরবী সাহিত্যের তখন কৈশোরকাল। এই পুস্তক অহুবাদ করার সময় অহুবাদক আবুজা ইব্ন অল-মুকাফ্কার প্রধান উদ্দেশ্য ছিল তরুণ আরব সাহিত্যিকদের শৈলী বা স্টাইল

* এই খুসরৌর আমলেই চতুরঙ্গ খেলা ভারত থেকে ইরানে যায়।

+ তার অর্থ অংশ এ নয় যে, এই সর্বপ্রথম সেমিতি ভাষাতে ভারতী সাহিত্য পরিচিত হল। বস্তত এর অনেক পূর্বেই জাতকের বহু গল্প কাকেলা [ক্যারাতান] ও চট্টির কথকদের [স্ট্রিটেলার] দ্বারাও গ্রীস রোম পর্যন্ত চলে গিয়েছে। বৌদ্ধ জনগণা খৃষ্টজন্মের পূর্বেই মধ্যপ্রাচ্য ছড়িয়ে পড়েছিলেন। ভারত পূর্বে লোহিত সমুদ্রের কুল ধরে ধরে মধ্যপ্রাচ্যের সঙ্গে আমাদের বাণিজ্য সম্পর্ক স্থাপিত হয়েছে; এমনকি গ্রীসীকদের মেরুজোরজোর হয়ে ইরাকের সম্পর্ক ছিল সে বিষয়ে কোনো সন্দেহ নেই। কিন্তু উপস্থিত এগুলো আবারে আলোচনার বাইরে। এবং বৌদ্ধধর্ম চীনে প্রবেশ করলে যে সব গ্রন্থ অনূদিত সেও এ আলোচনার বাইরে।

শেখানো—বিশেষ করে যারা ‘ব্যাল-ল্যাংগ’ বা রম্যরচনার হাত পাকাতে চান।* পহ্লভী গিরিয়ার হয়ে আরবীতে পৌঁছতে গিয়ে বিকুশর্মা নামটি কিন্তু এমনই রূপান্তরিত হয়ে যায় যে আরবরা ভাবে, ইনি বিজাপতি, এবং সেই অনুসারে তাঁর নাম লেখা হয় বীদ্বা বীদ্বা বীদ্বাই (আরবীতে ‘প’ অক্ষর নেই, কিন্তু মাঝে মাঝে কাছাকাছি অল্প দুই অক্ষর দিয়ে ‘প’ ও ‘চ’ বোঝাবার চেষ্টা করা হয়)। আরবী অনুবাদ হয় অষ্টম শতাব্দীতে এবং তার হীক্ৰ অনুবাদ ষোল্ল শতকে। জয়োদশ শতাব্দীতে জর্নৈক ক্যাথলিক কার্ডিনালের জন্য এটি লাতিনে ‘ডিরেক্টরিয়ুম ভিট্যে হুমানো’ (অর্থাৎ মোটামুটি ‘মানব-জীবনের জন্য “হিতোপদেশ”—‘পঞ্চতন্ত্র’ ও ‘হিতোপদেশ’ যে সংশ্লিষ্ট সে কথা মধ্যপ্রাচ্যে জানা ছিল) নাম নিয়ে ইয়োরোপে প্রচারিত হয়, এবং এই অনুবাদের উপর নির্ভর করে পরবর্তী কালে ইয়োরোপের প্রায় তাবৎ অর্বাচীন ভাষাতে ‘বিদ্বাই-এর নীতিগল্প’ বা ‘কলীলা ও দিম্বা’ রূপে অনূদিত হয়ে প্রখ্যাতি লাভ করে।

‘জাতক,’ ‘পঞ্চতন্ত্র’ ‘হিতোপদেশ’র বিজয়-যাত্রা সম্বন্ধে মৌলিক গবেষণা করেছেন সর্গত ঈশান ঘোষ। তাঁর অতুলনীয় জাতক অনুবাদের ভূমিকায় তিনি লেখেন, ‘পঞ্চতন্ত্রের কথাগুলি পৃথকভাবে কথিত নহে। এক একটি তন্ত্রে এক একটি কথাকে কেন্দ্রীভূত করিয়া তাহার আশেপাশে অল্প বহু কথা সংযোজিত হইয়াছে। উত্তরকালে অন্বয়েণে বেতাল পঞ্চবিংশতি ও হিতোপদেশ প্রভৃতি আরবে নৈশোপাধ্যানমালা এবং যুরোপে Decameron, Pentameron, Heptameron, Canterbury Tales প্রভৃতি গ্রন্থের রচনাতেই এই পদ্ধতি অনুসৃত হইয়াছে। পঞ্চতন্ত্রের কথাগুলি উক্তরূপে এক তন্ত্রে নিবদ্ধ না থাকিলে বোধ হয় দেশদেশান্তরে ভ্রমণের সময় ছত্রতন্ত্র হইয়া বাইত।’ এ অগ্রচ্ছেদ ঈশান ঘোষ শেষ করেছেন, এই বলে—‘হিন্দুই হউন, বৌদ্ধই হউন পঞ্চতন্ত্রকার অতি উত্তমরূপে লেখনী ধারণ করিয়াছিলেন। সৌকর্যমুখে বা গ্রন্থাকারে তাঁহার কথাগুলি

* অধীন এই উদ্দেশ্য নিয়েই বছর বোল পূর্বে ‘পঞ্চতন্ত্র’ সিরিজ ‘বেদ পত্রিকা’র আরম্ভ করে। নইলে বিকুশর্মার অনুকরণ করার মত দস্ত আবার কখনো ছিল না। এর অল্প পরেই Indian Council for Cultural Relations-এর সঙ্গে সংযুক্ত থাকাকালীন মরহুম মৌলানা আজাদের নেতৃত্বে আমরা একখানা আরবী ত্রৈমাসিক (‘সকাফৎ-উল-হিন্দ’, ‘ভারতীয় সংস্কৃতি’) প্রকাশ করি ও ঐ সময় নিপরাধি একাধিক বেশ থেকে অনুবাদ আসে যে, বেহেতু অভকার ‘কলীলা ওরা দিম্বা’ ও ‘পঞ্চতন্ত্র’ প্রচুর তফাত, অতএব আমরা বেদ একখানি নূতন অনুবাদ প্রকাশ করি। আমরা সে কাছ সাবনে প্রাপ্ত পত্রিকা আরম্ভ করি।

সত্য অসত্য সর্ব দেশে যেরূপভাবে পরিজ্ঞাত হইয়াছে, পৃথিবীতে অন্য কোনো পুস্তকের ভাগ্যে সেরূপ ঘটে নাই।*

অজহর বিশ্ববিদ্যালয় অঞ্চলে যে পুস্তক-বিক্রেতা আমাকে 'কলীলা ওয়া দিমনা' বিক্রি করে, সে ইঙ্গিত দেয়, আরেকখানি ভারতীয় পুস্তক কপ্ট খৃষ্টানরা (এঁরা নিজেদের কারাওয়ের বংশধর বলে দাবি করেন) কিছুদিন পূর্বে আরবীতে পুনঃ-প্রকাশ করেছেন।

তখন কপ্ট বন্ধুদের কাছে অনুসন্ধান করে জানতে পারি, এর আরবী নাম 'সুৱহ বার্মাম ওয়া যুআসক'। এ পুস্তকের প্রধান নায়ক দু'জন খৃষ্টধর্মে সেন্টরূপে স্বীকৃত হয়েছেন—ক্যাথলিক উত্তরকে স্বরণ করেন ২৭ নভেম্বর ও যুআসককে গ্রীক চার্চ স্বরণ করেন ২৬ অস্ট (সেন্টস্ ডে)।

তখন অনুসন্ধান করে দেখি, 'যুআসক' নাম এসেছে 'বোধিসত্ত্ব' থেকে ও 'বার্মাম' এসেছে 'বুদ্ধ ভগবান'-এর 'ভগবান' থেকে।

এ পুস্তকের কাহিনী পঞ্চতন্ত্রের চেয়েও বিশ্বজনক।

২।৪।৬৬

* ঈশান ঘোষের বাংলা জাতক কী জার্মান, কী ইংরিজি, কী হিন্দী সব জাতকানুবাদের চেয়ে শত গুণে শ্রেষ্ঠ। অনাধারণ পরিভ্রম ও অভুলনীর পাণ্ডিত্যের সঙ্গে ঈশান এই অনুবাদ সম্পন্ন করে বঙ্গবাসীকে চিরকণে আবদ্ধ করে গেছেন। এ অনুবাদ প্রকাশিত হলে পর পালিপণ্ডিত্যে আরেক খনুর্ধর বিশ্বভারতীর অধ্যক্ষ বিধুশেখর শাস্ত্রী এর সমালোচনা করেন। পরম সজ্জা ও পরিভাপের বিহীন ঈশানের অনুবাদ বহু বৎসর পূর্বে নিঃশেষ হওয়া সত্ত্বেও এর পুনর্দ্রুপ হয় নি। শুনতে পাই, সাহিত্য আকাদেমি বর্গত হরিচরণ বন্দ্যোপাধ্যায়ের বাংলা কোষ পুনর্দ্রুপ করেছেন। তাঁরা যদি (বিধুশেখরের আলোচনা সহ) এই গ্রন্থের পুনর্দ্রুপে সহায়তা করেন তবে মৌড়জন তাঁদের কাছে কৃতজ্ঞ থাকবে।

বার্গাম ও যোসাকট্

ইয়োৰোপীয় ও মধ্যপ্রাচ্যের চার-পাঁচটি ভাষা নিয়ে প্রায় বাটটি ভাষার অনূদিত 'বার্গাম ও যোসাকট্' ইয়োৰোপে ষষ্ঠ শতাব্দীর গোড়া থেকে খৃষ্টান মঠে তথা সাধুসঙ্ঘ ও পণ্ডিতমণ্ডলীর মধ্যে সমাদৃত হয়ে ক্রমে ক্রমে অসাধারণ জনপ্রিয় হয়ে দাঁড়ায়। তার প্রধান কারণ, অতি সুমধুর সরল গল্পছলে এই পুস্তকে বর্ণিত খৃষ্টধর্মের মাহাত্ম্য ও প্রাধান্য ইতিপূর্বে প্রাচ্য-প্রতীচ্যের কোনো ভাষাতেই রচিত হয় নি—এমনকি, খৃষ্টধর্মের প্রাচীনতম প্রধান বাহক গ্রীক, লাতিন এবং হীক্ৰতেও না। তাই দেখতে পাই, ইংলণ্ডে ছাপাখানা নির্মিত হওয়ার পর উইলিয়াম ক্যাকস্টন যে-সব পুস্তক ছাপান, তার মধ্যে এই পুস্তকটিও ১৪৮৩ খৃষ্টাব্দে ইংরেজী অক্ষরাদে আছে। অবতারণিকারূপে এখানে এ-পুস্তক সম্বন্ধে আরো বহু বিস্তার চিন্তাকর্ষক ও মূল্যবান তত্ত্ব তথ্য নিবেদন করা যায়, কিন্তু আমাদের ধারণা, পুস্তকের উপাখ্যানটি এখানে অতিশয়তম সংক্ষেপে বর্ণনা করে নিলেই সর্বোত্তম পন্থা অবলম্বন করা হবে—পাঠক নিজের থেকেই অনেক-কিছু কল্পনা করে নিতে পারবেন।

তারতবর্ষে এক পরাক্রমশালী নরপতি পুত্রহীন অবস্থায় অতিশয় মনকষ্টে দীর্ঘকাল জীবন যাপন করার পর এক অভূতপূর্ব সর্বস্বলক্ষণসম্পন্ন পুত্রসন্তান লাভ করেন। মহাসমারোহে তাঁর নামকরণ করা হল যোসাকট্ (গ্রীক অক্ষরাদে Josaphat) এবং রাজা সে-যুগের শ্রেষ্ঠতম শালডীয় (Chaldaean) জ্যোতিষীদের নিয়ন্ত্রণ করে রাজপুত্রের জন্মকুণ্ডলী নির্মাণ করার আদেশ দিলেন। তাঁরা সবাই একবাক্যে রাজাকে জানালেন, নবজাত কুমারের ভবিষ্যৎ সর্ব গৌরব ধারণ করে এবং ভবজ্ঞান লাভ করে তিনি হবেন বিরলতম মহাত্মাদের মধ্যে বিরল, কিন্তু তিনি পিতৃ-পিতামহের সনাতন ধর্ম পরিত্যাগ করে সত্যধর্মের সন্ধানে গৃহত্যাগ করবেন। বলা বাহুল্য, নৃপতি নিতান্ত ক্ষুব্ধ হলেন এবং এই মর্মস্বন্দ ভবিষ্যদ্বাণী বাতে সকল না হয়, তার জন্ত মন্ত্রণা গ্রহণ করে আদেশ দিলেন, রাজপুত্রকে যেন পরম রমণীয় এক রাজ-প্রাসাদের ভিতর চিন্তাকর্ষণীয় সদানন্দময় পরিবেশে রাখা হয়। প্রাসাদ থেকে বাইরে এসে তিনি যেন কোনো অবস্থাতেই জরামৃত্যুর (ইংরেজী অক্ষরাদে আছে misery and death, জর্মনে আছে ঐ একই—Elend und Tod, খুব সম্ভব জরার প্রকৃত প্রতিশব্দ ইয়োৰোপীয় কোনো ভাষাতেই নেই বলে তৎপরিবর্তে

‘মিহরি’ ইত্যাদি ব্যবহৃত হয়েছে) সংস্পর্শে না আসতে পারেন : রাজা অহুমান করে নিরেছিলেন, সদাস্বীকৃত যে পরিবেশে আনন্দ লাভ করেছে, সেটা পরিবর্তন করে সে অন্য পরিবেশের সন্ধানে যাবে, ‘কোন্ হুংধে’ ?

কাহিনীর এই অংশটুকু শোনামাত্রই যে-কোনো ভারতীয়, সিংহলী, তিব্বত-চীন-জাপান-শ্রামবাসীর মনে উদয় হবে, এ-যেন বড় চেনা-চেনা ঠেকছে, একি যুবরাজ সিদ্ধার্থের জীবন নয় ? তাই যদি হয়, তবে সে-কাহিনী সর্বধর্মের সর্ব-সম্মতকে উৎসাহ এবং আনন্দ দান করলেও সেটি খৃষ্টধর্মের পবিত্র ধর্মগ্রন্থরূপে সম্মানিত হবে কি প্রকারে ? কাহিনীর পরের অংশটুকু শুনেই সেটা আন্তে আন্তে পরিষ্কার হবে। কিছুটা আগেও বলা হয়েছে, সেটা আমি ইচ্ছা করেই আগে বলি নি, কারণ, তা হলে সিদ্ধার্থকে চিনতে পাঠকের অসুবিধা হত।

কাহিনীতে আছে, রাজপুত্র জন্মগ্রহণ করার পূর্বেই ভারতবর্ষে খৃষ্টধর্ম ছড়িয়ে পড়েছিল (এটা অবশ্যই সত্য নয়, এবং এরকম আরো পরিবর্তন পরিবর্ধন পাঠক পাবেন ; কি উদ্দেশ্য নিয়ে সেগুলো করা হয়েছিল, পাঠক ক্রমশ বুঝতে পারবেন) * কিন্তু যুবরাজের পিতা সে ধর্মের ঘোরতর শত্রু ছিলেন এবং রাজ্যে তার প্রসার বেড়ে যাচ্ছে দেখে রাজাদেশ প্রচারিত করেন যে প্রজাসাধারণ, পাত্র-অমাত্য যে কেউ এই নবীন ধর্ম গ্রহণ প্রচার প্রসার করবে, সে দণ্ডনীয় হবে। কিন্তু তৎসঙ্গেও রাজারই এক অন্তরঙ্গ সখা এবং মন্ত্রী খৃষ্টধর্মগ্রহণ করে নির্জনে ধ্যান-ধারণা করার জন্য মরুভূমিতে চলে যান (মিশরের খৃষ্টান সাধুরা দ্বিতীয় তৃতীয় শতাব্দীতে প্রায়শ লীবিয়া-মরুভূমিতে অন্তর্ধান করতেন)। রাজাদেশে তাঁকে খুঁজে মরুভূমি থেকে কিরিয়ে আনলে পর তিনি রাজসভার তাঁর আচরণ বোঝাতে চেষ্টা করেন ও কমা জিকাও করেন। রাজা আরো ক্রুদ্ধ হয়ে তাঁকে নিজ রাজ্য থেকে নির্বাসিত করেন।

এদিকে রাজপুত্র যৌবনে পদার্পণ করে আর প্রাসাদে বন্দী হয়ে থাকতে চাইলেন না ; তাঁর ইচ্ছা, তিনি বাইরের বিশাল জগতে বেরিয়ে গিয়ে সেখানে নব নব

*ধর্মের ইতিহাসে এটা কিছু নতুন নয়। কাঠিয়াওয়ারে হিন্দু লোহানা রাজপুত্রদের ইসনা-ইলীরা (ইসলামেরই এক) সম্প্রদায়ের প্রতি আকৃষ্ট করার জন্য কাহিনী নির্মিত হয় যে, হিন্দুদের যে ককি অবতারের আবির্ভূত হওয়ার আশাস দেওয়া হয়েছে, ইতিমধ্যে মক্কা নগরে হজরৎ আলী-রূপে তিনি অবতীর্ণ হয়ে গেছেন। সত্যপীরও তুলনীয়।

কয়েক সপ্তাহ পূর্বে যে কন হুম্যান্‌স্টালের কবিতার বাংলা অনুবাদ নিয়ে আলোচনা হয় তিনিও এই গ্রন্থের গল্প মূলতরূপে নিয়ে তাঁর সৃজনশীলতার প্রকাশ দেখিয়েছেন। নাম ‘ইয়েডেরমান’ - ‘এতরিবডি’।

অভিজ্ঞতা সঞ্চয় করেন এবং সেই মর্মে পিতার অহুমতি তিকা করলেন। অতিশয় অনিচ্ছায় তিনি সম্মত হলেন। কলে রাজপুত্র ক্রমে ক্রমে এক এক জন করে অন্ধ, কুষ্ঠরোগী, জরাগ্রস্ত বৃদ্ধ ও সর্বশেষে একটা মৃতদেহ দেখতে পেয়ে ব্যাধাতুর হয়ে এর কারণ সম্বন্ধে কাতর প্রশ্ন জিজ্ঞেস করতে থাকেন এবং উত্তরে শুনতে পান, এসব ছুঃখ দুর্দৈব মানুষমাত্রেয়ই ললাটে লেখা আছে। অত্যন্ত বিচলিত ও অতিভূত হয়ে তিনি অহুসঙ্কানের কলে আরো জানতে পান, এসব ছুঃখ-দুর্দৈব থেকে চিরতরে নিষ্কৃতি পাবার পন্থা জানেন শুধু এক শ্রেণীর সাধুসন্ত—তঁারা সংসার ত্যাগ করে নির্জনে ধ্যান-ধারণায় মগ্ন থাকেন। রাজপুত্রের প্রবল ইচ্ছা হল, এঁদেরই মুখ থেকে তিনি তত্ত্বকথা শুনবেন, কিন্তু তঁার সে-ইচ্ছা পূর্ণ করা অসম্ভব কারণ, তাবৎ সাধু-সন্তকে রাজাদেশে দেশ থেকে নির্বাসিত করে দেওয়া হয়েছে।

ইতিমধ্যে এক অতিশয় পুত পবিত্র তথা ধর্মজ্ঞ সাধু মণিকারের ছদ্মবেশ পরে রাজসভায় আবিভূত হলেন এবং রাজপুত্রের সঙ্গে একাধিকবার সাক্ষাৎ করে ধর্মের নিগূঢ় তত্ত্বকথা তাঁকে বোঝাতে লাগলেন। সে সময় তিনি নানা গল্প, নাট্য কাহিনী কীর্তন করে সংসারের অসারতা ও প্রকৃতধর্ম কি, সে-সব সপ্রমাণ করেন।

(এই গল্পগুলো গ্রন্থের চিত্তাকর্ষক অংশ গ্রহণ করে আছে। এগুলোর অধিকাংশেরই উৎপত্তিস্থল যে ভারতবর্ষ সে বিষয়ে কোনো সন্দেহ নেই; কিন্তু যদিও উনবিংশ শতাব্দীতে সে নিয়ে ইউরোপে প্রচুর গবেষণা করা হয় তবু সবগুলোর মূল তখনো খুঁজে পাওয়া যায় নি, হয়তো কখনো পাওয়া যাবে না। তবে কয়েকটি নিঃসন্দেহে জাতক থেকে নেওয়া হয়েছে। আশ্চর্য! স্বয়ং বোধিসত্ত্ব যে-সব গল্প জাতকে বলে গেলেন, যোসাফট্‌রূপে তাঁকে আবার সেগুলোই উপদেশরূপে শুনতে হল।) এবং কিছু মহাভারত থেকেও। এদেশে কোথায় কি পরিমাণ গবেষণা হয়েছে সেকথা বলা কঠিন—এই গ্রন্থ নিয়ে কোনো গবেষণা আমার চোখে পড়ে নি। এ কর্ম করার সর্বাপেক্ষা শাস্ত্রাধিকার ছিল স্বর্গত ঈশান ঘোষের। তিনি তাঁর জাতক-অহুবাদের উপক্রমণিকায় এ পুস্তক নিয়ে কিঞ্চিৎ আলোচনা করেছেন, কিন্তু সেখানে স্থান সংকীর্ণ এবং এর গল্পগুলো ইয়োরোপের ভিন্ন ভিন্ন পার্টে বড়ই ভিন্ন ভিন্ন—এমন কি ভাপানী ‘শক জিৎসু রকু’ও যে এ আলোচনায় স্থান পায় সে তত্ত্ব কয়েক বৎসর পূর্বে জার্মান গবেষকগোষ্ঠী উল্লেখ করে গেছেন এবং এ দেশে বসে সেগুলো সংগ্রহ করা অসম্ভব না হলেও স্বকঠিন।)

যে-মণিকার রাজপুত্রকে উপদেশ দিলেন তিনিই এ গ্রন্থের বার্লাম। রাজপুত্র মনস্থির করলেন, তিনি বার্লামের শিষ্যত্ব গ্রহণ করবেন। এ সংবাদ শুনে বাড়া

কোভে কোভে উন্নতপ্রায় ! সর্ব প্রথমেই তিনি বার্লামকে বন্দী করবার আদেশ দিলেন, কিন্তু তিনি ততক্ষণে নগর ত্যাগ করেছেন। রাজা যখন দেখলেন পুত্র কিছুতেই সংকল্প ত্যাগ করবেন না তখন তিনি ধূর্ত পন্থা অবলম্বন করলেন। নাকোর নামক এক অচেনা জনকে তিনি নিযুক্ত করলেন, সে এসে সভাস্থলে খৃষ্টধর্মের সপক্ষে দুর্বল, ভ্রমাত্মক যুক্তি প্রয়োগ করে তর্কযুদ্ধে সভাপণ্ডিতদের কাছে হেরে যাবে ; এই করে খৃষ্টধর্ম সর্বজন সমক্ষে লাহিত হলে যুবরাজ নিশ্চয়ই বার্লামের অনুসরণ করার ব্যর্থতা বুঝতে পারবেন। কিন্তু রাজপুত্র সংবাদ পেয়ে গোপনে নাকোরকে এমনই তিরস্কার করলেন যে, সে শেষ পর্যন্ত রাজসভায় বাগ্মিতাসহ অব্যর্থ বুদ্ধিজাল বিস্তার করে প্রতিপক্ষকে পরাস্ত করল। এর পর নাকোরও খৃষ্ট সাধুরূপে নির্জন ভূমিতে অস্তর্ধান করে। রাজা তখন জাদুকরের শরণাপন্ন হলেন। সে তখন পার্থিব ভোগ-বিলাসের মায়াজাল বিস্তার করে যুবরাজকে প্রলোভিত করার চেষ্টা দিয়ে নিষ্ফল তো হলেই পক্ষান্তরে যুবরাজ তাঁকে একটি কাহিনী বলে স্বধর্মে দীক্ষিত করলেন। এর সঙ্গে মার-এর মিল দেখা যাচ্ছে, তবে বৌদ্ধশাস্ত্রে সে ধ্যানী বোধিসত্ত্বকে প্রচুর মারণাজ্ঞ দিয়ে ভয়ও দেখায়।

দর্বাশেষে রাজপুত্র বোধিসত্ত্ব বা যোসাকট্‌রূপে রাজপুরী ত্যাগ করে বার্লামকে খুঁজে পেলেন। তাঁকে সখা ও সঙ্গীরূপে গ্রহণ করে উভয়ে ধ্যান-ধারণায় নিমজ্জিত হলেন।

*

*

এ গ্রন্থে বৌদ্ধধর্মের কাহিনী নিয়ে তার সঙ্গে খৃষ্টধর্ম জুড়ে দিয়ে সে ধর্মের যে জয়জয়কার করা হল তার প্রণেতা কে জানবার উপায় নেই। পঞ্চতন্ত্রের মত এ-গ্রন্থও রাজা খুসরোর আমলে পহ্লভীতে অনূদিত হয় এবং ওরই মত, তারপর, সীরিয়াকে। তার থেকে হয় গ্রীক অনুবাদ এবং উপক্রমণিকায় বলা হয় ‘একটি উপকারী কাহিনী...আবিসিনিয়ার প্রত্যস্ত প্রদেশ—যার নাম ভারতবর্ষ (।)—সেখান থেকে এটি আনয়ন করেন সাধু জন।’ ওদিকে আরবী অনুবাদও হয়ে গিয়েছে এবং সেখানে গ্রীক অনুবাদের চেয়েও স্পষ্টতররূপে ধরা পড়ে যে এর মূল ভারতে ও বৌদ্ধধর্মে। এর পর লাতিন অনুবাদ এবং তার থেকে ইয়োরোপীয় সর্বভাষায়।

‘বিষ্ণুশর্মা’ প্রসঙ্গে নিবেদন করেছি যোসাকট্‌, এসেছে ‘বোধিসত্ত্ব’ থেকে (আরবীতে আত্মস্থলে ‘ব’ ও ‘স্ব’-কে মাজ্জ একটি বিন্দুর পার্শ্বক্য আছে বলে হয়ে যায় যোসাদাসাক) এবং বার্লাম (বুদ্ধ) ‘ভগবান’ থেকে।

অতএব এক বুদ্ধদেব যদি হই নৃতি ধারণ করে খুঁটখুঁটে সেট বা সম্ভবপে পূজা পান তবে নিশ্চয়ই আমাদের আনন্দের কথা ।

২।৪।৬৬

রবি-মোহন-এন্ড্রুজ

কয়েক দিন পূর্বে একখানা চিঠি বইয়ে রবীন্দ্রনাথ, মহাত্মাজী ও এন্ড্রুজ সম্বন্ধে একটি বিবরণীতে দেখি, আর সবই আছে, নেই শুধু একটি কথা :—এন্ড্রুজের পরলোকগমনের পর তাঁর স্মৃতিরক্ষা সম্বন্ধে সচেতন হলেন কে, এবং সেই মহৎ চিন্তা স্মরণরূপ দেবার জন্য সর্বপ্রথম উদ্যোগী হলেন কে, এবং এন্ড্রুজ কাণ্ডের আত্মো সাক্ষ্যে যেটুকু অবশিষ্ট আছে—যদি আদৌ থাকে—তার জন্য কৃতজ্ঞতা জানাবো কাকে ?

অসহযোগ আন্দোলন আরম্ভ হই যে সময়, তখন রবীন্দ্রনাথ পশ্চিমে । শুনেছি, সে-সময় তিনি নাকি সে-আন্দোলনের প্রশংসাই করেছিলেন । ফেরার সময় বোধায়ে নেমে তাঁর মত পরিবর্তন হয়, এবং আন্দোলনের বিরুদ্ধে স্পষ্ট ভাবায় একাধিক প্রবন্ধে আপন মতামত ব্যক্ত করেন (বিশেষতঃ রবীন্দ্রনাথ কিন্তু বরাবরই গান্ধীকে উৎসাহ-হিম্মৎ জুগিয়ে যান) । এন্ড্রুজ ছিলেন রবীন্দ্রনাথ ও গান্ধীর উভয়েরই অতিশয় অনুরক্ত বন্ধু—(এবং বিশেষতঃ রবীন্দ্রনাথের প্রতি তাঁর প্রকৃত সহকর্মী বিধুশেখর বা কিত্তিমোহনের মতো তো ছিল বটেই, বেশী বললেও বাড়িয়ে বলা হয় না)—তাই অনেকেই তাঁকে ‘শান্তিনিকেতন-সাবয়মতী-সেতু’ নাম ধরে উল্লেখ করতেন ।

* ‘ভুক্তভোগী’ নিয়ে আলোচনা একাধিক স্থলে দেখেছি । চলতি ভাষা আরম্ভ হওয়ার পূর্বে এটাকে অস্বাভাবিক অপরাধের অসুশাসনরূপে সম্বাদ করা হত—যদিও যে-বিশেষজ্ঞনাথকে কবি রবীন্দ্রনাথ বাংলা ভাষার সর্বশ্রেষ্ঠ বিশেষজ্ঞরূপে সম্বাদ জানাতেন, তিনি বরং সে-অসুশাসন তাঁর কঠিন চর সংস্কৃত শব্দে পরিপূর্ণ বাংলা বর্ণমালায় পদে পদে লক্ষ্যন করতেন, এবং সকলকেই সে উপদেশ দিতেন । চলতি ভাষা চালু হওয়ার পর, পরলোকগমনের বাস্তব কয়েক বৎসর পূর্বে বরং রবীন্দ্রনাথও লেখেন ‘ভুক্তভোগী এখন আর অপরাধ নয়, ‘বাংলা-অসুশাসনের পিৎতা-কোড থেকে ভুক্তভোগী সরিয়ে দেওয়া হল’—ধর্মের অভিব্যক্তি) । অস্বাভাবিক বিশেষজ্ঞনাথের আদেশ বাস্তবায়ন থেকেই যেনে থিয়েট্রে, বস্তুনিষ্ঠ সে সম্বন্ধে ‘লড়াই শুরু হল’ এবং ‘বুদ্ধ আরম্ভ হল’ কথা ‘মোকদ্দম । শুরু হল’ এবং ‘ভুক্তভোগী আরম্ভ হল’ এ’রূপে পার্থক্য যেনে চলছে ।

এন্ড্রুজের ধর্ম ছিল দীননারায়ণের সেবা। ধর্মসঙ্গত রাজনৈতিক আন্দোলন-বিবর্তন সর্বদাই দীনের উদ্দেশে নিয়োজিত হয়; তাই সাক্ষাৎ রাজনীতি এড়িয়ে চললেও এন্ড্রুজ গান্ধী-আন্দোলনের প্রতি সহানুভূতিশীল ছিলেন। তাই এই মহান আন্দোলনের ব্যাপারে ভারতবর্ষের হুই মনীষীর মধ্যে মতানৈক্য যে সর্ব-প্রকারের কতিসাধন করতে পারে, সে-বিষয়ে তিনি সচেতন হন; তিনি মন স্থির করলেন, পত্র-পত্রিকার মারকত উভয়ের মধ্যে যে বাদানুবাদ হচ্ছে, তার চেয়ে অনেক ভালো হয়, উভয়ে একসঙ্গে মিলিত হয়ে যদি ভাবের আদান-প্রদান করেন। বলা বাহুল্য গান্ধী-রবীন্দ্রনাথের সৌহার্দ্য জন্মায়, যখন গান্ধী এর কয়েক বৎসর পূর্বে রবীন্দ্রনাথের সহৃদয় আমন্ত্রণে আফ্রিকা ত্যাগ করে সদলবলে শান্তিনিকেতন আশ্রমে যোগ দেন ও স্কুলের প্রধান শিক্ষকরূপে সেখানে ছয় মাস থাকেন (তখন কলেজবিভাগ বা বিশ্বভারতীর জন্ম হয় নি)।

এ-আলোচনা হয় কলকাতায়, এবং এক এন্ড্রুজ ছাড়া সেখানে চতুর্থ ব্যক্তি ছিলেন না।

কিন্তু কবির মত চিন্তকরও শুধু যে নব নব সৃজন কর্মে লিপ্ত থাকেন তাই নয়, নব নব গোপন তত্ত্ব, সৌন্দর্য আবিষ্কার করে রসিকজনের সম্মুখে রাখতে চান। কবি রবির ভ্রাতৃপুত্র ‘ছবি-রবি’ অবন ঠাকুর তাই মনে মনে ভাবলেন, রবীন্দ্রনাথ ও গান্ধীর মত মনীষী এ দেশে নিত্য নিত্য জন্মায় না; নিভৃতি এ দৌহার মিলনের অন্তত সামান্য কিছুটাও যদি না দেখতে পেলুম, তবে এ-জীবনে দেখলুমটা কি? কথাটা ঠিক; হিমালয় আল্পস্কে মিলন হয় না,—কিন্তু এ-মিলন তো তারো বড়ো।

উপযুক্ত তাবৎ কাহিনী আমি অগ্ৰজ সবিস্তর দিবেছি বলে এ স্থলে সংক্ষেপে সারি, কারণ অগ্ৰকার কীর্তন ভিন্ন। ‘অবন-ঠাকুর’ চূপসে দরজার চাবির কুটো দিয়ে এক লহমার তরে স্থিরদৃষ্টিতে দেখে নিলেন ভিতরকার ‘ছবিটি’। সেইটেই তিনি এঁকে পাঠিয়ে দিলেন শান্তিনিকেতনের কলাভবনে—যেখানে ঐ তিনজনের হুজুরা, অর্থাৎ কবি ও এন্ড্রুজ স্থায়ীভাবে বাস করেন।

কিন্তু মূল কথায় ফিরে যাই—এটুকু শুধুমাত্র এ-তিন মহাপুরুষের অন্তরঙ্গতা বোঝাবার জন্য পটভূমি নির্মাণ।

*

*

১৯৪২ খৃষ্টাব্দে (খুব সম্ভব) গ্রীষ্মকালে অকস্মাৎ মহাশয়াজী অবতীর্ণ হলেন বোম্বাইয়ের জুহুবে। যুদ্ধ এবং জনরবে ভারতবর্ষ তথা তাবৎ পৃথিবী তখন গমগম করছে। প্রায় সম্পূর্ণ পূর্ব ও উত্তর ইয়োরোপ জয় করার পর হিটলার

তখন সদর্পে ককেশাসের তেল পানে ধাওয়া করবেন বা করেছেন—এমন সময় টলটলায়মান ইংরেজের চরম হুবহু স্বয়োগ নিয়ে ডমিনিয়ন বিষণ্ণ দি সীজ-এর অশ্রুতম ভারতবর্ষ আরেকটা স্বাধীনতা আন্দোলন আরম্ভ করবে কি ? এই ছিল তখন দেশবিদেশে সর্বমুখে একমাত্র প্রশ্ন ।

এমন সময় গান্ধী নামলেন জুহুবিচে । এবং তার চেয়েও বিশ্বজনক ব্যাপার ; —যে গান্ধীকে আপাতদৃষ্টিতে সরল, ভালোমানুষ বলে মনে হয়, তিনি যে সাংবাদিকদের এড়াবার জন্ত কত হুহুর-হেকমৎ রপ্ত করে বসে আছেন, সে তথ্যটি হাড়ে হাড়ে বিলক্ষণ জানে ভুক্তভোগী সাংবাদিকরা—সেই গান্ধীই ডেকে পাঠিয়েছেন নিজে যেচে, প্রেসকনকারেন্স । তিনি নাকি সর্বপ্রশ্নের উত্তর দেবেন ।

এদিকে তিনি জুহুবিচে নেমেই খবর পাঠিয়েছেন বোম্বায়ের আশ্রমিক সঙ্ঘকে । তিনি রবীন্দ্র-সঙ্গীত শুনবেন ।

বোম্বায়ে বিস্তর শাস্তিনিকেতনের প্রাক্তন ছাত্রছাত্রী আছে—তাঁদের প্রায় সবাই গুরুদেবের দু' দশটা গান গাইতে পারে, আর মহারাষ্ট্রবাসী হলে তো কথাই নেই, তারা গুরুদেবের কালোয়াতী গান পর্যন্ত গাইতে পারে, দু' একজন নিধুবাবু তন্তে গুরুদেবের টপ্পা তক দখল করে বসে আছে । কিন্তু সব সময় সবাই তো আর বোম্বায়ে থাকে না । তবু ছিলেন সর্বাধিকারী স্বর্গত বচুভাই শুরু ; ইনি শাস্তিনিকেতনে প্রচলিত—অর্থাৎ সেখানে দৈনন্দিন এবং পালপর্বে গীত—সব কটার এবং আরো প্রচুর অচলিত সুর আপন বিরাট দিলক্ষ্যবাহুতে বাজাতে পারতেন । তারপর ছিলেন পিনাকিন ত্রিবেদী, গোবর্ধন মাপারা, সুশীলা আসর ইত্যাদি । আমিও ছিলাম বচুভাইয়ের অতিথিক্রমে । কিন্তু সেটা ধর্তব্যের মধ্যে নয় । কারণ আমার মত 'বেতালকে' কাবু করতে পারেন এমন বেতাল-সিঁহ এখনো জন্মান নি ।

আশ্রমিক সঙ্ঘ, এবং অধিনায়করূপে বচুভাই পড়লেন হুশিস্তায় । গান্ধীজী কোন্ কোন্ গান শুনতে চাইবেন, বা কেউ গাইলে শুনতে ভালোবাসেন সে সম্বন্ধে কারোরই কোনো পূর্ব অভিজ্ঞতা বা আপন ধারণা নেই—বস্তুত শাস্তিনিকেতনে বাসকালীন এবং বিশেষ করে সেশ্বল ছাড়ার এত যুগ পরেও যে তাঁর রবীন্দ্র-সঙ্গীতের প্রতি অমুরাগ রয়েছে সে-তথ্য প্রাক্তন ছাত্রদের প্রায় কেউই জানতো না । অবশ্য অনেকেই জানতো 'জীবন যখন শুকায়ে যায়—' গানটি তাঁর বড়ই প্রিয় (এবং সেই কারণেই নিউমেনের 'লীড কাইনড্‌লি লাইট এমিড্‌স্‌ট্‌ দি এন্সার্ক্লিং স্মুথ ।') ।

আমি বললাম, ‘এটা তো স্পষ্ট বোঝা যাচ্ছে, গান্ধীজী যে-সময়টা আশ্রমে কাটান, ঠিক সেই সময়ে রচিত রবীন্দ্রসঙ্গীতই পাবে পরলা নম্বর—বা কার্ট প্রেকারেন্স, তারপর নিশ্চয়ই স্বদেশী গান (এখন যাকে গান-ভরা নামে ডাকা হয় ‘দেশাত্মমূলক সঙ্গীত’), তার পর মন্দিরে উপাসনার সময় যে কটি ব্রহ্মসঙ্গীত গাওয়া হয়। এর পরও আছে—কিন্তু অক্ষর আমার এলেম যায় না, যেমন মনে করো গুরুদেব তাঁর আপন পছন্দের যে-সব গান বাছাই করে তাঁকে শুনিয়েছেন তার হদীস পাবো কোথায়!’ সবাই এক বাক্যে আমার বক্তব্য স্বীকার করে বললে, ‘এই তিন দিকেতে যে-সব গান পড়ে তারই সব কটা এত অল্প সময়ে কোরাসে তৈরি করা প্রায় অসম্ভব। অতএব এই নিয়েই উপস্থিত সন্তুষ্ট থাকি যাক।’ আমি তখন স্বেল টি-স্কোয়ার সেট-স্কোয়ারসহ—কথার কথা কইছি—লেগে গেলুম জরিপ করতে, মহাত্মাজী যে-সময়টার শান্তিনিকেতনে ছিলেন ঠিক সেই সময়ে গুরুদেব কোন্ কোন্ গান রচিয়েছিলেন (এস্থলে একটি করিয়া জানিয়ে রাখি : ঝাঁরাই গুরুদেবকে নিয়ে কোনো কাজ করতে চান, তাঁরাই চান, গুরুদেবের কবিতা যে রকম কালাহুক্রমিক পাওয়া যায়, গানের বেলাও ঠিক সেই রকম হওয়া উচিত, বরঞ্চ বেশী উচিত। আমার এক মিত্র ‘রবীন্দ্রনাথের ধর্ম’ নিয়ে প্রবন্ধ লিখতে গিয়ে এরই অভাবে দিশেহারা হয়ে এগুতে পারছেন না। তাঁর মূল প্রশ্ন, একটা বিশেষ সময়ের পর—মোটামুটি ১৯১৮—রবীন্দ্রনাথ কি একেবারেই আর কোন ধর্মসঙ্গীত রচনা করেন নি? করে থাকলে কটি?) অবশেষে কষ্টেখ্রেষ্টে মোটামুটি একটি কিরিস্টি তৈরি হল। বেশীর ভাগ গায়কই গুজরাতি; তাদের পছন্দের ধর্মসঙ্গীত—যেগুলো কারো না কারো ভালো করে জানা ছিল—সেগুলোও কোরাসে শিখে নেওয়া হল। সকলেরই এক ভরসা—গান্ধীজীর স্বরজ্ঞান খুব একটা টনটনে নয়, মহারাষ্ট্রের মত গান্ধীর জন্মভূমি কাঠিওয়াড়-গুজরাতে গান-বাজনার প্রাচীন সর্বব্যাপী কোনো ঐতিহ্য নেই।

“শেষের সেদিন ভয়ঙ্কর” শেষটার এল। ওরা ধরে নিয়েছিল আমি সঙ্গে যাব। আমার এক কথা ‘কেপেছ। আমি না পারি গাইতে না জানি বাজাতে। আমাদ্বারা কোনোপ্রকারের শোভাবর্ধনই হবে না—“শোভা” জিনিসটাই গান্ধীজী আদৌ পছন্দ করেন না।’

*

*

মহাত্মাজী বললেন, ‘গাঁও।’

ওরা কাঁচুমাচু হয়ে বললে, ‘কি গান...?’

‘তোমাদের যা জানা আছে।’

এসব আমার শোনা কথা। তার উপর ইতিমধ্যে দীর্ঘকাল কেটে গিয়েছে। সঠিক মনে নেই, প্রাক্তনদল সকলের পয়লাই রঙের টেকা, অর্থাৎ ‘জীবন যখন শুকায়ে যায়—’ মেরেছিল, না সেটাকে তাঁর আদেশের জন্ত জীইয়ে রেখেছিল। কিন্তু মোদা, তারা এক একটা গান শেষ হলে যখন থামে, তখন মাথা নেড়ে সম্মতি জানান, এবং আরো গাইবার ইচ্ছিত করেন। তারা ছ’ একবার চেঁটা দিয়েছিল গান্ধীজীর আপন পছন্দ জানাবার জন্ত—ফলোদয় হয় নি।

সর্বশেষে মহাত্মাজী ছ’একটি প্রশ্ন শুধোন। কেউ উত্তর দিতে পারে নি। মারাঠী মপারা বাড়ি ফিরে তো আমাকে এই মারে কি তেঁই মারে। আমি থাকলে নাকি চটপট উত্তর দিয়ে দিতুম। আমি বললুম, ‘এগুলোর উত্তর তো বচুভাইও জানে, তহুপরি সে ওয়াডওয়ান অর্থাৎ গান্ধীজীর মতই কাঠিওয়াড়ের লোক—গুজরাতি—না, খাস কাঠিওয়াড়িতেই দিয়ে তার জান ঠাণ্ডা করে দিতে পারতো।’ সে নাকি নার্ভাস হয়ে গিয়েছিল। ‘আমি হতুম না, কি করে জানলে। ঐ সিংগির সামনে।’

কিন্তু এই বাহ !

আসলে পূর্বোন্নিখিত প্রেস কন্কারেন্স, ‘গান্ধীজী ডাকিয়েছিলেন ঐ দিনই, ঐ সময়েই, ঐ স্থলেই।

এখন আমি যা নিবেদন করবো, সেটা ঐ সময়কার খবরের কাগজ নিয়ে চেক্ অপ্ করে সন্দেহ-পিচেল তথা গবেষক-পাঠক ধরে কেলতে পারবেন, আমি কী “দারুণ” “শুল্মগীর”। আলংকারিকার্থে কিন্তু আমি “যত্ন”পতি বা “রাখাল” রাজা হওয়ার মত তাদের লক্ষ্যংশের একাংশ শক্তি ধরি নে বলে আমি নাচার ; বেচারার পক্ষে গুল মারাই একমাত্র চারাছ্।

যতদূর মনে পড়ে সেই এণ্ডেমণ্ডে বিজড়িত ভারতের সর্বজাতের সাংবাদিকগণই সেদিন রবীন্দ্রসঙ্গীত শোনবার সৌভাগ্য লাভ করেছিল।

গান শেষ হলে মহাত্মাজী ঔঁদের বললেন, ‘তোমাদের কি কি প্রশ্ন আছে, শুধোও।’ আর যায় কোথায়। হুনিয়ার যত রকম প্রশ্ন ; আবার নূতন করে অসহযোগ আন্দোলন আরম্ভ হবে কি, এই কি তার জন্ত উৎকৃষ্টতম মোকা নয়—মিত্রপক্ষ চতুর্দিকে বেধড়ক মার খাচ্ছে, আরম্ভ হলে কি প্রকারে হবে, ট্যাক্স বন্ধ করে না নয়া কোনো টেকনীকে, ১৯২০-এর মত ছাত্রদের ডাকা হবে কি না, ইত্যাদি ইত্যাদি ?

গান্ধীজী তাঁর চিরাচরিত ধৈর্যসহ উত্তর দিয়ে যেতে লাগলেন—যত্নপি আমার মনের উপর তখনকার, অর্থাৎ পরের দিনের খবরের কাগজ পড়ার পর যে দাগ পড়েছিল সেটা বোধ হয় এই যে, মোক্ষম প্রসঙ্গলো মহাত্মাজী এড়িয়ে গিয়েছিলেন। অবশ্য ঐ সময়ে ভবিষ্যতের তাবৎ প্র্যান ফাঁস করে দেওয়া যে সম্বন্ধির কর্ম হত না, সে বিষয়ে কোনো সন্দেহ নেই।

হঠাৎ মহাত্মাজী ছ হাত তুলে প্রসঙ্গারা নিরুদ্ধ করে বললেন, ‘আমি বেনে। বেনে কাউকে কোনো জিনিস মুক্তে দেয় না। আমিও ধররাৎ করার জন্ত তোমাদের ডাকি নি। রবীন্দ্রসঙ্গীত তো শুনলে। এবার আমার কথা শোনো।

পোয়েট গত হওয়ার পূর্বে (তখনো বোধ হয় এক বছর পূর্ণ হয় নি) আমাবে আদেশ করেন, আমাদের উভয়ের বন্ধু এন্ড্রুজের স্বতিরক্ষার্থে বা কর্তব্য তা যেন আমি আপন কাঁধে তুলে নি। এখন দেখতে পারছি, আসন্ন ভবিষ্যৎ বড়ই অনিশ্চিত। তাই আজই আমি “এন্ড্রু জ মেমোরিয়াল কাণ্ড”-এর জন্ত অর্থ সংগ্রহ আরম্ভ করলুম। দাও।’

মপারা রিপোর্ট দিতে গিয়ে আমায় বলেছিল, ‘গান্ধীজী অনেকক্ষণ ধরে এন্ড্রু জ সম্বন্ধে বলেছিলেন, in a very touching manner। আর তার পর মহাত্মাজীর সামনে পড়তে লাগল, টাকা, পুরো মনিব্যাগ, গয়না, রিস্টওয়াচ, আংটি, কত কা! যেন বানের জলে ভেসে আসছে দুনিয়ার কুলে মূল্যবান জিনিস। অনেকে এমনই বথাসর্ব্ব দিয়ে কেলেছিল যে, বোখায়ে করার জন্ত টিকিট কাটার পরসা পর্যন্ত তাদের কাছে অবশিষ্ট ছিল না। কিন্তু জানেন তো, রেলও এখন আর পুরোপুরি ইংরেজের নয়। ভিলেপার্লে থেকে চর্চ গেট স্টেশন—সবাই জানে, কেন এদের টিকিট নেই।’

কাণ্ডের টাকা যখন জমে উঠছে, তখন কে একজন বললে, ‘মহাত্মাজী, এখন এসব কেন? স্বরাজ পাওয়ার পর এসব কাজ তো রাতারাতি হয়ে যাবে।’

আজ সত্যই আমার হাসিকান্নায় মেশানো চোখের জল নেমে আসে—এই ব্যক্তিটির ঐ মন্তব্যটির স্মরণে। তারই মত আমরা সবাই তখন ভাবতুম, ইংরেজই সর্ব নষ্টের মূল। বিহারে ভূমিকম্প হলে ইংরেজই দায়ী, মেদিনীপুরে সাগর জাগলে ওটা ঐ ইংরেজেরই দুর্কর্ম। ইংরেজকে খেদিয়ে দিয়ে স্বাধীন হওয়া মাত্রই—

When we shall have attained liberty, all those will be mere trifles !

গান্ধীজী সঙ্গে সঙ্গে মোক্ষম গরম, কড়া গলায় জবাব দেন,

‘But Tagore did not wait to be born till India has attained her liberty !’

পরাদীন ভারতে যদি কবি জন্ম নেন, তবে তাঁর সখার স্বতিরকার ভার পরাদীন ভারতের স্বত্বই ।

তাই বলছিলুম, হাসি পায়, কান্নাও পায়—তখন আমরা কী naif (প্রায় ‘শ্রাকার’ মত)-ই না ছিলাম, যে বিশ্বাস করতুম—স্বরাজ পাওয়ার পরই ‘পাঁচ আঙুল ঘিয়ে’ আর ‘ডেগ-এর ভিতর গর্দান ঢুকিয়ে ভোজন ।’

তাই কি রবীন্দ্রনাথ সাবধানবাণী বলেছিলেন, (উদ্ধৃতিতে ভুল থাকলে ক্ষমা চাইছি) ‘একদিন (স্বরাজ লাভের পর) যেন না বলতে হয়, ইংরেজই ছিল ভালো ।’

•

•

কিন্তু কোথায় গেল সেই ‘এন্ড্রুজ কাণ্ড’ যার মোটা টাকাটা তুলেছিলেন গান্ধীজী ?

তা সেটা যেখানে থাক, থাক! দুঃখ এই, সেই চটি বইয়ে এবং অন্তর্ভুক্ত ‘এন্ড্রুজ কাণ্ডের’ কথা উঠলে কেউ আর গান্ধীকে স্মরণ করে না, তিনি যে সেই স্বদূর বোম্বায়ে রবীন্দ্রসদ্বীত ভনিয়ে কাণ্ডের গোড়াপত্তন করেছিলেন সেটা সবাই তুলে গেছে ॥

৫।২।৬৬

‘ইজরারেল বিশ্বের প্রবাদ-সত্য রূপে গণ্য হবে’—বাইবেল

ঘরে ঢুকতেই বললেন, এদিকে এসো । অসাধারণ পণ্ডিত লোক । আমি তাঁকে বড়ই শ্রদ্ধা করি, বলতে কি, ভালোবাসি । তিনিও আমাকে স্নেহ করেন । সত্যকার পণ্ডিত কখনোই মুখকে অবহেলা করে না ।

ঘরে আর কেউ নেই । তবু তিনি কিসকিস করে বললেন, ‘তোমরা কাল যৌদ্ধধর্মের সৃষ্টিরহস্ত নিয়ে আলোচনা করছিলে না ?’

‘আজ্ঞে হ্যাঁ ।’

‘তা তোমার আটকাছিল কোথায় ?’

‘আজ্ঞে, আমি শুধাচ্ছিলুম, আজ্ঞা যদি না-ই থাকবেন তবে এই ছনিয়াটা পরদা করলে কে ? আপনারাও তো—’

বাধা দিয়ে বললেন, 'আমাদের কথা বাদ দাও—তোমার মুশ্কিলটা কোথায় সেইটে খুলে কও।'

“শরণকরসাধু’ হীনমানপন্থী বোদ্ধ : সৃষ্টিকর্তার অস্তিত্বে বিশ্বাস করেন না। তিনি বলছিলেন, সৃষ্টির আদিও নেই অন্তও নেই। অতএব সৃষ্টিকর্তারও প্রয়োজন নেই। তারপর বললেন, যদি তর্কস্থলে ধরেও নেওয়া হয় সৃষ্টিকর্তা আছেন, তবুও তো শেষ-সমস্তার সমাধান হয় না। প্রশ্ন উঠবে, সৃষ্টিকর্তাকে সৃষ্টি করলেন কে? শুধু আঙ্গুণী কথা। তারপর তিনি তাঁর গেরুয়া আলখাল্লার ভিতর থেকে নোট-বুক বের করে আঁকলেন একটা চক্র—সার্কল। বললেন এই সার্কলের যেমন কোনো জায়গায় আরম্ভও নেই, শেষও নেই, সৃষ্টিও ছবছ ভেমনি। তারপর আপনি ঘরে ঢুকলেন। পাছে আপনাকে ডিসটার্ব করা হয় তাই আমরা আরো ধানিকক্ষণ কিসকিস করে কথা বলার পর উনি চলে গেলেন।’

ওরিয়েন্টাল সেমিনারি অর্থাৎ প্রাচ্য-বিদ্যালয়তন। তারই একটা কামরায় আমরা তিনজনা কাজ করি। একজনের বিষয়রস্তু ইরানী কাইয়্যাস-পার্সেলিন—বিশ্ব কলাসৃষ্টিতে তার স্থান। অল্পজন বাইবেলের ওল্ড-টেস্টামেন্টের হীক্স পার্ঠের নয়। সম্পাদনা করছেন। আর আমি—তা সে থাক্গে। দু’জনাই বছর দশেক পূর্বে সর্বোত্তম শ্রেণীর ডক্টরেট নিয়েছেন; একজন আবার বিশ্ববিদ্যালয়ে শিক্ষক।

শ্রুধোলেন, ‘চক্র এঁকে সাধু বললেন সৃষ্টি এরই মত আদিঅন্তহীন। তা, এতে আবার দুর্বোধ্য কি আছে? তবে হ্যাঁ, আরো সোজা করে বলা যেতে পারতো। আচ্ছা, স্বচ্দের বিশেষত্ব কি—অন্তত তাদের কোন্ বৈশিষ্ট্য নিয়ে বিশ্বের লোক হাসিঠাট্টা করে?’

এক গাল হেসে বললুম, ‘সে আর বলতে। কিপ্টেমি!’

‘বিলক্ষণ। সেই গল্পটা জানো তো—লণ্ডনের এক ইংরেজ কোম্পানী স্কটল্যান্ডের এবার্ডীন শহরে খুললে ট্রামওয়ে। হাড়কিপ্টে স্বচ্চরা ট্রাম চড়বে না, কিছুতেই। কোম্পানি লাটে ওঠার উপক্রম। তখন লণ্ডন থেকে পাঠানো হল স্পেশালিস্ট—তাঁকে বের করতে হবে দাওয়াই, স্বচ্চকে কি প্রকারে ট্রামে ঢোকানো যায়। তিনি এবার্ডীনে এসেই ট্রাম ভাড়া ধ্রাপেল থেকে ঝটকার এক পেনি কমিয়ে করে দিলেন টাপেল। পরের দিন তাঁর অপিসের সামনে মহাপ্রলয়ের ভিড়। তিনি তো ড্যামম্যাড্—নিশ্চয়ই তাঁকে ধনুবাদ জানাতে এসেছে, ভাড়া কমিয়ে দেবার জন্ত। ইয়ান্না, তওবা, তওবা! এরা যে তাঁরই জানলা তাগ করে পচা ভিম হাজা টমাটো ছুঁড়ছে আর চিংকার করছে ‘কোথেকে এসেছে এই

নক্ষার! আগে আমরা পারে হেঁটে, ট্রাম ভাড়ার তিন পেনি বাঁচাতে পারতুম, এখন কুলে হুঁপেনি! নিকালো রাঙ্কেলকো এবার্ডানসে!’ আচ্ছা, হলো। এবারে বলো তো ইহুদিদের বৈশিষ্ট্য কি? পারলে না? আমিই বলছি, হুবহু একই গাধার এ-কান ও-কান। কিপ্টেমিতে।’

ইহুদিদের কিপ্টেমি সম্বন্ধে আমি কোনো গল্পই জানি নে, অতখানি বে-ধবর বেরসিক আমি নই, কিন্তু বিশেষ কারণে আমি চূপ করে রইলুম। সে-কারণ একটু পরে পাঠক নিজের থেকেই বুঝে যাবেন।

তিনি বলে যেতে লাগলেন, ‘একবার এক ইহুদি আর ঝচে বগড়া লেগেছে, কে কতক্ষণ ধরে ডুব সাঁতার দিতে পারে—ছ’জনা ছুই স্ইমিং পুলে কাজ করতে! আর ছুই পুলের মধ্যে ছিল উৎকট রেবারেযি। শেষ পর্যন্ত বাজি ধরা হল এক শিলিঙ। বাজে লোকের কোঁতুহল এড়াবার জন্ত তারা নদীর এক নিভৃত জায়গায় দিল ডুব।’

তিনি চূপ মারলেন। আমি ভাবলুম, ওস্তাদ কথকের মত তিনি পজ্ দিয়েছেন আমার মনের উপর গল্পটা কি প্রতিক্রিয়া সৃষ্টি করে সেইটে দেখবার জন্ত। কিন্তু কই? তাতো নয়। তিনি দেখি, পকেট থেকে ছুরি বের করে আপন মনে দিব্য পেনসিল কাটতে আরম্ভ করেছেন। তখন থাকতে না পেরে আমি শুখালুম, ‘তারপর?’

উদাস সুরে বললেন, ‘কি করে বলবো ভাই কও। ছ’জনার কেউই তো উঠলো না জলের তলা থেকে।’ তারপর হস্তদস্ত হয়ে বললেন, ‘হ্যাঁ, বলতে কুলে গিয়েছিলুম, ভাগিয়াস, তারা বাজিটা পাকাপোক্ত করার জন্ত তাদের এক উকীল বন্ধুর কাছে কাগজ-কলমে লিখিয়ে নিয়ে—অবশ্য সবকুছ মুকত’মে—তারই জিয়ার রেখে এসেছিল; নইলে শহরের লোক জানতে পেতো না, এ ছুটো শাস্ত, অজাতশত্রু লোক হঠাৎ ইহুসংসার থেকে কি করে কল্পুর হয়ে গেল। হঁ! এক শিলিঙ—বাগ্পরে! চাট্টিখানি কথা!’

‘কিন্তু—’

‘এর মধ্যে ‘কিন্তু’ ‘but’ ‘mais’ ‘aber’ কিছুই নেই ভাই! কিন্তু সেই বে-অন্তহীন চিরচক্রের দৃষ্টান্ত দিলেন সিংহলের মহানুবিদ, বলছিলেন কি না, সেটা আরো সোজা করে বলা যেতে পারতো। তাই তোমাকে পরলা বাজিয়ে নিলুম, তুমি ইহুদি ঝচ সম্বন্ধে চালু গল্পগুলোর ধবর রাখো কি না। সবাই বলে, ওরিয়েণ্টালরা—এবং বিশেষ করে ইণ্ডিয়ানরা—নাকি সর্বক্ষণ মুখ ওমড়ো করে,

নাসিকাগ্রে মনোনিবেশ করে আত্মচিন্তায় মগ্ন, রসকবের বালাই নেই। যতো সব। হ্যাঁ, অস্তুহীন চিরচক্র সহজ করে বোঝাতে হলে বলতে হয়—স্বচ বিল শোধ করবে না আর পাওনাদার ইহুদিও তাকে ছাড়বে না। সে ধাওয়া করেছে স্বচের পিছনে। শহরটাও ছোট। তখন কি হয়? অস্তুহীন চিরচক্র। এখনো যদি না বুঝে থাকে তবে লেখাপড়া ছেড়ে দিয়ে কোনো ইহুদির দোকানে এপ্রেন্টিসি করগে।’

আমি বললুম, ‘একটি কথা শুধোতে পারি—অপরাধ যদি না নেন, ব্যক্তিগত কথা।’

তিনি বললেন, ‘মাই লাইক ইজ এন ওপ্‌ন বুক। যা-খুশী শুধোতে পারো।’

‘আচ্ছা, আপনি তো, বোধ হয় ইজরায়েলাইট—’

বাধা দিয়ে মৃদু হাসি হেসে বললেন, ‘অত ভদ্রতা করে, অন্য লোক হলে বলতুম ভণ্ডামি করে, ইজরায়েলাইট না বলে যুডে (Jude=ইহুদি) বলতে পারো, তার চেয়েও অবজ্ঞাসূচক Jut বলতে পার, এমন কি পাঁচজন জার্মান আড়ালে যে ‘কৌজার য়োট’ (মোটামুটি, ‘ঘৃণ্য ইহুদির বাচ্চা’) ব্যবহার করে সেও করতে পারো। আমি নির্বিকার।’

আমি জিত কেটে বললুম, ‘ছি ছি কি যে বলেন—’

ফের বাধা দিয়ে বললেন, ‘শোনো, ভদ্র। তুমি কি বললে, কি না বললে কিছুটি এসে যায় না। এই দেখ আমার নাকটা—কি রকম বেকে গিয়ে হকের মত ঝুলে আছে, তারপর আমার কান দু’খানা—মাথার সঙ্গে লেপটে না গিয়ে একটা ডান দিকে আরেকটা বাঁ-দিকে যেন উড়ে চলে যাবার পণ করেছে, দাঁড়াও, তোমাদের দেশের হাতীর বোধ হয় এ রকম কান হয়, তারপর আমার চুল—কানের কাছে কি রকম যেন কৌকড়া কৌকড়া, নিগ্রোদের মত, আমাদের মিশর-বাসের সামান্য অবশিষ্ট—’

‘ধাক না। প্লীজ।’

একটু হাসলেন, তাতে কোনো তিক্ততা ছিল না। বললেন, ‘এক কার্লং দূরের থেকে লোক চিনতে পারে, ঐ আরেক ব্যাটা ইহুদি আসছে। তুমি ইজরায়েলাইট বললে, না যুডে বললে তাতে কি যায় আসে? তা সে থাক্‌ গে। তুমি কি যেন শুধোচ্ছিলে?’

‘আপনি তো ইহুদি—’

‘বলে ইহুদি। রীতিমত খানদানী মনিষ্টি আমি। কেন, নাম থেকে বুঝতে

পারছে না? তোমাদের কুরান শরীকেও যে প্রকেট ইয়াকুবের (জেকব্) উল্লেখ আছে তাঁর তৃতীয় পুত্রের নাম লেভি। কিংবা বাইবেলের প্রথম অধ্যায়, জেনেসিসেও পাবে এ-গোষ্ঠীর খবর। কিন্তু থাক, প্রপিতামহের শুকনো হাড় চিবিয়ে বেঁচে থাকা যায় না। তবে এ-কথা ঠিক, আমাদের পরিবারের বংশানুক্রমে ইহুদি ধর্ম ও হীক্ৰসাহিত্যের চর্চা আছে।’

‘তা হলে আপনি ইহুদিদের কঙ্কুসী নিয়ে, আপন চেহারার ইহুদীলক্ষণ নিয়ে অত ঠাট্টা মস্করা করেন কি করে?’

মিট মিট করে হেসে বললেন, ‘কেন, শোন নি, স্বচদের সম্বন্ধে যে-সব নূতন নূতন গল্প বেরোয় তার অধিকাংশের জন্মস্থল এবারডীন, জনক স্বচরা নয়? তস্বটার সত্যি মিথ্যে জানি নে, কিন্তু ইহুদির কঙ্কুসী, সে নোংরা—স্নান করে না, যে-দেশে রাস করে সেটাকে মাতৃভূমিরূপে স্বীকার করে না, আরো কত কী—এসব নিয়ে যে-সব গল্প আছে তার একটা বিরাট ভাণ্ডার আছে আমার কাছে। পেয়েছি উত্তরাধিকার সূত্রে ঠাকুর্দার কাছ থেকে এবং এর অধিকাংশই ইহুদিদের তৈরি—কোনো সন্দেহ নেই সে-বিষয়ে। বাবার এসবেতে শখ নেই। তিনি পড়ে আছেন হীক্ৰসাস্ত্র নিয়ে, আর অবসর সময়ে ঐ একই অভিনিবেশ সহকারে, জর্মন সাহিত্যচর্চা। কারো সঙ্গে মেশেন না বড় একটা, কিন্তু তোমাকে বতটুকু চিনতে পেরেছি তার থেকে মনে হয়, তোমাকে বাড়ি নিয়ে গেলে তিনি খুশী হবেন। প্রাণ ভরে তাঁর কাছ থেকে জর্মন সাহিত্যের খুঁটিনাটি খুঁটিয়ে খুঁটিয়ে বের করতে পারবে। আসবে একদিন ডিনারে? বেশ। মাকে শুধিয়ে দিন ঠিক করে তোমাকে বলবো।’

‘আচ্ছা, বলুন তো, এদেশে নাকি একটা পোলিটিকাল পার্টি দিন দিন শক্তি সঞ্চয় করে চলেছে, আর তারা নাকি নির্বিচারে সব ইহুদিদের এ-দেশ থেকে তাড়িয়ে দিতে চায়—যারা পাঁচ শ’ সাত শ’ বছর ধরে জর্মনিতে আছে তাদেরও, যারা এক বর্ণ হীক্ৰ জানে না, সিনাগগে যায় না, নাস্তিক্যবাদের পক্ষ সমর্থন করে প্রামাণিক গ্রন্থ লিখেছে তাদেরও। দোষটা কি ওদের?’

এই তার মুখ একটুখানি গম্ভীর হল। সেটা যেন মুছে কেলে মুচকি হেসে বললেন, ‘এতো কিছু নূতন নয়। বাইবেলের ‘এস্টার’ পুস্তিকা পড়েছ?’

আমি অভিমানের সুরে বললুম, ‘আমি অগা। কিন্তু এস্টার পড়ি নি, এ-সন্দেহ কেন করছেন? তবে হ্যাঁ, ওল্ড টেস্টামেন্ট পড়া উচিত, তারই নির্মাতা কোনো ইহুদি রাব্বির কাছ থেকে! আমি পড়েছি খুঁটান—তাও লুখেরীয় অর্থাৎ কি না

প্রটেক্ট্যান্ট—পাত্রির কাছে। ওনারা তো এস্টারের ঐতিহাসিকতার আদৌ বিশ্বাস করেন না।’

‘সে-কথা পরে হবে। উপস্থিত অস্তিত্ব এটুকু মেনে নিতে পারো, সেখানে যে চিন্তাধারা প্রকাশ পেয়েছে তার অনেকখানি খাটি সত্য—তা সে যার মুখ দিয়েই বলানো হয়ে থাক না কেন এবং ইরানের রাজা গ্রীস-মিশর-বিজয়ী Xerxes ইহুদি-বালা এস্টারকে বিয়ে করে থাকুন, আর না-ই করে থাকুন। সেখানে Xerxes- (বাইবেলের ‘অহস্‌তেরুস’)-এর মন্ত্রী তাঁকে একদিন বললেন, “মহারাজের বিশাল সাম্রাজ্যে এক শ্রেণীর লোক সর্বদাই পাওয়া যায় (ইহুদি) যাদের আইনকানুন অগ্রসব জাতদের থেকে ভিন্ন, এমন কি রাজাদেশও তারা মানে না ; অতএব এক বিশেষ দিনে এদের সবংশে নির্বংশ করা হোক !”...তখনও প্রভু যীশুর জন্ম হয় নি, খৃষ্টধর্মের সঙ্গে বৈরীভাবের প্রসঙ্গ ওঠে না, আর, ঐ যে নয়া পলিটিকাল পার্টির কথা বলছিলে, যারা জাতে অ্যারিয়ান—তাদের ভিতর আবার নীল চোখ, ব্লু চুল-ওলা সর্বশ্রেষ্ঠ নর্ডিক জাত সম্বন্ধে প্রচার করতে গিয়ে তারা পিঠপিঠ বলে ইহুদিরা মানুষ পর্যায়ের নিম্নে (untermensch = under-man) সে পার্টি তো পশু দিনের—নিতান্ত শিশু। তা সে যাক্‌গে—এই আড়াই হাজার বছরের ইতিহাস জেনে তোমার যে কি লাভ হবে জানি নে—তোমাদের দেশে—’

‘হালে আমাদের দেশে ইহুদিরা এসেছে ইয়োরোপ থেকে। তার বহু শতাব্দী পূর্বে ঝড়ের মারে একখানা নৌকায় করে সাতজন পুরুষ আর সাতজন স্ত্রীলোক এসে পৌঁছয় বোম্বাইয়ের ত্রিশ মাইল দক্ষিণে, অধুনালুপ্ত চেমুল বন্দরের কাছে।*

* ভারতীতে ‘চ’ অক্ষরের উচ্চারণ ‘ৎন’-এর মত। তাই টলেমি এ বন্দরকে তিমুলা, সিমুলা দুই উচ্চারণেই লিখেছেন। চিংপাবন ব্রাহ্মণদের (টিলক, গোখলে ও বদি বেয়াদপি মাক করেন তবে উল্লেখ করি, অধীনের আধুনা প্রকাশিত ‘হু-হারা’ পুস্তকের চরিত্র কাণে) অনেকেরই নীল চোখ, কটা চুল ; এদের ভিতরেও কিংবদন্তী, এঁরাও ঝড়ের মারে কোঁকণ অকলে পৌঁছন।

বরদার সরাজীরাও বেরকম রমেশ, অরবিন্দ, আবেডকরকে পৃষ্ঠপোষকতা দেন, ঠিক তেমনি এই সাত স্ত্রীপুরুষের বংশধর পণ্ডিত কাহিম্‌করকে বোম্বাই থেকে ধরে এনে বরদা হাইকোর্টের জজ নিযুক্ত করেন। তারতবার্ষিক এই প্রাচীনতম ইহুদি (এরা ইয়োরোপীয় বহু ইহুদির স্থায় ‘ইহুদি’ শব্দটাকে অত্যন্ত অপহৃদ্য করেন এবং নিজেদের ‘বেনে-ইজরায়েল = বেনে- (আরবী বিন—ইবন = পুত্র ; ইবন্ বৎসুতা বৎসুতা তুলনীয়) ইজরায়েল, = ‘ইজরায়েল-সন্তান’ রূপে পরিচয় দেন। আমার পরম সৌভাগ্য বরদাবাসকালীন এই বিভাসাগরের সঙ্গে আমার অন্তরঙ্গতা হয়। এই মাটির মানুষটির বৎসরো-নাতি অনাড়ম্বরে প্রকাশিত বেনে ইজরায়েল পুস্তিকা ইয়োরোপীয় পণ্ডিত সামাজ্যে, বিশেষ করে ব্রাহ্মিদের ভিতর বেন টর্পেডোর মত পড়ে। বস্তুত তারপর যে যা লিখেছেন বিশেষ করে ভিন্ন ভিন্ন

শাস্ত্রাদি সব লোপ পায় বলে লোকে এদের ইহুদি পরিচয় পায় নি; শুধু শনিবারে এরা বিশ্রাম নিত বলে (ইহুদির সাক্ষাৎ) এবং তেলীর ব্যবসা করতে বলে (বোধ হয় মধ্য-প্রাচ্যের অলিভ তেল তৈরির কায়দা এরা তিল-সর্ষের উপর চালায়) এদের নাম হয়েছিল 'শনিবার-তেলী ।' একশ' বছরও বোধ হয় হয় নি, তর্কাতীত সিদ্ধান্ত হয়েছে, এরা জাত-ইহুদি । কিন্তু এদের পিছনে তো কেউ কখনো লাগে নি—এস্টার কেতাবের পাইকিরি কচু কাটার নৃশংস প্রস্তাব কহাঁসে কঁহা ।'

'জানি, তাই বলছিলুম, তোমার কি লাভ? আর এদেশের আর্থেরা বলেন, ইহুদি লাভ, টাকা, সোনারূপো ভিন্ন অন্য চিন্তা অন্য বস্তু বোঝে না । রূপোর কথাই যদি উঠলো তবে একটি ইহুদি কথিকা—কঞ্জুসীবাবদ—ঠিক পপুলার গল্প নয়, হাফশাজ্জ বাক্যের মত বলি,—শ্রবণ করো, এবং তারপর—'

ইঙ্গিত বুঝে বললুম, 'যাচ্ছি আপন টেবিলে হীক্ৰ ব্যাকরণ কণ্ঠস্থ করতে ।'

ব্যাগ খুলে একটা আপেল বের করে এগিয়ে দিয়ে বললেন, 'একদা জর্নৈক অর্থ-পিচেশ মজ্জা-কিপটে কোটিপতি—কখনো কাণা কড়িটি দান করেছে এ-কথা তার কোনো হাতই জানে না—এসেছে এক রাব্বির কাছে । জানলার কাছে নিয়ে গিয়ে রাব্বি তাকে বললেন, 'বাইরের দিকে তাকিয়ে আমায় বলো, কি দেখতে পাচ্ছে ।'

ধনী বললে, 'লোকজন—বিস্তর মানুষ ।'

রাব্বি বললেন, 'উত্তম প্রস্তাব ।' তারপর একটা আয়নার সামনে তাকে দাঁড় করিয়ে শুধোলেন, 'এবারে কি দেখছ ?'

'আমি নিজেকে দেখতে পাচ্ছি—'বললে কিপটে ।

'ততোধিক উত্তম প্রস্তাব'—বললেন রাব্বি, 'এইবারে শোনো, বৎস, কান পেতে মন দিয়ে । জানলার শার্সি কাঁচের তৈরি, আয়নাও কাঁচের তৈরি শুফাৎ কি? আয়নার পিছনে রয়েছে অতিশয়, হাঙ্কার চেয়েও হাঙ্কা সামান্য একটু রূপোর

এনসাইক্লোপিডিয়ায়—তার বেশীর ভাগ জজ কাহিন্‌করের কাছ থেকে নেওয়া । সপ্রশংস কৃতজ্ঞতা সহ । বরফার দ্বিতীয় ইহুদি ছিলেন জর্মন । এ-লেখনের ডঃ লেভির মত, ড. কোন-ভীনার ('কোন্-ভীনারের মা' পঞ্চ—পঞ্চতন্ত্র ১ম) ।—ইয়োয়োপীর ইহুদি ও কাহিন্‌করের কোকণী ইহুদিদের পাল-পরবের ক্যালোডার ভিন্ন ভিন্ন—আনাকে বে-সুনার শোকরিয়া । আমি কখনো বা জজ সাহেবকে নিয়ে কোন্-ভীনারের গৃহে, কখনো বা কোন্-ভীনারকে নিয়ে জজের বাড়িতে বহু বিচিত্র বহুভাষ্য ভঙ্গ করে—একই পরব ছ'-দুবার যথা গোস্বামী মতে ইত্যাদি পালন করে, ধর্ম রক্ষা করতুম । বেনে-ইজরায়েলদের সম্বন্ধে আমার যেটুকু সা মা শু জ্ঞানগমি সেটুকু সমুহে জন্তের ধর্মরাৎ ।

প্রলেপ—ধর্মব্যবহার মধ্যেই নয়। কিন্তু বৎস, যেই না এল সামান্যতম রূপো, অল্প
তুমি আর অল্প মানুষকে দেখতে পাও না, দেখতে পাও শুধু নি জে কে ॥*

২৩৪।৬৬

এমেচার ভাস'স স্পেশালিস্ট

সব ব্যাপারেই আজকাল স্পেশালিস্ট। সেদিন মার্কিন মূল্যকে এক স্পেশালিস্টই
আবিষ্কার করেন যে শোভাযাত্রা, বয়কট বা ধর্মঘটে ধারা কালো ঝাঞ্জা তুলে হই
হই করে, তাদের অনেকেই ভাড়াটে। এ তত্ত্ব আমাদের কাছে নূতন নয় ;
দিল্লিতে থাকাকালীন স্বর্গত অশ্বিনী গুপ্ত আমাকে দিল্লীতে যে 'হাণ্ডার স্ট্রাইকের'
জগু প্রতিষ্ঠান আছে, যিনি হাণ্ডার স্ট্রাইক করবেন তাঁর জগু শামিয়ানা, তাকিয়া-
বালিশ, নির্জলা না হলে নিষুপানি—তদভাবে জিন্ (যদি তিনি মতপ হন), কারণ
বলতে গেলে একমাত্র জিন্ই সহজলভ্য কড়া ড্রিস্কের ভিতর জলের রঙ ধরে,
আহারাদি, ইয়া, আহারাদিই বলছি কারণ লুকিয়ে লুকিয়ে হাণ্ডার স্ট্রাইকার যদি
খেতে চান তবে গভীর রাত্রে তার সুব্যবস্থা—সেদিকে আমার ভোঁতা দৃষ্টি আকর্ষণ
করেন। এবং যিনি আজো এ-প্রতিষ্ঠানটি চালিয়ে যাচ্ছেন, তিনি মার্কিনী
স্পেশালিস্ট নন, নিতান্ত দিল্লী মাল—এবং সর্বোপরি তিনি 'এমেচার'।

এসব তো মস্করার কথা—যদিও দুটোই ডাছা 'ইমান্‌সে' সত্য। তবে দিল্লির
প্রতিষ্ঠানটি নাকি 'সদাচার কদাচারের' উৎপাতে এদানির বড়ই উৎপীড়িত ('তংগ্

* এ লেখকের সঙ্গে কোনো সম্পর্ক না থাকা সত্ত্বেও আমার অন্তরঙ্গ পাঠকদের না জানিয়ে
কিছুতেই থাকতে পারলুম না যে ২৬ মার্চ (১৯৬৬) সন্ধ্যাবেলা প্যারিস বেতার থেকে ইন্দিরাজীর
ফরাসীতে প্রদত্ত ম'সিয়ে গ'লের অভ্যর্থনার প্রত্যুত্তরের রেকর্ডিং। অনবদ্য রিসেপশনে—কলকাতা
'খ'-এর চেয়ে কোটিগুণে শ্রেয়। ইন্দিরাজীর ফরাসী উচ্চারণ অতি সুন্দর, পরিষ্কার। অনভ্যাসবশত
মাঝে মাঝে খেমে যাচ্ছিলেন বটে, কিন্তু উচ্চারণে বিদেশী আড় প্রায় সম্পূর্ণ অসুপস্থিত। বুদ্ধের সময়
আমি চার্চিলের ফরাসী ভাষণ বেতারে শুনেছি। ইংরিজীর জোরালো একসেন্ট দ্বারা আট্টেপুটে
বাধা ফরাসী উচ্চারণ। দাঁত-মুখ খিঁচিয়ে, বেতার যন্ত্রে কান সেন্টে না শুনে মনে হবে, গাঁক-
গাঁক করে ইংরেজ মাবলটর্ন কুচকাওয়াজের 'হুকুমদার' ঝাড়ছে। ফরাসীতে অসুন্দারিকের ছয়লাপ।
ইংরেজের কাছে সে বস্তু গোমাংস। অতএব বাংলা'র 'টাদ' যেন ইংরেজের মুখে 'চ্যান্ড' হয়ে
যেতছিল। ইন্দিরাজীর ফরাসী উচ্চারণ চার্চিলের চেয়ে ইনকিনিটি পাসেন্ট শ্রেয়।

আ গয়ে') ; তার অর্থ অবশ্য এ-নয় যে 'হাঙার স্টাইক' করার কারণে কিংবা/ এবং অকারণের অজুহাত অছিলার অভাব ঘটেছে, কিংবা 'হাঙার-এর' হাঙারদের ক্ষুধা নিবৃত্তি ঘটেছে—আসল কারণ ওটা নাকি রেশন্ড্ হয়ে গিয়েছে, 'অর্থাৎ হাঙার স্টাইক', 'কাস্ট্ আন টু ডেথ' এসব করতে হলে সেগুলো এখন করবেন সরকার স্বয়ং । আনাড়ি এমেচারদের হাতে আর এ-সব টপ প্রায়োরিটির বস্তু ছেড়ে দেওয়া যায় না । দেশ-বিদেশে বড় বেইজ্জতী হয় । আইরল্যান্ডের কে যেন ম্যাকসুইপি না কি যেন নাম সে নাকি বাষট্টি বা বিরানব্বই দিন নাগাড়ে উপোস মেরেছিল—এমতাবস্থায় ভারত যদি বাছায় দিনের রেকর্ড দেখায় তবে সেটা হবে সত্যিই 'শরমকী—' খুড়ি 'লজ্জাকী, ঔর আফসোস —' খুড়ি 'পশ্চাত্তাপকী বাৎ !'

তৎসঙ্গেও এমেচারকে ঠেকানো যায় না—বারট্রাও রাসুলের মত নিরহকার লোক পর্যন্তও চেষ্টা দিয়ে হার মেনেছেন ।* স্বয়ং রবি ঠাকুর এই এমেচারি কর্মে বড়ই সুখ পেতেন । আমি তামা তুলসী স্পর্শ করে একশ' বার করে কাটতে রাজী আছি, তাঁকে মধ্যম শ্রেণীর হোমেওপ্যাথ ডাক্তার বললে তিনি সেটাকে কবিতায় নোবেল প্রাইজ পাওয়ার চেয়ে লক্ষ গুণে প্লাবনীয় বলে মনে করতেন । ঠিক তেমনি স্পেশালিস্ট সত্যেন বোস তাঁকে দিলেন টুইয়ে—বিজ্ঞান শিখতে নয়, সেও না হয় বুঝি—শেখাতে । অর্থাৎ 'মেস্টারি' করতে । তাহলে পাঠ্যপুস্তকের প্রয়োজন । বাজারে যেগুলো মেলে সেগুলো লিখেছেন স্টে বিশেষজ্ঞরা—একশ' বার মানি—কিন্তু যে বাঙলা ভাষায় লিখেছেন সেটা, ঐ যে ফরাসীতে বলে, 'ইল্জ এক্রিভ ক্রাঁসে কম্ লে ভাশ্ এস্প্যানিয়োল'—তেনারা ফরাসী লেখেন স্প্যানিশ

* এ বাবদে তাঁর বিদকুটে রায় : সর্ব পণ্ডিত যখন কোনো তত্ত্ব এক বাক্যে স্বীকার করে নেন, তখন তুমি এমেচার সেখানে ফপন্নালালী করতে যেরো না । আর যেখানে তাঁরই একমত হতে পারছেন না সেখানে তুমি নাক গলাতে যাও কোন ছঃসাহসে ? এর বিগলিতার্থ তুমি এমেচার হেঁট ছুটি সেলাই করে বসে থাকো । এমন কি কেউ যদি বলে, Fine weather—eh ? তুমি হাঁ, না বলতে পারবে না । তুমি ওয়েদারের জানো কি ? প্রথম খ্রীনিঃকে শুধোবে আবহাওয়ার দফতরে । তারা যদি বলে 'ফাইল' তবে ফাইল—তা তুমি যেখান থেকে কথা বলছো সেখানে থাক না মলয় পবন আর সূর্যাস্তের লালিমার রঙিন গোলাপী আকাশ ! এতক তোমার নাম যদি 'অতুল' হয়, তবে তোমার বিপদ প্রত্যাসন্ন । শিশির ভাঙুড়ী বলতেন অ (যন্ন-এ যে 'অ' উচ্চারণ), আর রবি ঠাকুর বলতেন 'ওতুল'—কিন্তু তিনিও আবার 'ওতুলনীর' না বলে বলতেন 'অতুলনীর' । অর্থাৎ ব্যারট্রাও রাসুলের অনুশাসন মানলে তোমাকে নাম বদলে 'মাকাল টাকাল' কিছু একটা 'দশদিশি নিরবন্দা' নাম রাখতে হবে ।

গাইয়ের মত ।* রবি ঠাকুর আর যা করুন, তাঁর বাঙলাটা অস্তুত বোধগম্য হবে ।
খাক না ছু পাঁচটা ভুল এদিক ওদিক । সেগুলো মেরামত করার জন্য তো ঐ
হোখায় সত্যেন বোস বসে ।

যৌবনে রবীন্দ্রনাথ একদিন শব্দতত্ত্ব নিয়ে তর্কাতর্কির দাঁয়ে মজে যান । বৃদ্ধ
বয়সে—বোধ হয় স্ননীতিবাবু এবং/কিংবা গোসাইজীর প্ররোচনায়—তাবৎ বাঙলা
ভাষাটা নিয়ে খুব একচোট তুলওয়ার খেলা দেখিয়ে দিলেন । আহা সে কী স্বচ্ছ
স্বন্দর তরল ভাষা—যেন বোতল থেকে তেল ঢালা হচ্ছে । কে বলবে, বিষয়বস্তু
নিরস শব্দতত্ত্ব—হস্ হস্ করে পাতার পর পাতা সিনেমার ডেলি ক্যালেন্ডারের
পাতার পর পাতা ওড়ার মত পেরিয়ে যেতে যেতে হঠাৎ হুম করে সন্ধিতে কিরে
আসবেন । এমেচার আর্টিস্ট যেন লাজুক হাসি হেনে ঘন ঘন করতালির মধ্যখানে
শেষ বক্তব্য নিবেদন করছেন, কি বলছেন ? বলছেন, তিনি শব্দতাত্ত্বিক নন—নিতান্ত
এমেচার—তাই খুব সম্ভব হেথা হোথা বিস্তর গলাদ থেকে যাবে ।

তারপর তিনি যে মুষ্টিযোগের শরণ নিয়েছেন সেইটে তিনি কালিদাসের কাছ
থেকে উত্তরাধিকার স্বত্ব পেয়েছেন । সেটা তাঁর শক্তি (fort) ও বটে দুর্বলতাও
—যদি অপরাধ না নেন—বটে কিন্তু এ স্থলে তিনি যে তুলনাটি ব্যবহার করেছেন
সেটি উপমা কালিদাসস্রুকেও হার মানায় । তিনি বলছেন, ‘কোনো কোনো
বিখ্যাত রূপশিল্পী শরীরতত্ত্বের যথাতথ্যে ভুল করেও চিত্রকলায় প্রশংসিত হয়েছেন,
(যেমন সেজানের ওয়েস্ট কোট-পরা ছোকরাটির হাত আজানুলম্বিত না বলে
আঙুলক-লম্বিত বললেই ঠিক হয়—কিন্তু তৎসঙ্গেও ছবিটি রসে ভর্তি—যাকে
আজকের দিনে ‘রসোস্তীর্ণ’ বলা হয় ।) ঠিক তেমনি কবির ভাষা সম্বন্ধে এ-বইয়ে
ছু-পাঁচটা ভুল বা অর্ধসত্য পরিবেশিত হয়ে থাকতে পারে, কিন্তু এসব ভুল যেনে
নিষেও দেখা যায় এরকম তুলনাহীন প্রবন্ধ হয় না । কারণ তথ্য-পরিবেশনে
অসম্পূর্ণতা থাক আর নাই থাক, সবস্বন্ধ মিলিয়ে প্রবন্ধটি বাঙলা ব্যাকরণ (খাঁটি
বাঙলা ব্যাকরণ—বাঙলার ছন্দবেশ পরে সংস্কৃত ব্যাকরণ নয় ।) এবং খাঁটি বাঙলা

* আমার টায় টায় মনে নেই, তবে রাতশেখর লেখেন, মেত্রজনের উপস্থিতিতে অসিতলীর
উপর ক্লোরিনীয় প্রতিক্রিয়া’ শুনে মনে হয় সকলের সজাগ দৃষ্টির সামনে (এখানে পাঠক আমার
তরফ থেকে একটা ভ্রমজনোচিত গলা খাঁকরি অনুমান করে নেবেন ! ধন্যবাদ ।) কোনো একটা
বেহেড্ বেলেরাপনা । ইহঁ. আপনার পাপ মন, পাঠক, আপনার পাপ মতি । ওর অর্থ হচ্ছে—
আবার বলছি টায় টায় মনে নেই—The reaction of chlorine (ক্লোরিনীয়) on acetylene
(অসিতলীন) where nitrogen (মেত্রজন) is present.

অলঙ্কার নিয়ে এক অভূতপূর্ব রচনা। যেমন তিনি বলছেন, চলতি বাঙলাতে গুরুচণ্ডালী এখন আর দোষের মধ্যে গণ্য নয়।

ঠিক এই জিনিসটাই আমরা অন্যান্য সাহিত্যিকের কাছে প্রত্যাশা করি। কারণ সাহিত্যিকের সঙ্গে ভাষার যে পরিচয় হয় সেটা আদৌ শব্দতাত্ত্বিক বা ভাষাতাত্ত্বিকের মত নয়। সে ভাষা ব্যবহার করে নূতন নূতন সৃষ্টির উদ্দেশ্য নিয়ে। তাই তার ভাষা সদা পরিবর্তনশীল। অত্যন্তম গ্রন্থ লিখে ভাষাবাদে আপামর জনসাধারণ তথা বৈকারণিকের অকুণ্ঠ প্রশংসা পেলেও লেখক তার পরবর্তী পুস্তকে সেই অনুমোদিত ভাষার পুনরাবৃত্তি করতে চায় না, রবীন্দ্রনাথের তুলনায়, আপনার মালের রিসীতার অব স্টোলে প্রপাটি হতে চায় না। তাই তাকে প্রতিদিন নিত্য নবীন সমস্তর সম্মুখীন হতে হয় এবং সেখানে সে কোনো বৈকারণিক, কোনো শব্দতাত্ত্বিকের সাহায্য পায় না। তাই প্রাচীন লেখক—যখন নূতন শব্দভাণ্ডার নূতন বচনভঙ্গী নিয়ে পুনরায় একখানা সার্থক গ্রন্থ লেখেন, তখন সাহিত্যের সঙ্গে সঙ্গে ভাষারও শ্রীবৃদ্ধি হয়। এ কর্ম শব্দতাত্ত্বিক করতে পারেন না—অবশ্য তিনি যদি সাহিত্যিকও হন ও তাঁর তত্ত্বগ্রন্থখানি সাহিত্যের পর্যায়ে তুলতে পারেন তবে অল্প কথা।

তাই ভাষার নব নব রূপ দেখাবার জন্য সাহিত্যিককেও এমেচারি শব্দতত্ত্ব নিয়ে আলোচনা করতে হয়।

এবং শুধু সাহিত্যিকই না, যে-ব্যক্তিই জ্ঞান-বিজ্ঞান বা অন্য যে-কোনো চিন্ময় বিষয় নিয়ে চিন্তা করেন, আলোচনা করেন, তাঁকেই কিছু-না-কিছু শব্দতত্ত্ব নিয়ে আলোচনা করতে হয়। এই তত্ত্বটি আজ হঠাৎ আমার চোখের সামনে জ্বলজ্বল করে ফুটে উঠলো, মুসলমানদের সমস্ত ইমাম আবু হানীফার বিরাট ন' তলুমী গ্রন্থের একটি জায়গা পড়ে।

ইমাম আবু হানীফা শিষ্ণুসমাবৃত হয়ে প্রতি প্রাতে বসতেন মুসলিম ধর্ম আলোচনায়। তাঁর রায় লিখে রাখা হত তো বটেই, তাঁর প্রধান শিষ্ণুদের কেউ ভিন্ন রায় (মিনিট অব ডিসেন্ট) প্রকাশ করলে সেটিও সঘণ্টে পাশাপাশি লিখে রাখা হত।

একদা প্রশ্ন উঠলো, 'নগরে জুম্মার নমাজ অবশ্য পালনীয় : কিন্তু গ্রামে জুম্মার নমাজ হয় না'—এ-আদেশ শিরোধার্য করবো কি না? ইমাম সাহেব বললেন, 'শিরোধার্য করা, না-করার পূর্বে প্রথম দেখতে হবে, 'নগর' বলে কাকে, আর 'গ্রাম' বলে কাকে?' জটনৈক শিষ্ণু বললেন, 'অভিধান দেখলেই হয়।' এবারে ইমাম যা

বললেন, সেটি মোক্ষম তত্ত্বকথা—সর্বভাষাতে সর্বকালে প্রযোজ্য। তিনি বললেন, ‘কোষকার দেবে সাধারণ প্রচলিত অর্থ। পক্ষান্তরে আমরা ধর্মশাস্ত্রের অধ্যয়ন করে জনসাধারণের জন্ম অনুশাসন প্রচার করি (অর্থাৎ আমরা theologians) ; খ্রিঃসংজ্ঞায়ানের দৃষ্টিবিন্দু থেকে কোন্টা শহর—যেখানে জুম্মার নমাজ সিদ্ধ—এবং কোন্টা গ্রাম যেখানে জুম্মার নমাজ অসিদ্ধ—তার শেষ বিচার তো আমাদের হাতে ।’

অত্যন্ত খাঁটি কথা। যেমন ধরুন গরুর বাথান, যেখানে রাখালরা শীতকালে থাকে। সেটাকে হয় তো গ্রামের পর্যায়েও ফেলা যাবে না। কিংবা উত্তম মক্কান পেয়ে হাজার লোকের কাকৈলা (ক্যারাতান) কয়েক দিন বিশ্রাম করলো। সেখানে জুম্মার নমাজ সিদ্ধ না অসিদ্ধ ?

ইমাম সাহেব বলছেন, খ্রিয়োলজিকাল অর্থে কোন্টা গ্রাম, আর কোন্টা শহর, তার সংজ্ঞার (definition-এর) জন্ম কোষকার তো আসবে আমাদেরই কাছে।

ঠিক তেমনি আইনজ্ঞ পণ্ডিতরা সংজ্ঞা দেন কোন্টা crime, আর কোন্টাই বা tort ; তবে তো কোষকার সেটা তার অভিধানে লিপিবদ্ধ করে। সে তো আর বিশ্বের জ্ঞান-বিজ্ঞানের প্রত্যেকটিতে বিশেষজ্ঞ নয় যে, নিছক আপন বুদ্ধির উপর নির্ভর করে প্রত্যেক শব্দের সংজ্ঞা দেবে, বর্ণনা দেবে, প্রতিশব্দ দেবে।

ঠিক এই জিনিসটি বাঙলা দেশে এখনো আরম্ভ হয় নি।

সবাই তাকিয়ে আছেন কোষকারের দিকে। সে পরিভাষা বানিয়ে দেবে। আর সে বেচারী তাকিয়ে আছে ভিন্ন ভিন্ন জ্ঞান, বিজ্ঞান, দর্শন, চিকিৎসা, আইন ইত্যাদির পণ্ডিতদের দিকে। তারা সংজ্ঞা দেবেন—এবং তাঁদের অধিকাংশই শব্দ বা ভাষাতাত্ত্বিক নন, সে বাবদে নিতাস্তই এমেচার—তবে তো কোষকার সেগুলো লিপিবদ্ধ করবে ॥

২৬।২।৬৬

মিজোর হেপাজতী

নেকা অঞ্চল বাদ দিলে আসামে যে কটি পার্বত্য অঞ্চল গুরু ও বৈশিষ্ট্য ধারণ করে, তার ভিতর পড়ে খাসিয়া, গারো, নাগা ও লুসাই। এর সঙ্গে ত্রিপুরার কুকি অঞ্চলেরও নাম করতে হয়, কিন্তু নানা কারণে সেখানকার কুকিরা এ যাবৎ কোনো সমস্তার সৃষ্টি করে নি—এবং যেহেতু ত্রিপুরা আসামের অংশরূপে গণ্য হয় নি, তাই সে-দেশ এ প্রবন্ধের আলোচ্য নয়। কিন্তু মণিপুর সম্বন্ধে এখানে কিছু না বললে তাদের ও গোড়ীয় বৈষ্ণবধর্ম তথা বাঙালী ধর্মপ্রচারকদের প্রতি অবিচার করা হয়।

আসামের অগ্ন্যাগ্নি পার্বত্য জাতির মত মণিপুর অল্পমত নয়। মহাভারতের অর্জুন-চিত্রাঙ্গদার মণিপুর ও বর্তমান মণিপুর একই কিনা সে নিয়ে তর্কাতর্কি করার শাস্ত্রাধিকার আমার নেই—এবং যেহেতু মণিপুর অধিনের জন্মভূমির প্রত্যন্ত ভূমিতে অবস্থিত, সে তার প্রতিবেশীকে অহেতুক ক্ষুব্ধ করতে চায় না, কিন্তু এ কথা সত্য যে, যতপি সাধারণ মণিপুরীদের চেহারার ছাপ মঙ্গোলীয়, ওদের ভিতর হঠাৎ বিস্কক আর্য় টাইপও পাওয়া যায়—এবং যেহেতু পার্শ্ববর্তী আর্য় বাংলা ভাষাভাষী সিলেট কচ্ছাড়ে এ টাইপ ছলভ, তাহলেই প্রশ্ন উঠবে, কান্তকূজ অঞ্চলের এই আর্য় টাইপ হঠাৎ মণিপুরে আবির্ভূত হল কি প্রকারে? পশ্চিম-বাংলার সঙ্গে মণিপুরের সরাসরি যোগসূত্র না থাকা সত্ত্বেও বাঙালী আজ মণিপুরী নৃত্যের কথা ও সে নৃত্য যে রাধাকৃষ্ণকে কেন্দ্র করে জন্ম ও শ্রীবৃদ্ধি লাভ করেছে, সে-কথা জানে—বস্তুত ভারতবর্ষে অধুনা যে চার রকমের শাস্ত্রীয় নৃত্যপদ্ধতি স্বীকৃত হয়, এ নৃত্য তারই অগ্ৰতম—কিন্তু বৈষ্ণবধর্ম মণিপুরে প্রচার ও প্রসার লাভ করে অষ্টাদশ শতাব্দীতে, অতএব এ নৃত্যকে আড়াই হাজার বছরের ঐতিহ্য দিয়ে মহাভারতের সঙ্গে সংযুক্ত করা কঠিন।*

* দক্ষিণ ভারতের ভরতনাট্যম নিয়ে যতখানি গবেষণা এই উত্তর ভারতেই হয়েছে, এই উত্তর ভারতের ঘনিষ্ঠতর মণিপুরী নৃত্য নিয়ে তার এক-দশমাংশও হয় নি। এ নৃত্য সত্যিই রহস্যময়। মূল নৃত্য শাস্ত্র ও লাস্ত্রনাশ্রিত কিন্তু প্রারম্ভিক অবতরণ নৃত্য (এর টেকনিকাল নামটি আমি ভুল নিরেছি) অত্যন্ত প্রাণবন্ত, দুর্দান্ত—তাণ্ডব নৃত্যের কাছাকাছি এবং পার্শ্ববর্তী অল্পমত অঞ্চলের সংগ্রাম-নৃত্যের সঙ্গে সাদৃশ্য ধরে। হয় তো বৈষ্ণব হয়ে যাওয়ার পরও মণিপুরীরা তাদের প্রাচীন ঐতিহ্যগত পার্বত্য নৃত্য ত্যাগ করতে চায় নি বলে 'অর শু ভূ' রূপে—প্রত্যাবনারূপে—সেটিকে রক্ষা করেছে।

কিন্তু এহ বাহু । আসল প্রশ্ন এই : ১৭০৫ খৃষ্টাব্দে রাজাদেশে মণিপুর যে বৈষ্ণবধর্ম 'রাষ্ট্রধর্ম'-রূপে গ্রহণ করল সেটা সম্ভব হল কি প্রকারে ? আসামের আর পাঁচটা পার্বত্য জাতি যে রকম আর্থ জনপদ থেকে দূরে হাজার হাজার বৎসর ধরে আপন আপন প্যাটার্ন অব্ কালচার বৃনে বাচ্ছিল মণিপুরও করছিল তাই । তাঁদের মাঝখানে একমাত্র মণিপুরই বা বৈষ্ণব হয়ে গেল কেন ? এ কথা সত্য যে শিলচর থেকে মণিপুর পৌছোনো সহজতর । কিন্তু মৈমনসিং থেকে গারো পাহাড় বাওয়াও তো কঠিনতর নয়, গারোরা অতিশয় শান্তিপ্রিয় এবং দু-একটি গারো মুসলমানের সঙ্গেও আমার আলাপ পরিচয় হয়েছে । পক্ষান্তরে নেকার অধিবাসীদের সঙ্গে যোগসূত্র স্থাপনা করা কঠিনতর ; অথচ লোকমুখে শোনা, সেখানকার কোনো কোনো উপজাতি সর্ববাবদে অ-হিন্দু হয়েও মাথার এক দিকের খানিকটা চুল কামায় ও চিহ্নরূপ দেখিয়ে বলে স্বয়ং শ্রীকৃষ্ণ নাকি তাদের অর্ধ-হিন্দুরূপে পরিণত করে নলেন যে, তিনি আবার এসে তাদের পূর্ণ-হিন্দু করে দেবেন—তারা এখনো সেই প্রতীকার আছে । তা সে বা-ই হোক মহাপ্রভু শ্রীচৈতন্যের বাঙালী শিষ্যরাই যে মণিপুরে বৈষ্ণবধর্ম প্রচার করেন সে-বিষয়ে কোনো সন্দেহ নেই । মণিপুরী ভাষা বাংলা অক্ষরে লেখা হয় ; পক্ষান্তরে পরবর্তী যুগে খৃষ্টান মিশনারিরা পার্বত্য-বাসীদের খৃষ্টধর্মে দীক্ষিত করার পদ তাদের ভাষা রোমান বা অক্ষর দিনের ইংরিজী অক্ষরে লেখেন ।*

কিন্তু সবচেয়ে বড় তথ্যকথা, মণিপুরবাসী বৈষ্ণবধর্ম গ্রহণ করতে (এবং পরবর্তী যুগে কাছাড় আশ্রয়গ্রহণকারী কিছু মণিপুরী ইসলাম গ্রহণ করতে) কোনো সভ্যতা-সংস্কৃতিগত বা অর্থ নৈতিক সমস্যা সৃষ্ট হয় নি । রাজনৈতিক সমস্যার কোনো প্রশ্নই ওঠে না, কারণ বাঙালী মিশনারিরা মণিপুরের সিংহাসনে কোনো বাঙালীকে বসাতে চান নি । অর্থনীতির দিক দিয়ে দেখতে গেলে মণিপুরবাসী ও পার্শ্ববর্তী কাছাড়বাসীর মধ্যে দ্রব্যবিনিময়ের ফলে উভয়েই উপকৃত হন । এই

* এ যুগে মণিপুরে যে রকম হঠাৎ বিস্তীর্ণ এলাকা জুড়ে হিন্দুধর্ম প্রচারিত হয়, সে রকম উদাহরণ কী অনুর অতীত কী বর্তমানে আমি অন্তত কোথাও পাই নি । মালকানা রাজপুত্রদের অঙ্গসংখ্যক লোকই বিশেষ শতাব্দীতে 'আর্থনমাজে' দীক্ষা নের । শিলঙ শহর আর শত বৎসর ধরে হিন্দুপ্রধান । সেখানে ব্রাহ্ম ও ইসলাম মিশ্রন স্থাপিত হয় কিন্তু শেষ পর্যন্ত খৃষ্টান মিশনারিরাই সবচেয়ে বেশী মাকল্য অর্জন করেন । এখনও আসামের সর্ব পার্বত্য অঞ্চলে খৃষ্টান মিশনারিই অগ্রগামী—এবং কোনো কোনো জায়গায় সমতুল তুলিতেও ।

অর্থনৈতিক দিকটা পাঠক বিশেষভাবে মনে রাখবেন। আমার মনে হয়, নাগা এবং মিজোরদের অর্থনৈতিক সমস্যাটা কেউ সবিশেষ চিন্তা করে দেখেন নি।

আমার বাল্যকালে সিলেট জেলার একাধিক জায়গায় নিয়ত বর্ধিষ্ণু খৃষ্টান মিশন ছিল এবং সে যুগে ভারতের তাবৎ প্রটেস্ট্যান্ট মিশনারিদের ভিতর দক্ষিণ-শ্রীহটে কর্মরত ওয়েল্শ্ মিশনের (এখনো মিজোরদের ভিতর এই মিশনই সর্বপ্রধান এবং যে ক'জন মিশনারির খবর অধুনা পাওয়া যাচ্ছিল না তাঁরা খুব সম্ভব এই মিশনেরই।) রেভারেন্ড পিংগোয়ার্ন জোনস্ তাঁর অসাধারণ বাগ্মিতা—বাংলা, ইংরেজী, ওয়েল্শ্ তিন ভাষাতেই—চরিত্রবল ও ধর্ম্মানুরাগের জগ্গ বিখ্যাত ছিলেন। আমি পাঠশালায় যাবার সময় থেকেই তাঁর গির্জা ও সান্ডে স্কুলের রীতিমত অনুরাগী অংশগ্রহণকারী ছিলাম বলে প্রায়ই টিলার উপরে অবস্থিত তাঁর ছিমছাম বাংলোতেও যেতুম। মিশনে বাস করতো আরো বিস্তর ছেলেমেয়ে—প্রধানত চা-বাগিচার সাহেব ও দিশী রমণীর মিলনজাত পুত্রকন্যা এবং কিছু কিছু খাসিয়া, গারো, নাগা ও লুসাই (মিজো) খৃষ্টান। খাস বাঙালী প্রায় চোখেই পড়ে নি। আমি বিশেষ করে এই পার্বত্য খৃষ্টানদের সম্বন্ধেই কৌতূহলী ছিলাম এবং হাইস্কুলে ঢোকান সময় একটি লুসাই ছেলের সঙ্গে হৃদয়তা হয়। সে সময় লুসাই ভাষা শিখতে গিয়ে—যদিও শেখা হয় নি—আবিষ্কার করি যে, অস্তিত লুসাই ভাষাতে বাংলার বহু বহু শব্দের কোনো প্রতিশব্দ নেই (পাবে জানতে পারি, অলিখিত ভাষা মাত্রেরই সাধাবণত এই হাল)।

জোনস্ সায়েব থাকতেন ছিমছাম বাংলোয়, জানলায় পর্দা টানানো! সায়েব-মেম খানা বেতেন ছুরি-কাঁটা দিয়ে, ধবধবে সাদা টেবিলরূখে ঢাকা খানা-টেবিলের পাশে। আমার বয়স তখন তেরো। কিন্তু তখনই মনে হয়েছিল, ধর্ম্মযাজকের এতখানি বিলাস ভালো না—বিশেষ করে তিনি যখন মিশনের আর সবাইকে তাঁর মত 'বিলাসে' রাখতে পারেন না। (পরবর্তী যুগে ইংলণ্ড এবং কন্টিনেন্ট যুরে বৃদ্ধিতে পারলুম, জোনস্ সায়েব তাঁর দেশের পাদ্রী-ভাইদের তুলনায় কতখানি আত্মত্যাগ করে ওই বিদেশ-বিভূঁইয়ে কতখানি সরল, অনাড়ম্বর জীবনযাপন করতেন; তাঁর আত্মাকে স্মরণ করে আজ ক্ষমা ভিক্ষা করি)।

আমার এবং আমার হিন্দু-মুসলমান বন্ধুদের মনে পাদ্রীসায়েবের ছিমছাম বাড়ি, আসবাবপত্র কোনো প্রলোভনের উদ্রেক করতো না। আমরা যেন কিছুটা বুঝে কিছুটা না বুঝে মনে মনে যুক্তি করতুম, 'খৃষ্টান হলে এ সব পাওয়া যায়; কিন্তু আমরা তো ধর্ম বেচতে চাই নে।' তাই বোধ হয় জোনস্ সায়েব তাঁর জোরদার

বাগ্মিতাশক্তি দ্বারাও কোনো বাঙালী হিন্দু-মুসলমানকে খৃষ্টধর্মে দীক্ষিত করতে পারেন নি—করে থাকলেও অত্যন্ত দুঃস্থ দূর গ্রামাঞ্চলের তথাকথিত নিম্নতম শ্রেণীর মধ্যে। আমরা কখনো তার খবর পাই নি।

আমার কিন্তু মনে প্রবল জাগতো, মিশনের এই খাসি লুসাইরা কি জোনস সায়েবের মত কিটকাট বাড়িতে থাকতে চায় না?

মণিপুরে যে সব বৈষ্ণব 'মিশনারিরা' গিয়েছিলেন তাঁরা নিশ্চয়ই সেখানে কোনো উচ্চতর মানের জীবনযাপন করেন নি। বস্তুত আজও মণিপুরের গ্রামবাসী সূর্য্য উপত্যকার চাষার চেয়ে অনেক সচ্ছল। কাজেই এ নিয়ে কোনো দ্বন্দ্ব সেখানে উপস্থিত হয় নি।

কিন্তু নাগা-লুসাইদের মধ্যে কি হল?

যারা লেখাপড়ায় সামান্য ভালো—এ কথা মানতেই হবে, খৃষ্টান মিশনারিরা তাঁদের সামর্থ্যে যতখানি কুলোয় ততখানি অর্থ শিক্ষার জন্ত পাহাড়ে পাহাড়ে টেলে দিয়েছিলেন এবং একদা সেখানে সাক্ষরের সংখ্যা বাংলার তুলনায় ছিল বেশী—তারা কোহিমা আইজলে পড়তে এল, পরে শিলঙে এবং কেউ কেউ কলকাতা পর্যন্ত। এবং যারা আপন গ্রাম থেকে বেরুলো না, তারা অস্তত পাদ্রীসায়বের বাড়ি, তাঁর তৈজসপত্র দেখেছে। শিলঙে যে দু চারজন চাকরি নিয়ে থেকে গেল তাদের কথা আলাদা, কিন্তু যারা বাড়ির টানে গায়ে কিরে গেল, এবং যারা গায়েই ছিল এদের অনেকেই কি তাদের জীবনযাত্রার মান উন্নততর করে পাদ্রীসায়বের মানের কাছে আসতে চাইলো না?

এ তো আমাদের চোখের সামনে নিত্য নিত্য ঘটছে। আমাদেরই গ্রামের ছেলে শহরে এসে আর গ্রামে কিরে গিয়ে নিম্নমানের জীবনযাপন করতে চায় না। বস্তুত ফ্রান্স, জার্মানি সর্বত্রই ক্রন্দনরব উঠেছে, গ্রামের বুদ্ধিমান কর্মঠ ছেলে মাত্রই আর গ্রামে কিরে যেতে চায় না। পড়ে থাকে নিকর্মাগুলো। দি ভিলেজেস আর বীইং ড্রেনড্ অব দেয়ার ব্রেনস—শহর কোঁটিয়ে নিয়ে যাচ্ছে গ্রামের প্রতিভাকে। বিশ্বব্যাপী এই যে একতরফা ভাটা, এরই কলে যে গ্রামোন্নয়ন করা যাচ্ছে না এসম্বন্ধে 'উনেস্কো'বহু কাল ধরে সচেতন, বিস্তর গবেষণা করেছেন, দাঁড়িয়েই খুঁজে পাচ্ছেন না।

কিন্তু এই সমস্তা নিয়ে আমাদের মধ্যে মারামারি খুনোখুনী হয় না, কারণ, যে গ্রামের ছেলে শহরে থাকতে চায় তার জন্ত আশেপাশে বিস্তর ছোট-বড় শহর আছে—বোলপুর, শিউড়ি, বর্ধমান, শেষটায় যদি তাতেও প্রাণ না ভরে, তবে কলকাতা। রেলের চাকরি করে ভাগলপুর, পাটনা হয়ে কত কী।

কিন্তু মিজো-লুসাইবাসী বাবে কোথায় ? আইজল, লুঙলে তাদের কি দিতে পারে ? তারপর শতাধিক মাইলের দূরত্ব পেরিয়ে শিলচর—সে আমাদের শিউড়ি-বর্ধমানের তুলনায় কসমপলিটান শহর বটে—কিন্তু তারই বা মূরদ কতটুকু ? তার নিজেরই ছুঃখের অবধি নেই। আসাম সরকার তাকে—যাক, আবার না আরেকটা বাঙ্গাল খাদ্যাদানো আরম্ভ করে যায় (ভালো তো কারো করতেই পারি নে, মন্দটা না-ই বা করলুম !) আর কেন্দ্রীয় সরকার ? কতবার বুঝিয়েছি, এই শিলচরে বেতারের কেন্দ্র বানিয়ে নাগালুসাইদের কন্ট্রোল করো—কেবা শোনে কার কথা (এ-স্থলে বলে রাখা ভালো আমার জন্মভূমি কাছাড় নয়)। থাক সে কথা। মিজো যদি বা শিলচর পেরুতে চায় তবে সামনে যে খাঁড়া পাঁচিল—হিল্ সেকশন—তারপর সেই সুদূর গোঁহাটি। এখানে খাসিয়াদের সঙ্গে তুলনা করলেই দেখা যাবে, একে তাদের চাষের পদ্ধতি উন্নত, শিলঙ' গোঁহাটির ভাষা তারা মোটামুটি জানে, জিনিসপত্র সেখানে বেচতে পারে, চাকরি-নোকরি মিস্ত্রিগিরি করে পয়সা কামাতে পারে। আর শিক্ষিত সম্পদশালী বহু খাসিয়া শিলঙ শহরের পাত্রীর বাড়লোর চেয়েও ফিটকাট বাড়লোয় বাস করেন। তাই স্বভাবতই খাসিয়ারা অনেকখানি সম্মত এবং তাই শান্ত।

কিন্তু মিজো যার কোথায় ?

১৯১০-১৯১১ থেকে তাদের ভিতর আরম্ভ হয় খৃষ্টধর্ম প্রচার এবং ১৯৩১ নাগাদ অর্ধেক লুসাইবাসী হয়ে গেছে খৃষ্টান। তারপর কি হয়েছে জানি নে। নিশ্চয়ই বেড়েছে। কারণ মিশনারিদের কাজ বন্ধ হয় নি। আদমশুমারীর হিসাব দেখে লাভ নেই। ঐ সময় থেকেই আরম্ভ হয়, পরের সেনসাসে কার স্বার্থ অসুব্যবী কি দেখাতে হবে তাই নিয়ে ছিনিমিনি, ইংরিজীতে যাকে বলে 'কুকিং'।

পার্বত্যাঞ্চলবাসী অনেক সময় আমাদের হিসেবে নির্ভর কিন্তু তারা সরল। সরল বিশ্বাসে তারা মনে আশা পোষণ করেছিল, যারা তাদের খৃষ্টান করেছে তাদেরই জাততাই ইংরেজ সরকার একদিন তাদের বাসনা-কামনা পূর্ণ করে দেবে। 'জুম' খেত করে যে তার পয়সায় পাত্রীর বাড়লো বানানো যায় না সেটা তারা বোঝে না। আমার মনে হয়, ইংরেজ-রাজ থাকলেও আজ না হোক কাল বা পরন্তু মিজোদের রুদ্ধ আক্রোশ ইংরেজকেই আক্রমণ করতো। তবে ইংরেজ খাম্মা মারতে ওস্তাদ—বাঙালীর মত চালাক জাতকেও কতবারই না একটা কুমীরহানাকে বারোটা করে দেখিয়েছে। ফবিগুরর মত বিচক্ষণ জন এবং তাঁর চেয়েও দুঁদে বহু

পলিটিশিয়ান 'ব্রিটিশ ভূমিসে' বহুকাল ধরে বিশ্বাস রেখে আশা করতেন, সময় এলে আমরা ইংরেজের কাছ থেকে ভূমিস—স্ববিচার পাবো।

অবশ্য এ-কথাও স্বীকার করি—যারা আমার সঙ্গে একমত নন তাঁদের কাছে মাক চাইছি যে, দেশ-শাসন ব্যাপারে ইংরেজের অনেকগুলো সদৃশ আছে এবং সেই অনুপাতেই আসাম সরকার,—থাক, আবার কেন? তবে আসাম সরকার না হয়ে কেন্দ্রীয় সরকার মিজোদের ভার নিলেই যে মুশকিল আসান হয়ে যেত সেটা আমি বিশ্বাস করি নে। যাই বলুন, যাই কন, আসাম সরকার বাস করেন নিলঙে—খাসিয়াদের মধ্যখানে। ব্রহ্মপুত্র উপত্যকার উত্তরে নেকা অঞ্চলেও রয়েছে আরো গণ্ডায় গণ্ডায় উপজাতি। তাদের অনেকেই প্রতি হাটবারে নেমে আসে সমতলে, ক্ষেতের জিনিস, এটা-সেটা (তখনকার দিনে চামর, মৃগনাভি, হাতীর এবং গণ্ডারের দাঁত—ভয়ঙ্কর মূল্যবান জিনিস, মধ্যপ্রাচ্যে 'হারেম' পোষনের জন্য মৃতসঞ্জীবনীর গায় নিত্যকাম্য এক-ব্রডিসিয়াক ইত্যাদি) বিক্রি করে প্রধানত ছুন, কেরোসিন* (সর্বশেষ! আমাদেরই যা হাল, ওদের হচ্ছে কি? তবে ইয়া ডিগবর ওদের অতি কাছে) কিনে নিয়ে যাবার জন্ত। ব্রহ্মপুত্র-উপত্যকাবাসী আসামীদের অনেকেই তাদের চেনেন। কাছাড়বাসী ক'জন সদস্য আসাম মন্ত্রিমণ্ডলীতে আছেন সঠিক জানি নে; যে কজন আছেন একমাত্র তাঁরাই ব্রহ্মপুত্র-উপত্যকাবাসীদের তুলনায় নাগা-মিজোদের বিলক্ষণ চেনেন, সদৃশদেশ দিতে পারবেন, অবশ্য শর্ত, যদি কেউ চায়! এঁদের তুলনায় নাগা-মিজোদের সম্বন্ধে কেন্দ্রীয় সরকারের জ্ঞান সীমাবদ্ধ—এ বিষয়টি খুঁটিয়ে খুঁটিয়ে আমাকে বুঝিয়েছিলেন নাগাদের প্রথম গ্র্যাজুয়েট, সে-সময় আপন মাতৃভূমি নাগা পাহাড়েই এস ডি ও শ্রীযুত কে ডি চুসা, ট্রেনে শেয়ালদা থেকে সিলেটের কুলাউড়া পর্যন্ত দিল্লি থেকে মুককচঙ কেরার

* এক সিলেটী মুসলমান ডাক্তার বহু বৎসর আইজল-লুঙলেতে কাঠিরে এসে আমার বলেন, মিজোরা দু-দিন তিন-দিনের পাহাড়ের চড়াই-ওৎরাই পথ পেরিয়ে লুঙলে আসতো কেরোসিন কিনতে। সে কেরোসিন আসতো শিলচর থেকে, বেশীর ভাগ পথ মানুষের কাঁধে, বাঁকে করে। একবার একজন বাহকের কলেরা হয় নির্জন পথিমধ্যে। বাঁশের স্টেচার বানিয়ে অস্ত্র চারজন বেহারা রোগীকে নিয়ে লুঙলে পানে রওহানা দের—দশ টিন কেরোসিন পায়ে চলার 'পথের' উপর রেখে দিয়ে। গণ্ডায় গণ্ডায় কেরোসিনকাষী খুঁটান অখুঁটান চলেছে লুঙলের দিকে, কিন্তু তাদের ধর্মবোধ এমনই প্রবল যে তারা কেরোসিনের দিকে ফিরেও তাকালো না। বেহারারা লুঙলে থেকে ফিরে এসে সমূচা সব কটা টিন বখাহানে পার—তারাও জানতো, লোপাট হবে না, তাই লুকিয়ে রাখার প্রয়োজনও বোধ করে নি। সেই মিজোরাই এখন লুঙলেতে লুটঠরাজ করলো!

পথে। স্বযোগ পেলে সে কাহিনী আরেক দিন হবে। শ্রীচূসা অর্থনৈতিক দিকটারও উল্লেখ করেন।

মিজোরা সরল বিশ্বাসে ভাবছে, আমরা—তা সে কেন্দ্রীয় সরকারই হোক, আর আসাম সরকারই হোক—বিধর্মী (নাগারাও কড়া স্বরে বলে, 'যারা আমাদের সঙ্গে আমাদের গির্জায় গিয়ে উপাসনা করে না তারা আমাদের ঘৃণা করে; সেটা না হয় করা গেল, কিন্তু খেতেও হবে তাদের সঙ্গে এবং স্বর্গস্থ প্রভু জানেন, একমাত্র চারপাঈ ছাড়া সর্বচতুষ্পদই তারা খায়! সঙ্গে সঙ্গে পান করতে হবে শুকনো লাউয়ের পাত্রে ভর্তি ভাত পচিয়ে তৈরী লিটার লিটার বিয়ার! কোহিমার ছোকরা ইংরেজ শাসনকর্তা এ-তিনটি প্রথমটি করে পুণ্যসঞ্চয় করতেন, বাকি দুই বাবদেও তেনারা সমগোত্রীয়, এমন কি প্রয়োজন হলে village belle-কেও তাঁরা নিরাশ করতে না—কারণ ব্যাচেলার ভিন্ন অল্প কাউকে সেখানে সচরাচর পাঠানো হত না) এবং যেহেতু আমরা বিধর্মী তাই আমরা তাদের গ্যায্য পাওনা দিচ্ছি না। আমরা সরে গেলেই তাদের সর্ব বাসনা কামনা পূর্ণ হয়ে যাবে। মোস্ট প্রিমিটিভ জুম চাষ করে যে এবসার্ড জীবনমান উচ্চ পর্যায়ে তোলা যায় না সেটা বোঝাবে কে?

অবশ্য মিজোদের অসন্তোষের অন্ত্যন্ত কারণও আছে। আমি শুধু একটা কারণ দেখালুম—অস্তুত মার্কসিস্টরা খুশী হবেন—তাঁদের অনেকেরই মতে এইটেই একমাত্র কারণ। একমাত্র কারণই হোক আর প্রধানতম কারণই হোক, অর্থনৈতিক কারণটার সন্ধান নেওয়া সর্বক্ষেত্রেই বাঞ্ছনীয়। লেনিনের সমসাময়িক ভিয়েনার অর্থডক্স অর্থনীতি পণ্ডিত স্তমপেটার এবং তাঁরই মত কটুর বালিনের জমবার্ট কেউই এই দৃষ্টিবিন্দুটি অবহেলা করেন নি।

স্বীকার করে নিচ্ছি, আমার এ বিশ্লেষণ ভুল হতে পারে, কিন্তু তথ্যগুলো সঞ্চিত হয়েছে বিশ্বস্তজনের কাছ থেকে।*

* (ক) মিজো প্রবন্ধটি লিখে 'দেশ' দপ্তরে পাঠিয়ে দেবার পর দুটি তাৎপর্য পূর্ণ ধবর বেরিয়েছে। প্রথমটিতে মন্ত্রাত্তের প্রাক্তন গভর্নর শ্রীযুত বিষ্ণুরাম মেধী বলেছেন—'যাতে করে মাল চলাচল জা না হয়ে যার ("transport bottleneck"), মিজো, নাগা এবং অন্ত্যন্ত পার্বত্য অঞ্চলের সঙ্গে রেল লাইন বসানো উচিত।' তিনি General council meeting of the All-India Railwaymen's Federation-এতে এ বিবৃতিটি দেন ও ২৭-৩-৬৬র কাগজে এটি বেরোয়। মিজো নাগারা যে রেলের অভাবে বাদগাকি ভারত থেকে বিচ্ছিন্ন, সে-কথা আমি প্রবন্ধে নিবেদন করেছি।

(খ) পার্বত্য-অঞ্চল সংক্ষেপে ব্যাপক রিপোর্ট দেবার জন্য যে পাব্লিক কমিশন নিযুক্ত হয়েছিল তার রিপোর্টের কয়েকটি প্রধান সুপারিশ ৩১ মার্চ বেরিয়েছে। সম্পূর্ণ রিপোর্ট না পড়ে কিছু বলা উপায় নেই, কিন্তু যেটুকু বেরিয়েছে তার থেকে মনে হল 'আধুনিক ঘটনার আলোকে' রিপোর্টটি আউট অব ডেট—তামাদি না হলেও বর্তমানের প্রয়োজন সহজে পারবে না।

গাড়োলস্‌ গাড়োল

আদরের ডাক-নাম য়প্প্ বা ইয়প্প্—সারা দেশটা জুড়ে। তোলা-নাম হার ডক্টর ইয়োজেপ (য়প্প্) গ্যোবলস্‌, রাষ্ট্রের প্রপাগাণ্ডা-মন্ত্রী, রাজধানী বার্লিনের গাও-লাইটার (অঞ্চলাধিকারী) এবং ফুরার অ্যাডলফ্‌ হিটলারের শেষ জুয়ো-খেলার পাশা যখন ব্লাকো মেরে মেরে যাচ্ছে, তখন সর্বাঙ্গিক, চৌচাল ওয়ারের জগ্‌ কুরে ভাগ্য 'ইকট্রে' করার জগ্‌ সর্বাধিকারী। পার্টির ব্রেন-বাক্সো। শত্রু-মিত্র সবাই এক সুরে বলেছেন, 'হাঁ, প্রপাগাণ্ডা করে কয়, সে-বস্তু দেখিয়ে গেছে ঐ ব্রেন-বাক্সোটা।' বাক্সোটির এক দিক দিয়ে ঢুকতো সাদামাটা তথ্য, হাফ-তথ্য, ডাহা মিথ্যে, ঘুতলবণতৈতলতগুলবস্তুইকন বেরিয়ে আসতো অল্প দিক দিয়ে। এক-একখানা চাছাছোলা, নিটোল, অত্রণ, অনিন্দনীয় কলাসৃষ্টি! দাঁড়ান, এই 'কলা-সৃষ্টি' রহস্যটা একটু গুছিয়ে বলতে হয়—কারণ, এ-বাবদ তাবৎ টেকনিক্যাল টার্ম একমাত্র ফরাসীর মারফতে প্রকাশ করা সম্ভবে। তদুপরি গ্যোবলস্‌ সায়েবের দিলের দোস্তু থেকে জান্-এর দুশমন্ তক্ স্বীকার করেছেন, ভোঁতা হোঁকা টিউটন নাৎসী পার্টিদের ভিতর ঐ গ্যোবলস্‌ই ছিলেন একমাত্র জিনিয়াস, যার ক্কে বিরাজ করতো স্মৃতিস্মৃতি মস্তিষ্কগুলী পরিপূর্ণ লাতিন মাথা—তাই তাঁর লিখন-কখন উভয়েতেই ছিল, ফরাসীসুলভ ফটিক স্বচ্ছতা।* এ-কলাসৃষ্টিকে অ্যভর্ দা'র বলা যেতে পারে, মাস্টার পীস অব আর্ট বললে ঠিক ঠিক মানেরটা ওঁরায় না। অব্জে দা'র শব্দসমষ্টি আমি শুনেছি; এটা বোধ হয় morale-এর মত ইংরিজিতে চালু ভেজাল ফরাসী মাল (আমরা যেরকম কলকাত্তাই উদুঁতে

* অরকোর্ডের ইতিহাস-অধ্যাপক ট্রেভর-রোপারের মত জর্মনির জাতপত্র শতকে গোটেক ; তদুপরি তিনি একটি আন্ত মবস্ত নব। তিনি বলেন, 'and it was the Latin lucidity of his (Goebbels') mind, the un-German suppleness of his argument which made him so much more successful as a preacher than the frothblowing nationalists of the South.'

অবল্ অধ্যাপককে বোঝা ভার। তিন শতাধিক বার বলেছেন, জর্মনরা অতিশয় অগা জাত। উত্তরে বলি, অগারা পরিষ্কার বুদ্ধি বোধে না; রহস্যের সন্ধান কোটে মাথা। তাই জর্মন দার্শনিকদের ভিতর লাতিন ধরনের হচ্ছ লেখক শোপেনহাওয়ার ভোঁতা লেখক হেগেল-এর তুলনার অবহেলিত।

‘একঠো’ ‘দুঠো’র ভেজাল বরাবর ব্যবহার করে আসছি !)—অর্থ, যে-কলান্য়ষ্টি কোনো কাজে লাগে না, যেমন ‘পাপিয়ে মাশে’তে তৈরী কাশ্মীরী ফুলদানি-পার্না স্টিছাড়া বস্ত্র, যেটাতে ফুল রাখা যায় না বটে, কিন্তু দেখতে খাসা। গ্যোবলস্ সায়েবের বেতার বক্তৃতা বা সম্পাদকীয় প্রবন্ধ বিলকুল বেকার নয়—টার-টার কাজে লাগতো। সেদিক দিয়ে দেখতে গেলে তিনি টলস্টয়কে নিশ্চয়ই পরম আপ্যায়িত করতে পারতেন; পার্থক্য মাত্র এইটুকু যে, টলস্টয় তাঁর কলা দ্বারা নির্মাণ করতেন স্বর্গারোহণের সোপান, য়প্প্ নির্মাণ করতেন রসাতলের খাড্ডায় সবেগে নিপতিত হওয়ার তরে অভ্যুত্তম পিচ্ছল সান্নুপ্রদেশ। আর ইহুদিকুলের কল্যাণার্থে গ্যাস-চেঘার।

হিটলারের বক্তৃতা-গর্জনও রুদ্দের তাণ্ডব নৃত্যতুল্য প্রলয়ঙ্কর, কিন্তু সেটাকে অত সহজে বিশ্লেষণ করা যায় না। সেটাও কলান্য়ষ্টি এবং সেটি য়প্প্-মার্কায় চেয়ে লক্ষণে কার্যকরী। কড়া পাক।

হুজনার মুখে একই জিগির : ইহুদিকুল সর্বনেশে। এদের সমূলে বিনাশ করতে হবে।*

কিন্তু হুজনের মনের ভিতর দু’ প্রকারের যুক্তি। য়প্প্-পের বিশ্বাস, ইহুদিরা সর্ব ব্যাপারেই সাতিশয় ধুরঙ্কর। এদের সঙ্গে ‘নর্ডিক আর্য়রা’ অর্থাৎ জর্মনরা কিছুতেই পাল্লা দিতে পারবে না। পক্ষান্তরে হিটলার এটা মানতে পারেন না—জান্ কবুল। তাঁর মতে, এই বহুঙ্করায় যে-কটা ডাঙর ডাঙর জাত, গোষ্ঠী, বংশ—যা খুশি বলুন, ইংরেজীতে Race, জর্মন Rasse—তাঁর মধ্যে ‘আর্য়’-রেস সর্বোত্তম। এবং সেই আর্য় রেসের ভিতর সর্বোত্তমেরও সর্বশ্রেষ্ঠ জর্মনির নর্ডিক, নীল চোখ, ব্লন্ড্ (সোনালী, কোনো কোনো ক্ষেত্রে রূপালীও—যেটাকে বলা হয় প্রাচীনাম ব্লন্ড্) চুলধারী ‘আর্য়’ রেস। ইহুদিবিশ্বের সর্ববাবদে তারাই সর্বশ্রেষ্ঠ। কিন্তু সম্পূর্ণ স্বাস্থ্যসম্পন্ন শক্তিমান যুবায় শরীরেও যেমন ক্যানসার দেখা দিতে পারে ঠিক তেমনি জর্মন সমাজে এসে ঢুকেছে ইহুদি গোষ্ঠী। এরা ছারপোকায় মত ভাষিন।

* স্মারকবেরগের মোকদ্দমায় যখন আসামী নাৎসিদের বিরুদ্ধে বলা হলো যে তাঁদের ফ্যারার ওক্টই ইহুদিদের ausrotten = ‘সবংশে নির্বংশ’ করবেন বলে একাধিকবার সর্বজনসমক্ষে পণ করেছিলেন, তখন আসামী পক্ষ বলে, ‘ওসব কথার কথা। কেউ যখন বলে, “তোমার চামড়া দিয়ে ডুগডুগি বানাবো’ (বাঙলার বলতে গেলে এই অনুবাদই জুংসই) তখন অস্ত পক্ষ সেটা সিরিদ্দাসলি শকার্বে নিয়ে বিশ্বের তাবৎ ডুগডুগি বানাবার বহুপাতি বিনষ্ট করতে মাথায় গামছা বাঁধে না।’

প্রাপ্তপোকা বেশী বুদ্ধিমান না মানুষ বেশী বুদ্ধি ধরে, এ প্রশ্ন বুদ্ধিমান মানুষ তুলবে না—বুদ্ধিমান বা মূর্খ ছারপোকা তুলবে কি না, সেটা হিটলার বলেন নি।

স্বপ্প্ বললেন, 'এটা হল তুলনা। তুলনা যুক্তি নয়।'

ফ্যুরার বললেন, 'তুলনা মাত্রই তিন ঠ্যাঙের উপর দাঁড়ায়। টায়-টায় যুক্তির স্থান নিতে পারে না সত্য, কিন্তু আপন বক্তব্য জোরদার ও প্রাঞ্জল করার জন্য তুলনার ব্যবহার করেছেন সর্বশুণীজ্ঞানীই।'

স্বপ্প্ বললেন, 'তর্কস্থলে মেনে নিলুম!' গ্যোবলস্ বড়ই প্রভুভক্ত ছিলেন। নইলে প্রভুর আত্মহত্যার চব্বিশ ঘণ্টার ভিতর তাঁর ছ'টি শিশুপুত্রকন্যাদের ডাক্তার দিয়ে খুন করিয়ে সঙ্গীক আত্মহত্যা করবেন কেন? বললেন, 'তাই সই। কিন্তু আমি আপনাকে হাতেনাতে দেখিয়ে দেব, ইহুদিরা অস্তুত ব্যবসার ক্ষেত্রে আর্থের চেয়ে বেশী বুদ্ধি ধরে।'

'কোনো ক্ষেত্রেই না।'

'বাজী ধরুন।'

'বিলক্ষণ! কত?'

'এক লাখ।'

'গেমাখ্‌ট্—পাকী বাৎ।'

হুজনাতে ছদ্মবেশে বেরলেন। তাঁর জন্য বেশী বেগ পেতে হল না। এমনিতেই ঠোটকাটা বালিন-কক্‌নিরা বলতো ফ্যুরারের চুল নেবে পড়ে কপাল ঢাকে নি—এটা অকল্পনীয়; আর গ্যোবলস্ এক লহমার তরে বকর বকর বন্ধ করেছে—এটা ততোধিক অবিশ্বাস্য। হিটলার তাই চ্যাট্‌চেটে পমেটম দিয়ে যেন প্রায় ভৈরবচণ্ডীর মত চূড়ো-খোঁপা বাঁধলেন—এবারে আর চুল ধসে পড়ে, কপাল ছাপিয়ে চোখ একে একে ঢেকে দেবে না। বাস্, এতেই হয়ে গেল ছদ্মবেশ। আর স্বপ্প্? তিনি বললেন, তিনি প্রতি দশ মিনিটে একটি মাত্র সেনটেনস বললেন। এ-রকম বিকট চূপচাপ লোককে কে চিনবে স্বপ্প্ বলে!

স্বপ্প্‌পেরই প্রস্তাবমত হুজনাতে ঢুকলেন এক পাঁচমিশিলা খাঁটি আর্থ দোকানে। চাইলেন একটা টী সেট। দোকানী একটি রমণীয় ট্রের উপর সব কিছু সাজিয়ে সামনে ধরলো। গ্যোবলস্ তো তাঁর মুণ্ডটি ডান থেকে বাঁয়ে, কের বাঁ থেকে ডাইনে

* সবিস্তর কাহিনী পাঠক পাবেন, অধীনের 'হু-হারা' পুস্তকে, হিটলারের 'শেব দশ দিন' প্রবন্ধে।

নাড়িয়ে নির্বাক প্রশস্তি গুনিয়ে দিলেন। তারপর হঠাৎ বেন মনে পড়লো ঐরকম ভাবধারা করে বললেন, 'কিন্তু আমার যে-দোকমকে আমি এই জয়দিনের সওগাংটা দেব তিনি তো গাটা; আপনাদের কাছে কি লেকট-ছাওয়ারদের জন্তে কোনো টী সেট আছে?' হিটলার বললেন, 'হঁ।' ভদ্র আর্য়সন্তান আমাদের দোকানী তো বেবাক বে-বাক্—অবাক। 'লেকট-ছাওয়ারস টী সেট?' সে আবার কি গব্যযন্তগা রে বাপু। বাপের জন্মে নাম এস্তেক শোনে নি। অনেকক্ষণ ঘাড় চুলকে, বিস্তর আন্দেশা করে আপসা-আপসি করে সবিনয় জানালে, তার কাছে নেই।

হিটলার দিল্দরাজ আদমী। এক গাল হেসে বললেন, 'মাখ্‌ট্-নিক্‌স্, মাখ্‌ট্-নিক্‌স্—বিলক্ষণ, বিলক্ষণ। তাতে এসে যায় না। আমরা অগ্নি দিন দুসরা জিনিসের জন্ত আসবোধন—ধাসা দোকানটি কিন্ত! কি বলা হার ডক্—থুড়ি। ঔফ বীডার জে-এন! গুটে নাখ্‌ট্। আসি তবে। হেঁ হেঁ, হেঁ হেঁ।'

এবারে যপ্প্ প্রভুকে নিয়ে ঢোকালেন এক ইহুদির দোকানে।

দোকানী ছিল না। তার চোদ বছরের ছেলে ছুটে এসে অদৃশ্য শ্রাম্পুতে (কথাটা আজকাল বডুই 'ফেশিনিবিল' হয়েছে; আশ্মো ব্যাভার করতে চাই) হাত কচলাতে কচলাতে একবারের জায়গায় তিন-তিনবার বলে বসলো, 'য়ুটন ময়েন, যুটন ময়েন, যুটন ময়েন (গুটন্ মর্গেনের অর্ধশিক্ষিত উচ্চারণ), মাইনে হেরেন্!'

উত্তরে হিটলার বিড়বিড় করে কি একটা বললেন, ঠিক ঠাহর করা গেল না। দক্ষিণের কোনো কোনো ব্রাহ্মণ নাকি একদা রাস্তায় ('সড়ক' 'সরকে' বা 'সরণিতে' —ও:। কী স্টর্ম ইন এ টী 'সেট'।) বেরলে চিৎকার করতেন, অস্পৃশ্য যেন সরে যায়, তার ছায়া যেন ঔর গায়ে না পড়ে—তবে এদের পঞ্চাশ বা ষাট লক্ষকে বামুন গ্যাস চেঘারে* খুন করে পুড়িয়েছে একথা কখনো শুনি নি। অতএব হিটলার যে ইহুদি ছোকরাকে হেল-ফেলো-উয়েল-মেট (hail-fellow-well-met) করেন নি,

* এর অস্তম বড়কর্তা হোস ন্যারনবের্গ মোকদ্দমার সাক্ষী দেন, এবং পরে এঁর হাঁসি হয়। দু'জন হাড়ে-পাকা মনস্তত্ত্ববিদ মাকিন চিকিৎসক এঁকে আগা-পাশতলা পুন লুন পরীক্ষা করেও এঁর ভিতর কোনো কিছু আদ্ব-বরমাল পান নি। ইনি বলেন, 'হাজার খানেক মানুষ গ্যাস দিয়ে মারতে আমাদের ১০ থেকে ১২ মিনিট সময় লাগতো, কিন্তু আসল মুশকিল ছিল এদের পুড়িয়ে নিশ্চিহ্ন করা—দিনের পর দিন নাগাড়ে চ'বিশ ঘণ্টা চুলিগুলো চালু রেখেও কাজ খতম হত না।' গ্যাস চেঘারে ইহুদিদের চাবুক মেরে মেরে ঢোকানো থেকে, চুলি চ'বিশ ঘণ্টা চালু রেখে তাতে লান পুড়িয়ে ছাই করে জলে ভাসানো পর্বন্ত সব কাজ করতো কোনো কোনো স্থলে ইহুদিরাই! তাদের ছেড়ে দেওয়ার হবে এই প্রলোভন। পরে অবশ্য তাদেরও ঘাড়ে গুলি করে মারা হত, পিছন থেকে, অতর্কিতে।

সেটা স্পষ্টই বোঝা যায়। ইহুদি ছোকরা কাঁচুমাচু হয়ে বললে, ‘আমার বলে দেওয়া উচিত সরকারের হুকুম, কোনো “আর্থ” যদি ইহুদির দোকানে ঢোকেন তবে দোকানদার যেন তাঁকে সতর্ক করে দেয়, এটা ইহুদির দোকান, এখানে কেনাকাটা করলে আর্থই দায়ী। সাইনবোর্ডেও স্পষ্ট করে লেখা আছে; আপনারা হয় তো লক্ষ্য করেন নি।’

হিটলার বিড়বিড় করলেন, ‘শোন্ গুট্ শোন্ গুট্—অনেকটা যেন ঠিক আছে, ঠিক আছে; মেলা বকো না।’

টী সেট চাওয়া হল। এল। গ্যোবলস্ গ্যাটার সেট্ চাইলেন।

ছোকরা প্রথমটায় হকচকিয়ে গেল।

পরমুহূর্তেই সম্মিতে ফিরে এক গাল হেসে বললে, ‘এখুনি নিয়ে আসছি, স্মার !’ বলে যে সেট ট্রে’র উপর সাজিয়ে রেখে দেখিয়েছিল সেইটে তুলে নিয়ে গুদোমঘরে অদৃশ্য হলো। দু-মিনিট পরেই আরেকটা আরো বাড়িয়া ট্রে’র উপর সাজিয়ে নিয়ে এল গ্যাটার সেট্।

তালেবর ছোকরা করেছে কি, এবারে ঐ আগেকার সেটই উন্টে করে সাজিয়েছে, অর্থাৎ টী-কাপগুলোর আঙটাগুলো রয়েছে খদ্দেরের বাঁ দিকে; তার মানে, খদ্দের বাঁ-হাত বাড়ালে আঙুল ঠিক আঙটার যথাস্থানে পড়বে।

গ্যোবলস্ বাক্যব্যয় না করে যথামূল্যে সেট্ কিনে নিলেন।

বেরিয়ে এসে বললেন, ‘দেখলেন ইহুদিটার চালাকিটা?’

হিটলার অতিশয় সরল দরদী কণ্ঠে বললেন, ‘চালাকিটা আবার কোথায়? বেচারী আর্থের গ্যাটা সেট্ ছিল না ঠিক, তো সে আর করবে কি?’

* * *

এবারে সিরিয়স কথা :—ব্যাটারা বলে, তারা নাকি আর্থোস্তম। আরে মোলো, আর্থোস্তম যদি হবিই, তবে সর্ব-আর্থের—তা সে গ্রীকই হোক, লাতিনই হোক কিংবা তাদের বহু পূর্বের মিটানির হিটাইটই হোক—সর্বপ্রাচীন সংহিতা চতুর্বেদ আছে ভারতীয় আর্থের শ্রুতিতে ভিন্ন অল্প কোন্ ‘আর্থ’ গৌসাইয়ের খট্রাঙ্গ প্রত্যঙ্গে?

কিন্তু, আমরা তো দিয়েছি আশ্রয়—প্রথম ইহুদিরা যখন জীবনমৃত্যুবস্থায় নিমজ্জমান তরুণীতে করে বোম্বাই উপকূলে পৌঁছয়। গ্যাস-চেষ্টারের কথা এই দু বা আড়াই হাজার বছর ধরে আমাদের মাথায়ই খেলল না! তবে, ই্যা, এদানিঃ কেউ কেউ বলেন, আমরা যে অস্বদেশে ইজরায়েল প্রেসিডেন্টের শুভাগমনোপলক্ষে

উল্লেখ করে 'লুক' করি নি সেটা, গ্যাস-ফেয়ারে পোরার চেয়েও সখৎ ওনাহ!
তোবা ! তোবা !!

৩০।৪।৬৬

ভাষা

হাট-বাজার, শাক-সবজি,* দান-খয়রাৎ, দুধ-দরদ, ফাঁড়া-গদিণ, মান-ইজ্জৎ,
লজ্জা-শরম, তাই-বেরাদির, দেশ-মুহুক, ধন-দৌলত, রাজা-বাদশা, রুড়-তুকান, হাসি-
খুশী, মায়্যা-মহব্বৎ, জন্তু-জানোয়ার, সীমা-সরহদ্—ইত্যাদি ইত্যাদি।

এস্থলে লক্ষ্য করার প্রথম তত্ত্ব এই যে, প্রত্যেক সমাসের প্রথম শব্দটি খাঁটি দিল্লি
ভারতীয় শব্দ ; হাট, শাক, দান, দুধ, মান, লজ্জা, দেশ ইত্যাদি এবং দ্বিতীয় শব্দটি
যাবনিক (আরবী, পার্সী, তুর্কী, হীক্ৰ গয়রহ্), যেমন বাজার, সবজী, মুহুক, দর্দ,
ইত্যাদি। এবং দুটি শব্দই প্রায় সমার্থস্থচক।

তাহলে প্রশ্ন, এ 'কুকর্মের' কি প্রয়োজন ?

আমরা যখন সাধারণের কোনো অজানা ভাষা থেকে উদ্ধৃতি দিই, তখন বাঙলা
অনুবাদটি দি তার পরে। তাই আমরা যদি ইংরিজী প্রবন্ধে সংস্কৃত বা বাঙলা
উদ্ধৃতি দিই দি, তবে ইংরিজী অনুবাদটি দি পরে। অর্থাৎ যাকে বৌদ্ধিক যাক্
তাব ভাষা আসে পরে।

তা হলে মনে করুন, মুসলমান আগমনের কিছুকাল পরে কোনো হিন্দু (বা
নবদীক্ষিত মুসলমানও হতে পারে, কারণ হিন্দু ধর্মবর্জন করে মুসলমান হয়ে গেলে
রাতারাতি তার আরবী পার্সী রপ্ত হয়ে যায় না) গেল মুসলমান শাসন-কর্তার
কাছে বিচারের আশায়। বললে, 'ধর্মাবতার, হজুর !—দেশ—' বলেই থমকে
দাঁড়ালো। ভাবলে 'হজুর কি 'দেশ' শব্দটা জানেন ? হজুর তো হাট-বাজারে
ঘোরাঘুরি করে দিল্লী শব্দ শেখবার ফুর্সৎ পান না'—(অথচ আমাদের হিন্দুটি পেটের
দায়ে, কাজের তাড়ায় বিদেশাগত মুসলমানদের সঙ্গে মেলামেলা করার কলে কিছু
কিছু যাবনিক শব্দ শিখে গিয়েছে) তাই 'দেশ' বলে থমকে গিয়ে বললে 'মুহুক'—
ওটা হজুরের যাবনিক শব্দ। অতএব শেষ পর্যন্ত তার নিবেদন দাঁড়ালো, 'দেশ-

* কিন্তু শাক-ভাত, শাক-পাত, শাক-পাত্তেড়ে, শাকার, শাক-মাহ অস্ত সমস্তার অস্ত !
হানাতাব না হলে সেটিরও আলোচনা করা হবে।

মুহুর্ত ছাড়াই হয়ে গেল। রাজা-বাদশা (আবার রাজা বলে ধমকে গিয়ে যাবনিক 'বাদশা' বললে) আমাদের মত কাঙাল-গরীবের (গরীব আরবী) দুখ-দরদ (দরদ, দর্দ কার্গী) কে বুঝবে ? আমাদের মান-ইজ্জৎ (ইজ্জৎ আরবী) ধন-দৌলৎ (দৌলৎ যাবনিক) সব গেল। মেয়েছেলের লজ্জা-শরম (শরম যাবনিক) ও আর বাঁচে না। রাস্তায় বেরোলেই দেখতে পাবেন, কারো মুখে হাসি-খুশী (খুশী কার্গী) নেই। হজুর অনুমতি দেন—ভাই-বেরাদর (বেরাদর কার্গী) নিয়ে মগের মুহুর্তে চলে যাই।'

মনে করুন, কথার কথা কইছি, হজুর সত্যকার হজুর ছিলেন। হাজার দিবে প্রতিবিধান করলেন।

আমাদের বঙ্গসম্প্রদায়টি বাড়ি কিরে গৃহীণীকে আনন্দে উগমগ হয়ে বললে, 'বুঝলে গিন্নী, হজুর যা আমার খাতির—' (বলেই ধমকে দাঁড়ালো ; হজুরের দরবারে 'খাতির' কথাটি খুবই চালু, সেইটেই এতক্ষণ ধরে দরবারে সে শুনেছে, তাই হুম করে সেটা ব্যবহার করে হুশিয়ার পড়লো, গিন্নী তো যাবনিক শব্দটা বুঝবে না, গিন্নী তো হাট-বাজারে গিয়ে যবনের সঙ্গে মেলা-মেশা করে এসব শব্দ শেখে নি—তাই সঙ্গে সঙ্গে বললে) 'যত্ন—হজুর যা খাতির-যত্ন করলেন কি বলবো। আবার দোকান (ফের মুশকিল—দোকান কার্গী শব্দ, তাই বললে 'হাট' (হট)-হাট খুলবে,—কোনো চিন্তা করো না গিন্নী। নারায়ণ, নারায়ণ !'

এ যুগে আবার কিরে আসবো। কিন্তু তার পরবর্তী যুগে দেখুন, ইংরেজ boss-কে বলছি, 'শ্রম। আমি উকিল—(বলেই ধমকে দাঁড়ালুম, উকিল যতপি আসলে আরবী শব্দ, এদানির ইটি খাটি বাঙলা, শ্রম কি বুঝবেন ?—তাই হস্তস্বত হয়ে বললুম) ব্যারিস্টার (উকিল-ব্যারিস্টার) লাগিয়েছিলুম। ষটি-(ঐ য্ যা। শ্রম বুঝবেন কি ?) গেলশ (glass—এবারে শ্রম বুঝবেন।)—ষটি-গেলশ বন্ধক দিয়েছি—তেনাদের জন্তু এরেক (ফের ইংরিজী 'ব্রাণ্ডি')-ব্রাণ্ডি, বিড়ি-সিগারেট (ষিটীয়টা ইংরেজী) যা গেছে সে আর বলে কাজ নেই।'

এই সব বলে করে তো ছুটি নিয়ে দেশে গেলুম।' প্রথমেই ঠাকুরমাকে পেল্লাম।

বললুম, 'ঠাকুরমা, পরে সব শুছিয়ে বলবো, এই বেলা শুনে নাও সংক্ষেপে। বঙ্গ মাসীর গুণধর ছোট ভাইটি নিয়েছেন ফ্ল্যাট (আবার সেই হাঙ্গামা—ঠাকুরমা তো 'ফ্ল্যাট' বুঝবে না, অতএব বললুম), ফ্ল্যাটবাড়ি। আমাদের কাজকে না শুনিবে করেছেন বিয়ে। কিন্তু ঠাকুরমা, মেয়েটি কী সুন্দর। একেবারে ডল (doll—সর্বনাশ,

ঠাকুমা তো বুঝবে না, তা হলে 'পুতুল' বলি)-পুতুলের মত । কিন্তু হলে কি হয় ! গুরু আছেন, ধন্যো আছেন । ব্যস ! এল তেড়ে টাইকয়েডজর (টাইকয়েড তো জরই বটে—তবু ঠাকুমা যদি না বোঝেন, অতএব 'জর'টা বলতে হল) ; তুমি ভাবছো আমরা কিছুই করি নি । ডাক্তার (আবার সেই বিপদ, তাই বলতে হল) বক্তি (ডাক্তারবক্তি) নিয়ে এলুম । কিন্তু কিছুতেই কিছু হল না ।'

তাই আবার নিবেদন করছি, যাকে বোঝাচ্ছি তার বোধ্য শব্দটি আসে পরে ।

এটা কিছু নতুন ভাব, আমাদের দেশের আজগুবি ব্যাপার নয় । ইংলেণ্ডেও নরমান বিজয়ের পর ইংরেজ যখন বিদেশী হুজুরের কাছে গিয়ে করিয়াদ বা রিপোর্ট দিত, তখন বলতো, 'He is very meek and humble (meek খাটি ইংরিজি, কিন্তু humble বিজয়ী নরমানদের শব্দ), Sir, but it is odd and strange (odd ইংরিজী, strange নরমান), that although we thought it meet & proper (meet ইংরিজী, proper নরমান) that we should search every nook and corner (nook ইংরিজী, corner নরমান), our sorrow and grief (sorrow ইংরিজী, grief নরমান) know no bound that we did not find him.'

তফাৎ শুধু এইটুকু যে ইংরেজ তখন দিশী ও বিদিশী শব্দের মাঝখানে and বসিয়েছে—meek and humble, odd and strange ; আমরা বাঙালীরা 'and' 'এবং' বসাই নি ; আমরা বলেছি, হাসি-খুশী, মান-ইজ্জৎ, দেশ-মুল্লুক ।

পাঠক কিন্তু ভাববেন না, আমাদের সব সমাসই এ রকম ।

জল-পানি, বাজার-উটকো, মাল-মশলা, ঘটি-বাটি, টোল-চতুপাঠী, মস্তব-মাদ্রাসা, ইস্কুল-কলেজ অল্প ধরণের সমাস ॥

১২/৩/৬৬

কবিগুরু ও নন্দলাল

রসার্চাৰ্য নন্দলাল বসুৰ জীৱন এমনিই বহু বিচিত্ৰ ধাৰায় প্ৰবাহিত হৈছে, তিনি এতিই নব নব অভিধানে বেৰিয়েছেন যে তাৰ পৰিপূৰ্ণ পৰিচয় দেওৱা যে অতি কঠিন, শ্ৰমসাধ্য ও সময়সাপেক্ষ। তদুপৰি যিনি সে পৰিচয় দিতে যাবেন তাঁৰ সৰ্বসম্বন্ধে অপৰ্যাপ্ত কোঁতুহল ও সে রস ৰস দান কৰাৰ মত অপ্ৰচুৰ স্পৰ্শ-কাতৰতা থাকিব একান্ত, অত্যন্ত প্ৰয়োজন। মানব সমাজে নন্দলাল ছিলেন স্বল্পভাষী তথা আত্মগোপনপ্ৰয়াসী—তাঁৰ নীৰবতাৰ বৰ্ম ভেদ কৰে তাঁকে সৰ্বজন সম্মুখে স্বপ্ৰকাশ কৰাৰ মত ক্ষমতা, সে প্ৰকাশৰ জন্ত প্ৰয়োজনীয় শৈলী ও ভাষাৰ উপৰ অধিকাৰ এ-যুগে অত্যন্ত আলংকাৰিকৰেই আছে। আমাদেৱ নেই; আমাৰা সে দুঃসাধ কৰি নে।

আমাৰা তাঁকে চিনেছি, গুৰু ৰূপে, রসসৃষ্টিৰ জগতে বহু বিচিত্ৰ পৰীক্ষা-নিৰীক্ষায় সতত ৰত স্ৰষ্টা ৰূপে এবং কবিগুৰুৰ অন্ততম শ্ৰেষ্ঠ শিষ্য ও সহকৰ্মী ৰূপে। ৰবীন্দ্ৰনাথ তাঁৰ বিশ্বভাৰতীতে প্ৰধানত পণ্ডিতদেৱেই আমন্ত্ৰণ জানিয়েছিলে—আচাৰ্য বিধুশেখৰ, ক্ষিত্তিমোহন, অ্যানড্ৰুজ, কলিন্স, শ্ৰামেৰ ৰাজগুৰু, উইনটাৰনিংস, লেভি, গোস্বামী নিত্যানন্দ, জগদানন্দ ইত্যাদিকে। এঁদেৰ কেউই ৰসস্ৰষ্টা ছিলেন না, এমনি কি যে দিনেৰুনাথ সঙ্গীতে, কাব্যে অসাধাৰণ সৃজনশক্তি ধৰতেন তিনি পৰ্যন্ত তাঁৰ নিজস্ব সৃজনশক্তিৰ ধাৰ ৰুদ্ধ কৰে সৰ্বক্ষমতা নিয়োজিত কৰেছিলে ৰবীন্দ্ৰনাথ সঙ্গীতেৰ ৰক্ষণাবেক্ষণ কৰ্মে। একমাত্ৰ নন্দলালই এই পৰিপূৰ্ণ পাণ্ডিত্যময় বাতাবৰণেৰ মাৰ্গধানে অপ্ৰমত্ত চিন্তে আপন সৃষ্টি কৰ্মে নিয়োজিত ছিলেন।

ৰবি নন্দ সম্মেলন যেন মাণকাঞ্চন সংযোগ। এ তত্ত্ব অনস্বীকাৰ্য যে ৰস কি, চিত্ৰে, প্ৰাচীৰ গাত্ৰে তথা দৃশ্যমান কলাৰ অগ্ৰাণ্ঠ মাধ্যমে তাকে কি প্ৰকাৰে মূৰ্ত্তয় কৰা যায় এ-সম্বন্ধে নন্দলাল তাঁৰ গুৰু ৰবীন্দ্ৰনাথৰ কাছে উৎকৃষ্টতম শিক্ষাদীক্ষা লাভ কৰেন। তাই নন্দলাল শাস্তিনিকেতনে আগমন কৰাৰ পূৰ্বেই বঙ্গদেশ তথা ভাৰতে সুপৰিচিত ছিলেন ও পশ্চিমৰ বহু সদাজাগ্ৰত ৰসিকজনৰ মুগ্ধ দৃষ্টি আকৰ্ষণ কৰতে সক্ষম হৈছিলে। কিন্তু কবিগুৰুৰ নিত্যালপী সখা, সহকৰ্মী ও শিষ্য ৰূপে শাস্তিনিকেতনে আসন গ্ৰহণ কৰাৰ পৰ তাঁৰ চিন্ময়ভুবন ধীৰে ধীৰে সমৃদ্ধতৰ হতে লাগলো ও ৰবীন্দ্ৰনাথ পণ্ডিতমণ্ডলীৰ সংস্পৰ্শে এসে তিনি এমনি সব বিষয়বস্তুৰ সজে

পরিচিত হলেন যেগুলো সচরাচর সাধারণ আর্টিস্টকে আকৃষ্ট করে না। একটি মাত্র উদাহরণ নিবেদন করি : ব্রহ্মা রবীন্দ্রনাথ ভারতবর্ষের ইতিহাসের ধারা সম্বন্ধে একাধিক প্রবন্ধ লিখেছেন, বিশ্বভারতীর সাহিত্য সভায় তথা অগ্ন্যান্ত জ্ঞানচক্রে শতাধিকবার আলোচনা করেছেন, তর্কবিতর্ক উত্থুৎ করেছেন। ১৯২১ থেকে পূর্ণ কুড়িটি বৎসর এসব সম্মেলনে নন্দলাল উপস্থিত থাকতেন, কিন্তু আমি তাঁকে কখনো (১৯২১-২৬) এ সবতে অংশ গ্রহণ করতে দেখি নি।

অথচ ১৯৩৬।৩৭-এ বরোদার মহারাজা যখন তাঁকে সেখানকার কীর্তিমন্দিরে দেয়ালছবি (ম্যুরাল) আঁকতে অস্বরোধ করলেন তখন তিনি চার দেয়ালে এঁকে দিলেন ‘ভারতবর্ষের ইতিহাসের ধারা’। ১। ‘গঙ্গাবতরণ’ (গঙ্গা বিনা যে ভারতে আৰ্যসভ্যতার পতন ও বিকাশ হত না সে কথা বলাই বাহুল্য), ২। ‘কুরুক্ষেত্র’, ৩। ‘নটীর পূজা’, ৪। ‘মীরাবাই’ (‘সম্বন সঙ্গ বৈঠ বৈঠ লোক লাজ ধোঁঙ্গি’—চিত্রে)। আৰ্য, হিন্দু, বৌদ্ধ, মধ্যযুগীয় ভক্তি এই চার দৃষ্টিবিন্দু থেকে নন্দলাল দেখেছেন ভারতের সমগ্র ইতিহাস।

কিন্তু এহ বাহু। আসলে যতপি চিত্রের মাধ্যমে রসসৃষ্টি সম্বন্ধে নন্দলাল পরিপূর্ণ শিক্ষাদীক্ষা গুরু অবনীন্দ্রনাথের কাছ থেকে পেয়েছিলেন, সে রস কাব্যে, সঙ্গীতে, নৃত্যে কি ভাবে প্রকাশ পায় সেটি তিনি দেখতে পেলেন দিনের পর দিন, বহু বৎসর ধরে শাস্তিনিকেতনে। রসের প্রকাশে কোন কলার অধিকার কতখানি নন্দলাল সে সম্বন্ধে পরিপূর্ণ মাত্রায় সচেতন হলেন শাস্তিনিকেতনে, রবীন্দ্রনাথের সাহচর্যে। কারণ রবীন্দ্রনাথ প্রকৃত আলঙ্কারিকের (নন্দনভঙ্জের) গায় রস নিয়ে আলোচনা করার সময় নিজেকে সাহিত্য, সঙ্গীত বা নাট্যরসের মধ্যে সীমাবদ্ধ রাখতেন না। স্বনামধন্য স্টেলা ক্রামরিশের সঙ্গে তিনি দিনের পর-দিন রস নিয়ে যে আলোচনা (হোয়াট ইজ আর্ট ?) করেন তাতে টলস্টয়ের অলঙ্কার শাস্ত্রও বাদ পড়তো না এবং তিনি বেটোকনের ‘ক্রয়েৎসার সনাটা’-র বিরুদ্ধে যে মস্তব্য প্রকাশ করেন সেটিও উভয়ের মধ্যে আলোচিত হত। এসব আলোচনা সাধারণত হত বিশ্বভারতীর সাহিত্য সভায়—এবং নন্দলাল সে-স্থলে নিত্য-নীরব শ্রোতা। সে-সময় নন্দলালের চিন্তাকুটিল ললাটের দিকে দৃষ্টি নিক্ষেপ করলেই স্পষ্ট বোঝা যেত, আর্ট সম্বন্ধে তাঁর যা ধারণা, অভিজ্ঞতা, তাঁর যা আদর্শ সেগুলোর সঙ্গে তিনি এ-সব আলোচনার মূল সিদ্ধান্ত, মীমাংসাহীন জল্পনা-কল্পনা সব কিছু মিলিয়ে মিলিয়ে দেখেছেন।

স্পষ্টই প্রতীয়মান হয়, নৃত্য ঘটখানি গতিশীল (ডাইনামিক) চিত্র ততখানি

হতে পারে না। পক্ষান্তরে নটনটী রঙ্গমঞ্চ থেকে অন্তর্ধান করার সঙ্গে সঙ্গেই তার ভাঙ্গুমতী থেকে যায় শুধু স্মৃতিতে—বাস্তবে সে অবলুপ্ত। কিন্তু চিত্র চোখের সামনে থাকে যুগ যুগ ধরে—এবং চিত্রের মত চিত্র হলে প্রতিবারেই যে তার থেকে আনন্দ পাই তাই নয়, প্রতিবারেই সেই প্রাচীন চিত্রে নব নব জিনিস আবিষ্কার করি, নিত্য নিত্য নবীন রসের সন্ধান পাই। তাই কোনো নৃত্য-দৃশ্য যদি চিত্রে সার্থকরূপে পরিষ্কৃত করা যায়, তবে মঞ্চ থেকে অন্তর্ধান করার সঙ্গে সঙ্গে যে-চিত্রের চিরতরে অবলুপ্ত হওয়ার কথা ছিল, সে হয়ে যায় অক্ষর অমর। কিন্তু ‘চিত্রে সার্থকরূপে পরিষ্কৃত’ করার অর্থ, সে যেন কটোগ্রাফ না হয়—তা হলে মনে হবে, নর্তক-নর্তকী নৃত্যকলা প্রকাশ করার সময় হঠাৎ যেন মুহূর্তেক তরে পাবাণ পুষ্ট-লিকায় পরিণত হয়ে গিয়েছিলেন। যারাই নন্দলালের ‘নটীর পূজা’ চিত্রটি প্রাচীর গায়ে দেখেছেন, তাঁরাই আমার সামান্য বক্তব্যটি সম্যক উপলব্ধি করতে পারবেন। সে চিত্র তো স্টাটিক নয়, ‘স্তুম্ভিত’ নয়—বস্তুত তার দিকে অনেকক্ষণ তাকিয়ে থাকলে মনে হয়, এই বুঝি নটী আরেকখানি অলঙ্কার গাত্র থেকে উন্মোচন করে দর্শকের দিকে, আপনারই দিকে অবহেলে উৎক্ষেপ করবে, এই বুঝি মৃদঙ্গে ভিন্ন ভিন্ন ভিন্ন লয়ের ইন্দ্রিত ভেসে উঠবে আর সঙ্গে সঙ্গে নটী তার নৃত্য ক্রমতর করে দেবে, লাস্ত্র-নৃত্য তাণ্ডবে পরিণত হবে, মন্দমহুর ‘নমো হে নমো’ অকস্মাৎ অতিশয় ক্রম ‘পদযুগ ঘিরে, ‘চক্রভাঙ্গু’র মদমস্ত নৃত্যে নবীন বেশ গ্রহণ করবে।

বস্তুত আপন মনে তখন প্রশ্ন জাগবে, নন্দলাল মঞ্চে বিভাসিত যে-নৃত্য স্বচক্ষে দেখেছিলেন, সে নৃত্য কি সত্যিই এতখানি প্রাণবন্ত, উচ্ছ্বসিত—শাস্ত থেকে মহুর, মহুর থেকে উন্মত্ত—প্রাবন বেগে ধাবিত ছিল, না তিনি অঙ্কন করেছেন তাঁর নিঃস্ব কল্পলোকের মৃগয় নৃত্যের আদর্শ প্রকাশ।

*

*

সুন্দরের পরিপূর্ণ আনন্দ-রূপের ধ্যানের বীজমন্ত্র নন্দলাল গ্রহণ করেন কবিগুরু কাছ থেকে। এবং তার সর্বোচ্চ বিকাশে সে বীজের যেন কোনো চিহ্নই নেই। সে যেন পত্রপুষ্পে বিকশিত মহীকুহ।

এবং একমাত্র নন্দলালই তাঁর গুরুর উপরও প্রভাব বিস্তার করেছিলেন। সকলেই জানেন, পরিপূর্ণ বৃদ্ধ বয়সে কবি রবীন্দ্রনাথ চিত্রের মাধ্যমে আপন সৃজনী শক্তি প্রকাশ করেন। কিন্তু কবির প্রভাবে ছবির নন্দলাল তো কখনো কবিতা রচনা করেন নি। ॥

খেলেন দই রমাকান্ত

ইহুদি যাজক সম্প্রদায়ের সুপুত্র শ্রীযুত লেভির সঙ্গে তাঁর বাড়িতে খানা খেতে যাচ্ছি। তাঁর আছে গল্পের অফুরন্ত ভাণ্ডার। তারই একটা ছাড়লেন :

“জারের আমলে রববার দিন গির্জায় গেছে গ্রামের সবাই। রুশ জাতটা একদা ছিল বড়ই ধর্মানুরাগী। কুলোকে বলে, কুসংস্কারাচ্ছন্ন, ভূতপ্রেত-তাবিজ-কব্জে-বিশ্বাসী উজবুকের ভায়রা ভাই। এবং সাতিশয় পাষণ্ডেরা বলে, সেই প্রাচীন কুসংস্কারই আজ তাদের টেনে নিয়ে যায় লেভিনের দর্গায় শির্গা চড়াতে। তা সে থাকগে—মোদ্দা কথা : তারা কায়মনোবাক্যে বিশ্বাস করে, তাদের গাঁয়ের পাত্রী সায়েব যা বলেন তাই আপ্তবাক্য। যত্বাপি এসব পাত্রীদের অনেকেই নিজের নামটি পর্যন্ত সই করতে পারে না—”

আমি শুধালুম, “নিরক্ষর জন গির্জায় ধর্মোপদেশ দেয় কি প্রকারে ?”

বললেন, “আশ্চর্য ! রাসপুতিন যে কী মাথার ঘাম পায়ে কেলে কুলে আড়াই আউন্স বাইবেল গলধঃকরণ করতে পেরেছিলেন সে না হয় পড়ানি, তাই জানে না। নিচ্ছেভো—অর্থাৎ কুছ পরোয়া নেহী। সেই আড়াই আউন্স বাইবেল ডাইলুট করে তিনি মহারাণী জারীনা মায় জার প্রাসাদ জয় করলেন। তাঁকেও নাম সই করতে হলে ঘেমে নেয়ে কাঁই হতে হতো।

আর এরই উল্টো দিক—অর্থাৎ ভালোর দিকের সর্বশ্রেষ্ঠ উদাহরণ খুঁজতে হলে অন্তত তোমাকে তো আর উত্তর মেরু থেকে দক্ষিণ মেরু অবধি মাকু মারতে হবে না। তোমার নবী পয়গম্বর তো ছিলেন সম্পূর্ণ নিরক্ষর ! তা সে থাকগে।

সে রববারে পাত্রি সায়েবের সারমন বা বক্তৃতার বিষয়বস্তু ছিল ইহুদির কী অন্যায়াভাবে প্রভু যীশুকে ক্রুশের উপর খুন করলো। এ বিষয়ে বক্তৃতা শিক্ষিত অশিক্ষিত সব পাত্রিই দেন। তকাত শুধু এইটুকু যে, শিক্ষিত পাত্রি জানেন, প্রভু যীশু ক্রুশের উপর থেকে তাঁর হত্যাকারীদের ক্ষমা করে গিয়েছিলেন। তাই তিনি বক্তৃতা দেবার সময় সতত সতর্ক থাকেন, অজ্ঞ খুঁটানগণ যেন উত্তেজিত হয়ে ইহুদি নির্যাতন আরম্ভ না করে। কিন্তু ঐ যে রুশ পাত্রীর কথা বলছিলুম তিনি সেদিন উঠে পড়ে লেগে গিয়েছেন, কি প্রকারে মূঢ় জনতাকে প্রতিহিংসা-

পরায়ণ করে তোলা যায়। অবশ্য তার জন্ম অত্যধিক বাগ্মিতা শক্তির কোনো প্রয়োজন নেই—কারণ রুশ দেশে আবহমান কাল থেকে ইহুদিবৈরিতা বংশান্তক্রমে চলে আসছে। কাজেই সারমন শেষেই বিক্ষুব্ধ চাষীরা একজোট হয়ে ধাওয়া করলো মাঠের অন্ত প্রান্তের খাস ইহুদি গ্রামটার দিকে। দূর থেকে তাদের চিৎকার হুকার শুনে ইহুদিরা ব্যাপার কি জানবার জন্ম গ্রাম থেকে বেরিয়ে এল। তাদের চিৎকারে তখন পরিষ্কার শোনা যাচ্ছে—“খুন করবো, ব্যাটারদের খুন করে রক্ত দিয়ে রক্তের দাদ নেব।”

সবাই একে অণুকে চেনে। তাই ইহুদি গাঁওবুড়ারা করজোড়ে শুধালে, ‘আমরা কি অপবাদ করেছি যে আমাদের খুন করবে, এতকাল ধরে পাশাপাশি গ্রামে বাস করছি—’

উত্তেজিত জনতা বললে, ‘চালাকি রাখো। তোমরা আমাদের প্রভুকে খুন করেছ, তার দাদ আমরা নেবই নেব।’

যেন পশু দিনের ঘটনা।” লেভি গল্প বলা ক্ষান্ত দিলেন। কারণ হঠাৎ পিটির পিটির করে বৃষ্টি নামলো। এই গোড়ার দেশে মনশ্বূন নেই বলে বারো মাসের যে কোনো দিন আচমকা বৃষ্টি নামে। আমি বললাম, “চলুন হার ডক্টর, ট্রাম শেড্-এ আশ্রয় নি।”

বললেন, “ছোঃ। কিস্তি জানো না। ইহুদিরা ছাতা কেনে না কেন, তার ধবর রাখো? খৃষ্টানদের বিশ্বাস, ইহুদিরা এমনই দুর্দান্ত চালাক যে, বৃষ্টির ফাঁকে ফাঁকে জামাকাপড় বাঁচিয়ে দিব্য চলাকেরা করতে পারে। তারপর কি বলছিলুম?—সেই রুশ ইহুদিদের কথা। তারা ছিল সত্যই চালাক। চট করে ভেবে নিয়ে দেখলে, ঐসব জড়ভরত কেবেরস্তান রুশদের বোঝানো হবে অসম্ভব, ঘটনাটা ঘটেছে দু’ হাজার বছর পূর্বে, রুশ দেশে নয়—বহু দূর-দূরান্তরের প্যালেস্টাইনে—যারা মেরেছিল, তারা সেই দেশ ছেড়ে কবে কোন্ আশ্রয়গে ছড়িয়ে পড়েছে পৃথিবীর সর্বত্র, বিয়ে করেছে জাতেবেজাতে—এখন যাদের ঠ্যাঙাতে যাচ্ছে—” আমি বললুম, “বুঝেছি। খেলেন দই রমাকাস্ত, বিকারের বেলা গোবদন।”

লেভি বললেন, “লাখ কথার এক কথা।”

অতএব ইহুদি ডাঙরিয়ারা হস্তদস্ত হয়ে বললে, ‘ইহুদিরা প্রভু বীণকে না হক খুন করেছিল, এতো অতিশয় সত্য কথা—বিশ্ব-সংসার জানে। কিন্তু তাই, তোমরা করেছ ভুল। আমরা, এ গায়ের লোক, গুঁকে মারি নি—তা কখনো পারি।’

মেয়েছে—’ বলে আঙুল দিয়ে দেখালে পাশের গাঁ। বলল, ‘মেয়েছে ঐ ও—ই গায়ের ইহুদি রাঙ্কলরা!’ বুঝলে তো ভায়া?” বলে লেভি গম্ভীর হয়ে গেলেন।

আমি একগাল হেসে বললাম, “যা শত্রু পরে পরে। কিন্তু গল্পটা তো সে রকম কাঁকালো না—আপনার সেদিনকার রাঙ্কি, জানলার শার্সি আর আয়নাতে তাকাং নিয়ে গল্পটার মত?”

লেভি বললেন, “ক্যারেকটারিস্টিক গল্পের কান্‌কশন হচ্ছে কোনো বিশেষ জাত বা শ্রেণী বা যা-ই হোক না কেন, তার ক্যারেকটার, তার বৈশিষ্ট্য ফুটিয়ে তোলা। ভেড়ার বাচ্চা আর নেকড়ে বাঘের মধ্যে তকাতকি নিয়ে বে গল্প ঈসপ লিখেছেন, সেটাতে কাঁক কোথায়? কিন্তু গল্পটা সাতিশয় ক্যারেকটারিস্টিক—অর্থাৎ ভেড়া আর নেকড়ের ক্যারেকটার ওতে চমৎকার ফুটে উঠেছে—নইলে গল্পটা দেশ-দেশান্তরে ছড়িয়ে পড়লো কি করে, আর এত যুগ ধরে বেঁচে আছেই বা কি করে? আমি রুশ ইহুদিদের সম্বন্ধে যে গল্পটা বললুম—গল্প না হয়ে সত্য ঘটনাও হতে পারে—সেটা কিন্তু সর্ব-ইহুদিদের সম্বন্ধেই প্রযোজ্য! বিপদকালে তারা এক হতে তো জানেই না, বরঞ্চ নিজকে বাঁচবার জন্য তার জাতভাই অন্য ইহুদিকে বিসর্জন দিতেও তার বাধে না।”

আমি বললুম, “উহু।”

“মানে?”

আমি বললুম, “আমার দেশ বাঙালার উত্তর প্রান্তে এক শ্রেণীর ব্রাহ্মণ আছেন, তাঁদের সম্বন্ধে বলা হয়, স্বার্থ থাক আর নাই থাক, তাঁরা একে অন্যের সাহায্য কল্পিনকালেও করেন না। একটা নদ পেরুবার সময় নাকি পর পর পাঁচজন ব্রাহ্মণ একটা পাথরে ঠোকর খান, কিন্তু কেউই পরের জনকে হুঁশিয়ার করে দেবার প্রয়োজন বোধ করেন নি। শেষটায় একজন যখন ‘বাপরে’ বলে অন্যদের সাবধান করে দিলে, তখন তাঁরা সবাই সম্মুখে চিংকার করে বললেন, ‘ব্যটা নিশ্চয়ই আমাদের শ্রেণীর ব্রাহ্মণ নয়’। তখন ধরা পড়লো, সত্যি, সে অন্য শ্রেণী ব্রাহ্মণ—বর্গচোরা আঁবেয় মত এঁদের সঙ্গে মিশে এঁদেরই একজন হতে চেয়েছিল। গল্পটা আপনারই সংজ্ঞা অহুয়ারী খুবই ক্যারেকটারিস্টিক বটে, কিন্তু আমার মনে এ বাবদে একটা খোঁকা রয়ে গেছে।”

লেভি বললেন, “তুমি দেখি হেরোডকেও হেরোডস শেখাতে চললে—অর্থাৎ যাকে বলে গুরুমারা বিদ্রোহে ওস্তাদ হয়ে উঠেছে। বুঝিয়ে বলো।”

আমি বললাম, “যে ব্রাহ্মণ শ্রেণীর গল্পটি আপনাকে বললাম, তাঁরা যে অতিশয় ভীত বুদ্ধি ধরেন, সে-বিষয়ে কোন সন্দেহ নেই, এবং বুদ্ধিমান জীব যাকেই একে বিশ্বাস করে। তাই আমি বহুকাল ধরে পর্যবেক্ষণ করে ছিঁর সিদ্ধান্তে পৌঁছলুম, এঁরা একে অণ্ডকে খুবই সাহায্য করে থাকেন—যেরকম ক্রীমিসনরা একে অণ্ডের প্রতি বড়ই সদয়—কিন্তু সে সাহায্যটি করেন অতিশয় সজোপনে। এবং অণ্ড শ্রেণীর ব্রাহ্মণরা যাতে করে এ-তথ্যটি আবিষ্কার না করতে পারেন, তাই তাঁরা নিজেরাই বাজারে একাধিক কামুফ্লাজ গল্প ছেড়েছেন এই মর্মে যে, তাঁদের ভিতর মারাত্মক ঐক্যাত্ম্য! তাই আমার মনে হয়, আপনি যে গল্প দিয়ে প্রমাণ করতে চাইলেন, ইহুদিরা সত্যবদ্ধ হয় না, সেটা স্বয়ং ইহুদিরাই তৈরি করেছেন, খৃষ্টানদের সন্দেহ না জাগানোর জন্য।”

ইহুদি আর স্বেচ্ছামেনের একটা মহৎ গুণ—তাঁদের নিয়ে কেউ রসিকতা করলে সেটা তারা উপভোগ করতে পারে। লেডি আমার সত্য-সিদ্ধান্ত শুনে হেসে বললেন, “এটা আজ খানা-টেবিলে আমি পেশ করবো। দেখি, ঠাকুন্দা-বাবা কি বলেন। কিন্তু জানো, এর থেকে একটা গুরুতর সমস্যায় উপনীত হওয়া যায়। তুমিই সেদিন প্রশ্ন করেছিলে, ইহুদিরা যে প্যালেস্টাইনে ‘হোম’ বানাতে চায়, সেটা ভালো না মন্দ? আমি বলেছিলুম, সময় এলে আলোচনা করা যাবে। তাই এখানে প্রশ্ন শুধানো যায়, পৃথিবীর সব ইহুদি এই হোম চায় কি না? এই দাবির পিছনে কি তারা ঐক্যবদ্ধ? তোমার প্যারা কবি হাইনে একদা এই আন্দোলনের সঙ্গে—ঠিক ঠিক বলতে গেলে ঐ আন্দোলনের আলোচনা-চক্রের সঙ্গে—সংযুক্ত হন। কিন্তু কিছুদিনের ভিতরই তিনি সে-চক্র থেকে নিজেকে মুক্ত করে ফেলেন। তার থেকে অবশ্য এটা বলা চলে না, প্যালেস্টাইনে ইহুদি হোম নির্মাণের ব্যাপারে তাঁর কোনো ঐক্য ছিল না। আসলে ব্যাপারটা অণ্ড ধরনের; সংখ্যালঘুদের ভিতর এক রকম লোক থাকে, যারা আপন সম্প্রদায়ের ক্ষুদ্র গণ্ডির ভিতর নিজেকে সীমাবদ্ধ করে রাখতে চায় না—তারা ভাবে, বাড়িতে বাপ-ভাই তো সে-গণ্ডি বানিয়ে রেখেছেনই, বাইরে গিয়েও তাঁদেরই জাতভাইদের সঙ্গে মিশে কি লাভ? আমার মনে হয়, হাইনের বেলা হয়েছিল তাই।” তারপর হঠাৎ রাস্তার উপরই থমকে দাঁড়িয়ে বললেন, “তোমার দেশে তুমিও তো লঘু সম্প্রদায়ের লোক। তুমি দেশে কাদের সঙ্গে মেলামেশা করো?” উত্তর দেবার পূর্বেই তিনি বললেন, “এ-বিষয় নিয়ে অনেকক্ষণ আলোচনা চলতে পারে, অতএব এটা এখন মূলতুবি থাক, কারণ, বাড়ি পৌঁছে গিয়েছি।”

বাউমশুল আলের শেষ প্রান্তে ছোট্ট একখানা ছিমছাম তেতলা বাড়ি ।
ল্যাচ কী দিয়ে দরজা খুলে বললেন, “স্বাগত জানাই তোমাকে । মজল হোক,
জয় হোক তোমার । তোমার বংশধর যেন অসংখ্য হয় ।” ।

২১।৫।৬৬ ॥
